

P S M L


1 5 O 3






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1329/A









Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1329/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1329/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1329/A

1329

A

A

N

16/c


92 Martin 600 18

1329


K













OTHONIS CASMANNI

70263

# ASTROLOGIA, CHRONOGRAPHIA ET ASTROMANTEIA.

SEV

Commentationum, Disceptationum-  
que Physicarum

*SYNDROMVS METHODICVS ET  
PROBLEATICVS.III.*

DE STELLARVM Natura, affectione, motibus,  
& effectibus.

*EX DEI VERBO, PHILOSOPHIS ET  
Astrologis, cum veteribus, tum præcipue recentiori-  
bus, liberius & sincerius philosophantibus  
affabre concinnatus.*

CVM TABELLA SYNOPTICA, TOTIVS  
huius commentationis methodum adumbrante.


*Cæsarea Maiestat. speciali privilegiato Indulto vallata.*



Prostat Francofurti  
In Officina M. Zachariae Palthenij.

Mat. 8.439.







MAGNIFICIS, AMPLISSIMIS ET  
prudentissimis viris,

HERMANNO SCHVE-  
MACHERO, IOANNI ESYCHIO,  
HENRICO ZABELIO, DANIELI  
a Bueren iun. inelytæ Reipub. Bremensis Consulibus  
&c. dignissimis, Dominis suis plurimum ob-  
seruandis, Salutem a Domino  
I E S V.

**S**ECVLVM hoc nostrum, Viri ma-  
gnifici, amplissimi ac prudentissimi,  
Domini perpetua mihi obseruantia  
colendi, multum habere scientiæ, parum vere **XB.**  
conscientiæ, senex quidam huius seculi Theo-  
logus non sine graui experientia testimonio  
vere pronuntiauit. In multis enim multa sci-  
entibus sopitus ille diuini iudicii sensus vider-  
tur. Recta, quæ nouimus, non facimus: vera,  
quæ didicimus, non sequimur. Conscientiæ  
parū, scientiæ satis. Vita fidei professioni haud  
respondet: deplorandus est præclaræ etiam sci-  
entiæ, in cuiuscunq; facultatis (ut appellant)  
viris etiam doctissimis, abusus. Ingratum se-  
culum ingrati gratiam pro tam diuino  
præstantis cognitionis munere, liberalissimo  
Deo suo refert. Longe profecto nunc splendi-  
):( 2



# E P I S T O L A

dius micat, omnium artium & doctrinarum iubar, quam retro anteactis seculis. Tantam vero scientiae lucem, lux illa illuminans omnem hominem venientem in hunc mundum λόγος, sine dubio accendit caelitus concessō & delapso studii & libertatis igne. Studium assiduum dico in inquirendo & inueniendo, in examinando & iudicando, non alienum tantum, sed proprium etiam, quo ipsi etiam veritatem in profundo latentem inuenire, inuentam iudicare, iudicatā amplecti & tueri laboramus, & ita proficimus.

Libertatem addo mentis & iudicii, impatientem tyrannicae seruitutis, qua plerumque homines instar mancipiorum & prosopolarum, iurant in verba magistri, cui mentē, linguam & iudicium omne vendunt: hac libertas suum quoque ingenium & iudicium libere & modeste adhibere, confirmati iudicii viro permittit. Studiosa hac libertate, & libero hoc seu liberali studio, pietatis sale consperso, noua est & praelustris artibus & doctrinis omnibus oborta lux.

Scientia salutis Christianorum, habet quidem Rectoris tenebrarum instinctu, suae, qua hodie gaudet, lucis osiores & rosores carnalem sophistici mandis sapientiam affectantes calumniarum stentoras, harmonistas, & scholiodo-



## D E D I C A T O R I A.

xos, peruerso studio libertatem illam affectantes: Interim tamen non desunt, Dei munere, Theologicae libertatis Verbo Dei innixa lucifera diuina iam in omnibus fidei partibus lucentis, pii assertores, Orthodoxi, qui verbi diuini sacrum canonem non obiter & oscitantur percurrunt, sed accurate & serio euoluunt, paginae utramque faciem intuenso, oculo utroque, & oculo non tam frontis, quam renatae mentis: loca cum locis, scopum cum scopo, verba cum verbis, antegressa cum secutis, & vicissim, studiose inter se componendo, donec veritas & mens attingatur Domini. Inuentam veritatem ut cum aliis communicent perspicue ad edificationem, facilioris & liberioris methodi regulam prudenter observant: unde radii caelestis veritatis diffunduntur splendidi in rudiorum ac paruulorum animos. *Tanta igitur hinc Dei beneficio scientiae salutaris copia.*

Prudentiae quoque iuris hoc tempore insignem factam esse lucis & perspicuitatis accessionem ex studiosa hac libertate ab ordinis didascalici observantibus iureconsultis, qui ut ampla illa Iuris & legum volumina methodice contraxere, ita in ijs, quae maxime foro nostro ac vsui inserviunt, iuridicarum disputa-



## E P I S T O L A

tionum ventilabro erudite & utiliter euentilandis etiamnum neq. publicæ, neq. priuatæ parcunt opera, Ampliit. Vestram non latet. Ad hanc studiosam libertatem videtis hodie accessisse illorum dexteritatem ac pietatē, qui humanas leges & ratione & auctoritate imperfectas esse dum intellexerunt, utilissimas diuinæ & humanæ iuris instituere collationes, & ex legibus poli, legum Soli epanorthoma quoddam depromserunt. Hinc perfectior Christiani iuris scientia. Quantam etiam proprium inquirendi & æstimandi studium Medice scientiæ facem prætulit hoc seculo nostro, & quantum illi incrementum laboriosa hæc iudicandi libertas in experiētia & obseruationibus attulerit, agnosceret vel rediuiuus Hippocrates: æ qui iudicij lance pōderemus Paracelsicorum operosam sedulitatem & libertatem, quæ in multis non suo caruit fructu: nihil hic dicam de sagacissimis & liberrimis Monspeliensibus, nihil de Fernelio Ambiano, Petro Seuerino, Foresto, & aliorum Medicorum laboriosissimis obseruationibus: unde ad scientiam suam huius seculi Medicus p̄claram accessionem facere potest.

In laudatissimam deniq. Philosophiam, Deus bone, quantam lucem, tuo beneficio, Socratici & Christiani nostri temporis Philo-



## D E D I C A T O R I A.

*sophi, veritatis, libertatis, ordinis & operose  
sedulitatis studiosissimi intulerint: norunt  
Schola ista, quib. hac syncerioris Philosophiae  
lux oborta est: nouistis & vos viri magnifici,  
qui magno cum fructu ipsi aliquando Phi-  
losophi Molani, qui mihi est alter Sturmius,  
Philosophicam lucem & laudem vidistis.*

*Huius ego etiā, me meo tamē pede metiens,  
studiosae libertatis & prudentis veritatis a-  
more captus, quoties mihi aliquid temporis  
supereſt a laboribus meae vocationis, studiis  
id Physicis consecrare consueui, rerumq; natu-  
raliū contemplatione oculos mentis meae mihi  
volupe est pascere. Elapso vero semestri astra  
me speculatorem habuere: abdididi itaque me  
in Physicam (non vero Mathematicam) si-  
derum caelestium contemplationem. Vſus sum  
hic qualicunque studio, vſus item Philosophi-  
ca libertate: cuius basin & regulam habui  
Verbum & Sapientiam Dei Creatoris, qui  
stellas in Expanso fecit & posuit: Experientis  
am sensuum non hallucinantium, & rationē  
legitime concludentem. Disceſſi, ut videbitis,  
plerunque a communi Peripateticarū Scho-  
larum opinione, libertatem hanc inquirendae  
veritatis amori meo condonate: condona-  
runt eandem aliis in eodem argumenti gene-*



# E P I S T O L A

reversantibus. Dania magno illi Ourania  
 Myſta Tychoſi Brahe: Anglia Ioanni Dee  
 Londenſi: Gallia Guilielmo Poſtello: Hiſpania  
 Hieronymo Monutio: Italia vero Franciſco  
 Patritio Romæ docēti: Germania noſtra Cor-  
 nelio Gemma Frifio, Michaeli Mæſthlino  
 Wirtembergico, Chriſtophoro Rothmanno  
 Illuſtriſs. Principis Lantgrauii Mathematico  
 & aliis multis: Aula denique Imperatoria  
 Maieſtatis Medico ſuo Thaddeo Hagecio idē  
 in cœli ſtellarumq; contemplatione liberaliter  
 conceſſit. Maiores illi quidem me: æmulo ta-  
 men horum magnorum minimo idem a vo-  
 bis concedi peto. Multa quidem fateor, vt  
 paradoxa inuenietis: ita in multis mihi mens  
 dubia hæret, ipſe mihi non ſatisfacio: leuius  
 multa, quam par eſt, pertractata, plurima  
 affirmata potius, quam confirmata videtur.  
 Paucorum tamen utilitas mihi ſpectāda po-  
 tius, quam multorum futilitas. Inuidiam et-  
 iam & iniquam cenſuram aliorum quid mo-  
 rarer, cum nemo vnquam quippiam tam  
 præclare egerit, vt idem omnibus placuerit?  
 in magnis deniq; voluiſſe ſat eſt.

Vobis vero viri magnifici & ampliſſimi  
 domini plurimum obſeruandi Astrologi-  
 cas meas has commentationes inſcribere &  
 nuncupare volui, vt hoc qualicumque mune-



# D E D I C A T O R I A .

re chartaceo, meam, pro egregia vestra Ampl.  
in me voluntate non obscure declarata, &  
præclaro de studijs meis factò iudicio, in tra-  
ctatione consiliorum de viris accersendis do-  
ctis ad scholam vestram iam afflictam, eidem  
V. A. gratitudinem quodammodo probarè  
& testatâ facerè. Et certe cui potius has phy-  
sicas stellarum contemplationes & disquisi-  
tiones offerre deberem, quam Vestra Amplit.  
cuius Reipub. laudatissima globus illustres  
continet stellas, primænam in se virtutis, pru-  
dentia, candoris & pietatis lucem collectam  
conglobatamque retinentes, quam pro dona-  
ta sibi mensura ac demensò suo in omnes incly-  
ta Reipub. vestra plagas diffundunt? cui in-  
quam potius hæc meam philosophicâ opellam  
dicarem, quâ amplissimis eius Reipub. admi-  
nistratorib. in cuius augusta sphaera, sol eius,  
quam colo, Philosophiæ sincerioris, quæ inquâ  
est officiosa & religiosa Christianæ pietatis  
ministra, & studiosa tum veræ in cõtemplâ-  
do, sapientiæ, ac in agèdo, prudētia, Primo mo-  
tore magno illo Molano S. memoriæ, radios  
suos lōge lateq. sparsit, deindeq. fatalibus his  
pulsis a Deo nubibus, clare libereq. sparget.

Accipite igitur, Magnifici & Amplissimi  
viri, Domini omni observantia honorandi,  
serena fronte vestro iure merito vobis inscri-



# E P I S T O L A

ptas de astris Philosophicas lucubrationes: aiunt n. in accipiendo aliquid esse libertatis, & nō minus liberale esse, parua ab amicis tenuioribus fronte hilari, cum offeruntur, accipere quam vel maxima dare: aiunt & parua Iouē pacare. Egdem, ut verum fatear, nominis vestri cum splendore cogitarem: veritus primum sum, ne, quid vestrae existimationi detrachere quod non magis V. Amp. suspicerem, quam ut tam exiguum munus ei vel inuita obtruderem, non secus atq; rustici quidam ineptiores solēt, qui cū egregie a se hospitem aliquem honoratū volunt, ita illū licet inuitum deprecantemq; pyris, malis alijsq; id genus minutijs a se oneratum dimittunt, ut in pondere ferendo vlla modo sit par, & omnino ruri hospitem non habere malit, quā huiusmodi subinde xenijs honorari. Verūtamen metū hūc exemit omnē solita vestra humanitas, vicit vestra erga me beneuolētia. Deus cæli & terræ, laudādus ille stellarū opifex Bremensē vestrā Remp. miserationū suarū oculis respiciat, malū ab ea omne auertat, oī vero benedictionū genere eam locupletet, vos rei literariæ, synceriorisq; Philosophiæ patronos ac tutores q̄ diutissime incolūmes & florentes conseruet & tueatur. Valete.

Stada Saxonum, Anno 1598. Idib. Septemb.

Magn. Ampl. V. obseruantissimus  
Otho Casmannus.



# INDEX AVCTORVM,

## QVI PARTEM ASTROLOGICIS

hiscē disquisitionibus contulerunt.

### A

Abraham. Sculterus.

Alpetragius.

Albertus Magnus.

Alexan. Aphrodisæus.

Ambrosius S.

Americus Vespucius.

Anaximander.

Andreas Cæsalpinus.

Andreas Corsalius.

Andreas Nolthius.

Alhazenus.

Albahali.

Achilinus.

Aphranianus.

Aristoteles.

S. Augustinus.

Augustin. Eugubinus.

Angelus Politianus.

Auerroes.

Auicenna.

Andreas Libavius.

### B

Biblia Sacrosancta.

Basilus S.

Bardefanes Cyrus.

Bartholo. Scultetus.

Baptista Montanus.

Beda.

Benedictus Pererius.

Bernardinus Telesius.

Beroaldus.

Berosus.

Bruceus.

### C

Caietanus.

Catharinus.

Conradus Aslachus,

Bergensis.

Chrysostomus.

Crates Philosophus.

Christophorus Roth-

mannus, D. Guliel-

mi Lantgrauii Ma-

thematicus.

Collegium Conim-

bricense.

Copernicus Nicol.

Chaldaeus Interpres.

Clavius Astrol.

Cornel. Frangissanus.

Cornel. Gemma Fris-

Cornelius Celsus.

Censorinus.

### D

Dauid Kimhi Heb.

Dauid Chytræus.

Damascius.



# I N D E X

Democritus.

Diogenes.

Dionysius.

Diodorus Sic.

D. Drufius.

Durandus.

Durerus.

## E

Empedocles.

Epicurus.

Epiphanius.

Erasmus.

Eusebius.

## F

Flavius Albinus.

Franciscus Patricius.

Franciscus Vallesius.

Franc. Piccolomineus

B. Fulgentius.

Ficinus.

Franciscus Iunius.

Franciscus Valeriola.

Franciscus Cateneus

Diacenus.

## G

Gulielm. Lantgravius

Princeps Hassiæ. &c.

Galenus.

Georgius Rheticus.

Gellius Sacerides.

Gauricus.

Gregorius Nyffenus.

Grynæus.

Gilbertus Porretanus

## H

Hali Messahala.

Heracrides.

Hieronym. Zanchius.

Herodotus.

Hippocrates.

Helysæus Rösslin.

B. Hieronymus.

Henricus Ranzouius.

Hieronym. Cardanus.

Hermes Trismegist<sup>o</sup>.

Hiero. Sauanaranola.

Hierony. Wolphius.

Hannibal Raimund<sup>o</sup>

Veron.

Hermann<sup>o</sup> NeuWald.

Hugo.

## I

Ioannes Pena.

Ioannes Bodinus.

Ioannes Langi<sup>o</sup> Med.

Ioannes Vogelinius.

Iacobus Zieglerus.

Ioannes Prætorius.

Ioannes Porta.

Ioannes Annius.

Ioannes Lucidus.

Iosephus Iud.

Iulius Scaliger.

Iustinus Martyr.



# A V C T O R V M

## L

Lambertus Danæus.  
Leonhardus Fuchsius  
Lyranus.

## M

Macrobius.  
Marcus T. Cic.  
Martinus Lutherus.  
Martianus Capella.  
Marcus Varro.  
Marcell. Squarcialup.  
Manardus.  
Metrodorus.  
Michael Glycæus.  
Michael Mœstlinus.  
Michael Medina.  
Mufertus.  
Munsterus.

## N

Naclerus.  
Nicodemus Frischlin.  
Nicolaus Taurellus.  
Nicolaus Raimundus  
Vrfus.  
Nicolaus Winckler.  
Nicephorus.  
G. Nazianzenus.

## O

Origenes.  
Orpheus.  
Oecetes.  
Oleaster.

Olaus Magnus.  
Orosius.  
Ouidius.  
Ocellus.

## P

Parmenides.  
Plato.  
Plautus.  
Plinius.  
Petrus Artopæus.  
Ptolomæus.  
D. Peucerus.  
Philippus Melanch.  
Plutarchus.  
Proclus.  
Petrus Seuerinus.  
Pontanus.  
Porphyrius.  
Plotinus.  
Picus Mirandulanus.  
Prosper Aquitanicus.  
Petrus Bellonius Ce-  
nomannus.  
Procopius Gazæus.  
Paulus Diaconus.  
Philastrus Brixienfis.  
Pomponius Mela.

## Q

Quintilianus.

## R

P. Ramus.  
Regiomontanus.



# INDEX AVCTORVM.

Rheinaldus.	Thomas Aquinas.
Ringelbergius.	Thomas Erastus.
Rodiginus Cælius.	Theodorus Tarsensis.
Rodolphus Gocleni <sup>2</sup> .	Tostatus.
Rupertus.	Tremellius.
S	Tycho Brahe, nobilis
Seneca.	Danus.
Sebastianus Foxius.	V
Sebastianus Castalio.	Virgilius Poeta.
Schonerus Mathem.	Vielm <sup>us</sup> .
Sixtus ab Hemminga.	Vitellio.
Sixtus Senensis.	Volaterranus.
Simplicius.	Vespasianus Imp.
Strabo.	X
Stobæus.	Xenophanes.
Suidas.	Xenophon.
Suetonius.	Xiphilinus.
T	Z
Thaddæus Hagecius	Zabarella.
ab Haick.	Zoroaster.
Theophrastus.	Zeno.
Thales Milesius.	Zonoras.
Theodoretus.	Zabracus.





INDEX QVÆSTIONVM,  
IN ASTROLOGIA HAC  
DISCEPTARVM.

Pars huius libri I.

De astrorum cœlestium tum communi essen-  
tia & affectionibus, tum distributione &  
speciali stellarum expositione.

Cap. I. De definitione & distributione Astro-  
logiæ

*Quest. I. An Philosopho fas sit in obscuris & ab-  
strusis doctiorum hinc inde congestas, dispositas,  
ac indicatas in suū vsum cōvertere sententias*

*II. An sit syderei cœli syderumque certa quadam  
scientia*

*III. Cur sacri scriptores, ut Moses & Salomon, pe-  
ritissimi cœli & astrorum, de his tam pauca scri-  
serint*

*IV. An stellas, & quidem omnes, & quando, seu  
quoto creationis die Deus creavit*

*V. Quomodo Deus condiderit stellas*

*VI. In quo cœlo seu qua expansione sydera a Deo  
sint posita: ubi distinctio cœlorum repetitur.*

*VII. Anabasis ad Ouranographica. Cœlum syde-  
reum, in quo sunt stellæ, cuius sit natura & ma-  
teriæ: & quidem*

*I. An igneæ: accuratior disquisitio*

*II. An aereæ*

*III. An aqueæ*



# I N D E X

<i>IV. An ex omnibus vulgo dictis quatuor elementis compositum</i>	40
<i>V. An peculiaris &amp; quinta cuiusdam essentia</i>	44
<i>VIII. Anabasis alia ad cœli astriferi naturā scrutandam, an sit aerea natura: an vero alius cuius ab elementis, &amp; quasi quinta cuiusdam essentia: disceptatio hac prolixior est contracta ex epistolis Astronomicis illustris. Principis, Gulielmi Lantgrauii Hassie, &amp;c. &amp; Tychonis Brahe Dani</i>	46
<i>Christophorus Rhormannus Illustr. Principis Gulielmi Mathematicus contendit esse essentia aerea</i>	47
<i>Tycho vero Brahe contradicit, asserens esse plane ab elementis diuersa &amp; alius nature</i>	50
<i>Cap. II. De stellarum materia.</i>	65
<i>I. An astra cœlestia habeant materiam</i>	ibid.
<i>II. Materia astrorum sitne e cœlo ipso, in quo sunt, desumpta</i>	68
<i>III. An astra habeant materiam a cœlo aliam, &amp; quidem igneam</i>	73
<i>IV. An stelle ita sint igneae &amp; lucide ut pabulo vaporum pascantur</i>	90
<i>V. An cœlum stellarum sit adspectabile</i>	96
<i>Cap. III. De forma stellarum.</i>	102
<i>I. An anima, &amp; quenam sit stellarum forma</i>	ibid.
<i>II. An lux stellarum pertineat ad formam earum</i>	118
<i>Cap. IV. De stellarum luce, lumine &amp; radiis, item calore</i>	121
<i>I. An lux cœlestis sit stellarū affectio accidens</i>	122
<i>II. Lux hac an sit omnium stellarum</i>	128
<i>III. An</i>	



# Q V A E S T I O N V M.

- III. An lux stellarum omnium sit unius eiusdem-  
que generis & nature 136
- IV. An sydera sint corpora lucida magis, cœlum  
vero minus, ita ut luceant tamen omnia corpo-  
ra cœlestia 143
- V. Cur, cum sint lucida stelle, videantur noctu in  
tenebris, non die in lumine 148
- VI. An stellarum lumen sursum, versus cœlum,  
summum diffundatur, discursus Patricii 150
- VII. Problemata Patriciana. 1. Lux in corpore  
lucido sitne substantia, an accidens 158
2. Lux an sit proprium visus sensile, an sit visibi-  
lis qualitas 159
3. Quod sit discrimen inter lucem, lumen & ra-  
dios ibid.
4. Radii lucis an sint accidentia 161
5. Radii stellarum profiliant ne a superficie vel a  
toto corporis profundo 162
6. Radii in quæ & quomodo incidant corpora 163
7. Radii Solis quomodo flectantur, frangantur, re-  
siliant 164
8. Quorum radiorum, & quare sit maior virtus,  
quorum item minor 165
- VIII. Encomium lucis cœlestis 166
- IX. An sydera, ut sunt lucida, ita sint calida, colla-  
tio. Vbi quid nonnullis sit calor cœlestis 168
- X. An lux & lumen efficiant calorem cœlestem,  
variorum dissertatio 180
- XI. An ideo lux calefaciat, vel quod a reflexione  
lux irritetur: vel quod aer sit tenuis, tenuitas  
autem subiectum caloris: vel quod lux non ca-  
lida reflexione calefaciat 191

\* \*



# I N D E X

- XII. An motus sit caussa efficiens calorem cœlestē,  
variorum Physicorū collatae disquisitiones* 194
- XIII. An attritione aeris gignatur calor, itidem  
Neotericorum dissertatio* 207
- Cap. V. De astrorum motu diurno & periodi-  
co* 224
- I. An ipsa astra in cœlo non moto moueantur, affir-  
matur & prolixè discutitur quinq; demonstra-  
tionibus & confutationibus contrariarum ob-  
iectionum: ubi simul orbium cœlestium realis  
exsistentia euertitur* 225
- II. De motu periodico stellarum dissertatio Abra-  
hami Sculteti, & Nicol. Taurelli* 281. & 285
- III. Disputatio Patricii alia plane de astrorum  
motu* 288
- IV. Porismata disquisitionis de stellarum proprio  
motu* 308
- V. Cum Danao disquisitio de motu cœlesti* 313
- Cap. VI. De Astronomicis Hypothesibus.* 317
- I. Hypotheses Astronomicæ an sint necessariae sen-  
tentia Rhetici, Rami, Sculteti, Frischlini, Vrsi,  
Aslachi, Brahe* 318
- II. An retinenda sint Hypotheses Copernicæ, sen-  
tentia Rothmanni aduersus Tychonem Brahe*  
329
- III. An vere sint Hypotheses Tychonice, contra  
Coperniceas disputatio T. Brahe, & Rothman-  
ni Lantgrauiani alterna* 336
- IV. Collatio variarum Hypothesium nostri seculi,  
ut I. Tychonis Brahe, & quid desideret in iis  
Röslinus 357. II. Helysæi Röslini 360. III.  
Ptolomei & veterū, & inde de lucta porismata  
falsa*



# Q V Æ S T I O N V M.

- falsa* 362. *IV. Nicolai Copernici, & quid in his desideret idem Röslinus* 363. *V. Nicolai Raimari Vrsi Dithmarsæ, & quid animaduer-  
tat in his Röslinus* 365
- V. An sint Orbes Eccentrici & Epicycli in rerum  
natura disceptatio Fracastorii* 368
- Cap. VII. De stellarum figura, magnitudine,  
distantia, altitudine & numero. 375
- I. Quenam sit quantitas & distantia stellarum,  
an sciri possit* 376
- II. De numero stellarum, an sciri possit & quis-  
nam* 379
- Cap. VIII. De distributione stellarum, ubi  
de Planeta 384
- I. An stellarum alia sint veteres, alia noua: & an  
in cœlo sydereo aliquando fiant nouæ stellæ. Vbi  
prolixè disputatur de cœlestibus Cometis, & no-  
uis quibusdam stellis in æthere ipso apparentib.  
& concluditur magnorum virorum auctorita-  
te, rationibus & observationibus, experimētisq;  
in ipso cœlo æthereo nouas aliquando stellas esse  
visas & genitas* 385
- II. An recte appellantur Planeta* 423
- III. Quæ differentia Planetarum ratione magni-  
tudinis, lucis, & situs, secundū Patricium* 424
- IV. An vera sit & infallibilis ratio vulgaris Pla-  
netarum ordinem inuestigandi. Patricius* 427
- V. An expediri possit instrumentis Astronomicis  
distantia situs & motus stellarum, opinio Patri-  
cii* 429
- Cap. IX. De affectionibus communibus Pla-  
netarum 433



# I N D E X

<i>I. An Planeta vere distinguantur per qualitates primas</i>	434
<i>II. An recte sexus affectio tribuatur stellis</i>	437
<i>III. An bonitatis &amp; malitia differentia insit Planetis</i>	438
<i>IV. An unius Planeta vires vel augeantur vel debilitentur ab alia stella vel cœli loco, ubi item de aliis fictitiis</i>	442
<i>V. An coniunctiones &amp; aspectus Planetarum sint boni vel mali &amp; certi quid præsignificent</i>	443
<i>Cap. X. De luminarium Eclipsi.</i>	445
<i>I. An stella a Deo hominū causa sint condite</i>	446
<i>II. Sitne aliqua vera Eclipsium predictio &amp; prænotia</i>	448
<i>III. An Eclipsis Solis, quæ fuit moriente Christo, fuerit naturalis</i>	452
<i>Cap. XI. De Sole.</i>	453
<i>I. De creatione Solis quoto mensis die, cur magna luminaria</i>	454
<i>II. Quæ sit Solis excellentia</i>	455
<i>III. Sol quid sit nomine &amp; re</i>	460
<i>IV. An Sol sit vere igneus seu ignis æthereus, sententia Patricii</i>	462
<i>V. An Solis magnitudo certo sciri a nobis possit</i>	468
<i>VI. An Sol sit Planetarum medius: Patricii sententia</i>	471
<i>VII. An Sol item reliquis stellis suum tribuat aut ferratue lumen</i>	472
<i>VIII. Quomodo Sol calefaciat. Patric.</i>	474
<i>IX. An Soli accidat mutatio &amp; passio</i>	481
<i>X. Unde calor Solis, an per accidens ex peccato hominum, ut Frischlinus sentit</i>	484
<i>Cap.</i>	



Q V Æ S T I O N V M.

Cap. XII. De Luna.

489

I. Quid sit Luna substantia, mira Patricii discus-  
sio

490

II. An Luna omne suum lumen a Sole recipiat

496

III. Quæ sit quantitas Lune

499

IV. Quid maculae sint in Luna

501

V. Luna an sit frigida & humida, an vero calida  
& sicca

502

VI. Alia questio de finibus & effectis Lune, ubi  
item de vi calefaciendi eius

505

VII. An Luna sit sola & vera causa affluxus &  
refluxus marini

511

VIII. Quatenus ex motu Lune futura tempe-  
states prædici possint, & an ad incrementa & de-  
crementa Lune actiones quasdam instituere li-  
ceat.

513

Cap. XIII. De reliquis quinque Planetis.

521

I. An vera sint quæ Astrologi divinatores Satur-  
ni stella tribuant

522

II. An Ioui attributa qualitates, vires & opera-  
tiones sint vera

530

III. De Martis qualitatibus & effectis disquiri-  
tur

534

IV. Quid Astromantia de Venere & Mercurio  
somniaent

538

V. An Medicis sit hæc astromantica Planetarum  
notitia, aspectuum & positus observatio necessa-  
ria

541

Cap. XIV. De stellis fixis.

545

I. Quid de nominibus imaginibusque syderum sit sen-  
tiendum an Christiani etiam illis uti possint

548

II. An stellarum fixarum sint diversæ formæ &

\* \* 3



# I N D E X

<i>qualitates opposita, quibus hic diuersas produ-</i> <i>cant operationes</i>	553
<i>III. Quæ sit caussa scintillationis stellarum</i>	558
<i>IV. An, ut putat Clavius, in polo Antartico nul-</i> <i>la sint stella</i>	561
<i>V. Disquisitio Patriciana de Galaxia</i>	572
<i>VI. Disquisitio Peripatetica de via lactea</i>	563
<i>VII. Questio de stella qua Christo nato Magis</i> <i>praluxit</i>	570
<i>VIII. Disput. Gocleniana, de via lactea continens</i> <i>refutationem veterum Philosophorum</i>	577
<b>ASTROPRACTIAS</b> Cap. I. De chronologia & partibus temporis	I
<i>I. An sit vera astrorum efficaxq; praxis</i>	2
<i>II. An Chronologia Physica &amp; Astrologia recte</i> <i>subnectatur</i>	4
<i>III. Annus Magnus seu Mundanus, an sit, quid</i> <i>sit, an sciri possit</i>	6
Cap. II. De die naturali.	14
<i>I. Dies primus naturalis vndenam suum duxerit</i> <i>initium, a vespera an vero ab aurora</i>	15
<i>II. De equalitate &amp; inequalitate dierum natu-</i> <i>ralium</i>	22
Cap. III. De anno naturali, solari & lunari.	24
<i>I. De antiqua temporum diuisione, qua annum &amp;</i> <i>in duas &amp; in septem diuisere partes</i>	26
<i>II. Satisne fuerit vnâ tantum anni constitutio-</i> <i>nem a natura institutam fuisse, quam commu-</i> <i>tare in status quatuor diuersos</i>	31
<i>III. An quadripartita anni vicissitudo pendeat ex</i> <i>immutabili ratione motus cœlestis, &amp; sit constās</i> <i>ac perpetuus omnibus seculis</i>	36
<i>IV. Quæ</i>	



# Q V A E S T I O N V M.

*IV. Qua Autumni constitutio bona, qua item mala*

39

*Cap. IV. De die ciuili.*

45

*I. Collatio ex Censorino, Plinio, Macrobio, de ciuilibus diebus*

47

*II. Disquisitio Beroaldi de Ethnicis dierum ciuiliu nōminibus*

51

*III. De inaequalibus diebus, & causa inaequalitatis*

57

*IV. De horis inaequalibus*

58

*V. Disputatio Galeni & Athenaei, de Vere, an sit temperatum, an vero calidum & humidum*

62

*Cap. V. De ciuili anno simplici & piodico.*

74

*I. De constitutione anni ciuilis ex Censorino, Beroaldo, &c.*

76

*II. Qualis fuerit annus tempore Mosi & Noe apud veteres Gracos, Romanos, Egyptios*

80

*III. Utrum Hebraorum Chronologia sit inter omnes probatissima*

83

*IV. An Chronologia Berosi & Annii sit p̄bāda*

86

*V. An exacta veritatis cēfenda sit ea, qua per tempora regum & Principum describitur*

93

*VI. An Chronologia qua per Olympiadas ducitur reliquis praestet*

94

*Cap. VI. De mensibus ciuilibus.*

96

*I. Qui menses Hebraei, & quomodo nostris respondeant*

97

*II. Qua ratione duodecim lunares anni menses dicantur esse, cum Scriptura S. utatur anno solaris & mensibus lunaribus*

101

*III. Cum a Mose dicitur factum esse diluuium mense secundo, cuius anni fuerit mensis ille*

104



# INDEX QVÆSTIONVM.

<i>IV. Mensis ille septimus, quo moyses dicit arcam requiescere super montes Armenia, unde sit computandus</i>	108
<i>Cap. VII. De Astromanteia certa.</i>	110
<i>I. An omnino aliquid, quid, &amp; quomodo agant stella</i>	111
<i>Cap. VIII. De verisimili Astromanteia.</i>	121
<i>I. Quomodo prognosis contingens &amp; probabilis so- leat probari &amp; excusari</i>	122
<i>II. An stella sint a Deo condita, ut sint futurorum euentuum &amp; tempestatum signa. Frischl.</i>	133
<i>Cap. IX. De vanitate Astromanteiæ Geneth- liacorum</i>	138
<i>Hac demonstratur. I. Rationibus duodecim ibid.</i>	
<i>II. Afferuntur urgentes rationes Sixti ab Hem- minga, quibus pradictiones Astromanticas re- fellit 1. &amp; 2</i>	166
<i>III. Auctoritatibus. I. Diuina S. Scripturarum 191. II. Humana &amp; quidem I. Ecclesiastica ac Christiana. 194. II. Profana Philosopho- rum. 212. III. Imperatorum &amp; Magistratuū politica. 216. Tandem contraria argumenta confutantur</i>	217

PHYSI-





PHYSICÆ

# ASTROLOGIAE

ASTROLOGICARVMQVE  
DISPUTATIONVM

Pars I.

*De Astrorum cœlestium, tum communi  
essentia & affectionibus, tum distributione,  
& speciali stellarum expositione.*

CAPVT I.

*De definitione & distributione Astrologia.*



Actenus pertractata est Ouranographia;  
ASTROLOGIA sequitur: illa primum  
corpus cœleste, triplex nempe cœlum atq;  
Expansum, Empyreum seu summum Bea-  
torum, Sydereum seu Æthereum, & Aereum seu Infi-  
mum, quatenus in huius ignorantia caligine fieri a  
me potuit, declarauit: Hæc vero alterum cœleste cor-  
pus, nempe cœli seu expansi ætherei stellas describit.

Astrologia.

Non autem in quouis cœlo sunt stellæ, sed tantum  
in medio expanso, seu æthere, hinc dicto, Sydereo seu  
Astrifero: Subiectum igitur horum corporum & lu-  
minum est Æther seu expansio media, in qua Deus il-  
la posuit & disposuit.

ASTROLOGIA ergo est pars Physicæ, explicans  
doctrinam, qua hic fas, stellarum.

Et quidem tum in generali essentia & communib.  
affectionibus: tum in distributarum stellarum speciali  
natura: tum deniq; in finibus atq; effectis earum.

Astrologia  
partes.

Astrologia igitur partes duæ sunt, Astrographia &

26 A



Astropraxia. Ignoscite Graci, & hanc compositionem necessitati condonate.

Astrographia.

ASTROGRAPHIA est prima pars Astrologiae physicae, continens ipsorum astrorum descriptionem.

Eaque est tum Generalis tum Specialis.

Generalis.

Generalis Astrographia est, quae generale & commune omnium Astrorum naturam explicat.

Estque haec explicatio tum Essentiae, tum communium affectionum astrorum.

Communis stellarum essentia explicatur, essentia libus earum causis, scilicet, Materia & Forma, quas definitio stellae continet.

#### Quaestio I.

*An Philosopho fas sit in obscuris & abstrusis doctiorum hinc inde congestas, dispositas ac iudicatas in suum usum conuertere sententias?*

Rem, me Christe, aggredior difficilem, in iis, quae supra me sunt, scrutandis, quaestiones discussu enodatuque Naturae venatoribus semper difficiles, quae ut in Ouranographia, ita non minus, si non magis, occurrunt in Astrologia, a proposito saepe me deterrēt. Ardet tamen animus quaerere etiam (ut Paulina utar phrasi in physicis physice) quae sursum sunt, & patriae nostrae speculati ornamenta, & tueri caelestes exercitus. Quoniam ergo multa ex scriptoribus seculi nostri cum Physicis & Mathematicis, tum Theologis, sum adhibito nihilominus qualicunque iudicio, delibaturus, & hinc inde conquistata in usum succumque huius libelli conuerfurus: scrupulus mihi iniectus est, *an scilicet fas sit, & utile, quaedam in hac perplexa disputatione, ab aliis accipere, & quodammodo aestimata, & applicata in meum transferre laborem?* Ob

trecta-



rectatorum iudiciū peto, moribus petor in-  
uidiæ: rationum consilia expendo, suauiter uti-  
litas spe inuitor: exemplorū concilia intrueor,  
prolixè venia conceditur. Primo etenim pa-  
rum admodum fidei commentationibus meis  
me facturum scio, si mea, etiam rationibus sti-  
pata, solum auctoritate niterer. Quis enim ego?  
Et quis non ex contradicentibus Peripateticis  
auctoritatis Philosophicę fascinum amat? Mihi  
verò auctoritas sine ratione in philosophicis,  
est inanis sonitus. Proinde non nudum *ἀντὶς*  
*ἐφα*, sed firmatum rationibus, vbi potero secta-  
bor. Consuetudinis deinde esse intelligo, ut  
plerique, ni suo sibi placente superbiant inge-  
nio, aliena suis misceant, tum ut ceteriora scribāt,  
tum ut gratius iucundiusque legantur. Videamus  
iudicia primum Doctōrum. Flavius ille  
Albinus ait: *Fructus quidem legendi est emula-*  
*ri, quæ in aliis probes: & quæ maxime inter alio-*  
*rum dicta mireris in aliquem usum tuum oport-*  
*una derinatione conuertere.* Præcepit etiam  
Quintilianus, quod & Macrobius recenset, a-  
pes nobis imitandas esse, quæ diutius vagantur, ut  
flores carpant: deinde, quicquid attulerunt, dispo-  
nunt, fauisq; suis inferunt, succumq; varium pro-  
prij oris spiritu in dulcissimum illum nulli similem  
mellis saporem conuertunt. Marcus etiam Tul-  
lius idem sentire videtur, vbi ait: *Nos quidem,*  
*ea tuemur, quæ dicta sunt ab aliis, quos probamus,*  
*eisque nostrum iudicium, nostrumque scribendi*  
*ordinē adiungimus. Neq; hoc nouum, neq; inusi-*  
*tatū videri potest, cum cernamus omnes auctores*

Flavius Al-  
binus.

Quintilia-  
nus.

Macrobius.

Cicero.



- Græcos & Latinos manifeste aliena in rem suam conuertere.* Aphranius Togatarum Poeta, cum responsum referret his, qui eum infimularant, quod plura summisset a Menandro: *Fateor*, inquit, *accepi non modo ab illo, sed ut quisque habuit, quod conueniret, a Latino quoque, quodcunque me non posse facere melius credidi.* Sed exempla dispice. Multa Plato a Pythagora, plurima Aristoteles a Platone, & ab aliis (*videris Francisci Patricii discussiones*) pleraque Theophrastus ab Aristotele accepit, quæ quidem ex eorum libris facile cerni possunt. At hi nobis in philosophia Antesignani. Omitto Chrysippum, qui tanta licentia aliena accepit, ut cum Euripidis Medeam quasi totam arripuisset, per risum discipuli Medeam Chrysippi, non Euripidis Tragediam illam appellabant. Ab Homero non tantum poetæ omnes decurrunt, ut flumina omnia ab Oceano defluunt, verum scriptores etiam aliarum rerum. Nam & Strabo Cretensis totus Homericus est, & Dio & Philostratus, & innumeri alii. Latini etiam a Græcis, & ab aliis magna libertate sua sumserunt, & cum primis Cicero, qui a Platone & Demosthene magna ex parte decurrit, & virtutes omnium Græcorum, quos probauit, in Latinum suum transtulit sermonem. Sic Quintilianus e Cicerone progignitur, & omnes ab ipso manant, qui post eum latine eleganterq; scribere & dicere conati sunt. Virgiliū etiam nō puduit, millia versuum ab Homero transferre, & affectus omnes imitari. Sic etiā ab Hesiodo Apollonio,



P A R S I. C A P. I.

Ionio, Theocritoque plurima mutuatus est: sumsit etiam plurima a Latinis, & cum nonnullos minima ex parte probaret, rogareturque, cur eos legeret, respondit, *se ex stercore margaritas legere*. Gratitamen animi esse duco, eorum nomina profiteri, quos imitamur. Nā ingenui pudoris est, fateri, per quos profecerimus, & hæc quasi merces auctoris iure optimo pensitanda est, ne fures esse videamur. Ad hanc sententiam Cicero loquitur, cum ait ad Brutum: *Tu quidē a Nævio vel sumxisti multa, si fateris, vel si negas, surripuisti*. Idem nos docuit Thales Milesius, qui, cum senex admodum admirandam quandam rationem de sole commentus esset, eandem Mandritum Philosophum Priennensem edocuit, qui quidem nova illa inuentione delectatus, cum prius gratias egisset, optare iussit, quam mercedem pro tanto documento rependi vellet, cui Thales: *Satis, inquit, mihi erit mercedis, si id, quod a me didicisti, cum proferre volueris, tibi non adsciucris, sed eius rei me potius, quam alium repertorem predicaueris*. Mihi igitur illud non vitio dandum erit, quod antiquis omnibus concessum fuit, & inter eorum laudes connumeratum, & præsertim, cum essent doctiores, & minus alienæ opis indigerent. Verum omnia candori Lectoris subiicio.

Quæstio II.

*An sit sideris cæli siderumque certa quadam scientia?*

Quam suaue est, veritatis scrutatori suæ sententiæ reperire *συμψύχως*! Absoluta Ouranographia & Typographo P. tradita huius cō-



mentationis cum fundamenta iacerem, per-  
portune offertur mihi cœlestis veritatis vena-  
tor accuratissimus Cōradus Aslachus ex Nor-  
uegia, Bergenſis, qui de triplici cœlo libellos  
studium veritatis doctissimum redolentes, Ty-  
choni Brahe magno illi Ouraniæ Mystæ, ap-  
probatore magno illo Germaniæ philosopho,  
D. Goclenio, inscripsit. Dici non potest, quantam  
me illi voluptate perfuderint, quanto meam  
sententiam iudicio corroborarint. Proinde et-  
iam non pudebit me, ex Aslachi etiam riuulis  
meos irrigare hortulos. Verum omne, deside-  
rabile & delectabile. Verū omne bonum. Bo-  
num omne sui (vt dicitur) communicabile.

Dubium est nullum, versari nos, & iactari  
dubitationum fluctibus, in profundo ignoran-  
tiæ pelago, præcipue vbi erigimus mentes no-  
stras ad cœlestium corporum contemplatio-  
nem. Vnde Tycho Brahe in quadam ad Roth-  
mannum conqueritur epistola, inquit: *Ne-  
mo mortalium de ipsissima cœli materia (si modo  
e materia aliqua proprie constare dici potest) cer-  
ti quid in medium proferre potest. Est enim  
cœlum abstractum quid, & immateriali simi-  
le, nostrum captum fugiens, quod sane potius  
quid non sit, quam quid sit, percipitur. Idem dici  
potest de essentia stellarum, earumque materia,  
quæ in cœlo a Deo posita volutantur, nobisq;  
lucem exhibent suam. Quæritur igitur, an pos-  
sit esse vera quædam cœli ac astrorum scientia?*

Quæstio

Distingui-  
tur

Distinguiamus tum scientiam seu cognitionem, tum res, quæ de cœlo, stellisque sciuntur.

Scien



Scientia est vel ἐπιστημονικὴ, & certæ demon-  
strationis, quæ simul est certitudine sua infalli-  
bilis: vel est σοφασικὴ, probabilis, quæ in probabili  
persuasione ex quibusdā argumētis collecta cōsistit.

Illam in hac caligine humana ignorantia de  
cœli stellarumq; omnium cœlestium materia, for-  
ma, & formalibus proprietatibus hauriri posse de-  
spero: hanc haberi ex rationibus, & experientia  
quadam, non dubito. Experientiam vero intel-  
ligo indies ab accuratis artificibus certio-  
rem & exploratorem reddi posse. Distinguimus  
deinde inter cœlestium corporum notiones,  
quæ manifesto deprehenduntur sensu, & eas, quæ  
iam in hanc, iam illam partem disceptationibus a-  
gitata ex consequenti probabiliter exstruuntur:  
illic scientia, hic opinio regnat.

1. Scientia  
infallibilis,  
probabilis.

2. Notiones  
manifestæ,  
per conse-  
quentiam  
exstructæ.

Esse autem quandam cœlestium naturarum  
cognitionem, ita concludimus syllogismo ex  
Aristarchi materia & docte inuento argumento,  
contexto: *Ad quorum cognitionem certis verisq;  
mediis homini peruenire fas est, eorum etiam sci-  
entia haberi potest. Atqui ad corporum cœlestium  
cognitionem certis mediis cen scalis & alis ascen-  
dere & euolare homini fas est.*

Syllogism⁹.

Assumptum hoc inductione mediorum illo-  
rum firmamus. Primum cœlestis cognitionis me-  
dium est revelatio creatoris cœli & astrorum per  
verbum suū facta. Sicubi Jehoua, qui omnia con-  
didit, oracula de cœlo stellisq; testantia videre li-  
cet, videre mihi ipsam suauissimam veritatis fa-  
ciem videor: his speculationes paganorum multis  
postpono parasangis. Nec tumidos illos Aristoteli-

1. Dei ver-  
bum.



cis nugis philosophos audio, qui ex alto despicunt  
 & S. literis de rebus physicis philosophantes. Fruan-  
 tur hi suis quisquiliis sapientia titulo tinctis. Lu-  
 cerna mentis meæ oculis verbum Domini. Illi enim  
 potius de rebus cœlestibus, & aliis naturis differen-  
 ti assentiri debemus, qui eas intus novit, quiq; ea-  
 rum & materiam & formam fabricavit, quam  
 alii, qui tantum aspiciunt externam earum faciem.

2. Ex Philo-  
 sophia Op-  
 tica & Logi-  
 ca.

Secundum medium est ala philosophica, tum  
 Logica, tum Optica, illa mentis ratiocinantis, hæc  
 luminis & oculi recte videtis & speculantis astra,  
 λόγος ex datis, vel per sensum, vel per verbum, &c.  
 exstruit sequelas. Visus arte sua adiutus penetrat  
 ad lucem & motum astrorum. Tertium medium  
 est diligens observatio, qua artifex stellarum,  
 phenomena seu apparentias indagando sapius ob-  
 servat.

Quid Phæ-  
 nomena.

Phænomena autem sunt stellarum, motuumq;  
 cœlestium accidētia & affectiones, quæ observan-  
 tium oculis exponuntur, ut elevatio poli, stella lon-  
 gitude, latitudo, declinatio, adscensus, descensus,  
 retrogradatio, statio, progressio, Apogæum, Peri-  
 gæum, &c. quæ quāvis, docente Domino Aslacho,  
 ipsis syderibus reuera non competunt, sed terra &  
 nostri respectu illis attribuuntur: tamen quia ho-  
 rum interuentu ad ea pervenitur, quæ iisdem  
 re ipsa insunt, ideo ea in cœlo & syderibus imagi-  
 nari & adsumere necesse est.

4. Geome-  
 tria.

Observatio autē hæc adsumit duas alas ma-  
 thematicas, quibus innixa euehitur ad syderum  
 sublimitatem. Vna est Geometria, altera Arith-  
 metica. Geometrica ala est gemina, Mechanica  
 & Metrica. Mecha-



Mechanica docet ipsa organa, quibus syde- 1. Mecha-  
derum ac motuum cœlestium phenomena obser- nica.  
uanda sunt, exquisite & solerter elaborare: cuius-  
modi cum primis Quadrans & Sextans, quæ ad  
syderum observationes maxime sunt necessaria, de  
quibus plura Aslachus.

Metrica præcipue hic ea celebratur aurea ala, 2. Metrica.  
quæ dicitur Triangulorum doctrina, cuius tãtam,  
ait ille, esse utilitatem, vt nemo sine hac intima  
siderum ingredi penetralia sacrosq; gustare Ou-  
rania latices valeat.

Arithmetica ala mensuras & figuras Geome- 5. Arithme-  
tricas, numero tam communi quam logistico defi- tica.  
nit, ac in partes resoluit.

Observationi ita alis Mathematicis ad cœ- 6. Hypothe-  
los euectæ subiunguntur HYPOTHESES ce- fes.  
lebratæ, quibus Astrologi & artifices, tanquam  
suis assumtis, observationes & apparentias excu-  
sare, motuumque vices saluare nituntur. Hæ au-  
tem variant; multæ sunt hodie a doctissimis vi-  
ris nouæ excogitatæ hypotheser, nobiliores fe-  
runtur inter illas, Ptolemaica, Copernicæa, &  
Tychonica, de his & aliis infra.

Hæc sunt media illa, quibus ad quandam  
certam syderum cœlique cognitionem homi-  
nes eruditi & industrii possunt peruenire. Cõ-  
cludimus ergo propositam quæstionem, nem-  
pe esse quandam astrorum scientiam, quæ quan-  
uis in hac vita est perdifficilis, & manca: non ta-  
men plane est spernenda. Cogitemus quod Za-  
barella monet, *Etsi, inquit, ita abscondita nobis*  
*est natura cœlestis corporis, vt ipse quoque sum-*

Zabarella  
lib. de nat.  
cœli, cap. 1.



mus Philosophus Aristoteles, sola conditionum sublunarium negatione, eam declarare potis fuerit: Attamen ea est eius præstantia & nobilitas, & vel rudis & imperfecta eius cognitio expetibilior nobilitate, quam exquisita & perfecta aliarum rerum ignobilium. De hac igitur niti debemus eas cognoscere, iisque esse intenti, ad quæ peruenire humana ratio potest.

Quæstio III.

Cur sacri Scriptores, ut Moses & Salomon peritissimi Astrorum & cæli de his tam pauca scripserint.

Quæstio.

Hanc quæstionem pertractat Augustinus cap. 9. lib. 2. de Genesi ad Literam, cū quærit; Cur auctores sacrarum literarum non aperte & enucleate docuerunt, quanam esset cæli natura, qualis figura, quanta magnitudo & numerus orbium cælestium, qui motus, quæ cælestis motus efficiens causa, quam ingens & varia siderum potentia, & efficacia, aliaque huius generis multa; quæ tam Philosophi quam Mathematici solerter inuestigando arguteq; tractando, immortalem ingenii laudem & nominis memoriam promouerūt.

Responsio Augustini.

Ad hanc quæstionē breuissime respondet Augustinus; Spiritum S. cuius illi instatu ac impulsu ad scribendum sunt incitati, & a quo in scribendo regebantur, atque moderabantur, noluisse huiusmodi res inseri & immisceri sacris literis, quod haberent curiosam magis quam utilem cognitionem; futurum esset, ut homines (quæ est humani generis ad deteriora procliuitas) in earum rerum tractatione post habitis vilioribus, toti versarentur atque



atque occuparentur: nisi enim hoc secutus esset  
 Moyses, quam multa ille hoc loco de rebus cœlesti-  
 bus, uniuersaque natura mirabiliter disputare ac  
 philosophari potuisset? cum ex ea cōcione B. Ste-  
 phani, quam in cap. 7. Historia Apostolica refert  
 Lucas, satis constet eum in omni sapientia Egi-  
 ptiorum fuisse eruditum, & excellenter versa-  
 tum. Nonne Salomon, ut in 3. lib. Reg. cap. 4. & in  
 lib. Sapientia cap. 7. scriptum est, omnium rerum  
 naturalium, tam cœlestium, quam quæ sub sole  
 sunt, cognitionem habuit, quam ullus sapientum  
 huius seculi, & ampliorem, & multo certio-  
 rem? Hanc tamen eius tantam doctrinam & sapien-  
 tiam literis commendari, & ad nostram ætatem  
 peruenire noluit DEVS, scilicet ne homines, quo-  
 rum satis per se pronum est ad res vanas ac futes  
 ingenium, superuacanea, nec quicquam ad præ-  
 sentem vitam bene informandam, æternamque  
 adipiscendam collatura, plus consēderentur æ quo-  
 viliora autem & emendationi vitiorum bono-  
 rumque morum institutioni, atque immortalis  
 gloriæ cōsecutioni maxime profutura, minori stu-  
 dio curaque complecterentur. Multa tamen ea-  
 que præclara passim in sacris libris ex scientia re-  
 rum cœlestium plurimis ante Philosophos & Ma-  
 thematicos seculis, quasi quedam præiacta semi-  
 na inueniuntur. Nec est profecto quicquam in  
 syderali disciplina, aut necessariis rationibus con-  
 clusum, aut manifestis exploratum & comper-  
 tum experimentis, quod diuina scriptura contra-  
 rium vel dissonum est: quin pleraque doctrina  
 Astrologica decreta cum ea mire congruunt, atq;  
 consentiunt. Hæc ille.



## Quæstio IV.

*An stellas, & quidem omnes, & quando seu quoto  
creationis die Deus creavit?*

Quæst. 1.

**N**onnulli ex Peripato æterna sydera iactāt,  
& quidem Aristotelem sequentes, *non  
modo ea ab omni corruptione exempta & perpe-  
tuum duratura, sed etiam ut mundum, ita & sy-  
dera æternum cum ipso Deo primo ente durasse,*  
docent. Sed hi a Spiritu sancto per Moſen Æ-  
gyptium illum Philosophum testante confu-  
tantur. Sic enim Genes. cap. 1. testatur: *Dixit  
etiam Deus: Sint luminaria in expansione cœli, ut  
diuidant diem a nocte, & sint in signa & tempora,  
in dies & annos. Sint luminaria in expansione cœ-  
li, & illuminent terram; & fuit ita. Fecit igitur  
Deus duo luminaria magna, luminare maius in  
dominium diei, & luminare minus ad dominium  
noctis & stellas.*

Respon.

Quæst. 2.

*Sed quæris, an omnes Deus condiderit stellas,  
cum luminarium tantum hic fieri mentio videat-  
ur?* Respondeo: Non tantum luminaris maio-  
ris & minoris, sed etiam in genere stellarum  
Moſes meminit. Ita enim Moſes scribit: *Fecit  
Deus luminare maius & minus. At non tantum  
hoc, sed addit: & stellas.* Deinde videatur Psalm.  
147. vers. 4. Ies. 45. & Iobus cap. 38. ubi dicitur  
*Deus omnibus stellis tanquam nomina earum  
imposuisse opifex & dominus, item earum cursus  
regere.* Id quod Psalm. 8. & Psal. 136. vers. 7. aper-  
tius dicitur.

Respon.

Quæst. 3.

Respon.

*Quæritur & quando seu quo nascentis mundi  
die sydera sint condita?* Pergit respondere Mo-  
ſes



ses i. cap. Genes. Et posuit luminaria Deus in expansione cœli, ut illuminarent terram, utque dominarentur diei ac nocti, ac diuiderent lucem a tenebris. Et vidit Deus, quod esset bonum. Et fuit vespera, & fuit mane dies quartus. Hinc assertio-  
ni Mosaicæ repugnant cū Christiani quidam, tū pagani. Christiani professione fuerūt A. Eu-  
gubinus & quidam Catharinus, qui docue-  
runt astra esse a Deo creata ante quartum diem. I.  
Sed hos redarguit Moses. Et sane, quia similiter Respon.  
loquitur Moses noster de creatione syderum, ut de  
effectione aliorum operum, quæ reliquis quinque  
diebus facta narrantur, si creatio syderum ante  
diem quartum facta est, eo autem die, (ut vo-  
lunt) quasi per recapitulationem memoratur: si-  
militer existimari posset opera aliorum dierum  
ante illos dies esse facta, & illis diebus tantum per  
recapitulationem commemorari. Et vero, si ante  
creata sunt astra, cur non ante, suo videlicet lo-  
co & tempore, eorum creatio est a Mose de-  
scripta?

Ex Paganis primo Simplicius aduersus Mo- II.  
saicam Genesin ita obiicit: Posito effecto syde Obicatio 1.  
rū & præcipue solis, necesse est sydera & solem es-  
se vel fuisse. Atqui primis tribus antecedentibus  
diebus fuit solis & syderum effectus, nempe dies  
primus, secundus & tertius, item lux. Ergo non est  
quarto demum die sol creatus. Respondimus ad Respon.  
hoc argumentum Simplicii in prolegomenis  
Ouranographiæ: Lux enim die primo creata vi-  
cem prestitit Solis, & suo motu sibi a Deo inditi  
diem constituit. Deinde sol est causa diei, in mun-



di statu iam cōstituto, alia ratio est, cum est mundi constitutio in fieri (ut loquuntur.) Denique lux illa priorum dierum effectrix ante solem. & sydera ideo creata existit, ut tanti illius beneficii, ministerio lucis percepti. Deum in solidam auctorem agnoscamus, non autem solem ipsum & sydera; cum lux ante solem ipsum fuerit, & mundo illuxerit, postea relata vel compacta in solem & sydera.

**Obiectio 2.** Secūdo obiicitur, Simplicissima & nobilissima corpora prius debent esse ratione originis & temporis. Atqui sydera sunt simplicissima & nobilissima corpora. Ergo. Respond. Propositio est fallax. Initium enim & praeessio temporis non dependet a simplicitate & excellentia. Aliud temporis, aliud ordinis ratio. Et ne quidem in ordine semper excellētia excellit praeponendo. Ipsa praeipue natura ab imperfectioribus ad perfectiora pergit, & quae pulciora sunt, tanquam colophonem quendam operis sui postremo loco & tempore solet parere. Sic natura in hominis formatione, primo loco vilius & minus prestans condidit, deinde nobilissimam eius partem & simplicissimam essentiam indidit.

**Obiectio 3.** Tertio obiicitur. Causa non est posterior suo effecto. Atqui sol & sydera sunt causa fructificationis & foecunditatis arborum & plantarum, quod scilicet nascantur, & crescāt summo augmento. Ait enim Aristoteles: Sol & homo generat hominem; & Theophrastus ait: Annus non tellus fructificat, vis scilicet & calor syderum, quae in anni vicissitudinibus & tempestatibus cietur,

vina



vim illam prolificā & productricem, qua planta  
 nascuntur, terra iniicit & excitat. Ergo planta  
 non sunt ante solem, sed sol ante plantas est condi-  
 tus. Respond. Assumptio vera est de ordine na-  
 tura post natum & absolutum iam mundum ple-  
 ne confirmato, non est autem accipienda de  
 modo quo nascebatur, & iam constituebatur re-  
 rum natura, & quo iam erat in fieri. Hæ enim  
 duæ rationes rē fieri, scilicet, & facti, seu con-  
 summati, semper sunt diuersis conditionibus.  
 Deinde Philo, Basilus, Ambrosius, Chrysosto-  
 mus, item Beda ita respondent: Ante solem &  
 sydera creatam fuisse lucem & stirpes, ne putarent  
 homines, solem esse primam & totam causam lu-  
 cis atque stirpium, quod videant nunc, & lucem  
 manare ex sole, & generationem & perfectionem  
 ex eius luce motuque pendere, indeque ansam ar-  
 riperent idololatriæ. Providebat enim Deus futu-  
 ros, qui visa pulcritudine solis, lune & reliquorum  
 astrorum, æstimatisque tot ac tantis commodita-  
 tibus, quas ex illis perpetuo & affatim capit ge-  
 nus humanum, eas stellas quasi Deos colerent &  
 venerarentur. Quocirca in molitione mundi ea  
 prima omnium creare noluit, ut cum homines  
 memoria repeterēt, & cum animo suo reputarēt  
 mundi primordia, in quibus & lux & stirpes fue-  
 runt ante sydera, intelligerent, quæ nunc ab illis  
 pendere videntur, ea longe maxime pendere a  
 Deo: nec stellis propter commoda, quæ ab illis acci-  
 piunt, sed Deo & honorem cultumque adhiben-  
 dum, & gratias esse agendas. Manet itaque im-  
 motum Mosis testimonium de quarto crea-  
 torum syderum die.



*Quomodo Deus stellas condiderit?*

I. Opinio. **V**ariant hic interpretes. Quidā Aristotelis documenta & opiniones in Mosis Gene-  
 a lect. 20. in fin importāt. (vt Vielmus a) censentes, quarto  
 Hexam. *die partes cœli enasuras in astra, fuisse a Deo densatas, cum antea æquabiliter omnes essent ratae.*  
 Sed densitate cœli Aristotelica seductus in nodum arboreum impegit, vir alioqui perdoctus, neque animaduertit, cum cœlum etiam ex decretis Aristotelicis dicatur incorruptibile, eius materiam secundum magnitudinem, figuram, densitatem ac raritatem nullo modo posse variari. Dicit id esse factum per Dei omnipotentiam, sed superuacue accersit miracula, cum sine his res non modo æque bene, sed commodius etiam explicari possit. Quanquam non potest effugere illud incommodum, densato multis partibus cœlo, necessario factum illud esse minus, quam ante fuerat.

II. Opinio. L. Danaus existimat, Dominum collegisse in sole, luna & astris, tanquam in vasis, illam iam a se conditam lucem, quam diuersa mensura illis infuderit, vt eam tum de die, tum de nocte, quantum vult, rebus inferioribus communicent ac velut administrant. Ait itaque, corpora cœlestia illius lucis esse vehicula, & vasa, quam velut infusum, & sue substantie adiunctum splendorem habeant, conseruent, ac nobis (quantum ad suæ misericordie vel iræ testimonium Dominus ipse id fieri vult) vel præbeant, vel subtrahant. Itaq; putat, ea esse tantum lucis administra, non vero illius causas



causas. Habui Helmsteti Præceptorem D.D. Hermānum NeoWaldum, cui hæc Danei sententia minime probabatur.

Quidam existimant, *Deum e luce primam* III. opinio.  
sydera quarto die condidisse, & quidem, quantum videre mihi videor, duplici intellectu.

I. Quidam aiunt, *lucem primo die creatam in solis & syderum corpora esse collectam & cōpactam, ut in Ouranographicis ostendimus.* Sed de luce hac differentem audiamus Dominum Lutheri. Si quis, inquit, scire cupiat, quid mihi similem videatur: existimo istam lucem fuisse mobilem, ita ut lux illa fecerit naturalem diem ab ortu in occasum. Qualis autem lux fuerit, etsi sit dictu difficile: tamen mihi non placet, ut sine causa discedatur a Grammatica, aut torqueantur violenter vocabula. Moses enim diserte dicit, fuisse lucem, & numerat huc primum diem creationis. Ergo sic sentio, fuisse illam lucem veram, qua motu circumferretur sicut solis lumē circumfertur, quanquā non fuit tam clara & tam splendida lux, qualis postea fuit, cum lumine solis aucta ornata & perpolita fuit. Quæ igitur fuerit sententia Lutheri, facile hinc conicitur. Existimat vero Dominus Aslachus, sed modeste coniecturando, lucem illam fuisse a substantiam quandam lucidam, certa cœli parte collocatam, ac motu quodam proprio donatam, quo diem a nocte discerneret; eamque materiam quandam fuisse, ex qua Deus quarto die creationis uniuersum stellarum exercitum produxerit & formarit: in quas dispersa illa primigenia lucis copia

Sententia  
Lutheri de  
luce.

Hoc est in  
substantia  
lucida.



Petrus Ar- *(tanquam in certa quaedam vasa ac receptacula)*  
topæus de *collecta ac distributa sit.* Petrus Artopæus The-  
logeus de ologus in eandem ire sententiam videtur, cum  
lucce. ait: *Sed nunc instituit (postquam scilicet primo*

*die lucem crearat) nouum ordinem in natura, ut*  
*sol diurne lucis sit minister, luna & stella noctæ*  
*luceant, atque hoc illi officium attribuit, ut scia-*  
*mus omnes creaturas subesse eius arbitrio, & ex-*  
*sequi, quod illis iniungit. Nihil enim aliud refert*  
*Moses, quam Deum certa organa destinasse, quæ*  
*lucem iam prius creatam mutuis vicibus per*  
*mundum diffunderent. Hoc tantum est discrim-*  
*men, quod prius erat lux sparsa, nunc a corpori-*  
*buss lucidis precedit, quæ in hunc usum obsequun-*  
*tur Deo.*

II.

II. Illi denique, qui primo die materiam cœ-  
li & terræ creatam interpretantur, aut per cœ-  
lum, explicant cœli & cœlestium corporum  
materiam per Metonymiam materiati effecti,  
quod frequentius est: aut, quod rarius inueni-  
tur, per lucem intelligunt nonnulli stellarum  
materiam. Danaus quidem lib. 1. Phisices suæ,  
capit. 22. inquit, *Vt omnium rerum sunt genera*  
*duo; unum cœleste, alterum terrenum: sic duplex*  
*materia constituta a Deo primum omnium fuit,*  
*a Deo, inquam, qui cuius & quotuplicis naturæ*  
*futura erant sua opera non ignorabat, sed iam tum*  
*preparabat. Cœlestium cœlestis, terrestrium terre-*  
*stris materia constituta fuit.* Aslachus NorWe-  
gianus ita ait: *Deus primo statim die duplicem*  
*rerum omnium creandarum materiam sibi pra-*  
*parauit, lucem, nimirum & tenebras, seu um-*  
*bram,*

Aslachus.



bram, (ut vocat Trismegistus) id est, indigestam  
 & informem quandam molem; quarum illa cœ-  
 lestium, hac vero subcœlestium seu elementarium  
 materia existit. Sed lucem inter materiæ mo-  
 lem numerare est quiddam inauditum. De hac  
 quæstione forte plura occurrent, in disputa-  
 tione de materia stellarum. Neminem rodo,  
 cuique suum pulerum permitto: Sapientiam  
 creatoris admirror, probabilibus non repugno,  
 ceteris in textu applaudo; nec certe placent in-  
 terpretes licet doctrina & ætate venerandi,  
 qui Mosis Genesin mundanam popularis ne-  
 scio cuius ruditatis, quæ longe absit a vera Phi-  
 losophorum eruditione, insimulant; Diuino-  
 rum scriptorum pluris mihi est erudita sa-  
 pientia (mundo stultitia) quam omnium sa-  
 pientum mundi dissentiens a Mose futilitas.  
 Veritas Spiritus sancti ita ait: *Dixit etiam Deus:*  
*Sint luminaria in expansione cœli, ut diuidant*  
*diem a nocte, sintque in signa & tempora, in dies*  
*& annos. Sint, inquam, luminaria, in expansione*  
*cœli, ut illuminent terram; Et fuit ita. Fecit igitur*  
*Deus duo luminaria magna, luminare maius,*  
*in dominium diei: & luminare minus, in domi-*  
*nium noctis; & stellas. Et posuit ea Deus in expan-*  
*sione cœlorum, ut illuminarent terram, &c.* Sic  
 igitur Deus stellas condidit: primo verbum  
 potentia iussit: *sint* vel esto; deinde fecit;  
 tertio posuit. Hæc habemus cer-  
 ta: cetera ut probabilia  
 non sperno.



## Quaestio V I.

*In cuius caeli, seu quorum caelorum expansione  
a Deo sint sydera posita, ubi caelorum  
repetita distinctio.*

Quaestio.

Distinctio  
significa-  
tionis caeli.Significatio  
caeli pro-  
pria.

I.

II.

III.

IV.

**M**oses noster, Philosophus ille Aegyptius & Astrologus diuinus, ait, *Luminaria & stellas esse iussas existere in expansione caeli facta esse duo luminaria a Deo: posita ab eodem in expanso caelorum: quaeritur igitur, ubi & in quo expanso seu expansi parte, seu in quo caelo sint & mo-  
tentur stella. Hic placet mihi diligentia & ac-  
curatio domini Aslachi: hic distinctio sciatur cum nominis tum rei. Nominis, inquam, caeli. Et sacris enim & profanis auctoribus caeli vox accipitur aut pro tota expansione, aut pro parte eius. Pro tota, scilicet, *quae a superficie globi terrestris, ad extrema usque caelorum culmina extenditur. Et haec est caeli significatio propria: at nihil moror Aristotelis elementum aeris a caelo dissectum: ex sacris philosophor. Secundo per tropum synecdoches pro parte expansi accipitur. Est autem synecdoche integri pro membro. Pro parte autem usurpatur vel definite, vel indefinite. Definite, pro certa aliqua, ea-  
que suprema, media, vel infima expansi parte: ubi etiam in singulis saepe pro ipsis rebus contentis in suprema, media, vel infima regione usurpatur: geminis in una eademque caeli voce concurren-  
tibus inter se tropis, synecdoche scilicet & metonymia, quarum illa integrum pro parte, hac adiunctum, pro adiuncto usurpat. Exempla videris apud D. Aslachum. Indefinite ponitur nonnun-  
quam**



quam pro quouis horizonte sensibili, præcipue apud auctores profanos.

Ad quæstionem propositam quod attinet, Respon.  
cum dicitur *Deus sydera posuisse in expansione cælorum*, cæli vox capitur pro ea systematis vniuersi parte, quæ inter summam & infimam est media in hac fulgida illa syderum cælestium corpora, perniciousis que ingenitis ac natiuis curriculis exspatiantur, nullis irretiti orbibus. Deinde quo ad rem ipsam, corpus illud supra terram subtilissime diffusum & expansum, quod *cælum* nominaui, est tripartitum, *aereum*, *sydereum*, & *empyreum*, seu beatum. *Aereum* est vulgo dictus aer, qui a conuexo terre ad lunæ concavum se diffundit. Est itaque hoc, pars expansi seu cæli infima, a terræ conuexo ad cælum vsque stellatum se extendens, non syderum & luminarium, sed aquarum cælestium, reliquorumque Meteororum receptaculum. Huius vulgus tres, alii duas regiones distinguunt, de quibus in Ouranographia. *Sydereum* seu *æthereum* est expansio subtilissima propriis syderum moribus peruia. Hæc est nullis realibus orbibus distincta, immobilis & inuisibilis per se. In hoc igitur cælo collocata sunt sydera, quæ in supremo expanso seu cælo non sunt; hoc enim tantum est Dei & beatorum angelorum & hominum felix domicilium, gloriæ plenum. Cum igitur dicitur *Deus posuisse stellas in expansione cælorum*, capiatur & intelligatur pars expansi media non quæuis: *Aereus* quippe tractus, non est stellarum ca-

Realis cæli  
distributio  
in  
1. Aereum.

2. Sydereum.



pax feraxque; beatorum etiam illa beata sedes non est insignita syderibus: relinquitur igitur illa pars, quæ inde stellata & astrifera seu sydereæ nuncupatur.

### *I. Regressus ad Ouranographica.*

#### *Quæstio Digrediens I.*

*Cælum seu expansum sydereum, in quo sunt stellæ, cuius sit natura & materia, & quidem 1. An ignea.*

Cælum an  
sit igneæ  
naturæ.

**H**Anc quæstionem etsi discusserim in Ouranographicis: quia tamen dies diem docet, eaque hic ex Aslacho (qui mihi ob veritatis studium & S. literarum amorem percarus) offerantur differenda, quæ illic non occurrerant; placet regredi ad cæli syderei, subiecti scilicet Astrorum indagandam naturam, tum ut me, tum ut alios, quibus hæc ignota sunt, firmos stabiliam.

Cælum hoc esse igneæ naturæ plerique veterum Philosophorum & Theologorum autumant. Ex Philosophis præcipue ita sentierunt Trismegistus & Plato. Sed argumenta excutiamus eorum, qui etiam hodie pro igneo cælo e Theologis dimicant.

I. argumen-  
tum.

Pro syl-  
logismo.

*I. Quod luce est præditum, & imbutum, id igneum quoque sit necesse est. At cælum hoc est luce præditum & imbutum. Ergo sit igneum cælum necesse est. Propositionis prosyllogismum hunc afferunt. Si lux primo die producta est fons omnis caloris, & quidem cum celestis, tum insitis, tum sequitur, quicquid est luce illa præditum, esse ca-*



se calidum, & quicquid calidum, esse igneum. At  
verum est antecedens. Nam ex luce hac tanquam  
scaturigine, non modo calor cœlestis proficiscitur,  
qui in ipsis est syderibus, & per radios tanquam  
riuulos ac canales in hanc inferiorem naturam  
derivatur: sed internus quoque, qui inest rebus a  
Deo conditis, tanquam necessarium vita pabu-  
lum, huius vis & vigor est: imo huius beneficio  
exsuscitatur, vegetatur & sustentatur. Assum- Profyll. aff.  
tionem probant Genes. i. Dei verbo: Sit lux, &  
facta est lux: item aliis scripturae locis, ubi cœlum  
dicitur esse lucidum.

Respons. I. Propositio generaliter sumpta I. Respons.  
vera haud est. Non enim, Omne lucidum, seu ad proposit.  
quod lucet, est igneum. Si specialiter ex sensu  
prosyllogismi de luce primæua intelligitur,  
multis itidem non concludetur: siquidem  
huic: Omne cœlesti luce calorem habens, est  
igneum, multi repugnant. Primo enim qua-  
dam lucent, quæ sunt ignea, ut experientia testa-  
tur. Deinde quedam calefaciunt Aristotelicis,  
quædam etiam calent, non igni. Sed ad prosyl-  
logismum. Propositioni prosyllogismus basin  
subiicit magnis quidē viris creditam & indu-  
bitatam, sed tamen rei veritatem acutius in-  
trospicientibus ruinofam. Etenim vix dari po-  
test, lucem primo die creatam, fontem & origi-  
nem esse omnis caloris, & cœlestis & insiti. I. Non  
quod lucem recipit, ut subiectum diaphanon, est  
fons caloris, sed potius id, a quo ut causa diffundi-  
tur & spargitur lux. II. Ut lux, ita & calor est vel  
cœlestis, vel elementaris & ingenitus corporib. in-  
II. Negatur.

II.  
Ad prosyl-  
logis.

I.  
An lux pri-  
mæua sit  
fons caloris  
& cœlestis  
& insiti.  
II. Negatur.



ferioribus. Lux & calor cœlestis non cœlo, sed Soli  
 & reliquis syderibus est acceptus ferendus. Sol est  
 præcipuus fons & auctor omnis lucis ac caloris  
 cœlestis. Nam Genes. i. ipsis luminaribus in ex-  
 panso cœli collocatis, non ipsi expanso, peculiari  
 mandato imperatur, ut luceant super terram, &  
 suo lumine distinguant inter diem & noctem. Ait  
 quippe Deus: Sint luminaria in expanso cœli, ut  
 luceant super terram. Ideoque totum lucis & ca-  
 loris beneficium non luci cœlorum, sed luminari-  
 bus adscribendum est. Deinde præcipit Deus,  
 ut ipsa luminaria suo pte fulgore luceant super ter-  
 ram, quod ex voce & re scriptura liquet: Sint lu-  
 minaria ad faciendam lucem super terram. De-  
 nique statuit Deus sydera in dominium diei &  
 noctis, lucis & tenebrarum. Ergo sydera non  
 sunt (ut quidam aiunt) tantum administri &  
 legati lucis. III. Innatus & inginitus primo non  
 dependet a cœlo, vel luce cœli, vel etiam ipsis syde-  
 ribus: a Deo enim singulis naturis in sui creatione  
 vi benedictionis eius est inditus & insitus. Deinde  
 calor hic, etiamnum absente sole, eiusque radiis,  
 vitalia & vegetabilia munia in infimo terra ma-  
 risque fundo & ventre semper exercet. Suscitatur  
 quidem calor internus & evocatur aliquando, sed  
 quædam etiã felicius sua munera peragunt, quan-  
 to minus externo & aduentitio vlllo calore impe-  
 diuntur & infirmantur. Ergo nec cœlestis calor, nec  
 insitus a sole & reliquis syderibus primo promanat.  
 III. Ad assumptum etiam respondemus negando.  
 Ad assumpt. Nam non est essentialiter luce præditum, sed acci-  
 dentaliter, nempe per lucis a sole & syderibus in  
 cœlum



*cælum & aera diffusum lumen, quod abest & ad-  
est. Quo ad profyllogismū eius, nusquam in Ge- Ad profyll.  
neti legitur, talem lucem cælo seu expāso esse infi-  
tam. Est o lux, inquit Moses, at non addit, in ex-  
panso cæli, ita vt in cæli corpore fundetur. Pri-  
mæua enim illa lux in certa quadam substantia  
tenui & lucis receptioni cōmoda creata a piis  
& doctis multis creditur. Et distinguendum  
meminerimus inter lucē lucentis corporis, &  
lumen a luce in corpus perspicuum dispersum.  
Lux syderum si nō esset, nec vllum cæli lumen  
esset. Ecclesiast. cap. 43. vers. 10. dicitur: *Pulcri-  
tudo cæli est gloria, astrorum ornatus, lucem præ-  
bens in cælis Domini altissimi. Ergo astra lucem  
præbent in cælis: & lux recipitur a cælis* δεκτικῶς:  
*sicut etiam cælo tenebra recipiuntur. Plura vide  
apud Aslachum.**

*II. Quod est caliditatis fons, id ipsum est II. Arg. pro  
igneum. Cælum est fons caliditatis, quæ est in his cælo igneo.  
inferioribus. Ergo est cælum calidum, ac proin-  
de igneum.*

*Resp. I. Propositio est imbellis, vt constat Respons. ad  
ex præcedentibus. Et si enim detur, cælum esse proposit.  
caloris fontem: quis tamen inde concluderit in  
Peripato igneam & elementarem cæli natu-  
ram? Est enim calor quidam non igneus. Calo-  
rem innatum & benignum non esse igneum,  
quis ignorat? At de vniuersali & cœlesti dubi-  
tatur, & non immerito, cum distinctio illa ca-  
loris elemētaris, & cœlestis, qua ille dicitur ab-  
sumere, & vrendo perdere, hic vero fouere &  
generare, sit valde suspectæ fidei. Nam compe-*



rimus, cœlestem etiam vrere, incendere, & perdere: comperimus elementarem nostrum, foci scilicet nostri, calorem fouere & generare.

Resp. ad aff.

II. Assumptio est falsa. Cœlum enim, et si luce perfundatur syderū, & ita accipiat calorem: non tamen est fons omnis caloris, quem inferioribus impertiat. Si enim calorem omnem funderet, tum natium, & naturis insitum, seu internum, tum externum superne fluentē daret. At neque internum, neque externum cœlum largitur. Non internum. *Quia hic est in*

Syllogism.  
probās, cœ-  
lum nō esse  
omnis calo-  
ris fontem.

I.

prima creatione singulis rebus pro mensura sua & functionibus, sigillatim inditus. Est internus vitalis & efficax operansque calor. Huius vi singula in suo vigore ac statu cōseruantur: qua debilitata, aut exstincta, natura ipsa, cui inest, debilitatur, aut emoritur. Secundo, calor insitus & internus

II.

non est igneus, ideoque igneam non arguit naturam. Calor enim innatus est virtus, vigor, & quasi anima, qua singula viuificata fountur & vegetantur. At talis non est igneus calor, qui penetrat, absomit, perdit, ubi vehemens est, & tangit vtilia corpora. Calor internus non patet visui: igneus calor etsi proprie tactu percipiatur, tamen cum præfulgida quadam claritate est coniunctus. Non externum fundit. *Quia non ex cœlo ipso hic calor, sed ex cœli luminibus, & præcipue sole, radiis, tanquam ministris diffunditur. Nec male nobis metuimus, quod cœlesti corpori tribuimus qualitates físicas, ut partim in Ouranographia ostendimus, partim in hoc libro sumus ostensuri.*

Ergo cœlum non est omnis caliditatis, scilicet



licet interna & externa fons & origo.

III. Quod oculis patet fulgidum, & claritate III. Argum.  
coruscum, ut est natura ignea. Cœlum oculis (teste  
experientia) saepe patet fulgidum, & claritate co-  
ruscum. Ergo est ignea natura.

Resp. ad propof. Ignis color non semper ar- Resp. ad  
guit igneam naturam. Nam terra & aqua super- propof.  
ficies, imo vastissima nubes, solis illustrata radiis,  
I.

flammea ac ignea saepe apparent: cum tamen ea ex  
igni constare nemo sane mentis asseruerit. Deinde II.

putrida ligna spina & squama piscium, quæ noctu  
etiam in densissimis tenebris, flammeum ignis co-  
lorem representant. Non igitur, quia res igni, sed  
quia luce, vel propria, vel aduentitia sit prædita,  
conspicua redditur. II. Assumptionem deinde

inficiamur. Ipsum enim cœlum non conspicitur  
igneo quodam fulgore. Estque causæ elenchus.  
Etsi enim in sinum hoc cœlum, crassior nempe aer,  
ob euaporationes terrestres, radiis solaribus in ma-  
rem ignis cuiusdam flammantis illustratas, non-  
nunquam rutilum & fulgidum appareat: ille ta-  
men splendor igneus cœli stellati nequaquam est:  
imo nec aeri proprie competit, sed exhalationibus  
tantum aeris, quarum interuentu aer & cœlum,  
ipsum rutilum esse existimantur. Ceterum si cœ-

lum esset flammeum, cur nō perpetuo, cur non  
totaliter, & omni ex parte eiusmodi apparet?  
Alia argu-  
mentatio.  
liquidem ignis comitem sibi lucem semper ha-  
bet indiuiduum, totaque cœli substantia ubiq;  
homogenea, sibi que vsquequaq; similis est. Et  
si forte interdiu, propter maiorem solarium ra-  
diorum lucem fulgor ille cerni nō posset, quid



vetat, quo minus noctu semper appareret?

IV. Argum.

IV. *Quod sacra Dei oracula de cœli natura edocent, id cura controuersia est acceptandum. At qui illa testantur, cœlum esse lucē & ignem quendam. Ergo hoc acceptetur. Assumptum probatur 1. Timoth. 6. vers. 15. Deus inhabitat lucem inaccessam. Psal. 104. Deus operit se lumine quasi vestimēto. Exod. 3. dicitur Deus apparuisse Moysi in flamma ignis de medio rubi. Item Deuter. 5. Locutus est Deus de medio ignis.*

Respons.

Ad dictum

1. Tim 6.

Resp. I. Negatur cōsequētia, quia illa testimonia igneam cœli essentiam non contestantur. Nam 1. Timoth. 6. quod dicitur *Deus inhabitare lucem inaccessam*, de imperscrutabili Dei maiestate, & splendore immenso, quem nemo vidit vnquam, nec videre potest, intelligendum est. Lux igitur ista, quā inhabitare dicitur Deus, non est cœlum, & lux materialis, in qua conquiescat, & comprehendatur. Et si daretur lux esse propria, qualis oculorum acie percipitur, quis tamen diceret, Deū in igne habitare? Deus est infinitus, & æternus, immensus, & incomprehensibilis. Habitatio igitur Dei non est carnaliter accipienda de materiali continente luce. Ne igitur cum literalibus illis Grammaticis, ignaris troporum osoribus, & affectuum libidini indulgentibus Harmostis, per lucem illam inaccessam intelligamus *lucem aliquam creatam, & aspectabilem*: sed *summam Dei maiestatem, & perfectissimam, atque plenissimam beatitudinem, quam is ab æterno inhabitauit, sed citra omnem locum & situm finitum.* II. Deus dicitur,



citur *se operire luce, tanquam vestimento*, non quod finito aliquo vestimento & tegumento induatur, infinitum siquidem finito habitu nō comprehenditur; neque quod vlla luce materiali indigeat, cui vel ipsa tenebra lux: sed quatenus infinitam & inuisibilem suam maiestatem, finito, visibili, & effabili quodam lumine, tanquam velo, & operimento externo adumbrat, & quodammodo oculis spectandam exhibet. Sic tota rerum natura, tanquam vestimentum, tegumentum, simulacrum, imago & exemplar quoddam est, in quo infinita & æterna Dei adumbratur & depingitur sapientia, potentia, bonitas. III. Reliqua dicta de modo apparitionis, quo sese Deus populo Israelitico ostendit, accipienda sunt. At quid hoc ad cœli naturam? Quæ consequentia: *Deus apparuit Mosi in flamma ignis. Ergo cœlum est igneum.* Quasi vel Deus esset ignis (scilicet proprie) Sicut non est homo Deus, ut pictores Deum blasphemie pingunt, eo, quod ut homo senex, vel dierum antiquus vel dicitur, vel apparuit: quasi vel flamma ignis sit hoc loco cœlum, quasi que non appareat, nisi in cœlo. Non profecto, quia æternus ille Deus, qui natura est inuisibilis, variis rebus creatis, exteriorē suam faciem, creaturarum captui benignissime sese accommodans, quodammodo ostendit, ideo res illæ varix, quibus tanquam habitu, aut instrumentis utitur, ad suam potentiam, & maiestatem depingendam, protinus inter se confundi debet. Sic luce se Deus operit tanquā vestimēto. Mosi

Ad dictum  
Psalm. 104.

Ad dicta  
Exo. 3. Deu-  
ter. 5.



apparuit in flamma ignis: ponit nubes currum suum: ambulat super alas venti: nubes & caligo in circuitu eius. At hinc non concluditur, Deum his corporalibus comprehendere, vel has res omnes pro eodem accipi debere.

V. Argum.

V. Caeli syderei initium est ignis, & igneum. Nam inter aerem & coelum stellatum collocatus est ignis elementaris, qui caelo proxime subiectus. Proinde credibile reliquam naturam caeli cum igne habere affinitatem naturalem.

Respond.

Resp. De igne hoc inter aera & aethera subiecto egi copiose in Ouranographia. Nullus est, qui esse ibi putatur. Noua hic depromemus argumenta. Si dicitur ignis non esse, quod sensu non percipiatur, respondetur, ignem hunc non esse lucidum in se, & sua natura. At contradictio est futilis. Concreta aiunt omnia propter ignem lucere, ac conspici, quantoque plus ignis habeant, tanto ea lucidiora esse assueverant. Nonne igitur ipse ignis purus, & non permixtus, qualem sub caelo proxime esse dicunt, multo magis lucidus, ac conspicuus e-

Argu. ignē  
extinguēs  
sub luna, ex  
Optica de-  
promptum.

rit? Si ignis aliquis sub caelo proxime flagraret, duo essent diaphana, ignis unum, alterum aeris. Atque ita stella duplicem efficerent refractionem. At cum refraction stellarum non nisi unica sit, quae ex fumositatibus terrestribus ac aere inferiore paululum crassiore ingeritur: ideo unum tantum inter coelum & terram, aeris scilicet, diaphanum interiectum est. Hac de re acute differit Ioannes Pena in praefat. in Opt. Euclidis, cuius verba ex Aslacho ita ascribo: Multa, inquit, disputarunt plerique in Physicis, sed sine lumine, sine lumine,

Ioan. Pen.  
verba.



mine, id est, sine opticiis. Ignem enim, quem rerum animā natura fecerat, & per omnes uniuersas partes insperserat, scilicet undecunque collegerunt, & supra aera collocarunt, sumto inde argumento, quod ignis suo impulso superiora peteret. Hinc illa schotarum placita, nō tam Aristotelica, quam Aristoteli ab interpretibus adscripta, de igne Luna orbem euallante. Atqui rerum splendor optice aperte monstrat, nullum incendiū, nullum ignem illic esse, non dico lucentem & splendidum, nō flammantem & feruidum, sed ne talem quidem. qualem Auerroes comminiscitur, potestate calidum, non re ipsa. Aio, inquam, eos, qui se Physicos dicunt, optica ignoratione ignis aliquam regionem supra aera comminisci. Siue enim flamma lege consortii, ut syderum, illecta, humo attollitur, siue alimentū auida, quod in fumo pingui est, fumum aliquemque persequitur, certum tamen est, hos ignes haud ita procul a terra exstingui, & neque alios inter terram & Luna orbem interiici. Docet enim optica, radium lucis per se rectum, occurso tamen mediū diuersi frangi, eamque ob causam corpora per duplex medium inspecta pro vario recessu a perpendiculari varie situm, interuallum, locum & magnitudinem commutare, quod facile est in his cernere, quae per aquam, vitrum, crystallumque spectantur. Si igitur supra aera ullus ignis sit, necesse est, nos Solem & Lunam, omniaque sydera per duplex medium intueri, nempe per aera & ignem, quorum hic rarior sit, ille densior. Placet enim huius commenti auctoribus, ignem aere decuplo rariorem esse. His positis, necesse est, duarum stella-



rum sibi propin quarum, & per finitoris polum per-  
gentium, interuallum variū apparere. Cum enim  
vertici imminebunt, quia perpendiculares radios  
mittent, tantum inter se distare videbūtur, quan-  
tum reuera distant. Cum autem vel in horizonte  
erunt, vel alibi, quam in polo horiZontis: quia ra-  
dios non perpendiculares, sed obliquos mittent, &  
per duplex medium aspicietur, necessario plus mi-  
nusve distare apparebunt, quam cum imminerēt  
vertici. Item stella in horizonte posita, seclusa va-  
porum fallacia plus minusve a mundi cardine di-  
stare videbuntur, quam cum cœli medium occu-  
pabunt. Haftenus ille.

II.

Respons.

Alii vero, ne plane Aristotelicū ignem dese-  
rant, asserūt, ignem illum nihil aliud esse, quam  
supremam illam, & calidissimam aeris regio-  
nem, quæ ob vicinitatē rapidissimi motus cor-  
porum cœlestium, ignis in modum incalascit.  
Sed figmentum hoc deridet etiam Aslachus  
meus qui ita differit: *Quomodo, quæso, ob ingeni-  
tum & naturalem corporum cœlestium motum,  
in purissimo & subtilissimo aere, cœlis stellatis fini-  
tismo, ignea aliqua efferuescentia suscitari queat?*  
Ignis etenim & fervor igneus non ex naturali, sed  
violento tantum motu, & repentino vehementiq;  
duorum crassorum corporum, maxime ferri & si-  
licis collisione, aut etiam crebro densorum attritu,  
potissimum proficiscitur. At in cœlo nihil tale, nihil  
coactum, nihil violentum, sed omnia naturalia &  
ingenita existunt. Quid quod hæc infima aeris  
regio, ut ut fœculēta, & variis exhalationum sor-  
dibus coinquinata sit, nulla tamen motione ita a-  
gitatur,



gitatur, ut inde magis incallescere, aut feruere ullo sensu comperiat? Cur igitur subtilissimum & purissimum illum aera olympo stelligero cōterminum, ob naturalem syderum cōlestium reuolutionem efferuescere, ignisq; nomine appellandum esse somniant? Sed esto ita: Nonne etiam cœlum ipsum, eadem de causa, intensissima ac exquisitissima caliditatis foret? Nōne mediā aeris regionem, quam illi frigidissimā esse statuunt, infima hac calidiorē esse sequeretur? Vtiq; Nam si ea, quæ extra hoc cœlum sunt, & a syderum reuolutione longius remouentur, ex cōcitissima illa stellarum circumgyratione calidissima reddatur: Equidem cœlum ipsum, intra cuius profundissimam concanitatē rapidissimus hic stellarum motus perficitur, multo intensioris caliditatis, imo intensissimi feruoris omnino fuerit. Et, si superior aeris regio, ob vicinitatem corporum cōlestium calidissima sit, erit media quoque: eo, quod syderum reuolutionibus multo quam infima hac sit propinquior, eadem longe calidior. At hoc omnes, tanquam absurdum, reiciunt; quomodo igitur priorem sententiam, ut omnino veram ac necessariam, tueri possint?

Quæstio Digrediens. II.

An cœlum sydereum sit aereum, seu ex aere expansum?

**I**N Ouranographia hac de re differui, & ita, ut videar in dubio omnia reliquisse, & magis in affirmantem quæstionis huius partem secessisse. Nunc ex sententia Aslachi omnia accuratius dispecturi, argumenta aeris naturam cœlo ven-

C



dicantia ponderabimus: quid ex præfatione Pæ-  
næ doctissimi Mathematici elicerimus, patet  
in Ouranographicis. Iam illud libramus: argu-  
mentum principale est hoc.

**¶ Argum.**

*I. Si cælum esset diuersa natura ab aere: tum  
gemina omnino contingerent stellarum refractiones: una nempe ob diaphanum cæli; altera propter  
diaphanum aeris. Atqui una tantum contingit  
syderum refractione. Ergo cælum & aer non sunt di-  
uersa natura, sed plane eiusdē. Propositionis pater  
dicitur ex Optica. Assumptio probatur præstan-  
tissimorum Astronomorum observationibus, qui  
unicam tantum refractionem, eamque ab  
aere fœculētiorē profectam, agnoscunt. Quod  
si alia quæpiam, præter hanc, ab aere puriore,  
vel cælo ingereretur, ea sane ad Zenith, seu ver-  
ticem vsque in omni pertingeret: quod a nemi-  
ne hætenus est obseruatum.*

**Respō. Ty-  
chonis &  
Aslachi**

**Q.**  
**An hetero-  
genea cor-  
pora faciāt  
diuersā pel-  
luciditatē.  
Negatur.**

Propositionis cōsequentia negatur: nō enim  
necesse esse dicitur, vt quæcunq; alterius sunt  
naturæ, ea quoq; diuersæ sint perspicuitatis, seu  
diaphanitatis (vt loquuntur) atque ideo diuer-  
sam ingerant refractionem, nisi lumine, tenui-  
tate, & radiorum visibilium penetratione dif-  
ferant. Possunt siquidē bina esse corpora, pere-  
grinæ a se inuicem essentia, quæ nihilominus  
externis his proprietatibus, vtpote, tenuitate,  
perspicuitate, & radiorum transmissione inter  
se conueniant, vel differētia admodum imper-  
ceptibili dissideant. Idcirco ex naturarū diuer-  
sitate, non confestim diaphanorum, aut refra-  
ctionis inferre licet discrepantiam. Vt igitur  
corpora



corpora diuersam habeant refractionem, necesse est, ea non tantum substantia ipsa, sed qualitatibus, nempe densitate, raritate, perspicuitate, penetratione, & similibus inter se differre. Id quod hoc rudi exemplo patebit: Sint dua fenestra, altera crystallina, altera vitri vulgaris: utraque tamen eiusdem densitatis & perspicuitatis ferre, transmittanturq; per utraq; radii solares. Dico; gemina illa vitra, quia diuersa ab aere circumfuso diaphanitatis sunt, pua tenuitate, perspicuitate & penetratione differencia, aliqualem importatura refractione ab aere diuersam. Vitrum tamen & crystallus eidem refractioni obnoxia erunt. An hinc inferre licebit, crystallum ac vitrum eiusdem naturæ & proprietatis existere? Eodem modo aer ille purior & cœlum, quia ab aere inferiore paululū crassiore, raritate & perspicuitate differunt: ideo cum eo nō eidem refractioni subiacent. Inter se vero, quoniam iis quam proxime cōueniunt, vñ quoq; idemq; diaphanum constituunt, eandemq; refractionem obtinent. Ita quidem ad primum respondetur argumentū, fieri hoc posse in diuersis naturæ datur. Fit tamen multo magis & verisimilius in eiusdem naturæ corporibus, & an nō fiat ob identitatem & vnitatem cœli & aeris nondum concluditur. Adhuc igitur incertum.

*II. Aerem & cœlum visus testatur esse subtilissimæ essentia, neq; quicquam in essentia & subtilitate visui apparet discriminis. Ergo sunt eiusdem naturæ.* II. Argum.

Negatur Enthymematis cōsequentia. Non An cōtinua



Anteiusdē  
naturæ &  
facultatis.

enim necesse est, vt quæ ita inter se cohærent,  
vt discerni nequeant, statim eiusdē sint naturæ  
& facultatis. Affertur exemplū primum corpo-  
ris & animæ (*at hoc multum habet disparis ratio-  
nis*) Secundum quod adducitur, est maris ter-  
ræ plurimis interluentis sinibus, cuius licet vna  
eademq; moles continua ac indiuisa appareat:  
tamen alia sit natura maris occidentalis, alia o-  
rientalis, &c. (*sed manet interim communitas es-  
sentia marina, quæ qualitatibus & viribus differt,  
vti & terra. Quid ergo? manet ne essentia etiam  
identitas in cælo & aere? Nisi forte quis velit, aliā  
esse essentiam huius & illius maris.*) Eodem mo-  
do vastissimū hoc expansi cœlestis æquor, con-  
tinuum quid & indiuisum est: nec tamen e ve-  
stigio totum eiusdem naturæ existit. (*probetur*)  
Infima expansi regio crassior & impurior est, e-  
lementaribus his naturis domestica & familia-  
ris. (*At impura crassities non ab aere ipso, sed in  
aere est aliunde ex terreis & aqueis vaporibus &  
exhalationibus.*) Supra hanc regionem purior  
est aer, qui, quo cælo vicinior, hoc etiā tenui-  
tate ipsi similior est. Hūc excipit æther, seu cœ-  
lum astriferum, in quo circumrotatur syderum  
lumina, ideoque virtute his familiari, ab infe-  
rioribus peregrina, donatum. (*Virtus est qua-  
litas, diuersa hac eidem naturæ & essentia concedi  
potest: sed ostēdatur diuersitas naturæ, quæ ex con-  
tentis, ipsi continenti insit, item probetur, purum  
aera non esse per se syderum motibus & naturæ fa-  
miliarem, citra præiudiciū Aristotelicum*) Re-  
spondetur: In inferiori mundi scena mens di-  
uina



uina singulis rerum generibus cognata suæ naturæ domicilia, ut piscibus mare, reptilibus terram, auiibus aerem deputauit: ita eandem flammis quoque illis olympi incolis suum competentis hospitium ab inferioribus diuersum assignasse quis addubitet? (*Diuersitas conceditur, at essentia, an vero qualitatis? Aerē purissimum non esse stellis familiarem probari cupio. Multum hic sensui debetur: & certe flumina ubi se primum in salsum mare exonerent, ostendunt oculis plerumque in ipso illapsu sui discrimen, firma utrinque desidero: dubitare detur, donec infra alia videam.*)

III. *Expansio seu cælum est locus, in quo sunt stelle. Atqui aer est expansio. Ergo in aere collocata sunt sydera. Propositio patet ex Gen. i. cap. Sint luminaria in expanso, & posuit ea in expanso cælorum. Assumptum probatur ex 4. Hezræ, c. 6. Tu die secundo creasti aerem expansi, & imperasti ei, ut distingueret diuisionemque statueret inter aquas.* III. Argum.

Resp. I. Propositio si, ut definitio, accipiatur, non est vera. Nam expansio non tantum est locus, in quo sunt stellæ, sed etiã, ubi nubes & meteora. (*Est tamen hoc verum: In quo sunt posite stellæ, id ipsum est expansum, si non totum & omni parte, esto, certa seu media parte: est tamen expansum: nec secundo die legimus a Deo expansa diuersa a Deo condita.*) II. Assumptio quoq; falsa dicitur: Non enim aer, si proprie loqui velis, expansio illa est, in qua stellæ sunt dispositæ, etiam si communem expansi appellationem sortiatur,



non magis, quam Oceanus fit fluvius, quia utri-  
que aquæ competit appellatio. (Recte si aer ad  
certam expansi partem, nempe infimam significan-  
dam restringitur, dicitur aer non esse cælum syde-  
reum, ut infima cæli pars non dicitur esse media  
pars: sed an totum expansum sit unius essentia &  
materia generalis, quæ utriq; cælo competat, quod  
certis qualitatibus sit distinctum, & suis contentis  
accommodatum queritur: si aer & aereum notat  
imam partem eiusq; naturam, quis non videat,  
disparata non debere confundi?) Expansior em  
igitur duplicem esse dicunt, unam cœlestem,  
alteram subcœlestem, huius officium est, aquas  
distinguere, illius astra continere. Hæc ita dis-  
tincta recte accipiuntur.

Quæstio Digrediens. III.

*An cælum sydereum sit aqueum, seu ex aqua  
expansum?*

**Q**ui ex aqua cælum expansum arbitrantur  
Theol. g. abeunt in partes duas: prior do-  
cet, cælum ex aqua tenuissime diffusa constare:  
posterior ex aqua vehementissime spissata, & in-  
star adamantis indurata. Argumentis præcipue  
duobus pugnant.

I. Argum.

I. Cælum nomen suum Hebraicū est ab aqua  
sortitum. Ergo cælum est aqueum. Antecedens  
probat: quia Schamajim idē est, quod ibi aqua.

I.

An ex voce  
Schamajim  
arguatur  
cælum a-  
queum.

Resp. I. Negatur consecutio cōsequētis ex  
antecedente. Sæpiissime enim superiora & ab-  
scōndita ab inferioribus, quæ in sensus exter-  
nos cadunt nomina, eorumque interpretatio-  
nem: nec tamen propterea ab iisdē essentiam  
depre-



depromunt: sed tantum ob analogiam & similitudinem quandam, quæ cum iis rebus, quarum nomina sortita sunt, intercedit, promiscua & communi nonnunquam voce insigniuntur.

II. Antecedens Enthymematis negari potest: siquidem vocis *Schamajim*, communis explicatio videri potest, partim nimis arbitraria, docta vocis, partim Sanctæ linguæ contraria. Nimis arbitraria patet ex pluribus & discrepantibus notationibus, & sæpe sibi inuicem repugnantibus. Alii enim compositionem vocis ita formant, ut vocem compositam existiment, quasi *ibi aqua*: alii a *Majim* & *Isch*, ignis & aqua: alii sic interpretantur: *sustine aquas*, quod cælum aquas superiores sustineat: alii sic, *ibi aqua & ignis*: alii denique a *stupore*, quod ibi aquæ stupēdo quodam modo sint collocatæ. Quid ex hac varietate concludi potest? Contraria illa compositio videtur Sanctæ linguæ proprietati. Ea siquidem talem vocum combinationem in appellatiuis nominibus non admittit: in propriis nonnunquam. Et si *Schamajim* conflatum est ex *Scham* & *Majim*, cur alterum in concretione illa sine omni compensatione, quod Hebræa lingua vix patitur, excideret? Vnde liquet, vocis huius cōpositionem, pro auctorum arbitrio, effectam potius, quam secundū rei veritatem, & linguæ vsum, proprietatemq; legitime factam esse. Quibusdā igitur probatur hæc notatio, (ut *D. Aslacho*) qua quidem dicunt, hanc vocem esse simplicē, nec vlla prædicta non vocum cōbinatione coagmentatā, sed deriuatam.

Explicatio  
docta vocis  
*Schamajim*

I.

II.



a verbo inusitato *non obstupuit*, ut sit quasi stupendum & admirandum quid. Caelum enim tanto stellarum ornamento insignitum vere stupendum quid existit, in quo homines Dei sapientiam & potentiam conspectam admirantur. Inualido itaque vocis illius *Schamajim*, notationis fundamento fulcitur argumentum primum.

**II. Argum.** *II. Apostolus Petrus ait 2. epist. c. 3. Illud sponte ipsos latet, caelos iam olim existisse per Dei sermonem, & terram ex aqua, & in aqua consistentem. Ergo coelum ex aqua consistit.*

**Respons.** Resp. De hoc argumento in Ouronographia egimus: sed palam est, Petrum scribere, non coelum, sed terram, ex aqua, & in aqua consistere, quatenus scilicet illa ex certa materia primo die creata, (*quam Moses informe ac inane quiddam, item aquam, Petrus similiter aquam nominat, si modo illa etiam sententia de chao, seu materia prima receptatur*) iussu diuino collecto in unum locum mari, emergerit. Caelum vero hic dicitur tantum per sermonem existisse. Quid D. Goclenius hac de re dicat, vidimus alibi. Certum est, ex hoc Petri loco non posse certa consequentia educi coelum aqueum.

Quaestio Digred. IV.

*An stellatum coelum ex elementis vulgo quatuor constet?*

**M**ulti ex antiquis, non pauci etiam ex recentioribus coelum ex illis vulgo dictis omnibus quatuor elementis conflatum opinantur, quorum praecipua fundamenta ex D. Aslacho ostendemus.

*I. Si*



I. Si omnia ex eadem prima materia producta sunt, ex iisdem elementis constent necesse est. At omnia ex eadem prima materia producta sunt. Ergo, &c. Assumptum probant testimoniis tum Geneleos i. In principio creauit Deus cælum & terram, id est, ut interpretantur, massam quandam informem, ex qua veluti materia communi, reliquis diebus, cuncta creauit: tum Philonis Iudæi & aliorum profanorum Philosophorum.

I. Argum.

Respons. I. Propositionis connexio est imbecillis. Qui enim per cælum & terram, Metonymice cœli & terræ materiam interpretatur, in ipsa materia distinguūt seminarium cœlestium corporum a terrestribus & elementaribus fere corporibus. Tum ergo omnia ex iisdem principiis constarent, si moles illa informis, vnde reliqua omnia emeruisse dicuntur, vbiq; sui similis, & eiusdem substantiæ, cunctaque simul & immediate ex eadem profecta fuissent. At cum prima illa materia tot diuersarum rerum semina suo complexu, ut volunt illi, continuerit, nec vsquequaque fuerit eadem: cumque non omnia simul, & immediate sint producta. Idcirco minime hic necessario quis asseret, omnia ex iisdem elementis progenita, etiam si ex eodem communi gurgite, tanquam matrice, educta fuisse concedatur. Assumptionis sententia est valde dubia; multos siquidem contradicentes: qui enim aiunt, *primi diei cœlo & terra intelligi materiam eorum primam*, videntur sola niti opinione, nec vera necessitate sua munire expositionem. Alii igitur, his in verbis

Respons. I.

II.

C 5



statuunt vniuersæ geneseos mundanæ propositionem partibus duabus τὸ πᾶν continentem. Alii per cælum accipiendum suadent cælum supremum beatorum. Alii vniuersam cælorum omnium compagem & ambitum. Alii aliter interpretantur. Quid igitur hinc necessarium? Sed hac de re prolixè commentati sumus in disputationibus Ouranographicis. Ego hic nihil certi asserere possum: omnia sano lectoris iudicio committo.

II. Argum.

I. Prosyll.

Respon. ad  
syllog.

II.  
Respon. ad  
assumpt.

II. *Si cælo elementorū qualitates insunt, essentia quoque elementorum ibidem erit: posito enim adiuncto ponitur eius subiectum. At cælo elementorum qualitates insunt. Ergo ipsa quoque elementorum essentia.* Assumptionē hoc prosyllogismo stabiliunt primo: *Si cælum virtutem aliquam inferioribus corporibus infundit, illaque regit; regere, influereque aliquid non potest si viribus elementorum careat. Atqui magnam videmus cælo vim corporibus inferioribus influere. Ergo cæli elementorum virtutes cælum habet.*

Resp. I. Syllogismi negatur ppositio, non. n. necesse est, vt quæ communes facultates habēt, confestim eiusdem sint substantiæ. Sic aqua & aer pelluciditatem & liquiditatem habēt communes qualitates, inde tamen non sequitur, *virumque esse eiusdem substantiæ.* Deinde a Scribonio & Brichtho adhuc disputatur, *an qualitates physicae illa, sint tantū elementorū propria, vt videmus partim in Somatologia, partim specialiter in Ouranographia.* Assumptio etiam negatur: non enim protinus cælo elemētares qualitates



lirates insunt, si ipsæ qualitates physicæ quædam ei inesse videntur: non equidem ipsæ elementorum sunt, sed si ita vis analogicæ dici possunt. Deinde licet cælum huic inferiori mundo suas virtutes communicet, non tamen illico sequitur, eas virtutes esse elementares. Potest siquidem eiusmodi virtutum communicatio, per similes & analogicas quasdam functiones, quibus superiora inferioribus mirando & occulto quodam fœdere deuincta sunt, citra eiusmodi elementorum qualitates, promptius exerceri. Analogæ facultates non inferunt substantiæ identitatē, vt analogia non est ταυτότης. Secundo stant testimonio Astronomorum, qui Saturnū frigidum & siccum, Martem calidum & siccum, Iouem calidum & humidum, reliquosque Planetas proprias quasdam obtinere qualitates referunt. Respon. I. Astronomi illi vulgares hæc dicentes, non existimant, planetas reuera eiusmodi qualitatib. præditos, sed quod in inferiore natura elementorum qualitatibus stipata, pro diuerso ad se vnicem adpectu, alias atque alias excitent & efficiant. II. Et si illa qualitatum inexistētia concedatur: non cœlo, sed stellis, de quibus illi loquuntur danda est. Sed plura de his postea. III. Chymici vni- cuique Planetarum metallum aliquod adsignāt, vt soli aurum, Luna argentum, &c. Ergo illi putant sydera esse elementorum qualitatibus obnoxia. Respon. Inepta est consequentia. Nam ex superiorum & inferiorum inter se naturarum quadā harmonia, non licet concludere, omnia

Respon. ad  
II. prosyllog.

I.

II.

Respon. ad  
3. prosyllog.



*eiusdem esse substantia. Quæ enim similia sunt, non protinus sunt eadem. Chymici forte ob quandam, qua superiora cū inferioribus comparari possunt, analogiam, Planetarum nomina, suo arbitratu, metallis attribuerunt. Alii etiam certis in homine membris nomina Planetarum adsignarunt: hinc tamen non efficies, Planetas illas esse humane nature. Hactenus itaque Aslachus contendit, cælum nō esse igneum, non aqueum, non aereum, non ex omnibus conflatum elementis.*

Quæstio V.

*Quid igitur, si non elementaris essentia; cuius igitur: peculiaris & quinta alius erit cælum?*

**M**agna cum Theologorum tum Philosophorum turba Aristotelis dogma tuentium, quintam cælo naturam attribuit. Disservide ea alibi, sed alia consideratione, ex non Christianis, sed paganis Philosophis, magis in Platoniorum sententiam inclinans: sed hic, Lector Candide, argumenta Christiana pro peculiari propria, & ab inferioribus elementaribus diversa cæli natura, siue eam Quintam, siue Tertiam, siue aliam nomines, perinde fuerit, depugnantia adscribam, ut in re dubia, quod vero est similis sequi pro tuo iudicio possis. Hic enim mihi *ἡ τέχνη* philosophice concedes. Ratio prima hæc est.

I. Argum.

*I. Si inferiora hæc mundi corpora, quæ variis mutationibus sunt obnoxia; in sedibus tamen & domiciliis natura diversis, collocata sunt; certe*  
*multo*



multo magis cœlestia illa alterationi & mutationi naturaliter ( diuinam vim semper excipio) ut hæc nostratia non obnoxia sum quoque familiarē, & sibi conueniens quoddam domicilium, idque ab inferiorib. diuersum obtinet. Atqui, ut notum ex creationis historia, inferioris seu elementaris huius globi naturis, familiaria ac conuenientia iuxta suas proprietates, designata sunt domicilia, ut mare piscibus, terra reptilibus, aer volucris. Ergo multo magis sydera sunt disposita in cœlo sua naturæ conueniente, & ab inferioribus plane secreto corpore.

II. Si cœlum elementari concretum esset materia: fieri non posset, quin rapidissima illa syderum reuolutio hinc nonnihil obstaculi pateretur, quominus tam immensa celeritate perageretur. Imo absque maximo sonitu, qui aures nostras strepitu suo percelleret continuo, tot tantorumque syderum & cœli (iuxta illos) elementaris collisio fieri non posset. At neutrum est ab ullo unquam deprehensum. Ergo non est, &c.

II. Argum.

III. Addunt & hoc, quod sacræ literæ cœlum instar fumi cuiusdam subtilissime expansum testantur. At quæ est illa illis quinta natura? Vix sciri potest: aiunt tamen, esse cœlum naturæ æthereæ, & quasi spiritalis primo creationis die a Deo productæ, tenuissime, subtilissime & purissime diffuse & expansæ. Me si interrogaueris, audies: vix liquet. Hæc volui Lectorum censuræ subiicere; ipsi æstiment horum duorum argumentorum firmitatem; ipsi conferant hæc cum Ouranographicis paulo aliter discussis, sed

III. Argu.



semper suo fruuntur iudicio, me repugnantem non habebunt, modo error non haberet præter cœli naturam ex verbo Dei perspicuam & sensuum experientia confirmatam, contra eius luce manifestam & palpabilem veritatem. Verum quia ab hac cœli natura plane inuenta & cognita dependent plurima Astrologica, Tychonica, & Rothmannica huc accersamus disputationes.

II. *Ἀνάβασις ad scrutandam cœli  
syderei naturam.*

ERUDITISSIMA DISCEPTATIO DE  
cœli syderei essentia, sitne aerea, an vero alia ab ele-  
mentis omnibus, & q. quinta, decerpta ex literis Astro-  
nomicis summorum Mathematicorum & Astronomo-  
rum Nobilissimi Dn. Tychonis Brahe, Domini &c. &  
Dn. Christophori Rothmanni Illustriss. Prin-  
cip. Guilelm. Lantg. Halliæ  
Mathematici.

Tycho Brahe lib. I. Epist. Astronom. pag. 59. &c.  
ad D. Christoph. Rothmannum.

**Q**Uod autem in portione eius mihi transmissa cœli  
totum aereum, nec e solida materia constare, imo  
nihil aliud, quam aerem ipsum esse asseueras, modo  
aerem, qui supra Lunam sit, multo superiore, quam hunc  
elementarem intelligas, adeo ut ætheris potius liquidis-  
simi & subtilissimi, quam aeris elementaris nomen me-  
reatur. Nec enim ego multis ab hinc annis, in ea fui sen-  
tentia, orbēs aliquot realiter in cœlo existere, materiam-  
que cœli duram & imperuiam esse, stellasque tantum ad  
motum orbū conuolui. Multa siquidē hinc consequun-  
tur absurda, & si nihil aliud, sane tot Cometa in æthere  
tursum precedentibus aliquot annis exercere, certissime  
a nobis animaduersi, qui nullius orbis ductum concomi-  
taban-



tabantur, id ipsum sufficienter refellunt. Iudicavi itaque  
semper naturalem motus scientiā singulis Planetis con-  
genitam vel potius a Deo indicam esse, quā in liquidis-  
simo & tenuissimo aethere cursus sui normam regularissi-  
me & constantissime observare coguntur, nullius fulci-  
minis, vel promotoris indigi, quemadmodum ipsa etiam  
terra, in aere liquido, nullo fulcro stabilita, solo proprio  
undique innixa centro firmatur. Vt autem sic reuera  
statuam, & alia quaedam, quam vel Ptolemaica, vel  
Copernicana circa revolutionū coelestium dispositionem  
ratiotinatio, multo hic cōpetentior a me, ipsa experien-  
tia docete, nouiter explorata plurimum confirmat. &c.

D. Christophorus Rothmannus Tychoni  
Brahe pag 83.

Recte tu quidem mecum statuis materiam sphaerarū  
coelestium, non esse duram aut imperuam, sed liquidam  
& subtilem motuique Planetarum facile cedentem. At  
in eo dissentimus, quod tu propter refractiones diuersa a-  
etheris & aeris diaphana statuis, hoc est, in sphaeris coe-  
lestibus non contineri aerem elementarem, sed potius a-  
ethera liquidissimum & subtilissimum ab aere elementa-  
ri diuersum. At argumentum refractionis, quod pro te  
militare existimas, hanc tuam sententiam prorsus expu-  
gnat & euertit. Si enim refractio illa, quam per observa-  
tiones inuenimus, est a diuerso aetheris & aeris elemen-  
taris diaphano, fieri nō potest, quin duret usque ad ver-  
ticem. Pone enim, circa Horizontem eam refractionem  
esse vix triū minutorum: erit nihilominus in altitudi-  
ne 45. g. circiter 1. cum semiss. min. cum triangulorū mu-  
tatio & ratio minorem vix admittant. Etsi enim pro  
confirmatione tua sententia asseras, non adeo magnā esse  
diaphanorum aetheris & aeris differentiam, sed quā suc-  
cessiue, ubi se inuicē contingunt, minuat, ita, ut supre-  
ma aeris portio, Luna revolutionibus contigua, fere nihil  
differat ab ipso aethere: eo tamen ipso, quo asseris, refra-  
ctionem esse ob diuersa aetheris & aeris diaphana proue-  
nientem eo inquam ipso concedis radios Solis aut stella-  
rum, punctum sibi nihilominus in ea diuersorū diapha-

Tychō.  
Naturalis  
motus sci-  
entia sin-  
gulis Pla-  
netis con-  
genita.

Materia  
coeli non  
dura sed  
liquida P.  
Langra-  
uius.

Argumen-  
tum refra-  
ctionis in-  
uertitur, &  
aereum coe-  
lum astrui-



Sententia  
de refractione Roth-  
manni.  
Aer etiam  
lydeia am-  
bit.

norum successiva combinatione & assimilatione eligere, in quo refrangantur: idq; necessario semper eandem a centro terra distantiam retinebit, propterea quod successiva illa diuersorum diaphanorum combinatio ubiq; aequaliter a terra absit. Assumpto itaq; hoc refractionis puncto, ubiq; aequaliter a terra distante, vide num triangulorum rationes refractionem illam in altitudine 50 aut 60 gr. euanescere permittant. Vides igitur refractionum euanescentiam diuersa ætheris & aeris diaphana concedere nullo modo posse. Quæ itaq; mea sit de refractionibus his sententia, quoniam fortassis in Cometa non satis explicata a me proposita est, explicatius tibi iam aperiam. Inter terram, ut scis, & inter spheram stellarum fixarum nihil aliud contineri statuo, quam aerem septem errantia sydera ambientem, propterea quod refractiones non durent usq; ad verticem, sed vix ut tu vis usque ad 30 gradus. Hunc aerem deinde, natura ipsa me sic docente, distinguo in crassiorem, & exhalationibus terrenis obnoxium, & in purum, qui exhalationibus istis non inficiatur. Huiusq; mea distinctionis fundamentum sunt similiter principia optica. Notum enim tibi est ex Alhazeno ex Vitellione, ex Petro Nonio de crepusculis, atq; etiam oculorum testimonio, esse certum aeris spatium, quod a radiis solaribus in crepusculis, illuminetur & albescat: esse item ultra illud spatium, aerem, qui a radiis solaribus non possit illuminari & albescere: alias enim essent perpetua crepuscula. Necesse igitur est, ut aer ille qui etiam serenissimo cælo in crepusculis albescit, sit a terrenis exhalationibus infectus & crassior redditus: alias enim radii solares illum illuminare non possent: ille vero qui non albescit, sit purus, & a terrenis exhalationibus non infectus. Quanquam non negauero, etiam in purum illum aerem exhalationes, præsertim puriores posse interdum ascendere. Nec tamen hunc aerem crassum per se refractionem causare posse inuenio, sed ob multiplicationem. Quanquam enim spatium illud aeris crassioris fere Semidiametri terreni (sexagesimam partem a superficie terra attingat, ut ex dictis Opticis de Crepusculis manifestum est: radios tamen Solis aut stellarum vincere



*Vincere crassitiem hanc, nec ob identitatem Diaphano-  
rum in ea punctum refractionis inuenire posse animad-  
uerto, at circa Horizontem & in situ decliniori ob du-  
plicationem illius spatii posse: idque vero postea probat  
assumpto exemplo: Et tandem ita concludit;*

*Ex quibus omnibus manifestissimum, nec diuersa Æ- Non sunt  
theris & Aeris Diaphana esse, nec refractiones aliunde, diuersa dia-  
quam a crasso & vaporoso aere causari posse. Quin hoc phana aeris  
ipsum, si nihil aliud, certe diuersa in diuersis locis refra & ætheris.  
ctiones ostenderent. Verissimum enim est hic non tantas  
esse refractiones, quanta sunt apud vos Cum enim tu in-  
ueneris stellarum fixarum refractionem in altitudine  
18. grad. esse apud vos duorum minutorum: ipse ex stellis  
ursa maioris & aliis in eadem altitudine eam hic non  
maiores inuenio quam unius minuti, adeo ut in altitu-  
dine 23. grad. vix quarta minuti pars refrangatur. So-  
lem quoque cœlo clarissimo & radio forti inueni in altitu-  
dine trium graduum, cum abesset a visibili Horizonte  
nondum unico gradu, habere refractionem vix 9<sup>1</sup> mi-  
nutorum, sed addita parallaxi, minutorum 12<sup>1</sup><sub>3</sub>: quam  
tamen tu 28. minutorum inuenisti. Quanquam refra-  
ctiones solis pro diuersa aeris constitutione manifeste  
mutentur, adeo ut in bruma, ubi aer hic nunquam fuli-  
ginibus & densa caligine caret, eam in altitudine 15.  
grad. repererim 7. minutorum, habita scilicet paralla-  
xeos ratione. Vnde recte tu asseris, omnino serenam &  
purum aerem ad negotium refractionum rite tractan-  
dum requiri. Vides igitur manifeste, refractiones eas non  
aliunde, nisi ab aere crasso & denso esse, veramque esse ve-  
terum sententiam, qua dixere, aerem in locis borealio-  
ribus esse densiorem & crassiores quam in australiori-  
bus. An vero extrema crassi aeris superficies in locis bo-  
realioribus longius a terra absit, quam in australioribus,  
valde vereor. De quo enim Nonius parte 2. p. 2. de cre-  
pusculis dabitur videtur, nimirum crepusculum termi-  
nari in aliis locis Sole 17. grad. sub horizonte latente, in  
aliis part. 18. in aliis part. 19. de eo mihi dubitandum  
non videtur, praesertim cum idem quoque Ptolemaeus in*

D



sine lib. 8. μεγαλ. σωταζ. afferat. Sed nostrum est, ut momenta temporum, quamprimum aer albescere vesperti definit aut mane incipiat, diligenter notemus, atque ex nostrarū observationū collatione litem hāc dirimamus.

TYCHO BRAHE D. CHRISTOPHO-

ro Rothmanno pag. 107. inter alia ita

respondet.

Cælum æthereum non durum nec elementare.

**D**E materia cæli & refractionibus, quoniam hac res nondum videtur satis inter nos decisa, opera pretium erit, ut ulterius tecum agam, tuæque hac in parte petitioni morem geram. Materiam Sphærarum cælestium tu non aliam quam elementarem aerem esse, & refractiones nullas ob Diaphanorum ætheris & aeris diversitatem fieri contendis. omnemque refractionum occasionem in solos vapores horizonti obuersantes reiecis. At ego cælum quidem non e dura imperuique materia in formam membranarum pellucidarum extensa, constare, vel ut hactenus, etiam a præcipuis Philosophis, creditum est, vel ex ipsis Cometarum motibus edoctus sum, æereum tamen vel vllius elementaris naturæ particeps esse nequaquā admisero. Absit enim ut purissima perfectissimaque & nullis mutationibus obnoxia cælesti naturæ elementare, corruptibile & variabile atque huic inferiori caduca regioni conforme aliquid assuatur: nam ne id unquam vllus saniorum Physicorum admittere ausus est. Omnes si quidem unanimiter cælū e numero & natura quatuor elementorum prorsus exemptum, & præstantiorem quandam naturam præferre, rectissime statuunt, ideoque illud quintam quandam essentiam a quatuor illis elementaribus prorsus diuersam longeque excellentiorem nuncuparunt. Quod igitur Physici abhorrent non admittatur, ut ipsi Mathematici tanta cælum labe aspergant, ut ex aere elementari illud constare asseuerantes simplicissima & purissima adeoque perfecta ipsius substantia & natura plurimum derogant. Et quæ quæso, fieret elementorum proportio, si solum aerem a terris usque ad octauam Sphæram tam immensam vastitatem complere concesserimus? Sane ambo elementa terra & aqua, nullam quæ sensibus concipi



concupi posset, ad unicum aerem habebunt symmetriā. Præterea si aer elementaris orbitis cœlestibus includeretur, consentaneū foret, e concitatissimo syderum motu sonum ingentem cieri, qui procul dubio auditum ēt nostrū percelleret. Officeret etiam aer perpetuati revolutionis cœlestium corporum. Et puritati eorum longo usu temporeq; deiraheret, imo quasi atterēdo, constantissimā harmoniam labefactaret. Scio quidem Paracelsum totū cœlum, quartum & igneum elementum appellare, quod si de vivifico calore solis & syderum intelligatur, locū sorte mereri poterit. Nam elementum ignis infra lunam esse, ut Peripatetici somniant, si nihil aliud, vel ipsa refractionum subtilitas, qua hac ratione per tot Diaphana maior redderetur, sufficienter refellit. Omnem itaq; calorem in corporib; mixtis, quem Physici elemento ignis attribuant, cœlitus provenire cōsentaneum est. Quod si aliter Paracelsus sentiebat, absurda est opinio. Neq; etiam ignoro, quosdam Theologos e Mose, proculdubio minus recte intellecto, asseverare cœlum ex aquea materia consistare, quā tamen interpretationem Philo Iudæus non admittit, sed ipsum nullatenus ex ullis elementis compositū contendit, videretur etiam hac sententia omni naturæ liratiocinationi plurimum adversari. Qui vero cœlum æereum statuerat, neminem ante Ioannem Penam Galilæum percepi, cuius tu sententiæ suffragari videris, & nuper etiam Iordanus Nolanus in quodā scripto de mundo contra Peripateticos idem asserere ausus est, forte etiam quidā alii eadem sunt imbuti opinione. Sin v. per aerem, qui inter cœlestes circuitus cōtinetur, aliam & subtiliorem purioremq; substantiam, quā est aer hic elementaris, intelligere velitis, non usque adeo refragabor, nisi quod nomen elementi aeris in tam sublimi negotio per se nimis vile & suspectū sit, si is, cœlo assignatur: oportebitq; hac ratione distinguere inter aerem æthereum & æthereum, sicq; nihilominus res eodem redibit, non esse videlicet eiusdem exquisitæ puritatis & perspicuitatis, multumq; adhuc suberit dubiū, quod nec hac quidem distinctione satis enodatum appareat. Verum licet nulli mortalium de ipsissima cœli materia, (si modo e materia a-



liqua constare proprie dici potest) certi quid proferri in promptu esse credam. Est enim cœlum abstractum quid & in materiali simile, nostrum caput effugiens; nihilominus satis concludere licet, ipsum de nulla elementari natura participare. Cum hac sit longe prastantius, & diuinius quiddam adeoque incorruptibile & supra omnem elementarem qualitatem exaltatum & purissima, simplici & pellucidatissimaque substantia, admiranda Dei sapientia & nobis imperscrutabili modo plasmatum. Unde cum igitur cœli substantia fuerit, quæ sane potius, quæ non sit, quam qua sit, percipitur, eam ipso aere liquidiores, puriores & subtiliores esse necesse est, ut ob id non immerito statim diaphanum ætheris Diaphano aeris perfectius puriusque esse. Licet enim non admodum sensibilis syderum refractione in aliquanta super horizontum altitudine ingeratur, neque tanta, quantam veteres optici, qui cœlum e duro & adamantino diaphano constare opinabantur, suspicari sint, tamen id non propterea accidit, quia nihil aliud sit inter octauam spheram & terram, quam aer elementaris. Nam ut in prioribus etiam literis testatus sum, non est admodum magna differentia inter ætheris & aeris transparentiam, neque sicut aeris & aqua diaphana sensibilibus discrepant sed cum ambo tenuissima sint & liquidissima, plurimum habeant affinitatis, imò aliqualis ea qua intercedit diuersitas, successive imminuitur, put aer a terris sublimior & Luna circuitibus vicinior redditur: illic enim cum æthere quasi in unum coalescit, cœlestemque naturam successive imbuat, atque propter ea refractionem sensibilem non causatur. Non enim datur certus aliquis locus in definita a terra distantia, in quo refractione illa procreetur, sed paulatim diaphanum æreum in æthereum transformatur, ideoque non contingit aliqua repugnantia, qualem inter aerem & aquam fieri videmus, sed potius identitas quadam conciliatur, qua refractioni admodum perceptibili, præsertim in sublimiori stellarum situ, quando magis directe earum lumen ad nos vibratur, occasionem præcludit. Propterea ego minimam partem refractionum diuersarum diaphanorum ætheris & aeris attribuo, sed potissimam ea-



eum causam vapores, terra obseruantes esse statuo, ita ut  
 duplici ratione refractiones contingant partim ob vapo-  
 rosos halitus, aerem terris propinquum condensantes. Atq;  
 illa sunt maxima admodumq; perceptibiles. ideoq; earum  
 animaduersione plurimis in propatulo est: partim vero ob  
 diaphanorum cœli & aeris aliqualem varietatem. Hæc  
 autem quia in ipso etiam Horizonte non admodum ma-  
 gna est neq; etiam ultra 30. gradum altitudinis in stellis  
 præsertim percipitur, minus hætenus est considerata. id-  
 eoq; de ea potissimum verba feci. alteram alias satis per-  
 spectam præsupponens. Neq; etiam negarim hanc ipsam de  
 qua loquor, usq; ad verticem quodammodo prorogari sed  
 ultra 30. gradum eleuationis ita successine magis atq;  
 magis attenuari iudico ut nullatenus deinde in sensus ca-  
 dat. ob syderum radios directiores, neq; adeo magnam aut  
 repugn. antem diaphanorum diuersitatem. Afferis ipse-  
 met in tuo mihi transmissio scripto de Cometa ultimo, re-  
 fractiones non ultra illud spatium quo vapores ascenden-  
 tes multiplicari solent perdurare, hocq; ad summam esse  
 20. partium. & ob id nullam aliam, quam per se solos va-  
 pores fieri refractionem, at cum ego refractiones in Sole,  
 circa 30. gradum perceptibiles esse animaduertissem, infe-  
 rebam eas aliunde etiam quam per vapores procreari, id-  
 eoq; ex diuersitate diaphanorum ætheris & aeris. Nec  
 video quomodo hæc meam expugnent sententiam, & pro-  
 te faciant. neq; enim dixi in 30. gradu altitudinis prorsus  
 nullam fieri refractionem, imo dum accuratius meas ob-  
 seruationes examino, adhibita parallaxeos differentia,  
 inuenio in Sole refractionem fieri iuxta altitudinem 30.  
 partium fere i cum semisse Min. quod vix per vapores so-  
 los excusari poterit, siquidem ipsorum impedimentum  
 subito circa Horizontem alteretur, inq; tantæ altitudine  
 perexiguum sit, ut postea e tua ipsius demonstratione pa-  
 tebit. Ast illud, quod fit ratione diaphanorum, non qui-  
 dem ita magnum est. sed diutius durat, quamuis in stellis  
 fixis hætenus animaduertere non potuerim. Refractio-  
 nem sensibilem tam alte, atq; in Sole insinuari, ut in an-  
 tecedentibus literis etiam indicauim, idque ut existimo ob  
 luminis & quantitatis, atq; etiam distantia maximam



differentiam. Neq; si refractione circa Horizontem esset 3. minut. statim consequitur. ut ob id ea in altitudine 45. graduum fieret 1. cum semisse minut. ut tu vis. Non enim proportionaliter & æqualiter decrescunt refractionum quantitates, sed in declinioribus altitudinibus, multo plus illis decedit quam in sublimioribus, idque procul dubio utraq; de causa, tam ratione vaporum terra obuolitantium, quam etiam diuersitatis Diaphanorum cœli & aeris: principaliter tamen & maxime ob ipsos halitus terrestres, quando per obliquum stellarum lumen recipiunt, id enim ipsa testatur experientia, subito circa Horizontem alterari refractiones, in sublimiori vero situ sensim & tardius id fieri. Sic in Sole animaduerti a primo in secundum gradum altitudinis variari refractionem sex scrupulis primis a secundo vero in tertium saltem quaternis, in sublimiori vero situ ultra 20. gradum altitudinis mutatio illa vix est dimidii minuti & licet hoc per vapores solos non inconuenienter excusari poterit, tamen aliquid etiam ex Diaphanorum discrepantia clam sibi habet admixtum. Quod autem non vsq; ad verticem sensibilibiter durare appareant, per Diaphanorum discrimen obortæ refractiones in causa est quod non admodum magna sit eorumdem discrepantia, & sensim, ut prius dixi, sibi inuicem assimilentur, adeo ut lumen stellarum, quando sublimiores fuerint, facile irrefracte utraq; penetrare queat, siquidem tunc non adeo oblique sed quasi per directum lumen ad nos vibrent: nam si concedi potest id quod tu inferis, refractiones non tam fieri ob vapores istos, quam propter eorum circa Horizontem multiplicationem, radios enim stellarum & Solis vincere illam crassitiem, nec ob identitatem Diaphanorum in ea punctum aliquod refractionis in paulo sublimiori situ inuenire, certe ratione Diaphanorum ætheris & aeris idem multo potius admitendum venit, ut in sublimiori situ, sine perceptibili refractione stellæ nobis illucescant: Longe enim maior hic est Diaphanorum identitas & similitudo, quia non tantum inter se discrepare conuenit æthera & aerem superiorem, quantum aerem purum & vaporosum. Et postea: Patet itaque quod vapores sint quidem sextuplo proxime



me densiores circa Horizontem, quam in altitudine 30. partium, neque tamen ob id necessario consequitur, prorsus nullam ratione vaporum in tali altitudine fieri oportere refractionem: siquidem interstitium vaporum 23. milliaria sua capacitate adaequans, non videtur prorsus insufficiens ad refringendum aliquantulum stellarum radios: aut si id concedi poterit, quanto magis in diuersitate Diaphanorum aetheris & aeris non idem admittatur, ex quo hac in tali altitudine multo adhuc minorem ob causas supra indicatas ingerat differentiam. Præterea etiam si concedatur, nullam prorsus fieri ex occasione diuersitatis aeris & aetheris refractionem, sed omnem e solis vaporibus originem trahere, tamen non necessario ob id sequeretur, cælum ipsum ex aere elementari & animali, ut tibi placet, constare, potest enim tanta esse Diaphanorum similitudo & vicinitas mutuaque cōnexio. ut refractionem nullam, quæ a nobis percipiatur, pariat, lumine stellarum fortiter utrumque Diaphanum penetrante. Neque enim statuimus cælum e dura & imperuia perspicuitate cōstare, ut Alhazen. & Vitellio, qui maximam ob id accidere refractionem frustra crediderunt, sed liquidissimum esse ipsum athera & rarissimum, nullisq; realibus orbibus contextum, quemadmodum tu etiam mecum optime sentis & licet ipso aere perfectius quiddam sit, tamen circa reuolutiones, præsertim lunares, aer hic elementaris adeo exaltatur, ut quasi in atheream transmigret substantiam, ideoque Diaphanorum imperceptibilis efficitur diuersitas, ut prius etiam indicatum est. Quo vero aer terræ magis appropinquat, eo mirus de atherea natura participat, plusque habet elementaris qualitatis, & nihilominus admodum subtilis & rarus est, ut lumen stellarum facile & irrefracte transmittat, nisi terræ vicinior fuerit, ubi per vapores condensatur, turbidiorque redditur. Sed de refractionibus unde eueniant, an saltem intermediantibus vaporibus, ut tibi videtur an vero non solum ab his, sed etiam aliquatenus ex Diaphanorum aetheris & aeris discrepantia, mixta quadam ratione, ut mihi placet, frustra tantopere disputamus, siquidem de motu cælestium corporum restituendo, ipsaq; Astronomia

Refractiones unde.



a mendis repurganda, instaurandaque principalis agitur. questio. & licet huic intentioni refractionum cognitio necessarias adfert suppetias, quod sine harum precautionione, ipsissima stellarum loca coelitus deduci nequeant, tamen quia sufficit Astronomum scire quam alte refractionum impedimenta ascendant, & quanta in certis altitudinibus fuerint, ubi praesertim aeris similis & inconfusa affulserit serenitas, idcirco unde refractiones haec proueniant, an duplici vel etiam unica de causa, non multum interest subtiliter & ambiguo se disceptare: Quemadmodum ipsa etiam de materia coeli questio, non proprie ad astronomi decisionem pertinet. Is enim non quid sit coelum & unde ipsius splendida corpora constent sed saltem quomodo omnia haec moueantur ex observationibus certis peruestigare laborat. Alterum enim Theologis & Physicis discutendum relinquit, apud quos etiam hactenus id ipsum non satis explanatum permansit. Tanta enim est humani ingenii imbecillitas ut opera uniuersa creatoris, ne quidem terrestria & sensibus externis obuia, nobisq; adeo ut palpentur propinqua, penitus haurire queat: nedum ut sublimem illam & remotissimam aetheris naturam & substantiam satis peruestigare explicareq; sustineat. De coeli itaq; materia, quae est imperscrutabilis, non est ut anxie disceptemus, nisi quod id necessario statuendum censeam eam qualiscunq; sit nihil cum elementari natura commune habere, idcircoq; nequaquam esse aeream, sed diuiniorum & longe perfectiorem in se continere naturam quam quae ullis elementaribus rebus assimilanda merito veniat.

D. CHRISTOPHORVS RHOTMAN-  
nus respondet pag. 120. Epist. Astronom.

Tychonis Brahe.

Magnum.

**D**E materia coeli ut adhuc paucis tecum agam, peto mihi concedas. Ab ea enim diuelli non possum. Et nisi hac questio a nobis decisa fuerit, a nullo unquam, siue Theologo siue Physico decidetur. Non enim Deus in verbo suo quicquam de hac reuelauit, cum nihil ad salutem nostram pertineat nec eiusmodi disputationes quas pauci admodum etiam inter doctos intelligunt, immiscere voluit sacris literis, quae omnibus omnino hominibus, indoctis pariter,



riter ac doctis, rudibus pariter & ingeniosis scripta sunt, ut & ipse Christus Ioan. 3. ad Nicodemum testatur. Physici quoque quomodo de hac quicquam certi scire poterunt? Tatum enim de eiusmodi sublimibus & tam procul a nobis dissitis rebus scimus ac intelligimus, quantum per doctrinam triangulorum & mathematicas demonstrationes inuenimus. Sine his qui de eiusmodi rebus differit, vanissimus est prorsusque delirat. Nec ego aeris materiam unquam introduxissem, nisi defectus refractionum & demonstrationes opticae me ad id impulsissent. Quousque enim verum erit, quod diuersa diaphana efficiant refractionem, eousque etiam mea assertio vera erit. Nec huic quicquam derogant ea quae a te afferuntur. Quod enim a Physicis traditur, in caelo esse nihil elementare, nihil corruptibile, nihil variabile, sed aeterna omnia: tam facile negatur quam asseritur. Probandum enim est, cur ita sit, & unde illud sciatur, non pro hypothese & axioma concessio assumendum. Quod si cum Aristotele ideo id esse dixeris, quoniam nullam mutatio unquam in corporibus caelestibus vel potius in magnitudine & claritate syderum deprehensa sit, nihil dixeris. Nam nec magnitudo terrae unquam mutata est, & tamen in terra & circa terram sunt corruptibilia omnia. Nihil igitur magnitudinis perseverantia in stellis probat. Nec tamen interim nego, ipsa corpora caelestia esse perfectissima, simplicissima, nullique prorsus corruptioni aut generationi obnoxia: sed tantum de circumfusa materia loquor, quam non impurum, sed purissimum dico esse aerem, qui tamen ab aere puro infra Lunam nihil differat. Nam & hic nihil claritati stellarum detrahit. Nec inde sequitur, si ipsa corpora sint perfectissima & ab elementis diuersa, etiam circumfusam materiam perfectam esse oportere: sed potius, cum Cometae in ea generentur, crescant decrescant, & tandem etiam evanescant, ac dissipentur, tantumque interdum sint magnitudinis, ut etiam quinquaginta gradus occupare possint, non usque adeo a mutatione & corruptione erit immunis, nec tam aeterna, diuina & imperscrutabilis ut fingitur. Nec si huic rationi & superiori principio optico innitor caelum (si modo circumfusa illa materia caelum appellanda est: quanquam non ignorem:



Responsio  
ad sonitum  
aeris.

Aer cœle-  
stis tenuis-  
simus.

aerem quoq; interdum cœlum appellari.) Non, inquam, cœlum ideo aliqua labe aspersero sed potius illud a vana & præter omnem causam & experientiam otiose afficta substantia liberauero, veramq; sententiã substituero. Nec sonitus ullus e concitato syderum motu in aere illo puro ciebitur. Quod enim aer illasus & impulsus sonitum edat, id in hoc crasso a vento experti sumus (sonitum enim qui ratione vacui sit, huc non quadrare manifestum est) nec id caret ratione. Quoniam enim aer hic crassus semper aliquid aqueum in se continet: aqua vero sit eiusmodi res, quæ penetrationem subitam non admittat: non immerito aer quoq; crassus in impulsione & illusione resistet quodammodo & sonitum edet. At idem in puro quoq; aere accidere nemo facile probauerit. Eum enim esse tenuissimum ac rarissimum, satis inde liquet, quod hic crassus, licet tenuissimus putetur, tamen radios Solis etiam serenissimo tempore non irreflexos & sine lumine transmittat. Illum autem purum radii Solis absque ullo lumine & reflexione penetrent, ut ex crepusculis manifestum est. Ideo ob tenuitatem & raritatem purus ille aer illidi & impelli non poterit sed absq; ullo obstaculo cedit adeoque perpetuitati reuolutionis cœlestium corporum & puritati eorum longo vsu temporeq; non detrahet, multo minus atterendo constantissimã harmoniam labefactabit. Quod si purissimus ille aer hoc posset, vereretur ut a vehementissimis ventorum flatibus in hoc crasso aere iamdudum tota terra esset attrita & absumpta, ac etiam de suo loco mota. Si item tantus sonus a puro illo aere excitari posset, ut nostrum auditum percelleret: omnes superos præ nimio metu iamdudum suffocatos putarem. Multo enim magis sonitus crassi huius aeris a vehementissimis ventis excitatis a superis perciperetur quam ille a nobis. Sed tamen meminisse fuisse aliquando in loco quinq; milliaribus hinc sito vehementissimum ventum, adeo ut adificia & arbores euerneret, de cuius tamen sono ego hic nihil audiebam. Adeo quæ vera sunt, coniecturis euerti non possunt. De proportionem quoq; elementorum scis quomodo Philippus Melanchthon in sua Physica Peripateticos reprehendat, veramq; Aristotelis sententiã doceat. Et sane cum

conce-



concedis, usque ad Lunam aerem elementarem esse, eo ipso proportionem elementorum tollis. Cum enim usque ad infimam Lunam, ut te inuenisse in secundo Tomo mihi transmissio testaris, sint semidiametri terra 32. plus ceteris milibus maior erit ipso terra & aqua globo simul. Qua autem proportio est 1. ad 100000. vel potius 1. ad 140608. ut interrim de terra ab aqua separata taceam? Non igitur proportio elementorum obstat. Sed nec mea ipsius demonstratio, ut obiciis. Non enim volui, in altitudine 30. grad. nullam amplius fieri posse refractionem, sed hoc tantum tanquam petatum seu postulatum ex primis tuis literis ad Illustrissimum Principem nostrum missis assumpsi, ut demonstrare possem, si detur altitudo, in qua refractiones desinant. dari etiam quanto spatio radij Solis aerem crassum irrefracti penetrent. Eademque demonstratio permanebit, licet refractiones vix in 40. altitudinis gradu desinant. Cumque ex ea proueniat, vapores circa Horizontem sextuplo proxime densiores esse quam in altitudine 30. partium, sequitur inde, minorem proportionem refractiones efficere non posse in ea altitudine. multo minus spatium eiusdem medij circa Horizontem irrefracti penetratum maius esse eo quod refracte penetratur. Vide igitur an diuerso aetheris & aeris Diaphano ea demonstratio applicari possit. Qua enim multiplicatio diuersi Diaphani aut potius aeris hic esse potest? Pone enim combinationem illam mutuum aetheris & aeris fieri in distantia 30. semidiam. terrenarum a superficie terra, in Horizonte qua erit multiplicatio? Nondum enim in Horizonte 31. semidiam. erunt. Scilicet radij tot Semidiametros terrenas diuersi Diaphani irrefracti penetrare poterunt, unicam autem semidiametrum non possint? Quod vero existimas, etiam si concedatur, quod nulla fiat refractione in loco proxime sublunari, non tamen inde sequi, ut coelum (si modo circumfusa illa materia, ut antea quoque dixi, coelum appellanda est; de ea enim loquimur,) ut inquam coelum ex aere elementari constet: illud longe aliter se habet. Quandoque enim dantur diuersa Diaphana, datur etiam refractione extra perpendicularem & quandoque refractione extra perpendicularem tollitur, tollitur

An diuersitas Diaphani sit in aere & coelo.



etiam diuersitas Diaphanorum, ut manifestum est ex capite 2. & 4. Alhazeni lib 7. & ex Vitellion. lib. 10. 1. 3. & passim ex tota Optica. Diuersa enim media diuersimode transmittunt imagines rei visa ad oculum, & cum primum medium fuerit subtilius & rarius quam secundum, imago facilius & velocius transmittitur per primum medium quam per secundum, & cum ad secundum peruenit, retardatur quasi, ut ex dictis opticis notum est. Vnde quoque hic locum habere non potest ea excusatio quod media illa diuersa in mutua connexionē sibi inuicem, ut sine causa singis, assimilentur, & successiue alterum in alterum mutetur. Erit enim nihilominus in ea mutua combinatione & assimilatione punctum in quo imago stellarum quasi retardetur, quod est punctum refractionis. Sapius hyeme experiri sum, cum aperta fenestra stare in medio obseruatorii in calido aere, rem visam in frigido aere consistentem refracte videri. Hic certe nec similitudo, nec successiua combinatio & assimilatio refractionem tollere potuerunt. Si vero media illa per se tam similia sunt, ut inter illa nulla sit differentia, cur diuersa appellas? cur non etiam sublunarem illum purum aerem, athera, seu, ut Plinius loquitur, athereum spiritum appellas? Ita enim tecum non pugnarem. Tantum enim id contendo, non esse diuersa atheris & aeris puri diaphana, cum nulla ab iis generetur refractionis. Sed nescio quomodo adeo inhareas tua sententia, ut etiam prater omnem experientiam concedas, refractionem atheris & aeris durare usque ad verticem, cum tamen eam nunquam instrumentis senseris. Certe hac ratione quiduis confingere licet. Sed tamen sequeretur inde, nullam stellam prater eas, qua verticem transeunt, & in vertice sunt, vero lumine videri, verum confuso & debilitato. Omnis enim refractionis debilitat lucem & colorem rei visa, ut demonstrat Alhazen libro 7. capit. 7. & Vitellio libro 10. p. 10. Cum igitur diuersitas ea ex collatione stellarum veritatis ad reliquas a vaporibus liberis non deprehendatur, nec refractionis concedi poterit. Verum tu hic potius in omnia diuersa. At enim has atheris & aeris refractiones.



Rationes infra 20. gradum esse sensibiles, in altiori vero situ insensibiles & tamen postea addis refractionem Solis, quam in altitudine triginta graduum inuenisti vnus cum semisse minuti, per solos vapores vix excusari posse. Vtinam diceres, eam totam esse a diuerso aetheris & aeris diaphano, demonstrarem utiq; in altitudine 45. grad. eam adhuc debere esse vnus proxime minuti. Ipso enim vero verius est, si infra 30. gradum sensibilis aliqua refractionis aetheris & aeris concedatur, eam in altiori situ non tam subito decrescant quinimo siue ab aere ad aquam, siue ab aere ad vitrum, siue ab aqua ad vitrum, siue contra fiant, eandem fere in crescendo & decrescendo retineant proportionem, ut ex tabula in 8. propos. 10. Vitellion posita videre est. Ad quam etiam respiciens scripsi in superioribus literis, si circa Horizontem detur refractionis Solis 3. minut. a diuerso aetheris & aeris Diaphano proueniens, dari eam in altitudine 45. graduum vnus cum semisse minuti. Et si enim aliqua, tamen non admodum dissimili proportionem decrescant refractiones ipsa & refractionum anguli: Quod si mihi tempus non deesset facile calculo examinarem. Quod autem circa Horizontem tam subito decrescunt refractiones, id a meris vaporibus est, qui circa terram & crassiores sunt, & ut demonstraui, multiplicantur, & etiam a radiis a latere petuntur. Alias si eadem media manerent, eadem quantitate eodemque modo disposita, tam subita mutatio refractionum accidere non posset, ut demonstrari potest. Sed restat adhuc demonstratio, quam nemo vnquam infringere poterit. Si enim est refractionis a diuerso aetheris & aeris diaphano proueniens, ea necessario maior erit in stellis fixis, quae longius distant, quam in Sole, quae propior est. ut interim de Luna taceam. Nam in triangulo manente unico angulo & unico latere, reliquis lateribus productis, angulus reliquus ad manens latus maior redditur, per. 21. P. 1. Euclid. Necessario enim idem refractionis angulus in eadem altitudine manebit, cum maneant eadem media, nec alius poterit esse refractionis angulus in Sole aut Luna, quam in fixis. Ex quo manifestissimum est.



si ponas, refractionem in Sole in certa aliqua altitudine insensibilem fieri, eam in stellis fixis in eadem altitudine adhuc sensibilem esse oportere. Cum igitur per observationes non hoc sed potius contrarium te ipso teste reperiatur, refractione a diuerso aetheris & aeris Diaphana generari non poterit. Et propterea, ut saepius iam ex opticis probaui, Diaphana aetheris & aeris diuersa esse non possunt, sed eadem. Si igitur tu purum illum aerem coelum appellare volueris, nihil pugno, tantum ne purus aer a caelesti differre statuatur, adeoque diuersa Diaphana introducantur, cum ut alter uno altero subtilius sit, defectus refractionis non permittat. Quod autem ex Chymicis affers, latere in terrenis rebus quintam quandam essentiam, quam tu caelestem appellas, illud & credo & iucundissime cogito. Verumtamen inde non sequitur, quod hac quinta essentia eadem sit cum illa materia, qua Planetis est circumfusa, sed potius eam a Sole generari. Quemadmodum enim Sol Microcosmi, ut iucundissime doces, ex sanguine & attracto aere (ex quo propter respirationem videtur ingenua sua natura subtiliorem partem retinere, reliquam respirare.) Quemadmodum, inquam, Sol Microcosmi ex aere & sanguine in dextro thalamo preparato spiritum vitalem in sinistro thalamo generat, ita & Sol totius uniuersi ex terra, aqua & aere quintam illam essentiam in rebus naturalibus generare videtur. Aut si hac essentia eadem est cum illa Planetis circumfusa materia, eadem erit & cum puro aere, propter adductas demonstrationes. Hac paulo fusius, quam initio proposueram de hac adhuc materia ad te perscribere volui, non quidem studio contradicendi, sed ex mera φιλαληθείᾳ. Nec quicquam certi de generatione & materia Cometarum afferri poterit, nisi hac questio fuerit decisa.

## TYCHO BRAHE RESPONDET

RHOTMANNO PAG. CXXXVII.

Epistolar. Astronom.

Per



**P**Er me tibi liberum sit elemētum aeris cœlo miscere, siquidem nō aliter vis. Imo si quis cœlum aqueū esse, ut Hebraei: vel igneū, ut Paracelsi: aut etiam terreum (modo cui sic lubeat) aut quiddā ex his quatuor compositum, ut nuper Franc. Valles. affirmare præsumerit, mea etiā non intererit, modo & mihi q̄ sentiam, libere p̄ferre liceat, cœlū videlicet, substantiam esse æthereā & liquidissimam, purissimamq; quandam materiam supra omnem elementorum naturā exaltatam, & ad singularem quandam perfectionem deductam, velut quintam quandam essentiam nulli mutationi aut alterationi obnoxiam, quæq; peregrinas impressiones naturaliter non recipiat. Sin autem alicuius elementi naturam cœlo assignere non admodum absurdum videretur, ego potius illud igneum, quam aereum esse concederem, prout a Paracelso traditum est, qui illud quartū & igneum elemētum nūcupat. Ex quo n. stella & lumina cœlestia ignea flammantiaque appareant, conueniensque sit, qualibet corpora in Iliado sua natura analogo versari, quemadmodum videmus in hac inferiori rerum natura: animalia, quæ de mumia terra constant in terris degere, volucres de mumia, æria in aere, pisces de mumia aquea, in aquis versari. & sic de ceteris, ut ob id verisimilius appareat, Solem & stellas, quæ ignis cuiusdam incombustibilis speciem representant, in æthere igneo & incombustibili, (unde etiam ætheris nomen apud Græcos illi attributum quasi ardens seu igneum, idq; perpetuo cū sit inconsummabilis) suas reuolutiones exercere. Attamen mihi ne hac quidem sententia, ut ut aeris assumptione rationabilior sit, satis p̄batur. Existimo enim cœlum eam habere ad elementarem mundum rationem, quæ est anima ad corpus. Qui itaq; plene exprimere poterit, quid sit anima in corporibus & quomodo a corpore ipso differat, is etiā cœlestis & elementaris mundi naturas & discrimina rectius enodabit. Dicat insuper mihi aliquis, ex qua materia Sol, Luna & reliqua omnia sydera existāt, tum demum illi de cœli substantia, in quo hæc versantur, differenti facilius aurem prabebo. Quod si contenti naturam & compositionem explicare non dabitur, utique



continentis multo minus. Existimo autem, omnia quæ  
in cælo voluuntur corpora, & cœlesti & ætherea consta-  
re materia, quæ qualis sit, vix exprimi potest. Supra ta-  
men omnem elementarem qualitatem graduatam ne-  
cesse est, quemadmodum ea, quæ ex elementis componun-  
tur, in mundo elementari continentur.

Sed satis est de cælo stellarum subiecto, e-  
iusque natura disputatum.

Postea plura videbimus de eodem, vbi de  
motu, circumrotatione & gyratione stellarum  
ipsarum tractabitur.

Redeamus tandem aliquando ad ipsa sydera  
ipsasque stellas.

CAPVT



*De stellarum materia.*

**E**st vero stella corpus cœleste, adeoque simplex, *Quid stella.*  
quarto creationis die a Deo conditum, in se col-  
lectam conglobatamq; habens lucem, eamq; pro in-  
finita sibi vi ac dimenso suo diffundens, in media cœli  
expansione collocatum, & in ea ex iussu creatoris su-  
os ciens motus.

Stella itaque quarto creationis die creata & in cœlo  
posita ex substantia lucida, collecta & coacta, seu vt *Quando*  
Danæus ex Patre quodam loquitur, tanquam in vase *creata.*  
collecta, plerisq; Christianis Philosophis ex Mose phi- *Ex quo.*  
losophantibus creditur conglobata.

Hæc autem substantia lucida, stellarum quasi ma-  
teria nonnullis dicitur primum corporum naturali-  
um seminarium primo die conditum, & a Mose cœlū  
appellatum versic. 1. Gen. 1. nonnullis ipsa lux primi-  
genia seu substantia primæuam lucem habens, non-  
nullis quinta quædā essentia, scilicet, alia ab elemen-  
tis, vt nihil interim de aliis opinionibus dicam.

*De Materia Astrorum.*

*Quæstio I.*

*An astra cœlestia habeant materiam?*

**M**ateria est nobis concreata, vel præiacens, *Materia duo*  
vt non continuo sit immateriale, & plane *plex.*  
careat materiæ suæ essentiæ parte, quod non ex  
visibili & præexistente materia efformatum le-  
gitur. Si verum est, quod nonnulli ex antiquis  
& recentioribus auguratur de materia illa pri-  
marum tum cœlestium tum terrestrium, li-  
cebit etiam stellarum materiam, ex ista primo  
die creata rudi massa, & vniuersali seminario  
depromere. Sin standum est in specie verbis  
creationis stellarum, vix prima fronte præia-

**E**



cēs materia apparebit. Inuenio enim hæc creatoris verba: *Dixit Elohim: Sint luminaria in expansione cœlorum, &c. & postea: Sint (inquam) luminaria in expansione, &c. Item: Et fecit Elohim duo luminaria magna, &c. Item: Et posuit ea in expansione cœlorum.* Hic audio vocem Dei: *Sint;* audio facta Dei: *Fecit, posuit;* subiectum exprimitur: *In expansione;* materia non refertur: nisi quod quidam *in* pro *ex* intelligant, vel ex subiecto concludāt materiam. Sed ex scriptura sacra postea fusius disseram.

An materia  
sit causa  
corruptionis.  
Exercit. 61.  
sect. 1.

1. Obiec. refut.

Præclare  
ista Scali-  
ger.

2. Obiec. ref.

Iulius Scaliger deridet religiosulos illos, quos religio incessit, quo minus apponentibus cœlo materiam assentirentur, & quidem platonum Platoniorum distinctionem materiæ & formæ, qua alia materia dicitur formalis, alia forma materialis, illa vix materia, hæc vix forma est, repudiat. *Audito, inquit, verba; quod petus meum exsaturet non audio.* Reiecit illud vulgi: *materiam meditari corruptionem.* Negat, *datam esse a natura materiam ob transmutationem ad generationem primo & per se, ut ubicunque sit, ibi etiam sit generatio: sed ad subsistendum formæ corporeitatis in substantia, & recipiendum quantitatem & figuram.* Quantitatē propter loci mutationem: figuram propterea, quod omne corpus finitum esse & decuit & debuit. Nihil enim aliud est figura quam termini, vel terminorū dispositio. Corporis quidem superficies, superficiiei linea, linea punctum terminus est. Figura vero illorum constitutio.

Non verum esse ait, quod vulgo aiunt: *Quæcunq;*



cunq; communem inter se habent materiam, ea inter se agere, ac pati mutuo: sed id euenire ibi, ubi sunt contrariæ qualitates tantum. At illi, inquit, verebantur, ne propter communem materiam cœlum ab igni pateretur: cœli vero forma non agit in hac inferiora, per uniuocas qualitates cum his inferioribus qualitatibus.

Neq; illud, quod obiiciunt, admitti vult: *scilicet* 3 Obiect. *turū, ut hacce materia cœli forma vilesceret: sed* refut. *e contrario propter cœli nobilitatem hanc nostram plurimū fieri debere. Cœli nobilitatem a* Sobrie hoc *nostrati materia deteri non posse, ait Scaliger, accipiat.* quandoquidē materiæ essentia est, *receptiuitas*, hoc autem est passio. Non agit igitur. Non agēs non agit in cœlum: sed cōtra a cœli forma mutatur adeo, ut sapientibus alia videatur. Cetera de materia ibidem inuenies.

Sectione vero s. hoc argumēto disputat cœlestibus materiam esse, quod, ubi quantitas & figura est, necesse sit subiectam materiam esse. Deinde redarguit tam Philosophos tum Theologos Scholasticos; illos quidem, quod materiam a cœlo abstulerint, eo quod sit cœlum incorruptibile, hos vero, quod materiā cœlo attribuerint, eo quod sit corruptibile, hoc quidē argumēto: quod materia non sit potentia ad esse & non esse rei, cuius est materia, nisi in reb. corruptibilib. in aliis vero, ut deferat quantitatem, qualitates, motum. Alioquin accidētia per se existerēt, sine subiecto, &c. Theologos sententiarios ita refellit: Omne ens ab alio est per se corruptibile, etiā si nullā habeat materiā. Est enim finitū. Non igitur ad



*coeli corruptionem arcessenda materiâ fuit. Licet enim non habeat contrariû, nō tamen habet causam a se essendi. Potest autem e sua natura nō esse. At hoc est principium commune omnium rerum corruptibiliû, non contrarietas, &c. Est igitur nobis, crediturque astrorum etiam materia, siue præexistiterit, siue a Deo sit cum forma in ipsa astrorum totali essentia concreata.*

Quæstio II.

*Materia astrorum sitne e cœlo ipso, in quo sunt, desumpta.*

**M**Ateriam, cœli nobilitati nihil detrahētes, astris attribuimus: at qualis est illa, cœlestis, vel a cœlo alia? Cœlestē esse astrorū materiâ tradūt tū ex paganis Philosophi, tū ex Christianis Theologi & Philosophi quidā, qui vt cœlū e quinta quadā essentia constitutū, ita stellas ex cœli tali substantia condensatas in suis orbibus docent. Philosophorū argumenta hæc reperio.

Argumēta  
Philoso-  
phorum.  
I. Argum.

I. *Astra nihil aliud sunt quā partes cœli dēsiore ac magis lucida. Hinc ita: Quelibet pars corporis simplicis est eiusdem speciei cum toto. At cœlum est corpus simplex, & stella est pars cœli densior. Ergo eiusdem est speciei cum stellis.*

Respon.

Resp. Assumptio est ipsa fere quæstio. Hoc enim quæritur, *an stella sint e cœlo conflatæ & condensatæ.* Detur enim quinta cœli essentia ab elementis diuersa; cum tamen stellæ sensui etiā appareant diuersæ, cum etiā alio die sint conditæ, merito dubitari potest de illo Aristotelis decreto. Aut cœlum cum stellis æternū & increatum est, aut creatum. Si æternū; Vnde densitatis inæqualitas? Vnde qualitas elementaris? Vnde  
Aristo-



Aristotelicis materia densata, & rara, quæ corruptionis illis causa præsertim cum qualitatibus? Quis lucere per se vidit cœli corpus? Vnde igitur stellæ magis lucidæ? At non est increatū, non æternū, ut ostendimus in *Cosmopœia*. Creatum igitur: & stellæ cōditæ. Ex creatione igitur densitas illa & inæqualis lux promatur. Cœlum quibusdā primo, quibusdā secundo est expansum die: sed astra quarto. In cœlo esse iubentur sydera, facta sunt, collocata sunt; vnde facta, ex qua materia deducta, certo nō patet. Densasse, compegisse ex cœli partibus globos stellatos Deus nusquam legitur? Dēsatio illa præsupponit contractionē cœli & rarefactionē partium cœlestiū mirandam. Cœli etiam substātia, quæ est rarissima & tenuissima, eiusmodi cōtractionem & cōpactionem non videtur concedere: cœlo nulla est ingenita lux, per se & in se nihil lucet: siue igitur rarefiat siue compingatur, lucē vix sparger. Nihil tamen refragarer, etsi non perciperem, modo creatoris audirē vocem, cui etiam non intellectæ assentior. Cōpactionem omnem omnimodo non respuo, sed e cœli ipsa substātia factā nō video. Plura de hac re postea.

*II. Si stella, inquit, distinguerentur specie a suo orbe, cum cuilibet corpori specie differenti motus aliquis specie distinctus conueniat; oporteret stellas fixas aliquem habere motum propriū præterquam motum firmamenti. At non hoc. Ergo nec illud.* II. Argum  
 Respon. Enerue certe argumētum: I. Cur non Respon.  
 stellarum genus vniuersum in consequēte annectitur; siquidem fixæ & planetæ aut differūt



materia, & non sunt illæ e cœli substantia constructæ, aut planetæ sunt cum fixis coniungendæ. At non possunt in consequente connexi connecti: quia motu etiã ipso testante visu differunt a cœli, si concedatur, motu. Suspecta igitur connexio propositionis nomine inanis lequellæ, & claudicantis. II. Assumptio ægrotat nondum liquidæ veritatis morbo. Vt enim in Quranographia mōstrauimus, & deinceps patebit, cœlum non mouetur; proinde nō necesse est motum esse vtrobique eiusdem speciei. Differunt vt subiectum continens & adiunctum contentum. Non vero necessarium est subiectum eieri eo motu, quo adiunctum. Neque (*vt subindicat interserta propositioni confirmatio*) omne corpus necesse moueri motu locali, quo ab alio differat. Satis est formæ & adiunctis formalibus, aliisque distare differentiis.

III. Argu.

III. *Siquid inter sydera & cœlum distinctiōnem suaderet, maxime esset diuersitas effectuum, qui ab iis proueniunt.* Respon. At exclusiue hæc connexio vera non est; profecto elumbis est ratio: siquidem, vt ipsa schola Conimbricensis fatetur, videmus in animali cor calefacere, cerebrum humectare, similiterque alia membra diuersas specie functiones obire, cum tamē omnia sub vnius formæ substantialis imperio cohibeantur. Formis etiam propriis dissident, quæ eosdē pariunt effectus: conueniunt sæpe, quæ effectibus variant. Nihil hic veri necessarii.

IV. Argum.

IV. *Si cœlum & stella non sunt eiusdem materie*



ria & essentia. cœlum non erit unum simplex corpus, nec ex una quinta natura, sed multa. At absurdum posterius. Ergo & prius. Responderent nonnulli negantes absurditatem in assumpto, qui non solum, ut postea videbitur, mutationem variabilem, sed & corruptionem generationemq; cœlo non verentur tribuere. Respondet vero Doctiss. Piccolomineus: *Quemadmodum in singulis elemētis, & præsertim in terra reperitur varietas quadam partium, prodiens ex permixtione cum contrario: ita in singulis cœli orbibus (ut loquitur) & præsertim in luna vicem gerente terra, varietas sine permixtione vlla locum habet. Neque ob id enervitur simplicitas cœli, sed servatur simplex cum aliqua partium varietate.*

Theologorum vero & Philosophorum Christianorum hæc prima est ratio.

I. Si Scriptura non docet stellas esse ex alia substantia, imo docet factas fuisse in ipsa expansione cœlorum; sequitur cœlum & stellas esse eiusdem substantia & materia. At verum est primum. Ergo & secundum. Resp. Negari potest subsumtum.

I. Plerique enim ex doctissimis docent, stellas esse ex purissima primo die condita luce compactas. Lux autem illa fuit a cœlo diuersa. Lux facta die primo: cœlum secundo. Ex luce, ut volunt, astra die quarto in cœlo constructa. Certum vero est, expresse non dici in Scriptura, astra esse ex luce creata: at non dicitur, ex cœlo facta esse sydera. Quidam vero ex singulari, *Fiat, luminaria*, coniiciunt lucem debuisse fieri luminaria. Fateor, coniecturae sunt. II. Damus II. Argum.

Respon.

Argumenta  
Christianorum  
Theologorum &  
Philosophorum.  
I. Argum.



docente Scriptura, *in expansione cœlorum esse collocata luminaria*. At non sequitur, *ex eo quod aliquid sit vel ponatur in aliquo subiecto, inde nimirum ex subiecto, esse conflatum adiunctum*. Aliud subiectum, aliud materia. *In expansione cœlorum sunt luminaria*. Ergo *ex cœlorum expanso sunt condita*. Non sequi credam, donec *in hoc loco utrumque & in, & ex* notare mihi ostendatur. III. Cum Deus creator ex aliquo vult quippiam produci, ait: *Producat terra, &c. non sint in terra: non, posuit in terram, &c.*

III. Argu.

Tria obser-  
uanda.

I.

Respon.

II.

Video quidem magnos Theologos suam Geneseos Mosaicæ expositionem ad stellarum Aristotelicam definitionem cōformare, quod sæpe fit (*quia prius imbuimur Aristotelicis philosophematis, quam ad S. literarum hauriendam intelligentiam nos componamus*) hoc modo: Tria hic sunt obseruanda. I. *Sint in expanso cœlorum*, inde hoc discimus; *astra verbo Dei facta esse in ipsis cœlis, ac proinde ex materia cœlorum per condensationem*. Prius in verbo Dei intueor: posterius non video; nec rationē consequentiæ mihi possum persuadere: *In cœlo sint luminaria*. Ergo quoque *ex cœli materia sint*. Non enim affectio subiecti subinfert materiæ affectionem. Secundum est: *Fecit luminaria*. Quid inde? Ergo *ipse Deus & non alius fecit illa*. Recte. Nunquid hoc: Ergo *fecit ex cœlo*. Non hic quidem additur: *In expansione cœlorū*, ne tale quid forte nobis imaginaremur. Si; *in expansione cœlesti*, materiæ rationem simul importare deberet, certe hoc loco, omnino post verbum, *fecit*, quod actio-



actionem Dei refert, poni debuisset. Tertium est: *Posuit ea in expansione.* Quid hæc positio? *Ordinem*, ais, *quo collocata sunt in cœlis astra.* Concedo, at num necessario ordo ille infert materiam astrorum? Non subolet mihi. Deinde fixationem, qua fixa & firmata sunt. At non Aristotelice in orbis volubilis aliqua parte, ut est partim demonstratum, & deinceps aperietur amplius. Sed positus loci, viæ meatuum accipitur. *Posuit*, dicit, *in expansione.* In ea etiam sunt, permanent, sibi destinatum locum & viam in decurrendo suam periodum quasi fixe observant Dei iussu. Nec enim positus seu positio omnis arguit immobilis rei affixionem: non nunquam & mobilia in stabili ponuntur subiecto.

## Quæstio III.

*An astra sint ex materia a cœlo diversa, & quidem primum ignea?*

**I**Nter veteres Physicos dissensio de stellarum materia ingens & varia oborta fuit, quam breuiter ita Seneca lib. 7. natural. Quæst. cap. i. perstringit: *Non aliud*, inquit, *magnificentius quæsierit quispiam, aut didicerit utilius, quam de stellarum syderumque natura, utrum flamma contracta, quod & visus noster affirmat, & ipsum ab illis fluens lumen, & calor inde descendens: an non sint flammei orbes, sed solida quedam terrenaque corpora, quæ per igneos tractus labentia inde splendorem trahunt caloremque, non de suo clara. In qua opinione magnifuerunt viri, qui sydera crediderunt ex duro concreta, & ignem alienum pascen-*



*ria* Nam per se, inquit, flamma diffugeret, nisi aliquid haberet, quod teneret, & a quo teneretur, conglobatamq; nec stabili inditam corpori, profundo iam mandus turbine suo dissipasset. Similia commemorat etiam Plutarchus lib. 2. de placitis Philosophor. qui addit etiam censuisse *Dio- genem*, sydera esse terrea & pumicea, & quasi mundi spiracula. *Empedoclem* putasse stellas inerrantes crystallo adnexas esse, errantes vero solutas. *Xenophanem* astra efformasse e nubibus ignitis, quæ extinguerentur interdum, & ad nocturnas tenebras reuiuiscerent, quasi carbones, itaque ortus & occasus esse accensiones & extinctioniones. *Democritum* & *Metrodorum* solem ferrum saxumve ignitum posuisse. *Philolaum* Pythagoreum vitreum. *Epicurum* terream densitatem ac molem e pumicea materia.

Præterea *Heraclides* ac Pythagoreorū nonnulli vnumquodq; astrum putarunt mundum, quo & aer & terra contineretur. Alii maluerūt sydera esse tanquā aulæa picturata. *Anaximander* ex aere illa composuit, & rotæ instar egit in gyrum, impleuitque igne, vt quibusdam velut buccis flamas euomerent. Præcipue vero celebratur a scriptoribus opinio *Anaxagoræ*, qui, cum lapis magnitudine vehis colore adusto in *Ægea* Thraciæ amnem e cœlo decidisset, quem ipse casurum prædixerat, affirmavit, cœlum omne lapidibus constare, solemque ipsum candens saxum esse. Vnde *Euripides*, eius discipulus, in *Phaethōte* Tragœdia Solem auream glebam nominavit.

O va-



O vanitas vanitatum, o cæca cæcitas! quis non, si ex his Philosophiam metiri deberemus, cum Christianis patribus Philosophos explo-deret? Sed pagana hæc fuit Philosophia desti-tuta sole diuini verbi: hic si addit epanorthoma & sympleroma nostræ Philosophiæ, non est, quod ob has ineptias ineptiat, & Philosophiã e Christianorũ manib. excutere imperite satagat. His igitur relictis ad eos descendamus, qui pro-babiliora sensibus venati sunt, & stellas, quæ ita oculis nostris apparēt, *igneas esse* dixerunt. Ho-  
rum autem alii sydera ignea affirmarunt pro-  
prie secundum elementi veram essentiam, alii *astra ignea*, analogice per quandam similitudinem. Et qui-  
dem vel Ethnici vel Christiani.

Distributio  
sentientiũ  
astra ignea.

Ethnici præcipui fuerunt hi: Zoroaster ita  
cecinit: *Compegit multum coetum astrorum iner-  
rantium ignem ad ignem cogens.* De Sole ait: *Sex  
suspendens Zonas, septimum Solis in medium ia-  
ciens ignem.* Et rursus de eodem: *Ignis de igne de-  
rivation, & ignis poenu.* Philo Solem dixit esse mul-  
ta flamma compaginem. Ignem in suis lapidibus  
accensis Anaxagoras: *Flammam in suis pumici-  
bus* Diogenes: *ignem in laminis ferreis canden-  
tibus* Archelau: Thales in sua terra ignem: *flam-  
mã in suis nubibus* Xenophanes: *accensum ignem  
in copagibus aeris globosis* Anaximander: *Ignis in  
sua etiam compage compactionem* Parmenides  
& Heraclitus statuit ac agnouit. Plato in Ti-  
mæo necessarium esse docet, quia cælum visibile  
est, ex igne constare. Vniuersa Stoicorum secta  
hoc in primis habet disciplinæ suæ decretum,

Ethnici a-  
stra ignea  
docentes.



sydera esse ignea, pascique & ali vaporibus exa-  
quis & terra sublati, & ad sese tractis: atq; hanc  
fore causam futuræ conflagrationis, & interi-  
tus mundi, quod deficiente aliquando sideri-  
bus alimento, cuncta sint incendio arsuræ at-  
que peritura.

Theologi  
Christiani  
ignea astra  
dicentes.

August.  
Basilius.  
Ambros.

Biblia.

Christiani astra ignea cōstituentes sunt tum  
Philosophi, tum Theologi. Et quidem ex vete-  
ribus Theologis præcipui sunt Augustinus, *ut*  
*refert magister sententiarum distinct. 14. lib. 2.* Et  
ipsemet Augustinus se ita opinari testatur in  
multis passim locis. Basilius *Hom. 3. in Genesin,*  
Ambrosius *lib. 2. in Hexam.* longa & accurata  
oratione argumentantur, *esse ignea & calida,*  
idque vel ipso visu tactuque, non tantum argu-  
mentis constare. Quin etiam eiusdem senten-  
tiæ putandum est fuisse scriptores Ecclesiasti-  
cos, quicunq; aquas supra firmamentum cœli  
positas, & esse veras aquas, & ad refrigerandum,  
temperandumq; ardorem solis & syderum ibi  
a Deo collocata esse tradiderūt. Scriptura quo-  
que diuina huic sententiæ fauere videtur: non  
semel enim docet. *solem esse calidissimum.* Nam  
in Psalmo 18. de sole loquens: *Non est, inquit,*  
*qui se abscondat a calore eius.* Sed luculētius hoc  
in libro Ecclesiastici cap. 43. tradit, inquiens:  
*Sol in meridiano exurit terram, & in conspectu*  
*ardoris eius quis poterit sustinere? Tripliciter Sol*  
*exurens montes, radios igneos exsufflans & reful-*  
*gens radiis suis obcecat oculos.* Trita vero illa in  
scholis distinctio, qua & hæc & alia similia scri-  
pturæ testimonia eludi solēt, de duplici calido,  
vel



vel formaliter, vel effectiue, siue virtualiter ( *ut loquuntur* ) parum illis probatur. Non enim alia via & ratione cognosci aut iudicari potest, aut ignem, aut quoduis aliud corpus esse proprie & formaliter calidum, quam iudicio sensus, ipsoque effectū caloris, videlicet, quod & nos & alia corpora ab illis rebus calefcere sentiamus. Hanc rationem e medio si tollas, nihil fiet reliquum, quo quid sit vere calidum, aut non sit, explorari & certo dignosci queat.

E Philosophis sydera ignea demonstrantibus Philosophi  
Christiani.  
Franc. Patr. disputatione prolixa vnus occurrit Franciscus Patricius, qui suo modo libro 15. Pancosmias, hanc quæstionem fusius disserit; præcipua seligam & excerptam argumentorum momenta.

*Astra, inquit, vel ignes sunt, vel non sunt ignes. Si non sunt ignes: vel sunt terra, vel aqua, vel aer, vel quinta essentia, vel cœli partes densiores. At non sunt terra, non aqua, non aer ( de his hodie dubium nullum, veterum illæ opiniones iamdudum sunt explosæ ) Non etiam essentia, non denique densiores cœli partes.* I. Argum.  
Patritii. Peripatus posteriora duo mēbra asseuerat argumentis, proinde primo dispicit quintam essentiā Patricius ( *quāuis si dicuntur cœli partes, & cœlum est ex quinta quadam natura, sequitur etiam stellas esse quinta essentia, ita ut nihil duo, quæ videntur proponi, differant re ipsa* ) *Quinta illa essentia, inquit, vel simplex corpus est, vel compositum. Non compositum. Quia totū cœlum est Aristoteli elementum. Omne autem elementum est simplex corpus. Deinde si compositum est, ex elementis erit compositum: quia totus Peripatus nullum agnoscit com-*

I.  
Astra non  
sunt quinta  
essentia.



positum corpus, nisi ex elementis. At cœleste corpus Aristoteli est ab elementis alienum. Et nullum est in orbe Peripatetico corpus præter compositum ex quatuor elementis elementa ipsa & cœlum. Cœlum autem ex elementis si non est conflatum, nullo modo erit concretum. Relinquitur ergo simplex. Si simplex est corpus, erit uniforme, & simile. Atqui non est uniforme & simile, quia ipse Aristoteles dicit, cœlum alicubi purius esse, alicubi minus syncerum, & habere differentias maxime ubi desinit versus aerem. Quod habet differentias purioris & impurioris substantie, non est uniforme & simile. At cœleste corpus habet has differentias. Ergo, &c. Ergo non simplex, sed compositum. Quod si rursus compositum dicatur, dicatur unde compositio, vel a seipso, vel ab alio. Non a se ipso: nihil enim sui ipsius est causa, docente Aristotele, dictante ratione. Esset enim, antequam esset, & partes essent, antequam esset totum. Non ab alio, quia non ab elementis, ideo nec ab alio corpore. Et cur partes cœli versus aera sunt impuriore? Nulla reddi potest: nisi dicatur eas deorsum tendere, ut grauiore. Sed hac absona.

II. Non densior cœli pars est stella. Si hoc: Ergo densitas in cœli astris, raritas in reliquis cœli partibus. At densitas & raritas sunt quæque elementorum qualitates. Cur hæc in cœlo, reliquarum nulla? At unde nam est illa Peripato cœli partium qualitas? Unde lucis sydereæ tam varius fulgor, remissio, obscuratio tanta? Unde in eis nebulæ, nigrores? sumamus simile ab iis, quæ apud nos sunt, monitu Aristotelis.



telis. Argumentum est Patricii eiusmodi: Si astra e quinta sunt essentia, hac vero nihil cum elementis habet commune, cur astra, ut ignes nostri lucent? cur colores varios, ut ignes nostrates, ostentat? cur ut ignes nostri stellarem figuram de se formant? cur ut ignes nostri, rotunda apparent quadam? cur ut ignes nostri micant? cur ut ignes nostri lumen de se propagant? cur ut ignes nostri calorem cum lumine proferunt? Profecto hac septem sunt experimenta eorum, quae in igne nostro, & ab eo fieri videmus. Sentimus etiam, hac omnia in astris esse. Septem hac similia in astris & in igne conspiciamus. Cur ergo vel ignes non sunt, vel non sunt ignea astra? His septem alia addantur quinque, mobilitas summa, quae in utrisque conspicitur, tenuitas, acuties, penetratio, raritas. Quid enim perniciousius astris? quid velocius igne? Quid tenuius, quid acutius, quid penetrantius, quid rarius nostra flamma? quid item mobilius, vel tenuius, vel acutius, vel penetrantius, vel radiis rarius? Ergo astra sunt ignes similitudine saltem. Coelestis autem ignis purus est, syncerus, immaterialis (ita loquitur) & immortalis, diuinus, & intelligibilis ignis proximior imago. Noster vero materialis est, impurus & corruptibilis. Astra itaque ignes sunt vere sed inter diuinum & nostrum medii. Nam & lucent, sicut nostri, color quoque illorum similis est nostro in varia materia accenso. Figura quoque eadem apparent. Nam si hic flammam eminus cernamus, tametsi recta sursum tendat, radiata tamen sicuti stella cernitur, & vtrorumque hi radii rotunditatem in summo ostendat.



quandam. Et hic noster radiatus ita micat, sicuti  
 & illa. Ergo toties concluditur, astra esse ignea.

II. Argumē Porro astra si sunt ignes, vel sunt anthraces, vel  
 ratio Patric. flamma, vel luces. Si sunt anthraces, densum quid-

dā sunt & solidum. At est ne aliquid in cœlo den-  
 sum. Videtur esse: quia Luna ibi est, qua terreum  
 quid sapit: sunt ibi veterum observatione, stelle  
 nebulosæ quinque, obscura novem, quæ eandem  
 cum Luna videntur obtinere naturam. Sunt  
 Neotericorum observata versus antarcticum, &  
 macule quedam nigra, & nubecula ad nigredi-  
 nem vergentes: sed quia & hæc ad Lunæ naturam  
 accedere videntur, agentes de Lunæ disputatio-  
 nem hanc ingrediemur. Sed si densitas illa & ra-  
 ritas est in cœlo, unde quæso est? A conditore ni-  
 mirum Deo? e qua materia? Prima. Ergo com-  
 posita? Id arguunt varii in astris colores & fulgo-  
 res. Quid igitur? Sunt ne astra ignea anthraces?

Non sunt  
 anthraces.

Non. Quia si hoc, essent inepta ad motum, & im-  
 mobilia. Anthraces enim apud nos in foco prorsus  
 stant immobiles. At astra motus & quidem cita-  
 tissimi speciem quotidie nobis præbent, dum ab or-  
 tu in occasum supero hemisphærio, & ab occasu in  
 ortum infero, incredibili spatio decurso, redeunt  
 24. horis tantum in eo immorata. Quid igitur?  
 An flamma? Flamma in motum semper fertur,  
 etiam minima, velocius adscendit maior, velocis-  
 sime maxima, uti quæ maiores in se habeat vires,  
 & eas in actiones efferat citissime. Flammam dein-  
 de, etiam si dum prope sumus sursum tendere vi-  
 deamus: a lōge tamen si cernatur, & radiationem  
 illam stellis propriam, & rotunditatem represen-  
 tat.



*tat. Vnde nihil obstat, sydera et si flammæ sint, etiam rotundas esse. (Putat autem Patricius, flammæ nostras sursum tendere, nō quia leues sint, vt Peripatus docet, sed quoniam a suo contrario fugiunt, & suam petunt originem cœlestia, scilicet & ignea astra) At si flammæ, unde sunt accense? Flamma nostra est fumus ardens. Fumus est vapor e materia igni subdita elicitus. Vapor est humor in ea materia imbibitus. Humor est fluore a Deo conditus, qui potest rarefieri & densari, &c. Sidera itaque illi sunt flammæ. At flamma ardor. Ardor in fluore est. At si sydera ardent, cur reliquus non ardet æther? Quia lumen & calor toto cœlo summa tenuitate, nimium diffusa, nimiumque amplificata, & quasi de sua vi effusa & diluta languent, vt ita ipsum accendere nequeant. Rarior namque remansit, quam vt accendi atque ardere posset. Astra vero, quæ ardent, ætheris partes (illi) sunt densiores a conditore factæ, & ita cōpactæ, vt ardorem cōcipere, & flammā edere, & dēsitare etiam retinere possent. Densiores aut quomodo & cur sunt factæ? quia oportuit raritate luminis, caloris atq. floris in natura posita, poni etiam in eisdē, contrariū alterum densitatē scilicet luminis caloris & floris. Nihil enim aliud flamma videri possit, quam lumen densius, & lumen nō aliud quam flamma rarior. Calor quoq. non aliud, quam ignis rarefactus atq. diffusus: & ignis nō aliud, quam calor densatus, &c. Hæc de flamma. Atqui lux est ne essentia stellarū. Lux scilicet compacta? Nō abnuat Patricius, cui lux est substantia. Probat vero inde,*

Sunt flammæ.

Lux sit ne essentia stellarum.

F



quod lux alicubi sola congregetur, & sui vel flammæ etiam faciem ostendat. Affert experimenta nocturnatum in mari tum in terra perspecta. In mari, ut quod, dum noctu navigatur, ubi remi insalutem immerguntur, innumera ibi appareant stellulae. Plures sub puppi, ubi remo aquam findit, omnes calore nullo, nedum ardore. In terra affert explorata a se experimenta. I. de nube in imbrem soluta sine vento crebris micationibus, guttulis fulgurantibus, & lumine plenis in auribus & criminibus equi, in pileo & pallio. II. de fratribus Helena nimirum meteoris illis in infimo aere micantibus. At hic non est simplex lux, sed meteoron igneum, & flammulae accensae in vaporibus, qui possunt inflammationem recipere. Quid hoc ad constantia illa in caelo corpora? Ipse vero fatetur, se ex nostratibus tantum capere simile, & inde demonstrari posse, lucem aquae induram, in eaque quasi coagulari, & eandem tenuissimum insidere vapor. Hæc quidem pluribus disceptat Patricius: sed Franciscus Vallesius libro de sacra Philosophia fatetur, caelum & astra ignea esse, igne quodam caelesti, qui praestantioris, quam elementaris, est naturæ, fulgore solum referens illum, non etiam calore & siccitate, ut etiam idem Vallesius statuit, caelum crystallinum esse aqueum aqua quadam caelesti, quæ puritate aquam referat, non tamen frigore, aut humore. Ideoque dicit, nomen ignis & aqua non proprie dici de utrisque, sed analogia quadam, ut sit duplex ignis (non genere, sed secundum analogiam) elementaris & caelestis: aquam statuit quoque

Franc. Vallesius.



quoque duplicem. *Vt itaque (ait) astra vocamus ethereos ignes, ita quod supra firmamentum est, vocamus cœlestes aquas, &c.* Hæc ita sentit Vallesius, astra scilicet esse analogice ignea. Helis. Rosl  
lisæus Ræsslin in suis de Mundo hypothefibus, lin.  
cœlum seu ætherem, dicit, esse quartum elementum in Macrocosmo, nempe ignem, cum æther ab æθῆρ, ardendo, fulgendo, vel lucendo dicatur. Anaxagora, vulque cœlum rectius dici quartam, quam quintam essentiam, ut Danaus manu tertiam. *Stellas, deinde ait Ræsslin, ex solis principiis, iisque purissimis, & ab omni materia elementorum alienas, in elementum essentiale positas esse, & postea: Stelle, inquit, sunt ex principiis tribus, analogia metallorum, præcipue auri perfectissimi, esse perpetuas, corruptioni haud obnoxias, ideoque maximarum virum.*

Quid tandem de essentia & materia stellarum probabilius Christianus Philosophus potest decernere? Resp. Probabilitatē metiri mihi fas sit ex Christianorum patrum, & interpretum Mo-  
saicæ Geneseos, magis sobria, & minus detorta expositione, & magis recepta. Inuenio autem plerosq; pios in orbe Christiano Philosophos & Theologos credidisse, *stellas esse a Deo quarto die in expāso creatas ex luce illa primo die cōdita, quam quidā aiunt perquam tenuē, languidā atq; imperfectā primis tribus diebus fuisse, & quidem corpus lucidum, ex quo postea formatus sit Sol, & reliqua sydera amplioris præstātionisq; lucis additione.* Probatur hæc sententiā multis & piis & doctis viris, & sane non futilibus argumentis.

Quid statuendū sit de essentia stellarum.

Respons.



Quidam igitur ex vers. 14. cap. 1. Genes. ubi in Hebræo legitur in singulari numero, *fiat* (nō *fiant*, ut postea) *Luminaria*, cōiiciunt, ideo Deū dixisse, *Fiat*, ut significaret lucem illam primam hoc suo verbo conuersam fuisse in sydera, ut sit sensus: *Illa lux, quæ in toto cœlo sparsa est, contractatur, & fiant certa quedam luminaria.* Zanchius. II. Zanchio etiam nō displicet, quod Patres aliqui tradunt, *lucem illam primam contractam fuisse in stellas, & præsertim in Solem.* Neque enim illam euanuisse, inque nihilum redactam fuisse sentiendum est: quippe quæ bona erat. Et cum nihil eorum, quæ creauerat Deus, penitus immutatum fuisse, legamus. Translata igitur tantum fuit & distributa in illa φωσῆγια & astra. Notetur etiam hic, quod Deus non dixerit: *Producat cœlum ex se sydera seu luminaria*, sed; *fiant luminaria in expanso*, &; *posuit ea in expanso cœlorum.* Luminaria insuper Græci vertunt φωσῆγια, & quidem recte. Nam & vox Hebræa (ut periti indicant) quæ eo loci est, non simpliciter *Lucem*, sed *quod lucem fert ad illuminandum*, significat. Luminare itaque id esse videtur, in quo lux est, & quod lucem in se habet, eoque differt in luce. Hinc Græci Patres, Iustinus & Basilus aiunt, *astra esse sicut candelabra, in quibus collocata est prima uilla lux, & sic a luce differre.* Corpora igitur sunt lucida. Existimat autē D. Zanchius esse talia corpora, in quibus tum spectetur substantia, tum x. Substātia. qualitas. Substantiā ait *esse materiam cœlestem, contractam & condensatam* (ut ostēdat patrum senten-



sententiam Aristotelis densis nodis non repugnare) idque ostendit ex eo, quod luminaria facta sint in ipsis coelis: vnde concludit, *Ex coeli substantia esse condita*. Qualitatem dicit esse lucem, quae ex illa materia coelestis densitate resultat. D. Lamb. Danaeus (ut supra recensui) autumat, collegisse Deum in Sole, Luna, & astris tanquam in vasis illam iam a se conditam lucem, quam diuersa mensura illis infuderit, ut eam, tum de die, tum de nocte, quantum vult, rebus inferioribus communicent, & quasi administrent. Statuit igitur, stellas corpora coelestia illius lucis vehicula & vasa, quam, velut infusum, ac suae substantiae adiunctum splendorem habent, cōseruant ac nobis vel praebeant, vel subtrahunt. Sic etiā sentit D. Aslachus, lucem illam primo die factam, sed lucidam essentiam fuisse materiam quandam, ex qua Deus quarto die creationis vniuersum stellarum exercitum creauit & produxit: in quas dispersa illa primigenia lucis copia, tanquam certa quadam vasa ac receptacula collecta & distributa est. Vnde Ierem. cap. 31. vers. 35. *Iehoua disponit Solem in lucem inter diu, statuta Luna & stellarum in lucem noctu*, quasi dicat, vice illius primae lucis. Apparet igitur, astra aut esse ignea analogice, aut ex luce primava compacta.

II. Qualitas

Lamb. Danaeus.

Aslachus.

Obiicitur a Peripato: Omne igneū est corruptibile. Astra non sunt corruptibilia. Ergo astra non sunt ignea. Propositio probatur: Quicquid habet materiā, & contrariū, est corruptibile. At ignis habet materiā & cōtrariū. Ergo est corruptibilis.

I.

Obiectio.

Resp. Propositio syllogismi non sine causa

I.

Respon.



vocatur in dubium: quia qui *ignea astra* dicunt, non statuunt *unum ignem unius generis*: inter cœlestem, & elementarem, plerique inter elementarem & éianalogū doctiores distinguunt. Detineatur igitur primo ppositio in igne nostri foci & elementari, qui dicitur. Ah quid dico, elementaris ille Peripateticis dictus ignis nusquā est. Nisi igitur noster ignis sit elemētaris, certe aut nullus est, aut Roslini ignis cœlestis erit elemētaris. Summatim *non omnis ignis, qui dicitur ignis, est corruptibilis, modo aliquis statuatur præter nostri foci ignem*. Propositio igitur certo elaudatur genere: *Omnis ignis urens & absumens, hærensque in vtili pabulo*. Sed si concedatur propositio, num astra cōcedi possunt, plane esse ab omni corruptione libera? Nihil dicam de scripturis sacris, & de creatore stellarum, illarum dictamine, & huius potestate stellæ etiam cœli sunt corruptibiles. Deus autem si vult suas esse stellas incorruptibiles, omnino tales sunt, licet vel igneæ, vel terreæ essent.

II. Ad pro-  
syllogis.  
I.

II. Prosyllogismi propositio, est quidem diu credita, at non satis stabilita. I. Materia non est causa corruptibilitatis in re materiata, sed creatoris voluntas & iussus: a Dei conseruatione, & essentie confirmatione dependet omnis durabilitas. *Deinde materiata etiam corpora hominū, in primæva felicitate si perstitissent homines, incorruptibilia mansissent*. In altera vita resuscitata corpora, licet e terra resurrexerint, & sint materiata, æternū tamen durabunt, nec vnquam peribūt & corrumpentur. Antea etiam



etiam ex Scaligero repetiuimus huius argu-  
menti scholastici vanitatem. Euanuit itaque va-  
na corruptibilitatis causa ex materia prolecta.

Sed, *quicquid habet contrarium est corruptibile.* Obiect.

Respon. Non semper, nisi forte alterum con-  
trarium vi sua agat in alterum, & depopuletur  
illud. Contrarium enim nisi vi presente in al-  
terum agat, ita ut hoc patiatur & vincatur, non  
est corruptionis causa. Esto igitur ignis in cœ-  
lo, habeat contrarium: ubi? in aqua, vel ter-  
ra, vel aere? Sine contactu nulla fit actio. Stoi-  
ci itaque & patroni supremarum & supercœ-  
lestium aquarum dicerent potius, ignem cœ-  
lestem contrario illo suo, si quod est, tempe-  
rari. Sed si contraria accipis logice: Elemen-  
ta igni supero non sunt contraria, sed dispa-  
rata, imo, si esset, subordinata. Deinde nihil  
hic aduersus eos, qui ἀναλόγως ignem illum  
dicunt. Denique plane nihil aduersus eos, qui  
e luce, eiusque lucido corpore primum crea-  
to stellas coagmentatas esse docent. Verum  
an contrarietas sit causa corruptibilitatis sim-  
pliciter, videris Philosophum Patricium ad-  
uersus Peripati dogmata vacillantia disceptan-  
tem.

II. Obiicitur: *Omne igneum mouetur na-  
turaliter sursum. At astra non mouentur sursum.* II. Obiect.  
Ergo astra non sunt ignea. Propositio probatur.  
*Naturalis motus ignis est sursum. Ergo quicquid  
est igneum mouetur sursum. At astra mouentur  
circulariter: & quidem naturaliter: non violent-  
er. Ergo astra non sunt ignea.*



Respons.

Resp. Igneum est Metaphorice per similitudinem & analogiam, & est proprie per essentiam. Conclusio est de proprie dicto igni, qualis est apud nos. Hi igitur, qui analogicum ignem statuunt, in astris inveniunt quatuor hic terminos. Deinde conclusio non impugnat eos, qui astra ex luce primæva compacta esse credunt.

Propositio laborat.

I.

Sed quid? Est ne alias hic legitima dianois? Propositio laborat. I. Peripateticus ignis sub cælo fictus, non adscendit in cælum sursum, sed in sua ficticia fingitur subsistere sede. Ergo &

II.

*igneæ si essent astra, possent talia esse, & in suo ficticio esse, & circumtorqueri orbe.* II. Patricius ostendit non obscure, ignem nostrum non obtinere eundem motum in sua flamma etiam, quæ levior est, sed pro ratione pabuli, quæqua versum

III.

*moueri.* III. Aliud est ipse ignis, aliud igneum: ille in propositionis est prosyllogismo, hoc in ipsa propositione. Rationem diuersitatis ostendit abstracta natura per se sine subiecto, & concreta cum subiecto. Subiectum hoc habes ignem, impedire potest naturalem adiuncti vim.

IV.

IV. Si Peripatetice orbes circumrapiunt stellas, quis est iste stellarum motus? V. Dei

V.

iussui hæc est mouendi rata ratio tribuenda.

III. Obiect.

III. Obiicitur. *Si astra essent igneæ, haud dubie futurum fuisset, ut iam pridem omnia deflagrassent, & syderum ardore consumpta interiscent. Etenim in octavo cælo (ut loquuntur) sunt mille viginti stellæ, quarum qualibet multis partibus maior est, quam vniversa terra: quibus si addas superiores quatuor planetas, etiam quæ est terra*



*terra longe ampliores, erit profecto cœlestium ignium supra omnem terram excessus propemodum incomparabilis.*

Responderi potest. I. Hoc argumentum nihil concludere firmi contra eos, qui *astra* dicunt *igne*a, ut Vallesius & alii, per analogiam, quæ non in ardore consumente, sed in aliis, quæ apparent, qualitatibus consistat. Multo minus nihil ferit eos, qui e luce conflatas stellas credunt. Quos igitur? Igne elementari ignientes cœlestes faces. Sed hi etiam, quod responderent, facile arriperent ex elemento ignis peripatetico, qui dicitur non tantum esse supra aerem, sed etiam circumrapi a cœlo, nec tamen ullum incendium suscitare, cum tamen sit propior ille ignis continue cōvoluens aera & globum terreum. Obtendent raritatem (vere raritatem *Metaphorice*) ignis, & opponent densitatem: Opponent alii longissimam astrorum a terra distantiam, vim & potentiam astrorum languidiorem reddentem. Opponent diuinam eius ignis correctionem & contemperationem, quæ forte fieri (*in re enim dubia quid vetat utrinque augurari*) in puriori materia & diuini-ori subiecto debuit & potuit. Opponent, quod sydera etiam calefaciant Aristotelicos, imo, experientia testante, nonnunquam vrant & amburant licet Aristotelico tactui nō sint formaliter & actu ipso calida. Sed quid prodest nostram ignorantiam dubie disputando ita exponere aliorum ludibrio, iuuat tamen venari, quam proxime fieri potest, cœlestē veritatem.

Respon.



*An stella ita sint ignea & lucida, ut pabulo vaporum pascantur?*

Pars affir-  
mans paga-  
na.

**A**ffirmatorem quæstionis partem tutati sunt, partim Ethnici, partim Christiani.

Ethnici fuerunt Plinius, Stoici, & his vetustiores alii Philosophi, atque Poetæ, qui dixerunt, *solem & astra pasci humoribus terrenis & aquis in sublime ad ipsa attractis*. Aristoteles vero hanc opinionem indignam Philosopho ait

I. *2. Meteor. quasi vapores ad solem usque subueherentur, & non tantummodo ad mediam usque regionem aeris, ubi coacti densatique resoluuntur in pluias, & unde sublatis fuerant, eodem relabantur.*

II. *Quoniam autem ille ignis, qui pabulo alitur, non idem durat, sed identidem mutatur, necessum est solem & astra non modo quotidie noua existere, ut aiebat Heraclitus, sed singulis etiam prope momentis nouum generari. Deinde unde tantum pabuli & alimenti tot tantisque syderibus suppeditaretur? Fierent etiam astra nonnunquam maiora vel minora, videlicet prout minus plusve vaporum in pabulum eis suggereretur.*

Christiana.

Iustinus.

Christiani sunt pii nonnulli patres, Iustinus Martyr, Basilius, Theodoretus, Ambrosius, quibus etiam addere licet e Iudæis Philonem & Iosephum. Iustinus Martyr respondens ad 93. quæst. Orthodoxorum ait, *Terga cæli esse aquis tecta, secundum illud: Qui tegis aquis superiora eius: earum vero aquarum duplicem esse usum: alterum, ad immensum tot tantorumque syderum ardorem, ne penitus omnia consumantur sua refrigeratione, mitigandum (Hic igitur*



igitur frigus aquæ isti concedit, contra quam Vallesius) *atque temperandum: alterum, ut earum pondere dorsum cæli urgeatur ac prematur deorsum, ne crebro ac violento ventorum impulsu concussum huc illuc agitetur.* Videris plura in Scholis Philosophicis meis de Patrum horum diuersis opinionibus. Sed inanē esse hanc opinionem vel inde pater. Quod, si concederetur ignea & calida astrorum natura, satius fuisset a principio non plus caloris tribuere cuique syderi, quam quantum vtile futurum erat ad mundi conseruationem, & sua munia obeunda, quam immoderatum syderibus largiri calorem, ad quem postea corrigendum & temperandum opus fuerit isto tam violento aquarum remedio. *Deinde si aqua illa refrigerando minuit ardorem syderum, id fieri non posset sine alteratione: remissio enim vnius contrarii, auctore Aristotele, nō sit, nisi propter cōtrarii admixtionem: quamobrem perpetuo sydera alterarentur, & quodammodo corrumparentur, certe in illis notabilis aliqua variatio euenisset, quæ tamen non potuit inde vsque a condito mundo deprehendi. Præterea inter contraria, aiunt Philosophi, vbi se cōtingunt, mutua est pugna, nempe, actio & reactio. Quocirca aqua illa reprimens vim caloris, vicissim syderum ardore calefceret, atque tabesceret, ac tandem interiret: cuius interitus & irritum faceret primum Dei consilium & propositum, & locum aquæ corruptæ inanem relinqueret, vel aliquid in eius locum recēs generatum sufficeretur: vel aquarum interitus proficeret ad*

Pars  
Negans.  
I.

II.

III.



incrementum syderum, & insignis aliqua syderibus fieret accessio. At hæc sunt sensibus & doctorum hominum observationibus contraria.

Sed hoc figmentum nititur ruinoso fundamento de aquis supra sydera existentibus: quo sublato plane tollitur pastio illa vaporosa syderum. Vtar hic syllogismo D. Aslachi: *Cœlestes aquæ, de quibus loquitur Moses cap. 1. Genes. sunt collocata supra illud expansum, quod secundo die a Deo productum est. At aer est expansum illud secundo die creatum. Ergo supra aerem istæ aquæ sunt dispositæ.*

Syllogismus.

Digressio in quaestionem 1 de die conditi cœli: 2. de aquis cœlestibus.

Nota.

*Ἐργασία* Assumpti ad ostendendum cœlum acreum 2. die creatum.

Lector amice, observa demonstrari hic, *aerē die secundo, cœlū sydereum die primo esse factum*, contra quam in Ouranographia scripsi: Ibi enim putavi, eam esse probabiliorem interpretationem, quæ cœlum totum secundo die factum credit. Dissentit cum nonnullis D. Aslachus, non repugno: amans sum veritatis, in cuius gratiam etiam refigere oportet propria decreta: adhibe iudicium tuum, si videris hic maiorem probabilitatem, id quod verius est approba. Nihil tibi, nihil mihi antiquius religiosa veritate. Ita legit cum Tremellio & Iunio Mosen: *Sit expansio inter aquas, ut sit distinguēs inter aquas, unas & alteras: & fecit Deus Hara-kiáh, id est, expansum hoc (scilicet proximum nempe acreum) ut distingueret inter aquas has, quæ infra hanc expansionem, & inter aquas illas, quæ*

I.



qua supra hanc expansionem sunt. Ergo Moses loquitur non de expansione, in qua sunt sydera, sed de aerea hac aquas ab aquis discernente. Postea ait quarto die: *Sunto luminaria Birk'áb haschá-majim, id est, in expanso cœli, scilicet syderei.* Hinc, nempe ex particula demonstrandi n̄ ter repetita, sed cœli stellati voci adempta concludit Aslachus, *loquuntum esse Deum, de aere.* II. Id probat testimonio Psalmi 148. vers. 4. ubi David inter vtrumque expansum discernit, cum ait: *Laudate Deum cœli cœlorum; & aque, que supra cœlum hoc.* Ergo aliud cœlum cœlorum, & cœlum hoc. Supra hoc sunt aquæ, scilicet aerem. Existimat igitur, primo statim die cœlum stelliferū esse creatum (per terram vero intelligit *massam subcœlestium rudem*) quod lux primigenia stellarum materia sine subiecto recipiente esse non potuerit. Die autem secundo & tertio aerem, aquam & terram, inferiorum domicilia esse præparata. (Pace viri, infirmitas rationis huius de lucis subsistentia apparebit iis, qui cum ex Scholasticis, & nostris Doctoribus, vel lucem corpus tenue & lucidum, vel in splendida nube, vel in parte tenuiore Chai fuisse opinātur.) Deinde ait: *Si per expansionem secundo die creatam cœlū stellatum intelligas (at non solum) sequetur omnino, ut aut idem cœlum bis esse creatum concedas, quod tamen absurdum: aut Mosē tam oscitantē fuisse, ut que primi diei creationi iam assignauerat, ea mox per incuriam secundo adscribat, &c.* (At liberabunt facile Mosē ab absurditate & incu-

II.

Argum. n.  
tatio As-  
lachi.



III.

ria illa, qui euincere probabiliter poterunt, primo versu aut generalem vniuersæ Geneleos & mundani operis contineri propositionem, aut materiam & prima seminaria cœli terræq; nominibus intelligi: sed hominis amo syncerum iudicium: mihi perinde est. Tertio id probat ex ordine creaturarum Psal. 148. recitatarum: vbi primo loco censet cœlestes exercitus, Angelos; deinde solem & lunam, reliquasque stellas; tertio cœlos cœlorum; hinc aquas, quæ supra cœlū hoc sunt, &c. Sed ex collocatione ordinis firmi parum emerget, sequeretur enim, stellas esse creatas ante cœlum. Fortius hoc forte,

IV.

quod aquas illas supra hoc cœlum, id est, aerem collocatas, asserit. Quarto idem dilucidius demonstrat ex verbis Hezræ cap. 6. Domine tu locutus es initio creationis die primo, dicendo, Fiat cœlū & terra: & verbo tuo opus perfectum est; & postea: Tu die secūdo creasti aerē expansi, & imperasti ei, ut distingueret, diuisionēq; statueret inter aquas, ut pars earū sursum recederet, pars vero maneret deorsum? Hinc nō modo patet, aerē secundo die esse expansum, & aerem inter aquas distinguere; verum etiam cœlum & terram esse creata & perfecta. Esto: posset quispiam dicere, Fiat cœlum & terra, id est, materia eius. Illud verbo Dei esse perfectum, quod fieri iusserrat; Moſen non dicere fiat, sed creauit in principio, librum esse Apocryphum. Nollem tamen ego vnquam hac responsione vti. V. Adducit auctoritatem Iosephi Moſen explicantis lib. 1.

V.  
Iosephus.

Antiq. Iudaic, *In principio creauit Deus cœlum*

*& ter-*



Et terram. Terra cum in conspectum non veniret, alta caligine tecta, spiritusque cum superne permearet, lucem Deus fieri iussit, quæ cum effulisset, discrevit lucem a tenebris &c. Post hæc secunda die cælum universitati rerum imposuit discretum a ceteris, & in sublimi collocatum, glacie confertum, & humida ac pluvia natura, ob terram irroratione iuvandam competenter temperatum. Hoc autem cælum æereum esse necesse est.

VI. Profert pronuntiata Suidæ & Plinii. VI.  
Suidas ait: Duplex cælum constituitur: unum, Suidas.  
cum terra statim primo die creatum, nempe stellatum, in quo sidera sunt disposita. Alterum secundo die productum, quod in medio aquarum est, puta ærem. Plinius libro 3 i. capit. 1. ait: Plinius.  
Aqua in sublime scandit, & cælum quoque sibi vendicat. Item: Quid mirabilius esse possit, aquis in cælo stantibus? Hinc concluditur cælum secundo die creatum esse ærem.

VII. Addit etiam hoc argumentum: Cata- VII.  
ractæ cæli in diluvio aperta sine dubio sunt aquæ cœlestes. Atqui illæ sunt aquæ nubium. Nam Genes. 9. vers. 14. Iobi 26. vers. 8. Psalm. 104. vers. 9. nubium aquæ & cœlestes dicuntur pro iisdem. Huc accedit, quod nubes aquæ etiam cæli aliquando appellantur, ut Ierem. 10. vers. 12. Psalm. 18. vers. 12. Sicut etiam sulphur, ignis, caligo, tonitrua, fulmina & alia in cælo reponuntur.

Plura & exquisita quidem leges apud

Dn. Aslachum de tripli-  
ci cælo.



## Quæstio V.

*An stellarum subiectum cælum sit  
aspectabile?*

Quæstio.

Affirmatio.

I. Obiect.

Stellas esse propter lucem, quæ est primum obiectum visus, visibiles, non cæcis apparet, at, an ipsum etiam, quod continet, stellas, cælum, sit adspectabile, quæritur? Non ita videri, ut sydera, est certum, at an vlllo alio modo, ut colore imbutum visu percipiatur, sunt qui quærunt, sunt qui affirmant. Qui affirmant cæli syderei adspectabilitatem primum S. Scripturæ depromunt oracula. *Quod S. Scriptura iubet intueri homines & adspicere, quodque affirmat videri, id ipsum cura dubitationis aleam non fugit aciem oculorum nostrorum. At S. Scriptura iubet, ut homines intueantur cælum, & affirmat, cælum stelliferum oculis videri.* Nam Genes. 15. vers. 5. Deus dicit Abrahamo: *Suspice cælum, & numera stellas si potes.* Iob. cap. 35. vers. 5. *Suspice cælum & intuere.* Plal. 8. vers. 4. *Quoniam videbo cælos.* Daniel. 12. vers. 3. *Erudientes alios splendebunt quasi splendore expansi.* Plal. 19. vers. 2. *Cæli enarrant gloriam Dei.* Ergo cælum non fugit aciem nostrorum oculorum.

Respon.

Respondetur ad prosyllogismum & testimonia sacra Assumptionis, & quidem primo, quod Abrahamo dicit Deus: *suspice cælum*, inspectis fontibus Hebraicis, facile constat, cælum hic accipi pro ad vel *versus cælum*. In Hebræo enim est vox *לעיל*, quæ non simpliciter cælū, sed ad vel *versus cælum* denotat. Vnde postea subiungit Deus: *& numera stellas, quasi*



quasi dicat: *sursum aspiciens & oculos elevant, si potes, numera stellas.* Aspicere igitur cœlum, phrasi Hebraica sæpe significat, faciem sursum attollere & cœlestia contemplari, cuiusmodi sunt stellæ, meteora, aliaque cœli corpora.

Nota.  
Quid aspicere cœlū.

II. Ad dictum Iobi eodem modo respondetur ex ista phrasi, idque ex peristasi loci illius minime est obscurum: *intuere, inquit, cœlum, & respice ac contemplare suspiciens nubes, ut sunt altæ suprate.* Deinde sermo hic est non de stellato cœlo, sed de nubibus aereis.

II.

III. Quid David per cœli contemplationem intelligat, ipse explicat, cum ait: *cum respicio cœlos tuos, opus digitorum tuorum, lunam & stellas, quas statuisti.*

III.

Respicit quidem sursum versus cœlum, sed quod videt adintuetur oculis suis, sunt corpora cœli lucida, in primis luna & sol. Estque hæc Metonymia in S. literis non infrequens. IV. In dicto Danielis, quid intelligendū sit per *splendorem expansi*, nempe ipsæ stellæ, quæ in illo incedentes resplendent, planū est ex ipsius verbis, quæ continenter per epexegefin annectit,

IV.

inquiens: *Et qui iustificarint multos, ut stella in sempiterna secula erunt.* V. Ex hoc Psalmi dicto: *Cœli enarrant gloriam Dei*, non sequitur, cœlum vere videri. Quia omnia, siue sint visibilia, siue inuisibilia, Dei gloriam & maiestatem enarrant. Et quid, quæso, Dei gloriam, sapientiam & potētiā magis enarrare possit, quam tenuissima illa cœli natura: in qua tamen vastissima illa syderum corpora firmissime fulciuntur & sustinentur.

V.

G



2. Obiect. *Quod est coloratum est visibile. Cælum est coloratum. Ergo cælum etiam est visibile.*  
 I. Prosyll. Assumptum probatur duobus prosyllogismis. Primum ducunt ex Matth. 16. vers. 2. & 3. ubi dicitur a Christo *cælum coloratum, ut rubicundum*, idque sensuum testimonio firmatur.

Respon. Respon. Christi sermo intelligitur de cælo aereo exhalationibus infecto. Differitur enim de signis serenitatis vel tempestatis ex nubium colore circa solis ortum & occasum desumptis. Exhalationes autem aeris seu infimi cæli coloribus illis imbuuntur, non cælum ipsum. Si-  
 Rubedinis quidem rubedinis matutinæ & vespertinæ  
 vespertinæ causam Physici docent esse vaporem, seu ex-  
 & matutine halationem crassiorem circa Horizontem: in  
 αιτιολογια. quam cum radii solares incidunt, & ad obliquos  
 angulos reflectuntur, ideoque infirmiores sunt,  
 quam ut euaporationes illas statim resolvere  
 & absorbere possint, lumina sui vestigia in ma-  
 teria illa exhalationum relinquunt. Quod ab  
 initio ob æqualem lucis solaris, & materiæ ob-  
 scuræ contemperationem, subrusi coloris ap-  
 paret. Postea rubedo illa vel in albedinem, vel  
 etiam nigredinem declinat. In albedinem qui-  
 dem, si radii solares materiam exhalationum  
 resoluant, unde pallidi, liuidi ac subalbi coloris  
 cernuntur. In nigredinem vero, si obiecta ha-  
 lituum moles, propter nimiam crassitiem sta-  
 tim non possit resolui, sed in nubem aquosam  
 concreascit, quæ radiorum solarium penetra-  
 tionem non admittit, ideoque parte oculis no-  
 stris obiecta, obscura & nigra videtur. Atque  
 hinc



hinc non difficulter intelligitur, cur matutina Matutina  
 rubedo pluuiam, vespertina serenitatem diei rubedo cum  
 sequentis portendat. Nam exhalationes matu- pluuiam,  
 tinæ, vna cum sole eleuatæ, tandem ob refle- vespertina  
 xos, ideoque fortiores solis radios, vel in ven- serenitatē  
 tos attenuantur, vel in nubem condensantur, significet.  
 demumque in pluuiam resolvuntur. Vesper-  
 tinæ vero euaporationes circa solis occasum  
 non eleuantur, sed vel ob nocturnum frigus  
 illic in rorem resolvuntur, vel a sole infra Ho-  
 rizontem pertractæ in altero Hemisphærio in  
 ventos aut pluuiam rediguntur. A qua tamen  
 in nostro climate immunes sumus. Vnde et-  
 iam in nostro hemisphærio ob consumptos ha-  
 litus, aer succedente die, defecatus relinqui-  
 tur. Relinquitur ergo, colores illos non esse in  
 cœli aerei substantia, sed in vaporibus solis ra-  
 diis imbutis.

Alter prosyllogismus subsumti est expe- II. Prosyll.  
 rientia e sensu communi petita. *Visus perci-*  
*pit cœlum astriferum, sub colore cœruleo, quia*  
*undiquaque cœlum cœruleum conspiciunt omni-*  
*um videntium, oculi. Ergo cœlum est aspe-*  
*ctabile.*

Respon. Visus hic fit hallucinatio. Non e- Respon.  
 nim ipsum cœlum proprie conspicitur, cum  
 sit corpus subtilissimum, quod nec luce, nec  
 colore ita illustratur, vt a nobis videri possit:  
 Cœruleum autem illud, quod oculis nostris  
 serenum cœlum sursum respicientibus in-  
 geritur, etsi diuersum nonnulli sentiant, potius  
 fit per apparentiam, vt ostendit Zanchius lib. 1.



*De operibus Dei, cap. 4. & Iulius Scaliger Exercit. 66. ubi ita ait: videtur quidem color aliquis esse cœli, qui sapphirinus vel cœruleus dicitur: videri tamen potius, quàm esse arbitrandum. Nam & aer cum prope nos nullum habeat colorem, procul habere videtur tamen. Ratio est, quia densatur, non per compositionem partium, sed per dispositionem. Distantia namque multas representat partes visui dispositas per longitudinem in linea visuali. Aslachus etiam arbitratur, cœruleum cœli illum colorem esse apparentiam & idolum non cœli stellati, sed aeris superioris, qui ob syderum vicinitatem radiis luminum cœlestium aliquantulum illustratur. Sed quia hæc aeris illustratio per medium obscurius, puta aerem inferiorem, in quo nos degimus, videtur, in nigredinem sapphirino colori vicinam degenerat. Postea nigredo hæc, ob nimiam distantiam aeris superioris, esse cœrulei coloris apparet. Quod autem distantia nimia colorem rei natium occultare, & per hallucinationem rem quampiam aliter nonnunquam, quam reuera sit, spectandam exhibere soleat, est experientia satis notum. Quid, quod res quælibet in distantia maiore, cœruleum colorem affectare videatur? Verbi gratia, si quis in alto mari terræ littora procul distita primo aspiciat, siue ea candida, siue obscura fuerint; apparerent tamen colore cœruleo oculis nostris familiarissimo. Qui, quo propius ad littora obiecta appellis, eo plus sensim imminuitur, ac nativo rei conspectæ colori locum cedit. In terra*



terra quoque montes ac syluæ, quo longius diffita conspiciuntur, eo propius ad cæruleum colorem accedere videntur. Sæpiissime etiam res quæpiam, ob medium, per quod videtur, aliter, quam reuera sit, conspicitur.

Sed quid tandem? *Cælum stellatum in se non est visibile.* Demonstratur argumento infallibili: *Quodcunque corpus est tenuissime subtile, subtilissime tenue, & subtilissime etiam defecatum & depuratum, id fugit humanorum oculorum aciem.*

Demōstratio cælum non videri.

Quia quæcunque oculis humanis videntur, ea per radios videri necesse est, vt est Propos. 28. lib. 1. Perspect. Com. quæ asserit, *visionem per lineas radiosque recte super oculum orientes fieri.* At, quæ sunt subtilissime tenuia, per radios videri non possunt. Radii enim visibiles e corpore subtilissimo produci nequeunt, sed tantum denso, vt est Propos. 52. lib. 1. Perspect. Com. quæ statuit, *visibile omne medium, in densitate transcendere debere.* Et nihil potest esse per se & sua natura coloratum aut luminosum, nisi densum. Ergo subtilissime tenuia & defacata, quia medio non sunt densiora, videri non possunt. Atqui cælum syderum est tenuissime subtile, & subtilissime tenue ac defacatum, vti patebit prolixa disputatione, infra, vbi de motu syderum tractaturi sumus: patuit etiam partim in Ouranographia, quæ densam illam nonnullorum cæli duriciem liquauit & confutauit. Ergo concluditur recte ab Aslacho & a nobis, *cælum*



per se non esse adspectabile, in quo sydera sua luce  
visibilia motantur.

## C A P. I I I.

## De forma stellarum.

Stellarum  
forma.

**F**orma altera essentiae stellarum causa, & pars interioris constitutionis intellectui nostro perfecte non patet: videtur autem consistere in his duobus.

Pars prima  
formae.

Primo in interiore corporis globosi purissimaeque luciditate, qua tota interior substantia, plena lucis congregatione perfusa, apta est luce sua lumen & radios diffundere.

Pars secunda.

Secundo, in lucidae essentiae in globum compactione & efformatione, qua accedente virtute ingenita, est appositae ferri motu orbico, suasque conficere periodos.

Quidam tamen a prima parte formae excipiunt Lunam, quae videtur aliquid impuritatis obtinere, quod maculae eius ostendunt, qua de re alibi.

## De forma stellarum.

## Quaestio I.

An anima, & quanam sit stellarum  
forma.

Anima alia  
generalis, a-  
lia specialis,  
seu Tropica  
& propria.

**I**N huius quaestiones ventilatione (quia dies diem docet) video esse distinguendum inter animam, ut alia sit *generalior*, alia *specialior*, seu alia *proprie dicta*, alia vero *metaphorica* & *analogica*. Propria & specialior anima est communiter & proprie dicta in Peripato anima, eaque vel *Vegetatrix*, vel *Sensitrix*, vel *Ratiocinatrix*. Generalior & Metaphorica per analogiam, seu per synecdochen voce latius diducta,



Ita, est quæuis cuiusvis creaturæ & corporis facultas & vis ἐνεργητικὴ, qua sibi a creatore deman data munia exsequi apta nata est. Iam in Quæst. tanto philosophantium mundo de anima, vel mundi, vel cœli & astrorum, si disquiratur, *an astra etiam habeant animam*, (nondum de forma disquiro) salua eorum, quæ in Cosmopœia & alibi disputauī, veritate, videor mihi respondere me posse: Habere astra animam. Sed distinguo, vt vides. Dico autem, ea habere animam, aut communem illam, aut specialem seu hactenus in schola Aristotelica proprie dictā. Distinguo has, non copulo.

Affirmatur.  
Affirmatio distinguitur.

De speciali & propria primum disquiramus, *An astra sint propria illa anima animata*. Quæstio. Si sunt: aut habent animam intelligentem, aut sensitiuam, aut vegetatiuam. Negatur anima stellis propria.

*I. An intelligentem & rationalem obtineant.*

I. Animam intelligentem, qui tribuerunt astris, formam eam fecere stellarum, vel informantem seu inexistentem, vel adistentem. Informantem & inexistentem qui animam stellis adsignasse videntur, tum Ethnici, tum Christiani.

Ethnici sunt vetustissimi illi, qui quidem animata sydera dixerunt, & non tantum vitam, verum etiam sensum & intellectus actiones eis non negarunt: sed tamen a nonnullis ab hac opinione per Tropicam similitudinis & analogiæ cuiusdam interpretationem vindicantur: vt postea patebit. Huius sententiæ aucto-

Ethnici tribuētes cœlo animam informantem.



res verustissimos commemorat Franc. Patri-  
cius libr. 4. suæ Pampsychiæ Zoroastrem, Her-  
metem, Orpheum, Pythagoram, & Pythago-  
reos, a quibus putat vetustissimo dogmate tra-  
ditum esse, *mundum esse animatum*: quod &  
Thaletem & Heraclitum & Democritum &  
Stoicorum vniuersam sectam docuisse ait.  
Ad hos aggregatur etiam Virgilius 6. Æneid.  
cum ait:

*Lucentemq; globum lune, Titaniq; astra  
Spiritus intus alit, totamq; infusa per artus  
Mens agitat mole, & magno se corpore miscet.*

Ex horum Philosophorum dictis nonnulli  
persuasi sunt, vt vniuersum mundum, ita cum  
primis astra esse substantiali & rationali anima  
prædita: verum quibusdam, qui antiquis sunt  
æquiores, aliud videntur veteres isti innuisse:  
idq; probât partim ex diligentiori dictorū isto-  
rum consideratione, partim ex testimoniis in-  
terpretum. Non enim, *aiunt*, credendum est,  
sapiantissimos hos Philosophos, mundum re-  
ipsum anima quadam essentiali imbutū, nedum  
animal quoddam ratione præditum, existimas-  
se: reclamante & aduersante præsertim huic o-  
pinioni experientia satis manifesta, sed tantum  
per analogiam & similitudinem quandam sic  
locutos esse. Primum, quia interdum ipsi au-  
ctores, vt Plato, Iamblicus, Proclus, addunt vo-  
ces: *Quasi anima, Similimum animali*. Sebastia-  
nus Foxius in Timæum Platonis ait, *mundum  
animatum dici a veteribus, nō quod ingens quod-  
dam sit animal, qualia animantia hæc, vt inepte  
quidam*

Aslachum  
vide.

Quasi ani-  
ma.



quidam putant: sed quia ut anima principium est motus in animalibus, quo moveantur: ita etiam in mundo est quidā animus, non qualis est reliquorum, sed diuersus, qui mundū ipsum ciet. Sic quoque dicitur ob consensionem partium suarum, & internum motus principium & ordinem. Intelligens vero & rationalis, non quod ratiocinetur, aut intelligat, ut nos ipsi, sed quoniam ordine compositoque motu impellatur: quemadmodum & naturam inquit Aristoteles ratione uti, nō quod illa animal rationis particeps sit, sed quod cuncta prudenter administret, certoque ordine moueat. Hæc Foxius. Virgilium ab hac peruerfitate liberat Lactantius lib. i. cap. 5. cum ait: *Nostrorum primus Maro non longe fuit a veritate: cuius de summo Deo, quem spiritum ac mentem nominauit, hæc verba sunt: Principio cælum, &c. Ac ne quis forte ignoret, quisnam esset ille spiritus, qui tantum haberet potestatis, declarauit alio loco dicens:*

—— Deum namque ire per omnes  
Terrasque, tractusque maris cælumque profundum.  
Hinc pecudes, armēta, viros, genus omne ferarū,  
Quemque sibi tennes nascentem arcescere vitas.  
Hæc de Ethnicis antiquis, quorum excusationem ita æqui nonnulli arbitri susceperunt.

Christiani intelligētia somniātes astra, sunt Christiani  
tum Theologi, tum Philosophi. Ex Theologis Theologi  
recensetur, cum a Patricio, tum a Pererio Ori- animam in-  
genes, Hieronymus, Augustinus, sed reuocans, telligentem  
Scotus, Thomas, Caietanus. Sed quia scriptu- astris tribu-  
ras ad huius opinionis defensionem detorse- entes.  
runt, videamus, quid attulerint.



I. Origenes Tom. I. Comment. in Ioan. putauit non modo stellas esse animatas, sed etiã virtutis & vitii capaces, hoc argumento, quod Iob cap. 25. appellat *stellas immundas coram Deo*. Ideo ait, *Christum etiam pro stellis & earum peccatis mortuum esse*. Sed immundities omnis non arguit subiectum rationale, quasi nihil immundum dici queat, quod non sit rationale animal. Ideoque Hieronymo teste, hoc ipsum etiam est inter errores Origenis recensitum, & ab Ecclesia damnatum.

II. Hieronymus in Comment. super Ecclesiastem interpretãdo verba illa Salomonis de Sole: *Gyrans gyRANDO vadit spiritus*, ait, *Solem vocari spiritum, eo quod animet, inspiret, ac vegetet*. Atqui hoc ipsum non statuit animationẽ stellarum, quia ponit ibi duplicem Hieronymus interpretationẽ, cur Sol dicatur spiritus, aut quia vere ipse spiritu viuifico animetur & vigeat, aut quod suo motu & lumine vitã rebus omnibus inspiret & infundat. Sed tropice dicitur spiritus.

III. Affertur & hoc ex Iesa. cap. 43. *Manus mee tetenderũt cœlos, & omni militia eorũ ego precepi*.

Respondet Hier. in Comment. in Ies. *Quod scriptum est: Ego omnibus stellis precepi, occasionem quibusdam tribuit, quod astra rationalia sint, & animam sensumq; habeant. Neque enim, aiũt, præciperet, nisi intelligerent. At non recordantur, quod in Iona scriptum est: Præcepit Dominus spiritui comburenti, & rursum: Præcepit vermi, sic Dominus in Euangelio increpauit mare & vêtos*.

III. Caietanus pro hac opinione inuitat illud, quod



quod alicubi dicitur: *Fecit cœlos in intellectu*. At  
vanissimum hoc est. I. Phrasis est Hebræis fre-  
quentissima: *In pro Cum*, vel absolute, *ratione*,  
*sapientia*, *intelligētia*, item adverbialiter, *sapien-*  
*ter*. II. Intellectus ille nō inhæret cœlis, sed fa-  
ctori Deo. Ineptæ est & puerilis argutia.

Detorquet huc ea etiam, quæ *sydera dicunt*,  
*laudare Deum*. At non tantum sydera, verū et-  
iam aquæ, nubes, terra, grando dicitur laudare  
Deum: attamen non intelligunt. Improperie di-  
cta quoties proprie & literaliter accipiuntur,  
pariūt præter mentem eius, qui dixit, errorem.  
Deniq; virtutibus cœlorum certat Caieranus:  
quasi virtus tantum ethice accipiatur, & nulla  
sit physica virtus, id est, vis, facultas, potentia a  
Deo indita cœlis ac astris. Hinc ineptæ ineptiæ  
Scholasticorum otiose quærentium: *Si anima*  
*sint astrorum, an sint colenda & veneranda astra*.  
Negatum hoc est expresse Deuteron. 4. Item,  
*an anima illa sint beata, an non beata: an peccarint,*  
*an si peccarint, pœnas sint dature*; & aliæ fatuæ  
quæstiones, quas (vt recte Patricius ait) stoli-  
de nexuerunt ita, vt inextricabiles nodo Gor-  
diano magis sint effectæ. Philosophi nostri  
temporis anima intelligente animantes astra  
præcipue sunt, Patricius & Ioannes Bodinus li-  
bro 5. Theatri naturæ. Ita enim definit sydera:  
*Sydera sunt animalia cœlestia intellectu ac luce*  
*prædita, & in continuo motu*. Hanc definitionem  
ita probat. *Hoc satis a Daniele cap. ult. significa-*  
*tur, cum scribit, eorum mentes, qui puriorem vi-*  
*tam egerint, & quam plurimos ad verum decus,*

I.

II

Christiani  
Philosophi  
animā stel-  
lis tribuen-  
tes intelli-  
gentem.

I. Argum.  
Bodini.



Et pietatem perduxerint, ut sydera fulgentia, domicilium, ac sedem in cœlis habituros: ubi (inquit) essentia ac figura angelorum, cœlestiumque animorum significatur: Et ut cetera animantia suis quæque in sedibus, pisces, inquam, in aquis, pecora in pascuis, feras in montibus, ac syluis, ita stellas in cœlis collocari tradunt Origenes, Eusebius ac Diodorus.

Verum, pace tanti viri, contextus Danielis non differit hoc loco de angelis & animis cœlestibus, teste enim ἀνάγκη λογολογικῇ, & cōmentario Hieronymi, singularis quædam excellentiæ gloriæ eorum, qui multos docuerunt veritatem, & ad cultum studiumque virtutum instruxerunt, exponitur. Qui in sententia vatis prius appellantur *docti*, post dicuntur *erudire multos ad iustitiam*, ut hac diuersitate verborum idem munus & effectum significetur eorū, qui sunt aliorū magistri & doctores. Idemq, significatur splendore firmamenti atque stellarum fulgore. Neque enim aliud est splendor cœli, aliud stellarum. Etenim omnis cœli lux & claritas ex astris est. Loqui Daniele non de angelis, sed hominibus, notum est ex versu antecedente, qui huic per copulatiuam annectitur: Ibi loquitur enim de iis, qui domiūt in terræ puluere, & euigilant. At hi non sunt animi cœlestes & angeli, sed homines. Verum autem est, *stellas in cœlis collocatas esse*, ex Genesi Moſis. At inde quomodo probentur sydera animalia rationalia non video. Sydera splendentia præbent hic argumentum, quod cōparatione declarat



clarat gloriam beatorum hominum.

Alterum argumentum Bodini, quod præter auctoritatem Patrum affert, est valde imbelles, cum ait: *Tentorium in veteri testamento a legislatore factum fuisse archetypum uniuersi mundi, decem cortinas compositas esse decem cælos, angelicas in eis figuras esse sydera cœlestia.* Hinc certe nemo concluderit, astra esse animalia rationalia, cum Ipsi angeli non sint animalia. II. Nec inde decem cœli exstruuntur, ut in *Ouranographia* meminimus. III. Nec certum sit, Deum intendisse in mundi archetypum. IV. Et multo minus constet, an angelorum facies notent astra cœlestia, cum multa imo omnia fere appareant plane dissimilia. V. Denique allegorica illa verbo Dei non innixa, sed Rabbinica interpretia nihil ex necessitate concludat.

Haftenus de inexisterente astrorum anima disseruimus: Adsisentem mentem, seu intelligentiam (ut vocant) quæ singulis, vel orbibus, vel stellis adsiseretur, & cuius vi mouerentur perpetua rotatione, & tanquam forma suum formatum ab interitu conseruaret, finxerunt Aristoteles, Theophrastus & alii. Ita enim ait Zabarella cap. 7. de cœlo: *Quando Græci dicunt, cœlum ex materia & forma constare, semper intelligunt cœlum animatum: & orbem vocant materiam, animam vero formam.* Ratio principalis huius opinionis hæc videtur esse. Si cœlum, vel stella in cœlo perpetuo motantur, fiat id ab intelligentia aliqua adsisente, necesse est. At cœlum, vel stella cœlestes, ut apparet, perpetuo motu cidentur.

II. Argum.  
Bodini.

An stellæ habeant formam adsisentem.

Zabarella.

Ratio pro adsisente stellarum forma.



Ergo ab intelligentia seu anima quapiam ipsis ad-  
sistente eas rotari est necesse.

Respons.

1.

I. Partes propositionis nullius necessitatis  
nexu coherent. Non enim necessaria est con-  
nexio: *Si stella mouetur. Ergo ab anima vel mēte*  
*apposita mouentur.* Plures enim sunt motionis  
causæ. Et aliunde, quam ab intelligentiis præ-  
sidentib. motionis suæ principiū stellæ habere  
possunt. Omnipotens enim ille cœli conditor,  
qui dixit: *Esto luminaria*, & ita verbo fecit stel-  
las, & in cœli expansione collocavit, cur nō vna  
quoq; mouēdi facultatē indere posset? Imo in-  
didicisse hanc mouendi vim astris, patet ex verbo  
Domini, q̄ non solū dicit: *Sint luminaria*, sed et-  
iam *diuidant diē a nocte, sint in signa.* Qui iussit  
ista efficere, efficientiæ etiā vires sine dubio de-  
dit. Et quis, quæso, crediderit, tanta cœli corpo-  
ra, tam constantē & ratā motus analogiam per-  
petuo obseruantia, violento adfistentiū genio-  
rū raptu, ideoq; per accidens tantū moueri &  
circūtorqueri? quis crediderit cum stellis ipsas  
mentes adfistricas vel circūuolui, vel ipsas mo-  
tari alia ratione ab immobilib. posse? Motus si-  
quidē non cœli est, sed stellarū in cœlo oīs. Hoc  
postea apertissime (*ut etiā in Ouranographicis*  
*factū est*) demonstrabitur. Cœlū enim cum sit  
subtilissimū & tenuissimū, tam pernici reuolu-  
tione circumuolui nequit. Quomodo n. quod  
rarissimū, tenuissimū, ac fluidissimū, concitatif-  
simo aliquo motu ciatur? Eiusmodi siquidē te-  
nuitas & subtilitas cū rapidissima illa rotatione  
cōsistere non potest. Sed esto, moueatur cœlū,

vt



et subtilissimū. Qui tamen suo cursu sydera omnia in contrariū proprio motu renitentia ce-  
 terrime circūtorquere valeat? Impossibile sane  
 videtur, tā vastas stellarū moles in firmā quan-  
 dam solidamq; cōpaginem cōglobatas, & in na-  
 ta motus sui scientia aduersā premētes vestigia,  
 subtilissimi ac tenuissimi cœli ambientis gre-  
 mio ita posse cohiberi, vt celerrimo ad ipsius  
 nurū curriculo circūagantur. Quod. n. subtilis-  
 simū, tenuissimum, ac rarissimū est, id etiam si  
 corpora solida, vastæ præsertim molis, & pprio  
 impetu in aduersum reluctantia impellere, se-  
 cumq; abripere nō pōt. Aer, quantūuis rapidis-  
 sime cieretur circum terrā, terræ tamen globū  
 circa axē suū minime volutare, nedum in gy-  
 rum circumtorquere poterit. Quomodo ergo  
 cœlum, quod aere inferiori est purius & subti-  
 lius, sua reuolutione tam immensas syderū fa-  
 ces ingenitis præditas motib. rapidissime cœ-  
 lū volueret? Sed esto hoc: Nū propterea animæ  
 illæ stellarū motrices stellarū formæ appellari  
 merētur? Nequaquam. Inauditū siquidem est,  
 naturā materia formaq; propria constantem, &  
 in suo genere a reliquis distinctam, cōcurrere,  
 vt partem aliquam essentialem, ad alterius ali-  
 cuius constitutionem. Sic igitur arguo: *Qualis  
 est forma, talis est res formata* (distinctio hic va-  
 leat inter formam formantem & adsistentem.)  
*At forma stellarum est spiritualis, incorporea,  
 &c. Ergo & stelle sunt spirituales, incorporeæ, in-  
 telligentes.* Sed de intelligente anima paulo lon-  
 gius commentati sumus.

III.



Sensitiua anima an sit in stellis.

Cœli porro stellas habere animas sentientes non est creditu facile & fas. Si enim habent animam sensitiuam, vbi instrumenta sentiendi? Non opus habent sensuum exercitio. Quis vnquam dixit stellas videre, audire, odorari, gustare, tangere?

An vegetas sit in stellis anima.

Vegetantem quoque non habent: quia non nutriuntur, non aluntur, *ut supra ostensum est*, deest eis nutrimentum. Quod vero nonnulli vapores pro nutrimento syderum venditant, quos Sol ex agris tepefactis excitet, vel ex terra & Oceano educat, quam vere hoc faciant, ipsi viderint. Si credendum est Astronomorū placitis & calculis: quæcunq; stella in firmamento nobis apparens, magnitudine sua terram superat. Vnde igitur satis alimonix, ad tot & tanta corpora? Sed hac de re supra egimus.

Stellæ an impropria anima sint animatae.

Quid igitur? proprie dicta & speciali anima stellæ non sunt animatae: an igitur impropria & communi? Ita sane sentiunt viri non de fœce Philosophorum: Astra scilicet esse ideo, & dici animata, quod sint *ἐνεργητικῇ* quadam vi ac facultate, ac miranda agendi virtute prædita &

Aslachus c. 11 de cœlo sydereo.

imbuta. *Id enim*, inquit D. Aslachus, *quod agendi insigni potētia ac interna insitaq; facultate est instructum, potest dici animatum: atque id quod efficaciter potest agere, habet sibi inditam facultatem.*

Stellas esse animatas.

*Sæper enim ἐνεργεια præsupponit (ut loquuntur) δύναμις. Et ubi est efficax agendi vis & potentia, ibi potest dici vita esse, sed vitæ voce generaliter & late sumpta. Quid enim vita late accepta aliud est, quam vis ætiosa, & facultas ἐνεργητικὴ rebus*



rebus a Deo insita? Sic, mors est perpetua ab actionibus a natura convenientibus cessatio proveniens a demta & intermortua agendi virtute. Sic magnes donec ferrum, succinum paleas, rhabarbarum quamdiu bilem attrahit, tantisper quoque vite suae usura utrumque fruitur. Id quod Galenus de methodo medendi fatetur, dum vitam nihil prater vires ipsas, aut virium esse actiones asserit. Et praestantissimus medicus Danus D. Petrus Severinus in sua medicina idea: Quid, inquit, verbis opus? quaecunque saporum & odorum valida facultate praedita sunt, ea quis mortua pronuntiabit? Vitarum discrimina sunt & gradus, ut balsami vitalis; nec omnia manifeste vivunt. Si itaque quae virtute aliqua naturali sunt praedita, eadem quoque animata fuerint; profecto nihil plane mortuum a Deo fuerit productum: cum omnia ζωικήν, φυλακτικήν, & ἐνεργητικήν quandam in se διακρίνῃ habeant, quae singula in suo genere vivant & sustententur, suasque functiones recte obeant. Et sane hac opinio Dei potentiam, bonitatem, & sapientiam non parum nobis commendat: ut qui non solum animalibus & plantis; sed etiam reliquis a se conditis naturis omnibus vim & virtutem quandam vitalem inseuerit. Hinc Trismegistus: Totum, inquit, quod in mundo est, aut crescendo, aut decrecendo movetur. Quod autem movetur, id propterea vivit: & cum omnia moveantur, etiam terra, maxime motu generatio & alteratio, ipsa quoque vivit. Et Plato non immerito mundum definit: ζῶον ἐμψυχον ἐννεον τε τῇ ἀληθείᾳ διὰ τὴν & θεῶν γινεσθαι πρόνοιαν. Vita tamen haec

H







producere corpora possent, si ipsamet omni penius  
vita & generandi virtute destituerentur? Aerem  
quoque, cuius interuentu spiritum vitalem duci-  
mus, quo veluti iucundissimo vite pabulo fruimur,  
quis omnis virtutis vitalis & vegetabilis experte  
existimet? Mitto iam arbores, plantas, animalia:  
qua nemo vita carere arbitretur, nisi idem forte  
ita stupidus sit, ut semetipsum viuere nesciat. Mi-  
neralium subterrestrium æconomiam aggredia-  
mur. Nunquid hæc vitali virtute plane orbata?  
Nihil minus. Quin non tantum facultate & vigi-  
lantiæ, ut qua viribus ad hominum vitam & valetu-  
dinem tuendam, ac restaurandam efficacissimis  
polleant: Sed vegetabili quoque, in morem planta-  
rum, sunt decorati. Quid ambigis? Consule fodi-  
nas: consule metallarios. Reperies profecto minera-  
lia, quamvis in profundo terra sepulta alueo, nu-  
tritionis & aëtionis munia indefesso labore indies  
exercere. Succum etenim terrestrem, familiare sibi  
nutrimentum per canales ac meatus quosdam oc-  
cultos fugiunt, quo instar arborum fouentur &  
nutriuntur. Cuius rei exemplum non obscurum  
exhibuit ingens illud saxum, quod in situ & summa  
serenissimi & potentissimi Danorum ac Noruegia  
Regis, Friderici Secundi, beata memoria, ex geni-  
tali suo loco ad illustrissimam arcem Cronburgen-  
sem, anno 1580. deuoluebatur: id cum enido &  
natio suo loco erueretur, veluti radicem quan-  
dam in terra alueo defixam, venasque in super, per  
quas nutrimentum & pabulum attrahebat, non  
obscure referebat. An non hæc satis clara vite sunt  
indicia? Augentur quoque mineralia & crescent:



ac ad maturitatem, ut omnia alia terra nascentia, lento tamen gressu contendunt. Verbi gratia, in Hungaria (ut refert Scaliger in exercitat.) aurum e terra instar germinis exsurgit, filamentis specie. De qua re etiam Doctor Petrus Seuerinus preclare in idea Medicina: Viuunt quoque, ait, mineralia, quamuis corporum cōpedibus implicata vitales actiones depromere non possunt: nihilominus si in actum reducentur, mira actionum virtute vitales qualitates demonstrant. Et idem postea: A plurimis vita penitus carere existimantur: At certe vitæ manifesta indicia illis saepe demonstrarunt, qui illorum officinas diligētius scrutati sunt. Crescunt enim, maturitatis tempora habent, nutriuntur, excrementa pariunt, quæ potentibus paroxysmis saepe reiciunt magno metallico- rum calore: alia paulatim in superficie relinquunt. Quid quod multa etiā, quæ plane bruta & inanimata apparent, virtualem tamen animam occulte in se retinent? Sic herba a radice auulsa, quamuis vegetabilem vitam amiserint, ideoq; extinctæ videantur: viuunt nihilominus vita hac & reguntur, dum ad medendum & nutriendum accommodata, insignes virtutes representant. Scite itaq; Mussetus duplicem in animantibus vitam esse as-

Vita in ani- serit: Vnam in se ipsis; alteram, quæ in nobis opera-  
mantib. du- tur. Priore evanescente, secunda obtinet imperium:  
plex. nobisq; vel medicamentum præbet ad corporis al-  
terationem, vel etiā ad eius nutritionem alimen-  
tum. Viuunt ergo animalia animam participan-  
tia sibi ipsis: hac vero destituta, viuunt postea in no-  
bis, & actiones proferunt magneticas. Propterea  
vitam



vitam splenis bouini, non solum, quæ in corpore  
 bouis attrahit, cōcoquit, expellit: sed etiam, quæ in  
 nobis expedit lienis obstructions, mensesq<sup>3</sup> provo-  
 cat. Sic etiam vita castoris testiculorum (quo ad  
 nos) ea dicitur, quæ uteri suffocationibus, & mo-  
 ram facienti foetui medetur. Sic etiam sales atque  
 olea cranii humani, alces, viperarum, bufonum, a-  
 stacorū, vitalem facultatem aduersus epilepsiam,  
 incubum, lepram, pestem, quartanam, &c. obti-  
 nuerunt. Nec dissimilis aliorum est ratio, quibus  
 vitam inesse solus non videt ille, qui calorem ignis  
 non sentit, vel cœli rotunditatem non videt. Quod  
 si ergo inferiora hæc omnia vitali quadam facul-  
 tate perfusa & delibuta sunt: cur non etiam illu-  
 strissima illa cœli machina? Vilissima & abiectis-  
 sima inferioris huius mundi corpuscula, quorum  
 virtutes sepe ignoramus, vita nihilominus decora-  
 ta concedimus; qui ergo nobilissimum & augustis-  
 simum illud cœli templum, cuius facultates, nisi  
 prorsus sensu omni destituamur, in nobis ipsis & a-  
 liis creaturis quotidie experimur, plane brutum  
 & inanimatum esse arbitremur? Hæc ita Asla-  
 chus pro communi illa stellarum anima εὐερ-  
 γητικῇ. Sed quid facultas illa & operosa stella-  
 rum virtus? num forma est? Equidem ipsa for-  
 ma non est, sed quiddam coniunctum cum for-  
 ma, dependens a forma, insequens ipsam for-  
 mam. Facultates enim præsupponunt essen-  
 tiā, in qua sunt: per facultates forma est efficax.  
 Sed tamen quia vt Ramus & Scaliger docēt, &  
 ipsa testatur experientia omnium doctorum,  
 formæ essentiales homini sunt perdifficiles co-



gnitu, quia etiam *σωαίμεις* illæ *ἐννεγυλίται* sunt quiddam formale, nempe formales proprietates, quibus actiones formales edantur, non est absolum, ubi ad interiora formæ adyta penetrare non datur, ut in formalibus adiunctis & effectis manentes, in posterioribus quæramus priora.

Quæstio II.

*An lux coelestis syderum pertineat ad formam eorum?*

**D**isputant Peripatetici, *Lux syderum sit ne essentialis eorum forma*. Nonnulli affirmarunt, quos refutat schola Conimbricēsis ex ple-  
risque Scholasticorum antesignanis. Sed quia illa delabitur in quæstionem: *an lux sit substantia, vel qualitas?* quam in Somatologia tractauimus, missam eam faciamus. Hic aliter formatur quæstio: *An scilicet lux stellarum pertineat ad formam earum, adeoque sit de essentia stellarum.*

Quæstio.

Scaliger.  
I. Argum.  
An lux pertineat ad formam stellarum.

Hic, quod præclare & sapienter ait Scaliger, attendamus: *Non nisi veritatis finibus nostrarum cogitationum perpetuus cursus arceri potest*. Si sydera sunt e luce prima die condita conglobata & compacta, negari non potest, lucem istam ad stellarum essentiam concurrere. Si est collecta illa lux in stellarum globos, non tantum inhæret accidentaliter, sed intime, & quodammodo formaliter stellarum substantiæ est cognata. Nisi quis imaginetur sibi, ipsa quasi vasa in se continere lucem, ut urna continet & hydria aquam, ut continens, quod non participat



cipat essentiam contenti. Neque mihi vn-  
 quam persuasero, Danæum, & alios hac simi- Danæus.  
 litudine vtentes, sibi fingere stellas & lumi-  
 naria facta & salua sine luce, & antequam lux  
 ea sit ingressa, vel illis impacta. Non enim lu-  
 minaria & stellæ sunt vnquam, vel fuerunt vn-  
 quam, vel ex nihilo, vel ex præiacente mate-  
 ria, quæ sine luce fuerint, vel futura sunt. Lu-  
 ce sublata syderum, crediderim luminaria non  
 amplius esse luminaria. Deus quippe dixit  
 creator: *Sint luminaria, & luceant*: Ergo lu-  
 cere est ipsis plane insitum & formale. III.  
*Denique* lucidum corpus a luce est id ipsum quod  
 est: per eam quippe definitur. Est enim cor-  
 pus luce plenum, tenebris imperuium, luce  
 sua radios & lumen spargens. Stella est cor-  
 pus lucidum cœleste, puriore scilicet luce lu-  
 cens. Nec tamen eorum opinioni me pror- Lux an sit  
 sus aggrego, qui lucem per se consideratam, & qualitas  
 abstracte conceptam negant esse qualitatem:  
 considero hic lucem cœlestem syderum in sy-  
 deribus, eamque ad eorum formam concurre-  
 re, vel saltem cum ipsa forma & essentia stella-  
 rum intime & indiuulse coniunctam esse sta-  
 tuo. Lux per se considerata non est substantia: An substan-  
 lucidum lucem fundens cōcretine est substan- tia.  
 tia, quæ substantia ab aliis discernitur lucis be-  
 neficio, quod formæ munus est, vel formam, id  
 quod discernit, ex necessitate insequitur. Pace  
 igitur doctiorū, cum formarū cognitio sit per-  
 obscura, existimo interioris formæ loco posse  
 vtrunq; & vim seu facultatē illā *ἐν ἐργῷ τῆς ἀστὴρος* stel-



Argument.  
Patricii.  
I.

lis a Deo creante iussu inditā, & lucē illis impa-  
ctā & ingenitam, consitui posse. Et certe eo re-  
spexisse videtur magnus ille Patricius acerrime  
disputans, lucem stellarū seu lucidorum corpo-  
rum esse formam (*qua de re egimus in Somatolo-*  
*gia*) non qualitatem: Et quidem primo, quod  
lux a lucido corpore, vt Sole & astris, nec natu-  
ræ, nec humanæ cogitationis vi possit abesse &  
diuelli. *Neque enim, ait, Sol sinō luceat, sol rema-*  
*net, neque sydera ablata luce, sydera iam sunt;* vn-  
de concludit, non accidentem qualitatem, sed  
partem, vt vocat, essentialē, & excellentius  
quid qualitate.

Triplicē, *inquit*, veteres fecere substantiam,  
*Materiam, Formam, & ex his Compositum.* Ma-  
teriam non esse putat, *quippe quæ semper formæ*  
*subiaceat.* Repugnāt illi ex patribus, qui ex luce  
primum condita factas stellas autumant: nisi  
forte alia ratione illam in stellarum essentiam  
iniisse dixerint, neq; nos creatoris hanc sapien-  
tiam scrutamur. Negat autem Patricius, *luci in-*  
*dui posse aliam formā, quam recipiat:* quod luci  
superuenire nihil posse videatur, ita vt lux ma-  
neat. Compositum etiam esse, inficiatur ex ma-  
teria & forma: quia cogitari non possit, ex qua  
nam materia sit lux conflata. Lucis potius, quæ  
in Sole & astris est, materiam forte aliam nul-  
lam esse, ait, quam Solem & astra ipsa. Atq; ita  
formam astrorum in luce cōsistere nobis per-  
suadet Patricius, tum quod nōnulli veteres di-  
xerint, lucē primam esse formam ætheris, quos  
ait fuisse Chaldæos. Inde vero sic argumētatur:

*Si*



Si solis & astrorum lux composita sit ex materia & forma, ea materia & ea forma, aut sunt ipse lucida, aut opaca, aut diaphana. Non opaca, quia tenebra lucere non possunt; (at Deus tamen dicitur et tenebris vocasse & eduxisse lucem: Deo itaque nullum verbum est impossibile.) Non diaphana, quia quod lucem propriam non habet, & quod est saepe tenebris oppletum, quomodo poterit perpetuo lucere? Si id nequeat fieri, igitur & materia & forma lucida necessario erunt, vel alterum vel utraque. Si id detur, per lucem lucidas esse est necesse. De hac ergo iterum quaremus luce, an ipsa ex lucidis sit composita? Atque ita vel ex duobus illis, diaphano & opaco, necesse erit illam componi (quod nemo dixerit) vel de luce in lucem abibimus in infinitum. Concludit itaque verius esse, lucem in sole ac syderibus formam asserere, per quam res sit id, quod est & esse dicitur. Hæc ille, nec prorsus absone; saltem dextre intellecta ferri possunt.

C A P. I V.

*De stellarum luce, lumine & radiis indeque dependente calore.*

**H**Astenus fuit generalis explicatio essentiae syderæ in materia & forma: communis stellarum affectio est vel Interior vel Exterior.

Interior ab ipsa magis dimanat & dependet interiore forma stellarum.

Estque Lux & Motus.

Lux syderum est interior & formalis eorum affectio, ac proprietas visibilis primo & per se in stellis lucens fulgensque radiorum ac luminis cœlestis fons:

Interior  
stellarum  
affectio.

Lux syderum.



Huius vis est omnia in mundo illustrare & tenebras discutere.

A luce sydereæ emanat Radius & Lumen.

**Radius.**

Radius sydereus est fulgor a sola luce stellarum in rectum & acutum exiliens & promicans.

**Lumen.**

Lumen cœleste est fulgor a luce & radiis stellarum quaque versum emanans.

Lumen est Primarium Vel Secundarium.

**Primariū.**

Primarium est ex radiis syderum immediate venientibus a luce luminosarum stellarum ad corpus ad spectabile.

**Secundariū.**

Secundarium fit interuentu primarii luminis ex radiis reflexis extra primariorum radiorum incidentiam.

**Calor.**

Harum affectionum interuentu et efficientia a stellis gigni dicitur Calor cœlestis seu sydereus, qui est calor vniuersalis inferiorum corporum insitum calorem pro sua natura afficiens, excitans, fouens, frigus depellens, & alia multa efficiens.

Hic autem calor si moderatus & benignus, fouet; si intensus et immoderatus, etiam comburit.

### *De luce stellarum.*

#### *Quæstio I.*

*An lux illa sit stellarum affectio & accidens.*

**O**Culos nostræ mentis lux illa cœlestis suo splendore ita perstringit, vt vix quid illa sit capere queamus. Proxima disputatione lucem ad stellarum formam pertinere concessimus; Inuenio etiam in Physicis disputat. Goclenianis, adiunctum stellarum dici lucem, vnde lumen existat, sed eam tamen proprie dictam definiri substantiam immaterialem, purissimam, lumen ex se fundentem, pag. 131. Substan-



stantia igitur hic dicitur *lux*: Alii & nos alibi  
qualitatem esse lucem omnem asseruimus,  
quas assertiones videris in Physicarum Quali-  
tatum commentatione. Quid igitur? Si est de  
forma stellarum, est de substantia stellarum:  
formæ quippe substantiarum substantiales sunt.  
Sed hic quæritur I. *An se tollat mutuo, idem esse*  
*formam, & accidens.* Resp. De diuersis subie-  
ctis intellecta non pugnant, sed de eodem, eo-  
dem respectu accepta pugnant. Sic peccatum  
esse accidens HOMINIS, & peccatum esse for-  
mam PECCATORIS, cum aliud sit homo, a-  
liud peccator, non se tollunt mutuo. Sic lux  
potest esse accidens corporis cœlestis, forma  
vero LUCIDI corporis, qualucidum. Vt enim  
in peccatoris essentiam & definitionem ingre-  
ditur peccatum, adeo ut *ἀδύνατον* sit, peccato-  
rem sine mentione peccati definire: ita etiam  
fieri non potest, ut definiatur lucidum sine lu-  
cis mentione. Et sane lucidi lucem esse formam  
ita potest ostendi.

I. *Per quod est id, quod est id, quod est, id est*  
*forma ratio & essentia eius. Lux autem est id,*  
*per quod lucidum est lucidum. Ergo lux est luci-*  
*di forma ratio & essentia.*

II. *Λόγος seu ratio qua lucidum est lucidum,*  
*est eius quedam forma; sicut λόγος seu ratio, qua*  
*sapiens est sapiens, est eius quedam forma. At lux*  
*est ratio, qua lucidum est lucidum, sicut sapientia*  
*est ratio, qua sapiens est sapiens. Ergo lux lucidi*  
*quedam forma est, hoc est, essentia, sicut sapientia*  
*sapientis, calor calidi ut calidi λόγος est.*

Quæst. I.  
An se tollat  
mutuo, idē  
esse formā  
& accidens.



Vide spon-  
giam R.  
Goelenii.

*III. Quod partium uni conuenit etiam alteri conuenit. Albedo & lux paria sunt, qua utrumq; est abstractum. Albedo autem est de essentia, ut loquuntur, albi corporis, quia locum forma obtinet, qua est album corpus, ut ait Zabarella libr. I. de primarum materia. Ergo etiam lux est de essentia lucidi corporis quatenus lucidi. Sic itaque potest etiam communiter dici lux stellarum, quatenus lucet, forma: sed & peculiariter quid obtinet lux in essentia stellarum, quippe lux stellis est plane homogenea, cognata, & immutabilis fere in eis, nec vnquam fuere stellæ sine luce. Hac igitur ratione lux formale quiddam est in stellis, qua etiam stellæ sunt. Si non est earum forma propria & germana, certe est proprium & formale intimumque stellarum forma, lux sydereæ.*

Altera que-  
stio de for-  
mis substan-  
tialibus.

*Stellæ insuper quoniam sunt corporatæ substantiæ, earumque forma propria sit substantialis, quæritur, an stellarum forma substantia sit sicut ipse sunt stellæ, an vero accidens qualitas. Quidam enim putant, formas substantiarum esse accidentia: quorum opinioni opponuntur hæc argumenta.*

Obiectio:

*I. Neq; forma definitio accidenti, eiusque proprietatibus, neque vicissim accidentis definitio forme & proprietatibus forma conuenit. Neutrum igitur de altero prædicari potest. Estque in logicis distinctus causarum locus ab accidentium loco. Opponitur rursus: Accidens est res per se non subsistens. Formæ sunt res per se non subsistentes. Formæ igitur sunt accidentia.*

Para-



Paralogismus hic tam forma quam materia Resp. obiec.  
est vitiosus. Propositio enim tam mutilata, Ad proposi.  
quam corrupta accidentis definitio est: muti-  
lata quidem partibus duabus. Addi enim *primo*  
debet, quod non sit pars substantiæ: *secundo*,  
quod nō sit in alio mutabiliter. Corrupta vero  
est, quia *PER SE*, hic pro voce *SEPARATIM*  
vsurpatur, quasi vnum & idem sit, *per se subsi-*  
*stere, & χωρὶς* siue *seorsim subsistere*. II. Assumptio Ad assumpt.  
falsa est. Formæ enim per se, non per accidens,  
in suis formatis subsistunt, etiam si seorsim non  
subsistāt: propterea quia res naturales suas tan-  
tum habent formas in materia sua, non extra  
eam. Forma vitiosus apparet logicis, qui non  
affirmatiue concludit in secunda figura.

II. *Omnis forma substantialis rei formata in-*  
*trinsecum quiddam est. Accidens vero extrinse-*  
*cum: neque ita totius rei exstructio, & exadifica-*  
*tio, ut illa forma igitur accidens non est.* II.

III. *Accidentis ratione alteratur res solum-*  
*modo; forma vero ratione noua substantia produ-*  
*citur. Qui igitur formam accidens esse vult, is ex*  
*natura rerum tollit generationem, & corruptio-*  
*nem, & tantum relinquit alterationem.* III.

IV. *Forma cum materia constituit rem, acci-*  
*dens sequitur rem constitutam. Forma igitur non*  
*est accidens.* IV.

V. *Partes sunt in eadem categoria cum suo*  
*toto. At materia & forma sunt quidem essentie*  
*causse, sed tamen etiam partes essentielles com-*  
*positi sunt & dicuntur. Videris Goclen. ad-*  
*uersus Busch. Estque substantia in categoria* V.



substantia. Ergo & partes eius in eadem sunt.

VI.

VI. Si forma est accidens, accidens largietur substantia nomen, essentiam & definitionem: item accidens erit causa substantie essentialis, quæ omnia absurdissima & in Aristotelica philosophia sunt inaudita & falsa. Substantia enim composita non nisi ex substantiis constare potest. Principia enim ὁμογενῆ, id est, eiusdem generis sunt cum iis, quorum sunt principia.

VII.

VII. Si forma est accidens, differentia, quæ est forme principaliter, etiam erit accidens, vel accidentis saltem nota, & ita non modo pauciora in Porphyrio Predicabilia, sed & in Ramo argumenta erunt: imo sequetur etiam, phisicas substantias omnes ex materia & accidente constare, imo omnes perfectæ definitiones erunt ex genere & accidente. At antecedentia nullus concedet logicus, sine sit Aristotelicus, sine Socraticus.

VIII.

VIII. Si item forma est accidens, non erunt amplius duo naturalium rerum principia, sed unicum tantum, materia scilicet: neque etiam, causæ erunt per se numero quatuor, sed tres tantummodo. At hæc non. Ergo nec illud.

IX.

IX. Si forma accidens est substantie oppositum, necesse est materiam esse substantiam: quibus sic positis τὸ δὲ deinceps non in substantiam & accidens, sed materiam & accidens, in categoriis dividetur: item tam species rerum naturalium ipsæ, quam perpetuitas illarum, quæ utraque solis formis accepta feruntur (materia enim ratione quolibet ex quolibet fieri potest) accidenti mero hæc ratio-



ratione adscribenda fuerint. At his duobus nihil absurdius cogitari potest.

X. Omnis forma substantialis ἐμὴν ὄντος, est formato suo: accidens autem ὄντος (ratione constitutionis essentialis) posterius est subiecto suo, unde & nomen & definitionem sortitum est. Forma igitur non accidens est formati. Forma formati est, accidens subiecti est. X.

XI. Si item forma est accidens, hac propositio: Homo est rationalis, Planta est animata, erit accidentalis, in qua nimirum accidens de subiecto predicetur; quod si est, quamnam erit essentialis. XI.

XII. Omnis forma essentialis inest formato suo (si recte ita loqui de forma quis potest, non inest enim sed causatur, & format) primo per se, necessario, adeoque catholice & reciproce. At accidens (nisi forte formale) neque primo, neque per se, neque necessario. XII.

XIII. Accidens substantie est contrarium. Forma non est contraria substantie. Est enim causa & pars substantie. Accidens eius est, quod iam ἐν ἑαυτῇ ὄν ἐστίν. Oportet enim rem iam existare, cui aliquid accidere debet (scilicet externe: alias a forma manat internum & inseparabile adiunctum, formalis nempe proprietas. Forma autē id, quod antea διὰ μὲν ὄν erat, ἐν ἑαυτῇ existare facit. Forma igitur accidens eius rei, cuius est forma, esse nequit. XIII.

XIIII. Omne accidens (excepto formali) mutabiliter inest subiecto suo: forma vero cum formato ἄετις habet perpetuo immutabilem: Si item forma esset accidens, esset ignobilior quam ma- XIIII.



*teria. At hoc Aristoteli est falsissimum. Si denique scire, est rem per causas cognoscere, & quidem forma est maxime, vel sola est scientifica, & si forma est accidens, scire erit rem per accidens cognoscere. At hac & alia sunt inepta & absurda.*

Ex his igitur, quæ *παρέργως* aspersimus, elucet I. Lucem, si est forma stellarum, nō esse earundem accidens externum: posse interim esse formam stellarum, quatenus sunt lucidæ, & adiunctum stellarum, quatenus sunt corpora. At si adiunctum, indene negatur lucis substantia, quasi nullum adiunctum sit substantia. Respon. Latius patet adiuncti vox logica, quam substantiæ: quia substantia etiam potest esse adiunctum logicum, & rei subiectæ adiungi. Si quis igitur lucem dixerit adiunctum formale, eum equidem peccare non putauerim, ita ut forma stellarum a priori nobis non pateat, seu ad formam indicandam tanquam natura quoddam posterius adhibeatur. Certum est stellas esse corpora lucida, & quidem natura & per se: genuinam stellis esse lucem & ingentam; externum igitur non est earundem accidens, & extrinsecus eis adueniens qualitas, sed aut forma aut formalis proprietas & qualitas.

#### Quæstio II.

*Lux hæc an sit omnium stellarum?*

**Affirmatur.**

**S**I forma est stellarum, certe omnes stellæ habent lucem. Si formalis proprietas, certe omnes



omnes etiam eam participant. Sed forma generica, formalis genericæ proprietas omnibus speciebus æqualiter competit. Omnes itaque stellæ ex æquo erunt lucidæ, & æquali mensura participabunt lucem. At hoc non faciunt omnes. Quid igitur? Aut non est forma vel proprium, aut non exquisita, aut in quadam generali amplitudine omnibus cōmuni illa collocanda est. Sed ad quæstionem. *Quidam* dicunt, quarto die soli, reliquisque stellis inditam esse lucem, unde non tantum soli, verum etiam reliquis stellis propriam lucem esse inditam, sed his debiliorem. Excipiunt autem lunam, quam dicunt nihil præter obscurum fulgorem habere, & omnem lucem terris a sole mutuari. *Quidam* distinguunt inter stellas ratione lucis, aliasque lucere docent nativa, alias mutuatitia luce: & quidem sola luce nativa volunt solem stellam omnium maximam & clarissimam, quæ vnica interdiu conspicitur reliquas suo lumine obfuscans: Mutuatitia lucere dicunt reliquas omnes stellas, quæ ob propriam lucis exilitatem & debilitatem, maximo illo luminari tanquam fonte plenius illustrantur. Lunam interim *alii* (de qua suo loco) existimant multi, vt est luminare minus, non haurire omnem suam lucem a sole, sed habere aliquid nativæ licet obscurioris nostro aspectui lucis. Extremæ itaque opiniones sunt duæ. *I. Pars maior* consentit, stellas lucem propriam non habere, sed a sole communicatam, recipereque in se lumen solis ob id in media secundæ expansio-

I. Opinio.  
Stellas propriam non habere lucem.



II. Opinio  
contraria.  
Ratio opi-  
nionis pri-  
mæ.

nis parte positi, cū vt illuminet astra ac inferiora, tum vt calore suo foueat nostratia. II. *Minor pars, præcipue eorum, qui Christiani sunt Philosophi, contendunt stellis suam inesse lucem, deque suo lumen spargere. Sententia prior nititur hac ratione: Omnia diuersa & multa sub eodem genere referuntur ad unum, sui generis primum & principale, tanquam ad efficientem causam & originem. Ergo omne lumen sydereum refertur ad solem tanquam ad primum sydus. Quia primum in unoquoque genere est causa omnium illorum quæ sunt vnus illius generis. Et per consequens, omnes stellæ recipiunt suum lumen a sole.*

Respon.

Resp. Sed oggeri potest infirmo huic argumento, antecedens prioris Enthymematis tum verum esse, si primum illud, de quo loquitur, est causa ac origo, vel etiam genus omnium illorum multorum & variorum, quæ inde dependent. Alias enim ad illud vt effectum ad causam referri nequit. Iam vero ad assumptionem, quæ sophisticè omissa est. Sol autem non est causa neque origo, neque genus essentiale stellarum reliquarum omnium; sol enim non magis est stella, quam luna, quam reliquæ, modo stella primum sit recte definita, & fas sit nobis in hac caligine stellæ generalem intueri formam, neque etiam sol reliquas stellas efficit, vt sint; si dicis ratione lucis; petis principium ei, qui lunæ & astris natiuam cōcedit lucem. Neque a sole sunt stellæ deriuatæ. Duo luminaria Deus fecit solem & lunam, fecit & stellas. Neque



que profecto vllus aufit solem facere genus stellarum, nisi velit insanire.

Ratio secunda eorum, qui propriam in stellarum agnoscunt lucem, fulta est præcipue S. literarum auctoritate, Genes. 1. vbi Deus legitur *creasse stellas*, & quidem solem non vt causam, sed vt speciem diuersam, & lunam *luminare* vocat, eique hoc imponit muneris, vt illuminet terram. Dicit, *Sint luminaria*, non de sole tantum. Scribitur: *Fecit luminaria*, non tantum solem. Legitur, *Et posuit luminaria in expanso*. Si sol luminare est, si luna luminare, si vtrumque illuminare debet terram, luce quam accipit in creatione, si nulla in textu fit mentio derivatæ & mutuatitæ lucis; certe necessitas non imponitur diei illuminationi dare solis lucem ingentem, noctis vero præsidibus accensere lucem a sole acquisitam, & alienam: licet ampliore longe lucis copiam in sole, & videamus & agnoscamus. II. Deinde Prophetæ & Apostoli nativam non modo non derogant lunæ & stellis lucem, sed lucem ubique tribuunt. Et erit lux ipsa luna (inquit) Esaias capit. 30. vers. 26 *sicut lux solis: lux autem solis erit septupla sicut septem dierum, quo die obligaverit lebona fratribus populi sui*. Lux sua hic soli, lux item lunæ tribuitur. Jerem. 31. vers. 35. sic ait Iehoua, *qui disponit solem ad lucem interdiu, statuta luna & stellarum in lucem noctu, &c.* Omnibus hic sua lux vindicatur. De luna speciatim dicitur (quam tamen plerique a proprietate lucis eximunt) Ezechiel. 32. vers. 7. *Et operiamur*

I. Ratio opinionis secundæ.

Ratio II.



*cum exstinguam te, cælos, atratasque reddam  
stellas eorum: solem nube operiam, & luna non  
faciet, ut luceat lux sua.*

Paulus etiam distinguit stellas a sole non priuatione lucis, sed tantum gradu, ut videre est 1. epist. ad Corinth. capit. 15. vers. 41. Huc accedit, si sol esset causa lucis in stellis, omnes stellas æque illuminari luce solis, ut quæ omnes æqualiter attingit. At, inquis, quod non omnia astra sunt æque lucida, neque eiusdem vel paræ luminositatis, nihil impedit. Etenim non hæc solis est culpa illuminantis, sed materiæ stellarum, quarum quo quæque est purior & nobilior, eo quoque est aptior ad lucem solis recipiendam, eoque lucidior. Respon. Sed regeri potest, lunam dici vulgo omnium stellarum impurissimam, attamen lumen secundum solem spargit terris maximum; de impuritate & inæqualitate materiæ stellarum alibi agendi locus & occasio offeretur. Quid ergo statueretur? a sole luminis aliquid stellis accedere, sed tamen inditam omnes sibi lucem habere & ex se possidere.

Media sententia aliquod non totum lumen stellas a sole accipere.

I.

II.

Accipere aliquid luminis a sole stellas reliquas ita suadetur: *Luna accipit lumen a sole.* Ergo & reliqua astra. Antecedens probatur I. ex lunæ deliquio, quod non est aliud, quam luminis eius, quod alias a sole accipit, priuatio. II. Quia luna pro vario ad solem adspectu varie illustratur, ac diuersas induit figuras, crescens semper, aut senescens, modo curuata in cornua, modo æqua proportionem diuisa, modo



do orbe pleno. Videlicet vbi congressum cum sole iniit, vnde corniculata, tum ad septimum vsque diem augescens medio orbe secta conspicitur: deinde paulatim in rotundum circinatur: ac decimo quarto die, cum ex diametro soli opposita est, recepto quoquo versum splendore plena fit: inde senescens decrementum iniit, ac tandem ad easdem vices redit. Nimirum, quia prout hac aut illa, maiori aut minori sui parte accommodata ad hauriendum lumen soli respondet, ita ab eo illustratur. Vnde luce clarius est, lunam a sole lumen accipere. Secundo eadem sententia ita demonstrari solet: *Planeta quo soli propinquiore sunt, eo ceteris paribus magis lucent, nimirum quia magis a sole illuminantur, ut in Marte & Venere est apertum.* Tertio coniectura hæc afferri solet, quod ob id sol in medio Planetarum collocatus videatur, ut inde tam superioribus, quam inferioribus astris lumen commode impertiat.

II.

III.

Altera pars sententiæ de propria lunæ luce, præter superiora, solet etiam ostendi experientia lunaris Eclipseos: quia Phœbe, quæ aliis maxime videri posset tota a Phæbo nitere, aliquid innatæ lucis sibi vendicat, ut videtur in eius deliquio. Tunc enim nonnihil in ea lucis deprehenditur, cum etiam tum rubeat, quod non esset, nisi aliquid in se lucis conseruaret. Scio, quid respondeat Iulius Scaliger, sed de eo, vbi in specie de luna agitur. Distinguitur etiam lux, quæ in lucido inest, ab ea etiam,

I 3



quæ sese in terris copiosam ingerit oculis nostris.

I. Obiect.

Obiicitur I. *Si præter lunam alii Planeta & sydera inerrantia lumen a sole caperent, omnia etiam lucis & facierum vicissitudines subirent, uti luna. At non hoc ita fit.* Responderi ad hoc solet: nullum sydus supra solem pati defectum luminis interiectu terræ, quia non eo pertingit terræ umbra, sed in mucronem sensim extenuata in medio consumitur. Deinde dicitur nullum eorum subire vicissitudinem facierum & luminum, quia lumen a sole vibratum semper illa perfecte illustrat, cum ad id nihil impedimenti interuenire queat. At in luna non ita res habet: quia pro diuersitate aspectus & distantiae, nunc magis, nunc minus ex parte inferiori, qua nos spectat, soli patet. Atque ita ut nunc magis, nunc minus illustratur, ita lumen & figuram mutat.

II. Obiect.

II. *Si præter lunam, etiam alia sydera a sole lumen fustum participarent, sequeretur, Saturnum, Iouem & Martem interuentu terræ defici interdum lumine, itemq; possent Solem a Mercurio & Venere occultari. Si enim hi Planeta ex se lumen non habent, cum possent inter Solem & nostrum aspectum directe poni, utique solem nobis absconderent; quod tamen non experimur.*

Ad partē I.

Responderi solet, ideo non deprehendi in inferioribus Planetis eam luminis mutationem, quæ in luna est, quod nonnunquam ita soli opponantur, quin omnino ab ipso irradiantur. Vel saltem ea luminis varietas, quam subeunt, ita



ita exigua est, vt a nobis notari non possit. Alii id referunt ad horum Planetarum varietatem, ob quam vndique a solari lumine penetrentur: quod aliis minus probatur: quia sequeretur ea esse peruia, nec reflectere ad nos lumen. Ad al- Ad partē II. teram eiusdem argumēti partem dici solet. Licet Venus inter Solem & nostrū aspectum intericiatur nonnunquam, non posse tamen obtegere nisi centesimam solis partem: quia vt Geometræ demonstrant, circulus visualis solis ad circulum visualem Veneris proportionem habet centuplam; quo fit vt eiusmodi Eclipsis vix deprehendatur. Porro quia circulus visualis Mercurii longe minor sit, quam Veneris, multo magis hoc valet in Mercurio. *Adde etiam* cum lux natia Mercurii & Veneris vberior sit, quam lunæ, non ita eos obscurare portionē illam solis, sed apparere sub eo vt partes lucidas. Refert tamen Iulius Scaliger Exerc. 72. in Card. *visum fuisse aliquando Mercurium in corpore solari, quasi maculam quandam.*

III. Si quid ex se luminis haberet luna, quale III. Obiect. est illud, quod in Eclipsi videtur, cur in nouilunio, vel etiam dum corniculata est, non appareret eiusmodi lumen, secundum eam partem quæ auersa est a sole, & ad nos spectat? Respondent lumen Respon. lunæ, quod in Eclipsi videtur, nec in nouilunio, nec postea apparere, secundum eam partem, quæ est auersa a sole, & nos respicit: quia interdiu pars non illuminata a sole: Est aliquid habeat lucis, nimio solis splendore obscuratur, sicuti & reliquæ stellæ; nocturno vero tempore



partes non illuminatæ superantur atque obteguntur illuminatarum fulgore. Quo etiam pacto eadē luna, cum nimis splendet, vicinas stellas occulit. Adde interdum etiam reliquam lunæ partem videri quasi pallidam.

IV. Obiect. I V. *Si luna reciperet a sole lumen, oporteret in plenilunio totam æquabiliter lucere: quod tamen non ita est, ut cōstat ex macula, quæ in ea apparet.*

Respon. Respondent nonnulli (de hac enim luna macula infra pluribus agitur) lunam non æquali densitate præditam esse, sed quasdam habere partes densiores: illas autem magis lucere, has minus: siquidem compertum est, ceteris paribus, cum opacum inæqualem habens densitatem a luminoso illustratur, plus luminis eiaculari, ac reflectere partes densiores, quam minus densas: quia hæ lucem ebibunt, illæ reddunt. Igitur lunæ macula non est aliud, quam partes rariores lunæ, ac proinde minus lucidæ.

### Quæstio III.

*An omnium stellarum lux sit unius eiusdemque generis, seu eadem.*

Disputatio  
Patricii.  
Lib. I. Pan-  
augiæ.

**P**Lerique existimant omnem lucem, quæ naturæ vi corporibus inest cœlestibus, eiusdem esse speciei. Franciscus vero Patricius videtur inter solarem lucem & reliquorū astrorum ita distinguere: *Certe solem, inquit, esse fulgorem oculis cernimus. Hunc vero fulgorem esse candorem probant iidem oculi. Sed illum fulgore ipso oblesi, hunc vero lesi nihil. Si quis enim per nubem tenuem oculos in solem dirigat, candorem maximum, & qualem in re alia nulla forte intuebi-*



tuebitur. Si quis vero sereno aere, nō lippus in eundem solem intendat visum, candorem eundem, sed fulgentissimum, & quem visus non sustineat, conspiciet. Itaque is, qui inter veteres Solem esse flammum dixit, eum vel nunquā, vel lippis oculis conspexit. Est enim candidissimus, & candorem hunc solarem lucem dicimus. Candor hic in sole purissimus est a macula omni, a nigrore omni, atque alio colore longe procul positus. Et quia talis est, candorum & lucium corporearum omnium etiam est maximus. Ibi enim, ratio dicit, esse candorē maximam, ubi nihil est nigroris. Candor igitur in sole est simplicissimus. Ideoque fulgentissimus, ita ut fulgentior non videatur esse posse. Itaque candor & fulgor, non solum uti diximus in solis superficie apparet: sed in intimo quoque solis corpore eum esse ratio suadet. Nisi enim fulgor in intimo solis esset, sol totus lux non esset, & nigrorem haberet intus. Qui nigror a candore necessario, vel seiunctus esset, vel ei coniunctus: si seiunctus esse dicatur, vel interstitium aliquod, vel terminus inter eos intercederet. Interstitium omne alieni est corporis. At solem nec sensus indicat, nec ratio ostendit, ex suo & alieno corpore esse conflatum. Terminus vero, quales in luna conspiciamus plures, in sole visus est nunquam. Neque eo, quo minus splenduit, tempore Iustiniani: nec quando eclipsim patitur. Nec sensus igitur, nec ratio ostendit, in sole candorem esse a nigrore ullo separatum. At neque coniunctos esse indicant, neque commistos, neque foris, neque intus contemperatos. Nullus ergo in sole vel apparet, vel est nigror. Ergo sol totus est candor. Ergo



Est ei foris candor intus: Est qui foris apparet candor, idem est cum eo candore, qui solis viscera Est tota, Est omnia replet. Et eadem lux interior est soli Est exterior. Imo quod ex his rationibus colligitur: Sol Est candor, Est fulgor, Est lux nimirum corporea, Est corpori innata, una eademque sunt res, neque exterior (quod quidam voluerunt) imago est interioris. Neque interior fons est exterioris: sed unum Est idem sunt re ipsa, partibus tantum sui, Est locis dissita. De astrorum vero luce forte non est ita sentiendum: namque est ab Astronomis observatum de tanto stellarum numero, quinque esse nebulosas, obscuras novem. Habent ergo hæ, nigroris in se parum, sicuti Est luna. Reliquæ vero, quæ clare lucent, eiusdem sunt cum sole rationis. Nimirum unaquæque Est stella est, Est candor Est fulgor, Est lux, una eademque res. Sed quia non omnes eadem luce lucent. Neque eodem candore fulgent: sed lucibus ita inter se differunt inuicem, ut singularum lucis specie videantur a singulis aliarum lucibus distare: Necesse est in lucibus earum nigrorem aliquem, aut colorem alium esse admistum: minore Est maiore copia, prout lucium claritas vel maior est, vel minor. Aliæ, quæ clarissimæ visuntur, ut Venus, ut Sirius, ut Spica, ut alie, quæ primæ dicuntur esse magnitudinis, Est quæ ad polum Antarcticum ex Neotericorum navigationibus fulgentissima omnium crucis figuram formant, nullum nigrorem, neque intra, neque extra habere necesse est. Hæc ita Patricius.

Scholasticorum opinio.

Scholastici vero Philosophi omnem lucem cœlestem in eandem cadere speciem ex eo probant,



bant, quia *astra omnia, esto nonnihil ex se habeant luminis reliquum*, tamen (inquiunt) *a sole mutantur*. Vel igitur lumen natium & adscititium cuiusque syderis vniuntur in vnā naturam singularem, vel non, sed manent in eo discreta numero specieque. Si datur primum, habetur propositum. Si postremum, id ex eo coarguitur, quia lumen adscititium intendit natium. Quæ autem se intendunt, in vnū singulare per se coeunt. (Hic tamen dici posset ad assumpti membrum prius, eandem speciem non videri manere, etiam si vnum lumen cum altero coniungatur: quia potest esse mixtio vtriusque, & id, quod recipitur, potest ad modum & naturam recipientis recipi: ideoq; diuersitas emergit ex illis.)

II. Non est inducenda (*aiunt*) naturarum distinctio citra necessitatem: quæ tamen necessitas in re subiecta minime apparet. Sed eodem argumento concludi potest, neq; lumina cælestia a sublunaribus, neque sublunaria inter se specie disiungi, cum omnia sese (*ut ex primo indicatum*) mutuis incrementis augeant: neq; vlla necessitas naturæ (*ut in secundo dicitur*) inter ea diuersitatem conuincat.

Esse autem lucem astrorum inter se specie distinctam demonstrant nonnulli. I. *Quia lux consequitur naturam corporis lucidi, ut nobilissimus eius actus*. Ergo cum *astra diuersorum orbium inter se specie dissideant*, eo pacto putatur differre eorum lux. Respondent communiter, lucem non consequi naturam peculiarem cu-

I.

II.

I.

Lucem esse speciem distinctam.



iusq; aſtri, tanquam differentiam, aut proprietatem reciprocam illius, ſed tanquam accidens omnibus lucidis corporibus commune. *Alii etiam ſic reſpondebunt, cum diſtincti orbes non exſtent in natura, a quibus diuerſum hauriant ingenium, nulla omnino illius eſt vis argumenti.* II. *Sydera interuentu ac miniſterio lucis alia multa effecta ſpecie differētia in ſublunari mūdo edunt, quorū diſtinctio cauſſa diuerſitatem arguit.* Reſp. Eſto ex luce proueniant in inferiori mundo ſpecie diuerſa (Nam Sol illius interuentu calorem producit, quo leonem, murrem, & ranam progenerat) hæc tamen effecta non arguunt diſtinctionem ſpecificam in luce, quemadmodum nec in calore. Nimirum diuerſitas ſpecifica in accidentibus, non ex vltimis effectis, quæ vtrunque attingunt, ſed ex immediatis actionibus peti debet: vt caloris ex calefactione, frigoris ex frigefactione. Alioqui etiam calor, qui diſponit ad hominis generationē, differret ſpecie ab eo, qui ad generationem leonis concurrit.

III.

III. *Lux ſolis ſua præſentia obterit & obſcurat lumen ſtellarum, adeo, vt earum ſpecies viſiles ad noſtrum adſpectum non perueniant. At quæ eiſdem ſpeciei ſunt, non ſe ita impediunt & interturbant ſed potius mutuis iuuant auxiliis, vt calor calori, ignis igni additus.* Reſpondetur. Lucem Solis non obſcurare ſyderum lumen, quaſi illud perimat, vt quidam aiunt, aut per traiectionem ſpecierum ad oculū intercipiat. Sed quia lege naturæ fit, vt maius ſenſibile, ſi nimirum excedat,



excedat, impediat minus. Sic enim in tabulis pictis, cum nimio splendore offenduntur oculi, nec imagines, nec colores distinguuntur, sed lux tantum clare videtur. Sic cum vehemens sonus aures implet, nihil præterea, saltem distinge audimus. Impediri vero minus sensibile a maiori, nihil aliud est, quam maius sensibile, ob suam excellentiam, ita sensum occupare, ut aliarum rerum sensationem, aut non eliciat, aut eliciat ita obscure & tenuiter, ut eas ab aliis non internoscant. Cum igitur lux Solis supra nostrum horizontem fusa, comparatione luminis syderum tam longe distantium sit sensibile maius, ac nimium excedens: ob id sydera a nobis interdum non videntur. Vnde si oculus in profundo sit puteo, atque aer apertus purusque, die media astra videbit. Quia nimirum aspectus non perstringitur luce Solis, quin potius in umbra, quæ in altitudine putei est quasi nox, colligit, unitque visum, eoque firmiorem reddit.

Plin. lib. 2.

c. 14.

Scaliger ex-  
etc. 62.

IV. *Quod neque lux sublunaris eandem specificam naturam in omnibus lucidis corporibus sortita sit, ostenditur ex diverso modo collucendi: siquidem nonnulla tam noctu, quam interdiu fulgent, ut ignis: alia noctu tantum, ut quercus putridæ, & cicindula, seu nitedula, quæ noctu alarum hiatu nunc per aerem renident, nunc compressu obumbrantur. Præterea quadam splendent alieno & aduentitio lumine, ut aer, quadam proprio & nativo, ut ignis. Respondetur, non colligi ex diverso collucendi modo inferiorum corporum essentielle lucis discrimen, sed accidentarium duntaxat.*

IV.



V.

V. Corporum beatorum lucem diuersa naturæ futuram probant, quia tribuatur ad eleuandum corpus ad supernaturalem statum, nec est cōmensurata alicui corpori naturali, cū ex nullius principis fluat proindeq; supra naturæ vim. Deinde, quia repugnat idem corpus simul coloratum esse et lucidum nostra hac luce: siquidem color est extremitas in corpore terminato. At beatorum corpora & luce ac pulcerrimis coloribus perfusa erūt, &c. Resp.. Sed hoc argumentū excedit huius mundi statum, & permiscet naturalia cum glorificandis. Quidam tamen docent, lucem corporum gloriosorū fore supernaturalem, quē modum, quo producet, non fore supernaturale, quoad suam naturā & speciem: sicut facultas videndi cæco diuinitus collata, qualitas est ordinis naturalis, licet per supernaturalem actionem efficiatur. Ad alterum dicunt, non pugnare idem corpus & lucidum & coloratum esse, vt patet in nitedulis & quercu putrida, in quib; lux & color non nisi alternatim videntur, cum color apparet, illa occultatur, cum lux nitet, ille absconditur. Sed alia est ratio in corporib; gloriosis, de quibus profundi Theologi. Hæc ita disputant Scholastici, vt refert schola Conimbricensis. Sed quid nos statuimus?

Auctoris opinio.

Si lux primo die creata est distributa & compacta in omnes stellas, ita vt hæ illius factæ sint in creatione participes, seu inde constitutæ, sequitur lucem esse eiusdem generis & naturæ in omnibus stellis, etiamsi gradu & mensura differat. Si item vt Peripatus autumat, Sol est fons  
omnis



omnis cœlestis lucis, & stellæ reliquæ diffusam  
ex eo lucem hauriūt omnem: Sequitur itidem  
idem genus esse vniuersæ lucis sydereæ.

Quæstio IV.

*An sydera sint corpora lucida magis cœlum  
ipsum minus, ita vt luceant omnia  
corpora cœlestia?*

**V**idetur affirmationem tueri Piccolomi-  
neus, secutus eos, qui vniuersum cœli cor-  
pus lucis sui conditione particeps esse, vt Phœ-  
nices & Academici omnes existimant. Ratio e-  
ius prima est: *Lux sequitur cōditionem eminen-  
tem & nitidam cœlestis corporis, & vniuersum  
cœleste corpus est eiusdem essentia unitate qua-  
dam ab uno.* Ergo est necesse, vt fateamur, si pars  
aliqua lucet, vt luceant omnes, magis tamen &  
minus, vt compactam, conglobatam & concretam  
magis & minus portionem illius quintæ essentia  
includunt. Resp. Antecedens Enthymematis. **Respon.**  
I. Præsupponit Aristotelis quintam essentiam,  
eamque partim raram, partim instar arboreo-  
rum nodorum compactam. Quæ si vera est, &  
quinta illa essentia est vniufmodi, & vniuerso in  
cœlo tantū differt raritate & densitate partium,  
eique nulla lucis facta est accessio, nō diffiteor,  
cœli ipsius essentiam esse lucis rare participem.  
At si secundum Christianæ religionis decreta,  
quarto die facta creduntur sydera, & secundo,  
vel alio die cœlum, ita vt creatio syderum non  
subiiciat sibi materiā syderum ipsum antea cœ-  
lum, quasi ex cœli antea conditi substantia com-

Piccolomi-  
nei ratio I.

Respon.



packta & condensata sint: certe a se inuicem & syderū & cœli natura discriminabitur. Si uero, ut fert plerorumque Scholasticorum opinio, primo die creata lux, in stellas quarto die compacta & collecta coit iussu Dei, & quidem hæc posita sunt, & fieri iussæ sunt in expanso die secundo facto, certe euanesceat Aristotelis uetus illa opinio de condensatione corporis cœlestis in nodos, & substituetur sententia de compactione primæ lucis in constitutionem sydereæ substantiæ. Deinde eminentia corporum non eis infert ex necessitate lucem natiuam, satis est, si eam quædam in se recipiant: præcipue cum hac in parte, id est, in cœlesti luce eminens dignitas uendicaretur in S. literis solis stellis, non corpori cœlorum, quod capax quidem esse accedentis lucis fatemur. Huc pertinet quædam supra de essentia cœli ignea disputata, sub argumento ex luce ignem cœlo tribuente. Videris Aslachum.

II. Ratio  
Piccol.

II. Nisi, inquit D. Piccolomineus, *uniuersum cœleste corpus lucidum esset, non posset uniuersum sua luce cuncta fouere, & in cetera suas vires suaq; munera effundere. Operatur enim cœlum sua luce tanquam propria qualitate.*

Respons.

Resp. Magnus mihi est Piccolomineus, ut Peripateticus: maior uero Moses, ut spiritu Dei afflatus. Hic lucere, illuminare, luceq; reliqua inde dependentia munia obire iussu creantis Iehouæ tributa non expanso, sed syderibus, luminaribus nimirū & stellis nos docet. Assumptum itaq; hoc omissum forte ut debilius: *Atq;*

*uniuersum*



*uniuersum cœlum seu expansum sua luce cuncta  
fouet, &c. negamus. Petit etenim principium.*

*Quæritur enim, an cœlum luce sit in se præditum.*

*Constet prius de caussa, qua constante, & effe-  
ctus contabit luce fouere. Assumpti etiam pro-  
syllogismus eodem vitio laborat, quia tribuit  
cœlo vt proprio subiecto, natiuam qualitatem  
lucē, qua sit efficax. Id ipsum est in medio con-  
trouersiaæ foro.*

*III. Si corpora, ait, varia apud nos a terrea se-  
ce purgata lucent, longe magis putandum est, lu-  
cere cœlum uniuersum, quouis mortali corpore  
nitidius & purius. Hinc etiam Luna dum per ter-  
ra interpositionem lumine priuatur a Sole recepto,  
adhuc aliquid proprii luminis seruare videtur,  
per quod inspicere potest.*

III. Ratio  
Piccol.

*Res. Est caussa elenchus, præcipue efficien-  
tis, non sufficientis. Purgatio enim vel depura-  
tio & defæcatio corporis sola non est caussa lu-  
cis, seu luminositatis in corpore. Ea quippe est  
vel in corpore raro & subtili, vt aere, &c. in quo  
non est caussa lucis, vt in eo insit illata in illud a  
perpurgatione, sed potius in illud, vt recipi  
possit, a lucido corpore diffusa. Atque vt no-  
stro distinguamus more, non tam lux inest ei,  
quam lumen a luce sparsum, seu a lucido cor-  
pore diffusum. Vel defæcatio est in corpore  
denso, & bene compacto, eoque vel in superfi-  
cie perpolito, vel intime omnib. partibus pur-  
gatissimo, & instar ignis purissimi & densatissi-  
mi plenitudine conglobato. Iam certum est,  
vel, si dubitatur, manifestissimum postea fiet,*

Respons.

K



summæ tenuitatis & subtilitatis esse cœli substantiam, sydera vero compactæ lucis esse plenissimos quasi globos a Deo conditos. Quid hinc concludi sit promptum, intelligenti patet. Exemplum vero Lunæ, quod affertur, est dissimile. Est enim stella, & densius corpus, non expansum. Neque paritas adhuc euicta est in hoc Enthymemate. *Sol & Luna lucet.* Ergo & *cœlum lucet.* Et quis vnquam vidit lucere cœlum seu expansum citra rationem lucis stellarum? Proinde

Syllogism.

*Omne corpus lucidum, & in se habens lucem, & lucere potest, & actu lucet. Nisi velis esse in quopiam corpore diuina otiosam, quæ omni semper careat actu. Atqui cœlum seu expansum cum sit tenuissimum & rarissimum, adeoque diaphanum, nec lucem in se propriam habet, nec ullam de se spargit.*

Assumptionem testatur ipsa experientia oculorum, qui nunquam lucem expansi viderunt, nisi accidentariam, vel a stellis, vel a meteoris. *Omne autem lucidum est visile. Siquidem lux primū visus est sensile. Deinde cœlum esse corpus tenuissimū & diaphanū, si nondum credis, præterquā quod in Ouranographia, demonstratum hoc sit mediocriter, deinde vbi de motu agitur, euidentissimis cōprobabitur argumentis, diaphanū, inquam, quod impune est radiis peruium, & per quod lumini est transitus.*

Lucida autem & opaca corpora non abs re Patricius inter se contraria asserit, diaphana vero inter hæc extrema esse media. Hanc diuersitatem



fitatem disputat in eo consistere, vt sicut lucida corpora illa, *Sol, astra, ignis*, lucem sibi inexistentem habent, vel lux ipsa corporea sunt, ita opaca corpora sui natura sunt tenebricosa, & sicut lucida a luce sua lumen diffundunt: ita opaca ab obscuritate innata tenebras extra se effundunt. Diffundunt ergo vtraq; extra se, veluti germina quædam sua & suarum naturarum quali testimonia, lucida lumen, opaca tenebras. Diffusio autem vtriusque in sola fit diaphana, quæ nec lucida sunt nec opaca. Inter hæc vero extrema veluti mediū, posita diaphana, vtriusque extremi germina in se recipiunt (vel recipere possunt) per vices, tenebras, & lumina. Tria itaque fuerunt lucida, *Sol, stella; ignis*, vnum participatione, ignea. Tria specie & opaca sunt *Luna, nubes, terra*, & quartum participatione terrea. Totidem sunt & diaphana, *Æther, aer, & aqua*, & quæ hanc participant, aquea. Et postea inquit Patricius: *Dubia res apud veteres, nec minus posteris seculis, an diaphana corpora per se essent luminosa, vel per se essent obscura. Item, an per se sub visum caderet, & per se essent visilia, æther, aer, aqua. Peripatetici Magister docuit, lumen esse Entelechian diaphani. Hæc vox essentialem formam illi solet significare. Si id ita esset, lumen esset diaphani forma essentialis. At singulis diebus aer & aqua umbris tenebrarum obnuntur, lumenque amittunt prorsus. Quod esse talibus nullis, formis accidit, vt & adueniant, & recedant, & reuertantur. Si vero & verè per hæc ad visum referatur, vt sine eo visilia non cernantur, & cum eo*



cernantur rursum, verum forte id fuerit, quod ad colores, qui lumine in diaphano conspiciuntur existente, atque ita per lumen diaphanum, coloribus & visui fieret diaphanum, non autem per se in sui natura consideratum, lumen est diaphani actus essentialis. Non ergo nos docuit, aut quid lumen esset, aut quid sit diaphanum. Sin vero contra diaphana per se essent & essentialiter obscura, lumen recipere nequirent: perpetuo namque tenebris obsiderentur. Diaphana ergo non sunt sui natura, vel luminosa, vel tenebricosa: verum cum & lumen & tenebras aequae in se suscipiant, media quadam praedita esse natura est necesse. Hæc Patricius de diaphanis.

Quæstio V.

Cur cum sint lucida stelle, videantur nocte in tenebris, non die in lumine.

**P**atricius lib. 6. Panaugiæ de aereo lumine quærit inter alia: *Stella si sunt tanta magnitudine, cur tam paucilla apparent, & cur non nisi in tenebris cernuntur, in lumine non cernuntur?* Ad postremum respondet ita primum: *Quia nimirum Solis lumen stellarum lumina, ut minor, non dico, uti stulta positio, lumen maius obfuscet minus. Quomodo enim obfuscet res, quæ fusca non est omnino. Sed absorbet in se, & sibi unit, & oculis proxime circumquaque circumfusus sese ostendat, & eos sua claritate replet. Itaque quæ plurima sunt lumina, unita maiori, ut unum sese ostendant. At cernuntur etiam stelle in lumine aere-*  
rem re-



rem replente. Si quis enim in profundum puteum  
descenderit, in quo non lumen oculos attingat pro-  
xime, sed umbra putei, & sursum suspexerit stellas  
supra positas conspiciet, unionis visualiū radiorū  
ratione, qui in ea umbra sicuti in lumine non dis-  
gregantur. Qua unione videtur non quidem usq;  
ad stellas scandere, sed ad earum lumina, quamuis  
cum solari unita sint, distinte cognoscenda. Cer-  
nuntur autem in tenebris, quoniam cōtraria iux-  
ta se posita magis elucescunt, tum quia visuales ra-  
dii, non ita, ut in lumine, disperguntur, tum etiam,  
quia stellarum luces in terminata sunt sui corporis  
superficie. Quae quamuis terra superficie sit maior, Hæc tradū-  
attamen in tanta distantia basis eius pyramidis, tur ex prin-  
que ab oculo exit, in angustum terminatur. Sed cipiis Opti-  
cur stellarum luces tam longe posita visuntur ta-  
men in tenebris, in qua eam circumdans lumen  
non visitur, ait Patricius? Quoniam scilicet hoc,  
dum est in diaphano, nulla terminatur superfi-  
cie, sed vagum in aere scandit in æthera, qui &  
ipse diaphanus, nulla terminatur superficie co-  
loris alterius. Visus autem noster non nisi in  
terminata superficie certo cernit. Quoniam  
cum vires eius sint exiguæ, actiones suas supra  
vires non extendit. Et quamuis tum tenebræ,  
tum lumen in aere diaphano, & cognoscun-  
tur per se, & dignoscuntur alterum ab altero,  
& ita cernuntur; interminate tamen cernun-  
tur. Proinde etiam Patricius putat eorum sen-  
tentiam falsam esse, qui negant, in aere aut lu-  
men, aut tenebras videri. Videntur enim, & ea-  
rum differentia a visu discernitur, & discerni-



tur etiam diuersitas crepusculorum tum clariorum, tum obscuriorum. Cognoscitur tamen lumen aliter, ac secundario quodam modo, in pariete, in sole: quia in eis & lumen, & radius coloris vicem subit. Differunt autem hi duo luminis cognoscendi modi: Quia hic in superficie ibi sistitur. In diaphano vero, vbi nulla superficies non sistitur, & interminatum spatium funditur, claritate tamen sua spectatur, sicuti & tenebrę eadem spectantur ibidem obscuritate. *Hec & alia ita philosophatur Patricius.*

#### Quæstio VI.

*An stellarum lumen sursum versus cælum summum diffundatur, Patricii discursus.*

**S**OL quem cernimus, lumen suum vsq; ad terram propagat. Et, si tolleretur obstitans terræ densitas, atque opacitas, visibiliter vsq; ad centrum penetraret. Quid dico ad centrum vsque? Totum terræ globi locū, quaquaversum permearet, atq; impleret, non aliter ac scintilla in centro globi vitrei posita, totū lumine suo replet. Neq; id dubium esse potest, quādo cælorum Sol inferiorū corpora, & aeris, & aquæ, tota impleat? Quādo solida & dura, glaciem, vitra, crystalla, gemmas, adamantesq; dēssimos, durissimosq; suo lumine, momento temporis transuerberet. Quando totum spatium, aerisq; molē, vsq; ad oppositū Lunæ globum, momēto eodē transeat. Lunæ globū totum, orbes duos, Mercurii, ac Veneris, & triū superiorū, vsq; denique



niq; ad inerrantia astra lumen suū Sol profun-  
dat, illoq; ea perfundat. Cuius spatii pars a Sole  
ad terrā cōmensa videatur Astrologis fere im-  
mēsa. Eorum. n. acutiores quidā nobis suadent,  
*ut a terra superficie, usq; ad Luna concavum mill.*  
*pass. sint 109037. Crassities orbis Luna sit mill. pass.*  
*109056. Crassities orbis Mercurii mill. pass.*  
*370479. Veneris M. 3413755. Solis M. 339102.*  
*Martis M. 27339375. Jovis Mil. 19775497. Sa-*  
*turni M. 29474573. Firmamenti denique M.*  
*80942471.* Cui vniuersæ longitudini addantur  
diametri terræ Mill. 7159. & ultra terrā usq; ad  
Solis oppositā partē totidem: & inde rursus usq; ad  
extimā firmamenti superficiem aliud tantum. Ex  
quibus omnibus distātiis, numerus milliū pas-  
suū inenarrabilis conficietur, & pene infini-  
tus. Quæ omnia Solis vnius lumen, illuminat ac  
replet, præter exiguū id, quod terra & luna suis  
locis occupant. Summa aut, excepto terræ dia-  
metro, totius numeri supra positi sunt M. 323.  
753.849. Qui numerus si a Sole, ad superā fir-  
mamētī superficiem extēdatur, supra eā in spa-  
tium illud vacuū protendetur M. 166.221.933.  
Cumq; Astrologorū cōputis atq; rationibus,  
totius vniuersi soliditas sit M. 384.365.443.  
816.687.500. tota solari lumine illustratur at-  
que repletur, præter eam, quā diximus terræ &  
lunæ opacitatem. Si ergo Solis lumen tantam  
vniuersi soliditatem implet atque illuminat; &  
tanto spatio, quanto diximus, extra mundū, cir-  
cumquaque protendatur: quanto magis vide-  
tur protendi, si ratio spatii nullo obstaculo im-



pediti computetur. Quid enim verat lumen il-  
 lud Solis, quod per corpora, rara, densa, mollia,  
 duraque, &, vt par est, aliquid obstantia, tanta  
 spatia intra mundum penetrans compleat: ex-  
 tra quoque mundum, vbi nullū opponitur ob-  
 staculum, in tantumdem saltem spatii, quaquā-  
 uersum diffundi ac spargi? Sed quo vsque tan-  
 dem? Quo vsque nimirum nihil impediat. At  
 nihil vsquā toto spatio impedit. Toto ergo spa-  
 tio lumen Solis diffunderetur. Spatium vero to-  
 tum infinitum est, *vt alias probauimus*. Totum  
 ergo infinitum spatiū, solare lumen implebit.  
 Et si quid desit, quo id non pertingat, addantur  
 ei lumina Maris, Iouis, ac Saturni. Quorū cor-  
 pora, si Astrologis dāda fides, tum magna sunt,  
 vt eorum lumina, cum defectum facile adim-  
 plere queant. Martem enim asserunt *in se con-*  
*tinere terræ magnitudinem semel cum dimidia.*  
 Iouem vero *eandē continere nonagies quinquie,*  
*& dimidiam.* Saturnum autem *nonagies ac se-*  
*mel, cū parte vna octaua.* Quæ magnitudines se-  
 mel computatæ, terræ corpora, globosve cōti-  
 nebunt centum octuaginta octo, cum parte o-  
 ctava. Cumque Solis corpus, terras centum, se-  
 xaginta sex cum tribus octauis contineat, solem  
 alterum integrum tres illi Planetæ conficient,  
 ac terras viginti & vnā cum dimidia, & am-  
 plius parte. Atque ideo tantundem extra mun-  
 dum spatii lumine replebunt, ac tanto ultra so-  
 laris luminis confinia, quanto ipsi sunt extimæ  
 mundi superficiei, quam sol propinquiores: &  
 spatio illi, de quo agimus, proximiores. Quo-  
 rum



rum trium cum firmamento simul crassitiem  
antedictam colligamus, summam efficiet M.  
157.531.916. Tanto ergo interuallo plusquam  
sol extra mundum sua lumina emittit. Quibus  
luminibus si addantur lumina stellarum maxi-  
marum 15. quarum vnaquæque centies septies  
terra maior est: & earum omnium magnitu-  
do simul sumpta possit alios decem soles fere  
integros conficere, quanto credemus in spa-  
tium illud sua lumina profusuras. Hisce si ad-  
damus lumina stellarum magnitudinis secun-  
dæ, quas dicunt esse 45. & singulas nonagies  
terram superare, profecto conficient soles in-  
tegrus 24. & vnus 66. partes amplius. His vero  
si lumina iungantur 208. stellarum magnitu-  
dinis tertiæ, quarum quæque 72. terræ glo-  
bos cum parte tertia adæquant; Soles 90. effi-  
cient cum 36. vnus partibus. Addamus his stel-  
las alias 474. magnitudinis quartæ, quarum  
singulæ 54. terræ globis æquales sunt, soles cō-  
fecerint integros 154. & partes vnus 32. Ap-  
ponamus his lumina stellarum 217. quinti or-  
dinis, quarum quæque 36. terreos globos im-  
plet, soles perficient 47. & vnus partes 10. Po-  
stremo si hisce adiiciantur lumina stellarum  
49. ordinis sexti, quarum vnaquæque 18. terræ  
corpora adæquat, soles conflagrabit 5. & amplius  
52. partes vnus. Quos quidem soles si cum  
partibus in summam redigam, exhibūt soles 301.  
spatio illi supramundano proximi, vt in nullum  
numerum ponamus, aut Veneris, aut Mercu-  
rii sydera, nec cōputemus stellas nouem, quas



obscuras, aut quinque, quas rubeas appellant, vel nebulosas, nullo etiam numero habeamus infinitas alias, quæ sexto ordine sunt minores. Itaque in hunc modum ratiocinemur: Si sol unus mundi omnia spatia, præter luna, ac terra globulos, illuminat, & uniuersi mundi intercapedinem, & extra mundum per innumerabilia miliaria lumen suum extendit, quid dicemus 301. Soles integros, nullis ibi obstantibus impedimentis posse implere? Nempe totum id, in quo nihil obstat. At in toto illo infinito spatio, obstat nihil; totum ergo infinitum spatium implebunt lumine. In infinitum ergo lumina extēdi ratio hæc nostra, ex sensu, & ex Astrologorum decretis ducta, satis demonstrat.

I. Obiect.

I. Sin contra dicatur, corpora stellarum ingentia quidem esse, totque soles constare posse, attamen non luce sua lucere, sed a sole lumen omne accipere: atque ita sui parte ad nos versa lucere, opposita non lucere, atque ideo non extra mundum lumina sua mittere.

II. Deinde si opposita quoque luceant parte, non posse lumen proiici in vacuum.

III. Tertio, quamuis etiam proiiciatur, nō proiici posse in infinitum. Finiti enim corporis finitam esse virtutem. Atque inde fieri, si mundi totius finita virtus est, finiatur partis cuiusque virtus, necesse est.

IV. Præterea, si detur lumen in infinitum, propagari, spatium quid prohibet, mundum quoque infinitum dici? quando mundus id sit, quod omnia contineat? & cui nihil desit? At mundum finitum esse, sapientibus est iam, & persuasum, & confessum. Ideoque perfectum. Quod si lumen ex-  
tra



tra mundum diffundatur, mundus non omnia  
 continebit; deerit illi lumen id, quod extra illum  
 porrigitur. Eo autem carens nulli dubiū iri mun-  
 dum esse imperfectum.

Respon. Magna equidem sunt hæc obiecta Respon.  
 omnia. Sed nostræ sententiæ officere nequa-  
 quam possunt (inquit Patricius.) Nam & *stellas*  
*omnes suis fulgere lucibus, & eas ignes, flammæq;*  
*esse,* indubie est demonstratum. Ideoq; toto cor-  
 pore lucere eas est necesse, & nulla parte opa-  
 cas esse. Itaque obiecta illa priora, nullum lo-  
 cum habent. Cur autem *lumen in vacuum pro-*  
*ici non potest?* Nulla profecto res alia, in vni-  
 uerso tanta corporum varietate conflato, lu-  
 mini intercludat viam, nisi vna opacitas. Lumi-  
 ni corpora omnia reliqua rara, densa, mollia,  
 duraque cedunt viam. In spatio illo vacuo, opa-  
 citas nulla est. Si hæc alia corpora ibi essent,  
 transitum sine dubio lumini præberent. Cur  
 ergo spatium quod nulli rei resistit, nulli obfi-  
 scit, eidem lumini transitum non dabit? Cur  
 eidem non cedat vacuum, quod nullam anti-  
 typiam queat opponere? An vero vacuum, an  
 vero spatium sui natura, erunt opaca? Ratio sa-  
 ne valida est reddenda, quomodo opacitas in  
 spatio vacuo habitet? & res, quæ nulli rei mun-  
 danæ, aut eadem, aut similis sit, & fere nihil est,  
 cum densissima opacitate conferre, prope a-  
 mentiū est, & asserere tantam habere resisten-  
 tiam id, quod nullam habet, quantam corpora  
 opaca, per se ad resistendum nata, dementia est  
 iam plena. Nisi hæc valide soluantur, demon-



stratioque afferatur valida, pro somnio relin-  
quatur: Lumen in vacuum proiici non posse,  
quod etiam corpora omnia præter duo illa o-  
paca, penetret suis viribus, & permeet. Quod  
vero dicitur, *non proiici in infinitum? quoniam solis,*  
*ac syderum corpora sint finita, viresque habere fi-*  
*nitas*, nullius est momenti: lumen etenim, non  
est corpus tale, qualia omnia alia sunt corpora.  
Atque ideo cur & finitum dicitur ipsum, & fi-  
nitæ ei vires attribuuntur, etiam si a finitis pro-  
micet? Extra enim finita postquam est, si a nul-  
lo opaco coarctetur, finitorum cōditiones ha-  
bere non est necesse. Nam si id lumen, quod  
mundum replet, quandoque languescit, id ei,  
*uti docuimus*, contrariorū viribus, umbrarum,  
obscuritatis, tenebrarum, oppacitatis accidere,  
visus etiam cognoscit. At extra mundum, quid  
nam dicemus esse lumini contrarium, ubi nul-  
la opacitas, ubi nulla opacitatis proles? Hoc si  
adducere nesciamus, aut nequeamus, *nullis cō-*  
*trariis ibi lumen languescere, nullisque terminis*  
*finire posse*, est affirmandum. At mundus, quarto  
obiiciebatur, *sic infinitus ipse quoque esset*. Huic  
res nulla alia obstat, nisi sapientum auctoritas.  
Nos vero rationibus, philosophamur, non au-  
toritatibus. Quas suo loco explicandas, ma-  
neāt nos lectores, &c. Hæc ita disserit Patricius,  
qui putat, *lumen illud esse, quod cælum Emphy-*  
*reum, scholastici Theologi vocauerunt*, in quo  
*Deum, beatas mentes, animasque felices habitare*  
*tradiderunt, cuius essentia sit purissimus ignis*.  
Hinc adducit vetustissimorum Philosopho-  
rum

Auctoris  
sententia  
de his Pa-  
tricianis.



rum consensum. I. Citat verba Parmenidis, qui dixit: *Ignis, lux, lumenque purum habitat in cœlo.* II. Zoroastrem. III. Proclum & alios. Verum hic, quia meam sentio ignorantiam, tum quod nesciam quo usque profundatur lumen solis & stellarum versus partē superam: scio autem in infinitum sese lucem non extendere posse, quicquid etiam scribat hic Philosophus: tum quod supremi cœli fulgorem & claritatem non intelligam, & Paulus dicat, *nullo sensu eiusmodi cœli gaudia & privilegia adhuc esse cognita, neque in nullius hominis cor ascendisse*; nihil temere hic vel asseuerare vel inficiari debeo. Noui interim, beatorum domicilium illud supremum cœlum depingi lucidissimum sub imagine nouæ Hierosolymæ. Apocalyp. capit. 21. vers. 23. dicitur: *Non eget sole & luna, ut luceant in ea. Nam gloria Dei illustrat eam* (scilicet cœlestem Hierosolymam) *& lucerna eius est agnus.* Quid hinc mi Patrici? De sententia Iohannis, *aliā esse lucem cœlestis gloriæ, aliā solis & lunæ: Non opus esse sole, ait, & luna: Negatio est sydereæ lucis.* Opponitur ei affirmatio diuinæ lucis & gloriæ, quæ proficiscitur a Dei gloria & agno filio Dei. Augustinus etiam ait Augusti-  
libr. De vita æterna: *Incomparabiliter clara est ciuitas æterna, ubi victoria, ubi veritas, ubi dignitas, ubi sanctitas, ubi vita, ubi æternitas.* Claritas itaque vitæ æternæ in aliis rebus sita est Augustino. Et Zanchius de superna ciuitatis luce inquit lib. 1. De operibus Dei: *Supremum illud cœlum longe præstantiore luce splendebit, nec ege-*

H Zāchius.



bit sole aut luna. Nam gloria Dei ἐφ' ὅτις ἐν αὐτῷ.  
 Item: Neque cogitandum est, (ut quidam faciunt) ex Deo tanquam ex sole lucem seu radium essentialis illius lucis seu gloriae emicare, & illa luce cælum illustrari. Quicquid enim in essentia Dei est, & ex ea procedit, Deus est, uti sunt filius & Spiritus sanctus, qui e Patre emanant: & titulus hic datur soli Christo, nempe quod sit splendor gloriae. Lumen igitur illud, quo cælum a gloria Dei tanquam a causa efficiente illustratur, & qua animi beatorum illuminantur, ut Deum videant, est res creata. Hæc ille: Sed hinc alia nobis notiora.

Problemata e Patriciana Philosophia decerpta  
 de luce, lumine & radiis.

I. Lux in corpore lucido quid sit, substantia,  
 an vero accidens?

Quæst. I.

Argumen-  
 tum Patricii.

Respon.

**P**atricius lucem stellarum, ut corporum lucidorum negat esse *qualitatem*, affirmat vero esse *formam*. Respondemus (ut etiam antea) lucidi corporis recte dici lucem esse formam. Vide supra. Sed argumenta Domini Patricii an robusta satis substantiam, seu potius formam substantialem notent, vidimus alibi, videmus & hic, sed obiter. *Omne inseparabile a substantia est eius forma & pars essentialis. Lux stellarum est inseparabilis ab eis, &c. Ergo stellarum est forma & pars essentialis.*

Respon. Inseparabilitas est quidem a partibus essentiae & præcipue a forma: at non est sola forma, sed etiam a forma dependens, eamque insequens & comitans qualitas. Propositio



rio itaque non est exclusiue vera. Interim lucem lucidi formam damus, *ut supra diximus.* Assumptū equidem acceptamus cum Patricio, quia a lucido corpore, ut astris, nec naturæ vi, nec vi humanæ cogitationis lux potest abesse. Cetera videris in Somatologia.

II. An lux sit proprium visus sensile, & quidem visibilis qualitas?

PATRICIUS ait: *Queritur an lux, quæ in sole* Quæst. II  
*& astris cernitur, sit qualitas simpliciter, an qualitas quædam fere diuina, an etiam qualitas prima, primi corporis cœli.* Qui primum (ait) terrestrius, qui tertium, cœlestius, qui medium, diuinius pronuntiarunt; omnium pessime, qui lucem colorem esse affirmarunt. Scaliger etiam aperte negat, *lucem esse primum colorem.* Optici lucem dicunt *maxime visibilem, quæ videatur ipsa, & faciat alia videri.* Zabarella lucem in stellis, ut corporibus lucentibus esse visibile. Quod, lumen vero in medio fissum esse visibile. Quo docet. Telesius vero apertissime demonstrat, *lucem (non colorem) esse proprium visus sensile.* Sed hæc alibi docuimus.

III. Quodnam sit discrimen inter lucem, radios & lumen solis?

PATRICIUS tradit, *lucem aliam esse primam, a-* Quæst. III  
*liam secundam seu ortam.* Prima est in cor- Lux alia  
 pore lucido, ut sole, indeque non egreditur. prima, alia  
*Secunda seu orta est primæ quasi propago, quæ* secunda.  
 oritur a prima, at non diuellitur: inde quidem diffunditur, at non effunditur. Radici namque



suæ ac matri semper adhæret: germina ramos-  
que a radice propagat. Lux prima est candidis-  
sima: candida est & secunda. Similis quidem  
primæ: a prima tamen gradu inferiore dissimi-  
lis. Omne enim produciens præstantius est pro-  
ducto. Productum tamen semper simile est  
producenti. Lux prima unica est & in orbem  
acta. Secunda est multiplex in ramos & lineas  
innumerabiles diffusa: & illas quidem non lon-  
gas tantum, sed etiam latiusculas, & in acu-  
tum abeuntes, & in conum desinentes: eas-  
que non nisi ortu iunctas, in progressu vero di-  
stantes interuallo, primum quidem minore,  
postea maiore.

**Radius Pa-  
tricio quid.**

**RADIVS** Patricio est lux secunda a prima  
luce exsiliens in rectum & in acutum, seu in  
pyramidem & conum; ita ut Radius sit fulgor  
a luce in conum promicans, & quasi lux secun-  
da a prima in eam figuram confirmata.

**Lumen.**

Lumen vero dicitur illi lux tertia, tum a  
prima, tum a secunda emanans, non in rectum  
progrediens, neque in acutum finiens. *Sed lu-*  
*men* Patricio est, quod a luce & radiis in per-  
spicuum diffunditur, neque in rectum, neque  
in conum desinens, & quidem fulgor non in  
conos discretus, sed radiorum interualla re-  
plens, in spatia latiora fusus, seu in reliqua o-  
mnia post radiorum apices quaqua versum  
profusus. Et sic radius (*ut idem ait*) est fulgur  
a luce in conum promicans, qui scilicet, a pri-  
ma luce prolicitur, & in eam figuram confor-  
matur.

Scali-



Scaligero videtur lux alia esse in corpore lu- Exercit. 71.  
cido, ab eo non exiens, (*hanc primam Patri-*  
*cini vocat*) alia a corpore lucis exiens, ut lumen  
& radius. Zabarella etiam lux alia est proprie a Lib. 1. de  
dicta in astris ipsis, alia a luce producta in per- visu, cap. 4.  
spicuo.

*IV. Radii lucis an sint accidentia?*

**R**Adios Patricius appellat *lucis prolem*, in Quæst. IV.  
*conum promicantes*, ut in sole apparent co-  
ni fulgoris ab eo profluere, rectissimi, longis-  
simi, candidissimi rutilantissimique, aliquan-  
do a medio etiam flavescentes, in radice simul  
iuncti, in progressu semper distantiores. Hos  
autem negat esse *species intentionales*, eo quod  
per se luceant, & lumen emittant; quod for-  
mentur, & emicent; quod caleant & calefa-  
ciant. Quæ opera non sunt intentionalium,  
sed realium entium. Ulterius progreditur Pa-  
tricius: *Si enim sunt realia entia, aut sunt sub-*  
*stantia, aut accidentia.* Accidentia esse ne-  
gat, idque multis argumentis, quorum confi-  
derationem quandam videbis in Somatolo-  
gia. Scaliger radium vocat *speciem productam*  
*a corpore lucido, secundum eius corporis vires pro-*  
*ductam.* Nam quod proicitur, proicitur se-  
cundum vim proicientis. Reperies tamen  
Patricium concludere simpliciter substanti-  
am non posse. Primum enim negat, *radios esse*  
*materiam, neque formam, negat compositum,*  
ut persuadeat peculiarem & certi generis in-  
ter diuinam seu spirituales, & corpoream  
materiam, esse mediam substantiam radio-

L



rum. Postea distinguit substantias in corporeas & incorporeas seu spirituales. Radios vero non esse plane corporeos probat quibusdam rationibus, indeque fabricatur tertium quoddam entium genus, nempe radios esse medium quiddam inter formas simplices seu spirituales, & inter Physicas corporeas: esse quidem corpora, sed elementaribus diuinita. Hæc alibi.

*V. Radii stellarum profiliantur a superficie,  
vel a toto profundo.*

Quæst. V.

**N**Egat Patricius peracute, radios a puncto profilire solis, sed ait, a tota etiam solis latitudine, & a tota lucis profunditate emicare, adcoque etiam a tota superficie. Vult itaque, radios a tota superficie solis promicare, deinde a toto solis profundo emergere, quia intus quoque solis corpus totum esse lucem ait. Lucis autem naturale ac necessarium munus est radios emittere. Ergo ab vniuersis solis partibus, particulisq; tum externis, tum internis, radios emanare concludit. Sic itaq; emanant ab omnibus solis partibus radii in tractus longissimos, ita tamen, ut a sole nunquam diuellantur. Neque est vllum momentum temporis, quo non emanent. Noctu & in eclipsibus emicant. In æthere semper fulgent, in aere etiam nonnunquam, modo sit liber a terre vmbra & nubibus. Exserente sese ex tenebris sole, emicant radii momento, locumq; prius obumbratum illuminant, & quasi sui multiplicatione & amplificatione gau-



gaudentes, quæqua versum sese effundunt, eiusque effusionis nullum videntur facere finem.

*VI. Radii in quæ & quomodo incidunt corpora?*

**C**orpora, in quæ radii lucis incidunt, vel sunt Diaphana vel Opaca. Diaphana trās-  
tum præbent radiis. Hæc sunt vel Vniformia & tenuia, vel Difformia & crassa. Si in vniforme & tenue radii incidunt diaphanum, vt est *æther & aer*, liberi vniformesque & penetrant & permeant, & in conos innumerabiles diffunduntur, & ad omnia diaphani puncta, tum feruntur, tum latitudine & longitudine sua ea cuncta occupant, seseque in singulis explicant, vt in omnibus cerni possint. Si in densius diaphanum, qualis est *aqua*, incidunt, fieri debiliores videntur. Nam testantur vrinatores, eos vbique non pertingere ad fundum maris. Quocunque vero feruntur, non nisi recti rectaque feruntur, & iter suum pertendere non cessant. Et quocunq; recta ipsa diaphana subire possunt, in totum suum non sistunt, donec in obiectum incidunt, quod subire nequeant. Opaca corpora sunt, in quæ si incidunt radii, vel franguntur, spargunturque, vel quasi horrentes refugiant, & ab iis resiliunt. Nub̄ tamen si radii ingrediuntur, sicuti ipsi fulgorem suum communicant, ita vicissim ipsi opacitatis suæ induere aliquid videntur, eaque infici & foetari. Inde in nubibus Iris, cum ipsæ varis coloribus tinguntur.

Quæst. VI.  
Diaphana.  
Vniforme.

Difforme.

Opaca.



## VII. Radii solis quomodo flectantur, frangantur, resiliant?

Quæst. VII. **S**Vbtiliter hæc disquirat Patricius: Lux, inquit, omnis in se lucet, & a se relucet. Alu-  
ce & lucido relucet radii. Radii feruntur in  
obiectum vel diaphanum vel semidiaphanum  
vel plane opacum. In diaphana & per diaphana  
na feruntur integri, vni, continui, validique  
totumque lumine, quo vsque licet, implentur.  
Licet autem, donec vel in semidiaphanum inci-  
currant, vel in opacum. Semidiaphanum hinc  
dicitur diaphanum densius (*ut aqua.*) Hoc si  
contingit, partim flecti, partim frangi viden-  
tur. Flecti videntur ea parte, qua semidiapha-  
num subeunt, vel totum, vel, si sit profundius  
quadantenus. Ea enim radii pars, quæ aquam  
subiit, veluti tenuis, inflexa relucet. Optici  
frangi & refrangi vocant, at Patricio perpe-  
ram. Pars vero superior, quæ aquam non subit  
ab eius superficie frangitur ita, si fuerit placi-  
da, ut resiliat etiam. In opaca si incidunt cor-  
pora, nulla sui parte ea videntur subire posse  
nullamque reflexionis speciem præbere, sed  
ab ea tantum modo refranguntur, idque duo-  
bus modis pro ratione superficie, vel tersæ  
vel glabræ. In opaci corporis tersam si inci-  
dunt superficiem radii incidentes franguntur.  
Fracta pars resilit & alibi relucet, in se in-  
tegra non minus. In glabram si incidunt su-  
perficiem, incidentes radii non iam in secun-  
dam vnam, (*ut loquitur*) sed in multas fran-  
guntur partes. Quæ singulæ ea fractione lan-  
guidio oib

Semidia-  
phanum.



languidiores factæ, nec tam procul resiliunt, nec tam fulgide relucent; prætereaque inter se diffundi varie videntur.

VIII. Quorum radiorum, & quare sit maior virtus, quorum minor?

**H**ic duo sunt notanda. *Primum* distinguimus corpora opaca a semidiaphanis. Opaca cum nullam radii partem in se admittant, tota illorum vis in eorum superficie viuiddior seruatur, quam si radiorum pars semidiaphanum, ut aquam, (vitrum, &c.) lubeat, pars in superficie maneat. Tunc enim in duo diuisi pro-  
 verbio illi locum dant: *virtus vnita fortior est diuisa*. Atque hinc sine dubio fit, ut quæ pars ubiit, debilior ea subitione facta sensim elanguescat, & longius progressa etiam euanescat. Quæ vero in superficie mansit, similiter dimidia facta, quarto gradu, languidior iis est duobus, quæ in opacum incidunt & resiliunt. *Secundo*, Alii radii perpendiculares cadunt ad angulos rectos resilientes: alii accliuēs veniunt, in obliquos abeuntes, ita ut si acuti adeunt, acuti etiam discedunt, si vero accedant obtusi, obtusi recedant. Iam vero, radii in se resiliētes in perpendiculum efficacissimi sunt, tum fulgore, tum calore. Proxime qui acutiores angulos formant, quoniam vniores sunt: invalidi vero cum magis tum minus sunt, qui magis vel minus sunt obtusi. Et quo magis ab incidentiæ loco abeunt, tanto sentiuntur, & relucere & calere minus. Robustiores itaque

Nota.

I.

Opaca a semidiaphanis distinguuntur.

II.



radii robu- radii sunt ratione duplici, vnione scilicet & co-  
stiores vni- pia. Infirmitates radii & minus robusti sunt  
one & co- contraria ratione duplici, dispersione scili-  
pia. cet & inopia. Vniti quidem sunt a luce proxi-  
mi. Vniuntur autem in caussis, & in se refra-  
cti, & in transpicuis. Qua vnione varia copia  
iis accedit maior; & ideo valentiores & pene-  
trantiores fiunt.

Hæc & alia problemata e Patricii Panaugia  
disceptata, vt: *Lumen unde promanet a luce vel  
a radiis: An lumen definiatur recte I. Præsentia  
lucidi in diaphano. II. Actus coloris. Item, An  
lumen sit qualitas, nouæ opiniones. Item, Quo-  
modo lumen refrangatur & colore tingatur: Vi-  
dere poteris in Somatologia, & huc ad astra in  
specie accommodare.*

*Conclusio Encomiastica lucis  
cælestis.*

**D**ionysius capit. 4. *De diuin. nomin. & ca-  
pit. 15. de cæli Hierarch.* copiose disserit  
de lucis præconiis, ultra triginta lucis proprie-  
tates enumerans. Nos præclatiora eius Enco-  
mia ad institutum nostrum magis facientia hic  
attexemus.

**I. Encomiū.** *I. Inter qualitates sensui obnoxias nulla ad  
mundi decorem & ornatum aptior est: quando-  
quidem infera supera que omnia quasi aurea cu-  
iusdam vestis splendore circumfundit, & ubique  
distinctionem ac varietatem rerum common-  
strat, atque in mixtis corporibus alioqui abscondi-  
tam multiplicium colorum picturam sue præsen-  
tie*



ria nitore ostendit. Abque luce iacent cuncta vel-  
uti situ & squalore obsita: per eam vero omnium  
pulcritudo confestim apparet. Quo pertinet illud  
ex 4. libro Esdrae, capit. 6. Tunc dixisti de The-  
sauris tuis proferri lumen, luminosum, quo appa-  
reret opus tuum. Videlicet, ut Ambrosius libro  
1. Hexam. capit. 9. ait. Quemadmodum, qui do-  
mum construere vult, primum explorat, unde ei  
lumen infundat, eaque prima est gratia, quæ se  
desit, tota tenebris horret domus: Ita dum hoc  
præclarum mundi ædificium Deus conderet, ne-  
quaquam passus est, diu illi tenebras incubare,  
sed dixit: Fiat lux.

II. Lucis ministerio existit dierum & no- II. Encom.  
ctium vicissitudo: quæ ad distinguenda tempora  
labori & quieti idonea, & ad rerum per succi-  
nem frigoris & caloris incolumitatem conseru-  
tionemq;, & ad communis vitæ fastidium leuan-  
dum magnopere conducit.

III. Mira est lucis fœcunditas & beneficen- III. Encom.  
tia. Namque in omnes partes se effuse communi-  
cat, & est præcipuum instrumentum, quo cœle-  
stia corpora in inferiora influnt. Ob quam caus-  
sam D. Ambrosius libro 1. Hexam. capit. 9. sort-  
psit, lucis naturam non in numero, non in men-  
sura, non in pondere esse, ut res cetera a Deo  
create.

IV. Lux in totam suam spheram incredibili IV. Encom.  
celeritate, id est, momentanea actione sese expli-  
cat: ut affirmat D. Ambrosius lib. 1. Hexam. cap.  
9. D. Basilii hom. 2. Hexam. Aristoteles libro 2.  
De anima, capit. 9. text. 70. alique auctores com-



muni assensu contra Empedoclem, quem Aristoteles loco citato refellit. Quia si traiectione lucis non fieret in instanti, sed tempore, deprehenderetur ea mora saltem in magno spatio, quæ tamen a nullo deprehenditur. Fit autem productio lucis in instanti: tum quia lux non inuenit in subiecto contrarium, a quo retardetur, tum ob propria nature excellentiam & proprietatem.

V. Encom. V. Lux animantium corporibus vigorem addit, dum vitales spiritus calore viuifico reficit. Vnde, & qui agro sunt corpore, plerumque melius interdum, quam noctu habent, ac non pauci æripente vere, soleque ad nos redeunte ex hybernis morbis conualescunt.

VI. Encom. VI. Lux ob suam pulcritudinem, commoditatem, beneficentiam, aliasque eiusmodi affectiones, non parum ad res diuinas explicandas & intelligendas confert: ut testantur ductæ similitudines ab ea, quæ tum in sacrarum literarum monumentis, tum in Patrum scriptis frequenter inueniuntur. Atq; hæc de luce, lumine & radiis syderum disceptasse sufficiat, plura videris in Somatologia: Iam igitur a luce ad calorem, inde dependentem stellarum affectionem & qualitatem discutiendam transeamus. Nam & hic variorum Philosophorum variæ dissensiones apparebunt.

Quæstiones de calore syderum.

I. An sydera ut sunt lucida, ita sint calida; Doctrinæ  
simorum Physicorum collatio.

Huius quæstionis discussio non caret difficultate. Ordiam ab optimis. Scientia nostra  
nititur



nititur fundamento triplici, *patefactione crea-* Sciētiæ no-  
*toris per verbum suum, experientia & ratione.* strē tria fun-  
Hæc tria, si qua habemus certitudinis & doctri- damenta.  
næ nostræ argumenta, sunt etiam hæc in quæ-  
stione documēta non fallentia. At o anime mi-  
tribus istis abuti potest sophista & ignarus ab-  
errans. Quoad primum, Verbum Dei *ἀρχή*  
*νοῦ* non est verbum Dei. Vera itaque intel-  
ligentia postulatur. Quoad secundum, expe-  
rientia vera est, si fiat sine sensuum hallucina-  
tione, si eius sit explorata veritas, de quo quæ-  
stio est. Tactus eius rei iudicat calorem, quæ a  
nobis potest tangi. Ratio, de qua hic, est argu-  
mentum dubiæ rei faciens fidem. At hæc, nisi  
fuerit legitime usurpata, non est ratio. Conse-  
quentia nisi fuerit necessaria, incerta est omnis  
conclusio. Vtinam hos scopulos in veritatis in-  
quisitione præternavigare queam⁹. Opto quod  
sperare non licet.

Verbū Dei  
quid de hac  
quæstione  
disceptet.

Quid reuelat nobis creatoris cœli & syde-  
derum sapientia? *Solem & stellas calefacere* ait.  
At nemo est, qui negat. Nunquid calorem in  
cœlo & stellis ipsis constituit? Psalm. 18. de So-  
le loquens, ita ait: *Non est, qui se abscondat a ca-*  
*lore eius.* Ecclesiast. cap. 43. *Sol in meridiano ex-*  
*urit terram, & in conspectu ardoris eius quis pote-*  
*rit sustinere?* Tripliciter Sol exurens montes, ra-  
dios igneos exsufflans & refulgēs, radiis suis obœ-  
cat oculos. At quid? In Scholis est trita distin-  
ctio, qua hæc & alia scripturæ testimonia eludi  
solent, de duplici calido, vel formaliter, vel effe-  
ctiue, seu virtualiter. Aiunt igitur, Scholæ ab

Calidū du-  
plex.

L 5



Ethnicis edoctæ, *Solem esse ardentē, exurere, calere, non formaliter, sed effectiue.* At quid? si hoc a nonnullis opponi audias? Non alia via ac ratione cognosci ac iudicari posse, aut ignem, aut quoduis aliud corpus esse proprie & formaliter calidum, quam iudicio sensus, ipsoque effectū caloris, videlicet, quod & nos & alia corpora ab illis rebus calefcere sentiamus. Hanc rationem si e medio tollas, nihil fiat reliquum, quo quid sit vere calidum, quid non sit, explorari, aut certo dignosci queat. Nos autem non aliter calefcere a Sole, quam ab igne, nisi qui nimium frigidus est, negabit nemo. Hæc ita quis opponere posset.

II.  
Experientia  
quid iudicat.

Quo ad alterum igitur principium cognoscendi caloris cœlestis, quis est, qui nō vt tactilem qualitatem, calorem illum tactu percipiat? Rusticum dixerint argumentum, velle tactu argutari ex effecto longinque dissitæ causæ, quæ scilicet potest operari & producere calorem, etiam in se non habens quicquam caloris, sed vel habens, vel diffundens ex se affectiones, quæ mediate pariant eum.

III. Ratio  
quid cōcludat.

Rationes igitur restant expendendæ in argumentis tum artificialibus, tum inartificialibus. Iulius Scaliger exerc. 74. & alibi salte deridet Cardanum, quod non vereatur ponere Solem calidum. *Esto, inquit, Sol calefacit per calorem, quo calidus est. Calent igitur calefacta calore illo. Ergo dicetur vninoce lapis calidus a Sole calefactus, & Sol calidus, qui calefecit.* (At responderi posset, calorem Solis calefacientem lapi-



lapidem, in Sole esse simplicem & purum, at receptum in lapide degenerare in naturā proprii caloris, qui in lapide est, & excitatur cœlesti Solis calore. Omne enim receptum recipitur secundum naturam recipientis, & particularia vniuersale in se receptum suę adaptant naturę.) Quippe, inquit Scaliger, *actio & passio, & qualitas, eadem ab illo in hoc.* (Calor autem Solis receptus induit naturā particularis & proprii caloris, quem fouet & concitat, & non vniuersaliter, sed particulariter pro sua agit natura.) At enim uero (ait) qui calidum Solem dicit, etiam posse pati dicet. Etenim quod non patitur, id fiet propter excellentiam virium, non autem propter naturam qualitatis. Quippe habet contrarium calorem frigus. Ergo si in nostrate frigus agit per calorem suum, agit tanquam in contrarium. At contraria sub eodem genere. Itaque vniuoce de nostro & de illius calore calor predicabitur. Quid hic differitur? duo argumenta Ratio II. colligo. Vnum: Quod calidum natura est, id etiam pati potest & mutari. At Sol & astra non possunt pati & commutari. Ergo non sunt natura calida. Propositio probatur: Quicquid habet in se qualitatem, potest pati, scilicet a contraria sua qualitate. At si Sol est calidus, habet etiam qualitatem. Verum est, passionem & mutationem, quę dicitur alteratio, esse qualitatum: at passio nulla fit, nulla mutatio qualitatum, nisi ita sint comparatę, vt & sint contrarię, & in sese muturę agāt, alteraq; habeat alterius pellendi vim, Vbi vero nulla est contraria actio, ibi nulla est



passio, vbi cōtactus nullus, ibi actio nulla. Iam autem ex Dei conditoris sapientia dispensante fieri omnino potuit, vt esset stabilis & immutabilis in vno corpore qualitas, quam non contingat contrariæ qualitatis efficientia, vel quæ excellentia sui roboris vincat ita contrariā qualitatem, vt in se mutandi nullam potestatem obtineat. Deinde assumptio de omni simpliciter passione & mutatione accepta vix concedetur: Sola diuinitas plane est immutabilis. Stellis affectionem aliquam accidere etiam extraneam, vel in qualitate, vel in motu, testantur scriptores sacri & profani, & cū primis Neoterici, Astrologi, qui non de astris ex chartis Aristotelis, sed ex assidua cœli inspectione philosophantur.

## Ratio III.

Alterum argumentum est: *Contrariæ qualitates in se inuicem agentes sunt uniuoca: Quia sunt sub eodem genere. At calor Solis & frigus nostræ sunt contrariæ qualitates in se inuicem agentes. Qui calor Solis agit in nostræ frigus. Ergo hic calor, & Solis sunt uniuoci.* Resp. Quid incommodi nasceretur ex cōclusionis cōcessionem? Si calor esse genus diceretur nostratis & cœlestis, hinc absurditas oboriretur? Non video. Uniuoca dicuntur, quorum & cōmune nomen, & secundum illud nomen ratio substantiæ eadem. Cōmunicant itaque nomine & definitione. Calor generaliter definiatur. Caloris species duæ dentur, *uniuersalis cœlestis, & particularis elementaris.* Inter se differunt nihilominus, licet genere cōueniant. Si quis communitatem generis exactam & æqualem denegauerit vtriq; calori,



lori, statuat genus non exquisitum, sed analogum. Quamuis generalis natura recte constituta non opus habeat analogi generis distinctione. Ex vniucis non sequitur plena identitas. *Calor & Solis & nostras habent idem nomen & eandem naturam, scilicet genericam.* Ergo calor noster est calor cœlestis; non sequitur. Ipla etiam probatio propositionis tantum cōmunionem generis affert, cum ait: *Contraria sub eodem genere.* Deinde in subsumto est diuersitas. Calor Solis, qui est in aere nostro, pellit frigus. At non calor Solis, qui est adiuncta eius & inhærens qualitas, quæ inhæret. Et certe calor fusus a Sole, & factus in aere, patitur & mutatur multis vicibus, pellit, pellitur; illiusq; est mutua actio & passio cum frigore. At ad Solis ipsius & qualitatem & substantiam mutandam facit. Distinguitur itaque calor Solis, & a Sole fusus.

Porro disputat ita: Si pones calorem in cœlo formaliter, ut loquuntur, non effectine tantum: pones etiam frigus. Ergo erunt in cœlo contraria formaliter. Igitur erit aliquod genus, quod de Sole & Saturno, verbi gratia frigidum predicabitur, tanquā de affectibus a certis differentiis procedentibus. Erunt enim inter se Sol & Saturnus agentes & patientes. At hæc absurda sunt. Ergo Calor est in cœlo ad effectum, non pro affectu: & sic a non calido fit calidum Scaligero. Ratio III.

Contraria quædam poni possunt in cœlo, eo non commoto: & quidem eiusmodi, quæ sub vno genere sunt. Si Aristotelicorum & Astrologorum vetus & recentior traditio examinata



applicetur ad logicam contrarietatem. Si nulla sunt contraria, nullæ etiam sunt differētes species sub eodem genere in cœlo. Vbi igitur ista vulgi distinctio cœli in mobile & immobile, in *ἑυαστον* & *ἀναστον*? Vbi distributio orbium illorum fictorum manebit? An non stellæ a se inuicem propriis dispescuntur differentiis? *Stella alia Planeta, alia fixa.* Vtraque sub vno genere specificam habet formam. Vt nihil referam de aliis etiam qualitatibus ab Astrologis in cœlo positis. Quod affertur de Saturno frigido, quomodo, & anan verum sit, suo loco speciatim ventilabitur.

II.  
Patricius.

Scaligero subiungo Patricium, hic quid statuat, non est obscurum, quia *astra, ignes, & ignea esse* suis quibusdam rationibus, & veterum traditione docet, vt partim in Ouranographia, & supra partim in hoc libello ostendimus.

III.  
Vallesius.

A Patricio discedo ad Francisci Vallesii sacram Philosophiam, qui cap. 29. Stoicos calorem alium quidem cœlestem, vt solarem, qui omnia generet, foueat, & ducat incrementum: alium igneum, qui omnia dissipet, & absumat, statuentes confutat, aitque: *Ego vero cœlestem calorem nullum esse existimo, nisi est etiam aliquod frigus cœleste, quod nullus ponit.* Omni enim calori frigus est contrarium: neque minus admotæ nunc refrigerantur, quæ a Sole, quam quæ ab igne sunt concalescunt. Quod si non minus solari, quam igneo contrarium frigus est, nisi illi dem est calor, frigus duo habet contraria: Sin autem alterum frigus etiam est, idq; cœleste, certe cœlum

non



*non minus sit corruptibile, quam aer, cum contrariorum sit capax, & utrumvis secundum naturam habeat, alterum præter naturam pati possit. Non igitur est calor ullus cœlestis: sed ut omne frigus ex elementis est, ita & calor omnis.*

Sed hoc argumentum minus calet, neque valet ad deturbandum cœlo calorem. Negatio scilicet contrarii frigoris imbecillior est, quam ut inferat negationem caloris in cœlo, tanquam vnico contrariarum qualitatuum receptaculo. Tritum quidem Logicis est, & naturæ conueniens, cōtrariorum vno negato, affirmari, non negari alterum. Deinde verum agnoscimus, omni calori frigus esse contrarium, at nō necessarium est, vbi vnum est contrarium, ibi quoque esse alterū, vel, si ibi non sit, plane cōtrarium alterū tolli e medio. Neque cōsequens est hæc connectio: Si frigori contrarius est calor elementaris, & solaris, frigus duo habet vera contraria, qua contraria. Calor contrarius est frigori, sed accipitur calor vt calor, frigus vt frigus, non vt est in cœlo, vel elementis. Neque quicquam falsi & inconuenientis habet docere, calorem esse frigori contrarium: calorem vero esse duplicem, vniuersalem & particularem, cœlestem & elementarem: frigus vero non ita distinguere. In corpore etiam nostro ceu microcosmo calor est communis & influens, deinde particularis & insitus cuiquam parti. Communis influens ex corde tanquam Sole, conseruat, alit, & tuerur augetque insitum. Vterque distinguitur ita, licet etiam vterque non habeat peculiare



frigus, ceu speciale contrarium. Non enim necesse est, si genera sint contraria, & vnu: sint diuersæ species, etiam alterius esse, oppositas illis diuersas species.

Digressio.

Quid igitur calor cœlestis seu solaris F. Vallesio?

Propos.

**N**Oua plane mihi hæc caloris gignendi est ratio a Vallesio excogitata. Respōdet pag.

Confirm.

37. & 38. Solaris calor nihil est aliud, quam calor ignis Solis fulgore, quo naturaliter trahitur, modificatus. Nam Sol cum sit corpus incorruptibile, necessario sit expers qualitatum corruptivarum, caloris, in quā frigoris, humoris & siccitatis. Non possit ergo calefacere, nisi per aliud & accidente quodam. Quid vero sit illud, cuius accessu calorem inferat, potius quam, quod a Philosophis omnibus statuitur. per se ac primo calidū? Si enim Sol per accidens calidus est, ignis vero, quod primo ac per se, necesse est, causam caloris illius ad hunc referri. Est vero hoc ipsius ignis natura valde congruens. Cum enim inter elementaria corpora igneum solum cœlestem imitetur fulgorem, ipsum vero ita, ut plurimi veterum Philosophorum ob eam similitudinē, astra ignea esse suspicati sint, fit valde cōsentaneum, ut similitudinis illius causa, facile trahatur ignis cœlesti lumine, quod etiā vestigium quoddam diuinitatis eius corporis est. Maxima ergo ignis pars cum lumine Solis circa terram voluitur, comitaturq; circumuentē diem, quod indicant illa verba capitis 1. Ecclesiast. Oritur Sol & occidit, & ad locum suum reuertitur, ibique renascens gyrat per meridiem, & flectitur  
ad



ad Aquilonem lustrans uniuersa in circuitu, pergit spiritus, & in circulos suos reuertitur. His verbis aperte dicitur spiritum illum, quem indicatum est, esse ignem, circuire simul cum ipso Sole. Nam nomine spiritus non est verisimile vocari Solem ipsum. Nam preterquam quod esset repetitio inutilis, vocari ita non potest. Nam neq, quod tennis, neq, quod inuisibilis, neq, quod animatus & uiuēs, cum nihil horum sit. Circuit itaq, ignis ut ipse Sol, estq, eius comes. Quo fit, ut dies, atq, omnino lux omnis calida: nox atque omnino tenebra frigida sit. Hic ipse igitur est solaris calor, qui cum ad materiam accedit moderatus, coquit, ac nutrit: alioqui si copiosus atque destitutus humore accedit, etiam urit. Vnde etiam constat, non esse aliam diuinitatem solari calori, sed eundē penitus esse & igneum. Hæc Vallesius de calore solari.

Hic aut sunt consideranda duo. Primum est argumentum negans, Solem per se calefacere, sed per ignem suum secum vectum comitem, adeoque calorem non in Sole esse demonstrans. Est autem: Quia Sol & sydera sint corpora incorruptibilia: calor vero sit corruptiua qualitas.

I.

Si expenduntur diligentius, quæ primi Philosophi seu Theologi de cœli & mundi corruptibilitate docent, prodit sese infirmitas argumenti. Concedēda enim est ex tot testimoniis sacrarum literarū aut corruptio substantialis, aut qualitarum immutatio. Vtramuis corruptibilitatem astris cōcesseris, quælibet sufficit ad infirmandū huius argumenti robur. Nā de qualitate hic differitur. Quid quod Soli, Lunæ &

M



& stellis expresse obscuratio a Christo & Prophetis accessura dicatur, eaq; absque dubio singularis, & in ipsum corpus Solis incidens. Ridiculi (inquit Frischlinus in sua *Astronomia*) sunt, qui verba Christi prophetica trahunt ad Ecclesiam, quæ prædici, sed præmonstrari possunt: propter certum naturæ ordinem, & propter verbum Dei: quod astra in suo cursu non possunt transgredi, teste regio Psalte. Quin imo ut viderent posteri Christum non loqui de rebus vulgaribus, addidit ipse, appariturum esse filium hominis, & stellas de cælo casuras, & virtutes cælorum concussas iri.

- II. Alterum est confirmatio affirmans, *Solem perire, accidens calefacere, per ignem scilicet suum comitem*, quod ponderandum est. Affirmans hæc confirmatio nititur duobus fundamentis, quorum prius est: *Ignem cælestem imitari & comitari fulgorem*. At quis est ignis Vallesianus? describitur pag. 36. quod sit spiritus ille incubans aquis, tenuissimus, visum & sensum fugiens, nullam peculiarem habens regionem & sedem in mundo. Dubium æque est argumentum tertium, atq; ipsa quæstio. Theologi pleriq; non recipiunt illam de spiritu incubante aquis interpretationem ignis. Et ignis hanc inuisibilem essentiam nunc aliis discutiendam relinquo. Qui ignis si non esset ostenditur, comitatus eius & vectio intercidi plane. Non entis nulla sunt accidentia. Certi parum aut nihil: quippe ruinosa basis. Posterius est testimonium *Ecclesiast. cap. 1.* ubi versio Latina vulgaris habet: *pergit spiritus, &c.*

Verum



Verum ut in aliis multis locis, ita etiā hic decipitur aliqui bonus auctor. Cōsulamus fontes, missis malis versionibus: sic inuenimus: *Et Sol oriūtur, & occidit, & ad locum suū reuertitur, ubi oriatur.* VENTVS ad meridiem se confert, & Ventus ad Aquilonē reuertitur, subinde circuit, & in orbem reflectitur. Fateor tamen in Hebræo esse longum hyperbaton: vnde & interpretes plerique priorem partē, nempe *Ventus, &c.* Item gyratur, ad Solem referunt, qui hyeme ad meridiem, æstate autem ad Aquilonem accedit. Hac de re etiā alibi disseruimus. Relicto Vallesio abimus ad Bened. Pererium, qui ita ait: *Sol & astra calefaciunt, non quod per se calida sint sed quod vim habeant gignendi calorem in rebus sub-lunaribus eius qualitatis capacibus.* Non enim inusitatum est in natura, agens aliquod facere tale aliquid, quale ipsum non est: quam multa facit Deus sui dissimilima? an non torpedo piscātis manum per arundinem stupefacit, cuius stuporis nec ipsa, nec arundo est particeps? Nonne in confesso est apud Philosophos & Theologos, duplicem esse productionem effectus, alteram vniuocam, in qua produciens similitimum est rei productæ, alteram æquinocam, in qua utriusque magna est dissimilitudo? atque hanc rationem productionis in præstantiorib. causis efficientibus esse cernimus. Quid est in his, quæ intra Luna gyrum continentur tam dissimile Solis, ad cuius tamen generationē vis & efficientia eius non pertineat? nam si quia Sol calefacit, propterea necesse est, ipsum esse calidum: Ergo cum Saturnus, ut plerique autumant, vim ha-

IV.

Pererium



beat refrigerandi, erit quoque frigidus, & ob hæc  
 causam Soli contrarius: eritque inter hæc sydera  
 mutua actio & passio, & quæ his necessario conse-  
 quens est, corruptio. Hæc Pererius. Frischlinus  
 ab Aristotelicis decretis stans, negat etiam cor-  
 poribus cœlestibus inesse qualitates sensibiles, &  
 contrarias, & ridiculos eos omnes proclamat,  
 qui soli credunt inesse calorem, & vim calefacto-  
 riam. Ridiculos illos deridet, qui credunt, Solis  
 corpus esse huiusmodi, ut admota ferula Prome-  
 theus inde potuerit ignem focalem auferre. Ridi-  
 culus etiam ei est Vitruuius, qui Saturnum pu-  
 tat esse frigidum, propter vicinū cœlum aqueum.  
 Nam ista omnia a simplicitate & puritate cor-  
 porum cœlestium sunt longe alienissima. Stel-  
 la enim a stella differt claritate, non qualitatib.  
 sensibilibus & tactibilibus, aut etiam sibi inui-  
 cem contrariis, puta calido & frigido, humido  
 & sicco: siue potius facultatibus contrariis, ca-  
 lefaciendi, frigefaciendi, humectandi, exsiccan-  
 di: vnde etiam illa temperamentorum existat  
 in rebus elementaribus, & nostris quoq; cor-  
 poribus varietas, ingeniorumque & volunta-  
 tum & studiorum diuersitas. Hæc ita Frischli-  
 nus pro sua opinione: sed progredi placet.

#### Disquisitio II. Quæstionis

*An Lux & Lumen efficiant calorem cœlestem?*

**I**N schola Peripatetica quoniam Sol non calet,  
 & sydera neque calida sunt, neque frigida, &  
 tamen Sol calefacere dicitur, adeoque a non calido  
 calor fieri, quaeritur, quomodo igitur, & per quid  
 cale-



*calefaciant astra?* Variè hic disceptatur opinio-  
 nes. Quidam igitur existimant, *Lucem & lumen*  
*syderum esse causam celestis caloris.* Horum o- Rhodig.  
 pinionem & rationes primum proponemus. Frischlin.  
 I. Magnus ille Rhodiginus Cælius docet, refe-  
 rente Frischlino, *calorem lucis quandã esse qua-*  
*litatem.* Nam lux incidens in corpora densiora,  
 & proinde etiã frigidiora, penetrat illa suis ra-  
 diis, & penetrando rarefacit atq; extenuat. Quo  
 igitur rectior est lux incidens in aerem, & quo  
 aer est tenuior, eo magis redit ad calorẽ suum;  
 eoque plus amittit de humore suo. Nam calor  
 & humor propriè sunt aeris qualitates, nõ cœ-  
 litus aduentitiæ. Cum autem per æstatem no-  
 ctes sint breuiores, minus spissescit per illas aer:  
 & citius rarescit atq; calefcit radiis Solis in ip-  
 sum rectius, quam per hyemem incidentibus. Duplex vis  
 solaris lu-  
 cis.  
 Duplex igitur vis est lucis solaris: *vna* illustran-  
 di aerem suis radiis: *altera* penetrandi densiora  
 & spissiora corpora, eaque rarefaciendi, atque  
 hoc modo latentem in illis calorem natium  
 excitadi. *Prior vis* fit κατὰ σχέσιν, καὶ κατὰ τὴν ἐ-  
 ξαίφνης φύσιν, *posterior* fit κατὰ ἐξιν. Nam Sol supra  
 horizontem emergens subito totũ hemisphæ-  
 riũ, subito radiis suis illustrat, sed nõ subito exte-  
 nuat spissa, non subito consumit humida & va-  
 pida, non subito excitat calorem in rebus. Sic-  
 ut enim fax illata cœnaculo, repente totum il-  
 luminat: ita quoque Sol repente totum hemi-  
 sphærium suis radiis illuminat: & sicut fornax  
 paulatim calefacit totum hypocaustum: ita Sol  
 paulatim aperiendo & relaxando spissiores par-

Duplex vis  
solaris lu-  
cis.

Simile a fa-  
ce illata cœ-  
naculo.  
Item a for-  
nace.



tes, easque discutiendo vi luminis calorem in aere generat.

De sententia igitur Rhodigini & Frischlini *lux calefacit penetrando radiis, & sic rarefaciendo & extenuando.* Lux igitur proprie illis non calefacit. Lux enim est qualitas corporis lucidi, & quidem ei intime inhærens. Si autem lucis qualitas esset calor, lucidi quoque corporis esset qualitas. Si qualitas inesset & inhereret corpori lucis pleno: Ergo & calor inesset soli & sideribus. Lux igitur, ut lux, & qualitas corporis lucentis, non est subiectum caloris, nec per se proprie calorem efficit. Iam a luce funditur radius, & lumen, ut supra ostendimus (quamvis nonnulli hic dissentiant, & lumen radiumque non distinguant, lumen item imaginem lucis esse dicant) Lux ergo si calorem gignit, gignit per radios & lumen (& hic, o bona veritas quam obtutus tuus est difficilis videnti, quantam discrepantia opinionum) & quidē ipsa a calore plane vacua diffundit radios caloriferos. At quomodo? Radii lucis penetrant corpora densiora, penetrando rarefaciunt, rarefaciendo calefaciunt. At quis hæc ita esse persuasus est? Audio modū sed modi firmā basin non audio. Dubitari posset, an densa corpora penetrant lucis radii, cum cōstet eos reflecti. De aere quod dicitur, eum Solis affectū radiis redire ad propriam suam naturam, dubio non caret, ut vidimus in Ouranographia: siquidē an calor sit aeris qualitas nativa adhuc sub iudice lis hæret. Sed hæc acutioribus oculis perspicienda committo.

Iulius



Julius Scaliger Exercit. 75. de hac re differit Iul. Scaliger multis aduersus Cardanum, vbi ita definit calorem coelestem: *Calor est accidēs a corpore celesti generatum, ac per coelum absq; vlla cœli affectione delatū ad aerem: idq; non per lumen, sed & cum lumine constans & sine lumine. Non enim, necesse est, ubicunque sit calor, ibi lumen esse. Lucceret enim terra noctu: noctu namque calida est si calor esset essentia luminis, &c. postea: Radius in terrā delapsus calefacit ipsam: Sole occaso, radius abest, calor manet. Item: Quid quod si calor fieret per lumen, esset caloris subiectū lumen. At nequit esse. Species enim siue imago (secundum Cardanum) quomodo poterit reale deferre qualitatem?*

Bened. Pererius suam ita aperit mētem: *Ar-* Bened. Pererius.  
*bitramur astra luce sua calefacere: quæ quāto copiosior & abundantior est in Sole, quam in ceteris stellis, tanto potētior illis est ad calefaciendum. Ergo caloris vis & causa quidem est in Sole, scilicet lux, non autem calor ipse. Extra se ergo lux calorem gignit. Et vel forma, vel proprietās Solis formalis non in formato, vel proprio subiecto, efficit proprium effectum. Sed lux astrorum, quæ vel forma, vel proprietās eorum est, ita agit extra se, ut non agat apud se: ita afficitur extra subiectū suum in lumine seu radiis a se dispersis, ut in se tali affectione plane careat. Vis proinde producendi calorem est in Sole per lucem, at illa vis & facultas non exseritur a luce in Sole, sed a luce per effusum radium & lumen. Ergo immediate radiorum & luminis extra Solem sparsi est calor. Quod an ita sit, dispeream, si certo sciam.*



Ad obiectionem, qua Sol & sensu, & experientia effectus ipsius calidus deprehendi arguitur, respondet, corpus omne, quod calefacit, indicari debere esse calidum, nisi contra esse, vel sensus, vel ratio ipsa demonstret. Sensus quidem, sicut in vino, quod licet epotū viscera inflammet & adurat; tactu tamen frigidū esse cognoscitur, quare non actu calidum esse, sed tantum potentia iudicandum est. Ratio autem, sicut in astris, quæ cum natura consentit incorruptibili, fieri non potest, ut naturam igneam, aut calorem in se habeant.

Collegium  
Conimbricense.  
I. Pronuntiatum.  
Probat. I.

Collegium Conimbricense non dissentit, quod totam hanc quæstionem duobus enodat pronuntiat. I. *Lux suapte natura (ait) efficit calorem.* Hoc pronuntiatum probat, I. quotidianis experimentis, quia videamus inferiora corpora Solis luce calefieri. Nec id tantum in Sole, sed in Luna etiam cernere est. Ideo enim, teste Aristotele lib. 4. de part. animal. cap. 5. noctes plenilunii tepidiores sunt, quia tunc Luna, ut vberiore, ex se lucem refundit, ita subiectis corporibus plus caloris imprimi. Idcirco etiam per id tempus animalia ex sanguine, & frigidioris naturæ, ut ostreae, conchylia, & echini, pleniora existunt, quia minus læduntur a frigore, & ut quibusdam placet, ope eiusmodi caloris lunaris plus cibi decoquunt. Alii tamen non indocti dicunt, noctes plenilunii etiā propter lucem esse istis animalibus ad venandam & captandam escam aptiores & tutiores: & inde fieri pleniorum in eorum crustis carnis repletio-



pletionem, quia luce lunæ adiuta tutius & melius pascantur, & plus alimenti capiant.

II. Aristotelis auctoritate, qui ait libr. 4. De gener. anim. cap. 2. vt sol per totum annum, æstatem atque hyemem facit: ita luna per mensem: non quidem accessu discessuque vt sol, sed incremento ac decremento luminis. Nimirum, quia vt sol æstate plus calefacit, hyeme minus: sic & luna, dum est plena magis, intensum parit calorem, reliquo tempore minus intensum.

II.

Secundum pronuntiatum est: *Radius compositus ex directo & reflexo magis calefacit, quam solus directus.* Probatur tum ratione, tum experientia. *Ratione*, quia vt istiusmodi radius intensior est, ita intensiorem effectum parere debet. Reflectitur autem radius cum incurrit in corpus opacum, a quo ne ulterius procedat, impeditur: tunc enim radius longiorem illum progressum, vt potest, compensat in se redeundo. *Experientia*: quia vna e causis, ob quas infima aeris regio magis calet, quàm media, est, quia in infimam fit a terra reflexio solarium radiorum, quæ tamen ad mediam non pertingit. Ideo etiam sol plus æstate quam hyeme calefacit, & plus cum est supra nostrum verticem. &c.

II. Pronun.

Probatur.

I. Ratione.

II. Experientia.

Hæ rationes afferuntur ab illis, qui in collegio illo Conimbricensi profitentur.

Ex Scholasticis tamen Doctoribus Durandus opinatur, *lucem ex se tantum illuminare, nec vi sua calorē ex se producere, sed duntaxat merito corporis, in quo inest, si virtute calidum sit.*

Durandus.

M 5



Opponunt etiam nonnulli has obiectiones.

I. Obiect.

*I. Cum omnis causa est prior effectui, esset lux calore prior, atque adeo calor non esset qualitas prima contra commune placitum Philosophorum.*

Respon.

Respondetur ita: calor, frigus, &c. dicuntur qualitates primæ, non quod inter omnes simpliciter primæ sint, sed inter omnes sensibus per se obnoxias, & quæ corporibus sublunaribus tanquam proprie ac peculiare conueniant. Lucem autem, aiunt, non esse ex hoc qualitatuum genere: quia licet per se cadat sub aspectum, non est tamen propria sublunarium corporum.

Contra responsum.

Non sane hoc responso uteretur, ut patere potest ei, qui Somatologiam de primis qualitatibus perlegit. Certe lux est maxime visibilis, & quidem per se, & faciens ut reliqua videantur. Deinde lux etiam quedam in sublunaribus ignis, aliisque. Neque vereor luci cœlesti commune attribuere genus, licet Optimus Scaliger luci neget Prædicamentum, eo quod non habeat genus. Arbitror tantum virum hac in parte magis Aristotelicis & Auerroisticis inuigilasse cogitationibus, quam luci logicæ veritatis. Et non est inepta responsio per aliam distinctionem primarum qualitatuum dictarum. Deinde ratione conditi mundi, & ordinis diuini in creando, prior fuit lux calore.

II. Obiect.

*II. Si lux esset causa efficiens caloris, sequeretur corpora, quanto sunt lucidiora, tanto plus calefacere. Siquidem ex maiori perfectione causa naturalis, maior effectus præstantia arguitur. At quod*



quod res secus se multo habeat, inde constat, quia  
Iupiter, Venus & Luna sunt clarissimi Planetae:  
& tamen non ita magnam calefaciendi vim obti-  
nent, sicut alia minora astra ut Syrius, qui calore  
& exustione infamis est.

Respon. Corpora quo lucidiora sunt, eo  
magis calefaciunt, modo cetera paria, nec ali-  
unde impediuntur, quod quibusdam astris di-  
citur contingere. Namque aut vehemens, in-  
quiunt, refrigerandi vis alioqui eis insita, non  
finit ipsa pro suae lucis amplitudine calefacere.  
Vel etiam potestate influxuque aliorum syde-  
rum, secundum alias atque alias coniunctiones  
& aspectus, ne tantum imprimere caloris va-  
leant, cohibentur. Hoc an verum sit, dubitatur  
adhuc: infra excutietur.

III. Si luminis inesset facultas calefaciendi, in-  
esset quoque facultas exsiccandi, cum calor euapo-  
rando exsiccare soleat. At quod luminis ea facultas  
non insit, probatur. Quia luna in plenilunio cum  
plus habet luminis, solet humores ciere, non autem  
exsiccare. Unde est, quod ii, qui destillationibus  
laborant, ledi se tunc a luna sentiunt.

Respondetur per negationem. Non enim  
calor omnia corpora exsiccatur, cum planum sit  
calore solis & ignis lutum obdurari, ceram li-  
quesieri. Deinde sciendum est, lunam tum pro  
ratione lucis, quam tunc possidet, & coniunctionis  
aspectusve aliorum syderum, tum pro conditio-  
ne sub eorum, in qua influit, nunc humores in  
inferioribus corporibus mouere & consumere, nunc  
non consumere, sed mouere tantum, nunc neque

Qua haec est  
Philoso-  
phia? Vni  
eidemque  
stellae inest  
naturaliter,  
& vis refri-  
gandi, &  
vis calefa-  
ciendi, secun-  
dum idem,  
ad idem, &  
eodem tem-  
pore. ita et-  
iam, ut al-  
tera sepe ali-  
teram af-  
fligat.



*mouere, neque consumere, quod experimentis constat. Ex quo tamen minime concluditur, lunam neutiquam suo lumine calefacere, sed effectum caloris quem producit, ob prædictas causas, varie modificari. His addunt hoc, luna in res humidas dominium non videri ad eius lumen duntaxat, sed ad alias etiam occultas vires, quibus pollet, referendum.*

**IV. Obiect.** *IV. Quod saltē non omnis lux calorem gignat inde suadetur: quia quadam astra habent potestatem refrigerandi, ut Saturnus. Quare si eadem calefacerent, sequeretur idem corpus ab eis calorem & frigus percipere: siquidem causa cælestes non dissipant suos influxus in alia atque alia subiecta, sed eos pariter, ad unam eandemque partem dirigunt.*

**Respon.** Respondetur vulgo, non posse idem corpus calefieri & refrigerari simul ab eodem astro, siue a diuersis, sed eam vim, quæ fortior est, præualere, & unam tantum eodem tempore in idem subiectum agere, spectata nihilominus natura, statu, dispositioneque subiectorum, quæ sæpe in causa est, ut huius non illius agentis impressionem accipiant, & ad hanc non ad illam qualitatem promoueantur.

**V. Obiect.** *V. Idem ostendi potest in multis aliis, quæ cum luce prædita sint, nullū ab eis calorem oriri sentimus. Eiusmodi sunt complures gemma, quercus putrida, squame pisciū, cicindela, & animalium quorundam oculi.*

**Respon.** Respondetur, omnia, quæ lucem obtinent, habere, quantum in se est, vim aliquid caloris impri-



imprimēdi in ea corpora, ad quæ lumen transmittunt; verum vt in plerisque maxime inferioribus corporibus, id lumen perexiguū est, ita & calor, qui eius interuentu producitur, quo fit, vt plerunque is præ sua tenuitate non deprehendatur.

Hæc hæctenus illi ita disputant, qui Telesio homini opinionibus mirabilibus mirabili, sunt Periparetici iuniores hac in quæstione noua cudentes ab Aristotelis placitis dogmata: siquidem existimat ille, calorem non a solis modo motu, sed ab eius etiam luce fieri, non Aristoteli, sed iunioribus visum esse Aristotelicis, illosque nouos excogitasse modos, quibus non calida lux nihilominus calefaciendi viribus sit ornata. *Quid igitur Telesius?* Homo equidē, vt ingeniosus, ita singulariter mirabilis cœlū vniuersum ex calore, ait, constare, ideoque ait libr. 4. cap. 17. calorem, qui a sole ad nos aduenit, & quæ eum perpetuo comitatur, penitusque ei infixæ est, lucem haud in aere fieri, a stellarum motu contrito, sed ab illarum, & præcipue solis substantia emanare. Statim autem in initio suarum de rerum natura commentationum contendit, Solem esse a calore constitutum, terram a frigore. Vt Cæsalpinus expertus est Taurelli cæsiōē: ita & Taurello indiget Telesius. Sed pergā eius de calore stellarum exponere opinionem, quam recenset cap. 11. lib. 4. vbi censet, statuendum esse, igneum solem, caloremque & lucem, quæ ab eo ad nos accedit, nihil minus solis propriam, & a sole ipso effluere, quam calorem lucemque, quæ ab igne emanat, ignis propriam, & ab ipso igne fieri.



Telesius ait  
calorem esse  
se ipsam lu-  
cem & fa-  
ciem calo-  
ris esse lucē,  
quod acriter  
impugnat Scali-  
ger.

Et quidem eo amplius, quod caloris robur lucis  
robur copiamque perpetuo sectari appareat. Nam  
si qui a luce fieri videtur calor nequaquam lucis  
is est, sed caloris, qui assidue a Sole emanat, cuius,  
(ut suo amplius expositum est loco) facies est lux,  
quoniam non calor ipse, sed eius modo facies, lux  
nimirum nobis spectatur, ac caloris copia roburque  
e lucis tantum copia fulgoreque manifestari po-  
test, & caloris facies cum sit lux, ambigere non  
licet, quin ubi copiosior ea sit, calor etiam copiosior  
ibi fiat: quin propterea copiosior fiat lux, quod co-  
piosior factus est calor. Quoniam tandem lux,  
que spectatur, ipse est calor, licet utique caloris  
progressum actionemque & copiam in luce intue-  
ri. Nam non lucem modo a Sole, sed calorem et-  
iam emitti, & calorem, qui a luce fieri videtur,  
non ab ipsa luce, sed a calore fieri, cuius ipsa facies  
est, ambigi non potest: siquidem aere vaporibus  
nubibusque ita obsepto, ut nullus per eas luci adi-  
tus pateat, & rebus nostro igni apposis quantū-  
vis densis, & quas nulla permeet lux, idem tamen  
ab utrisque, & vehementior interdum fit calor: &  
vel ab obscuris, sed calidis rebus veluti a lucidis  
assidue emanat calor. Sese nimirum incessanter  
amplificandi facultate præditus, & lucidus sui  
natura calor, e subiectis, quibus inest, nihil in eis  
imminutus unquam, assidue sese incessanterque  
effundit omnibus, & omnibus, que attingit, sese  
indit, & in quibus nihil a materia opacitate  
obscuratur, lucidus conspicitur. Quapropter  
calida sentitur lux, nequaquam (ut opina-  
mur) calida ipsa, nec propriis, sed caloris (cui  
inhæ-



*inheret, & cuius facies est) viribus calefaciens.*  
 Hæc si non faciant satis tuo gustui, adeas ipsum  
 Telesium lib. 4. cap. II.

Quæstio III.

*An ideo lux calefaciat, vel quod a reflexione lux irri-  
 retur, & ita irritata calefaciat, vel quod aer sit ro-  
 nuis, tenuitatis autem subiectum caloris, vel  
 quod lux non calida reflexione  
 calefaciat.*

**Q** Vidam perperam, irritari a reflexione lu-  
*cem & irritatam calefaciendi vires affu-  
 mere, asserunt.* Nam neque (quod maxime o-  
 portebat maximeque opus erat) cūr stupida eis  
 lux, vbi vltcrius progredi prohibetur, irriteretur,  
 nec vnde calefaciendi vires, quas neque ipsa,  
 neque id, a quo resilit, habet, irritatæ accedant,  
 nos docent vnquam: & quam longissimæ abes-  
 se videtur docere, vt nos possint. Neque inte-  
 gram explicant rem, non scilicet caloris omnis  
 quem lux facit, causam reddunt, sed veluti di-  
 midil, eius nimirum modo, qui a reflexa ea fit,  
 non eius etiam, qui ab accedente ea manifeste  
 fieri sentitur: simul enim ac contingit nos lux,  
 non calefieri ab ea modo, sed quasi a iaculo fe-  
 riri nos sentimus. Calor adeo nullo temporis  
 factus momēto, non ab accedente ea, sed a re-  
 siliente, & proximum aerem calefaciente fa-  
 ctus esse, iis tantum videri potest, qui posizio-  
 nis tuendæ amore capti, atque adeo obcæca-  
 ti sunt.

Nihil iis melius, *qui aerem calore a luce do-  
 nari, quod tenuitate proprio caloris subiecto, do-  
 metur, contendunt.* Nam & ipsi nihil quomo-

I.  
 Telesii di-  
 sputationē  
 videris cap.  
 17. lib. 4.

II.



do ab incorporea & minime calida retenuior fiat aer declarant, declarandum omnino: quæ enim tenuiora fiunt, vel a calidis rebus, vela densis conterentibusque tenuiora fiunt: vt si a luce tenuior fieri videtur aer, calida ponenda ea sit. Tum nequaquam tenuior factus aer, calidior etiam fit, quin secus euenit: quo enim tenuior fit aer, eo & calidus fit minus, vt qui calorem minorem concipiat. Minime præterea imaginari licet, *aerem vniuersum, qui inter nos exorientemque solem medius est, nullo illo temporis momento, quo illius lux nos calefacit, ab ea attenuari, atque etiam calefieri.* Ratio postremo omnis vanissimo innititur fundamento. Neque enim natura agens vlla materiæ dispositionem consequitur, ibi nimirum fit, vbi eius ingenio concinna illa facta est propriaque: sed ipsa agens natura se ipsam materię, tunc & dispositionem etiam, qua gaudet, imprimit. Vt, si calora luce & tenuitas aeri indi videatur, calidam esse lucem intelligendum necessario sit.

Hoc, reor, animaduertentes quidam, *fit quidem, inquit, a luce tenuior aer, & propterea etiam incalescit: minime tamen, quod ingenua tenuitate calor accedat, sed quod aer vniuersus multo amplior factus, ac longe ampliore opus habens loco, quaque versus vniuersus simul diffunditur & agitur, variis tandem commouetur modis, quo fit, vt incalescat.* Illud ei quidem incommodum vitant, quod non a tenuitate, sed a motu fit ipsis calor: at non reliquis modo omnibus, quibus illi, & amplioribus forte, sed aliis



aliis insuper ab illis seorsum premuntur malis. Forte enim minus his ratio reddi potest, cur non illustrata loca minus calefiunt. Nam si amplificatus a luce aer diffunditur commoueturque, & ideo calefit, æque vniuersus calefiat oportet, nihiloq; is minus, quem lux nihil contingit, quam ab ea illustratus contractusque. Quippe amplificatus a luce aer, non in seipsum colligitur, sed quaqua versus diffunditur & commouetur. Et lucem aquas densissimæque specula transuectam ignis vires speciemque assumere intuiti, nisi & aquam etiam, speculaque renuiora amplioraque a luce fieri, proptereaque iis agitari motibus, a quibus ita calefiat, vt exsiliemtem lucem in ignem agant propria, eam natura igneam esse, & splendidiorem calidioremque in aqua speculoque fieri, quod in iis magis in seipsum colligatur, statuatur oportet.

Omnium certe pessimi, qui huiusmodi asserunt esse lucis naturam, vt minime ipsa calidam sit, calefaciendi vires a reflexione assumat. Quandoquidem præterquam quod sensui vt primi repugnant aduersique sunt, qui (vt dictum est) accedentem directamque lucem manifeste calidam sentit, nihil vnde resilienti luci calefaciendi vis aduenit declarant, veluti eorum, quæ fiunt, non causas inquirere explicareque, sed euentus modo narrare propositum habeant. Quin non modus modo, quo resilienti luci calefaciendi vis inditur, explicandus iis erat, sed iis insuper, & nihilominus, quo

N

III.



eo robustior illa inditur, quo magis in se ipsam lux reflectitur. Quoniam enim, non quocunque modo reflectatur, æque calefacit, sed eo assidue magis, quo magis in se ipsam reflectitur, sibi ipsi nimirum vnitur magis, & ignis ibi instar exurit, vbi directæ in se ipsam resilit, a propria substantia & propriis viribus, non a reflexione assumtis calefaciat oportet. Neq; enim aliud magis a reflexione recta quā ab obliqua luci aduenire potest, nisi quod in illa veluti duplex facta propriis etiā viribus duplicatis donata est, secus autem vbi maxime obliqua reflexio fit, nihil enim quæ resilit accedenti vnitur, sed veluti in rectū progreditur, proindeq; vbi ita reflectitur lux, nihil reflexa accedente magis calefacit. Quamobrem nulli dubium esse potest, *nequaquam a reflexione calefaciendi viribus donari lucem, iisdem enim ab ea omni perpetuo donaretur, sed calida est ipsa, quæ perpetuo (ut expositum est) eo robustius calefacit, quo sibi ipsi vnitur magis, eoque maiores assumit vires, quo ipsa maior fit, & copiosior.* Hæc hæcenus Telsius disputauit.

## Quæstio IV.

*An celestis caloris causa sit motus?*

Quæst. I.  
An motus  
habeat vim  
calefaciendi.

I.

**H**ic quæstio est ventilanda duplex, Generalis vna, Specialis altera. Generalis est: *An motus habeat vim calefaciendi.* Constat certe communi Platonis, Aristotelis & reliquorum Philosophorum consensu, *corpora motu aliquando incallescere.* Id enim quotidiana experientia notum est: siquidem videmus, *tritu duorum lapidum,*



dum, & ferri ac silicis, imo & ossium leonis con-  
 flictu ignem elici, item igneos globos e tormen-  
 tis explosos, cum per aerem feruntur, interdum li-  
 quefieri, sagittas incendi, molas farinarias inar-  
 descere, currum axes igniri, soleas equorum scin-  
 tillare, aerem percussum quasi missilium iaculis  
 splendere, fulgurare constrictam nubem, exhalationem celeri raptu vectam micare, aliaque generis eiusdem. Constat etiam, ipsa maria crebro ventorum flatu agitata intepescere. Sensus itaque experientia manifestum, motu corpora calefieri posse. At non satis constat, quæ propria causa, & quis modus sit calefaciendi per motum corpora.

II.

Quæ propria causa calefaciendi per motum.

I.

I. Ex Scholasticis Doctoribus. Seraphicus ille sentit, motum localem eam habere prerogativam, ut calorem efficiat, quia est omnium motuum primus teste Arist. 8. phys. c. 7. Id autem quod primum est in quolibet genere teste eodem Arist. in Metaph. causa reliquorum habetur: Proindeque motum localem esse causam alterationis, præsertim primæ ac nobilissimæ, cuiusmodi est calefactio. Resp. Scholastici alii non recipiunt hanc explicationem, quippe quæ non satisfaciatur quaestioni: queritur enim, quo pacto motus localis calorem gignat? Deinde allegatum Arist. primum loquitur de primo in aliquo genere, scilicet non quovis, sed causæ (vulgo causalitatis.) Motus autem localis non est primus in genere causæ efficientis (de quo hic) respectu omnium aliorum motuum.

Respon.

II. Alter Scholasticorum Coryphæus Albertus causam eius ita docet: Cum unum corpus super aliud acri celerique agitato fertur, & ambo inter se colliduntur, aut distrahi ac rarefieri eo-

II.

1. Meteor. tracta. I.



rum partes, sicq<sup>3</sup> interuentu rarefactionis calorem excitari, propterea quod raritas prauia sit ad calorem dispositio. Quæ ratio ex eo videtur corroborari posse, quia cum aliqua perfectiones sibi mutuo connexæ uni corpori debentur (vti calor & raritas igni) sit plerunque lege quadam natura, vti unius generatio alterius productionem consequatur. Hæc sententia placet Zimaræ.

III.

III. Alius quidam ex Scholasticis facit quidam calefactionem asseclam rarefactionis, secus alio modo. Quippe ponit, mixta habere in se partes dissimiles, alias quidem subtiliores & calidiores, nempe igneas & aereas alias magis denses & frigidas, quæ scilicet plus terrea & aquea concretione in se cohibent: tum ait, mutuo corporum attritu fieri distractionem & rarefactionem partium atque ex rarefactione ortum caloris subsequi quia nimirum a centro ad circumferentiam corporis eliciuntur partes igneæ & aereæ calidiores diuulse a frigidis, quibus immixtæ erant. Sicque tam ad superficiem extimam, quam ad alia corpora contigua calorem fundere, nunc magis nunc minus intesum, pro ratione attritus & affrictionis ipsorum corporum, quæ atteruntur & confricantur.

I.

Sed hæc assertio aliis inuoluere quædam falsa dicitur, præcipue quod redoleat hæresin Democriticam, quæ somniabat fieri actionem particularem e corporibus exsistentium: deinde quod statuat actu formas elementorum in re mixta: tertio quod accipiat sola mixta, quæ partibus dissimilium rationum constant, calorem motu edere, quod falsum aiunt, exemplo aeris. Denique quod su-

II.

III.

IV.

ma



nat omnia mixta habere plus caloris in abditio-  
nibus partibus, unde ad superficiem euocetur, quod  
in omnibus verum esse plane negant.

Quid igitur statuit Schola Conimbricen-  
sis? Primo negat motum localem non esse forma-  
ter calefactionem, esse tamen aliquo modo illius  
causam, quod ostendunt experimēta, quorum  
supra mentionem fecimus.

I.

Schola Co-  
nimbric.

Secundo affirmant, motum localem efficere  
calorem, distrahendo prius & attenuando partes,  
etque inducendo raritatem, cuius comes est calor.

II.

deoque generationem caloris ex motu hunc in-  
modum procedere, aiunt: Distrahit motus localis  
partes corporis, quae distractae rariores manent, ra-  
ritatem vero calor sequitur. Videmus enim cor-  
pora quo solidiora sunt, ceteris partibus calorem  
promptius edere, ut ferrum magis quam ligna, aut  
lilia, quae molliori materia constant, & in lapidi-  
bus eos qui duriores sunt, & in metallorum genere  
halybem. Videlicet, quia inter haec aer magis at-  
teritur & attenuatur. Tertio edisserunt ita:

III.

Cum per motum localem gignitur calor, id quod  
ordinarie rarefcit, & calorem primo concipit, est  
interceptus siue allisus. Inde hoc probatur:  
quia calor, qui motu suscitatur, fit ut plurimum  
frictu corporum solidorum aerem intercipi-  
entium: ipsa vero corpora solida difficile in rarita-  
tem abeunt. Sed quid haec, dicat aliquis, ad cale-  
factionem, qua sydera calefaciunt? Parum pro-  
fecto, licet Aristoteles, & qui eum sectantur,  
fundamentum caloris sui coelestis in iis consti-  
tuant. Obiiciuntur vero quaedam contra haec,



que ita vulgo de calefactione per motum affirmata traduntur.

I. Obiect.

*I. Cum motus & quies sint contraria, & contrariorum contrarii sint effectus. Ergo si motus calorem efficeret, quies frigiditatem induceret. At hoc falsum est. Nam calor animalis quiete fouetur, ut videmus in colubris, alijsq; id genus animalibus, quibus cum bruma tempore calor sensim extinguatur, ad eum cōtuendum quiete sibi consulunt, & in latibulis, atq; in eodem loco quasi inter mortua decumbunt. Item, quia specula tunc maxime ignē edunt, cum non mouentur: & vniuersim, quæ ad Solem immota sunt citius incallescunt.*

Respon. I.

Respondent, quietem nō esse verum & positivum ens, quod possit vera causa efficiens alicuius rei esse: de quib. oppositis fatum Arist. proprie intelligi debet: eo tamen pacto, quo quies rationem causæ obtinere valet, utcumq; causam esse frigoris, quatenus est priuatio motus, qui calorem suscitatur. Quod autem nō nunquam calor per quietem in animantibus fouetur, ex eo est: quia sic declinatur alius, atq; alius occursum & attractus frigidorum corporū, ut explicat Arist. in Probl. sect. 8. proble. 12. Item quia sic vitiatur dispendium spirituum, in quib. calor insidet. Ut enim spirituum e recessu corporis euocatio exteriora mēbra calefacit: ita eorum in vicinia corpora defluxus calore membra destituit.

Respon. II.

Ad id quod de speculis, de his, quæ ad Solem immota sunt, obiicitur, dicendum: Solis radios non momento, sed tempore calorem gignere:

ac



actunc impensius calefacere, cum in ea parte quam ferunt, immorantur, & ab eadem in se ipsos reciprocant, geminanturque, *ut supra diximus*: quæ reciprocatio non ita fit, cum res huc illucque diuagatur. Quo patet, a quiete non per se calorem inuehi, sed prout res quiescens causæ calefacienti magis obnoxia redditur.

Secundo obiicitur: *localis motus nonnunquam frigus inducit: non est igitur causa caloris*. Probatum assumit. *quia per æstum aer flabello motus refrigerat, & aspiratione attractus mitigat feruorem cordis: & aqua calida si sursum ac deorsum agitetur, citius calorem deponit; & quæ per hyemem e scatebris erumpit tepida, paulo post motu reposcens friget: & ignis ipse nimis ventilatus exstinguitur*. Patet igitur quietem causam esse caloris, motum vero frigiditatis: atque adeo perperam dici, motum caloris causam esse.

Respondent, frigiditatem motu induci non per se, sed per accidens. Non enim aer æstiuo tempore flabellis ventilatus ideo nos refrigerat, quia ex motu per se frigus oritur: sed quia aer, qui nos ambiebat nostro contactu cōcalectus discutitur, atque aliorsum auertitur, ei que alius frigidior succedit. Quod & in respiratione, quæ cordis ventilatio quædam est, accidit. Iulius vero Scaliger his omnibus sententiam suam non aggregat. Exercit. 74. improbat in Cardano, quod scribat, *raritatem motum consequi, calorem vero raritatem*. At vero, ait, *Si ab aere aqua incalescit, ex illius calore cala-*



rem concipit. Et postea: Neque verum est, quemlibet motum esse causam tenuitatis. Fit etiam e motu nihilo secius condensatio. Haud ita pridem cogebas aquam descendere ad lumen capiendum. Ea profecto tunc densabitur. Tum si ascendet aer, cum obuius densabitur aere. Neque est necesse, ut in motu rarefiat: sed eadem quantitate, qua fuerit elatus, etiam poterit ascendere. Neque, quod ais, subtilitas caloris causa est. Non enim rarefacta calescunt omnia. Ignis enim dissipatus minus calefacit. Namque vis dissitis partibus disparatur. Aqua vero, qua motu calefit, concipit aeris qualitatem, per quam ad eius formam perducatur. Neque lapis acquirit calorem per tenuitatem. Non igitur calor omnis a tenuitate: Neque tenuitas omnis efficit calorem. Et exercit. 74. in specie agens de Solis calefactione ita differit. Hic alia quoque difficultas expedienda est, Sol calefaciat ne per se, an per accidens. Dicitur enim a quibusdam, tum ipse, tum alia sidera motu calefacere. Mihi contra videtur: Solem si non moveatur magis calefacturum, quod ut alibi diximus, manifestius est ex radiorum fixatione in rem stabilem, quam si moveatur. Etenim cauum speculum si moveatur, non concipiet ignem. Nihil autem differt, res ne calefaciens, an calefacienda moveatur, ad hoc probandum. Calefacit ergo per se. Quoniam calefactio primo, & per se, sine ullo medio copetit soli, tamquam primo corpori, caloris auctori, non tamquam subiecto primo. Elementis autem duobus per se quidem, sed secundario, & tamquam primis subiectis illius qualitatis. Hec quidem Scalig.

Zaba-



Zabarella, contra quam existimat Telesius, Zabarella.  
docet Aristotelem posuisse duos modos, quibus cœlestia corpora calefaciant hæc inferiora, quorum vnus fiat per motum, alter per lumen & radios. Retexit autem primum Aristotelis modum in hunc syllogismum: *Motus velocissimus solidi corporis per aerem factus disgregat, & accendit ipsum. Sol autem & astra sunt corpora solida, & satis propinqua aeri, & celerrime mouetur. Ergo disgregat, & accendit aerem, & ita calorem generat suo motu.*

Propositio declaratur ab aliis falso, ab aliis vere. Falso declaratur ab iis, qui rationem gignendi caloris a motu, aut ponunt absolute in motu, quatenus est motus, aut quatenus est localis motus. Quia facere calorem neq; motus absolute sumti, neque localis motus naturam per se sequitur.

Vere putatur Zabarellæ declarare modum, qui dicunt motum facere calorem non per se, sed per accidens, hoc est, non primario, quatenus est motus, sed per aliud & secundario. Tunc enim calorem facit, quando rarefacit, extenuat, & atterit partes aeris. Ergo per rarefactionem & attritionem generat calorem, hoc est, per illas conditiones, per quas attenuat & atterit.

Obiicitur. Si hoc ita est, sequitur, attritione esse immediatam causam caloris. Quia si motus non per se, sed per attritionem calefacit: attritio igitur est causa per se caloris. At hoc non est concedendum. Videmus enim calorem potius esse causam tenuitatis, & raritatis: agens enim calor in a-

Obiectio I.



*quam extenuat eam, & in vaporem conuertit.*

Resp. Existimat Zabarella calori tanquam primæ qualitati principem esse locū tribuendum, proinde ipsum esse causam raritatis & tenuitatis effectricem, sed non raritatem esse causam caloris. Respōdet autem ad obiectum, calorem & raritatem, se mutuo consequi, vt causam & effectum reciprocabiles, dum cōsiderantur in simplicibus, non in mistis, quorum alia est ratio ob contrariorū elementorum concursum. Ergo quādo dicitur motus facere calorem per rarefactionem, nō intelligitur raritas & tenuitas esse causa caloris proxima, sed potius effectum & præparatio ad calorem cōcipiendum. Hac de obiectione plura videris in Zabarella.

Hæc de propositione Aristotelica: Assumptio sane impetitur argumēto valido, in quo dissoluendo varie & misere sese macerant Aristotelici defensores.

Obiicitur.

Ita autem contra assumptum obiicitur: *Motus solidi corporis tunc tantum atterit, quando non modo prope est, sed etiam tangit. Omnis enim actio naturalis per contactum fit. Sol autem & cetera stella non tangunt inferiorem mundum. Ergo illa mundum hūc per attritionem, quia ipsa non tangunt, calefacere non possunt.*

Hic excruciat se Aristotelis caufidicus Alexander Aphrodisæus, & Auerroes.

I. Respons.  
Aphrodis.

Alexander duplici responso defendere Aristotelem annititur. Prius est: *Non inconueniens esse, dari in natura aliquod agēs, quod agat in extremum, cum illud non tangat, neque agat in medium.*



*dium.* Idque exemplo satis noto confirmat: *piscis enim vocatus torpedo stupefacit manū piscatoris, dum adhuc retibus inclusus est, nec manū piscatoris tangit, nec agit in rete medium: certum enim est, rete non stupefieri, neque esse capax stuporis; sic igitur etiam Sol per orbē Luna medium calefacit inferiorem mundum, licet neque ipsum tangat, neque orbem Luna calefaciat.* Respondēt plerique negando. Quia aduersatur Aristoteli, qui voluit, non posse agens naturale agere in extremum, quin prius agat in medium, propterea, quod necesse est, omnem actionem naturalem fieri per contactum. Ad illud autem, quod de torpedine dicitur, inquit, falsum esse id, quod Alexander ait, *torpedinem in rete medium non agere*, siquidem necesse est, imprimi in rete aliquam affectionem, quę postea piscatoris manum stupefaciat; eaque an sit stupefactio, an aliquid aliud, non est curandum; satis enim est, si aliqua affectio retib. imprimatur, a qua stupefiat manus piscatoris: est enim fortasse refrigeratio vehemens, a qua retibus impressa stupor in manu piscatoris generatur.

Hinc est, quod respondeat Telesius: *Nec vltimum dubium esse potest, quin torpedinis actio, qua piscatorum manus torpent, retibus prius communicata sit atque infixā, & si nihil ipsa torpere videantur, veluti nec si succis perfundantur, qui animalibus somnos faciunt, quin madafacta iis sint, quamuis non dormiant. Quę sopiri torpereve vis, sopiri torpereve apta sint, oportet, tantumque insuper patiantur, quantum ut singula sopiantur tor-*

Respondetur.

Resp. Tele



peantve, necesse est. Si igitur non & retia veluti piscatorum manus torpent, inde est, quod vel torpere inepta sunt, vel quod ut torpeant magis, pati oportuit, non quod actio, quæ piscatorum manibus torporem intulit ipsis, non sit prius communicata infixaq;. At neque si detur Aphrodisæo, incorporea qualitatis actionem & qualitatem ipsam ad remotum quid transuolare media nihil afficiens, nec illis quicquam communicata, ut contritio etiam, penitus scilicet corporea passio, & quæ nihil aliud sit prorsus, nisi durioris corporis in molibus impressio, & mollioris cessio dissipatioq;, in sublunari aere a remotissimo Sole fiat, intermediis orbibus nihil contritis, dari certe nullo modo potest, quin maius omnino videtur, quam ut humano animo concipi queat.

Respons. A-  
phrodys.

Posterius Alexandri Aphrodisæi respōsum est, Solem in orbe Luna producere motū. Verum Zabarella negat Lunam moueri a Sole. Verba Aphrodisæi sunt hæc: Quin & si alienam lucem suscipere passio est, & Luna quid a Sole patitur ab eo illustrata. Nihil igitur absurdum, & a Solis motu cœli partem ei proximam, non ita tamen, ut secundum formam substantiamq; immutetur, ignescere, & per hanc subiecto corpori passionem subministrari, ut & ipsum ignescat, cum præsertim diuinum corpus Soli suppositum non sit æque purum syncerumque, ut ipse etiam affirmat. Aristoteles: taie autē quod est, a se ipso differt, &c.

Respons.

Respondet Telesius: Vehementer certe incusandus Aphrodisæus, qui calorem e cœlo ipso emanare intuitus, proprium ei dare reformidarit, alienum dede-



dederit libens, a quo nihil minus, quam a proprio corrumpatur forte & magis. Neque enim calidum si sit cœlum, ne corrumpatur, periculum imminet ullum, nulla ibi nec usquam contraria cum adsit natura, a qua summus ipsius calor exsuperari queat. Neque igitur Aristoteles propterea calorem cœlo abnegat, quod calidum si sit, corruptioni obnoxium sit, sed ne reliqua ipsum corrumpant omnia, omniaque ignis fiant. At non si alia præditum natura, quæcunque ea sit, calorem a motu assumat ullum, qui assidue auctus, & robustior factus assidue e cœlo tandem naturam, quæcunque inexistat, deturbet, & ipse illud occupet solus. Calorem itaque alienum cœlo tribuens Aphrodisæus, nihil quidem (ut videtur) eius corruptionis periculum vitat, nec modum tamen explicat, quo calorem non calidus faciat Sol: quando quomodo suppositos orbes conterat, aut commoveat omnino (quod maxime opus erat) nihil declarat. Etenim suo immersus orbi Sol, ab eoque delatus, & in puncto tantum suppositos contingens, quo illos modo vel conterat ipse, vel commoveat, intueri quis potest? Etsi enim a superioribus, ut aiunt, rapiantur inferiores Soli orbes suppositi, non ab eius corpore, sed ab universo eius orbe rapiuntur. Nihil igitur Soli supposita pars quam reliqua, calefiat magis, nihil commota amplius. Omniademum rimanti Alexandro exitus patuit nullus, nulla excogitari potuit ratio, qua calor a non calido fieret Sole.

Alter Aristotelis patronus Auerroes (cuius tamen defensionem, fatente Zabarella, non recipit Aristoteles) ita patrociniatur ei: *minime*



Respondet  
Telchius.

quidem, inquit, Sol ipse aerem conterit, at vires  
tamen & quasi robur suppositæ orbium parti sub-  
ministrat, & veluti densitatem cōmunicat. Quæ  
non propria tantum vi, & extranea sui parte, qua  
aerem contingit agens, sed cum uniuerso superpo-  
sito cœlo, & cum maximo & densissimo Sole robu-  
stius agat, & vi aerem conterat maiore, veluti So-  
lis densitatis facta particeps. Malum scilicet, & ip-  
se malo medetur, & figmēta figmentis fulcit.  
Mitto enim, quod quoniam nihil aerem com-  
primit cœlum, sed circa eum voluitur, nullaq;  
vel huius, vel illius superficiiei, qua sese mutuo  
cōtingunt, pars prominet quicquam, inque al-  
terum extenditur, alteriq; infigitur, quod qui-  
bus euenit, vel si bene distincta, diuersaque ea  
sint, at veluti vnum facta, alterum alterius mo-  
tum sectetur, oportet, sed summe vtraq; leuis,  
summeq; æquabilis pacto nullo a cœlo, quan-  
tumuis rapido cōmoto, motu cōteri, aut com-  
moueri aer potest: siquidem, quæ conterun-  
tur, comprimi ea a conterentibus necesse est, &  
quæ commouentur, ab iis omnia commoueri  
apparent, & ab iis commoueri modo possunt,  
quæ in illorum loca feruntur, & illorum occu-  
pant loca. At vt aerem commoueat, & conterat  
etiam circulo actum cœlum, vel si vniuersum  
ea donetur densitate, qua præditus Sol Peri-  
pateticis videtur, nihilo tamen robustius con-  
terat. Quæ enim conterunt, vbi ita densa sunt,  
duraque, vt iis, quæ conteruntur, nihil cedant,  
nihilque ab iis inflectantur, quæ cœlum ab æ-  
re pati Peripateticis minime videtur, quātum-  
uis



vis densiora fiant, durioraq; , nihil tamen pro-  
pterea magis conterent. Tum densitas nequa-  
quam agentium more naturarū, se ipsam pro-  
ximis communicat, & propriam iis naturam,  
propriasque indit vires, sed id modo agit, pon-  
dus nimirum, quibus superponitur, addit. Quæ  
igitur comprimunt, densis superiectis rebus,  
graviora fiunt, magisque comprimunt. At hoc  
grauitatis incapax, & circulo actum cælum, a  
minime graui, & circumuoluto Sole habere  
minime potest. Modi igitur, quibus aerem a  
Sole cōteri posse asserunt, absurdi omnes. De-  
inde vero Teleſius contendit, calorem a Sole  
aerem cōterente non fieri, quod si ita fiat, nul-  
la eius diuerſitatis cauſſa reddi poſſit: itaque a  
Solis ſubſtantia, & a Solis luce fieri ſtatueudum  
eſſe, a qua manifeſte fieri ſentitur. Peripateticis  
quidem, quibus calorem a Sole aerem conte-  
rente fieri placet, ibi magis aerem conteri, vbi  
maior fit calor, ait: ſibi vero, cui lux illum face-  
re videtur, ibi robuſtiores eum eſſe, vel copio-  
ſiorē, vbi fiat copioſior lux. Diſputat vero pro-  
lixē, lōgiſſime Peripateticos abeſſe, vt id, quod  
contritu ſuo volunt, præſtare poſſint. Verum  
& hinc abeamus ad argumenta Teleſii, quibus  
nititur, negans, aerem a Sole atteri, adeoq; tol-  
lens Ariſtotelicum fundamentum.

V. Teleſius expreſſe negat, aerem a Sole vllō pacto  
atteri poſſe contra Ariſtotelem.

Ca. 7. lib. 4<sup>to</sup>

**R**Ecce quidem Ariſtoteles, eorum, quæ a-  
pud nos ſiunt, ſimilitudine ſumta, quomo-



do aera Sole incalescat, inquit. Neque enim  
 alia ratione intelligere licet quid, sed quæ in-  
 telliguntur, ex eorum similitudine intelligen-  
 tur, oportet omnia, quæ sensu percepta sunt.  
 Ut igitur, incalescat ne a Sole aer, propterea,  
 quod ab eo conteratur, manifestum fiat, qua-  
 lia sint, quæ apud nos contrita incalescunt, &  
 quid a conterente passa incalescunt, cōtriti ni-  
 mirum dispositio & cōterentis actio motusq;  
 inspiciedus est. Et si quidem huiusmodi sit aer,  
 qualia quæ conterentur, eoque a Sole pati mo-  
 do, quo illa a conterente pati visa sint, & aer  
 Sole calidus fieri, quod ab eo conteratur, vide-  
 ri poterit. At si vel non talis aer, qualia illa, vel  
 non eo a Sole pati modo appareat, minime A-  
 ristoteli credendum, & multo etiam minus, si  
 utrumque. Quæ apud nos contrita incalescunt,  
 densa ea sunt, duraque, & stabilia insuper fir-  
 maque, ferienti scilicet renituntur, & ictum,  
 plagamq; eadem sui parte, & multam illam as-  
 fiduamque excipiunt ac sustinent. Nam quæ  
 ferienti cedunt, & plagam effugiunt, vel quæ  
 semel tantum eadem sui parte feriuntur, con-  
 tritu calere illa minime videtur, quæ nimirum  
 neque conteruntur. Et quæ conterunt, & pro-  
 pterea calorem iis, quæ conterunt, indunt, ne-  
 quæquam ubi nihil illa contingunt, quocunq;  
 ferantur motu, id agunt, quin neque ubi con-  
 tingunt quidem illa, commouentque, sed non  
 in illa inferuntur, nec percutiunt omnino illas,  
 diuerberantque, sed circum illa voluntur, &  
 circumaguntur, nihil ea comprimunt, ferien-  
 tiaque, p



Neque enim  
sed quæ in-  
e intelligi-  
ceptant.  
propterea  
si sit, qua-  
liscumque, &  
continui-  
to morali-  
modi sit, &  
de pati mo-  
rit, & aera-  
atur, vide-  
lia illa, vel  
minime A-  
minas, si  
aleant, &  
uerit.  
ickum,  
llam a-  
am quæ  
vel quæ  
ur, con-  
umrum  
& pro-  
unt, ne-  
ocumq;  
bi con-  
sed non  
mo illa,  
rat, &  
ferien-  
taque,

tiaque, sed ibi tantum, vbi ictus plagasq; infe-  
runt, & multas crebrasque. Horum vbi quid  
non fit, vel si diuidant illa, secantque, calorem  
tamen non indunt: neq; enim plaga vnica, nec  
plures, si spatio interiecto inferantur, calorem  
inferre videantur. Perexiguus enim, qui a plaga  
vna factus est calor, prius quam altera incutia-  
tur, perit, elabiturve. Quod igitur dictum est,  
*quæ cōtrita incallescūt, plagas multas frequentesq;  
excipiunt, sustinentque: & quæ conterunt, nō con-  
tingunt modo illa, sed diu frequenterq;, & magno  
impetu, magnaue vi comprimunt.* Sublunaris  
itaq; aer, si propterea a Sole incalescat, quod ab  
eo conteratur, vniuersus conuerberetur, per-  
cutiaturque, & diu id assidueque oportet, & vt  
ipse ferienti percutientiq; Soli minime cedat,  
sed renitatur, ictus omnino excipiat, sustineat-  
que: quorum neutrum euenire apparet. Si qui-  
dem Sol non modo aerem non diuerberat, sed  
quam longissime abest, vt eum contingat. Et  
aer vel angusta in re inclusus, & quantumuis  
contusus, conuerberatusque, calorem tamen  
assumit nullum: qui nimirum, si quidem a fe-  
rientis celeritate præuentus, plagam ipse non  
præuenit, effugitque: at idem nunquam ab al-  
tera percutitur, sed qui semel percussus est, ela-  
bitur, aliusque eius locū occupat, vt nunquam  
idem remanens, nunquam bis idem feriatur.  
Eo itaque minus aperto ipse liberoq; existens  
in loco, vt ne, si per ipsum feratur Sol, ita ab eo  
conteri posse videri possit, vt ob contritionem  
incalescat: siquidem ab eius celeritate præuen-



tus, at nunquam bis idem percussus: qui si ob id plagas calorem assumpturus sit, simul vniuersus diuque conuerberetur oportet. Nullo igitur pacto calorem aeri indit Sol, quod illum con-terat, diuerberetque.

Hinc manifestis rationibus, idem auctor negat, Solem ignis partes detrudere, & ad nos vsque deiaculari, & hoc modo aerem accendere posse, ut alibi etiam ostendimus.

*V.I. Bened. Pererius candidè contra Aristotelem negat astra motu calefacere his rationibus.*

- I. **V**tro motu Sol calefacit? Eo ne quo ipse quæ mouetur? Atqui eiusmodi motus nullam vim per se habet agendi: & cum sit vniuersi, æque, qualiter perpetuo calefaceret tam in hyeme, quam in æstate: tam noctu, quam interdiu. An A. calefacit motu, quo ipse concutit, atterit, & attenuat aerē, quod videtur innuere Aristoteles.
- II. Verū ea ratione magis calefacere deberet Luna, quæ propior est aeri. Sol enim tanto interuallo ab aere remotus, nō æque atq; Luna eum commouere ac coagitare potest. Et vero si res ita sese haberet, quo quæq; pars aeris superior & propior esset cælo, eo esset calidior: imo inferior aer tantum calefceret, quantum a superiori esset calefactus: quod falsum esse patet arguimento mediæ regionis aeris, quæ est frigida.
- III. Quis porro inducat in animum credere, quod tempore Sol & Luna imperante Iosua, cohibito motu suo constiterunt, eo tēpore Solem res sublunares non calefecisse. Quia tantū abest, ut

Sob2



Sol calefaciat per motum, ut si non moueretur, ardentius esset calefacturus: radios enim Solis acriores, potentioresq; esse ad calefaciendam rem stabilem & immotam, quam quæ moueatur, confirmat Aristoteles sect. 5. problem. 14. Et præterea iudicium eius rei est speculum cauum, quod si agitetur, non concipiet igne: concipiet autem ocys, si immotum Soli opponatur. Nihil autem ad hoc refert, corpus ne quod calefacit, an quod calefit, aut moueatur, aut quiescat.

VII. Zabarella vero quid tandem?

**A**Nteit candore Zabarellam Pererius. Ille quidem tres conditiones requirit, si debeat motus calefacere, *I. ut mobile sit prope rem atterendam. II. ut sit solidum. III. ut velociter moueatur.* Primam conditionem ita probat: Patet totum cœlestem globum tangere mundum elementarem per orbem Luna, tanquam per partem suam: (at si per motum illum, qui fingitur in stellis affixis suis sphaeris, calefiunt proxima, quæ contingunt, certe ipsæ sphaeræ, ipsaq; astra, ut corpora solidiora multo magis raptu illo velocissimo calefiunt, ut videre est in iaculis per aera traiectis. Etenim & cœlum & corpus, & quidē solidum Zabarellæ. Deinde contactus continuus non tā est Aristotelicis orbibus, quam cōtiguas, ubi tamen separatio statuitur orbium ab inuicem.) Secundam probat, quia necessarium sit, cœleste corpus solidum esse totum, & inferioribus corporibus minime cedens. Nam si cederet, pateret, quod dicendum non est. Ergo est solidum & ide-



*neum ad subiecta corpora dissipanda suo motu.* (At, pace bona, necessitas soliditatis cœlestis nullalis, ut iam iam demonstrabitur. Veritas etiam nulla. Nō enim esse solidum cœlum & durum, firmissime ostēdetur. Argumentum passionis, quod affertur, est profecto passioni obnoxium. Quid enim obstat dicere, cœlum ita pati, quatenus cedit permeantibus astris, quæ est maior passio? raptus ne ille & circumuolutatio, an vero cessio? Cedere cœlū corporibus solidis humanis & aliis, tum non negant sacræ literæ, quæ frequenter de cœlorū apertione loquuntur, & transitu per cœlos eosq; sydereos facta, tū paulo post euincetur.) Tertiā conditionem ostēdit *in velocitate motus globi lunaris, qui t̄agit hac inferiora, ut ignem & aerem.* Vnde cōcludit, causam caloris in hoc mundo inferiore per rarefactionem & attritionem. (At non satis feliciter: quia ita Auerrois a multis reiecta sententia saluabitur. *Deinde* Luna erit proxima causa caloris inferioris. *Tertio*, quod de igne dicitur, id quia ignis est nullus, ille & nullibi, nihil probat. *Quarto* orbis ipse totus nō ut est distinctus reapse, ita non circumrapitur ferens stellā Lunæ, & alia multa huic vesaniæ affinia sunt.)

*Ceterū quomodo astra lumine calefaciunt Zambarella?* Respondet eadem ratione, lumen esse causam caloris, qua & motus, nempe quia rarefacit, & extenuat. Extenuationem autem necessario consequi putat calorem: & quemadmodum motus in solo aere hoc præstat, ut ipsum reddat calidiorem, & accendat, neque omnis  
motus,



rus, sed qui magnus & velox sit: ita etiam lumen illi dicitur in solo aere attritionem facere, neque quodlibet lumen, sed magnum & vehemens. Plura videris in libro Zabarellæ de calore cœlesti. Sed ne prætereamus Philosophum liberrimum Nicolaum Taurellum, & hunc super hac quæstione rogitabimus.

*Nicolai Taurelli sententia de calefactione syderum explicata in Casibus alpihus.*

**Q**Uod autem in vniuersum de attritione dicitur, id etiam in vniuersum est absurdissimum: siue ad corpora cœlestia, siue ad elementaria referatur. Nulla enim ratione atteri possunt, tum quod nec dura, nec aspera sint, tum etiam, quod inferius a superiore tractum sequatur facile.

Lib. 3. quæst. 6. pag 569.

Nos itaque manifestis cōpulsi rationibus, hanc Aristotelis & Celsalpinii sententiā omnino reii-  
imus. Nihil enim violentum in cœlis admittimus: qualis est iste, quem vrgent, attritus. Sed

Arist. & Celsalpinus reprobantur.

naturali astrorū virtute calorem, & frigus: ut & alias cōplures manifestas & occultas qualitates in hæc inferiora corpora vibrari profiteamur. Quid nimis stultius cogitari potest, quam si credamus astrorum nullas esse vires? Motum hic nobis obtrudunt solum. Atqui non per se asserunt, astra moueri: sed sphaerarum motu: quibus ipsa sunt in-  
ia. Neq; ipsas etiam sphaeras per se moueri volūt: sed a demonibus. Quid ergo astris opus est, si maximæ sphaeræ suo motu quiduis efficiant?

Alter calefactionis modus est luminis reflectio: de qua paucis etiam agemus. Primum autem  
quærimus, an lumen reflecti possit. Non eadem

Lumen nō reflectitur.



Calor affi-  
due genera-  
tur & mo-  
uetur.

De radiorū  
reflexione.

luminis & caloris, est ratio. Calor enim alius at-  
que alius perpetuo generatur, & in aerē diffun-  
ditur. Quo fit, ut augeri & intendi possit. Pau-  
latim etiam & successive calor corpora calefa-  
cienda pertrāsit. Licet Solis calor celerime per  
interiecta corpora terram petat. Multa namq;  
Sol habet, quæ igni desunt.

Si quæras ergo de radiorum reflexu quid sen-  
tiamus: ita breuiter tibi respondebitur: Ab igne  
calor in ambientem aerem paulatim diffunditur.  
A Sole vero magna vi & celeritate. Cum itaque  
Solis calor in terram ita vibratus, eā ob duritiem  
penetrare non possit: non repellitur ipse quidem, ut  
vulgo existimant, vocantq; hanc radiorū reflexio-  
nem: sed prope terram paulatim accumulatur, &  
sursum versus extenditur. Exemplo vis rem illu-  
strari: Cum hypocausta nostra calefiunt: calor su-  
pernas petit partes: quæ ubi calore plena fuerint:  
paulatim adauctus magis magisq; calor ad infe-  
riores descendit: ut tandem etiam infima calefiant.  
Atque hac ratione fit: ut qui prope fornacem aer  
est, calidissimus quidē sit ob integram caloris vim.  
Et qui superiores occupat partes, etiā sit multo cali-  
dior, quam intermedius. Hic enim calorem nō re-  
tinet: qui cum ad superiora peruenerit, ulterius  
progredi non potest: sed ibi consistens, alio etiā per-  
petuo accedente multum augetur, & ad inferiora  
refunditur. Hæc nostra est sentētia. Tu fac sciā,  
quid in ea desideres: & adde, quod voles, vel si  
potes, noui quidpiam excogita melius. Nam  
quod vulgo iactitant, nobis non placet. Ad  
lumen redeamus: cuius reflexione aerem, ait

Cæsal.



Cæsalpinus, *circa terram calefieri: non mediam aeris regionem: quia nimis hæc a terra est remota: unde luminis fit reflexus. Hic autem dubitatur: an lumen reflecti possit? Non enim huius eadem est ratio, quæ calor: neque potest in partibus a luce remotioribus per repulsum corporis opaci augeri & intendi. Manifestum hoc fit intuentibus. Si namque fax ardens diu luceat: partes tamen parietibus ab ea remotis proximæ non magis illustrabuntur. Unde constat, non aliud atque aliud esse lumen: ut aliud atque aliud est calor, qui ex igne subinde diffluit. Cum itaq; partes intermediæ plus habeant luminis, quam quæ opposito parieti propinquæ sunt, cum & hæ partes mora corporis lucidi non magis illustrentur: certissimum est indicium, nullâ fieri luminis reflexionem. De splendore iudicium est aliud: cuius nullâ hic mentionem fecit Cæsalpinus. Ideo neq; nos quicquã adiciemus. Alias forte dabitur occasio commodior: ut de eo etiam aliquid differamus. De lumine quæstio est alia: *quomodo calefaciat? Absurda hæc est, & manifeste falsa Cæsalpini sententia. Lumen namq; nec calidum est, nec calefieri, nec calefacere potest magis, quam color, aut sonus. Atq; hic apparet stupidæ fructus cõfusionis: quãdo sensiles qualitates toto genere discrepantes inter se cõmiscuntur. Color, & lumen, visibiles sunt qualitates, non tactiles. Sique videri nequit caliditas: neque contingi potest lumen: multoque minus calefacere. Tantum enim caliditas a luminis natura distat: quantum visio a calefactione. Lumen equidem,**

Lumen r. 3  
calefacit.



Lumen a-  
rem ad ca-  
lorem non  
præparat.

Frigiditas  
non est me-  
ra priuatio.

Motus abso-  
lute nō ca-  
lefacit.  
Splendente  
Luna frigus  
est intēsius.

forte inquires, *non calefacit: aerem tamen præparat, ut calefieri possit facilius.* Neque hoc minus est, quam prius absurdum. Lumen namque aerem, non nisi, ut perspicuus est, afficere potest. Perspicuitatis autem natura non nisi ad visum est comparata. Per illustratum aerem non auditur melius, quam per tenebras. Neque citius calefit aer in luce, quam in tenebris. Vadat ergo, & se suspēdat: qui tales cogitat nugas. *Quē- admodum enim motus caliditatem facit in suscep- tibili eius qualitatis, sic immobilitas frigidita- tem.* Falsum hoc etiā est. Frigiditas enim actus quidam est, & *ἐξ*is, habitus, & positiuū quiddam: non *ἐν*privatio: non mera caloris carentia. Si motus caliditatem facit, quies non facit. Non ideo tamen refrigerat: quicquid non calefacit. Sed hac de re mox agetur plenius.

Alterum hic est animaduersione dignum: quando absolute, & indistincte ait Cæsalpinus, *motum calefacere.* Multa namque mouentur, quæ non calefaciunt tamen. Sonus non calefacit aerem. At neque lumen calefacit. Experientiam consule: res erit manifesta. *Splendente Luna tempore nocturno, frigus etiam sentitur inten- sius, quam si nubibus obducatur cælum: & lumen a nobis auertatur. Candela remotum aerem illu- strat, cui nihil tribuit caloris. Hyemali etiam tem- pore, non calor, sed frigus est, ubi lumen est. Si que caloris forte adsit tantillum: nequaquam potest ta- men cum luce conferri. Tu vero censes, unde lu- men est: inde etiam calorem diffluere. Credo equidem: at non passibus æquis, non paribus inter-*



intervallis : nec iisdem viribus. Calor enim paulatim absumitur, lumen idem persistit : neque tempore flaccescit : nisi corpus lucidum paulatim absumatur. Ergo de Luna quod dici solet : *ipsam cum multo lumine, multum etiam solaris regerere caloris* : id hac ratione censemus esse falsum. Calor enim Solis vix recto cursu ad nos pervenit. Qui possit igitur ad Lunam, quæ Soli opposita, multo magis ab eo, quam terra distat ? Qui possit reflexo a Luna cursu ad nos pertinere ? Qualitatum hoc ergo discrimen negligendum non est : quod ratione tenuitatis, vel crassitudinis intelligitur. Tactiles enim maxime sunt terrenæ : ob id vel non moventur omnino per se : vel tardius moventur. Odores celerius, quam calor. Et soni celerius, quam odores. Lumen autem movetur celerrime : Motum hunc negant esse Peripatetici. Quid sit non dicunt. Ergo tam diu sit motus : donec sit aliud quidpiam. Certum enim est, *non esse nihil*. Cur etiam radiorum & luminis astruunt reflexionem ? An reflecti potest : quod non movetur ?

An lumen cum multo lumine multum regerat caloris contra Scaligerū.

Qualitatum mobilium discrimen.

Idem pag. 564. differit : Aduersus nonnullas hypotheses Cæsalpini. Vt I. *Luminoso corpore moto, varia semper sit luminis susceptio*. Falsum hoc esse ait. Nam lumen a lucido corpore in perspicuum vndiquaque diffunditur æqualiter. Neque est existimandum lumen instar caloris semper aliud esse atque aliud. At neque luminis eadem quæ radiorum est ratio, a se invicem separatorum. Nihil enim luce magis

O 5



- II. continuum, nihil magis vnitum est. II. Cæfalpinus ait: *Solum per rectam lineam fit illuminatio.* Negat Taurellus. Non enim lumen secundum rectam lineam, sed secundum profunditatem perspicui corporis a corpore lucido extenditur æqualiter vndiquaque. III. Cæfalpinus ait: *Hec luminis mutatio attritionis principium est & caliditatis.* Falsum hoc ait Taurellus. Nihil enim lumen (audī Zabarella) ad aeris attritionem facit, nihil ad caliditatem. Principii ergo rationem habere non potest. IV. Cæfalpinus ait: *Perspicuum alia atque alia luminis susceptione dilatatur, & minutissime atteritur.* Hanc hypothesin Taurellus ait, nihil veri habere. Lumen enim perspicuum, neque dilatatur, neque atteritur. Dilatatur ipsum quidem perspicuum & extenditur, sed eadem est perspicui latitudo, siue tenebræ, siue lumen adsit. Qui vero credam id atteri, quod non feritur, quod omnino continuum manet, atque vnitum?

De radiis postea ita differit. Quæro, *an radii sint calidi, vel motu calorem generent?* Respon. Cum non caloris sed luminis vibratæ sint partes, actu calidi non sunt. Ergo motu calorem efficiunt. Miror, si ita est. Non enim rerum quarumvis motus, sed corporum duntaxat solidorum subitus, & vehemens attritus calorem efficit. Lumen itaque nec atterere, nec contingere, ideoque nec calefacere quicquam potest. Præterea etiam (ait) quæro, *An non radii descendentes totum occupent aerem terræ proximum.* Respon. Haudquaquam negabis. Ergo si  
refle-



reflectantur, radiorum in radios erit reflexio, & perinde erit, siue secundum rectos, siue secundum obliquos reflectantur. Tertio velim mihi responderi, *an radii per continuum vel diuulsum aerem ferantur*. Si per diuulsum, corpora sunt radii. Quo posito magna exoritur difficultas. Cum enim adeo sint densi radii, ut inter eos nihil conspiciatur aliud, non diuidetur aer, sed totus pelletur: nec tamen erit, quo pellatur, vel qua effugiat. Sin vero per continuum aerem ferantur radii: nihil est blaterandum de modis recipiendi luminis pluribus, de maiori agitatione, & tenuiori aeris attritu. Hec haec Taurellus: iudicent ingenii exquisiti & iudicii liberi Lectores. Tandem

III

VIII. *Quis calor caelestis, & quomodo differat ab igneo elementari.*

**A** Rist. in secundo l. b. de critu animalium, c. 3. videtur duos calores statuere, vnum caelestem, alterum elementarem, quos ita inter se distinguit dicens, *calorem caelestem esse prolificum & vitalem, elementarem vero non esse vitalem, sed potius vitae destructiuum*, quippe ignis nullum animal generet. Interpres Zabarella putat: *calorem caelestem proprie acceptum, ut distinguitur ab elementari, non esse alium, quam calorem vitalem, per quem a caelo producitur anima, & qui productam animam consequitur, & per quem anima in seminibus latens, tanquam artifex generat aliud viuens simile: calorem autem elementarem esse illum, per quem educitur forma elementi calidi, aut*



forma aliqua miftionis, & qui eam eductam in-  
fequitur, & per quem illa agit, &c. Et poftea: Nec  
ob id eorum fententiam probamus, qui calorem  
cœleſtem diuerſum eſſe penitus a calore elementa-  
ri putant, quaſi calor elementaris non ſit a cœlo  
productus, proinde dicunt calori cœleſti non eſſe  
contrarium frigus: imo hanc opinionem abſurdiſ-  
ſimam eſſe arbitramur, quum manifeſtum ſit, &  
experientia comprobatum, etiam vitalem calo-  
rem ladi & exſtingui a frigore, vt in concoctione  
ciborum frigidorum clariffimum eſt. Et hoc i-  
dem aſſerit Ariſtoteles in libr. De iuuentute &  
ſenectute, vt ibi legere poſſumus. Dicimus igitur,  
omnem calorem trahere originem a cœlo, vt  
ſepe diximus, proinde, ſecundum ſe eiufdem eſſe  
naturæ & ſpeciei, nec aliam habere differentiam,  
quam diuerſorum graduum; ſiquidem alius in-  
tenſior: alius remiſſior eſt. Dixi autem, ſecundum  
ſe, quoniam aliud eſt calorem conſiderare ſe-  
cundū propriam eius naturam, aliud eſt ipſum  
conſiderare, vt instrumentum agentis prima-  
rii, quod calore vtī dicitur. Locum Ariſtot. di-  
cit a multis in prauum ſenſum trahi: quum e-  
nim dicat: calorem ſeminibus inſitum genera-  
di animal vim habere, proinde non elementarē eſ-  
ſe, ſed cœleſtem ac diuinum, ſiquidem calor igneus  
nullum animal generat; hinc collegerunt, diſtin-  
ctos eſſe ſpecie calorem igneum, & calorem vita-  
lem: ſed decepti ſunt; quia diuerſa quidem ſunt  
principia agentia, quæ calore vtuntur: ſed ipſa  
caloris natura eſt eiufdē ſpeciei: ignis enim non  
potest animal creare, neque animal de materia  
educere



educere per calorem, quia non potest agere  
 supra proprias vires. At cœlum & virtus vitalis  
 cœlo proportionē respondens potest per ca-  
 lorem animal generare: ita vt si sumantur duo  
 numero distincti calores, sed in gradu & inten-  
 sione omnino similes, quorum vno forma ele-  
 mentaris vtatur; altero autem vtatur immēdia-  
 te, cœlum vel anima eius vices obtinens, hic  
 generabit animal, ille vero nequaquam, sed so-  
 lum generabit elementum vel mistum ali-  
 quod. Verum huic Aristotelicæ distinctioni  
 obuiam it historia, quam recitat Plinius libr. ii,  
 nat. hist. capit. 36. *In Cypri arariis fornacibus ex  
 medio igni maioris muscæ magnitudinis volare  
 pennatum genus quadrupes, quod pyralis, quibus-  
 dam pyrausta, appellatur.* Quapropter gignit  
 aliqua & contrarium naturæ elementum. Qui  
 vero Plinii huic historiæ non fidem adhibent,  
 his respondet Iulius Cæsar Scaliger Exerc. 23.  
 contra Cardanum. *Quam rem, inquit, tãquam  
 fabulosam quidam temerario simul ac plebeio ar-  
 gumento calumniari ausi sunt. Cum Galenus, in-  
 quiunt, illas fornaces viderit, deque eare nihil scri-  
 ptum reliquerit: verum non est, ibi ea fuisse ani-  
 malia. Acutissimum argumentum. Nam quam-  
 obrem proditum repeteret? Citius ille, vt erat tãti  
 viri gloriæ infensus obtrectator, id quod aliquot  
 etiam locis ridicule facit, si non reperisset, redar-  
 gueret. Qui paucos ibi dies fuerit, non tum vidit.  
 Non erant, non semper sunt, non rogauit fornaca-  
 rios. Discant igitur hæc ingenia stuporem depone-  
 re: quibus licet sine petulantia veri esse indagato-*



res: sine inertia verecundos. Nihil enim prohibet humidissimo elemento, humidissimas generari animantes, cuius pisces sunt: nihil in siccissimo siccissimas. Nam & ibi quoque mistio est. Non enim purus ignis apud te praesertim, qui ipsum purum facis accidens. Ex subiecta ergo materia nihil prohibet generari. Nulla enim ratio contradiciti naturali. Hæc acutissimus Scaliger. Quid: quod per vniuersam Ægyptum pulli gallinacei a matre excludi non solent: sed fornaces artificiose exstructas habent, in quibus tria vel quatuor millia ouorum reponunt, quarum ita calorem temperare norunt, vt omnia oua simul excludantur. Narrat hoc αὐτόπῃς Petrus Bellonius Cenomannus obseruat. lib. 2. cap. 31. Cui attestatur Scaliger Exercit. 23. distinct. 1. his verbis: In Ægypto ad Cairum furnos constituunt, alii alio multiplici fornice imposito: in quorum tholi supremi medio foramen est, per quod caloris vis, quæ immodica potest officere, subit atque exhalat. In imo ignem accendunt temperatum. Ouorum multas centurias in fornicum superiore planicie disponunt. Statis diebus erumpit turba, quas illi non numero, sed mensura venales habent. Modiolum statuunt sine fundo, quem, vt complerunt tollunt. Neq; hæc fabula est: sed fabulæ illi ipsi, qui negant. Idem confirmant horti Illustrissimorū Principum etiā in Germania nostra, in quibus exoticas quasdam arbores, frigoris hyberni per Germaniā inclementioris impatientes pro calore solari, tum debili & languido igneus fouet, & contra frigoris iniuriam tuetur. Vnde euidens,

Ignis angelic  
neret.



euidens, ignem etiam generare, quem tamen  
 ita comparatum esse oportet, vt intra limites  
 certæ mediocritatis se contineat. Intempera-  
 tum enim corruptionis potius, quam genera-  
 tionis auctorem esse, fatebimur haud inuiti.  
 Sed quid ego imprudens loquor. Quasi vero in  
 Cypri quoque cæciis fornacibus calor tempe-  
 ratus esse potuerit? Quæ res vel maxime cre-  
 dulo homini falsitatis suspicionem præberet.  
 Nam, vt Scaliger, non longe a fine Exercit. 22.  
 ait: *Calor vitæ minister omnis moderatus.* Quid  
 quod ipsemet Aristot. hac in parte parum sibi  
 constans de respir. capit. 4. *Calorem naturalem*  
*cōcoctionis & nutritionis auctorem primo ignem,*  
*deinde naturalem ignem vocat?* Quod & in Ti-  
 mæo Plato facit: cui tamen ignis sicut & aqua  
 patet latissime. Et certe solaris calor nisi tem-  
 peratus sit, non minus incendit, & consumit  
 quàm igneus: id quod multis experimentis com-  
 probari potest. Cum per specula concava vel  
 alia vrentia stupam accendimus, an non is ca-  
 lor est solaris, sed se ipso ob radiorum multipli-  
 cationem fortior, ignique tam affinis, vt non  
 tātum male vrat, verum etiam flammam susci-  
 tet. De quo Euclid. Catopt. Theorem. 31. eoq;  
 vltimo sic infit: *Ex cauis speculis ad solem positis*  
*ignis accenditur.* Plura alia huc pertinentia in-  
 ueniuntur apud Cardanum in princip. lib. 4. de  
 subtilit. Scalig. Exerc. 73. Ioannem Pertam Ne-  
 apol. lib. 2. de magia naturali, cap. 10. & lib. 4. cap.  
 15. Galenum lib. 3. de temperam. cap. 2. Vbi histo-  
 riam de domo radiis solaribus incensa cor-



memorat, eodemque modo Archimedem hostium triremes vrentibus speculis incendisse arbitratur, &c. Vt de plantis ob æstus vehementiam præmature marcescentibus in præsentiarum nihil dicamus. Et Cicer. *lib. 2. de nat. Deor.* Is, inquit, *solis tactus est, non ut tepefaciat solum, sed etiam saepe comburat.* Qua effectorum similitudine inter alia adductus Vallesius sacrae Philosophiæ cap. 1. *Solarem calorem nihil esse aliud, quam ignis, solis fulgore modificatum* existimat, *maximamque partem ignis cum sole circa terram volui opinatur.* Quod, an sese sic habeat, adhuc sub iudice lis est. Certe multorum auribus tanquam *παράδοξον* insonat. Atque hæc hæctenus disquisuimus de luce & calore cœlesti, restat ut motum cœlestem scrutemur, & dispiciamus sitne cœli & expansi motus, an vero ipsorum in expanso libere sese morantium astrorum.

## CAP. V.

*De astrorum motu generatim diurno & periodico.*

**Motrix vis stellarum.**

**A**ltera interior & formalis affectio est interior facultas motrix, indita a Creatore stellis, qua unaquæque stella pro sua natura apta est & prompta sese ad iussum Creatoris motare, & sibi demãdatos conficere cursus.

**Motus.**

Ab hac facultate & *δυνάμει* interiore est exterior *ἐνέργεια* & motus stellarum, qui stellis est a Deo naturalis, quo in pura tenuique ætheris seu medii expansi substantia actu feruntur, & suas absoluunt periodos.

**Termini motus.**

Motus huius terminus licet alii aliter sentiãt a quo est



est oriens, a quo versus meridiem in occidentem, & rursus ab occidente versus septentrionem in orientem, pro cuiusque stellæ insita mouendi vi & munere tendit.

Motus autem stellarum est Diurnus vel Periodicus.

Motus diurnus est, qui rapidissimo circumactu intra spatium diurnum seu 24. horarum communiter ab omnibus stellis conficitur, estq; communis stellis omnibus & similis.

Motus diurnus nostri respectu vel est Ortus vel Occasus stellarum: Et quidem vterque vulgo fertur Astronomicus, vel Poeticus.

Poeticus vero dicitur esse vel Verus vel Apparens. Vterque porro, & ortus, & occasus: tum verus tum apparens, dicitur esse vel Matutinus, vel Vespertinus. (Verum quia monitore Brichtho, quod rebus natura inest, id spectat solum Physicus, & hi ortus & obitus nostri non stellarum ipsarum ratione sunt & dicuntur, Vespertinus de his explicationem plenam videris in libellis sphaericis.)

Motus vero Periodicus est varius & obliquus, quo longioribus & dissimilibus temporum intervallis circumducuntur stellæ, & vel propius ad vertices nostros accedunt, vel longius a nobis recedunt, adeoque vario & obliquo ductu suas perficiunt periodos.

Estque hic motus proprius suis, qui ita mouentur stellis.

### *Disquisitio de motu astrorum.*

*An ipsa astra in caelo non moto moueantur? Ase firmatur: & prolixè quidem discutitur.*

**A**ugustinus a hanc cōtrouersiam suo tempore agitā sibi; propositam hisce verbis expedit: **DE MOTV COELI** nonnulli fratres questionem mouent, utrum stet, an vero moueatur? Quia si mouetur, inquiunt, quomodo fir-

Lib. 2. de Genesi ad Lit. lib. c. 10.



Augustin.

firmamentum est? si autem stat, quomodo sydera, quae in illo fixa creduntur, ab oriente usque ad occidentem circumueunt, septentrionibus breuiiores gyros iuxta cardinem peragentibus: ut coelum, si est alius nobis occultus cardo ex alio vertice, sicut Sphaera: si autem nullus alius cardo est, velut discus rotari videatur? Et paulo inferius: Hoc sane nouerint nec nomen firmamenti cogere, ut stare coelum putemus. Firmamentum enim non propter stationem, sed propter firmitatem, aut propter intransgressibilem terminum superiorum & inferiorum aquarum vocatum intelligere licet. Nec si veritas coelum stare persuaaserit, impediri nos circuitu syderum, ne hoc intelligere possimus: & ab ipsis quippe, qui hoc curiosissime & otiosissime quasiuerunt, inuentum est etiam coelo non moto, si sola sydera verterentur fieri potuisse omnia, quae in ipsis syderum conuersionibus animaduersa & comprehensa sunt. Hæc Augustinus. Sed ad rem ipsam: quaestio est satis manifesta, an scilicet coelum non moueatur, seu potius coelorum orbes non circumtorqueantur, ut vulgo & Philosophi & Astrologi plerique tradiderunt, sed stella & astra ipsa, virtute mouendi a Deo indita illis, per se in coelo immoto moueantur, & suas periodos absol-

Affirmatur uant.

Affirmamus posterius.

posterius.

Cōfirmatio

&amp; ἀποδείξις

I.

Quod verbum Dei creatoris non coelo, sed stellis ipsis tribuit, non est stellis denegandum, & coelo tribuendum, etiam vel summo Philosopho. Maior enim est Dei conditoris sapientia, quam vniuersi mundi capacitas, & maior est diuine veritatis auctoritas, quam omnium Philosophorum & Astro-



*Et Astronomorū etiam sublimis scientia Et fides. Atqui verbum Dei creatoris cœli Et syderum, motum, lationem, stationem, occasum, ortum, progressionem nunquam, cœlo, sed semper stellis his vel illis attribuit. Negatiua pars assumptionis prouocat ad codicem S. literarum: Affirmatiuam ita communimus inductione testimoniorum. I. Genes. I. vers. 15. dixit Deus: *Sunto luminaria in expanso cœli ad distinctionem faciendam inter diem Et noctem, Et sunt in signa, Et tempora, Et dies Et annos.* Cum igitur Deus propterea sydera in expanso collocauit, vt terram circumquaque sua luce illustrent, rataque temporum periodos definiant, vtique mouendi quoque virtutem, sine qua hæc munia obire non possent, vna iisdem iniecit. Quotiescunque enim sapientissimus ille naturæ conditor aliquid fieri vult, confestim quoque, pro immensa sua potentia, vires eidem imperat, quibus id ipsum, quod iubet, promissimè exsequi valeat. Cū enim iussit Deus producere terram herbas, mare pisces, statim quoque, pro-gignendi virtutem iis iniecit. Ergo eodē modo cum stellis imperauit Deus, vt afferant lucē supra terram, & tempora, ac tēpestates designent lucē & motū, quib. id fieret, iis indidit. Obiicitur: *Hic potest esse sensus, Deum posuisse, id est, infixisse cœli orbibus stellas, vt motu orbium illorum etiam illa circumagerentur.**

Testimonium I.

Obiect. contra I. testimonium.

Respon. Falsa est expositio. Si enim orbium beneficio hoc fieret, quis existimaret fidelissimum illum rerum creatarum descriptorem

Respon.



I I. Testi-  
monium.Obiect. con-  
tra 2. Testi.

& Dei amanuenssem Moſen tot, tantaſque cœ-  
li orbium machinas, tamque neceſſarias o-  
mnino intactas prætermiſſurum, & ſtellis,  
quæ orbibus peculiaria eſſent, adſcripturum  
fuiſſe? Si orbium raptu mouentur ſydera, qua  
quæſo virtute mouentur orbes ipſi? Quæ e-  
nim a Philoſophis tam varie & inconstanter  
afferuntur, vt ſunt abſona, ita Scripturis S. con-  
ſona neutiquam. II. Eccleſiaſtes c. 1. verſ. 5. pro-  
prium adſcribit Soli motum, cum ait: *Oritur  
ſol, & occidit ſol, iterumque ad locum ſuum ad-  
ſpirat ubi oriatur, properat ad meridiem &  
circumit aquilonem.* Pſalmo 104. verſ. 19. ſta-  
tuiſſe dicitur Deus lunam in ſtata tempora &  
ſolem agnoſcentem occaſum ſuum. Dei manda-  
to Sol ſubſiſtere legitur, Ieſa. cap. 10. verſ. 13. Imo  
ſydera Dei inſſu retrocedere coguntur Ieſa. cap.  
38. verſ. 1. Luna quoque ſubſtituiſſe narratur Iof.  
cap. 10. verſ. 13. Item Habac. cap. 3. verſ. 11. Sic  
Deus educere dicitur remotiora ſydera, quodque  
tempore ſuo, *Arcturum cum filiis ſuis.* Iob. cap.  
38. verſ. 3. Sic & alibi paſſim in S. literis, *Oritus,  
occaſus, ſtatio, progreſſus,* & ſimilia, quæ innatum  
quendam motum præſupponunt. Quod ſi igitur  
ingenitum quendam motum a Deo ſibi in-  
ſitum habent, nihil opus eſt ſydera, orbium ra-  
ptu circumtorqueri, quæ etiã nulla ſunt. Obii-  
citur contra 2. genus testi. *Cœlorũ natura &  
motus latet ſenſus noſtros, aſtra vero luce ſua &  
perpetua conuerſione ſub aſpectum noſtrũ cadunt.*  
Ergo Scriptura de cœlorũ motu nullã, de ſyderum  
autem conuerſionibus crebram facit mentionem.

Reſpon.



Respon. Causa est fallax. Inuisibile est cœ-  
lum, at interim Scriptura multa differit de il-  
lo. Deinde non tantum de visibilibus, sed et-  
iam inuisibilibus docet illa. Quid? quod ve-  
rum non est, Scripturam iuxta sensum tan-  
tum, non etiam secundum rerum interiorum  
veritatem & essentiam differere. Dubium sem-  
per, certum nihil relinquitur, Tutius autem in  
apertis quiescitur.

II. *Quod Philosophi Christiani, Ecclesiastici* <sup>Ἀπόδειξις</sup>  
*& Orthodoxi plerique stellis ut inditum tribue-* II.  
*runt, cœlo vero negarunt, id certe huic tutius ne-*  
*gatur & illis cautius vendicatur in Scholis Chri-*  
*stianorum. At Philosophi Christiani, patres-*  
*que Ecclesiastici in Ecclesia Scholaque Christia-*  
*norum primitiua & eam secuta de cœli corpore*  
*negarunt, & de ipsis stellis affirmarunt plerique*  
*motum lationis, quo circumtorquentur. Nam*  
*vetus est & complurium scriptorum Ecclesia-*  
*sticorum auctoritate nobilitata sententia, stel-* III.  
*las non esse affixas cœlo, sed propriis motibus per* III.  
*spatium cœleste circumagi. I. Hoc tradit Iusti-* III.  
*nus Martyr; respondens ad 93. quæstionem Or-* III.  
*thodoxorum. II. Origenes libro 5. contra* III.  
*Celsum, & libro 1. περὶ ἀστροῦ capit. 7. ait, sydera* III.  
*propriis motibus agi, nec esse partes cœli, nec secus* III.  
*in cœlo esse, quam sunt in terris animantes, pisces* III.  
*in aqua, in aere volucres. III. Idem dicuntur* III.  
*prodidisse Eusebius Emisenus & Diodorus* III.  
*Tarsensis, in exponendo locum Geneseos cap.* III.  
*1. vers. 16. & 17. & Procopius Garzaus tum su-* III.  
*per primis verbis primi capitis Geneseos, tum* III.



IV.

super caput 7. eiusdē libri idem habet. IV. Nemo disertius & enucleatius hoc docet, quam Chrysostomus. Is enim Homilia 6. & 13. in Genesin, Absit, inquit, ut cogitemus Deum affixisse cœlo astra, cernimus namque ea moueri, & de uno loco in alterum transferri. Dicitur autem Deus posuisse ea in firmamento, quia voluit & iussit, ut essent in cœlo, & per ipsum spatia sua cursusque conficerent: sicut infra dicitur Deus posuisse Adam in Paradiso, hoc est, iussisse ut in Paradiso commoraretur & habitaret. In Homilia 12. ad populum Antiochenum idem confirmat: ait enim, cœlum esse fixum & immobile, solem autem cum ceteris astris in ipso quotidie circumuolui.

V.

V. Philastrius Brixienſis in catalogo Hæreseon, cœlum per se moueri, & eius motu una cieri astra, non solum non probat, sed etiam tanquam hæresin damnare non dubitat. Scribit autem ad hunc ferme modum: Est hæresis asserens, stellas esse cœlo infixas, cum certum sit de thesauris locisque absconditis, & a Deo dispositis, in vespertinum iussu diuino repente procedere. statisque horis suo lumine & motu, ministerium sibi a Deo impositum agnoscere & exsequi. Contrariam autem sententiam decernit Philastrius alienam esse a fide Catholica, eiusque assertores paganæ vanitatis magis, quam Christianæ doctrine consortiū habere. VI. Augustinus libro 2. de Gen. ad lit. cap. 10. licet probe nouisset eiusmodi opinionem a Doctoribus Philosophis & Mathematicis sine dubitatione illare, robari, non adeo tamen iudica-

VI.

uit



uit improbabilem & absurdam, ut ea, siquidem opus fuerit, non possit defendi. Sic enim scribit: *Si veritas Scripturae cœlum stare persuasit, impediri nos circuitu syderum, ne hoc intelligere possimus, existimandum non est, &c.* ut supra allegauimus. Concludimus itaque auctoritate S. Scripturæ & multorum ecclesiasticorum Patrum, non cœlum, sed stellas in cœlo cursus suos conficere.

Non cœlū  
sed stellæ in  
cœlo cursus  
suos confi-  
ciunt.

A πιδύγῃ  
III.

III. Si motus est aliquis cœlestis, ille aut est cœli ipsius seu expansi, aut stellarum in cœlo, aut utriusque simul. Disiunctionis necessitas est manifesta: quia opposita ita sunt partes, ut plures dari non possint. At cœlum seu expansum ipsum non mouetur, ita ut non circumagatur vel solum, vel cum stellis. Probatur assumptum: Quod tenuissimum & subtilissimum est, id rapidissimo aliquo motu, qualis est cœlestis, cieri non potest. At qui cœlum est tenuissimum & rapidissimum. Ergo rapidissimo illo motu cieri cœlum non potest. Propositio probatur: Quæcunque moventur, aut innata virtute moventur, aut externo impulsu, aut utraque modo. At cœlum nullo horum modo mouetur. Primo non mouetur ingenita facultate, quippe cum ad velocissimam & rapidissimam illam reuolutionem non sit aptum, qui obsecro subtilissima, vel etiam omni aere subtilius & tenuius, tam pernici & concitato motu circumuolui queat? Ut enim quippiam rapido & iugi motu circumrotetur densioris & solidioris naturæ sit necesse est. Deinde nec aliunde cieri aut impelli potest. Quæ

Egyas  
assumpti.  
Propositio-  
nis proba-  
tio.



enim peruia sunt, summaque essentia sub-  
 tilitate prædita, ea externam secundum o-  
 mnes suas partes impulsione respiciunt. Ver-  
 bi gratia, nubes quomodocunque agiten-  
 tur in tenui aeris expanso; aer nihilominus  
 immobilis permanet, nec inde motionem  
 aliquam acquirit: sic cælum ob summam ec-  
 sentia suæ raritatem, vastissimis in eo, suo se  
 motu reuoluentibus syderum globis ad mo-  
 tum præsertim illum minime impellitur, sed li-  
 berrimum astris, per inania sua meātibus tem-  
 pla, transitum permittit.

*Assumptionis amplissima ἐξήγασία, ubi est ἀνά-  
 βασις ad tenuitatem substantiæ cælorum,  
 aduersus solidæ cælorum duritiæ*

*Patronos.*

Assumpti veritas Lectori ex Ouranographi-  
 cis nostris patere potest manifeste: verum  
 quia & his ipsis annis inueniuntur non so-  
 liditate argumentorum, sed affectuum tyran-  
 nica duritie, & opinionum præconceptarum  
 imperuia tenacitate, cæli densam, ferream, &  
 chalybeam stabilitatem firmitatemque, ad  
 stabilienda & firmanda sui cerebri euania  
 phantasmata, adstruere annuntur: liceat mi-  
 hi, aliunde nouis suppeditatis machinis ad  
 duritiem illam arietandam, & chalibæam so-  
 liditatem molliendam, nonnihil in hac dis-  
 putatione Astrologica, quæ tamen Oura-  
 nographicis valde est affinis, exspatari. Sic  
 igitur telam syllogismorum nostrorum te-  
 xo.



*Si cœlum dura & imperuia constaret materia: Cœlū non  
tum stellarum radii per duo diuersa transirēt dia- constat du-  
phana, ideo duplici refractioni essent obnoxii, & ra & imper-  
proinde semper extra suum locum conspicerentur, uia mate-  
totamque scientiam Astronomicam perpetui er- ria.  
roris ac inconstantia arguerent. Hinc adeo est, vt  
Tycho Brahe ( vt supra vidimus ) cum Roth-  
manno disputet de cœli materia, sitne aerea,  
vel plane alia ab aere, & alter semper obiiciat,  
duplicem refractionem fore per duo diuersa  
diaphana, cœli scilicet & aeris. Hoc ipsum etiā  
præclare monet Ioannes Pena in præfatione  
Opticæ, libet eius verba hic repetere: Si stelle  
fixæ & aliæ etiam per tot media, tam late fusa, tot  
superficiebus distincta, visæ alibi, quam in hori-  
zontis polo, nunquam suo loco cernentur: & quæ  
remotissimæ sunt, proximæ & quasi contiguae ap-  
parebunt; quædam etiam, quæ uno aut altero gra-  
du distant, cōiunctæ aspicientur; frangentur enim  
a perpendiculo propter mediorum varietatem, vt  
docet Optice. Rursumque cum horiZontis polum  
attigerint, quæ iungi alibi videbantur, diuelli, ac  
satis procul distare apparebunt, quantum re ipsa  
distant a sese, propterea quod omnibus illis mediis  
ad perpendiculum insistant. Quæ si ita fiant, va-  
leat Astronomia, valeant Hipparchi observatio-  
nes, & excellentium Astronomorum libri. Quid  
enim erit certum in Astronomia? At constat, sy-  
dera debitis suis locis esse observata, nec ab ullo vn-  
quam artifice gemina eiusmodi syderum animad-  
uersa est refraction, nec duo deprehensa sunt diuer-  
sa diaphana. Ergo cœlum non constat ex dura &*



Demōstra-  
tio cōsecu-  
tionis prio-  
ris proposi-  
tionis.

Consecutio  
posterior  
propositio-  
nis demon-  
stratur.  
Propositio-  
nis veritas  
ostenditur.

imperuia aliqua materia, sed tenuissima & subtilissima. Propositionis consecutio prior, nempe quod protinus necesse sit, duo existere diuersa diaphana, si cœlum ex densa & solida quadam mole conflatum statueretur, ita demonstratur: Quaecunque corpora pellucida non modo substantia ipsa, sed & qualitatibus, praesertim luciditate ac raritate seu tenuitate, inter se differunt, ea diaphanitate quoque, seu perspicuitate differant, & diuersa diaphana constituent, necesse est. At cœlum, si solida compactum esset materia, & aer: non tantum substantia ipsa, sed etiam qualitatibus differrent. Substantia quidem: nam cœlum tum esset corporeum & materiatum, aer incorporeo similis, & quasi immateriatum quid: illud naturae coelestis, hoc vero elementaris: Qualitatibus vero, quod cœlum tum foret visibile, tangibile, &c. Aer vero inuisibilis & intangibilis: Cœlum esset pellucidum, ac crassum seu densum, Aer obscurus & subtilissimus: ideoque haec duo diuersa diaphana efficerent. Posterior vero consecutio ita ostenditur: Si cœlum & aer diuersa essent diaphana, geminas quoque efficerent refractiones. Atqui duo sunt diuersa diaphana, ut iam ostensum est. Ergo geminas quoque efficiunt refractiones. Propositionis veritas ita patet: Quot enim sunt diuersa, & transeuntes radios refrangentia media inter rem visam, & oculum videntis, tot etiam mediorum refractiones erunt. Si ergo inter sydera coelestia, & hominum sydera spectantium oculos duo interueniunt diuersa media: alterum densum & pellucidum (uti volunt) nempe cœlum ipsum: alterum



alterum tenue ac per se obscurum, variisq; exhalationibus circa terram refertum, & quasi condensatum, utpote aer: certe sydera duplici refractioni erunt obnoxia. Id quod demonstrant Alhazen. lib. 7. cap. 4. & 5. Optica. Et Vitello passim lib. 10. perspectiva. Vnde vulgatum Theorema in Opticis est: Quoties res visa in medio densiore consistit, visus in tenuiori, tum locus apparens semper est propior visui, quam verus, &c. Exemplo eiusmodi res illustrari solet: Coniciatur in vas, praesertim profundum, res quapiam candida, ut numus argenteus, vel simile quid, & discedatur a vase, donec is in fundo amplius conspici nequeat: tum ab alio quopiam subornato, aqua paulatim super infundatur: confestim numum illum, quena prius videre non potuisti, infusa aqua, liquido cernes. Ratio est; quia dum in eodem medio essent, numus & oculus videntis, extra suum locum, conspici nequibat. Verum cum nunc in diversis sint mediis, nempe oculus videntis in tenuiore, scilicet aere, & numus argenteus in densiore, videlicet aqua, protinus per refractionem, imago nummi, extra suum verum locum, oculis tuis spectanda exhibetur. De qua re legatur propoi. 5. 6. 7. 8. 9. lib. 3. Perspect. communis, ubi haec evidentissime demonstrantur. Idem de caeli stellis intelligendum. Nam si caeli lumina in medio consistenterent densiore, ut quibusdam placet, & oculus videntis in medio esset tenuiore, nempe aere; sequeretur utique, sydera omnia refracte conspici, atque extra suum verum locum apparere, idque duplici, ob diaphana duplicia,

Theorema  
opticum.



per quæ transirent refractione. *Primum* enim radii cœlestium syderum incidentes in solidam cœli materiam, ab aere diuersam, non nihil ali-  
nea recta reflecterentur ac refringeretur. Atq;  
hæc prima esset refractione, quæ perpetuo & vs-  
que ad verticem, idque in omni horizonte æ-  
qualiter duraret. Nam in vertice, quia perpen-  
diculariter incidunt, directe feruntur, *Vitell. li-*  
*bro 10. p. 3.* Deinde radii cœlestium luminum  
incurrentes in euaporationes ac fumositates  
circumterraneas, rursus refractionem pateren-  
tur, eamque non perpetuam, sed ad quindecim  
circiter graduum eleuationem perdurantem,  
sed inæqualem, pro locorum diuersitate & ha-  
lituum terrestriū subtilitate, aut crassitie. Tra-  
ctus vero ille aeris, qui concauo sphaeræ luna-  
ris, & exhalationum terrestriū regioni inter-  
iacet, nullam omnino, quæ in sensus cadit, no-  
tabilem ingerit refractionem, eo, quod regio  
illa tenuissima, rarissima ac subtilissima sit, &  
immateriati, immo vacui instar, quod proinde  
nulla syderum radiis obstacula, possit obicere.  
Vnde factum, quod Danaus in *Physicis* aerem  
incorporeum existimauit, ob summam eius te-  
nuitatem & subtilitatem. Quod si vero syde-  
ra omnia ita geminis obnoxia essent refractioni-  
bus (vti ex assumpta cœli duritie sequi demon-  
stratum est) nunquā sane suo debito loco con-  
spiciuntur, sed alieno. Immo tota syderum sci-  
entia lubrica & fallax fuerit, quippe, quæ vera  
syderum loca & magnitudines plane ignoret.  
Siquidem res per refractionē conspecta, extra  
suum

Sydera oīa  
an geminis  
sint obno-  
xia refra-  
ctionibus.

Theorema  
opticum.



ium locū apparet. *E propof. 5. lib. 3. Persp. com.*  
 it quæ refracte videtur, maiora vel minora ap-  
 parent, quam reuera exiftunt. *Propof. 9. lib. 3.*  
*Persp. com.* Atqui exacte obferuari poffe fyde-  
 rum loca, tum ex temporum in æquinoctiis &  
 eclipsis exactis indicationibus, tum exquisi-  
 ſſimis & iuſtiſſimis fyderum moribus, nulli  
 alterationi obnoxiiis, certo conſtat. Quid, quod  
 a nullo vnquam artifice deprehenſa ſunt fyde-  
 ra duplices eiufmodi ingerere refractiones?  
 Tot enim interlapſis ſeculis, inde ab Hippar-  
 cho ſydera organis ſunt luſtrata, ab Alfragano,  
 Albategnio, Ptolomæo, Regiomontano, Co-  
 pernico & noſtro hoc florentiſſimo ſeculo, ab  
 Illuſtriſſimo principe Wilhelmo Landgrauio  
 Haſſiæ, & Domino Tychone Brahe, validiſſi-  
 mis illis binis, noſtræ tempeſtatis ruinoſi O-  
 lympi columnis, plus quam Herculeis, nec ta-  
 men ab vllō tam præſtantium artificum, alia  
 reperta eſt refractione præter eam, quam euapo-  
 rationes & halitus terreſtres ac aquei circa Ho-  
 rizontem, paucis gradibus inſinuant. Ex qui-  
 bus ſatis ſuperque conſtat, vnum idemque eſſe  
 cœli diaphanon, vnam eandemque fere tenui-  
 tatem & ſubtilitatem, & proinde cœlum nulla  
 eiufmodi, vti a veteribus plerique proditum  
 eſt, ſolida ac impertua mole conſtat, ſed ma-  
 teria conſtare tenuiſſima, ſubtiliſſima, fyde-  
 rumque motui admodum perua.

IV. *Tenuiſſimo, rariſſimo, & ſubtiliſſimo cor-* *Απόδειξις*  
*pori, nō poſſunt ita infixæ eſſe corpora denſa & am-* *IV. ex eodē*  
*pla, ut illud hæc immota plane, rapidiſſimo motu* *fonte.*



*secum circumtorqueat. At cœlum est tenuissimū, rarissimum & subtilissimum corpus ipso nostro aere longe purius & subtilius, ipsa autem sydera sunt ampla & densa. Ergo cœlo non sunt ipsa sydera ita infixa, ut hæc ab illo perniciosissimo rapiantur motu.*

Probatio  
propositio-  
nis.

Propositio patuit supra, & inde etiam vera apparet, quod tenuissima & rarissima densis cedunt, & sint petua. Quæ autem cedunt aliis, non sunt earum virium, ut motu corripere possint illa se densiora corpora. Neque est in cœlo talis impulsus fingendus ventorum, qualis in aere nostro. Deinde ipsi cœli motus patroni, ut hanc affixionem & immobilitatem astrorum in suis sphaeris mobilibus tueantur, fingunt solidas & firmitate quadam duras sphaeras astrorum continentes. Assumptum probo tribus prosyllogismis.

Probatio  
assumptio-  
nis.

Prosyllog. I.

I. Sancta sancti Spiritus oracula docent cœli subtilem tenuitatem, Esaia 40. versic. 22. *Qui extendit cœlum veluti tenue quid, ubi in Hebræo est vox, quæ tenue & rarum aliquid designat. Et cap. 51. vers. 6. Cœli sicut fumus liquefiet, forte quod fumi instar tenuissime & rarissime expansi sunt. Psalm. 104. vers. 2. Extendit cœlum sicut aulaum. Vnde Basiliius Cœlum subtilissimū, sicut fumum dicit, Hieronymus instar nihili extensum: & Castalio vocem Schamajim per liquidum, non inepte vertit. Sed de hoc argumento plura videris in Ouranographicis. Ergo Cœlum est liquida & tenuis substantia. II. Si Cometa in ipso cœli firmamento inter Planetarum sphaeras progignuntur, & peculiari ac proprio motu non secum, ac perennia cœli sydera, in quorum orbibus*

Prosyllog. II.

resist-



resident, progrediuntur, fieri sane non potest,  
 ut cœlum solida, ac imperuia quapiam materia  
 conflatum & compactum sit. At prius. Ergo et  
 iam posterius. Propositionis consecutio est fir- Consecutio  
 missima. Nam si cœlum solida & compacta propositio-  
 quapiam materia constaret, Cometæ, siue ex nis.  
 euaporatione & halitu terrestri (ut veteres ple-  
 rique volunt) siue ex cœlesti materia (ut recen-  
 tiores demonstrant) nascuntur, citra tamen di-  
 mensionum penetrationem in cœlo moueri  
 non poterunt. Primo, si ab exhalationibus gi-  
 gnantur Cometæ, ad cœlum vsque nequaquam  
 conscendere, nedû densissimos ac crassissimos  
 eius transcendere parietes poterunt. Firmissi-  
 mis siquidem rationibus, ex vaporum in cre-  
 pusculis eleuatione, Optici demonstrant, nul-  
 las eiusmodi euaporationes aut halitus terre-  
 stres, vltra tredecim circiter milliaria in aerem  
 posse assurgere. Quomodo igitur ad altissima  
 cœli theatra conscendent? An non in tam im-  
 mensa intercapedine dissipabuntur ac consu-  
 mentur, donec tandem plane evanescant? Sed  
 esto ita: conscendat moles ista halituum & ex-  
 halationum ad cœlum vsq;. At quomodo cras-  
 sa ac imperuia orbium mœnia penetret? Quod  
 enim imperuium ac densum est, cuiusmodi ab  
 illis fingitur cœlum, penetrationem omnem  
 respuit. Nam, ut impossibile est, corpus aliud  
 crassum, per murum aut parietem transire, ita  
 multo incredibilius, tam magnâ materiæ Co-  
 meticæ molem vastissima orbium cœlestium  
 terga posse permeare. Quid, quod purissima



II.

cœli regio nullas eiusmodi peregrinas fumosi-  
 tates, citra naturæ totius confusionem in suam  
 conditionem irrumperere patitur. *Deinde* si Come-  
 tæ in ipso cœlo ex materia cœlesti prodeunt:  
 moueri sane non poterunt, nisi vel orbi alicui, in  
 in morem perennium syderum sint alligati, cu-  
 ius raptu circumtorqueantur, vel magnetica  
 quadam & spontanea concomitantia motum  
 alicuius perpetui syderis æmulentur: vel deni-  
 que captiuo & ingenito cursu circumducâtur.  
 Sed quomodocunque statuatur, liquido pate-  
 bit, *cælum dura & solida materia constare non*  
*posse.* Nā si orbi alicui annexi essent: necesse ef-  
 fet, ut is vel vnus foret ex octo illis, in quos cœ-  
 lum diuisum esse existimant; vel alius quispiam,  
 præter hos, de nouo creatus, ut Cometas re-  
 cens oriundos contineret, & circumduceret.  
 Quod si Cometæ in orbe aliquo vel fixarum,  
 vel erraticarū stellarum residerent, & vna cum  
 eodem cierentur, ab iis omnino stellis, in qua-  
 rum orbibus essent collocati, eandē perpetuo  
 distantiam, & a terris remotionem haberent:  
 alias orbi alicui solide inhaerere, & cum eo mo-  
 ueri non possunt. At certe constat, *Cometas*  
*peculiarem, & plane a reliquis cœli astris diuer-*  
*sum quendam motum habere,* quo nunc reliquas  
 stellas pari cursu æmulantur: nunc particulari-  
 tate sua anteuertunt, nunc vero sequuntur. Im-  
 mo sibi ipsis plane dissimilem reuolutionis suæ  
 tēorem exhibent. Distantiam quoque a terris  
 non retinent eandem cum astro illo, in cuius  
 sphaera videntur consistere.

Comete pe-  
 culiare, &  
 plane diuer-  
 sum a stellis  
 motum ha-  
 bent.

Proinde



Proinde orbis alicui reliquorum syderum al-  
ligati esse, eiusque circumrotatione conuolui  
nequeunt; sed proprio suo, quo a Deo sunt do-  
nati, cursu, suas præscriptas in cælo orbitas e-  
metiuntur. Id quod, si cælum dura ac imperuia  
orbium mole concretum esset, sine dimensio-  
num penetratione fieri non posset. Sin vero  
Cometis mouendis nouus a Deo crearetur or-  
bis, erit is, vel vnus, vel plures. At vnus omni-  
bus sufficere nõ potest, cum certum sit, *Cometis*  
*mouendis an nouus a*  
*Deo creatus*  
*sit orbis.*  
*tas* indiuerso a terris positu collocari; alios videli-  
cet altius circa superiorum, alios humilius iuxta  
inferiorum territoria castra metari. Id quod ex  
parallaxium, quam exhibent Cometæ illi, di-  
ueritate, artificibus notissimum. Si igitur or-  
bes eiusmodi noui in cælo creentur, plures  
sint, necesse fuerit; & quidem totidem, quot ip-  
si Cometæ. Atqui ita cælum infinitis & incer-  
tis constaret orbibus: immo increatum adhuc  
(saltem ex parte) & imperfectum foret, præser-  
tim cum dubium nõ sit, quin in posterum plu-  
res subinde prodituri sint in cælo Cometæ,  
quibus suum vna connasci orbem necessum  
foret. At quis tam insolens rerum perscrutator  
est, qui non existimet, sapientissimo illi naturæ  
architecto satius fuisse ingenitum quendâ Co-  
metis motû, quo in liquido illo & peruiio cæ-  
li olympo exspatiarentur, indidisse, quam vt to-  
tidẽ, quot Cometas novos in cælo orbis fabri-  
caret, quos postea evanescentibus & disparen-  
tibus Cometarû prodigiis, tanquam emeritos  
in cælo, circumuagari otiose permetteret. At

Q



**Nugatoria  
exceptio.**

**Probatio  
assumptio-  
nis.**

**Prosyllogis-  
mus.**

excipies, *Cometas virtute quadā occulta ac ma-  
gnetica quadam emulari perennium syderū cœli  
cursum in intermediis cœlestiū orbium spatiis, ita,  
ut nulli tamen orbi sint affixi; sed trahantur tan-  
tum & circumducantur a Planeta aliquo suo or-  
biculo inherente.* Nugamenta hæc sunt superio-  
ribus æqualia, nulliq; demonstrationi, aut pro-  
babili rationi innixa. Cometa si circumducere-  
tur a Planeta quopiā, cur ductorem suum non  
perpetuo comitaretur? cur alias cursu suo velo-  
cissimo ipsum anteverteret, eumq; lōgo inter-  
uallo post se relinqueret? alias cōtra ab eodem  
relinqueretur, ita ut in opposito etiā resideat?  
Quæ cum omnia ita absurda sint, ut operosam  
redargutionē nō mereantur: & sine dimensio-  
num penetratione, quā tamen omnes impossi-  
bile esse concedunt, admitti non queant, lubēs  
prætereo. Hactenus propositio. Assumptionem  
syllogismi superioris, qua asseritur, *Cometas in  
ipso cœlo supra Lunam prognasci, & peculiari quo-  
dā motu circumduci,* probant Mathematici hu-  
ius ætatis peritissimi, nobilissimus Vranizæ My-  
stes Tycho Brahe, Thaddæus Hagecius ab Ha-  
ick, Cornelius Gemma Frisius, Rhormannus,  
nec dissentiunt epistolæ p. mem. Magni Prin-  
cipis Guilielmi Lantgrauii Hassiæ. Sed quia de  
hac peculiari quæstione acturi sumus postea,  
differat, quæso, Lector, eo assensum, vel inde  
perat probationem assumpti. Tertius prosyllo-  
gismus desumitur, non a Cometis, sed a Plane-  
tarum motu, quia propius aliquando accedūt,  
nonnunquā longius ab ea digrediuntur, quod  
testatur



testatur experientia, parallaxium in eodē Planeta diuersitas, magnitudinum altera. Ita concluditur syllogismus a D. Aslacho viro huius doctrinæ liberrimo æstimatore: *Si Planeta nūc propius ad terram se demittunt, nunc altius ab ea recedant; sequitur, cælum ex materia solida & imperuia non posse consistere. At verū prius. Ergo & posterius.* Propositionis consecutio satis manifesta. Nam si cælū ex dura & rigida quadam essentia concretū esset, quomodo citra dimensionum penetrationem Planetæ nunc propius ad terram accederent, nunc vero longius ab ea in cælum cursum suum deflecterent? Assumptionem quoq; vis tibi demonstrare? Age, Planetarum parallaxes & magnitudines expende. Quid quæso causæ est, cur Luna (ut de reliquis supersedeam) nunc minorem, nunc maiorem parallaxin habeat? Nulla equidem alia, quam quod libero & ingenito suo cursu nunc altius liquidum cæli æthera scandit; nunc humilior ad terram se demittit. Quanto enim phænomenon quoduis remotius a terra distiterit, tanto minorem: quo vero propius ad terram accesserit, eo maiorem obtinuerit parallaxin. Magnitudines quoq; Planetarum non semper eadem manent. Verbi gratia: Sol cum in Perigæo versatur, maiorem exhibet diametrum visibilem, quam in Apogæo. Illic enim 30. hic vero 33. circiter minuta (ut præstantium Mathematicorum hac de re testantur observationes) in diametro suo continet. Vnde hoc ipsum nisi ex positu corporis solaris propinquioris & remotioris Idem

Consecutio  
propositio-  
nis.

Assumptio-  
nis.

Magnitudi-  
nes Planè-  
tarū nō sem-  
per eadem  
manent.



Coelū ex se  
nullā indu-  
cit refractionem.

de Luna sentiendum: quæ alias maiorem, alias  
minorem habuisse diametrum cōperta. Quid  
de superioribus dicam? Experientia compro-  
batum, Venerem in Perigæo suo tam eximie  
sæpe magnitudinis apparuisse, vt ab inerte  
becula pro insolenti quopiam ac prodigio  
cœli phosphoro, tum primum exorto habe-  
retur. Mars acronychius, Ieuem ipsum magni-  
tudine exæquare videtur, igneo tantum suo,  
rutiloque fulgore ab eo discretus. Iupiter quo-  
que & Saturnus circa perigæum suum mul-  
to maiores, quam alias apparent. Quid hic re-  
fractionem prætedis? Cœlum cum sit tenuissi-  
mum quid, nullam ex sese refractionem in-  
ducit. Esto. Finge, si placet, illud densissimum  
esse. Nullam tamen eiusmodi insinuare pos-  
sit refractionem, cuius interuentu, sydera inni  
perigæo, quam in apogæo, maiora existe-  
rent; quippe, cum vni & eidem, quocunque  
cœli loco versarentur, refractioni obnoxia es-  
sent: nisi forte cœlum alicubi tenuius, alicu-  
bi densius esse putes. Sed facessant fabulæ  
iusmodi: certoque statuamus magnitudinis il-  
lius alterationem, ex accessu & recessu Plane-  
tarum in liquido ac raro hoc cœli expanso con-  
tingere. Quid si igitur Planetæ nunc propius  
ad terram accedunt, vnde maiores: nunc sub-  
limius ipsum æthera a nobis conscendunt, id-  
eoque minores apparent: profecto cœlum ex-  
dura ac inuia quadam mole cōcretum esse non  
potest. Hactenus Apodeixis quarta.

Verum contra posteriores has duas demon-  
strationes



orem, alias  
tra. Quid  
compro  
m eximia  
neri  
nodis  
cto habe  
m magni  
tum uio  
iter quo  
um mul  
id hic re  
tenuit  
nem in  
iffimam  
are po  
dera in  
uile  
moque  
oxia ef  
alica  
nle e  
finisil  
Plane  
o con  
ropius  
e sub  
it, id  
um ex  
e non  
non  
atio

strationes quatuor præcipue obijciuntur, cœ-  
li *extensio*, *apertio*, *stella* & *aqua cœlestes*. Ex no-  
mine cœli, quo appellatur Hebraico, *extensio*-  
*nis*, & *expansionis*, tale nectitur argumentum:  
*Quod expanditur, extenditurque, id solidum*  
*compactumque sit quadam densitate necesse est.*  
*Atqui cœlum est, & dicitur extensum & expan-*  
*sum. Dicitur enim Raciah, & Iesaias dicit Deum*  
*extendisse cœlos. Ergo cœlum sit soliditate den-*  
*sa compactum, necesse est.* Propositio probatur:  
*Quia Græci Raciah verterunt στεῖρα, Latini*  
*firmamentum. Deinde apud Hebræos etiam*  
*notat extensionem solidam & duram, ut Iesa. 42.*  
*versic. 5. Expandit terram, & res prognatas ex ea,*  
*id est, qui terram in solidam aliquam compagi-*  
*nem efformauit, & in eius superficie res varias ex-*  
*pandit.* Resp. I. Inconueniens est versio tū La-  
tina, tum Græca, ut in Ouranographia mōstra-  
uimus. Idem etiam doctissimus Hebræus D.  
Drusius in obseruationibus monet, cum ait:  
*Dicitur non a firmitate, ut Græcum στεῖρα, sed*  
*ab extensione, quoniam cortina in modum ex-*  
*pansum sit.* Munsterus etiam in cap. i. Genes.  
ait: *Vox Raquiah non firmamentum, sed exten-*  
*tionem denotat, iuxta illud, extendit cœlum sic-*  
*ut pellem.* II. A particulari non concluditur  
aliud particulare, nisi sit par utrobique ratio.  
Terræ autem & cœli non est par ratio in ex-  
tensione, ut patet per experientiam. Dein-  
de frequens etiam extensio, tenuis, rara & sub-  
tilis. Sic Iesaiæ 40. versic. 22. *Qui extendit velut*  
*conopeum cœlos, ut Tremellius & Iunius ver-*

Obiectio  
prima con-  
tra tertiā &  
quartam a-  
podeixin de  
tenuitate  
cœli.  
Syllogism.

Probatio  
propositio-  
nis.

Respons.

Aer sæpissio  
meins lite-



ris dicitur  
expansum,  
qui tamen  
non est du-  
rus, sed li-  
quidus.

Instantia.

tunt: quidam tamen existimant, iuxta proprie-  
tatem vocis Hebraicæ vertendum esse: *velut  
tenue & rarum quippiam*. Quod ostendunt  
tunc ipsa vocis origine; oriri quippe tradunt,  
vocem a verbo, quod proprie *attenuare, con-  
minuere, conterere* significat. Rabbi David in  
libro Radicum ita exponit: *Qui extendit cœ-  
lum sicut pellem tennem*. Hieronymus: *Qui ex-  
tendit cœlum ut nihilum*. Regeritur: *At quo-  
modo sit extensum, sacra litera exprimunt, nimi-  
rum, ut pellis, ut conopsea, ut aulæum, ut specu-  
lum fustum, &c. At hæc significant res duras*.

Zanchius.

Resp. Non fit comparatio in tertio qualita-  
tis istarum rerum, sed tantummodo ratione ex-  
tensionis & expansionis durabilis. Cum com-  
paratio igitur est inter cœlum & aulæum, in-  
ter cœlum & speculum fustum, item cœlum &  
sapphirum, non spectatur qualitas conueniens  
in materiæ soliditate & duritie, sed in exten-  
sione & expansione firmissima. Hinc D. Zan-  
chius monet: *Reuera, inquit, cœli sunt ana-  
plissimi & profundi, & ferri instar firmissimi, hoc  
est, corruptioni minime obnoxii, veluti, scilicet,  
hæc inferiora sunt. Non tamen duri esse creden-  
tur. Cedunt enim corporibus sanctorum in cœlum  
beatorum adscendentibus, sicut & aer. Itaque si-  
miles sunt ferro, non quo ad duritiem, sed quo ad  
firmitatem attinet*.

Obiect. II.

II. Obiicitur: *Quod aperitur & clauditur, id  
non est tenuissimum & subtilissimum. Cœlum  
stelliferum legitur in sacris literis aperiri & clau-  
di. Genes. 7. Cataractæ cœli se aperuerunt, Iesaiæ  
78. Et*



78. Et iannas cœlorum aperuit. Matth. 3. Et cœ-  
li sunt aperti. Marc. 1. Vidit findi cœlos. Deut. 11.  
Iratuſ Dominuſ claudet cœlum. 2. Chron. 6. Cum  
clauſum fuerit cœlum, &c. Ergo cœlum non eſt  
tenuiſſimum. Reſp. Ad hoc argumentum vt Reſpon-  
ſio prolixè, ita neruoſe reſpondet D. Aſlachuſ. Li-  
cet autem pro virili mea eaſdem & mouerim  
& dimouerim obiectioneſ in Ouranographia:  
tamen quia hæc reſponſio plena eſt eruditio-  
niſ, & quorundam chaliſſimæ phantaſiam e-  
uertit, adiciere eam placet. Non igitur ſimplici-  
ter verum eſſe ait, quod dicit propoſitio, quod  
quæcunq; aperiantur & claudantur, conſeſtim ſo-  
lida & rigida ſint eſſentia. Aer etenim pernici-  
uium volatu, item rapidiſſimo teli impetu qua-  
ſi aperitur & ſcinditur. Vnde Virgiliuſ ait, Vo-  
lucres ſecare æthera penniſ. Et taurum aperire an-  
num cornibuſ. Et aqua claudi dicuntur Genel. 8.  
Clauſi ſunt fonteſ abyſſi. Nunquid ergo hæc quo-  
que ſolida & imperuia erunt? Deinde quod cœ-  
lum aperiri & claudi dicitur, id non de cœlo  
ſtellaſ, ſed infima cœli regione, nēpe aere, vel  
nubibuſ potiuſ aereis intelligendū eſt, vt pate-  
bit ex dictorum locorū explicatione. Nā quod  
cataraçte cœli ſe aperuiſſe dicuntur, de nubiuſ re-  
ſolutione, & aquis earū gremio contentiſ acci-  
piendum eſt, vt ex aliis ſcripturæ lociſ perſpi-  
cuum euadit, quemadmodū Pſal. 78. 23. Quāniſ  
præcepiſſet ſuperiorib. nubibuſ ſuperne, & iannas,  
ſine cataraçtaſ cœli aperuiſſet, depluenſq; ſuper eaſ.  
Man ad comedendū frumentū cœlorū daret illiſ.  
Vbi nubes & ianuæ, ſeu cataraçte cœli pro eodē

An quæ a-  
periuntur,  
& claudun-  
tur. ſolida &  
rigida ſint?

Cœlū ape-  
riri & clau-  
di quid?



Per catara-  
ctas cœli  
Moses nu-  
bes intelli-  
git.

Nota.

sumuntur. Iob. 38. v. 34. *An attollere potes ad dēsas  
nubes vocem tuam, ut affluentia aquarū tegat te?*  
vbi Iobus nubibus dēlis aquarum affluentiam  
assignat. Et postea versic. 37. nominat has *utres  
cœli*. Sic Psal. 147. vers. 8. *Qui obtegit cœlos densis  
nubibus; qui cōparat terre pluuiam.* Quare cer-  
tum est, *Mosen per cataraclas cœli densas nubes  
intelligere.* Id quod & ipse clarius significat Ge-  
nes. 9. vers. 13, vbi ait, *Deum disposuisse arcum in  
nubibus in signum & testimonium, ne aquæ (puta  
nubium) amplius terram, ut in diluuiο, sint inun-  
daturæ.* Vt igitur aquæ cœli & aquæ nubiū pro  
iisdem aquis intelligendæ (vt patet ex collatio-  
ne locorum duorum 2. Sam. 11. 10. *Donec ef-  
funderetur aqua super eos e cœlis: & 2. Sam. 22.  
vers. 12. Aquæ dense superiorum nubium*) ita et-  
iam cataraclæ cœli, & cataraclæ nubiū pro eo-  
dem apud Mosen accipiendas esse, minime du-  
biū erit. Alioqui si has cataraclas cœli de aquis  
(vt quidam contendunt) supercœlestibus intel-  
ligamus, in multa absurda impingemus: Non-  
ne cum scriptura nominat, *nubes cœli*, Genes.  
9. vers. 16. *rorem cœli*, Genes. 27. vers. 39. *Sulfur  
& ignem cœli*, Genes. 19. 14. *Ventos cœli*, Daniel.  
7. vers. 2. *gelu cœli*, Iob. 38. 29. *tonitrua cœli*, Psal.  
18. 14. *Imbrem & niues cœli*, Esa. 55. 10. Nonne,  
*inquam*, hæc quoque eodem sensu supra firma-  
mentum stellarum reponenda erunt, dicen-  
dumque illa inde ad nos quotidie delabi? At ex  
ipsa quotidiana experientia satis constat, hæc o-  
mnia in infima hac aeris regione generari, in-  
deque in terram (vt cœli esse dicantur) dima-  
nare.



nare. Quis igitur cataraclas cœli de eadem aeris regione, & in primis de nubibus, & earum aquis non accipiendas arbitretur? Quin & absurdum videtur, vllas aquas, ventos, sulphur, <sup>Aquas, ventos, &c. a</sup> gelu, aut similia meteora, a suprema illa cœli <sup>suprema</sup> regione, sydera omnia complectente, per <sup>aeris regio-</sup> ipsum cœlum (*quod solidissima & imperuia* <sup>ne in terrâ</sup> *esse natura clamitant*) penetrare ac in terram <sup>defluere,</sup> defluere posse, tam immenso inter terram & <sup>absurdum.</sup> cœlum interueniente spatio. Et licet cœlum tenuissimæ esse naturæ (*ut reuera est*) statuatur, non minora tamen ex ista de aquarum supercœlestium defluxu opinione incommoda sequentur. Nonne sydera ob continuum hunc <sup>Absurdum.</sup> meteororum per eorum domicilia transitum <sup>I.</sup> & defluxum, obscura perpetuo & quasi densis obducta nubibus apparerent? Imo vix vllæ aquæ in tanta præsertim intercapedine, in terram defluerent; quia potius Solis & reliquorum syderum radiis absorberentur, antequam in terram deciderent. Quid? quod purissima & <sup>II.</sup> subtilissima illa ætheris regio ab omni eiusmodi halituum penetratione & transitu plane abhorret: nec tales peregrinas intra suæ ditioris limites irrumperere, nedum illic residere patitur exhalationes, a confusione & alteratione omni prorsus abhorrens. Ex quibus perspicuum: *cataraclas cœli de nubibus aeris in diluuiis apertis, non de vllis aliis aquis supra celsissima illa cœli & syderum theatra exaltatis, accipiendas esse.* Eodem quoque sensu intelligendū dictum Psalmi 78. vers. 23. ex ipso contextu facile appa-

Q 5



ret. *Non crediderunt, ait, in Deum, neque confisi-  
erant in salute eius, quamvis praecepisset superiori-  
bus nubibus, & iannas vel cataraclas cœli aperuif-  
set, ut deplueret super eos Man ad comedendum.*

Portæ cœli  
quid.

Per cœli ca-  
taraclas a-  
pertas quid  
intelliga-  
tur.

Vers. 23.  
Psal. 78. ex-  
plic.

Quas quæso hic cœli portas, nisi cataraclas  
cœli, id est, nubium resolutionem, unde Man af-  
fatim deplueret intelligit. Vocabulis autem  
מַיִם & אֶרֶב, quorum illud *iannam*, istud *ca-  
taraclam* denotat, Scriptura potissimum vti-  
tur, quoties ubertatem vel affluentiam indica-  
re vult. Ergo sensus est, cum dicuntur cœli ca-  
taraclæ apertæ, quod nubes sublatis repagulis  
omnibus, maxima aquarum mole se exonera-  
rint. Idem quoque intelligitur, cum *iannæ cœli*  
*apertæ* dicuntur, nempe, maxima copia & nu-  
merus mannae cœlestis diuino munere con-  
cessa. Sententia loci superioris hæc est: *Quam-  
vis Deus populum suum maximis cumulauit be-  
neficiis, e nubibus magnam copiam Manna de-  
mittendo: tamen pessima ingratitude criminis,  
tantorum beneficiorum inmemor, se polluere non  
verebatur. Quid hæc ad solidam, ac æneam  
cœli duritiem introducendam conducant, e-  
quidem non video. Reliqua, quæ sequuntur  
dicta, quibus cœli apertio demonstratur, non  
cuiusmodi id re ipsa sit; sed quale per visionem  
nonnunquam apparuit, indicant. Ideoque in  
illo Ezech. l. vers. 1. cœlum esse apertum per visio-  
nem dicitur. Sic Ioanni Baptistæ Matth. 3. 16.  
Marc. 1. 10. Luc. 3. 21. conspecti sunt cœli aperti, &  
Spiritus sanctus instar columbae super Iesum de-  
scendere. Quemadmodum Spiritus sanctus hu-  
manis*



manis oculis non cernitur, nec ascendit, neque descendit: Attamen sub specie columbæ Ioanni videbatur descendere. Eodem modo, cælum non reuera apertum, sed in visione quadam, eiusmodi conspiciebatur. Vnde Hieronymus in Matthæi capit. 3. *Aperiuntur, inquit, cæli, non reformatione elementorum, sed spiritualibus oculis, quibus & Ezechiel in principio voluminis sui, apertos esse commemorat.* Nec protinus, quæ per apparentiam quandam exhibentur, re ipsa talia existere necesse est. Quamuis autem vere quoad visionem, cælum iis fuisse apertum & Spiritum sanctum in forma columbæ apparuisse credendum; tamen non statim re ipsa vel cælum apertum fuisse; vel Spiritum sanctum cœlitus visibili habitu descendisse existimandum. Aliud enim est reuera apparere; aliud vero re ipsa tale, cuiusmodi apparet, existere. Verbi gratia: Ezechieli, ut commemoratur cap. 1. vers. 5. apparuerunt quatuor animalia, quorum unicuique quaterni vultus, & alæ totidem. Et Petrus Actorum 10. vers. 11. vidit cælum apertum, & vas quoddam descendere, in quo animalia quævis erant, munda & immunda. Quæ quidem vera fuit visio, sed non confestim vera visæ rei existentia. Et sic de similibus iudicandum. Quod vero *cælum clauditur*, id de nubibus infimi cœli intelligendum esse, ex ipso contextu, non obscure liquet, ut Deuter. 11. 17. *Iratus dominus claudet cælos, ut non sit pluvia, & terra non edet prouentum suum.* Eodem modo, quod adfertur ex 2. Chron. 6. vers. 27. *accipiendum* esse, ex sequentibus ver-

Cælum apertum esse reuera, non dicitur, sed apparenter.

Cælum cum dicitur claudere, quomodo accipiendum sit.



bis patet. Simili quoque sensu, quæ ex hoc ipso loco desumpta repetuntur Luc. 4. vers. 25. dicta esse, quis addubitet? Phrasis itaq; Scripturæ, nēpe *claudere cœlū*, duplici tropo, videlicet synecdoche & metonymia: pro eo quod est, *concludere & constringere infimi cœli nubes, ne in terram depluendo eam irrigent & fœcundent*, accipienda est. Vnde & alia quædam enata est phrasis, in qua præter duos superiores tropos etiam metaphora est: qua cœlum, puta ob maximam, conclusis arcte nubibus, siccitatem & sterilitatem, æneū & ferreum appellatur, vt *Leuit. 26. vers. 19. Deuter. 28. 32.* Contra vero cœlum aperiri dicitur, cum infimi cœli nubes densiores in pluuiam resoluuntur, quibus terræ superficies mire fouetur & alitur. Idcirco dicitur *Deuter. 28. vers. 12. Aperiet tibi Iehoua thesaurum suum optimum, dando pluuiam terra tua tempore suo, & benedicendo cuique operi manus tue.* Ex quibus patet, quam fragili nitantur fundamento, qui ex nubium cœlestium apertione, vel concretionem, cœli stellati duritiem firmissimam, ac imperuiam quādam compaginem astruere & euincere satagunt.

III. Obiect. Tertio assertores cœli chalibæi metuunt, ne cœlum ruat, ne stellæ cœlo excidāt, si tenuissimum statuatur cœlum: ita igitur argutantur. *Quod continet, complectitur & sustinet solida corpora, id ipsum quoque solidum sit necesse est. Atqui cœlum continet ex se & in se solida stellarum corpora. Ergo cœlum quoque solidum & durum sit necesse est.* Respon. Propositionis senten-

Cœlum æneum & ferreum metaphoricè dicitur.



sententia potest esse diuersa. Si hoc sensu intel- Ad proposi-  
 ligitur: *Quod continet & sustinet solida densaque*  
*corpora, quæ in se & ex se, aut aliunde nullam ha-*  
*bent subsistendi virtutem sine illius fulcimento; id*  
*quoque rigida ac inuia molis fuerit.* Sic inquam  
 conceditur propositio. Si autem alio sensu ac-  
 cipitur, non conceditur. Primo modo intelle-  
 cta si fuerit, erit falsa assumptio. Alio modo si  
 accipiat propositio, falsa est ipsa. Quia aer  
 terram vndiquaque continet & complectitur;  
 mare nauigia, imo insulas saepe ingentes ocea-  
 no innatantes sustinet. Nec propter ea vel ae-  
 rem, vel aquam inuia ac concretæ cuiusdam  
 naturæ esse dixeris. Assumptio quoque non est  
 vera. Et si enim cælum sydera, aer terram cir- II  
 cumquaq; ambit & complectitur: non tamen Ad assume.  
 ex illo complexu (*ut vulgo arbitrantur*) aut sy-  
 dera in cælo, aut terra & nubes in liquido hoc  
 aeris expanso suffulciuntur; quo minus aliquo  
 vsque declinent aut decidant. De qua re egre-  
 gie etiam disputat Augustinus de ciuitate Dei, Augustin.  
*lib. 22. cap. 11.* Qui etenim subtilissima illa cæli  
 substantia syderibus circumfusa, tam immen-  
 sas Astrorum moles, suo citra lapsum fuleire &  
 sustinere gremio potest? Quomodo tenuissi-  
 mus hic aer tam ingentia pondera nubium,  
 quomodo vastissimum hunc terræ globum, ne  
 ruinam patiatur, suo tanquam repagulo coer-  
 cere & continere queat? Non igitur subsisten-  
 tia illa syderum in cælo, nubium ac terræ in hoc  
 tenui aere, a circumfusa cæli, aut aeris natura,  
 tanquam fulcro & basi, quibus sublatis am-



plius citra ruinam tuto consistere non possint;  
 sed a Dei mandato & ordinatione dependet.  
 Is singulis in cœlo stellis, suas sedes, vias ac me-  
 tas præscripsit, extra quas digredi non possunt,  
 vimque & potentiam quandam, qua in liqui-  
 do ac tenui hoc expanso citra lapsum omnem  
 inuiolate consisterent, indidit, cum dixit, Ge-  
 nes. capit. 1. vers. 14. *Sint luminaria in expanso.*  
 Item Genes. capit. 1. vers. 17. *Et collocavit ea in*  
*expanso cœli.* Eius mandato illic, Genes. capit. 1.  
 vers. 14. *ingredi expatiari curriculo eius nutu & ar-*  
*bitrio.* Ios. capit. 10. vers. 11. *subsistere:* & per emen-  
 sa ponere vestigia. Esai. cap. 38. vers. 8. *retrogradi*  
*eguntur.* Ierem. capit. 51. vers. 16. *Ille est, qui fe-*  
*cit terram virtute sua, stabilit orbem habitabilem*  
*sapientia sua, & prudentia sua extendit cœlos;*  
*quo vocem suam edente. fremitus aquarum est*  
*in cœlis, & qui effert vapores ab extremitate ter-*  
*ræ, fulgura cum ipsa pluuia facit, & profert ven-*  
*tum e thesauris suis.* Psalms. 104. vers. 5. *Ille est*  
*qui terram fundavit secundum stabilitatem fir-*  
*am, ne inde dimoveretur in seculum & perpe-*  
*tuum.* Quam quæso hic stabilitatem, quas ba-  
 ses intelligit? Aquamne an vero aerem terris  
 circumfluum. Neutrum sane. Aqua enim;  
 cum sit naturæ liquidæ, quæ corpori terrestri,  
 utpote densiori & ponderosiori facile cedit, ut  
 ex proiectu lapidis in aquam videre est, eius  
 basis & fundamentum esse non potest, cuius  
 veluti repagulo coerceatur, ut immota in hoc  
 liquido aeris expanso cogatur subsistere, præ-  
 fertim



ferim etiam cum terra multis suis partibus detecta sit, & detecta sic plane ab aquis libera sit. Et sane quis non dicat, hic peti principium? Nam si terra aquarum fulcro in tenui hoc aere subsideat, quamquam quæso virtute aquæ ipsæ suffulciuntur? Oggeritur: At in Psalmo, *Instantia.*  
inquis 24. vers. 2. *Terra dicitur fundata super aquas.*

Respon. Loquitur hic non de toto terreno *Respon.*  
globo, sed de terra tantum habitabili ( *ut patet ex versu primo Psalmi huius* ) quæ, aquis, quibus antea tota erat cooperta, in suum alueum congregatis, supra hæc terræ viscera inferne variis suis meatibus interluentes confideat; cuius etiam terræ habitabilis latera, aquæ marinæ tanquam statumina quædam suffulcire videntur. Sic & Zanchius hunc locum *Zanchii ex-*  
explicat: *Fundavit terram super maria & flumina, id est, ad maria vel flumina.* *plicatio.* Nam in Hebræo est, *ad maria*; ut sensus sit, *terram, quæ inhabitatur, adiacere mari & fluminibus.* Aer quoque cum sit liquidum ac tenue quid, imo ob tenuitatem & raritatem instar nihili, *Iob. capit. 26. vers. 7.* non potest tam ponderosam terræ machinam suis rarissimis obstaculis inuiolata sede sustinere, aut a lapsu sartam rectam vindicare. Valde etiam improprie aer, *terra basis* diceretur, cum id proprie fundamenti nomen mereatur, quod rei alteri substratum est, cui veluti fulcro innititur. Aer vero undique supra terram diffunditur.



**Obiect. IV.** Quarto chalibæ & ferreæ substantiæ cœlestis patroni, tenuissimam cœli substantiam aquarum supercœlestium diluuiο inundare fatagunt, & ita sophistantur: *Si cœlum interstitium est inter aquas superiores & inferiores, solidæ naturæ sit necesse est. At illud verum. Quis igitur reliquum inficias inerit.*

**Propositio-  
nis confir-  
matio.**

Propositionem omnino ratam esse putant; siquidem nisi cœlum solidæ ac imperuiæ esset molis: tum geminæ aquæ illæ confluerent, miscerenturque: & totum ita terrarum orbem perpetuo inundarent diluuiο, omniaque in pristinum chaos redigerent. Itane verendum, ne cœlum ruat protinus, si tenuissimæ essentia statuat. *Assumptio vero, nempe cœlū stellatum, duabus esse interpositum aquis, ex illo Genes. cap. 1. vers. 6. demonstrare laborant. Vbi sic ait Deus: Fiat expansum inter aquas, & fecit Deus expansum, quod distinguit inter aquas, quæ infra expansum, & inter aquas, quæ supra expansum sunt. Hinc se omnino euincere posse existimant, aqueam quandam molem vastissimam undique supra cœlum sydereum expansam esse.*

**Assumpti  
probatio.**

**Respon. ad  
propositio-  
nem.**

Respon. ad propositionem Propositione illorum, inconsequentia infecta est contagio. Non enim necesse est, cœlum statim adamantina cuiusdam duricei esse, etiamsi concederetur, id inter geminas aquas esse interiectum. Aer quippe inter densas nubium aquas & inferiores tenuissime expansus est; nec propterea pendulæ illæ nubes solido yllo, ut illic considerant,



rant, fulcimento & repagulo indigent: quippe cum intra præstitutos suos terminos ita Deo stabilitæ sint, ut ipsius iniussu aliorum diffuere non possint. Ideoque Iob. cap. 26. vers. 8. ait, *Deum ligare aquas in cellis nubibus suis, adeo ut non dissolvantur nubes.* Et David Psalm. 104. vers. 9. asserit, *Deum terminum opposuisse aquis, ne revertantur ad operiendum terram.* Si igitur ulterius scisciteris, *qua vi aqua supra coelos possint consistere, si id tenuissimum statuatur:* quæram ego ab te quoque, *quanam basi nubes in subtili aere suffulciantur, quibus constringantur alveis littorumque repagulis maria, qua vi terræ absque omnibus aliis fulcris, suo sese in tenui hoc aeris theatro libret immoto pondere?* Nonne hæc omnia Dei immutabili adscribenda ordinationi? qui singula suis sedibus ita digessit, ut inde sine ipsius mandato ne latum vnguem discedere possint.

Assumptionis prosyllogismus eodem laborat vitio. Non enim eum sensum, quem illi putant, Moisaica verba Genes. 1. vers. 6. habent, si ipsi fontes consulantur, sed diuersum potius. Ita enim sonant: *sit expansio inter aquas, ut sit distinctio inter aquas unas & alteras. Et fecit Deus Harak áh, id est, expansum hoc* (scilicet, proximum, aereum, ut quibusdam peritis videtur) *ut distingueret inter aquas has, quæ infra hanc expansionem, & inter illas, quæ supra hanc expansionem sunt.* Ex quibus patet, *Mosen hic non loqui de expansione illa cœlesti, in qua sydera sunt, sed de expansione aerea, quæ aquas ab aquis,*

Prosyllogismus assumptionis.

R



puta inferiores a superioribus, quæ supra partem aliquam huius eleuata sunt, discernit. Postea vers. 17. ait, Suntu luminaria Birkiah hasschamajim, id est, in expanso cæli ad distinctionem faciendam inter diem & noctem. Hic de expansione stellata loquitur. Sed de his aquis alibi fusius disputauimus. Hactenus de argumento a tenuissima cæli substantia petito.

Ἀποδύξιν  
V.

V. Si stella neque cæli neque ullis orbium cælestium machinis circumrapiuntur, certe ipsa in cælo sua vi sibi a Deo indita circumuoluntur. Quia ex hypothese disputantium, stella aut mouentur cæli & orbium motu ac raptu, aut propria ac ingenta virtute in cæli cedentis expanso. Atqui stella neque cæli neque ullis orbium cælestium machinis circumrotantur, quod est probandum. Probatur assumptum.

Ἐξήγησις  
ἀλλοιού.

Concessa in cælo, ut hactenus est disceptatum, subtili essentia tenuitate & raritate, negatur rigida & dura cæli compages, & euanescent reales in cælo, imperuia ac dura orbium machina. Atqui hactenus demonstratum est ex optica refractionum doctrina, prolixa dissertatione Dn. Tychonis Brahe, & Christophori Rothmanni supra habita, communita: demonstratum est libera superiorum Cometarum, in liquido cæli theatro, reuolutione: demonstratum est motu Planetarum proprio, eorumque ad terram accessu, & ab eadem recessu: demonstratum est sanctæ cælestis veritatis auctoritate, cæli substantiam esse subtilissimam & tenuissimam. Ego velimus, nolimus, fateri cogemur, non esse duram & imperuiam,



nam cœli machinam, & in eodem non esse eiusmodi chalibæos & reales orbes, quibus sydera cœlestia circumtorqueantur. Ceterum alibi plura, de his ipsis orbibus explodendis disquisimus, quibus hæc iam addere liceat. Esto, concedantur in cœlo rotatiles esse orbes, quorum reuolutione sydera cieantur. Nonne igitur totidem erunt, quot ipsi in cœlo discreti, reperientur motus? Omnino. Qui igitur sufficere possunt omnibus syderum motibus no- uem illi, qui vulgo recensentur orbes? Imo ne trecenti sexaginta Basilidis. Quin potius innumerabiles erunt. Primo enim fixæ stellæ, quia duplicem haberent motum, vnum quo ab ortu in occasum raptæ (ut aiunt) primi mobilis cientur, alterum quo contrario cursu ab occasu in ortum regrediuntur: ideo & geminos ad minimum orbes obtinebunt. Planetæ vero singuli plurimas possidebunt sphaeras rotatiles, cum variis motibus agitari videntur: cuiusmodi deferentes Epicycli, æquantæ & similes. Quorum si vnus realis & materialis: cur non tales & reliqui? Nonnunquam etiam stellæ novæ in cœlo prodeunt, qualis Anno 1572. quas suos quoque habere orbes, sibi congenitos, quorum raptu circumtorqueantur, concedant necesse est. Cometas insuper plurimos in cœlo progenitos, ibique suos peregissee circuitus, inuictæ recentiorum conuincunt obseruationes. Quos proprio, eosque plurimos, obtinuisse orbes oportet; quandoquidem non omnes in vno eodemque cœli

Conclusio-  
nis loco at-  
texuntur  
quædam ad  
quæstionē  
facientia.



loco constiterint, & peculiare a reliquis stellis, imo seipsis motus sortiti fuerunt. Nonne igitur cœlum innumerabilibus, & infinitis ferme, (quod absurdum) orbium machinis refertum fuerit? Vides igitur quam fragili hæc assertio fundamento innitatur; quamque plurima ex eo nascantur opinionum monstra. Quomodo quæso tam multiplices in cœlo esse orbis rotatiles possunt, sine mutua inter se collisione, sectione, tractione, vacuoque inter singulos relicto? Qui non oculis nostris conspicerentur? Nam cum stellæ, quæ sunt densiores sui orbis, (*ut definit Aristoteles*) & veluti puncta quædam, clare & liquido cernantur; equidem multo magis vastissimæ illæ orbium moles, corusca sua & fulgida claritate oculos nostros percellerent: idque adeo ut præ maximo illorum splendore vix tremebundos & attonitos ad cœlum oculos attollere possemus. Et quis credat, ob vnius alicuius stellæ circumgyrationem (cuiusmodi Planetæ, & qui in cœlo nascuntur, Cometæ) tam vastas orbium machinas a Deo confici, iisque motum inferi; cur non potius existimandum est, motum proprium stellis ipsis diuinitus inditum, quo suos peragant circuitus; cum Deus compendii auctor sit? Mechanici quidem artifices, dum automata sua faciunt, toris, ponderibus, aliisque mediis uti coguntur. At omnipotens ille rerum parens Deus, non eget ullis ferramentis aut machinis; qui internis & insensilibus nouit operari virtutibus. Is ergo cum in hunc finem sydera in  
expan-



expanso cœli collocarit, vt sua motione ratas  
temporum & tempestatum vicissitudines, de-  
finirent: ingenitam quoque mouendi faculta-  
tem iisdem indidit, ab externo orbium impul-  
su & raptu violento minime dependentem.

*Obiectio prima pro orbibus circumferentibus  
infixas sibi stellas.*

**C**ONTRA assertam veritatem, & negationem Obiect. I.  
Orbium raptu suo reali circumtorquenti- pro orbib.  
um sydera, decertatur tum argumentis variis,  
tum absurdis assertionem euerrentibus. Argu-  
menta adstruuntia orbes cœlestes sunt tum eo-  
rum, qui pauciores e Christianis, tum eorum,  
qui plures ex iisdem defensant. Qui pauciores Pro paucio-  
fabricantur orbes afferunt testimonium S. Scri- ribus orbi-  
pturæ, & experientiam ocularem: argumenta bus.  
perfecto magni ponderis modo sint argumen-  
ta testimonii & experientiæ. I. Testimonium di- I. Argum.  
uinum est, 2. Corinth. 12. ubi Paulus meminit cœ-  
li tertii. Inde concludunt, cœlum stellatum in-  
tres distinctos orbes esse diuisum. Respon. Nega- Respon.  
tur consequentia. Cœlum enim si pro tota,  
quæ supra terram est expãsione sumitur, in tres Cœli tres  
diuersas regiones seu spatia esse distinctū con- regiones.  
ceditur. Quia primum est aer, qui a superficie I.  
terre, ad territoria Lunæ usque se defundit. Al- II.  
tera regio Ætherea est spatium nempe aeri pro-  
xime succedens, in quo sydera cœlestia exspatiant-  
tur, suasque perennes ac indefagitabiles cursus ex-  
exercant. Quæ duæ cœli regiones natura po-  
tius & nomine, quam certis limitibus a se mu-

R 3



quo determinantur; cum vtriusque tenuissima sit substantia eaque continua, quæ nullis reallibus distincta & intersecta est orbiculis; non aliter quam vastus ille Oceanus ex diuersis, quæ alluit, locis, variis indigetatur nominibus, spatiisque distinguitur. Vnde alius Atlanticus, alius Megallanicus, alias Hyperboreus, &c. dicitur; cum tamen re ipsa vbique indiuisibilis permaneat. Tertia & suprema Regio seu superætherea, est *sedes Dei & beatorum, quæ supra sidera & temporalem hunc mundum est eleuata*. De qua procul dubio Pauli locus intelligendus est. Nihil ergo hinc subsidii habent isti ad demonstrandum, *cœlesti stellati machinam triplici orbe dissectam esse*.

Obiect. II.

II. Ad experientiam oculorum, qui confugiunt, dicunt, *se in cœlo orbes intueri posse, ut orbem lacteum, cœruleum seu crystallinum seu aquæ cœlestis*. Ergo orbes materialiter sunt distincti. Re-

Respond. I.

I. Læteus quidē circulus in cœlo ipso reuera cernitur; sed orbem aliquem non constituit, quia in morem obliqui & latioris cuiusdam circuli hinc inde in cœlo extenditur, nec per totum vndiquaq; æthera expanditur. Quod fieri deberet, si orbem cœlestem conficeret.

*Quid igitur, inquis, circulus ille: & quorsum?* Explicatu sane admodū difficile, in tanta præsertim opinionū diuersitate. Esto suum cuiq; per me liberū hæc in re iudiciū, abundetq; suo quisque quantū allubescat sensu. Mihi equidem inter tot opiniones in primis clariss. Dn. Peuceri perplacet sententia, qui in epistola quadam ad  
Nobi-



Nobiliss. Tychonem Brahe, existimat, γαλαξίαν  
 ex demenso esse τὴ πρωτορόνη φωτὸς primigeniæ  
 illius lucis, quæ in luminaria & stellas die quar-  
 to creationis distributa est. II. Vt cūq; autē hæc Respon. II.  
 se habeant, pfecto nō video, quo iure ex lacteo  
 illo circulo, integrū orbē efficiant: cū aliud sit  
 ipsa subtilissima cœli substātia, aliud lucida Ga-  
 laxiæ moles in ipso cœlo instar latioris & obli-  
 quioris cuiusdā circuli dispersa & suspensa: quæ  
 propterea orbē aliquē in cœlo solidū & rotati-  
 lē minime constituit. Cæruleus vero, quē fin-  
 gūt, in cœlo orbis nullus est. At nonne videtur  
 aere puro & defæcato totū vndiq; cœlū colore  
 tinctū cæruleo? Fateor: sed nō proprie: verū per  
 hallucinationē visionis, qua in tā immensa di-  
 stātia, aeris superioris, cæruleus quidā color o-  
 culis nostris familiarissimus ingeritur: cū tamē  
 cœlū, quippe subtilissimū quid, colore villo nō  
 sit imbutū. Neq; porro ex aquis cœlestibus or-  
 bē illum in Olympo ipso sydereo efficient: nisi  
 forte stellas infra nubes conuolui arbitrentur.

III. Qui pluribus cœlū constātū esse orbib. III. Obiect.  
 arbitrātur, in hoc, & quidē nouem orbēs ex va- Pro plurib.  
 rio stellarū in cœlo motu aliisq; argumentis e- orbibus.  
 uincere satagūt. Rationē autem cur tot in cœlo Ratio. I.  
 orbēs cōstituant afferunt hāc, *Observerūt. stel-  
 las omnes, cōmuni quodam motu super polos æ-  
 quatoris ab ortu in occasum progredi, id quod non  
 nisi a cōmuni quodā motore fieri arbitrabantur.  
 Ideoq; extimū quendā orbē (nempe primū mobi-  
 le) excogitarūt, qui sua revolutione octo inferiores  
 rapidissimo quodā motu, nēpe 24. horarū spatio se-*



II. cum conuoluat. Deinde animaduertūt singulas in  
cælo stellas aduerso itinere decurrere, nepe ab oc-  
casu in ortum, super polos Zodiaci, sed progressionē  
admodū dissimili. Quarū maximū agme eadem  
ubiq; inter sese seruata intercapedine, tardissime  
procedere cōpererūt. Has igitur stellas uni & eidē  
orbi, quē firmamentū stellarū fixarū seu octauum  
orbē primo mobili proxime subiectū nuncuparūt,

III. insitas existimarūt. Porro alia quadā esse astra cō-  
spexerunt, quæ suum tū inter se, tū ad stellas fixas  
sitū perpetuo alterarēt, & quasi errabunda discur-  
rerēt: unde etiā Planeta, id est, erroneus, ab iis nomi-  
nata. Cuiusmodi septē obseruata, quæ peculiāres tū  
a superioribus, tum a se inuicē cursus ostendebant.  
Ideoq; & singula proprio suo orbi affixa putaban-  
tur, ad cuius motū circūtorquerentur. Resp. hanc

Respon.

Principia  
adulterina  
duo.  
Primum.

Alterum.

nouē istorū orbiū originē ruinosis inniti fun-  
damentis, & totā hāc de orbibus speculationē  
ex duobus adulterinis enatā principiis: quæ pro  
principiis quidē sumūtur, cū tamē prius essent  
demonstrāda. Horū pri<sup>o</sup> est: stellas nō posse ingeni-  
to quodā motu, sine orbiū raptu & circūductione,  
moueri. Quæ res necessitatē quandam existen-  
tiæ orbiū præ se ferre videtur. At quæ hæc pe-  
stis est? Nonne Deus propriū & natuum stellis  
motum indidit, cum eas in tēpora & tempesta-  
tes esse voluit? Nonne is est, cuius virtute mo-  
uētur, subsistūt, retrocedunt sydera? Alterū est:  
vnius corporis nō nisi unū esse motum. Atq; hinc  
multitudo orbiū efluxit. At qd impedit quæso  
quo minus vnius & eiusdē corporis plures exsi-  
stere motus queant? Exemplorū ubiq; affatim.

Nauis



*Navis impulsâ ventis ad optatum itineris scopum accelerat. Nauta tamen, qui in ipsa navi, aduersa premere vestigia possunt. Pisces in liquido illo Oceano repentinum eius fluxum & refluxum sequuntur. Illi tamen propria inclinatione & impetu in aduersum feruntur. Sanguis & spiritus in Microcosmo liberum sui itineris cursum obtinent, quomocunque, vel in quamcunque mundi plagam homo ipse impellatur. Nonnunquam etiam per apparentiam secundario quodâ motu quippiam moueri videtur, quod tamen non nisi vnicum re vera habet motum. Verbi gratia: Amoenissimum illum Germaniæ fluvium Rhenum navigio descendamus. Videbis ipsum sensim dilabi. Et tamen dum navis secundis prouecta ventis celerius, quâ aqua ipsa, progreditur Rhenus, quasi in aduersum retrocedere videtur. Nequaquâ igitur vt inuictum & immotum hoc concedimus principium vnus corporis vnicum tantum esse motum; cum experiëntia doceat, idem gemino moueri posse, quorum vnus tamen insitus & natiuus, alter externus & aduentitiuus, qui vel externo impulsu, ac per accidens fit, vel per apparentiam fieri videatur. Et hæc in genere de fontibus, vnde deformis illa orbium Chymæra promanauit. IV. Primum mobile hac potissimum ratione tuentur: *Stellæ*, aiunt, *omnes, aequali celeritate, nempe 24. horarum spatio, integram suam periodum absoluunt. Ergo id fieri necesse est ab externa quadam impulsione, nempe orbe quodam extimo, reliquos omnes inferiores rapidissima sua resolutione conuolvente. Atque hunc**

Vnius eiusdemq; corporis plures possunt existere motus.

Obiect. IV.



Hier. Fracastorius pro  
 oib; urealiu  
 motu dispu  
 tat contra  
 stellarum  
 motum.

Sphaerae ra  
 tio.

primum mobile nuncuparunt. Cum hac obie-  
 ctione conueniunt ea, quae disputat in poste-  
 riore parte operum suorum Fracastorius, quae  
 placet huic adscribere. Ille enim in opere suo  
 Astronomico sect. 1. cap. 2. stellas per se non mo-  
 ueri, sed in sphaeris duci, ita probat: *Primum enim,*  
*si ad eam siderum multitudinem, quae non erran-*  
*ter dicuntur, respiciamus, quasi quidem depictam*  
*ante oculos formam sphaerae ea uehementis sidera con-*  
*spiciemus: ea enim est sphaerae ratio, ut quae in me-*  
*dio circulo partes sunt, ea sola sphaera commota, ma-*  
*ximum, velocissimum, & circa centrum descri-*  
*bant circulum, reliqua uero a medio quanto ab-*  
*sunt magis tanto minores, tardiores, & a centro re-*  
*motiores circulos ducant usque ad polos, ubi mini-*  
*mi, tardissimi, & a centro remotissimi circuli sunt;*  
*ita tamen, ut omnes inter se comparati circuli a-*  
*qualiter circumueant, atque orbem expleant. Haec*  
*ante plane prestare stellas videmus, quae inerran-*  
*tes dicuntur: nam quae in vocato aequinoctiali cir-*  
*culo sunt, ea sola maximum, velocissimum, & cir-*  
*ca centrum circulum signant: ab eo uero deinceps,*  
*quanto aliqua recedunt magis, tanto minores, tar-*  
*diores, & a centro remotiores circulos obeant usque*  
*ad polos. Circa quos quae sunt stellae, & minimos, &*  
*tardissimos, & a centro remotissimos agunt, qui ta-*  
*men omnes circuli si inter se comparentur, aequa-*  
*liter quidem orbem peragant, & ad idem reuer-*  
*tantur; quae omnia cum in tota illa multitudine*  
*siderum in utraque coeli medietate e libella re-*  
*spondeant, dubitare nemo debet, in sphaera aliqua*  
*constitutas coaffixasque esse, quae ita feruntur stellae,*  
 praefer-



praefertim, quod si sponte moueri possent, nulla pro-  
 fecto esset, quae non circa centrum verteretur. Ea  
 enim natura superiorum corporum est, ut circa  
 centrum conuertantur. Ad eos porro, qui Pla-  
 netae dicuntur, si quis respiciat, & ipsos consimili-  
 ter videbit, non ex se moueri, sed in orbibus insitos  
 ferri: nam eos modo ante, modo retro, & nunc  
 dextra, nunc sinistra, & modo tardius, modo ve-  
 locius, agi constat, quae diuersitas ab animali for-  
 tasse & composito aliquo corpore, quod instrumen-  
 ta plura & principia mouendi diuersa habeat, fie-  
 ri per se posset. A simplici autem & immortali cor-  
 pore non, quale est caelum, & caelestia omnia, quod  
 enim simplex est, vnum omnino est, vnum autem  
 vnius est natura, vna veronatura vnius tantum  
 effectrix per se est, ex se igitur tam diuersa obire  
 Planetas, impossibile est, in sphaeris autem dela-  
 tos non impossibile, ut in sequentibus ostendemus.  
 At vero & alia etiamnum ratio monstrat in or-  
 bibus rari, quae circumaguntur stellae: si enim non  
 sunt in orbibus, sed sese agitant, oportet quidem,  
 aut in vacuo moueri, aut in alio corpore, quod iis  
 cedat, quemadmodum aer & aqua consuevere: at  
 nec vacuum esse, nec tale potest corpus, quod ce-  
 dat. Vbi enim corporum cessio vlla est, illic & ra-  
 refactionem esse & addensationem necesse est. Alio-  
 qui moto quolibet totum moueri oportet, quod in-  
 tra mundum est: at certe rarefieri non potest cor-  
 pus, in quo feruntur stellae, tum quod summam ra-  
 ritatem sortitum rarescere non ultra potest, tum  
 quod corruptibilium affectio quadam est rarefa-  
 ctio addensatioque, & iis semper violentia versatur,



*cœlestia vero nec corruptibilia sunt, nec violentia ulli obnoxia, atque ex his quidem atque aliis multis non moueri per sese sydera, unusquisque qui non sit pertinax, potest existimare. Hæc Fracastorius.*

**Respons. I.**

Respondetur ad hanc 4. obiectionem. *Quid opus est, inquit Aslachus, ad imaginarias & falsas confugere rationes, cum vera, aut verosimiles in promptu esse possint, nec necesse sit, ob communem illum syderum in cœlo motum, ullum eiusmodi primum mobile confingere (ut postea D. Taurellus ostendet.) Sphæram hanc primi mobilis plerique tantum imaginariam esse arbitrantur. Quod si ita sit: quomodo quæso, quod imaginarium ac immateriatum, immo nihil sit, rapidissimo aliquo motu cieri potest? Quomodo, quod moueri non potest, alia vastissima cœli corpora, ut sphæras inferiores, & stellarum globos velocissime circumtorquere valet?*

**II.**

*Alii vero hanc sphæram solida quadam materia constare arbitrantur. Esto. Quanam, quæso vi, tam inenarrabili celeritate conuolui queat? Quanam virtute inferiora omnia suo complexu vastissimo ambitu rapidissime circumgyrare possit? Dices, id contactu quodam vel impulsione, aut virtute quadam occulta fieri posse? At coniecturæ hæc meræque opiniones sunt, quarum nulla consistere videtur. Qui quæso contactu quodam primum mobile inferiores cœli orbis tam irrequieto circumduceret curriculo, cum eosdem minime corporaliter attingat, sed spatio quam maximo a proxime subiecta fixarum sphæra & ceteris remoueatur? Et sane si impul-*

**Instant.**

**Respons.**



impulsu quodā e contactu inferiore conuolueret orbium machinas; tum tantum supremam & contiguam fixorum syderū orbitam secum raperet reliquis subsistentibus & immotis, nisi forte nexu & vinculo quodam deuinctos inter se & colligatos esse omnes asserere velis. Quod sine maxima absurditate admitti nequit.

III. Demum ad *virtutem quandā occultam primo mobili insitam* confugis, *qua profluentia quadam singulari reliquos omnes inferiores cœli orbes sua reuolutione circumtorqueat.* Sed vn-

III.

Respons.

de hac tibi cognita virtus? Crediderim, te facilius hæc posse dicere, quam demonstrare. Quæ etenim hæc esset orbis huius virtus, qua totam cœli machinam tam pernici, & tamen cōstanti & regulari circumraperet impetu? Cōmentum itaque est, quicquid de primo mobili eiusque rapidissimo motu rugatur contra Physicæ veræ priuilegia, quæ ea tantum, quæ in natura reuera subsistunt, admittunt, imaginaria elimināt.

IV. Deinde minime sequitur: *Fixa illa, quæ sic appellantur, cœli lumina propterea solido alicui orbi esse alligata, quod suum inter se situm ac positum non alterent: sed hoc solummodo inde deducitur; nimirum stellas has in tenuissimo cœli expanso ita collocatas, vt, cum equali cursu progrediantur, situm ad inuicem non enarient.* Idque a Dei ordinatione dependet: qui nō tantum Planetas, sed fixas quoque stellas in tempora & tempestates designandas esse voluit, Gen. i. Et constat sane, ipsa attestante experientia, non tantum stellas fulgentiores, sed ipsa quoque si-

IV.

Respons.



Tam fixæ, quam Planetæ tēporū & tēpestatū prodigia exhibēt. gna, seu astra e pluribus stellis congesta, haud dubio saepe, suo ortu & occasu, varioque cum Planetis cōgressu, temporum & tempestatum exhibere prodigia. Id quod fieri non posset, si earum inter se loca, ideoque & positus ac formæ, quas exhibent, continuæ vicissitudini subiacerent. Vnde Iobus cap. 38. *An cōstringes delicias Pleiadum? aut lora Orionis dissolues? Educesne remotiora signa quoque tempore suo? Aut Arcturum cum filiis suis duces? An cognoscis de statutis cœli, &c.* Præterea minime sequitur: Planetas ob varium inter se motum, orbium vinculis irretitos & constrictos teneri, ac circumgestari: sed potius libero & spontaneo eos cursu in cœlo expansari, quandoquidem non ut fixa sidera suas perpetuo ad inuicem distantias inuariabiles seruant, sed inter se nunc coeunt, nunc sibi mutuo opponuntur, nunc alii alios cursus sui celeritate antecurrunt.

V.  
Respons.

Quomodo quæso, id fieret, si orbium suorum reuolutioni dūtaxat obtemperare cogerentur? Et quomodo nunc altius in cœlum conscenderent, nunc vero humiliter ad terram se dimitterēt, si tantum ad orbium, quibus adherent, nutum ac ductum circumuoluerēt? Quomodo sine orbiū collisione, sectione, tractione, & vacuo inter singulos relicto, & aliis huius generis absurditatibus orbes eiusmodi Planetarum admitti possent? Age cōcedamus, Planetas orbium tantum motu circumagi. Quæro, unde nam tantorum orbium tā rapida & ingis reuolutio? Aliunde ne, an vero a se ipsis? Aliunde dicis, idque ex raptu primi mobilis. Quæro rursus

Quæstio.

Respons.



rursus, unde nam tam rapida huius circumdu-  
ctio? Atq; ita principium petitur, & incertum  
per æque incertū ostenditur. Nonne hoc mo-  
do in infinitum progredi liceret? Quod si vero  
Planetarum, quos fingis, orbis insita facultate  
moueri asseris: age cur non potius ipsos Plane-  
tas virtute diuinitus concessa existimas? Certe  
non est credibile, *unica stella circumuoluenda*  
*vastissimum aliquem orbem esse concreatū*, cum  
ipsi Planetæ, utpote corpora ad motum aptio-  
ra, faciliora, perfectiora sine orbibus commo-  
dius circumrotari possint. Nequaquam igitur  
existimandum, nobilissima & mobilissima illa  
sydera Planetarum, vllis orbibus, quippe vilio-  
ribus quibusdam corporibus, plus quam serui-  
li obsequio, esse mancipata

Conclus.

Resp. Nisi, inquit, orb. ñ realiū & durorū tu-  
tores, durissimis affixe machinis stella fulcirentur,  
sed in tenuissimo cœli expanso penderent, sequere-  
tur, eas nullis fulcimentis contentas e cœlo decide-  
re. Ergo verisimile est, orbibus eas fulciri, & con-  
tra lapsum omnem sustentari. Respons. Metus  
hic inanis est, & argutatio indigna Philosopho.  
Supra quidem ad hūc metum lapsus stellarum  
est abunde responsum. Nūc hoc tantum repo-  
nimus: Si vastissima nubes, si ponderosissimus ter-  
ra globus in tenui hoc aere, absq; omni ruina pen-  
det, cur non etiam stella in cœlo Dei potentia ita  
firmata sint, ut illic decidere non possint? II. Stel-  
la si per se monerentur; absque orbibus, fieret id  
αυλότες, id est, volutatione, vel διωχέες, id est, cir-  
cumgyratione. Quoniam omne globosum corpus

Obiectio V.

quatuor

absurdorū.

I. Absurd.

Respons.

II. Absurd.



alterutro horum duorum motuum necessario cietur: & proinde tertius dari non potest. Atqui sydera cœlestia neutro horum voluuntur: siquidem partes, quas nobis obuertunt, nunquam immutāt; quod omnino fieret, si vel κυλίσει, vel διήσει agerentur. Ergo sydera cœlestia non ex sese, sed tantum orbium, quibus insideant, motu circumtorqueri. Resp. Quid si tertius globosi corporis motus dari possit? Propositio igitur minime ἀμείωτο est, verum ita corrigenda: Si stella moveretur sine orbibus, tum vel κυλίσει, vel διήσει, vel etiam ἀεκοπή, id est, progressu seu processu cierentur. Neq; enim necesse est, globosa omnium duntaxat prioribus motibus geminis conuolui, cum constet, multa etiam citra circumgyrationē, vel volutatione simplici progressu posse moueri. Sic sphaeræ metallicæ, displosis tormentis bellicis, virtute pulueris pyri ad obiectam metam simplici & citatissimo gressu transuolant: nulla in tam pernici ac properato cursu interueniente vel volutatione, vel circumgyratione; quippe, quæ rapidissimam illā motionem, acerrimos etiam oculorum sensus fugientem, præpedient, ac retardarent. At vero, id non nisi violenta quadam impulsione fieri: ideoque ad ingem & constantem illam cœlestium luminum motum accommodari non potest.

Respons.

Instantia.

Respons.

Resp. esto ita. Quid impedit tamen, quo minus cum rapidissimo illo syderum motu conferri possit? Nam si in inferiore hac mundi machina talis motus, licet aliena impressione cieri potest: cur non in cœlestibus quoq; indita virtute,



tute, cum ea ad rapidissimam circumgyrationem, his inferioribus mundi corporibus longe aptiora sint? Sed quomodocunque sit hoc, exploratum omnino est, ex facie Lunæ quotidiana, eam nec volutatione, nec circumgyratione, sed progressu simplici cursum suum peragere: alioqui pro vario ad Solem accessu & recessu tam multifarias, quas exhibet, luminis vicissitudines vel non subiret; vel si maxime, tamen ex maculis, quas habet, volutari aut conuolui oculis ipsis animaduerneretur. Id ipsum de Sole & reliquis astris intelligendū, ea nimirum orbitam ac metam sibi in primæva rerum creatione a Deo præfinitam, libero suo processu citra omne volutationis aut conuolutionis præpedimentum celerrime assequi. Neque sane in tam rapida cœlestis illius motionis pernecitate villa eiusmodi, quam fingunt, *κύλισις* vel *δύνησις* citra retardationem & inhibitionem summæ illius celeritatis locum obtinere potest. III. Sed alud porro absurdum inferunt: *Cœlum a stellarum corporibus findi & secari; ideoque & vacuum in eo omnino oriri; si sydera absque orbibus rapidissimo eiusmodi motu cicerentur.* Resp. Nugas sunt. Quomodo quæso cœlum, cum materia tenuissima & subtilissima constet, ex spontanea in eo stellarum reuolutione secaretur? quomodo hinc vacuū aliquod in ipso spatium relinqueretur? Aeternam ne hunc inferiorem ex nubium in eo motione, ex auium volatu, ex globulorum e machinis bellicis proiectione ita disseccari existimas, vt hinc cōfestim vacuum

III. Absurd.

Respons.

S



Vacuum a  
natura ab-  
horret.

remaneat? Reclamabit tibi, si asseras, experientia: resistet natura vniuersa, quæ usque ad eo a vacuo abhorret, vt eius fugiendi gratia proprium sæpe suum locum deferere, & contra vim indicam ferri cogatur. Vnde aqua, dum eam per canalem fugamus, sursum e sua sede adscendere cogitur, ne vacuum aliquod & inane spatium, aer oris halitu subductus, post se in canali relinqueret. Sic quamuis in aere vastissime agitantur hinc inde nubes, aliaq; corpora mouentur: nullum propterea vacuum contingit, cum e vestigio aer se ipsum repleat, ac in locum præcedentem succedat. Cur igitur cælum ipsum, quod omni aere longe est subtilius, ex syderum reuolutione disseccari, & vacuum, nescio quod, spatium inde in eo existere fabulatur? Quid? si cælum dura quadam cōpagine, variisq; orbibus rotatilibus contextum esset (*prout illi volunt*) utriq; vtrumq; hinc sequeretur, nempe cælum ex motu syderum diffindi, vacuumq; ac inane quoddam in eo spatiū hinc existere. Quomodo enim cælum tot tantisq; orbibus cōstaret, nisi in totidē partes esset dissectū atq; diuisum? Quomodo orbis illi citra collisionē, penetrationē ac velocissimæ illius motionis impedimentum moueri, syderumque tam vastas circumgestare moles possent, si non interuallo aliquo a se remoti essent. Quod si orbis illi a se remoti & distincti sunt (vti omnino esse debent, alioqui, ne quidem se ipsos, nedum secum alia mouerent) sane, spatium idq; amplissimum inter singulos interuenit. At vnde quæso hoc ipsum obture-

tur,



tur, ne vacuum inter orbes cœlestes remaneat? Ex cœlo ne an vero aere? Sane ex neutro. Cœlum enim secundū eos duræ, imperuiæ ac adamantinæ cuiusdam naturæ est: ideoq; in loca illa inania replenda succedere & relabi nequit. Aerem quoq; ex sua sphaera conscendere, lolidaq; cœlestiū orbium theatra penetrare, vt vacuum omne repleatur, ipsis attestantibus, impossibile. Restat igitur, vt in cœlo vacuum esse cōcedant. Dum igitur verentur, ne cœlū, spontaneo cōcesso syderū progressu frangatur, vacuumq; in eo oriatur, in vtramq; ipsimet absurdū pessime impingunt: & Scyllam, vt in prouerbio est, fugientes, in Charybdim incauti incidunt.

IV. Obtendunt insuper aliud absurdū: nempe *hanc de cœli subtilitate, & orbium ex eo eiectione, assertionem, ipsa natura principia euertere. Cōcessa enim subtilissima cœli essentia, & proscriptis orbū centuriis, protinus vulgatum illud ruere principium aiunt, videlicet, terram in medio vniuersi consistere.* Sed quid sit ita? An hoc nouum est, *pro principiis sæpe sumi ea, quæ nequaquam talia sunt?* Sed esto, sit terra posita in vniuersi medio, an hinc protinus sequetur, *orbes esse in cœlo materiales, inter sese re ipsa distinctos?* Quasi vero non possit vere statui, totū expansum (quo triplex cœlū cōtinetur) æquabiliter globo terræ & aquæ circūfusus esse: ita vt omnes lineæ a cœtro globi terrestri ad circumferentiam totius expāsi ductæ inter sese sint æquales: ac proinde terra in medio vniuersi sita sit, nō secus, ac nuclei mali rotundi in medio illius siti sunt?

Abstrud. IV.

Responſ.



Obiect. VI.  
recta impe-  
tēs cœli im-  
mobilitatē

Respons.

I. Absurd.

II. Absurd.

VI. Duplex præterea obiicitur syderum cœlestium motus, quorum communis & uniuersalis ille cœli omnino sit: Alter singulorū Astrorum proprius. Cœlū enim, ut subtilissima essentia, vim quandam, ais, celerrima in se motionis diuinitus indita habere, qua statis temporū interuallis perenni & rata lege, motus sui periodum absoluat, secumque sydera omnia, quæ in se complectitur, eadem celeritate circumuoluat: Et id non violenta quadam coactione, sed spontanea concomitantia, & quasi magnetica quadam adhesionē, qua stelle cœli allectæ motu, vltro cœlesti reuolutioni obediētes una progrediantur. Et nihilominus singula cœli sydera suum proprium motionis limitem & terminum, diuinitus sibi præfixum, in liquido olympi theatro absque ullis obstaculis aduerso itinere emetiri. Plausibilis hæc foret sententia, nisi in duo videretur impingere absurda. Vnum: dum statuit, subtilissimam & tenuissimam cœli machinam tam pernici reuolutione contorqueri. Quod enim tenuissimum, rarissimum, ac immateriato simile est, id rapidissimo aliquo motu nequaquam potest conuolui. Quid ita? Quoniā motus rapidissimus natura subtilissima omnino aduersatur. Proinde summa cœli subtilitas, cum celerrima illa, quam ei adscribunt, motionē, consistere non potest. Itaque vno affirmato, tollitur necessario reliquum. Alterum absurdum est, quod existimant, motu cœli sydera quoque celerrime conuolui. Qui quæso, ingentia illa syderum corpora, quæ in firmam, solidamque compacta sunt molem, & innato motus sui impetu in opposi-

tum



tum feruntur, subtilissimi ambientis cœli gremio ita possent cohiberi, vt aduersa premere vestigia cogeretur? Quod enim subtilissimum est, rapidissime moueri non potest: tantum abest, vt alia vastissima corpora, motu proprio in aduersum properantia, impellere, secumque contorquere valeat. Nunquid aer, etiamque celerrime mouetur, terræ globum circa suum axem volutare, nedum velocissime conuolueret posset? Quod cum intellexisset magnus ille Copernicus, relicto cœlo ad terram confugit: Copernic.  
existimans, minus absurdum esse, *terram mobilem statuere, quam cœlum.* Alii vero, quibus *terram mobilem constituit.*  
hæc Copernici de mobilitate terræ hypothesi minus arridet, vt quæ vnum de rapidissima cœli subtilissimi reuolutione declinans absurdum, in aliud æque difficile impingere videatur, varias excogitarunt rationes, quibus communem syderum motum explicarent. Inter alias multas ingeniosa est doctissimi viri Scultetii de motu vniuersali contemplatio, qui vnicam tantum syderum ab ortu in occasum non immerito agnoscit reuolutionem: cum impossibile sit, *vnum idemque corpus diuersis & contrariis, idq; reuera, & per se, agitari posse motibus.* Scultetus.  
Reliquum vero, quem vulgo ab occasu in ortum fieri arbitrantur, tantum imaginarium, & apparentem esse, eumque ob quotidianam ortuum & occasuum variationem cōtingere existimat. De qua re vide in ipsius sphaera lib. 2. cap. 18. Nulla itaque necessitate cogimur cœlum ipsum, quod duplicem stellarum motum sal-



uare queamus, mobile statuere: cum id longe  
facilius fieri queat, ita ut nec subtilissimi cœli  
motionem ullam, nec terræ cōfingere opus sit.

Obiect. 7. &  
ultima.

VII. Ultimo patrociniū ab experientia in-  
uocant, qua dicunt, *circumduci motu cœli aerem*  
*& cetera, quæ sub cœlo sunt, omnia, terra sola exce-*  
*pta. Moveri autem motu cœli aerem ipsi vicinum,*  
*ex Cometarū resolutione citra tergiversationem*  
*omnem ostendi arbitrantur; aeremq; impulsū*  
*maria quoque ab ortu in occasum secum abripere.*  
*Vnde accideret, quod Oceanus, mareq; meridia-*  
*num ab ortu in occasum perpetuo ferretur. Id na-*  
*uigationibus in Indiam, & vice versa compro-*  
*bant. Videris Scaligerum, item Bruseū in sphaera.*  
*Hinc inferunt, necessario cœlum ipsum ab ortu in*  
*occasum incedere; atq; hoc suo motu aerem, aerem*  
*vero aquam secum abripere.*

Respons.

Resp. Infirma est  
hæc connexio. Quasi vero inferiora hæc, si mo-  
uentur, nō aliunde, quam ab ipso cœlo ad mo-  
tum impelli possint. Age aer cœlo finitimus, si  
a proximo Lunæ orbe circūrotetur, unde Lunæ  
quæso orbis mouebitur? *A primo, ais, mobili. At*  
*hæc unde? A se ipso & indita virtute.* Recte: vn-  
de id nosti? *Veterum, inquis, auctoritate.* O bella  
in re imbelli demonstratio! Mittamus fabulas,  
næniæ sunt, & Sphynxis ænigmata, quicquid  
de aeris superioris circumgyratione nugantur.  
Aer cœlo proximus, quia instar cœli naturæ te-  
nuissimæ rarissimæque, & ab omni impressio-  
ne ac exhalatione terrestri est immunis: nec a  
se ipso, nec ab ullo cœlesti motu cieri potest.  
Quod vero ex motu Cometarum in aere, eius  
morum



motum ostendere laborant, frustraneum est. Demonstrandum prius fuisse, *Cometas in aere sublunari prognasci, ibique suos exercere circuitus*, quam inde aeris motus ostenderetur. Principium hic perunt, & demonstrandum pro demonstrato assumunt. Atq; ita vno dato absurdo, ad quævis facile prono impetu delabuntur. At observationes præstantiū Astronomorum *Instantia* testantur, *Cometas aliquot in aere sublunari fuisse genitos*. Quod si observatio ista (quod tantorum virorum pace dictū volo) erronea? Sed esto ita. Prodeant in aere Cometæ, inibiq; circum-eant. An confestim hinc sequitur, aerem ipsum mobilem fore? Non magis sane, quam necesse est, Oceanū moueri, qā in eo diuagantur pisces: aut cælum, siquidē in eo, liberrimo suo cursu exspatiantur sydera. Eiusdē roboris sunt, quæ de motu Oceani & maris Mediterranei, ad cæli motum ostendendum in medium adducunt. Motus maris nequaquam ex cœlesti vlla reuolutione, ac violenta circumgyratione, sed ex causis inferioribus partim internis, partim aduentitiis dependent. Maria namq, quando angustis fretis, vel obiectis terræ partibus, vt sunt *littora, insula, promontoria*, comprimuntur & constringuntur, exitum violentia quadā quærunt. Atq; ita quasi per fauces coarctata, celeri prolapsu effunduntur. Quam etiam maris agitationem crebriores & maiores fluuii mare inclusum & compressum augentes: item occulti maris meatus, aquæ rotunditas, aeris tempestates, & similia multa adiuuant. Non mirū igitur



est, Oceanum ad promontorium Bonae spei ob compressionem quandam, maiori quopiam nixu in occidentem contendere, & propterea nauigantibus in Indiam remoram quandam obicere. Videris plura in marinis nostris problematis

Quod si e reuolutione cœlesti, motus eiusmodi maris ciceretur: nonne perpetuo sibi constaret ac ad normam eius regulariter ab ortu in occasum procederet? Quid ergo nunc ab ortu in occasum; nunc contra: alias a septentrione in meridiem, alias aduerso laberetur impetu? Hoc cine est, Oceanum ad cœli motum incedere? Maxime. Sed potius motui cœlesti resistere, & aduersari. Quem igitur obsecro hinc cœli motum concludes? Varium ne, & vagum? Imo Euripo quouis instabiliorum. Id ipsum de maris Mediterranei motu est intelligendum. Nam cum mare Mediterraneum angustissimis freti Herculei faucibus constringatur, quo minus satis libere in Oceanum effundi queat; ab oriente in occidentem se exonerare satagens, celeri prolapsu excurrit. At cum Oceanum per idem fretum in mare Mediterraneum irrumperere satagat: fit vt fluctus maris Mediterranei tanquam imbecillioris, fluctibus Oceani, quippe fortioris, cedentes, littora Africæ & Asiæ retro legere cogantur: atque ob hanc causam mare Mediterraneum in orbem quasi circumgyratur. Con-

Cœlum est cludimus itaque, cœlum esse immotum, stellas immotum. vero moueri: Atque hæc hæctenus fuisse disputata sunt.

*Sententia*



*Sententia Abrahami Schulteti de motu periodico stellarum.*

**D**E hoc assentiri quibusdam nequeo, quod motus periodici terminum primum, vulgo *terminum a quo* nominatum, in occidēte fi-  
gunt, & orbis eccentricos ac epicyclos nō ho-  
minum arbitrio, sed naturæ consilio in cœlo  
repositos esse contendunt. Ad motum perio-  
dicum quod attinet, asserit Schultetus, eo per-  
inde stellas ac diurno, ab ortu in occasum, non  
quod plerique putant, contra ferri, idque cum  
Achilino, Alpetragio, Taurello & aliis. Libera,  
*inquit*, legērium iudicia sunt: quidni & scriben-  
tium? Rationes in clara luce cuique diiudican-  
das propono: has qui volet acceptet; repudiet,  
qui volet: parem vterque a me gratiam inibit;  
quandoquidem tantum abest, ut inuitis illas  
obtrudere cupiam, ut non nisi liberalibus in-  
geniis examinandas exhibeam. Dico igitur,  
*Planetarum motum ab occasu in ortum nullum*  
*esse, & dico ideo: quia natura non patitur, ut res*  
*una eademque numero, uno eodemque tempore in*  
*dextram & sinistram partem feratur.* Accum  
quod vspiciam in mundo naturale est, intelligen-  
tia homo ratione dotatus comprehendere va-  
leat: duplex qui stellis tribuitur motus eiusmo-  
di est: ut nullam quantumvis excellentem in-  
genii aciem, non dico cogitatione, sed imagi-  
natione saltem probabili concipere illum pos-  
se, credam. Nam quod plerique ad polos diuer-  
sos, ad lineas etiam diuersas confugiunt: quid,  
quæso, agunt aliud, quam quod assertionis na-

Planetarū  
motus ab  
occasu in  
ortum nul-  
lus est.  
Ratio.



*turalis demonstrationem, ex fictitia hypothesis  
commento deriuant. Remoue enim e mentis  
tuæ conceptu obliquum in cœlo circulum, re-  
moue Zodiaci polos, Astronome: quo mihi ar-  
gumento de contrariorum motuum veritate  
persuadebis. Quamquam vtcunque tibi obli-  
quum circulum, vtcunque, quos expetis, polos  
tibi largiar: non minore mihi absurditate obli-  
gatus videbere: qui vnum idemq; mobile con-  
trariis motibus per diuersas agere vias coneris.  
Agnouit absurditatē hanc Mathematicus qui-  
dam; & idcirco nouo pharmaco languidæ huic  
Astronomorum de motibus contrariis sen-  
tentiaē mederi voluit. *Non sunt, inquit, hi motus  
contrarii. Et si enim ab occasu ad ortum nouem  
sphaera tendant: non tamen simpliciter id fit, sed se-  
cundum quid: quia scilicet ad signa orientalia mo-  
uentur: cum Zodiaco primi mobilis Zodiacus no-  
uæ sphaera directe sit suppositus. At obsecro te, Le-  
ctor, quid intricatum est, quid infirmum, si hoc  
non est? Secundum quid stellæ huic ab occasu  
feruntur. Ergo secundum partem tantum: quam  
vero illam? Arborē ad te si flexeris, & ramuscu-  
lus aliquis resilierit, non nego quin dicere pos-  
sis: arborem illam in contraria moueri, ad te qui-  
dem ex parte maxima, in aduersum secundum  
quid, hoc est, secundum vnum ramusculum. At  
vnum idemque signum sub Zodiaco noni or-  
bis in orientem secundum quid, sub decimi or-  
bis signifero in occidentem simpliciter ferri:  
id vero ex aduatois physicis vnum esse, equi-  
dem plena voce asseuerarim. Iam quid æque  
discre-**

Medela pro  
assertione  
contrariorū  
motuum.



discrepat a vero, ac hoc pronuntiatum: dari a-  
 liquod mobile: quod secundum quid motu proprio,  
 simpliciter autem motu accidentario feratur. Ni-  
 mirum si Physicum illum audierimus: minor  
 proprii motus in mobili vis erit, maior alieni.  
 Verum mittamus hæc somnia. Nauim confi-  
 deremus mobilem, in ambulanteque in ea  
 nautam: ad hoc enim simile sunt qui nos vo-  
 cent. Sed quam dissimile sit simile: Nicolaus  
 Taurellus Philosophus Altorfianus pridē do- Nicolaus  
 cuit. Sic enim ille in Triumpho Philosophiæ: Taurellus.  
*Navis in ortum fertur, tuque versus occasum in  
 ea pergis. Si celerius ipsa moveatur, magis a termi-  
 no tibi proposito recedes, ut non ad occasum, sed ab  
 eo moveri dicendus sis: sin æqualis utriusque tuus  
 navis que sit motus, nec in ortum, nec in occasum,  
 moveberis, sed eundem semper obtinebis apicem  
 meridianum. Hoc ipsum Soli contribuas, unumq;  
 vel nullum motum animaduertes. Nam si pri-  
 mum mobile Solem in occasum pellat, cum semper  
 id eodem modo procedat, nunquam ortum versus  
 ipse retro progredietur. Sed enim examines simile.  
 Navis sphaera Solis esse nequit: quod ipsi secundum  
 Astronomos Sol infixus sit, ut unus utriusque sit  
 motus. Forte primum mobile fuerit. Sed quis id  
 unquam observavit: an diverso motu a Sole fera-  
 tur. Taurellus hætenus. Vnde planum fit: ne  
 simile quidem dari posse ullum, quod duplicem il-  
 lum stellarum motum adumbret. Itaque non im-  
 merito ab eodem Taurello leuitatis accusan-  
 tur Physici: quod introductam ab Astronomis  
 motuum contritatem in suas recipere scholas non*



*dubitarint. Iam Astronomi ipsi, satisne magna  
caussa sit, cur motus duos contrarios asserue-  
rint, videamus. Ptolemæus libro magnæ con-  
structionis primo cap. octauo, motum ab occi-  
dente hac ratione animaduersum esse scribit:  
quod Astronomi notato loco ortus Solis in orien-  
tali Horizonte viderint post aliquot dies locum  
eius variari. Ex hac enim obseruatione illos con-  
cluſſe: alio Solem vehi circulo, qui primo mobili  
contra niteretur; per quem etiam posset ad pun-  
ctum verticis nostri deferri, iterumq; ab eo disce-  
dere eiusdem circuli motu, cuius poli alii essent,  
quam poli motus ab ortu in occasum. Nec aliam  
esse reliquorum mobilium secundorum, ac Solis  
rationem. Hæc ille. Ex quibus manifestum est:  
ortuum occasumque Solis variationem in caus-  
sa fuisse: cur veteres Astronomi duorum contra-  
riorum motuum theoriā confinxerint. Quam  
rem non potest, credo, mirari satis, qui variatio-  
nis ortuum & occasum causas nō mente so-  
lum inquit, sed oculis quotidie suis contem-  
platur. Sol oculus mundi, fertur ille quidem ab  
ortu in occasum quotidie: sed quia nō vnicum  
aliquem orbem, puta solstitialem aut æquino-  
ctialem, verū rotum illud, quod inter duos tro-  
picos interiectum, spatium lustrare illum con-  
ditor Deus voluit: idcirco, quē hodie suo motu  
describit circulum, ab eo deflectit paulatim die  
craftino: quo fit, vt, quod oriens reliquit pun-  
ctum, id 24. horis elapsis denuo oriens nun-  
quam attingat.*

*Plura videris in sphæra Domini Schulteti.*

*Senten-*



*Sententia N. Taurelli de motu periodico.*

**N**icolaus Taurellus in Cæsis Alpibus tria naturæ miraculæ admiratur: *Miror, inquit, accessum recessumq, Solis. Circulos excogitēt bis mille, aut etiam plures; nunquā tamen efficiēt, ut magnum hoc nature miraculum, qua ratione fiat, intelligam. Alterum mundi miraculum est, quod cælum sit undiq, sursum. Tertium est, quod motu res incallescant etiam frigidissima. De motu autē sphaerarum (videtur enim distinctas retinere sphaeras) ita primum differit, lib. 3. quæst. 4. pag. 521. Addam hoc etiam, motum hunc quidem ab ortu in occasum cōmunem esse, quod omnes similiter sphaera ab ortu in occasum moveantur: sed proprium tamen esse nihilominus unicuiq seorsim, ob certas celeritatis eius, & tarditatis differentias, quæ motus omniū proprios efficiūt, ut nostra iuuentutis exercitationes docuerunt, in Philosophia triumpho descripta. Quæ fuit etiā aliorū (ut audio) sententia. Nihil tamen antea quicquā huiuscemodi vel legerā vel audiueram. Ipsa per se res hoc docet: si quis non hebeti & stupida cerebri mole veterum sententiā expendat paulo diligētius. Astrologos hac nostra quidem offendit sententia. sed ab eo tēpore quo triumphus in lucem est editus neq, legi neq, audiri quicquā, quod me ab inuento puerili dimoueret. Nuper equidem editæ sunt theses, in quibus hoc dogma reprobatur: sed paucis tamē & lenibus, leuiterq, descriptis rationib. quæ mouendo mouerūt nihil. Sed certent ipsi hac de re inter se Astrologi, quādo mihi est aliud, quod agam ex professo. Physica demōstrationes multo sunt firmiores,*



Physica  
principia  
veriora &  
firmiora  
sunt, quam  
ut fallis A-  
strologorū  
euerri pos-  
sint hypo-  
thesibus.

Astra non  
moueri  
quidem vi-  
dentur ver-  
sus ortum.  
At videntur  
ibi mota  
fuerint.

quam ut nescio quibus Astrologorū euerri possint  
cōmentitiis hypothēsibus. Quāta vero hac istorum  
hominū insania est: qui mendacibus inuentis  
malunt, quā veris certisq; principiis, eorum quæ in  
cœlestibus apparent, rationes inuestigare. Nuge-  
tur ipsi modo quantum volent. Hoc tamen & ve-  
rum & certum est: Nullū in cœlis motum esse vio-  
lentum. Nec eodem tēpore quicquā citra sui disten-  
tionē, vel partium distractionē in ortum simul &  
occasum posse moueri. Et postea pag. 532. Circulū  
autē excogitat, qui Planetā ab occasu ferat in or-  
tum. Nolo minimū, nolo tardissimum hunc dise-  
re motū. Dicā nullum. Quis. n. hominū? Quis da-  
monū Planetā ullum vidit unquā in oriū ab oc-  
casu moueri? Quis astrum in ortu occidere? Idem  
forte est, quod in plantarū incrementis. Non enim  
has videmus crescere: sed tamen videmus maiores  
esse factas, ut excreuisse necesse sit. Ratio hac, est  
ipso etiā confirmata sensu. Luna cum in occidentali  
Horizōtis parte ante dies octo septima hora pome-  
ridiana cōspecta fuerit, iam eadē hora conspicietur  
in meridiano. Et post dies septē in ortu cōspicietur.  
An non hic in oriū motus est ab occasu. Crederem  
hoc utiq; si nō Luna perpetuo ferretur in occasum.  
At hic etiā motus est admittendus. Admittentur  
hic quidē mea pace, modo mihi etiā satisfiat. Fieri  
non potest, ut idē, eodemq; tēpore in contraria mo-  
ueatur, citra distentionem, aut diuulsionem. At ne  
sic quidem erit idem. Luna semper in occasum mo-  
uetur, in ortum nunquam ergo mouetur. Quid in  
hac difficultate consilii capiemus? Vnum ego pro-  
fiteor, esse motum ab ortu in occasum: ab occasu ve-



ro nullum. Quod autem Luna singulis diebus ab  
 occasu remotior appareat, in promptu ratio est. Nā si 24. horarum spatium totū circulum perfecte com-  
 pleret, ut eodem puncto temporis, ad idem circuli  
 punctum accederet, unus omnino motus esset absq;  
 omni multitudinis specie. Si vero celerius move-  
 retur: nempe ut eodē temporis spatium, totum cōple-  
 ret ambitū, & insuper gradū unum, duplex equi-  
 dē motus appareret, uterq; tamen versus oriū esset.  
 Et alter quidem singulis diebus, alter vero singulis  
 annis absolueretur. Quis hic Lunā diceret simul  
 duobus moveri motibus? Eadem est ratio tardita-  
 tis. Cum enim Luna tardius moveatur, quam ut  
 24. horis totū circuitum suum, complere possit, ne-  
 cesse est, quantum prima die abest a puncto Hori-  
 zontis, a quo coeperat moveri, tantundem etiā al-  
 tera die a prima diei puncto abesse: ut spatium 28.  
 dierū aut circiter hoc retrogrado motu Luna totū  
 circulū ab occasu versus oriū cōpleat. Unus tamen  
 hic motus est. Quae veritatis ratio commodissima  
 est, & verissima. Licet enim praeter hanc, alia mul-  
 tiplex, appareat motus varietas: unus tamen reue-  
 ra motus est: & ab una eademq; causa. Cur enim  
 ab alio: quod per se? Cur praeter naturā moveatur:  
 quod potest moveri naturaliter? Sol quia paulo  
 tardius movetur, quā ut totū circulū vno die cō-  
 pleat, differentiā motus facit ab occasu in oriū. At-  
 qui potest idē quoq; motu eodē: ab ortu videlicet,  
 vel sursum, vel deorsum: vel ad polos deflectere.  
 Quas omnes differentiās una unius solis natura po-  
 test efficere. Multas adhibe sphaeras, circulos, cir-  
 cellulos, rotas rotulas, rotululas, orbis, orbiculos. Nō  
 tamen aliter aliunde movebitur Sol, quam si sua

Cur puten-  
 tur: Planetæ  
 in orbem  
 moveri.

Taurelli  
 sententiā  
 de propriis  
 Planetarū  
 motibus.



*solius virtute moneatur, &c. Deinde pag. 546. Sphæra stellarum fixarum uno & simplici motu mouetur, scilicet ab ortu in occasum. Sphæra hæc igitur prima est, & nullum est primum mobile.*

**Cœlū stel-**  
**larum fixa-**  
**rum vnico**  
**motu mo-**  
**uetur: Ergo**  
**non ab alio.**

*Quod autem ipsa non nisi vno motu moneatur, ita probat Aristoteles. Si namq; motu quopiam alio moueretur: stelle fixæ non semper eodem in loco & orirentur & occiderent. At hoc ita esse sensus ipse docet. Quid hic desideratur? An non hac etiam ex parte sententiam Aristotelis, in nostro triumpho de primo mobili aduersus Astronomos, sequuti sumus, & fideliter explicuimus? Octaua sphæra primum mobile est, cum prima sit sphæra. Sententiam probo. Nō enim Aristotelis: sed Astronomorum oppugnauimus primum mobile. Iam certent Aristotelici cum Astronomis, & suū strenue tueantur Aristotelem. Ego nulli sum addictus seclæ,*

*Sacra nec ullius iuravi in verba magistri,  
Soli namq; Deo mea mens hūc debet honorem.*

*Hactenus Philosophus summi iudicii Taurillus. His subiiciamus Francisci Patricii prolixam, sed in nonnullis a præcedentibus dissidentem, libere tate vero iudicii cōuenientem disceptationem.*

#### Disputatio Patriciana.

*De Astorum motu, alio modo, attamen contra raptum orbium, decertans.*

**F**RANCISCUS Patricius in noua sua Philosophia, nouis etiam plane rationibus hanc ipsam quæstionem agit; statuit enim sydera  
 Quæstiones esse ignes, sydera item animata. Platonici vi-  
 Patricii sex, detur esse totus. Præmittit quæstiones has sex;  
 in



in quibus videtur etiam Copernicæus esse.

- |  |      |
|--|------|
| I. Si stella nulli orbi sunt infixa, ut est demonstra- | I.   |
| tum, quomodo in æthere pendent? II. Quo deinde         | II.  |
| modo per se mouentur ipsæ? III. Quomodo in mo-         | III. |
| tu eandem semper inter se distantiam seruant.          |      |
| IV. Si flamma sunt (ut vult Patricius) quomodo         | IV.  |
| comam, vel barbam, vel caudam, uti cometa, per         |      |
| se non trahunt? V. Quæ ratione tam citato ferri        | V.   |
| possunt cursu? VI. Quæ tandem de causa, non in         | VI.  |
| rectum, ut flamma cetera, sed in circuitum re-         |      |
| uoluuntur?   |      |

Respon. Quam igitur, inquit, rationem excogitabimus, ut credibile fiat, stellas nulli orbi infixas, in æthere suis viribus pendere? Facillimam sane, eorum, quæ prope nos fiunt simili sumto experimēto, quod Aristoteles & admonuit, & in opus produxit. Cernimus quotidie, nubes paruas, magnas, ingentes, tantæque magnitudine, ut coelum operiant totum: tantæque densitate, ut solis lucem radiosque luminaque nobis adimant, allicubi etiam cimmerias obducant tenebras, in aere pendere, non solam horis, sed & diebus, noctibusque integris. Per hyemem etiam mensibus, & sub septentrionibus etiam annis. Æquiore igitur ratione, quærat quis, quæ causa id fiat, cum nubes graues sint, & grauitate sua deorsum ferri debeant, quæ is, qui quærat, cur flamma, quæ natura sua superpetunt, in superis maneant? Videmus etiam, eos ignes, tam varios, qui in aere generantur, in eo etiam pendere, & aliquando eodem loco stare, aliquando eum mutare sensim, aliquando etiam velociter transcurrere. Nulla autem horum maior ratio

Resp. ad I.  
quæstionē.  
Stellæ suis  
viribus in  
æthere pen-  
dent.

Quæstio.

T



est, cur pendeat in aethere. Præter quã quod *sydera* videtur, æterno ibi esse tẽpore, *flamas autẽ hæc ac nubes esse tẽporarias*. Sed hæc tẽporis, aut æternitatis ratio nihil ad horũ, aut illorũ pendentiam confert. Vim autẽ naturæ affert nullã, q̃ sydera pẽdeant. Nõ equidẽ magis, quam naturæ eidẽ vim afferat terra, quia in aere pendere videatur circũfuso, idq; seculis omnibus. Sed nullo miraculo vel terra, vel sydera, hæc in æthere illa in aere pẽdent, q̃a in proprio ac naturali sibi sunt loco. In quo nihil vel graue est, vel leue. Et si graue quid vel leue dicatur, id in alieno, non proprio patitur loco. Terra natura sua, centro suo innititur, circaq; ipsum cõglobatur, partib. eius cunctis ad id vergentibus, ac nitentibus. Quid igitur vetat sydus singulum, in proprio ac naturali consistens loco, centro suo itidem niti, circaque ipsum cõglobari, quando & rotunda omnia esse, credita a Philosophis, & tradita etiam sunt ab Astronomis? & rotundẽ manifestò appareat figuræ. Si vero Orphei & Heraclidæ, & Pythagoræorum quorũdam sententiæ locus in Philosophia concedatur, singula astra, esse mundum quendam, qui & terram, & aera, & æthera in se contineat; cur non & rotunda esse concedemus, & centro suo inniti, & eadem qua diximus ratione, *nulla natura vi, aut miraculo pendere?* multo certe maiore & vi, & miraculo, quamuis exiguo æternitatis respectu, nubes, quæ graues confessione omnium sunt, loco præter naturam, non rotundæ, nullo innixæ centro, pendent. Si ergo contra naturam

Astra sunt  
rotunda.



turam nubes alieno in loco pendent diutius,  
 cur non sydera secundū naturam loco proprio,  
 nō manebunt? At non ut terra, manent, inquiet Obiectio.  
 aliquis, sed moventur, vel moueri apparent. Si  
 moventur, quomodo moventur? Theophras-  
 tus, in Peripato fere Principi par, scripsit ὅτι  
 αὐτὰ ὁ κινεῖται τὸ πῦρ. A se ipso enim moventur i-  
 gnis. Non id quidem de anthrace dictum est,  
 sed de flamma & luce, cuius radii per se mo-  
 uentur. Sed huic quæstioni iam videtur supe-  
 rius factum fuisse satis, quando diximus, Solem Solutio.  
 testimonio Salomonis esse vel nominari spiritum.  
 Philosophicis testimoniis pluribus, astra omnia  
 esse animata, & intellectu prædita. Igitur, per se Astra o-  
 quidē mouetur sua natura flamma omnis, spi- mnia sunt  
 ritus omnis per se mouetur. Anima principium animata &  
 est motus, quod & Aristoteles cogente verita- intellectu  
 te est falsus aliquando, & Theophrastus procul prædita.  
 omni dubio cōfirmavit. Quid igitur mirandū,  
 si sydera, ut flamma per se mobiles si spiritu prædita,  
 si prædita anima, per se moueantur, a nullo vecta, a Non est mie-  
 vehiculo nullo aut tota, aut orbe circūlata moue- rum moue-  
 tur? Sed modus est quærendus. Si flammæ sunt ri sydera.  
 res tenuis, raraq; in motu vel nō disperguntur tā  
 rapido, vel non rarefiūt magis, atq; indies magis, Resp. ad II.  
 ita ut ad summam redactæ raritatē, nō amplius quæstionē.  
 luceant, & in cœli, vnde cōflata sunt, diaphani-  
 tatem non transeunt? Non autem sparguntur,  
 neq; extinguuntur, neque euanescent, quod  
 in flammis nostratibus, & iis, quæ in aere accē-  
 duntur, euenire sæpissime videmus, quoniam  
 vno in natura contrario posito, rerum condi-



Posito vno contrariorum testimonio, voluit contrarium quoque alterum quoque esse necesse est. tor, gloriæ suæ ergo, & sapientiæ, & potentia testimonio, voluit contrarium quoque alterum consistere in vniuersitate. Ita vt in natura vna ignium, alii essent perpetui, alii essent temporarii. Id si dixerimus, rem verissimam affirmabimus, sed supernaturali ratione. Naturali vero hæc alia. Quod sicuti corpus aliud est corruptibile, aliud est æternū. Sic in ignib. nihil mirum fuerit, vt alius corrumpatur, alius duret perpetuo. Alius quidem corrumpitur, quia vt sit, materia eget, in qua accendatur. Et ex qua, vt Theophrastus ait, seipsum generet, & qua deficiente, deficiat & ipse: & quasi seipsum det interitui. Æternus aut ille, nulla indiget materia vt sit, aut alimento, quo nutriatur, aut seipsum regeneret. In se enim ipso consistit, & de substantia sua sese nutrit, quæ non consumitur. Et si consumitur, in proximum sese vertit ætherem, ex quo si refectioe opus habet, tantundem attrahit, quantum ipsi deperit. Atque ita sese perpetuo, & generat & regenerat. Et ex qua substantia est genitus, ex eadem etiam alitur. Atque ideo in raritatem ætheris, atque perspicuitatem non vertitur. Quia dum reficitur, in seipsum redit. Et qui prius erat, esse quoque in posterum perseverat.

Resp ad III. Et dum idem esse perseverat, e suo loco non quaestionē. dimouetur, neque ex prisca eius vicinia discedit. Hæc tertia inter propositas fuerat quaestio.

*Sed cur barbam, aut comam, aut caudam sic-  
ut*



uti cometa singula sydera secum, neque alunt, neque trahunt? quæ fuerat quarta. Ea profecto quæstionē res, nec necessaria est, neque possibilis. Non necessaria, quoniam & alii ignes in aere accenduntur, præter cometas: chasmata, foveæ, domus ardentes, recessus, globi, & alia similia, quæ quamquam moveri, oriri & occidere appareat, nunquā tamen ignes alios secum trahunt.

Resp. ad IV. quæstionē.

Nō omnes ignes, qui in aere accenduntur, sunt cometæ.

Resp. ad V. quæstionē. Vbi de motu stellarū & Copernicæo terræ motu.

Sed nos forte frustraneum suscipimus laborem, dum passionēs sydereorum motuum perquirimus. Ipsa autem sydera, fortasse stant immota, & mouentur minime. Si quis enim dicat, ætherem illum, in quo non erratiles stellæ habitant, ideo firmamentum nuncupari, quia firmum stat, & nullo mouetur motu. Et stellæ, quæ in eo sunt, nullo itidem moveri motu. Ratione vero contrarii alterius, quod natura in singulis atque omnibus requirit generibus, esse ætherem alium, ab eo contentum, qui per partes moveatur, stellæ autem, quæ in eo sunt, & toto, & partibus moveantur, nullis orbibus infixæ. Moveatur itidem aer, moveatur & aqua, moveatur quoque terra & toto & partibus omnibus solum firmamentum, & toto & partibus stet omnibus. Magna sunt hæc omnia. Maiora merito erūt, si vera fuerint. Sunt enim pleraque seculis omnibus inaudita. Ea ad veritatem si possimus, discutiamus. Sensus quidem de tam longe positis, plene iudicare, non videtur posse: attamen a sensu ductis rationibus, ea vestigare, & quod verius appareat, stabilire, nō prohibemur. Itaque dicimus: Sensus & experientia, & ratio ostendunt, brevius spatium faci-



lius posse pertransiri, quam spatium longius. Multo enim facilius centum passus ambulamus, quam passus mille. Idem faciunt animalia cuncta. Et si quid vi, aut arte fiat, longe sit probabilius, ut lapidem manu, aut sagittam arcu per 20. passus iaciamus, quam per centum. Hoc docentibus sensu, experientia, ratione, quis negare audeat, possibilibus, & facilibus, & rationabilibus. & credibilius esse, ut millia passuum. 795. una hora pertranseantur, quam millia passuum 42398437. hora eadem. Quis non rideat hominem, qui asseruerit hæc innumerabilia possibilibus transiri, quam illa pauca? Et nihilominus, non solum, non ridemus, nos etiam doctuli, sed maxime etiam admiramur innumeros homines, qui creduntur sapientes, qui id nobis inculcant quotidie, & non solum conantur persuadere, verum etiam persuaserunt, ita ut nec dubitare, neque hincere audeamus contra. Astrologos dico, & qui eos secuti sunt Physicos. Tota enim magnitudine firmamentum faciunt, & tantum eius circuitum in extrema circumferentia, ut æquator eius, si 24. horis debeat circumuolui, necesse sit, tanta eum velocitate ferri, ut vnius horæ spatio, ea millia passuum, quæ diximus, 42398437. circumuoluantur. Quam velocitatem, superaddunt, si posset axis quæpiam consequi, & circa terram volaret sub æquatore, una tantum hora totam terram circuiret 1884. vicibus. Quare impossibile, aut incredibilius excogitari potest nihil, longe maior sequetur impossibilitas, si computetur motus nonæ, quam



quam finxerunt, sphaera, quæ firmamentum eo circumagat modo, & ipsa motu eodem circumlata a sphaera decima, quæ & ipsa moueatur, & reliquas omnes secum rapere, & circumferre dicitur. Longe ergo nos & possibilis, & facilius, & credibilis supra docuimus, *æthera ac cælum, non moueri, quia sit cum empyreo immobili, continuatum corpus.* Sed esto, cæli ea pars quam modo *firmamentum* appellauimus, sit immobilis. At sydera, quæ in eo habitant, nonne videntur circulo moueri? Si circulo reuera moueantur, nonne idem sequetur impossibile, ut eadem hora una, eadem millia passuum 42328437. conficiant. Quid ergo, quia hoc sit impossibile, impossibile quoque fuerit stellas in circuitum reuolui? Profecto, ut impossibile hoc vel fugemus, & fugiamus, vel demonstremus, *sydera vere moueri*, ratio aliqua est querenda, quæ utrumlibet horum nobis persuadere queat. Vna hæc esto: *Non esse sydera omnia in conuexa cæli superficie*, seu uti nos docuimus, in nulla ibi superficie sunt, cum nulla ibi sit, sed neque omnia tam longe a nobis sunt collocata. Sed tota cæli crassitudine sunt sparsa, hæc vicinius ad nos, illa longinquius. Crassitudo autem cæli huius, ex eorum computis millia est passuum 80942471. & amplius. In tanta igitur crassitudine, qua sydera sunt sparsa, necesse est, *non eadem velocitate moueri omnia, sed varia, prout vel summis, vel infimis sunt proximiora.* Quæ enim eodem

Cælum nō  
mouetur.



tempore minora spatia obeunt, tardius mouentur; quæ vero maiora, velocius. Quod & Physici & Astronomi, & fatentur & asserunt. Non ergo omnes stellæ ea tot passuum milia, hora vna mouebuntur. Sed quæ nobis sunt proximiores, longe conficient pauciora. Sed non adhuc tollitur dubitatio. Nam

Obiectio.

*quæ longissime a nobis distant, si vere mouentur, non poterunt illud impossibile non subire. At impossibile nullum, admitti potest, & ex earum motu oritur, impossibile ergo est illas mo-*

Solutio.

*ueri. Ergo non mouentur. Vel illæ quidem supremæ immotæ permanent: viciniiores hæ mouentur. At apparent moueri cunctæ, quia semper eodem tempore ad idem redeunt, & eandem seruire inter se videntur distantiam. Quid ergo apparentia tantum est hic motus? Nam & alias apparentias adducunt Astronomi, in quibus sensum nostrum falli autumant; ut in innumero illo stellarum, quæ hyeme cælo sereno apparent, numero. Et quando sole oriente, aut terra, aut mari, in horizonte, non curua, sed recta linea secatur, aiunt visum in eo decipi; sicuti etiam, in cæli illa, quam ostendimus, camera, & in aliis pluribus. Quid igitur dicemus, hunc syderum motus apparentiam tantum esse, an vero, reuera eas moueri? Si moueri negemus, multo sensu fallimur. Sin e contra, moueri eas fateamur, impossibilia illa vti possibilia admittimus. Qua igitur ingrediemur via, ut id dignoscamus?*

Tente-



Tentemus, si possibile sit, *terram moueri*, & vetustissimorum Nicetæ, Siracusani, Philolai, inter Pythagoræos facile principis, & de eadē schola Heraclidæ, & Ecphanti, & Seleuci Mathematici, & Aristarchi Samii, quorum auctoritas, Aristotelis & Ptolomei auctoritatem facile obruat. Quibus accedit nostræ ætatis Astronomus summus Nicolaus Copernicus, qui omnes, *cælum sydereū stare simul cum stellis, terram vero moueri*, autumarunt. Si igitur tāta hæc controuersia huius motu possibili conciliari queat, est omni diligentia perpendendum. Et quæ impossibilia ex terræ motu oriantur, peruidendum. Sed ante omnia hac vtamur diuisione. *Quoniam stella circulo moueri videntur, necesse est, eas vel cælo infixas ab eo circumferri, vel ipsas per se, in circuitum sese circumferre, vel terram rotatu suo circumferre in gyrū.* De tribus aut̄ hisce modis, primus prorsus impossibilis videtur. Secundus vero, quo ad suprema sydera impossibilis. Quo vero ad media, fortasse possibilis. Possibilis aut̄ ad ea, quæ nobis sunt propinquiora, sed supremorum impossibilis fugiēda. Terram vero reuolui, quamuis a magnis cōtrarium sit traditum viris, & oculi nostri sibi ipsis persuaferunt, neque se, neque terram verti: tamen longe videtur rationi esse consonantius, eam potius, quam vel cælum, vel suprema astra circumuolui. Nam terræ circūferentia, vt̄ Ptolemæus (qui falsa omnia in cælo est imaginatus) tradidit, millia passuū 22500. non excedit. Quæ summa si per 24. horas diuidatur, com-

Sententia  
Copernici.



perietur, terram sua vertigine, vna hora conficere, non amplius, quam millia passuum 937. Si vero fides maior recentiorib. nautis ac Geographis habeatur, qui terræ ac maris ambitum non semel obnauigant, non plura continere millia passuum reperere, quam 19080. Cuique celesti gradui, millibus passuum 53. computatis. Modo si totus hic ambitus, in motum 24. horarum distribuatur, qualibet hora, circulatione sua, nō plura milliaria cōficiat, quā quæ ante diximus, 795. Quod spatium, tametsi ad nostram, aut auium velocitates comparatum, vix fieri posse videatur, longe tamen possibile est, & verisimilius, quam vt firmamentum, aut suprema in eo sydera, eodem temporis spatio, hora qualibet passuum millia 42398437. conficiant. Hanc veri similitudinem, ac possibilitatem, experimenta multa adiuuant. Nā si quis in flumine nauicula vehatur, aut littora in mari legat, videbit ripas, & littora retrocedere, sese vero, & nauem non moueri. Quod & Virgilius scite cecinit:

*Pronehimur portu, terræq, vrbesq, recedunt.*  
 Si quis item de proximo loco, vel domus culmen, vel turris cacumen spectet, & super eas vento ferantur nubes, videbuntur & domus, & turris moueri, nubes vero stare. Si quis item eminus nauim plenis velis euntem aspiciat, videbitur eam stare, mouetur tamen vel velocissime. Tantum visus etiam in distātia debita decipitur. Quanto facilius est eum falli, in stellarum, aut cœli motu, quæ immenso a nobis interuallo



teruallo absunt, qui in tot rebus aliis decipitur  
manifesto. Verisimile ergo hisce exemplis fit,  
vt nobis idem eueniat, noctu stellas intuenti-  
bus, vt putemus, quæ sicuti ripæ, & littora im-  
motæ stent, moueri, & nos, qui terre rotatu ve-  
himur, firmos stare. Sed sunt Astronomorum,  
& Aristotelis argumenta, vero itidem similia,  
quæ cōtrarium persuadeant, *terram nempe sta-  
re, moueri sydera*. Ea recenseamus vt si non cer-  
ti aliquid, in tanta re, ac tam magna controuer-  
sia venemur, saltem, quod possibilis, & verifi-  
milis sit, cognoscamus. Aristoteles igitur, pri-  
ma sua ratione, ait: *Si terra moueatur, vi & præ-*  
*ter naturam eam moueri*. Sed nulla ratione as- I. Obiectio  
sumtum probat. Et si hæc ei est probatio; simil-  
lita erit, & hæc alia. *Si cœlū mouetur, si mouen-*  
*tur astra, vi & præter naturā mouentur*. Et tan-  
tundem hæc, quantum illa valebit. Vel ergo æ-  
quipollent, vel vtræque fuitiles sunt manifesto.  
Ait secundo: *Si terra mouetur, partes quoque eius,*  
*natura eodem mouerentur motu*. Concedimus II. Obiectio  
id, circumferuntur enim cum ea omnes eius  
partes, non minus, quam ipse putet, ad motum  
orbis moueri sydera. Si vero a terra pars aliqua  
auellatur, motu præter naturam fertur, non a-  
liter ac, si a cœlo stella auelleretur aliqua, motu  
ferretur præter naturam. Sed mirabilis est eius III. Obiectio  
ratio tertia, qua asserit, *terra ideo duobus motibus*  
*variis fertur*. Hanc tam bellam rationem, quis  
nam e sua schola Logicus, vlla includat argu-  
mentādi forma? multis, & nullis terminis con-  
nexam? Planetæ quidem variis mouentur mo-



tibus, non tamen vel inter se, vel cum firmamento iisdem. Cum sint tamen, sua doctrina eiusdem cum reliquo cœlo, essentie. Quid igitur mirum, terram substantiæ a cœlo diuersissimæ, si moueatur, diuersis a cœlo motibus cieri? Sed vnde illa venit illatio, *ut* duob. moueatur? Quæ cum a præmissis vllis venerit, nec aliter fuerit probata, futilia erunt ea omnia, quæ ipse inde contendit sequi. Quod amplius dicit, *terram totam, natura ferri ad vniuersi medium*, non est

IV. Obiect.

verum. In vniuersi enim medio eam dicerent consistere, & super ea stare firmam ponderibus libratam suis, non tamen vetari, quin & circulo circa ipsum moueatur, non aliter, ac cœlum dicunt Astronomi circa idem centrum, & circa

V. Obiect.

polos suos circumuerti. Neq; recta argumentatione colligit, *quia terra sit in medio, eam esse omnino immobilem*. Potest enim in medio esse, & ab eo discedere nusquam, aut sursum, aut deorsum, aut ad latera, atque hisce motibus esse immobilem, non prohiberi tamen, eam circa medium circumuolui. Neque illa valentior est

VI. Obiect.

ratio, *quoniam partes eius aliqua, sursum vi proiecta, ad eundem redeunt locum: ideo eam non circumuolui*. Nam sicuti & ipse, & Astronomi autumāt, firmamentum motu raptus inferiores cœlos secum trahere, & nō solum cœlos, verum etiam ignis sphaeram, & supremam aeris regionem, eadem rationis vi dici poterit, *terram circumuolui, & aquam a se uectam, & aeris infimam regionem, intra montium cacumina comprehensam secum circumuehere*. Atque ideo proiecta illa, cum  
aerem



aerem nō excedere, & cum eo circumuolui, & ad  
eundē recidere locum. Ridicula aut illa est argu-  
mentatio, qua contendit, impossibile esse, a me-  
dio aut extra medium, & partes eius, & eam to-  
tam ferri. Neque enim id quisquam aut asseruit  
vnquam, aut nūc asserit. Quam vero ab Astro-  
logis affert rationem grauitatis, eam totam, &  
partes ad centrum niti. Esto verum, non tamen  
id prohibet, eam circulo etiam, circa centrum  
moueri eidem. Astronomi recentiores qui-  
dam asserunt, si terra circulo moueretur, nubes, &  
aues, contrario motu cernerentur ferri. Quæ se-  
quela ridicula videtur: aues enim pro libitu,  
quaqua versum volant, & aerem seu stabile, seu  
circumlatum, seu ventorū vi agitatū, findunt,  
& nulla aeris vi rapiuntur. Nubes vero, vel im-  
motæ stāt loco eodem cum aere circumuectæ,  
vel mouētur ventis, quotquot, & e quibus ho-  
rizontis, aut aliis flent partibus. Et is idem aer  
ab eis diuerberatus, potest cum terræ vertigine  
circumuehi. Metuunt deinde, ne eo modo ædifi-  
cia ruant, & eos obruant. Qui timor vanus equi-  
dem est. Quoniam vt sunt grauiā, iis locis, ubi  
sunt firmata, quasi terræ partes, & cum ea fere  
substantiæ eiusdem, ad centrum, & ipsa nitun-  
tur. Cur etiam ædificiorum timēt ruinā, hoc  
tam lento motu? & nō timent, ne in frustra fran-  
gatur cœlum, motu tam impossibilis celerita-  
tis? Addunt: *Motus hic terræ in circuitum, ei præ-  
ter naturam est, cum alium in rectum, & deorsum  
habeat naturalem, corporis autem simplicis, vnus  
tantum est simplex motus. Simplex autem corpus*

VII. Obiecta.

Alia obiecta  
recentiorum Astro-  
nomorum.



*terra est.* Sed simplex corpus esse terram, inuenterata quadam, & vana, & falsa opinione sunt ut tantum, non tamen probât, neq; probare possunt, & dum probasse sibi credunt, sensibus carent omnibus. Omnibus enim sensibus repugnat, & suis præterea positionibus, asserere terram corpus simplex esse. Nā quod simplex est, non nisi vnum est, nullas habet partes, ex quibus componatur. Terram autē frigidam, & siccam ponūt: necesse autem est, alteram harum qualitatē a proprietate essentiæ, longe alia, venire, quam veniat altera. E duabus ergo essentiis terram componunt. Si componunt, simplicitatem ei prorsus adimunt. Sensibus autem omnibus hæc simplicitatis positio repugnat. Quoniam in terra tot colores, tot sapes, tot odores, tot sonitus, tot durities, tot mollitudines, raritates, densitates, & tot qualitates, quas vocant secundas, in se contineat. Tot item terrarum genera, tot fluores, tot lapides, tot metalla, atque metallica. Summa mentis amentia, ac summa sensuum carentia est, affirmare, & ad clamores vsque contendere, corpus simplex esse, quod sit tot essentialib. totq; accidentalibus differentiis compositum. Ruit ergo hoc a simplicitate terrę argumentum, non posse eā duobus moueri motibus, nixu ad centrum, & circulari. Et quando detur, eam corpus esse simplex, diceretur, *eam circulo naturaliter moueri*, non minus, quam ipsi contendunt, *cælos, ignem, aerem supremum circulo moueri*, quæ corpora simplicia esse etiam contendunt. Et axioma est  
Ptole-



Ptolemæi, corpora simplicia, suis sita locis, vel circulo moveri, vel quiescere, hoc terræ tribuens, illud ceteris. Sed ideo infertur, si terra in circuitu moveatur, eam vel non quiescere, vel duobus moveri motibus. Omnibus enim partibus, suo loco positis, quiescit, quæ nunquam per se inde locum mutant, tota vero rotatur, & hoc v-nico mouetur motu, quoniam nixus partium ad centrum non est motus; non enim hinc, illuc mutat terminos. Sed loco suo positæ, in eo permanent, ut in eo seruentur. Nam rectus ad medium, neque toti terræ est naturalis, neque partium eius, naturali sitarum loco. At inferunt amplius, si super axem alium ab universi axe moueretur terra, non eosdem semper circulos, circa mundi polos facerent vrbes. Sed hac ratione concludunt nihil. Nam si regio latissima ab occasu in ortum asseratur ferri motu, nullum aut impossibile, aut absurdum consequitur, ad firmamenti phænomena, iisdem seruatis, tum in ipso, tum in terra circulis imaginariis, æquatorem dico, tropicos, Zodiacum, alios. Quando igitur rationes veterum, Aristotelis, & Ptolemæi, & recentiorum, qui eos sunt secuti, nullæ obstant, & contrariæ multæ persuadeant, & impossibilitatem illam firmamenti, vel supremarum stellarum motus, ostendant, & facilitatem motus terræ maiorem, videtur recta, ac philosophica ratione concludi posse, firmamentum, & eius stellas omnes stare, terram vero circulariter moveri. Quando vero, monitu Aristotelico, in rebus sensui non manifestis, ratio

Alia obiect.

Instantia.

Terræ circulariter mo-



netur, stellæ ad possibile ferat, rationabiliter ac sufficienter  
in suo fir- conclusum esse, est putandum. Hisce addimus  
mamento moueri posse terram, non circa ignem, aut an-  
stant. tichthona, vt Philolaus, & Oecetes existima-  
runt. Neque, vt Copernicus in orbe Lunæ.  
Quod ei absurdum accidit, quia putauit Pla-  
netas, sicuti alia astra, orbibus infixos ferri. Quæ  
opinio mala omnia in Astronomiâ, & in Physi-  
cam inuexit. Sed in medio mundi positam, su-  
per centro, non sibi proprio Heraclides, Ec-  
phantus, sed vniuerso centro, quod etiam eius  
centrū sit, moueri circulo, ab occasu in ortum,  
quod & hi putarunt. At a quo nam mouebitur?  
A natura nimirum sua. Non enim motus hic  
Natura ani- est violentus. Natura autem omnis, vti postea  
mi proles. videbimus, est animi proles, sicuti animus est  
proles intellectus, & hic proles opificis intel-  
lectus. A quo, proles hæ, iussa capientes, & a  
principio sunt operatæ, & in præsens operan-  
tur, & in posterum sunt operaturæ, & catena  
hac plus quam aurea connexa sunt omnia, vti  
que ad terræ, atque vniuersi centrum, ita vt  
nihil sit timendum, motu hoc circulari, aut  
partes eius ruituras, vel gravitate sua moueri sit  
desiturū. Continentur enim ac seruantur a suis  
naturis, animis & mentibus, quæ sunt illi Chal-  
dæorum, Zonei, & Azoni, & Synoches, & Te-  
letarchæ, quorum mentio est iam facta. Præ-  
dicta ergo omnia persuadere facile posse vi-  
dentur, terram in circuitum moueri. Sed &  
anteriora, quæ attulimus, stellis motum ines-  
se, æque videntur posse persuadere. Quando-  
quidem



quidem Planetæ in motu sunt manifesto : & eiusdem sunt cum stellis aliis naturæ, atque essentia, quod contendere omnes. Et si essentia, etiam virium: & si virium, etiam actionum. Dabitur ergo & stellis superis motus. Nam eas *flammas esse* diximus. Impossibile autem est, *flammas quiescere, & non moueri.* Impossibile autem illud, velocitatis supremarum, ita temperari videtur posse, si ipsarum ab ortu in occasum motum, & terræ ab occasu in ortum, simul componamus, ita ut huius possibilitas impossibilitati remedium afferat, & quod impossibile videbatur, possibile hac temperie reddatur.

Flammæ nō quiescunt.

Sed quæ adhuc superest quæstio, etiam est *Responso* soluenda. *Si stellæ flammæ sunt, cur nō in rectum, ad VI. quæstionem.* sed in circuitum feruntur? Vtroque feruntur motu. Sursum quidem, quando stellæ quædam ita a nobis recedunt, ut evanescere videantur. Deorsum vero, quando a summitate illa iterum ad nos ita accedunt, ut visiles fiant. Quales olim Chaldæi dicuntur obseruasse, certis temporibus apparentes, aliis sese occultentes. Et quod de Hipparcho scribit Plinius: *Novam stellam, & aliam in æno suo genitam deprehendit, eiusque motu, qua die fulsit, ad dubitationem est adductus, anne hoc sapius fieret. Et non modo an obirent, nascerenturve, sed an omnino aliqua transirent, mouerenturve. Item, an crescerent, minuerenturve.* Quæ sane novæ stellæ genitura (si verum sit, quæ in cælo sunt, ingenerabilia, incorruptibiliaque esse) nihil aliud fuisse est existimanda, quam



noua suo æuo eius stellæ apparitio. Apparuit autem, quia ex immensa cœli altitudine, in qua oculis nostris non uidebatur, sese demiserit, & nobis facta sit propinquior, ita ut conspiceretur. Multi quoque, ut Clavius testatur, ex recentioribus, complures auctoritates, & historias adducunt, sæpius stellas huiusmodi, longis temporum interuallis, in cœlo exortas esse. Sicuti & proxime, quam nos sæpe magna spectauimus admiratione, anno 1572. in Cassiopea noua stella apparuit, & per biennium fere luxit, semper minor facta, tandem euauit; hoc est, primo de altitudine sua descendit, deinde in eandem sese recepit. Non aliter sane quam dicantur Planetæ modo esse in Apogæo, modo in Perigæo, quamuis epicyclis ferri dicantur. Quod nos de nostris minime dicimus. Sed eas & natura, & spiritu, & animis, & intellectibus suis ferri, prout conditoris Dei prouidentia iubentur, & prout mundo expedit, ut moueantur. Qua ratione, si veri sint motus illi trepidationis, stellarumque tum in septentrionem ab ecliptica, tum in meridiem in modum spiræ, & non circuli, & reliqui omnes, si qui sunt alii, qui stellis tribuuntur non errantibus, saluari (ita Astronomi loquuntur) possunt longe facilius, quam ratione alia vlla. Nimirum, ut sunt sydera, & spiritu, & animo, & mente prædita, ita mouentur, quoniam vniuersitati ita expedire cognoscunt, & in eo sunt Dei prouidentiae ministræ. Concludamus igitur, *Et sydera moueri ab ortu in occasum: Et quia velocitas ea impossibilis est*



est visa, terram quoque necessarium fuit moueri  
motu contrario ab occasu in ortum. Atque ita fiet,  
vt vno contrario in natura posito, ponatur & Vno contra-  
alterum, & impossibile illud tolletur, & possi-  
bile hoc admittetur, & temperatis motibus, ve-  
locitate vnus cum tarditate alterius, recta con-  
stituitur harmonia & perfecta, & tertius dabi-  
tur Planetarum quasi mistus motus, qui ab o-  
riente oriatur partim, partim oriatur ab occi-  
dente, prout sequenti cōtemplabimur libello.

Verum adhuc vna superest quæstio: *Quam* Quæstio  
ob causam, tum astra, tum terra non in rectum, sexta aff-  
sed in circulum moueantur. Ignis enim natura sur-  
sum petere videtur, terra deorsum? Motorū suo-  
rum motum intrinsecum imitantur. Natura  
namque vti est animi progenies, & omnis pro-  
genies productricis causæ similitudinem se-  
cum defert animo, quantum effectui licet, si-  
milis euadit. Animus autem rationibus iisdem,  
quia est mentis progenies, alimēti similis, men-  
tis motum imitatur. Mentis autem motus in-  
trinsecus cōfessione philosophantium est cir-  
cularis, vbi enim incipit, ibi quoque desinit. In-  
cipit autem a se ipso, & omnia sibi intrinsecā  
sentientia intellectu sua transcurrēs in idem de-  
sinunt. Animus quoque motu sibi intrinseco in  
circulum mouetur. Idem & natura facit. Hæc  
autem & animus, motionis corporum sunt  
causæ. In gyrum ergo natura naturaliter sua  
mouet corpora. Animus eas vires naturæ lar-  
gitur; & vt eas largiri possit, sortita est ab intel-  
lectu a se participato. Omnia ergo corpora na-



turali statu ac loco, in gyrum circumferuntur. Et quæ eorum partes sunt, naturali statu ac loco, & cum eis circumuoluuntur, & in eis immotæ manent.

Quæstio  
VIII.

Sed *cur astra circuitum ab oriente conficiunt in occidentem? Terra vero e contra ab occidentem in orientem?* Vel hæc apparentia est reuera; res autem vera est minime. Nobis quidem ita apparet, & nostri respectu, & orientem dicimus, & occidentem, sed reuera in mundo per se toto, nullus est aut ortus aut occasus vlllo loco determinatus. Quod etiam Astronomi fentur. Esto sane ita.

Quæst. IX.

Sed, *cur astra & terra contrariis motibus ciuntur?* Quia Deus conditor, in corporum vniuersitate, omnia ex contrariis constare voluit. Ita enim & sapientiam, & potentiam suam manifestauit magis. Et quia ita vniuersitati rerum expedit, vt contrariis contraria temperarentur, ne vel essentia, vel viribus, vel actionibus, aut in nihilum abirent, aut infinita euaderent. Omnia namque certis numero, mensura, & pondere construxit, vt his terminata, & essent & viuerent, & conseruarentur, &c. *Hæc hætenus Franciscus Patricius.*

**PROPOSITIONES DISQUISITIONIS,**  
*de stellarum proprio motu.*

**P**Osito & euicto proprio stellarum, & euerso sublatoque cælorum & orbium excogitatorum reali motu, Iesu bone, quot futes quæstiones, & inutiles argutiæ e Phisicis & Astrolo-



astrologicis evanescent libris! Si stellis & Planetis tribuitur lege creationis insitus & delegatus motus: si Dei creatoris iussui credentes, stellas suas periodos a Deo ipsis definitas ad vicissitudines temporum, & distinctiones dierum, notitium, mensium & annorum designandas, siue sint communes & diurnæ, siue propriæ & periodicæ (*ut ita dicam*) conficere nobis persuadebimus: Non opus fuerit nos intricari Scholasticorum tricis, quas tædioso negotio, & cerebri non exiguo sudore, sed tamen non sine ingenio extricare conatus est Franciscus Piccolomineus professor Patauinus in libris suis naturalis scientiæ: item schola Conimbricensis, & alii Neoterici Peripatetici. Non opus fuerit, disceptare in utramque partem. I. De orbium cœlestium ferentium stellas multitudinem. II. De principatu sphaerarum cœli, *utrum sphaera octava comparata cum aliis principatum obtineat, eo quod singatur amplissima, & innumeris stellis insignis: an vero Solis orbis ex præclarissima luce eius præstet ceteris: Luna vero cedat omnibus: an sphaera, quo longius a centro distant, eo sint præstantiores, ut putant Peripatetici: an Planeta præstent orbibus stellis fixis, ut disputat Picus Comes Mirandula.* III. An cœlum secundum totum moueatur, an vero secundum partes, *ut disputant Auerroistæ.* Item, an cœli motus sit consimilis. IV. An orbico motui cœlorum cōpetat cōtrarium, quod negat Aristoteles, & inde infert, *essentiam cœli esse a contrario immunem.* V. Quomodo moueatur cœlū, & qualis sit eius



Opiniones  
variae Phi-  
losophorū  
de motu  
cœli.

motus, num, *ut Democritus, Leucippus, Epicu-  
rus, & similes dixerunt*, ex inclinatione atomo-  
rum constituentium cœlū consurgat huiusmo-  
di motus: an ex inclinatione quatuor elemen-  
torum amicitia iunctorum, *ut sensit Empedocles*,  
an ex cōditione tenuioris ignis, *ut Stoici*, an, *ut  
Julianus Trallianus, referente Simplicio*, motus  
cœli ad dexteram, hoc est, ab ortu in occasum  
sit regularis, & proueniat ab anima; motus ve-  
ro ad sinistram, *hoc est*, ab ortu in occasum, pro-  
deat ex natura: an, *ut Alexander somniauit*, per  
animam motus cœli sit naturalis, per mentem  
vero æthereus: an his duobus principiis, scilicet  
animæ & menti, sit tertium adiiciendum, nem-  
pe natura, *ut cœlum triplici causa moueatur.*  
VI. An in cœlo sit motus duplex contrarius, &  
quinam sint illi motus, an, *ut Aristoteles*, vnus  
nempe diurnus sit motus, secundum naturam  
totius, in quem omnes orbes, *ut partes totius*  
procliues sint: alter vero proprius motus, sit se-  
cundum naturā particularium orbiū, in quem  
orbes Planetarum, secundum naturam pro-  
priam sint proni. *Item* an in eo cœlorum motu  
locum habeat resistentia mobilium. *Item*, cur  
cœlum ipsum duplici cieatur motu. VII. Va-  
num item fuerit quærere, an ex cœli motu re-  
sultet suauissimus cœli sonus & harmonia, &  
cur ea nō audiatur: an sit proprie, vel metapho-  
rice intelligenda. VIII. Nec admodum utilis  
erit hæc quæstio: si cœlū defineret moueri, qd  
inde eueniret? an defineret etiam esse, *ut Theo-  
phrastus putauit*, an elementa inuicem permu-  
tarentur,



rarentur, *ut Alexander*, an vero seruari ipsum, & inferiora salua manere possint. IX. Futile quoque fuerit curiose inuestigare primum Aristotelicum cœli motorem: *Item*, quid sint cœlorum motores an Physici sit, de motore primo disceptare, nempe an separatæ formæ ad solum diuinum Philosophum spectent. Nec item opus erit disputare solícite de mediis, per quæ eleuemur in notitiam entium separatōrum. X. An motores cœlorum sint a materia abstracti, & cuius officium hoc ostēdere, nō multum scire referet: ut nec hoc, cuius munus sit ostendere, primum motorem esse vnum, æternum & infinitum. Si de vero Deo primus accipitur motor, res manifesta est: sin vero Aristotelicus Deus, vereor ne sit idolum cerebri Aristotelici, & per consequens, *Nihil*. XI. In rem Physici non fuerit rimari, an ex sentētia Aristotelis Deus moueat, ut efficiēs. Quid hoc ad Physicum: quid ad Astrologū, nisi qua religiosus palam, hoc est, siue senserit Aristoteles id ita esse, siue non. Et quorsum quæso quærere de immobili cœlo, de modo, quo primus motor moueat, & de modo, quo Deus moueat primū mobile? XII. Nihil porro attinebit sciscitari sedē & locum cœlestiū motorum, & iradiuagari in disputationes, an Deo cōpetat. *Item* an angelis locus, & quomodo: *ut* an ex sentētia Aristot. sub eadē specie in separatis in materia, reperiri valeat multitudo indiuiduorum.

Adstructa etiam motione insita syderum, nihil proderit, cum Hieronymo Fracastorio



has operose agitare & enodare quæstiones.

1. *An unus orbis non nisi habeat unum motum?*  
 2. *An superiorum orbium motu agantur & inferiores, & ab inferioribus nihil superiores orbes agitati patiantur?* 3. *Vtrum plures orbes cœlorum distinctorum ab una communi intelligentia motrice duci queant?* 4. *An unus orbis alium secum rapiat sine resistantia, & an cadat violentius raptus in orbes illos?* 5. *Quenam sit species motus localis, seu lationis, qua orbis ducit orbem secum, sit vectio ne an tractio?* 6. *An si duo orbes cœlorum moveantur in idem, minor semper moveatur velocius: præsertim si hac de ipsa substantia cœli physice, non more hypothesis mathematicæ differit.* 7. *Item an in natura ipsa spherarum non solum sit motus in longitudinem, sed etiam in latitudinem?* 8. *Plus etiam ingenii, quam veritatis habere illa videntur, quæ disceptantur de motibus, utrum insint per se, vel per accidens; cur orbes primo propinquiore, nō tamen per se velociores sint aliis.* 9. *Quomodo fiat, quod Aplane moveatur per trepidationē per helices factam: quantum item sit motus Aplanes.* Si enim hoc datum fuerit, diuinitus indita virtute circumgyrari in cœlo liquido & tenui ipsa syderum globosa lumina, quis non videt has quæstiones de cœli & orbium, quos fingunt, in eo motibus esse imaginarias? Finem facerem discussionis de motu cœli & stellarum, nisi auctor non spernendus pro motu utriusque, cum cœli, tum syderis grauius dimicaret, cuius rationes ultimo loco expendere consilium est.

Lamber-



Lambertus Danæus c. 19. de motu cœlestium corporum, ita iudicat. Et hac quidem, & satis de situ & loco corporum istorum, corporū cœlestium: dic de motu? Moueri & cœlum ipsum, & cœlestia corpora qui negat, is mihi non tantum omni corporis sensu & motu carere ipse videtur: sed etiam apertissime & rerum euidentia, & Dei verbo repugnare, quum ex Psal. 19. & ex Eccles. cap. 1. Solem moueri perspicue cognoscamus: & id experiamur quotidie cognoscamusque in syderibus, quæ cernimus ab ortu in occasum ferri, & cieri. Sed & cur & quomodo moveantur, maior quæstio est, longeque difficilior. Moueri cœlum ipsum, motuque illo vehementissimo & celerrimo (quid enim celerius, quam intra 24. horarum spatium uniuersum hunc terrarum spatiosissimumque orbem circumire, tantumque ambitum conficere?) motu, inquam, cœli totam illam superiorem expansionem, & quæ in ea sunt corpora rapi verissimum est. Quod vel oculorum ipsorum aspectus, & quantulacunque syderum observatio probat, adeo, ut ne rustici quidem, qui solo oculorum aspectu edocti sunt, id ignorent. Cur vero sic cœlum ipsum moveatur, reliquaque secum, id est, suo motu cieat, & moveat, ratio est, ut lux illa cœlestis nobis vario modo dispensetur, ad rerum inferiorum tum, ortū & conseruationem: tum etiam labefactionem, demum interitum. Ipsum quidem cœlum sic voluitur & circumgyratur: (in gyrum enim volui & circumgyrari docet Scriptura Io. 22. vers. 14.) ut facilius superiora velet, ac obtegat nobis cœlestia, quæ supra se sunt. Nam nobis vel acerrime

Transitio.  
Opinio Da-  
næi, cœlum  
moueri.



in ea obtinentibus, & inquirentibus, aspectum tamen illarum rerum sua illa volutatione cœlum intercipit. Hic enim fuit illius creandi finis, ut est Psal. 104. vers. 2. nempe ut nobis ad comprimendam nostram curiositatem frenum esset, & ad cœlestia illa obpatos nobis intercludenda tanquam velum & obscurissimum auleum obiceretur. Mouentur autem & cœlum & sydera in gyrum, & circa uniuersam terram, ne qua terre pars lucis illius cœlestis expers esset; quasi caret iners, tristis, & infœcunda, prorsusque Bohu quedam maneret. Quod esse iterum in terra

Quæstio,  
cur præceptus  
ita volua-  
tur & mo-  
ueatur cœ-  
lum.

Dominus non voluit post separatas aquas a terra. Vnde autem, id est, qua de causa præceptus sic voluitur & moueatur, & cœlum, & cœlestia, plerique querunt. Nam perpetuo ac irrequieto, & tamē illaborioso, eodemque uniformi, non diuerso: naturali & consentaneo: non autem coacto & violento motu cœlum ita in gyrum cieri sciunt omnes. Cuius tam perpetui, admirabilis, & stupendi motus causam alii tribuunt materie ipsius cœli: alii figura: alii intelligentiæ, quæ cuique orbi affixa cœlesti, & tanquā homo gleba addictus, alligata sit. Anselmus libro 2. Cur Deus homo, cap. 18. putat violentia, ut ipse loquitur, id est, inclinatione naturalis conditionis, non vi alicuius eterne animæ, cœlum sic volui & circumagi. Singulis Planetarum & astrorum orbibus singulos angelos (quas Aristotelici intelligentias vocant) esse prepositos, qui sic eos moueant, scribunt Rabini, in primissime David Kimhi in Ose cap. 12. vers. 1. quorum sententiam secutus esse videtur primus

Cypria-



Cyprianus, deinde Hieronymus in Abacuc. cap. 1. idque etiam quidā confirmari putant Iob. 22. 14. De quo ipso videndus est Bernhardus lib. 5. Considera. post Aristotelicos. Quid vero ipse sentis?

Apage istud de intelligentiis Aristotelicis, aut Angelicis Rabinicis affixis alicui cælo, & orbes illos cælestes cientibus ac rotantibus insomniū. Angelos enim istis orbibus tanquam Ixiona, aut Sisyphum suæ rota & saxa voluendo affigit misere ista sententia, & perpetuo affigit: quos quidem etsi piis ad conseruationem dari, aut prouinciis ad tempus destinari sacra Scriptura testatur, Hebr. cap. 1. vers. 14. Psalm. 34. vers. 7. Daniel, cap. 10. vers. 21. tamen istis globis cælestibus adscriptos esse nusquam docet. Ergo vigore agilitateque formæ, ac vi proprietateque naturæ sibi a Deo insitæ, sic cælum perpetuo motu ad huius inferioris mundi pulcerrimam constitutionem & conseruationem ciatur, quemadmodum terra a cælo remotissima, illique subiecta perpetuo stat, vi & torpedine quadam naturali illi a Deo insitæ, ut terra facilius effecta & influentias cæli & corporum cælestium reciperet: ut quemadmodum illa duo, cælum inquam illud, & terra hac locis cōtrariis diffusa sunt & disuncta: sic & contraria qualitate prædita essent. Cælum enim constanter idem manet, etsi mouetur: terra mutatur indies, etsi stat. Quapropter contraria inter se conditione & lege consistunt & vtuntur cælum, & terra. In quo ipso apparet summa Dei tum potentia, tum sapientia. Hæc ita Danæus.

Ceterum nobis est persuasissimum ex Deo



verbo, Psal. 19. & rerum euidentia *moueri solem & stellas*. Verum ipsum cœlum & totam cœli expansionem superiorem, & quæ in ea sunt corpora rapi non est exploratum, imo contrarium demonstratum. I. Argumentum igitur

- I. Danæi primum de sensu oculorum est supra confutatum. Et cuius oculorum acies vnquam cœlorum ipsorum conspexit motū & raptum? *Si quid observant oculi moueri, id stella est. Cœlum cum ob tenuissimam substantiæ subtilitatem aciem oculorum fugiat, moueri non videtur.* Prosyllogismus huius argumenti a rusticorum auctoritate potius diuerſum probat: quia rustici non tam cœlum, quam stellas in cœlo moueri pronuntiare solent: quod vero nonnunquam ab iis dicitur, deß *Himmels lauff / cœli cursus*, id ex consuetudine loquendi ab Astrologis introducta, ita appellatur. II. Alterum argumentum a fine motus cœlestis ductum est imbelles. Dispensatio enim varia lucis cœlestis est finis & effectus non substantiæ cœlestis expansi, sed syderum in cœlo positorum, *ut testatur Moses Genes. cap. 1.* Motu igitur syderum non cœli dispensatur lux. III. Tertiū argumenti a pronuntiato Iobi cap. 22. parum habet virium. Densæ nubes sunt ei latibulum, & ambitum seu circuitum cœlorum obambulat. Quid hinc? Ergo cœlum ambit, vel circumit? Non equidem est consequens. Ambitus & circuitus terræ & aliarū rerum dicitur, at ipsis inde non vendicatur circumgyratio. Motus obambulanti tribuitur. IV. *Deinde rela-*



velatio faciliior superiorum non efficit motum  
cœlorum. Finis hic affingitur cœli circumgyra-  
tioni, quem S. literæ nubibus adscribunt. Psal-  
mi vero 104. effatum haud probat finē illum:  
ita dicitur: *Amiciens te luce tanquam panno, ex-  
tendens cœlum tanquam auleum.* Denique mo-  
tu diurno & periodico stellarum tam lux o-  
mnibus terræ plagis potest communicari, nec  
ad id postulatur circumgyratio totius machine  
cœlestis. Sed de his pluribus egimus in Oura-  
nographia.

C A P. V I.

*De astronomicis hypothesebus ad motuum cœlestium  
cognitionem excogitatis.*

**M**otus porro astrorum cognoscuntur & obser-  
uantur adiumento Astronomicarum Hypothe-  
sium.

Sunt autem Astronomicæ Hypotheses commenta  
Astronomorum, quæ ad cognoscendos cœlestes sy-  
derum motus, vel extra, vel intra, cœlum imagina-  
mur.

Hypothe-  
ses astrono-  
micæ.

Hæ autem variæ sunt apud varios, & quo certiorē  
reddunt calculum, eo promptius assumuntur,

Hypotheses sunt Sphæræ & Circulorū in ea descri-  
ptorum, vel etiam aliarū rerum.

Hypotheses  
sphæræ.  
Doctrina  
sphærica.

A sphæra, est Doctrina Sphærica, quæ superficies est  
gibba, cuius omnis extremitas paribus a medio radiis  
attingitur.

Vbi fingitur Axis seu linea per mediū sphæræ du-  
cta, & Vertex extremitas axis, tum septentrionalis, tū  
australis.

Axis.  
Vertex.

Circuli sunt lineæ sphæram in certas partes distin-  
guentes. Partes vocant Gradus, qui rursus in alias par-  
ticulas subdiuiduntur.

Circuli.  
Gradus.

Circulos deinde imaginamur alios Maiores, alios  
Minores,



**Circuli maioris.**

**Variabiles.**

**Inuariabiles.**

**Minores.**

Maiores, & quidem Variabiles, vel Inuariabiles.

Variabiles, vt Horizonrem & Meridianum.

Inuariabiliū alii cœlum in Septentrionalem & Australem; alii in Læuam & Dexteram partem diuidunt.

Prioris generis sunt Æquator & Zodiacus.

Posterioris dicuntur Coluri, tum Æquinoctiorum tum Solstitiorum.

Minores cœlum in Zonas distinguunt.

Et quidem horum alii dicuntur Tropici, alii Polares. Horum circularum & sphaeræ vsus est in dignoscendis motibus astrorum.

Aliarum rerum hypotheses alii etiam fingunt & quasi ponunt, quibus positis videtur ratus esse & certus calculus, vt Copernicus posuit terram moueri: sed hæc quia non sunt reipsa in cœlo, ad Physicum haud faciunt: videris autem hæc ipsa in mathematicorum Astrologorum Astrologia.

### *Disquisitio de hypothesis astro- nomicis.*

#### *I. An sint & necessaria sint?*

**L**

**G**Eorgius Ioachimus Rheticus in epistola ad P. RAMVM anno 1568. inter alia ita scribit: *Quarto nunc primum accedam ad hoc opus, quod tibi in mentem venit, vt hypothesis artem Astronomicam liberem, solis contentus observationibus. Atque vtinam haberemus omnium ætatum observationes, idque iuxta nostras capiendi observationes rationes traditas, quas omnino iudico easdem esse, quibus primi artis indagatores vsi sunt, & talem tabularum modum exquisierimus, qui non perpetua opus haberet indagatione emendationis. His subiungemus tabulas inæqualium motuum, ex quibus loca syderum, & omnia phenomena, simili facilitate, atque ex istis ephe-*



*ephemeridibus ipsis elicuerimus. In his omnibus ego longe iniquior sum Ptolomao, quam tu Euclidi, illumque magis flagello, quam tu Euclidem. Nam sicut se habent domuncule, quas pueri luto & arena edificant, ad Vitruvii edificationes, seu palatia florentis Roma: Ita se habent magna Ptolomaei exstructiones, quas potius maximas destructiones appellaueris, ad veram solidamque de motibus syderum doctrinam, quam & Aegyptiorum Astronomiam dixeris, qui suis radiis, (quos Graeci per imperitiam obeliscos vocant) divina mente praediti, has tractabant scientias, &c. Clarissime Rame in his subsistere cogito, nisi quod Germanis meis, Germanicam Astronomiam condo. In ea vero parte, quae est de effectibus syderum, Pandectas Astrologiae in ordinem redigo. Sed & eius propriam condidi artem, antiquissimis artis fundamentis exquisitis. Habeo etiam praemanibus novas rerum naturae philosophandi rationes, ex sola naturae contemplatione, omnibus antiquorum scriptis posthabitis. Idem in arte medica factito. Et cum plurimum Chemia delector, ad eius artis fundamenta penetravi, ut septem de ea libros delineauerim. Tot & tanta sunt, quae tracto, & ad quae haecenus mihi ars medica, meus Meccenas sumtus suppeditavit, &c. Haec Rheticus ipse, atque magnam horum librorum partem iam absolutam se vidisse, ante quadriennium ad me scripsit, ornatissimus vir Ioannes Lasceius Polonus, &c.*



## II. ABRAHAMI SCHVLTETI iudicium, & de stellarum motu, & de hypothefibus.

I.

**D**ico stellarum, non orbium motum: quo me trahit tum sensus testimonium, tum diuini-  
nioris Physiologia auctoritas. Intuentibus enim  
cælum subtilissima quidem & purissima aeris,  
qui materia cœli, substantia, at concamerati or-  
bes nulli se offerunt. Estque adeo in scripturis ce-  
lebrata illa de expansione, dilatatione, ac didu-  
ctione cœli doctrina: ut mirum, plus apud nonnul-  
los Assyriorum & Egyptiorumque de contextu &  
compage pellucidorum orbium opinionem, quam  
astrorum conditoris Dei de suis operibus iudi-  
cium fidei inuenisse. Extendit cælum, sicut pel-  
lem, inquit Psaltes. Et Esaias, Cœli, inquit, sicut  
fumus liquefcent. Cur sicut fumus? quia sicut fu-  
mi sunt omnis soliditatis crassioris expertes, in-  
terprete viro suis in Rempublicam literariam me-  
ritis clarissimo Casparo Peucero. Sunt, scio, quibus  
nimis ieiuna videtur deducta ex literis sacris re-  
rum naturalium demonstratio. At apud me,  
nullum philosophandi genus gloriosius, quam cœ-  
leste. Cui enim de creaturis potius differenti cre-  
dam, quam creatori ipso? Metuunt alii, ne deci-  
dant stellæ, nisi orbibus sint alligatæ. Ne metuant.  
Potens Deus est noster; & non in rerum duntaxat  
creatione, sed in earundem quoque conseruatione.  
Illius virtute mouentur in aere, illius inssu  
quiescunt, Ios. cap. 10. vers. 12. illius voluntate re-  
trocedunt sydera, Esaiæ cap. 38. vers. 8. Nec est,  
quod



quod tantis corporibus loco motis vacuū quis induci posse putet & existimet. Etenim si acutissimū Iudicium Scaligeri. Scaligerum audimus, quicquid sui plenum, id solidum: ideoque cum aere cœlum sit plenissimum, hac de causa & est, & manet solidissimum: licet in eo corpora maxima oberrent. Stellarum ergo, non orbium motus hic queritur: & si quid de orbibus quoque asseritur, ex hypothesis asseritur, nec alio spectat, nisi ut stellarum inde cursus innotescant.

Atqui ex astris ipsis, dicat aliquis, non ex hypothesis fictis motus cœlestes erant demonstrandi. Equidem debebant inde demonstrari; & demonstrabantur olim a Chaldeis, Aegyptiis, & Græcis, non aliunde, quam ex astrorum natura, & veritate, solis Arithmeticis & Geometricis fundamentis adhibitis. Verum quoniam veteribus extinctis Astronomia quoque vetus extincta est, ac pro solidis axiomatibus tot hypothesisum myriades in scholas inuētae sunt: si quis vescamur necesse est, quando frugibus non licet: dum Deus de Mathematicorum circo Rheticum aliquem suscitauerit, qui quod a Ioachimo feliciter inchoatum felicissime absoluat.

Sed miretur quis: cur hypotheses commenta dixerim. Quid ni commenta dicerem: quando illas in cœlo non natura, sed hominum opinio locavit & fixit. Sunt, qui contra disputent: sed dici non potest, quam enervatis & languidis argumentis: dum ex varietate motuum stellarū, pluralitatem realium orbium inducunt: & quod illis dari nullo modo potest, supponunt, nempe stellas ad motū or-

II. Object.

III.

Hypotheses recte commenta dicuntur.



bis, in quo sunt, sicut nodum in tabula, ad motum tabulae, vel clauum infixum in rota aliqua ad motum rota moueri. De quibus suo loco videbimus. Nunc hoc Astronomie studiosus a me audiat: quaecunque praeter aerem, praeter stellas & aquas caelestes in caelo, vel extra caelum ab Astronomis esse dicuntur: ea non ad naturam instituta, sed ad hypothetica artificum instrumentariosum commenta esse referenda. Nullus in caelo Zodiacus, nullus Aequator, nullus Eccentricus, Epicyclus, Aequans in caelo circulus nullus. Assumpta tamen sunt illa circulorum & orbium fabulae: sed aliam ob causam nullam, nisi ut earum adiumento vera motuum caelestium historia texeretur. Itaque si quis nouas hypotheses proferat, quae certiores reddant calculum, repudiantur veteres, nouae assumuntur. Sic recepta ab eruditis multis patrum memoriae hypotheses illae, quas mundi miraculum Copernicus caeli accommodarat motibus, vir hoc ipso labore non Maurolyci scuticam, sed perpetuam bonorum laudem meritus.

Nicod. Frischlini sententia de ortu harum hypothesis & abusu.

Prima causa inaequalitatis motuum Planetarum.

Est autem prima & praecipua causa, ob quam inaequales videntur Planetarum motus, praepostera quaedam humani ingenii ratio, qua nos in illis moribus contemplandis, & eorundem causis inuestigandis, uti cogimur, siquidem motuum illorum causas scire atque explicare velimus. Cum enim Deus opifex rerum illa corpora tam procula sensibus nostris remouerit, ut (quod in aliarum rerum scientiis facere possumus



mus) principia demonstrationum non queamus ex ipsis gignere, & oīēia ac vernacula inuenire: quibus postea singularum apparentiarum causas reddamus: ideo nos ad aliena confugimus praesidia, petimusque nobis hypothes ex Arithmetica & Geometria. Nam hinc tot lineas exstruimus, tot circulos fingimus, tot puncta imaginamur, tot orbes Eccentricos & Epicyclos, imo etiam Epicycliscos cōminiscimur, solum, vt ex his rebus motuum illorum, quos tam procul a sensibus nostris remouit Deus, causas reddere possimus. Quare non abs re Seneca Epist. 89. sic scribit: *Mathematica* Seneca.  
*(vt ita dicam)* superficiaria est, in aliena aedificat, aliena accipit principia, quorum beneficio ad ulteriora perueniat: si per se iret ad verum, sit totius mundi naturam posset comprehendere: dicerem, multū collaturam mentibus nostris, quae traditu coelestium crescunt trahuntq; aliud ex alio. Itaq; Plato in *Timaeo* affirmat. paucos esse, qui possint Plato.  
 reliquos Planetas quinq; vel nominare, vel ad se inuicem cōmetiri, vel motus illorum calculare. In *Epinomide* etiam dicit, quod virtutes, seu formas (ipse Deos appellat:) nulli hominū fas sit explicari. In *Timaeo* quippe haec leguntur: Ceterorū syderum ambitus, quia ignorant homines praeter admodum paucos, neq; nomine certo illos appellant, neque inuicem cōmetiuntur. Quare vt vno verbo dicam nesciūt, tēpus esse has ipsas astrerū vagationes, multitudine quidē infinitas, varietate vero admirabiles. Hæc ille. Certe equidem, si quis adimat Astrologo suos circulos, suam eclipticam, suas



latitudines, suas longitudes, suos polos, suos  
 Eccentricos: nulla earum inæqualitatum, quas  
 ipsi enumerant, erit reliqua. Quæ enim supra  
 enumeratæ sunt anomalix, eæ tantum intelli-  
 guntur respectu illarum hypotheseon, quas  
 Astronomi ex aliis scientiis in suam artē tranf-  
 ferunt; terrena scilicet cœlestibus, humana di-  
 uinis, reperta nostræ mētis opificio Dei admi-  
 scentes. Est quippe corporum illorum ea per-  
 fectio, ea simplicitas, ea in motu celeritas, ut  
 nos nostris mentibus istas res consequi nullo  
 modo possimus. Quid? nonnulli inuenti sunt,  
 qui apparentiarum istarum causas multo  
 quam alii probabiliores reddiderunt ex hy-  
 pothesibus & principiis manifesto falsis, sicut  
 Niceas Syracusius & Cleanthes Samius & Se-  
 leucus & Aristoteles: Herlaclides item Ponti-  
 cus & Timæus, & Ecphantus Pythagoræus, &  
 nostra ætate Nicolaus Copernicus, qui omnes  
 dixerunt, *terram moueri circa axem suum, cœ-  
 lum vero & stellas quiescere, atque ea conuersione  
 omnia illa euenire, quæ nos cœli motu & terræ  
 quiete fieri indicamus.* Vide Arist. lib. 2. de cœlo,  
 c. 13. & Plutarchi in lib. de facie in ore Luna, & in  
*Questionib. Platonis.* Deinde & altera causa  
 est harū inæqualitatū, itē in disciplinis præpo-  
 sita quædā ratio mēsurandi omnes motus cœ-  
 lestes ex motu solis, & tempore per numeros a  
 nobis inde cōstituto. Equidē Deus Solē & Lu-  
 nā præ aliis stellis omnib. lucere voluit, ut essent  
 nobis in dies & annos, & mēses: Hoc est, idcirco  
 faces illas duas tā luculēta & splēdida luce accē-  
 dit,

Altera caus-  
 sa.



dit, easq; a suis orbibus tā certo cursu iussit circumrotari, vt nos ex motu horū duorū syderū, tēpus, numerū, & discrimina dierū & noctium, mensiū & anni partiū, obseruemus. At curiosae hominū mētes. & anxie de causis illarū reuelationum, discrimina tēporum a se obseruatorū præpostere accōmodant ad res cœlestes. Quasi vero ingeniosi animi hoc sit specimen, inuentā & numeratam ex motibus cœlicis mensurā anni solaris rursus applicare ad inuestigādas motuū cœlicorū causas. Aut quasi eruditi hominis sit, vbi iam inuenta est mensura ex motu solis, neq; ceteri motus eidē mensuræ respondēt, illos proinde inæqualitatis atq; erroris etiā accusare. Atq; hæc non eo dico, vt studia discentiū velim tardare, aut artē ipsam eleuare, sed vt artifices intra metas suæ artis contineā, ne longius a proposito & præscripto fine artis (qui aliud nihil est, quā ingeniosa tēporis supputatio) euagati pedem in alieno choro ponant. Certi enim sunt singularum artium ac disciplinarum fines: Quos vltra citraq; nequit cōsistere verū.

*An non autem licet homini excogitare hypotheses, quibus illas apparentias & quæ videntur inæqualitates excuset, earumq; rationes reddat?*

**P**rimum excusare motus astrorū nihil est opus, cū ibi nulla sit inæqualitatis culpa, quæ vel rei mobili, vel morui ipsi possit tribui. At illi, qui excogitat lineas Eclipticas, orbis Eccētricos, circulos signiferos & vtrobiq; æquatores, accusant, nō excusant motus cœlestes, vti modo est demonstratū. Si istæ hypotheses tollātur,



Astrorum  
naturæ &  
proprietates  
nō possunt  
omni-  
nō a nobis  
coaspici.

Cur in A-  
stronomia  
syderū cur-  
ricula variis  
orbibus de-  
monstratur.

nulla erit omnino ἀνωμαλία, nulla prorsus inæ-  
qualitas. Et tolerari pene potest at istæ hypothe-  
ses, nisi maior inde cœlestib. vis illata ab Astro-  
logis fuisset, qui propter tarditatē celerrimi a-  
lias Saturni, nescio quā malignā & senilē mor-  
tificamq; naturā ei affinxerūt, nō animaduertē-  
tes, q̄ Lunę eam ipsam ob causam languor iste  
fœmineus adimēdus esset, si quā celeritas mo-  
tū, & tarditas in Zodiaco, vel beneficā vel ma-  
leficā naturā syderib. posset conciliare. Deinde  
rationes certas reddere nō est humanę opis, vi-  
riusq; nostrarū. Cū. n. nihil cadat sub hominis  
intellectum, nisi etiā prius in sensu fuerit, astrā  
verō ppter substantiæ simplicitatē, & loci distā-  
tiā, & motus celeritatē, a nobis non possunt ita  
cōspici, ut in his, quæ illis accidūt, sensus nō er-  
ret, ideo etiā vera & vernacula principia, e qui-  
bus rationes apparētiarū certę & genuinæ red-  
dantur, a nobis haudquaquā possunt inueniri,

II. Pro hypothesebus Astron.

Prodiit hoc anno libellus Nicolai Vrsi, qui  
titulo promittit defensionē hypothesiū A-  
stronomicarū contra eos, qui existimāt doctri-  
nā Astronomicā sine hypothesiū cōmentis ef-  
formari posse: verū quia libellū eiusmodi vide-  
re nō licuit, Aslachi pro hypothesiū assertione  
sententiā adscribā. Ita igitur inquit: Quod re-  
cēiores *Orbes fixarū orbis Planetarū* appellāt,  
in gratiā sit veterū Philosophorum, qui ita sunt  
locuti. Idq; nō proprie, sed κατὰ χῆναικός. Quod  
autē in arte Astronomica syde ū curricula or-  
bib. variis demonstratur & designatur, nō im-  
merito



merito fit. Quamuis. n. in cœlo nulli eiusmodi  
reales & materiales orbes, cuiusmodi illi cōfin-  
gunt, reuera existant: attamē quia sydera in re-  
nuissimo & purissimo cœli æthere, virtute sibi  
diuinitus insita orbicularē & sphæricū motum  
conficiunt: ideo in arte motus talis, plenioris  
intelligentiæ causa orbib. nō immerito descri-  
bitur. An protinus syderalis illa sciētia quicquā  
suis documētis falso cōminiscitur, dum quæ iu-  
gi reuolutione, reuera, vel apparētia, sydera ex-  
hibēt, ea ars hæc nobilissima ad motus cœlestes  
recti<sup>9</sup> intelligēdos & explicandos, figuris analo-  
gis delineare & rep̄sentare elaborat? Age quo-  
modo alicui explicare velis motū sagittæ neruo  
ad ppositā metā impulsē; quomodo cursū nauis  
ab India Oriētali, p vastissimū Oceani æquor in  
Hispaniā appellētis? Nonne illic lineā rectā, hic *A simili*  
curuam, te depingere necesse sit? Eodē modo si  
syderum in cœlo motus delineare & enucleare  
velis, figuras motib. congruentes, cuiusmodi in  
primis circuli, assumas oportet. An igitur, *in-*  
*quies*, nulli in cœlo sunt orbes aut circuli? Ita est.  
Nulli, *inquā*, Physici & reales illic existūt. Atta-  
mē in motuū cœlestiū circuitu reuera insunt, &  
inesse intelligūtur. Et cur nō? Figuræ Geome-  
tricæ, triangula, quadrangula, sphæra, trapezia,  
globi, nequaquā talia in reb. ipsis existūt, cuius-  
modi in arte depingūtur, sed tm̄ per similitudi-  
nē quandā. Ergone perperā describuntur? Mi-  
nime. Quamuis. n. physice nō sunt in naturis i-  
p̄lis; tñ geometricè, imo vere insunt, dū per has  
exteriores imagines, rerum naturaliū forma &



affectiones reuera adumbratur & explicantur. Nō itaq; audiēdos illos arbitror, qui oēs ex ista arte Altronomica tollēdas hypothesēs, eamq; tantū ipsa astrorū veritate informandā existimant. In qua opinione multi semper clarissimi fuere Philosophi. In primis humaniorū artium prāstātissimus ille restaurator P. Ramus, vt patet ex 2. lib. *Scholarū*. Et epistola quadā, ad Rheticū a Freigio edita, cuius ipse quoq; meminit eodē lib. 2. cum ait: *Rheticus etiam Cracouiam Mathematicis illustrauit, & literis nostris ad studiū liberandae hypothesibus Astrologiae spem quoq; dederat.* De qua re grauissimā Nobilissimi viri Tychonis Brahe paulo post videris. Sequuntur,

Disputationes de Hypothesibus Tychonicis  
& Copernicæis

Tycho Brahe pro Hypothesibus pag. 60. Epist. Astron.

Hæ disputationes sunt actæ inter Tycho Brahe & Mathematicum Guil. Landgrauii Christophorum Rothmannum. Disputat Tycho Brahe sine hypothesibus Astronomiam constitui non posse cōtra P. Ramum.

**Q**Uod autem celeberrimus ille nostri æui Philosophus P. Ramus existimarit, sine hypothesib. per Logicas rationes Astronomiā constitui posse, caret fundamento. Proposuit quidem ille mihi ante annos elapsos 16. cum Augustæ Vindelicorum vna essemus, hanc opinionē, & hortator simul erat, vt postquā per hypothesēs syderum cursum in exactū ordinē redegissem, idē sine his tentare affectarē. Id enim fieri posse, hanc rationē addidit, quod legisset *Aegyptios faciliā olim habuisse Astronomiae cognitionē; cumq; hypothesium ratio difficilis & intricata videatur, oportere eos alia cōpendiosiore, & planiore via syderū cursus cognouisse, ideoq; citra omnes hypothesēs.* At ego illi resistebā, ostendēs sine hypothesibus *Phænomena cœlestia non posse in scientia*



tiam certam redigi, neque ut intelligantur, excu-  
sari. Facilitatem vero illam *Aegyptiacam* saltem  
in *Aequatoriis Planetarum*, quibus se a supputa-  
tione tadiosa liberarunt, cum *Ephemeridum* ex-  
pedita ratio nondum in usu foret, exstitisse. Ve-  
rum cum is, vir alias perspicaci ingenio prædi-  
tus, & veritatis si quis alius, amans, penetralia  
artis huius non penitus perspexisse mihi vide-  
retur, varietatemq; in motu syderum statis an-  
ni temporibus nequaquam recurrentem non  
animaduertisse, quicquam hac in parte obrine-  
re ab ipso nec potui, nec volui. Habet is ple-  
rosque adhuc asseclas, qui idem fieri posse spe-  
rant, sed qui rem ipsam neque intelligant, neq;  
vnquam in effectum sint deducturi. Cum enim  
omnia constant numeris, ponderibus, & men-  
sura, sine his etiam quicquam in mundo visibi-  
li explicari nequit. Hypotheses autem nihil a-  
liud, quam mensuram apparentis motus per  
circulum aliasq; figuras ostendunt, quas Arith-  
metica in numeros resoluit. Sine his si quis a-  
stroorum motus comprehendere velit, fortu-  
nam, quod dici solet, inuocet, & supramunda-  
nam extra hominum intellectum, planeque in-  
corpoream, & plus quam angelicam rationem  
imagineetur, necesse est. *Hæc Tycho.*

Ramus in  
Astronomi-  
cis non satis  
instructus.

*Christophorus Rothmannus ad Tycho. Brahe, pro hy-*  
*pothesibus Copernici contra Tycho. nicae*  
*pag. 128. &c. epist. Astron.*

**D**E Hypothesibus quoque tuis nouis, qua-  
rum 8. cap. facis mentionem, te non per o-  
mnia assequor. Ipse equidem, cum elementa

X 5



mea Astronomica conscriberem, eodem modo Lunam, deinde Solem circa terram constituerem, sed in Homocentrepicyclepicyclis, in cetro vero maioris & primi Epicycli Solis rursus Homocentrepicyclepicyclos reliquorum Planetarum, ita ut centrum Homocentricorum in reliquis Planetis idem semper esset cum centro maioris Epicycli Solis, vnaque per medium Solis motum in Homocentrico Solis circumduceretur. Sed id non noua ratione faciebam, sed prorsus secundum Copernicum, nec ut conuersem per omnia hypotheses Copernici ad mobilitatem Solis transferrem aliter facere poteram: videbamque eam rationem & Rhericum, & Reinholdum intellexisse. Ac secundum hunc modum curauit quoque Illustrissimus Princeps noster superiori anno *αὐτομάτω* construi, miræ quidem paruitatis: sed tamen omnium Planetarum motus exhibens. Est enim orbiculus utrinque planus in diametro vix 6. pollices continens, in cuius altera planitie Theorica Luna cum suis Epicyclis, & capite Draconis continetur; in altera vero Solis & reliquorum Planetarum omnium Theorica; exhibenturque omnes motus, non solum tam Anomaliarum & centrorum, quam veri in longitudinem, verum etiam in tribus superioribus in latitudinem. An vero tuæ Hypotheses cum his eadem sint, & consentiant, certo scire non possum. Et si enim generalem quidem hypotyposin & ordinem sphaerarum, ipsosque Planetarum circulos, siue Homocentricos, siue Eccen-

tricos

Descriptio  
automati  
Landgra-  
uiani.



tricos, eosdem esse satis aperte videam: tamen cum tuas nouas appelles, & in literis proximis scribas, eas particularibus apparentiis vndique aptissime satisfacere, quod tamen neutra aliarum omnimode præstet, videntur diuersæ a Copernicanis inuersis esse. Si enim eadem essent, non magis satisfaceret apparentiis, quam Copernicanæ ipsæ, siquidem quæcunq; apparentiæ ex Copernicanis ipsis proueniunt, eæ etiam prorsus per omnia ex inuersis absque vlla differentia proueniant. *Deinde* videris centra homocentricorum reliquorum Planetarum non in homocentrico aut centro maioris Epicycli, sed in ipso Eccentrico Solis circūducere, cum idem quoque in Cometa facias. Quod si ita esset, nouæ & diuersæ merito essent, cum hac ratione Eccentricitas Solis sese omnibus Planetis necessario immisceret, aliasque apparentias introduceret. Verum obseruationes huic suppositioni respondere, vix crediderim. Scio equidem, *Copernicum demonstrare, mutationem Eccentricitatis Solis etiam in reliquis Planetis animaduerti, quod tamen in tabulis tanquam minus sensibile neglexit.* (Vnde ego quoq; Epicyclum illud Solis in maiorem Epicyclum transposui, quod alias ad terram reponendum fuisset, ita vt infima sui parte per centrū terræ transiisset.) Veruntamen id omnino ex ipsius hypothese necessarium est, siquidem per Eccentricū Solis intelligit Eccentricum terræ, cuius centrum, si mutatum fuerit, necessario Eccentricitates reliquorum Planetarum mutabit, cum eæ omnes



hoc centrū respiciant, & ab hoc centro earum magnitudines numerentur. An itaque, vt dixi, tuę cum Copernicanis inuerſis proriſ eadem ſint, certo ſcire non poſſum. Quod tamen exiſtimas, generalem illam ſphærarum diſpoſitionem, quo diligētius perſpexero, eo magis mihi placituram; ſcias iamdudum mihi proriſ contrarium accidiſſe, de quo etiā cum eruditiffimo viro Gellio Saſceride. Quo. n. diutius eā conſidero, eo minus mihi placet. Etſi enim oſtēdit, quomodo ſecundum mediū motū Solis Planetæ ſuperiores directi ſtationarii, aut retrogradi reddantur: tamen (*quod etiam Ptolemaica facit*) tantum oſtendit, quod ſic fiant, nec quare ſic fiant, Planetasq; regressionis macula aſpergit. At Copernicea non tantū, quod fiant regressiones & ſtationes illæ, oſtēdit, ſed etiam quare ſic fiant, nō quod tanta ſit motus inconſtantia in iſſis Planetis, qui ſemper ſuum proprium motum aſpiciant, ſed quod regressiones illæ ita nobis propter motum terræ appareant, Planetisq; putentur ineſſe, cum tamen reuera terrę inſint. Ita pulcerrime nullus motus relinquitur, niſi proprius, primus in reuolutione diurna terræ, alter in motu ipſius annuo, tertius in Luna, quartus in Venere, quintus in Mercurio, ſextus in Marte, ſeptimus in Ioue, & octauus tandē in Saturno, abſque vlla violentiæ aut regressionis labe. Deinde quis credet vnquam, centrum maioris Epicycli Solis tanta efficacia præditū eſſe, vt trahere poſt ſe Planetas omnes, quin imo e ſuis ſphæris detrahere, rurſumque attolle-



attollere possit, cum nulla corporali & tenaci materia connectantur? Qua de causa quoque cum Illustrissimo Principi nostro ostenderem *in tomo tuo secundo Cometarum*, hypothesein illam tuam, quam mox, ut aspexit, agnouit, utpote cui ea ex Automato satis non erat: *Dii boni!* locus *Lādo* per iocum aiebat, *oportet circulum illum Solis grauii.* *aneo longe esse fortiorem, cum tot Planetas trahere secum possit.* Scilicet hærebat in animo, quod illustrissimæ ipsius celsitud. toties ad aurem decantaram, *tractionis motum e cælo tollendum esse.* Nec, ut arbitror, facile concedi poterit Soli, ut reliquorum Planetarum motus proprios sua hac tractione turbet. *Præterea* introducit hæc inuersa Copernici ratio confusionem in sphaeras Planetarum. Etsi enim nulla corporum cælestium illisio inde sequi potest, ut excusare niteris; Tamen nulla sphaerarum vera aut determinata distinctio manet, sed omnes inter se confunduntur. At Copernicæa hypothesis suum unicuique Planetæ & determinatum spatium attribuit, e quo motu suo egredi nō possit. Scis autem Deum non confusionis, sed ordinis auctorem esse, naturamque ita condidisse, ut a confusione abhorreat; Nedum ut pulcherrimum hoc & sapientiæ inexhaustæ ædificium tanta labe aspergere voluerit. Accedit & hoc, quod natura non agat per plura, cum per pauciora possit. *Item* quod mutatio Eccentricitatis Solis etiam in reliquis Planetis sentiatur: quæ etsi transpositione minoris Epicycli Solis ad terram, *ut dixi*, quoquo modo excu-



fari potest; tamen nihilominus omnia per tractionem fieri hac ratione finguntur. Hæc igitur & alia multa etiam atque etiam considerans, aliud inuenire non possum, quam nullam præter vnicam Copernici hypothesin veram esse. Nec peccat hæc contra Physica principia, nec cum terra grossum corpus sit, propterea ad mouendum inhabilis erit. Quid enim putas reliqua sydera esse? Non enim errare Copernicum arbitror, cum ait: *gravitatem nihil aliud esse, quam appetentiam quandam naturalem partibus inditam a diuina providentia Opificis universorum, ut in unitatem integritatemque suam sese conferant in formam globi coeuntes: hancque affectionem etiam Soli, Lunæ, ceterisque errantium fulgoribus inesse, ut eius efficacia in ea, quæ se representant, rotunditate permaneant: quæ nihilominus multis modis suos efficiant circuitus.* Et sane cum terra, ut reliqui Planetæ, rotunda figura prædita sit, similiterq; libera in aere pendeat, cur eam ad mouendum inhabilem esse dicamus? Videmus si globum in polis & axi exactissime & subtiliter aut erigamus, aut suspendamus, atque ita libere pendentem in gyrum impellamus, eum satis diu hunc motum retinere, nec subito cohibere posse. Si igitur artificialis motus etiâ impeditus hoc possit; quanto magis naturalis non impeditus? Sed absurditates Physicas satis superq; refutauit Copernicus. Nec etiam obstat auctoritas sacrarum literarum. Hæ enim non mihi & tibi solummodo, verum omnibus omnino hominibus scriptæ



pte sunt, ad quorum captum etiam loquuntur,  
 ut etiam omnes Theologi in explicatione capitis 1.  
 Genes. farentur. Alias Luna cōtra Geometricas  
 demōstrationes esset maior reliquis stellis. Sed  
 & illud ex hoc manifestum est. Putarunt He-  
 braei, *nubes in sublimi pendere non posse, nisi sub-*  
*esset materia aliqua dura & imperuia, quae aquā*  
*sustineret.* Ad horum igitur captum sese ac-  
 commodans Deus ait, *faciam cœlum ferreum,*  
*ne pluat, &c.* Item, *aperuit fenestras cœli, in delu-*  
*uio, &c.* Item Moyses, cum ait, *primo die firma-*  
*mentum conditum esse, ut discerneret aquas supra*  
*nos ab aquis infra nos.* Quo nihil aliud intelligi  
 posse arbitror, quam vim illam, qua nubes ita  
 in sublimi pendent, primo die cōditam esse. Sic  
 & cum nos Opticis de causis putemus, *cœlum*  
*esse tanquam expansum tentorium,* ideo sacrae li-  
 teræ hanc vulgi opinionem sequentes cœlum  
 vocant *expansum,* & Prophetæ *Deum expande-*  
*re cœlum tanquam tentorium* aiunt. Nec enim  
 hi plus de hac materia intellexerunt, quam alii  
 vulgares homines, aut etiam Lactantius, nec  
 Spiritus sanctus sapientiam, quam in naturam  
 Deus transfudit, iis reuelare voluit, verū eam,  
 quæ in stupēdo illo & supernaturali, de redem-  
 tione generis humani, mysterio continetur. Et  
 cur Salomon adeo ad miraculum vsq; sapiens  
 habitus est, nisi quod longe excellentiorem to-  
 tius naturæ cognitionem haberet, quam ante  
 eum quisquam alius. Paulus quoque, cum Ro-  
 man. 1. ait, *Deum ex visibilibus hisce agnosci,* non  
 obscure arguit, *longe maiorem sapientiam Dei*

Hebraeorū  
 opinio.



*latere in natura, quam in sacris literis sit reuelata.*

In natura dico: de mysterio enim redemptionis, quod proprie tractant sacrae literae, & de agnitione veri Dei, iam non loquor. Ita auctoritas sacrarum literarum, quanquam admodum plausibiliter proferatur, tamen reuera in hac materia obstare nihil omnino poterit, sed tantum sciemus, quantum per demonstrationes Mathematicas inuenimus.

*Responsio Tychonis Brahe pro suis hypothesebus  
contra Copernicas.*

Respondet  
Tycho  
Rhormanno  
pro suis  
hypothesib.

Sacrarum li-  
terarum au-  
toritas  
quanta sit.

**N**ON est, quod tibi persuadeas, absurditates Physicas, quae Copernianam hypothesein comitantur, satis ab ipso esse refutatas: neque, quae a te huc adferuntur, rem omnem indubitanter confirmant, *ut alibi hac & plura eiusmodi discutiens ostendam.* Multo minus, quae in excusandis iis, quibus sacra scriptura contrarium asseuerat, a te praetenduntur, locum mereri poterint. Maior enim & est, & esse debet diuinarum literarum auctoritas ac reuerentia, quam ut sic in modum cothurni eas tradi deceat. Licet enim ipsae in rebus Physicis & aliis quibusdam ut plurimum ad caput vulgi sese attemperent, absit tamen, ut ob id statuamus, eas ita vulgariter loqui, quin etiam vera proponere credamus. Sic Moyses etsi in 1. cap. Geneseos de *mundi creatione* agens, Astronomiae penetralia non referret, utpote rudi populo scribens, nihil tamen in medium profert, quod non etiam ab ipsis Astronomis concedi queat. Nam quod tu putas,

ex



ex ipso sequi Lunam contra Geometricas demon-  
 strationes reliquis stellis fore maiorem, ipse textus  
 non admittit. Sic enim habet: *Fecitq; Deus duo*  
*luminaria magna, maius ad diei, minus ad noctis*  
*moderationem, tum etiam stellas, easque in liqui-*  
*do cœlo collocavit ad collustrandas terras.* Hic sal-  
 tem de magnitudine lucis, qua Sol & Luna præ  
 ceteris stellis terras illuminant, loquitur Moyses,  
 non de quantitate corporum. Ideoque Lunam  
 vocat *luminare minus*, quia non tantum terram  
 collustrat nocturno tempore, atque Sol diur-  
 no. Si enim de magnitudine corporis hæc in-  
 tellexisset, & saltem ad vulgi adspectum sese ac-  
 commodasset, *Lunam* nō *minorem Sole* appel-  
 lasset; siquidem eius visibilis diameter Sole cer-  
 te vix minor cernitur, si non potius ut plurimū  
 non nihil maior. Nemo vero Astronomorum Luna post  
 negarit, *Lunā* post *Solem* esse *luminare magnum* Solē lumi-  
 ante alia sydera, quodq; multo plus ceteris terram nare ma-  
 noctu illuminet, tenebrasque pellat. Sic ipsi Astro- gnum.  
 logi Solem & Lunam appellant, hanc *lumina-*  
*re noctis*, illum *diei*, quod cum Mose apprime  
 consentit. De ceteris stellis nunc non disputo,  
 an circum circa iuxta suos terminos plus clari-  
 tatis effundant, quam ipsa Luna, licet ob nimiam  
 distantiam lux illa terras non percellat. Nam &  
 Moyses eo loco de hoc saltem lumine agebat,  
 quod terras contingit, atque animantium vsui  
 inseruit. Sic etiam nimium Prophetis derogas, Prophetæ  
 dum vis, ipsos non plus intellexisse de rerū na- Physica nō  
 tura, quam alios vulgares homines. Licet enim ignorarunt,  
 ex professo Physica non tractarint, id enim non



Obiectio.

erat muneris eorum, tamen multa suis oraculis e Physicis desumpta immiscent, quæ nemo etiam, quam maxime naturali Philolophia imbutus ire poterit inficias. Neque ob id sequitur, eos *Astronomica & Physica, quæ vel a primis Patriarchis ad eos promanarunt, ignorasse*, quoniam parcius de his agunt. Non enim decuit Philosophica & mundana Theologicis mysteriis, quæ præcipue tractabant, nimium immiscere. Stat itaque adhuc immota auctoritas sacrarum literarum, *ut suo loco plenius videbimus*. Nec Copernici positio ab hac se vlla tua opera vindicabit. Quod autem meæ hypothesis inuentioni obiciis *tractionem quandam violentam, & ordinis confusionem, retrogradationisq; in quinque Planetis labem*, nihil moramur. Non enim esse *tractionem quandam inuoluntariam, sed naturalem, & diuinitus insitam concomitantiam, obseruantiamque, qua quinque Planete Solem, quocunque eat, semper in medietullis suarum reuolutionum respiciunt, consentaneum est*. Et quam quæso corporali tenacique materia copulatur magnes & ferrum, ita vt vnum alterum appetat, etiam interposito alio corpore? Si hoc in terrestribus inanimatis fieri potest naturaliter absque violentia, quid in cœlestibus, quæ animata esse, & scientiam diuinitus innatam mirabilem & præstantiorem, quam putatur, habere, Platonici, sapientioresq; philosophantium non negarint? Perpende diligentius ea, quæ *in fine 16. capitis, lib. 2. Plinii ab eo adducuntur, de ratione stationum atque regressuum*



gressuum trium superiorum Planetarum, quæ  
 licet ambigua, obscuraq; , vel prorsus absurda  
 videantur, tamen non omnia sunt plane de ni-  
 hilo. Satisq; hinc colligitur, *vetustissimos Mathe* Veteres Ma-  
*maticos, qui etiam terram in medio mundi quies-* thematici  
*centem constituere, Epicyclos prorsus ignorasse, &* Epicyclos  
*alia quadam occultiore ratione istas apparentias,* prorsus ige-  
*qua inde saluantur, ad Solem retulisse, neq; incon-* norarunt.  
*ueniēs duxisse, Planetas Soli ita obnoxios esse, licet*  
*nulla intercederet colligatio. Sed ipse textus te de*  
 pluribus admonet. Nec vlla confusio in meis  
 hypothesebus cōmittitur; cœlum enim est vni-  
 cum, & sibi simile, a Luna ad octauā sphaeram,  
 in quo libere adscendunt & descendūt Plane-  
 tæ, prout Solem pulcerrima harmonia in me-  
 dio ambulante circumeunt. Non enim credo,  
 iterū distinctionem aliquam realem orbis cœ-  
 lestium introducere velle, contra quam inter nos  
 dudum conuenit. Retrogradatio Planetarū, quæ  
 respectu nostri & octauæ sphaeræ cernitur, nul-  
 lo eos vitio afficit, siquidē quo ad semetipsos,  
 Solē semper eodē modo intueantur, cursui de-  
 stinato vni formiter intenti. Sed hæc & plura a-  
 lia, quæ forte ab aliquibus plaussibiliter contra  
 nostrā motuum rationē inferri possunt, suo tē-  
 pore, Deo conat. b. n. stris adspirante, sufficien-  
 ter discutiā. Occasionem vero has hypotheses  
 construendi nō desumsi ex inuersis Copernia-  
 nis, etsi tu tale quidpiā vnquā cogitasti. mihi id,  
 ut satis nosti, non innotuit, neq; simile quid vn-  
 quā ex Rhetico vel Reinholdo colligere licuit.  
 Verum cū animaduertissem subili & accurata



Observatio  
anni 82.

observatione, præsertim anno 82. habita, *Marte Acronychum* terris propiorē fieri ipso Sole, & ob id *Ptolemaicas* diu receptas hypotheses cōstare non posse: *Cometas* insuper cœlitus conspectos, & in *Solis* opposito versantes, motui terra annuo nō reddi obnoxios, quamvis haud in tantū distent, ut plane is evanescat, sicut in fixis sit syderibus: *Copernianam* quoq; assumptionē in motu terre collabascere: Non restabat alia via saluandi apparentias cœlestes, quam hæc ipsa, quæ nup̄r a me generali indicatione prolata est.

*Tycho Brahe* respondet ad reiectionem S. scriptura  
pag. 156. epist. Astron.

Ad reiectionē  
Prophe-  
tarum.

QVod etiam Prophetis nimiū derogēs, eos nō plus quam vulgus imperitum in *Astronomicis* & *Physicis* intellexisse, asseuerādo, ut ut diuinitus immeditate instructi fuerint, & præterea antiquiss. Patrū visibiliū a Deo conditarum rerum excolentiū traditiones non paucas, nostris procul dubio ab Ethnicis acceptis certiores & meliores in promptu habuerint, non approbandum duxi, in qua etiam nū persisto sententia. Neq; enim vnquā leuiter de his decernendum censui. Multa quidē & nō posthabenda, de iis, quæ physice in S. literis continentur, nup̄r etiā secundū vulgariū Philosophorum ratiocinationes, explicuit *Franc. Vallesius*, neq; absq; solerti, quo ad ea principia, labore; licet & multa plura in his lōge aliter secundum veriorē *Physicā*, forte quoq; ex his ipsis nō minima de parte potius petendā, enucleanda delite-  
scant. *Quin & Lamb. Danaus*, vir sane apprime erudi-

Franc. Val-  
lesii laus.

Lamb. Da-  
naus.



eruditus, & de instituendis aliis optime meritus, Physicā suam Theologicā, tam ex veteri, quam nouo codice non inuiti labore exstruxit. Pos- sentq; fortasse multa de his alias dici, quæ pecu- liare & reuera Metaphysicū, nō quale nobis Stra- gyrita iste Græcus obtrusit, requirerēt volumē.

*Et postea pag. 167. contra Coperniceam de triplici terra motu sententiam ita differit.*

**P**Rimo quantū ad diurnum circa suum axem motū, quo terra 24. horis cōuolui fingitur, sicq; vniuersalis cursus ab ortu in occasum ex- cusatur, attinet, dic mihi, *qui fieri possit, ut globus* *Quæstio.*  
*plūbeus ex altissima turri iusto modo demissus, pē-*  
*tū terra infra se positū perpēdiculariter ad amuf-*  
*im contingat;* id enim circūducta interea terra, cū cursus eius sit velocissimus, fieri nequaquā posse, te supputatio docebit Geometrica: siqui- dem in vno scrupulo secundo tēporis terra re- uolui debeat, etiam in his Borealioribus plagis sesquicentū passus maiores proxime. Hinc ce- tera ratiocinare. Neq; enim casus plumbi aerē concomitatur, sed violenter illū transit. Circa alterū motū terræ annum, qui octauā sphæ- ram tantopere remoueret, vt orbis, quem hæc designaret respectu eius euanescat, edissere, an ne hic tibi verissimile videatur, spatiū, quod est a Sole, tunc cētro vniuersi, ad Saturnū plus, quam 700. vicib. contineri intra hunc & affixa- rū sphærā, idq; totum nullis syderib. refertum. Atqui id fieri necesse est, si saltē orbis annuus terræ instar vnius minuti apparebit. Imo tunc quoq; stellæ fixæ tertiæ magnitudinis, quæ vnū



minutū in diametro habent, necessario erunt  
 æquales toti huic orbi annuo, id est, cōprehen-  
 dent in diametro 2284. semidiametros terræ,  
 distabūt. n. 7850000. iisdē semidiametris pro-  
 xime. Quid dicemus de stellis primæ magnitu-  
 dinis, quarū aliqua bina, quædā fere terna mi-  
 nuta in diametro visibili occupant. Et quid si  
 adhuc altius remoueaturs octaua sphaera, vt mo-  
 tus terræ annuus illic prorsus euanescat? Deduc  
 si lubet, hæc Geometrice, & vide bis quanta ab-  
 surda, vel sic inferēdo (vt de alijs nō dicā) assun-  
 tionē hanc concomitentur. Tertius, sublato  
 annuo, perferuit; vel si vna cum illo tibi cōstare  
 posse videatur, qui quæso fieri poterit, vt axis  
 terræ in cōtrarium motui centri annuatim ad-  
 eo correspōdenter gyretur, vt quiescere nihil-  
 ominus appareat? Quomodo etiam axin &  
 centrum duplici diuersoque motu agitari da-  
 tur in corpore vnico & simplici? Vt de tertio il-  
 lo circa axem diurno superueniente, nihil re-  
 plicem. Taceo quoque librationum intrica-  
 tiones, nec promotioni fixarum, cui destinan-  
 tur vbique correspondentes, valde absonas ef-  
 se. Hæc & similia tute tecum perpende, atque  
 si dabitur, per otium resolue.

*Christophorus Rhotmannus respondet pro Copernicis pag. 185 epist. Astron.*

Respondet  
 Rhotman-  
 nus pro Co-  
 pernicæis  
 Tych.

**Q**uod igitur Copernicum de triplici motu  
 terræ impugnādo, priore loco de diurno  
 motu affers; si terra 24. horis circūuolui fingatur,  
 fieri non posse, vt globus plūbeus ex altissima turri  
 demissus, punctū terra infra se posuim, perpendi-  
 culariter



peculiariter ad amissum contingat; cum illud propter  
 velocissimum terræ motum, sese necessario interea sub-  
 ducat, globumq; plumbeum post se relinquat. Hoc  
 satis a Copernico enodatum & dissolutum est. Ca-  
 dentium. n. & adscendentiū, ut ipse ait, duplicem & adscendē-  
 fateamur esse motum oportet mundi cōparatio-  
 ne, & omnino cōpositum ex recto & circulari. tiū duplex  
 motus.  
 Quandoquidē quæ pōdere suo deprimuntur,  
 cum sint maxime terrea, non dubiū, quin ean-  
 dē seruent partes naturam, quam suū totum. Id  
 qd tibi multo minus dubiū esse debet, cū tu ex  
 meliore Philosophia scias, quod *natura natura*  
*delectetur, naturaq; naturā retineat.* Si corpori-  
 bus illis sui motus sciētia est naturalis, ut tu vis,  
 erit ea etiā partibus. Quemadmodum enim in  
 aliis rebus naturalibus, verbi causa, partes auri  
 retinent naturam totius, nec eo modo separa-  
 tæ a toto id, quod a natura ipsis peculiariter &  
 specificè insitum erat, abiiciūt. Ita & in his cor-  
 poribus, quæ motum, ut tu non inepte vis, na-  
 turalem habent, partes primariam hanc insi-  
 tam sibi prærogatiuam, & præcipuam ac spe-  
 cificam dignitatem non abiicient. Sed quid de  
 casu rerum grauium sollicitus es, cum omnia,  
 quæ in superficie terræ libera, & a toto separa-  
 ta iacent, quin imò ipsa turris, ex qua globus  
 plumbeus dimitteretur, ipsaq; ædificia ruerēt,  
 atq; a terræ motu relinquerētur, necesse esset, si  
 partes nō retinerent motum totius: quod quam  
 sit contra naturæ sapientiam, nemo non videt.  
 Quod autem de supputationibus affers, *Ter-*  
*ram ea ratione in uno secunda temporis scrupula*



*reuelui debere in Borealioribus ibi plagis sesquicentum passus maiores proxime: Quælo vtrum censebitur credibilius, & sapientiæ naturæ, quæ semper per pauciora agit, conuenientius: an vt sesquicentum passus, an vero vt tot millia non passuum, sed miliarium Germanicorum in vno secundo temporis scrupulo conficiat? & quidem sub eodem effectû & fine? An non id vehementissime cum dicta naturæ sapientia, qua semper pauciora & breuiora eligit, pugnabit, si assumpto cœli motu per omnium stellarum & Planetarum diuersos, vehementissimos, mentesque humana incomprehensibiles, atque etiam innumerabiles cursus efficere cogetur, quod poterat in vno facillime præstare? An non & hoc, quod ea ratione Planetis duplex, & sibi ipsi contrarius inesset centri motus? Nescio etiam, an fixa sydera in tanta motus pernecitate, tam constanter suas ab inuicem distantias custodire possent. Sed sexcenta eiusmodi proferri possent, quæ satis conuincunt, motum diurnum in nullo alio corpore, quam in terra quærendum esse. Ad annum autem motum quod attinet, cur mihi non verisimile videatur, spatium a Sole ad Saturnum tot vicibus contineri intra Saturnum & affixarum stellarum remotiorem? aut quid absurdi sequitur, si stella tertiæ magnitudinis æquat totum orbem annum? An id aut cum voluntate diuina pugnat, aut diuinæ naturæ impossibile est, aut infinita natura non competit? Hæc demonstranda omnino tibi sunt, si absurdi quid hinc colligere volueris. Non tam facile*

Motus diurnus in nullo alio corpore quam in terra quærendus.

De motu annuo.



facile absurditatis argui possunt, quæ vulgo absurda prima fronte videntur, sed longe maior est diuina sapientia & maiestas. Et quantumcunque etiam mundi vastitatem, & magnitudinem concedas, nullam tamē proportionem ad infinitum creatorem habebit. Quo maior Rex, eo maius & amplius palatium decere putat suam maiestatem. Quid cogitabis de Deo? In tertio vero terræ motu, *cur axis terræ non annuatim reflecteretur, ut quiescere nihilominus appareret?* aut, *cur non axem & centrum duplici diuersoque motu agitari detur?* Si terra impacta esset duro alicui orbi, & ab eo circumferretur, hæc fortassis locū habere possent. At cum terra liberrime in aere pendeat, *cur non, si centrum promoueatur, axis nihilominus super eodem cetro possit nutare eo, quo natura velit?* Centrum enim semper in axe est, & est quasi polus, ut ita dicam, reflexionis axis, nec vna reflectitur, sed respectu reflexionis est immotum. At hæc axis reflexio facilius intelligitur. Si per idem terræ centrum etiam ducatur axis Zodiaci, vero Zodiaci axi parallelus, qui in immensitate sphaeræ cum vero axe idem videbitur, circa quem videbitur axis terræ reflecti, non quidem ad angulos rectos, sed ad tantum angulum, quanta est Zodiaci obliquitas. Scio hoc in loco Copernicum esse admodū obscurum, Copernici nec facile perceptibilem. Sed hæc alio modo longe facilius possunt explicari, nec opus est triplici terræ motu, sed sufficiunt diurnus, & annuus. Nec axis terræ reuera reflectitur, si-

De tertio  
terræ motu.



quidem manet semper idem angulus interse-  
ctionis planorum Eclipticæ & Æquatoris, a-  
xisque terræ motu annuo ita circumducitur,  
vt semper paralleliter versùs eandem mundi  
partem spectet, adeoque propter euanescenti-  
am orbis annui in immensitate sphaeræ ad v-  
num & idem punctum videatur semper colli-  
mare. Ex quibus, superueniente motu diurno,  
reflexio tanquam effectus resultare videtur.  
Sed hæc fusius & enucleatius Deo dante, inue-  
nies in 2. libro nostrarum Observationum, vbi  
de præcessionem æquinoctiorum agemus. Li-  
brationem quoq; licet in cursu Mercurii non  
probem, tamen eiusmodi esse video, vt in pla-  
nis circulorum sese variantibus, naturalior  
motus excogitari non possit. Sed horum o-  
mnium explicatio nimis obscure a Copernico  
proposita est, & effectus cum causâ sine distin-  
ctione ita confusus, vt quid velit, non facile a  
quoquam intelligatur.

*Tycho Brahe respondet his ita pag. 188. Astron.  
Epist. ad Lectorem.*

Respon-  
sio  
Tych. Bra-  
he.

**A**D argumentum nostrum de casu plumbi.  
ex altissima turri, quod perpendiculariter  
terræ punctum infra positum non pertingat, si  
terra motu diurno tam celeriter, vt necesse fo-  
ret, circumuoluatur, COPERNICVM satis re-  
spondisse ait, *quod cadentium & ascendentium  
duplex sit motus, alter rectilineus, alter circularis,  
cum partes omnes seruent Naturam totius.* At ve-  
ro naturaliter graua deorsum ferri, centrumq;  
terræ appetere dubium non est. Sed eadem,  
quæ-



quæcunque tandem sint, a terra matre sua auulsa, in liquidissimo aere, qui ea secum trahere nequit, sponte terræ circularem motum sequi, non modica indiget probatione. Neque enim Naturalis  
motus an  
partibus  
a matre a-  
uulsis æque  
insit ac toti scientia motus naturalis omnibus partibus, a sua radice, seu matrice separatis, iamque ut plurimum emortuis, & vigore naturali destitutis, æque inest, atque corpori toti. Auulsio enim & destructio ista naturalis non est, sed præter naturam. Cumque vni corpori duplex sic inesse debeat motus, sine vlllo rectore, mirum sane erit, quod alter alterum nihil prorsus impedi- at, quo minus omnia ita exquisitè eueniant, in tam cōcitata motione terræ, ac si eadem prorsus quiesceret. Nec enim aer, qui adeo tenuis est, etiam si is terræ diurnum motum ob vicinitatem quandam, atque affinitatem ad amissum imitaretur, corpora solida, eumque subito cadendo penetrantia secū adhuc celeriore motu trahere potest. Et si corpora ista per se, uti is voluit, scientiam motus habent ad imitationem totius, qua sponte circumgyrantur, id quod in aëre, & metallicis, similibusque, a matrice sua exemtis, & vim naturalem nihilominus conseruantibus quodammodo locū mereri queat (*si assumptio vera foret.*) Tamen in lapidibus e radice sua auulsis, iamque emortuis, & lignis abscissis, aridisque, & eiusmodi abis, tale quid concedi nullatenus poterit. Neque enim vigor totius corporis hisce partibus amplius æqualiter inest. Et quid, quæso, fiet, si tormento bombardico maiori versus ortum directo, exploda-



tur, globus ferreus, seu plumbeus, siue etiam lapideus, atque ex eo ipso versus occasum in eodem loco disposito, idque vtrunque ad pariles cum Horizonte angulos respectu prioris inclinationis eleuato? An fieri posse putandum, vt globus vtrunque eadem pulueris quantitate, & vi emissus tantundem in terra permeet spatii, ob naturalem motus scientiam, qua globus quilibet e terrestribus formatus totam terram concomitaretur. Vbi igitur manebit violentissimus ille motus e puluere bombardico præter naturam concitatus, qui sane alteri illi naturali, quo terra in gyrum verti deberet, vt vt admodum pernici, quodammodo æmulus est? Sunt igitur iam in globo sic emissos tres motus: *vnus*, quo is ratione grauitatis per lineam rectam centrum terræ peteret; *alter* quo per conscensum, totius terræ conuolutionem ad amissum imitaretur; *tertius* vero ille, qui fit per violentiam, quam vis nitri sulphurifata, & carbonibus inflammata, instar tonitru, & fulminis, cogit globum rapidissimo impetu eo pergere, quo minime suapte natura vellet. Cumque is violentissimus motus alterum, quo graua necessario, & naturaliter recta descendunt, adeo impediatur, vt nisi post longe emensum spatium, imo vix quidem, antequam violentia illa se remiserit, atque in quietem paulatim desierit, terram contingere possit, quidnam quæso, obtinebit secundus ille motus, si & is naturalis esset (*in circuitum videlicet conuolutio*) priuilegii, vt in aere etiam tam tenui per violentissimam



mam illam concitationem, contra naturam fa-  
 etam nihil prorsus impediatur? Experientia e-  
 nim testatur, quod globus eiusdem magnitudi-  
 nis & ponderis, eo, quo dicimus, modo vice  
 versa vi pulveris bombardici eiusdem quanti-  
 tatis, & validitatis emissus, idem proxime spa-  
 tium de superficie terræ post se relinquat, tam  
 versus ortum, pari, uti, dixi, eiusdem tormenti  
 inclinatione, quam versus occasum eiaculatus,  
 aere præsertim satis tranquillo existente, &  
 hanc, vel illam impulsione nihil per accidēs  
 promouente, vel retardante. Cum tamen ob  
 terræ motum diurnum (*si quis esset*) concita-  
 tissimum, globus versus ortum emissus nequa-  
 quam tantum spatii de superficie terræ emeri-  
 ri posset, præueniente nonnihil suo motu ter-  
 ra, atque is, qui versus occasum pariformiter  
 explosus est, terra tunc aliquid de superficie,  
 motu proprio subtrahente, & ob id spatium  
 interceptum augentē. Nam ut dilucidius hæc  
 intelligantur, e maxima bombarda, quam du-  
 plicem Cartoam vocant, globus ferreus, ad ob-  
 liquum emissus, intra duo minuta temporis  
 vix motu fessus terram pertingit, quibus vigin-  
 ti millia passuum maiorum motu diurno in pa-  
 rallelo Germaniæ conuolui deberet, si motio-  
 ni diurnæ obnoxia esset tellus. Sic enim ipse  
 met ROTHMANNVS, Principem suum in ex-  
 plosione globi e maximo tormento aliquando  
 periculum fecisse (*quamuis non hac de causa,*  
*sed saltem, ut spatium, & tempus promotionis glo-*  
*bi experiretur*) mihi indicabat. Fieri itaque non



Terræ nul-  
lus propri-  
us ob occa-  
su in ortū  
motus in-  
est.

potest, vt motum illum violentissimum ab vna parte admodum sensibilibiter augetet; altera vero nimis euidenter anticiparet. Quo vnico argumento, si id, quod de casu plumbi diximus lentiusculum, (cum tamen satis validum sit) videtur, satis ostensum existimo, terræ nullum proprium ob occasu in ortum inesse motum: Donec is, vel quispiam alius inuictis rationibus liquido ostenderit, qui fieri possit, vt supra modum violentus ille, de quo dixi, motus; a duobus istis, quos ille assumit, naturalibus, omnino nihil impediatur, vel etiam hos nullo vestigio interturbet. *Addo* vero & hoc, quod si circa terræ polos, vbi motus diurnus (si quis esset) in quietem definit, eadem fieret versus quamcunque Horizontis partem per sclopetum ratione ante dicta experimentatio, idem omnimodo eueniret, ac si in medio inter vtrumque polum apud Æquatorē, vbi motio circumferentiæ terræ cōcitatissima esse deberet, vti etiam in quouis Horizonte, si versus ortum & occasum parili ratione emittatur globus, idem conficit spatii, quod versus meridiem & septentrionem simili impulsione emissus. Cum tamen terræ, si quis inesset diurnus motus, is occasum ortumque respiceret: meridiem vero & septentrionem non item: cum igitur hæc vniformiter vbique eueniant, quiescat etiam, vbique vniformiter terra, necessum est. Quod vero quidam existimāt, telum e naui sursum eiectum, si intra naus latera id fieret, casurum in eundem locum mota naui,



nauis, quam pertingeret hac quiescente; inconsiderate hæc proferunt, cum res longe aliter se habeat. Imo, quo velocior erit nauis promotio, eo plus inuenietur discriminis: pariter & in circuitu terræ, quoad magis vel minus hæc euenire oportet. Licet enim omnia graua terræ, adeoq; eius centrū, si attingere possent, petant, id quidē respectu eiusdē centri intelligendum est, ad quod omnes eius partes vergunt, & cui innitentes conquiescunt. At mota interea circumferētia terræ, non eandē in superficie partē attinget, id quod ab ea alte emissum est, quā peteret hac quiescente. Atq; hæc ex ipsa terra, de terræ quiete satis indicata nunc sufficient. Oceano quoq; circūfluo motu suo naturali, eodemq; in se ipso vario ostendente, non cōuolui cōmunis globi circūferentiam; vti experientia eorū testatur, qui magnam Oceani partem circumnauigarūt; qua de re alias plenius, particulariusq; Motus itaq; terræ diurnus, quod is reuera non existat, sic æquo ingenio & iudicio præditus ostēsum sit. Quibus hæc non satisfaciunt, vix plura id præstiterint. Adferam tamen conuenientiore & tempore & loco alias adhuc rationes hanc assumptionem infirmantes. Sublato autē motu diurno, Secundus ille, & annuus a C O P E R N I C O terræ attributus per se corruit, & inutilis euadit. Quin etiam cum illo tertius ipse per axis in contrarias partes nutationem, eandemque circellis librationis indigentem. Etsi vero admodum plausibile videatur, in minori terræ ambitu minori



Diuini au-  
minis ma-  
iestas, sapi-  
entia & po-  
testas.

etiam negotio rapidissimam istam, & pene in-  
credibilem cœlestium corporum; præsertim  
vero affixarum stellarum ab ortu in occasum  
motionis pernicitatem saluari, siquidem terra  
non opus habeat, sic intra vnum temporis mi-  
nutum, quod circiter centum pausas continet,  
ultra 18750. passus maiores, seu  $3\frac{3}{4}$  milliaria  
Germanica conficere. Cum octava, vti vocant  
sphæra (præsupponendo eam a terris iuxta no-  
stra placita, remoueri quatuordecim millibus  
Semidiametror. terræ) interea milliaria Ger-  
manica 52560. proxime seu passus 262775000.  
absoluere debeat, assumendo pro quolibet mil-  
liari quina millia passuum, & terræ circum-  
ferentiam 5400. milliarium Teuthonicorum  
vulgarium præsupponendo. Indecês vero æsti-  
mari queat, id per plura, & maiora fieri, quod  
per pauciora, & minori negotio pariter, & cō-  
modius præstari possit. At hic elucet incom-  
prehensibilis DEI opificis inperscrutabilis sa-  
pientia & potestas, qui cœli corporibus tam va-  
stis, omni cogitatione celeriores motum,  
eundemque simul, & vniformem, & diuisum  
duplicemque attribuere & voluit, & potuit:  
Quique terræ pigrum, crassum, & ad motio-  
nem circularem perpetuamq; haud idoneum  
corpus, sua stabilitate fundauit, ita vt in perpe-  
tuum non moueatur, quo hinc, tanquam ex  
centro quiescente, cœlestium corporum, quæ  
lucida & ignea, sed inconsumtibili compagine  
constant, quæque motioni celerrimæ admo-  
dum apta sunt, sponteque hanc appetunt, cur-  
ricula



ricula stupenda, & indefessa contemplari lice-  
ret, diuinique numinis maiestatem, quasi in spe-  
culo intueri. Apparet itaque, infinitum illum, &  
immentum Opificem, cum finitum hunc, &  
metis terminatum mundum condidisset, duo  
maxime contraria huic indidisse, motum vide-  
licet, & quietem. Et quia motus præstantior & Motus.  
dignior sit quiete, magisque vitalis, cessit præ-  
stantiori & digniori parti mundi, nempe re-  
gioni æthereæ: cumque cælum vniuersum lo-  
co & tempore finitum quidem sit, sed infinito,  
incredibili magnitudine & perennitate simile:  
adeo, ut diuinitatem quandam ob id ei attribue-  
re non dubitarit Stagira: conueniens etiam  
erat, motum ipsius cæli infinitatem quandam  
præ se ferre, ideoque tanta rapiditate naturali-  
ter cieri, ut cogitatio nostra eam vix assequi pos-  
sit, ipsis sensibus hic omnino obstupescantibus,  
& motum celerrimum a quiete, nisi post ali-  
quod temporis intervallum, non discernen-  
tibus. Tanta nimirum diuini numinis sapien-  
tia, ut intellectus humanus hic obmutescat.  
Quietem vero motui contrariam terræ, ad Quies.  
centrum vniuersi sitæ, indidit opifex, eandem-  
que absolutissimam, nisi quatenus ea in se ipsa,  
suisque nonnullis partibus viuit & vegetatur:  
quo ad totum tamen, ipsa in se constanter per-  
manet super ea, qua fundata est, stabilitate, qua  
non mouebitur ante vniuersitatis dissolutio-  
nem: sicque terra, tanquam patiens & quie-  
scens, cæli agentis & reuoluti vires, ac influxus  
ad centrum tendentes commodius recipit, at-

Z



Cœlestibus  
duplex in-  
est motus.

I. ab occasu  
in ortum.

que altera mundi pars, vtvt minima, non im-  
merito simul existit, cum tot tantaque præter  
animantia ipsi cœlo analogâ contineat. Ideo-  
que scriptum est: *Creauit Deus cœlum, & ter-  
ram*, vbi terra altera, & cœlo quasi conferenda  
mundi pars censetur, & prædicatur. Nec instar  
minimi cuiusdam, imo obſcûri & abiecti aſtri,  
(*prout fert hypotypoſis Copernicæa*) abiicitur aut  
negligitur. Duplicem vero cœlestibus inesse  
motum, cum & circa polos duos, & diuerſos  
absolui videatur, providentiæ diuinæ in vſum  
naturæ conditæ, placuit. Nec abſonum est, al-  
terum, qui est vniuerſi, adeoque totius cœli, a  
limitibus Lunæ, vſque ad ea ſydera, quæ *affixa*  
vocamus, circa polos mundi, ſiue Æquatoris  
viginti quatuor horis ab ortu in occaſum ce-  
lerrime conuolutum, alios particulares cœle-  
ſtium corporum motiones, diuerſas ob occaſu  
in ortum intra ſe comprehendere, diuinitus  
indita, & quaſi naturaliter congenita motionis  
quadam analogia, & concomitantia: Ita, vt  
quod ipſi cœlo vniuerſaliter inſit, omnibus  
quoque eius partibus, vtpote lucidis in eo cor-  
poribus vna commune ſit, ipſis tamen parti-  
bus ſeorſim ſimul per ſe motionis legem ob-  
ſeruantibus. Non aliter, quam in Oceani piſci-  
bus, vel aeris volucribus ( ſi parua licet com-  
ponere magnis ) quodammodo fieri conſtat.  
Licet enim volucres aeris motui obnoxii ſint,  
vt & piſces Oceani fluxui ac refluxui, attamen  
tam aues, quam piſces nihilominus propriam  
obſeruant promotionem, quo naturalis vocat  
appe-



appetentia. Verum hæc in cœlestibus cœlesti  
quodam, & longe viuaciore, exquisitioreque  
modo eueniunt, quã in animantibus terrestri-  
bus, vel æquoreis. Cum & cœlū animatum ef-  
se, ipsaque cœlestia corpora animantia quæ-  
dam cœli vitali spiritu prædita, non abs re sen-  
sisse videatur diuina illa Platoniorum Philo-  
sophia. Secundum illum, & annuū terræ a Co-  
ERNICO attributum motum sublato diurno, II. Motus.  
per se frustraneum esse, iam antea diximus. Ni-  
hilominus eam, quam in Epistola priore ad  
ROTHMANNVM adduximus absurditatē hinc  
prodeuntem is non satis estimare videtur: dum  
patium, quod est a Sole, tunc centro vniuersi  
existēte, ad Saturnum pluribus vicibus ab hoc  
sq; in affixarum dispositionem vacuū esse, &  
derib. plane orbem, nulla; ratione aut vili-  
tate adducta, quare sic esse oporteat, nihil a ve-  
similitudine abhorreere cēset. Sic quoq; stel-  
is terræ magnitudinis æquare totum orbem  
annuū, id est, ipharā Solis, nihil admittere ab-  
ardi, pronuntiare nō veretur, per voluntatem  
uiuā, eiusq; possibilitatem & infinitatē tales  
niuersi asymmetrias excusans. At quid hoc est  
cere? Nū voluntas diuina irregulariter & in-  
ordinate vsquam agit, cōtra, quam alias in toto  
mundi theatro apparet? Vbi omnia iusto tēpo-  
mensura & pōdere vndiquaq; rite disposita  
nt? Nihil vacui, nihil frustranei, nihil sibi in-  
cem nō certa harmonia, & proportionē cor-  
spondēs. Scilicet a Saturno ad fixas stellas nō  
nidpiā in vsus Terricolarum destinatum con-



tinebitur, per intervallū plusquam 7000000.  
 semidiametrorum terræ, stellis fixis quæ lon-  
 ge superius elatæ sunt, his tamē non minimum  
 inferuentibus. Scilicet etiā fixa sydera nonnul-  
 la totum orbem annuū, quem Sol describit (si-  
 ue ut ille vult, terra) sua magnitudine æquabūt,  
 nonnulla vero adhuc longe maiora erunt. Ipse  
 vero Sol, præcipuum mundi corpus ac lumina-  
 re, huic quantitati vix conferendus videatur, cū  
 tamen stellæ in cœli expanso constitutæ, mini-  
 mā respectu Solis, in patefactione creationis  
 mundi obtineant prærogatiuam, vti etiam per  
 se cōparatione eius quam minimā habent; sed  
 quasi ab auctoritate huius, & præeminētia, vti  
 & reliqui Planetæ dependeant. Et qualis quæ-  
 so mūdi visibilis symmetria sic prodibit, si ma-  
 xima pars creaturis visibilibus destituta erit:  
 Quædā vero corpora cœlestia in immēsum fer-  
 me augeantur, quædā vero vtrū per se vasta, cū  
 his tamen vix cōferri possint? Facessat ista ageo-  
 metrica, & asymmetra, inordinataq; Philoso-  
 phandi ratio, a sapiētia prouidentiaq; diuina a-  
 lienissima; Quā etiā ipse ROTHMANNVS cum  
 esset mecum, vltius tueri nō audebat, sed ma-  
 gnā absurditatē pari incredibilitate cōiunctam  
 hisce subesse, inter conferendū non inuite tan-  
 dē fatebatur. Memini enim, ipsum semel inter  
 alia mihi dixisse, si Copernicea assumptio in rei  
 veritate constaret, necessarium fore, vt pleræq;  
 affixæ stellæ totum annum orbem, seu sphaerā  
 Solis sua vera quantitate exsuperarent, antequā  
 tam inexhausta distantia, qualē illis necessario

COPERNICVS



COPERNICI attribuit ratiocinatio, eā, quā  
e terris cernimus, visibilē iis concederet quan-  
titatē: quemadmodū ipsa me obiectū erat. At  
hoc omnem fidē superare, prorsusq; absurdum  
videri nō inficiabatur, neq; per omnipotentā  
diuinam id vltius excusare nitabatur, & ma-  
gnam quoq; asymmetriam ex his induci nō il-  
lubenter admittebat. Mundus quidem finitus  
quoad creatorē infinitū nullā habet propor-  
tionē: sed quoad seipsum, suasq; partes, maxime  
proportionalis existit. Quod & in singulis ani-  
mantibus terrestrib. (ut de aliis eius partibus ta-  
ceā) videre est. Sunt enim omnium animalium  
partes & membra ita proportionabiliter ad in-  
uicem ordinata & disposita, vt quodlibet horū  
certā rationē ad totum, tum quoq; ad reliquas  
suas partes obtineat. Quemadmodū in iis, quæ  
ex humani corporis (quod *Microcosmicum* est)  
symmetria demonstravit eximius ille pictor  
DURERVS, liquet; vt alia his conformia nunc Durerus pi-  
præteream. Tertius ille motus per accidens axi-  
tor exi-  
terrenę a Copernico intrusus, dilutione nō in-  
mius.  
diget, siquidē sublato annuo nullus sit, nec per III. Motus.  
se congruus, sed abstrusam & incompetentem  
anomaliam terræ insinuans; adeo vt ipse ROTH-  
MANNVS hūc alio modo excusare nitatur. Ve-  
rum de toto hoc negotio alias, vbi spero, dabi-  
tur commoda per varias circumstātiās vltius  
differendi occasio. His igitur nunc, beneuole  
Lector, acquiesce, donec pleniora obtineas.

*Tychonis Brahe Dani hypotheses.*

Haftenus nobilissimus Daniæ Astronomus



suas aduersus Rothmannū defendit hypothes; iam quænam sint illæ dispiciamus ex libro Brahe de cometa anni 77. referente eas Helisæo Rösslin medico.

Hypotheses  
Tychonis  
Brahe.

1. Terram centrum uniuersale mundi esse in medio positam.
  2. Terram centrum motus Solis & Luna esse prope verum.
  3. Solem centrum motus quinq; reliquorum Planetarum esse prope verum.
  4. Terram immobilem esse.
  5. Stellæ fixas & Planetas motu diurno mobiles esse.
  6. Planetas autem nec orbibus moueri, nec in ære vagari: sed in liquidissimo & simplicissimo, iuxta diuinitus inditam scientiam circumuolui.
- Hinc infert:

### CONSEQUENTIÆ.

1. Cōsequē-  
la, ex hypo-  
thesibus  
Tych. de-  
ducta.

1. Nullam quidem orbium Planetarum penetrationem fieri, cum nulli orbis illi sint: sed interim tamen contractum & angustum adeo spatium tribus superioribus Planetis dat, ut aliter alterius locum aliquando ingrediatur, quod non videtur physice consentaneum.
2. Visibilem apparentiam Planetarum utcumque respondere cum observationibus Planetarum, secundum Optica principia.
3. Calculum Planetarum exacte respondere faciet ille cum observationibus Astronomicis, secundum Mathematica principia.

Helisæus  
Rösslin.

Sed quid ad has Helisæus Rösslin.

Mirum sane est, inquit, meam sententiam cum



eum Tychonis Brahe adeo exacte cōuenire, vt in vnica hypothefi discrepemus, qua negat ille, *stellas orbib.* moueri, sed certa potius sibi indita scientia circumuolui. Vtut vero in hac etiam hypothefi Tychonis maxime accedam sententiæ: in consequentiis tamen adhuc ea parte suspendor, qua nimis angustum spatium tribus superioribus Planetis, non minus, vt Raymarus Vrsus concedit. Quod non videtur physice consentaneum, vt vel motu primi mobilis super centro mundi, vel motu proprio super centro sole, Planeta alterius spatium aliquando ingrediatur, & occupet, vt videlicet Saturnus & Iupiter, cum sunt acronychi & terræ proximi, propiores sint terræ, quam Mars, cum est a terra remotissimus.

Ad supra positam etiam rationem accedit altera hæc, quod diuersitas, aspectus, seu visibilis apparentia, quæ sit per oculos (*nam instrumenta eo usque non attingunt*) non vsque adeo conueniat, ac si secundum meas hypothefes amplius spatium illis detur. Mars quidem cum terris est proximus, maximus apparet: cum remotus, minimus. Saturnus autem terris proximus, magnus quidem est; remotior, paruius, non autem adeo magnam diuersitatem aspectus recipit, nec adeo magnus & paruius est, ac foret, si terris aliquando propior fieret, quam Mars. Ideo consentaneum est, & Iouem & Saturnum altius spatium occupasse, quàm Mars etiam remotissimus a terra vel attingere vel transcendere possit.

II.



III.

*Tertio*, cum opus creationis Dei clausum & finitum sit extremo cœlo stellarum fixarum: Iudico ego, Deum creatorem sphaeras vel loca Planetarum vsque ad stellas fixas ita distribuisse, & tantum spatium cuilibet Planetarum dedisse, vt finis etiam certus sciri possit. Sed nulla alia distributione sphaerarum finis certis rationibus constans sciri potest, quam secundum meum systema mundi: siue enim amplius spatium des, vt *Copernicus*, siue contractius quam ego, vt *Raymarus* & *Tycho*, incertum erit spatium a sphaera Solis vel Martis, ad octauam vsque stellarum fixarum. Nam eadem ratione & facilitate alius vel magis amplum vel magis contractum dare poterit. Sed meum systema exstructum est & fundatum suis certis rationibus, desumptis simul ex motu Solis & motu vniuersali primi mobilis, vt respectu amborum motuum nullus Planetarum alterius locum ingrediatur: nec etiam vacuum stellis spatium concedatur. Ergo meum systema magis probabile esse videtur, & physicis principiis magis consentaneum, quam Tychonis Brahe systema, vt maxime illi concedam, Planetas non orbibus moueri, sed quadam diuinitus sibi indita scientia.

*Quæ igitur sunt Helisei Röslin  
hypothesēs?*

Hypotheses  
Helisei Rös-  
lin.

**H**uius veri docti & præclari Medici hypothesēs conueniunt cum Ptolemæi hypothesibus, excepta vnica: sunt autem hæ.

*1. Ter-*



1. Terram centrum uniuersale mūdi esse in medio positam.
2. Terram centrum etiam prope verum orbium Solis & Luna esse.
3. Solem centrum prope verum esse orbium reliquorum quinque Planetarum.
4. Terram immobilem esse.
5. Spheram octauam cum omnibus sphaeris Planetarum motu diurno mobilem esse.
6. Planetas certis orbibus moueri, iisq; eccentricis. Inde sequitur.

CONSEQUENTIÆ.

1. Nullam non modo orbium Planetarum penetrationem fieri: sed nec nimis amplū & vacuum stellis spatium, nec nimis cōtractum & angustum esse, ut alter Planetarum alterius locum ingredi possit, secundum Physica principia. Prima Heo  
lisæi conseq  
uentia.
2. Visibilem adparentiam Planetarum respōdere exacte magnitudini orbium Planetarum, secundum Optica principia. 2. Conseq.
3. Calculum respondere quam proxime cum observationibus Astronomicis, secundum Mathematica principia. 3.

Cum ergo, inquit Roeslin, præmissarum hypothesium nulla sit contra Physici principia, contra rationem & experientiam, nulla contra sacram Scripturam; sed veritati correspondentes omnes: Consequentiarum item omnes sint veræ, nec vlla impingat in artium principia: Sequitur inde, consequentias has veras necessario sequi ex veris præmissis (nam ex veris tan-



*rum sequitur verum*) & hypotheses alias veras dari nō posse; & sic nos ad vnum definitum verum peruenisse. Et sequitur etiā, systema mundi ex his veris hypothesibus exstructum, verum esse & vnum, & nullum aliud esse, nec vllum aliud dari posse, nisi hoc vnicum ex superioribus hypothesibus exstructum.

Ptolemæi,  
veterumq;  
Philosopho-  
rum hypo-  
theses.

Quænam Ptolemæi & veterum Philosopho-  
phorum Hypotheses?

1. *Terram centrū universale Mundi esse in medio positam.*
2. *Terram centrum etiam prope verum esse omnium orbium Planetarum.*
3. *Terram immobilem esse.*
4. *Spheram octauam cum omnibus spheris Planetarum mobilem esse.*
5. *Planetas autem certis orbibus moueri, iisq; eccentricis & epiciclis.*

### CONSEQUENTIÆ.

1. Conseq.

1. *Penetrationem dimensionum, seu orbium celestium fieri, contra physica principia.*
2. *Visibilem apparentiam Planetarum, non respondere magnitudini orbium Planetarum, contra Optica principia.*
3. *Calculum Planetarum non respondere cum observationibus Astronomicis contra Mathematica principia.*

Vide Petrū  
Ramum in  
permiō A-  
stronomis  
sq.

Eudoxum Cnidium primum apud veteres hypotheses & orbes, eosq; concentricos ad saluandū Planetarū motus reperisse, & in Astro-  
nōmiā introduxisse, inuenimus. Cum autē con-  
centrici phænomenis Planetarū satisfacere nō  
possent:



possent: Pythagorei deinceps iis explosis eccē-  
tricos & epicyclos attulerunt, quos Ptolemæus  
quali per manus accepit, & approbavit, & hy-  
potheses suas Astronomicas inde extruxit, &  
cōsequentias exinde deduxit. Cum vero conse-  
quentiæ illæ falsæ sint, & impingāt in artiū prin-  
cipia, necesse est, hypothesiū aut oēs, aut quas-  
dā falsas esse, & non sufficientes: Nā falsum non  
sequitur ex vero. Consequentiarum aut falsitas  
& manifeste prodit in sphaera Martis: cui si se-  
cundum Ptolemæi hypotheses Epicyclus de-  
tur, nunquā ille tantus dari potest, ut visibilis e-  
ius apparentia respondeat magnitudini eius si-  
ne penetratione orbium: accedente, quod nec  
calculus Ptolemæi respondeat cum observa-  
tionibus Astronomicis. Quod cū animaduer-  
tisset nostro tempore Copernicus, alias intro-  
dixit hypotheses, diuersas omnino & contra-  
rias fere Ptolemæi hypothesis: ex quibus,  
cum inde consequentias veriores sequi acce-  
pisset, hypotheses etiam pro veris habuit.

Nicolai Copernici Hypotheses quænam?

Nic. Copernici hypo-  
theses.

1. Solem centrum universale Mundi esse in me-  
dio positum. Terra etiam.
2. Terram solummodo centrum orbis Luna esse.
3. Solem immobilem esse.
4. Terram in aere non minus ac Planetam in or-  
be suo mobilem esse.
5. Sphaeram octauam immobilem esse.
6. Planetas autem & terram certis orbibus mo-  
ueri. Inde sequitur:



364. A S T R O L O G I Æ  
C O N S E Q U E N T I Æ.

Sequela 1.  
ex hypoth.  
Copernici.

1. Nullam quidem orbium Planetarum penetra-  
tionem fieri, secundum Physica principia: sed in-  
terim ingens spatium esse, & immensum stellis va-  
cuum, inter octauam & Saturni spherā, quod non  
videtur Physicis principiis consentaneum.
2. 2. Visibilem adparentiam Planetarum respon-  
dere magnitudini orbium Planetarum, secundum  
Optica principia.
3. 3. Calculum Planetarum respondere quam pro-  
xime cum observationibus Astronomicis secundū  
Mathematica principia.

Non oēs hy-  
pothes. ve-  
ras esse ne-  
cessario.

Cum ergo consequentię maiori ex parte ve-  
ræ sint: hypothesium tamen quædam manife-  
ste falsæ, cōtra experientiam, rationē physicam  
& contra sacram Scripturam: Sequitur inde,  
*consequentias veras nō necessario sequi ex præmis-  
sis, sed contingere saltem sic sequi.* Nam verum et-  
iam ex falsis sequitur, non necessario, sed cōtin-  
genter. Item cum secundum Copernici hypo-  
theses terra inæqualem distantiam habeat a stel-  
lis fixis: nulla tamen parallaxis sit vel diuersitas  
adspectus stellarum fixarum ad terram: necesse  
erit immensum spatium ponere inter stellas fi-  
xas, & spheram Saturni, & tantū, quod omnem  
proportionem visus excedat. Hæc aut cum nec  
rationi, nec physicæ consentanea sint, & nihil  
frustra conditum sit, nullum etiā in natura va-  
cuū spatiū esse inter spherā Saturni, & stellarū  
fixarum. Quare aliæ etiam hypotheses consti-  
tuendæ erunt de systemate mundi, & alias etiam  
introduxit Nicolaus Raymarus, quæ sequuntur.

NICO-



NICOLAI RAYMARI VRSI DITH-  
marfi Hypotheses.

1. *Terram centrum uniuersale mundi esse in me-  
dio positam.*
2. *Terram etiam centrum motus Solis & Luna  
esse prope verum.*
3. *Solem centrum motus quinque reliquorum  
Planetarum esse prope verum.*
4. *Terram mobilem esse.*
5. *Stellas fixas immobiles esse.*
6. *Planetam autem & stellas non orbibus affixas,  
sed in aere vel consistere, vel ut aues, certo tamen  
modo vagari. Inde sequitur.*

Nicol. Ray-  
mari hypo-  
theses.

C O N S E Q U E N T I Æ.

1. *Nullam quidem orbium Planetarum pene-  
trationem fieri, cum illi nulli orbes sint: sed interim  
contractum adeo & angustum spatium trium su-  
periorum Planetarum esse, ut alter in alterius lo-  
cum aliquando succedat, quod non videtur Phy-  
sica consentaneum.*
2. *Visibilem adparentiam Planetarum utcumq;  
respondere distantie Planetarum, secundum Op-  
tica principia.*
3. *Calculum Planetarum respondere quam pro-  
xime cum observationibus Astronomicis, secun-  
dum Mathematica principia.*

1. Hypoth-  
esum Ray-  
mari dedu-  
cta conse-  
quentia.

2.

3.

Cum ergo hypothesium quædam non mi-  
nus falsæ sint, quàm Copernici hypotheses, con-  
tra physicas rationes, & contra sacram Scriptu-  
ram: sequitur, quicquid veri est in consequen-  
tiis, illud non necessario sequi ex præmissis: sed



contingere saltem sic sequi. Ut autem hypothesebus falsis fucum faceret, fingit axioma hoc physicum.

Fiēt ab Ra- ymato axi- omata phy- lica, quibus falsis suis hy- pothesibus fucū facit.

1. *Vnius scilicet corporis unicū saltem simplicem, motum esse, & nullum per accidens: contra Aristotelicum axioma. Inde sequuntur necessario.*
2. *Terram esse mobilem.*
3. *Stellas fixas esse immobiles. Item;*
4. *Aerem inferiorem & crassio rem, mobiliorem, superiori & rariori.*
5. *Gravia tendere deorsum, non propter gravitatem, sed magnetica quadam vi.*
6. *Nullam aetheream regionem esse.*
7. *Aerem etiam extendi per illam regionem. Et*
8. *In infinitum extendi aerem, etiam supra firmamentum: adeo,*
9. *Ut nulla in quantitate proportio aeris sit ad reliqua duo elementa, aquam, & terram, (nam ignem etiam nobiscum negat.*
10. *Et sic stellas in aere vagari, non orbibus affixas esse, nec cum orbibus moveri, ut sic nulla penetratio orbium fieri possit. Et has omnes consequentias manifesto ponit, & infert ex primo posito axioma te. Ex quibus quis inferre amplius posset; nempe*
11. *Infini tum in rerum natura esse.*
12. *Opus creationis visibile non esse conclusum extremo cœlo.*
13. *Cœlū nullis non mutationib. esse obnoxium: & plures propositiones se inuicē ex primo dato axioma te cōsequentes: Vnius corporis unicū saltem per se motum esse, & nullum per accidens.*

Hæc



Hac enim ratione primum mobile nō raperet  
 secum alias sphaeras inferiores, vt statuit etiam.  
 Ideo necesse foret, terrae dare motū diurnum  
 primi mobilis: & stellas fixas immobiles esse.  
 Et hanc hypothefin, quamuis primariā & fun-  
 damentum totius negotii, Raymarus vltimo  
 loco ponit. Quomodo vero sibi cōstet, in prae-  
 cedente pagina libelli sui prodidit: vbi Planetis  
 duplicem motum tribuit, vnum proprium, &  
 aliū accidentalem ex motu Solis. Sic obliuisci-  
 tur sui ipsius, & se iungulat proprio gladio, & re-  
 fellit ipse suū axioma pseudophysicalum. Quare  
 sequitur etiā consequentias reliquas oēs ex isto  
 falso axioma pendentes, falsas esse: praecipue  
*hāc, stellas scilicet fixas immobiles esse.* Nam sicuti  
 ille Planetis accidentalē motū tribuit ex motu  
 Solis: eadem ratione omnibus sphaeris Plane-  
 tarum dare possumus accidētalem etiam mo-  
 tum, ex motu stellarū fixarum, vel octauae sphae-  
 rae. Cum ergo tot absurda sequantur ex ipsius  
 posito axioma: sequitur inde illud falsum ef-  
 se: Aristotelicum vero axioma verum esse, &  
 constans: *vnus scilicet corporis physici vnus  
 motus per se esse, & plures per accidens esse posse.*  
 Ad hāc cum veritati physicae consentaneum Ratio.  
 sit, nullum trium superiorum Planetarum in  
 alterius Planetæ locum succedere, sed quemli-  
 bet proprium spatium in cœlo, vt regem in re-  
 gno suo obtinere. Sequitur inde Raymarū Vr-  
 sum nimis contractum & angustum spatium  
 tribus superioribus Planetis dare. Et systema  
 mūdi ex falsis ipsius hypothefibus exstructum,



non verum esse. Et hæc falsitas hypothesium superiorum temporum fecit, vt Petrus Ramus omnem hypothesium rationem & positionem in Astronomicis exploderet. Verum cum in omnibus artibus hypotheses certas esse necesse sit, ex quibus deinde consequentiæ & conclusiones, & reliqua omnia, quæ ad artem spectant, deducantur, vt ipsemet Ramus fatetur, & ex Proclo infert. Ideo in Astronomicis etiam eo magis de hypothesibus veris solliciti esse debemus: & ob illusiones eiusmodi non ab arte deterreri. Nam illudere & castigare falsa, cuius etiam Grammatico obuiam est: vera autem inuenire & demonstrare, hoc opus, hic labor est.

Hactenus de variis variorum Astronomorum hypothesibus, in quibus non auctoritas, sed veritas præualeat.

Quæstio Hieronymi Fracastorii.

*An orbis Eccentrici & Epicycli sint in rerum natura,  
& an Astrologo eis opus sit?*

**H**Æc quæstio patet ex superioribus: *Genere quippe sublato vniuerso, tolluntur omnes eius species.* Sublatis igitur e cœli continua vnitatem orbium realibus machinis omnibus, & hi Eccentrici, & hi Epicycli in fumum abeunt. At clarissimus vir D. Hieron. Fracastorius speciatim hos nouis & efficacibus argumentis expugnauit, ideoq; eius hic argumenta afferre, non abs re fore putavi. Hic enim primo in præfatione suorum Homocentricorum, variorum de his Eccentricis monstrosa memorat inuenta & iudicia: Et in alia Ioannem Baptistam Turrium recen-



recenset admirandos duos in sphaeris motus inuenisse, per quos sibi visus sit, ad ea sine vllis Eccentricis demonstranda, quæ circa stellas vi-  
suntur, aditum patefecisse. Huius morte præ-  
uenti vestigiis institit Fracastorius, vt stellarum  
negotium, ab Eccentricis & Epicyclis defen-  
deret. Ideoque in fine libri sui hæc fere impu-  
gnantia eos profert fundamenta. Primum igi-  
tur statuemus, nullam naturam tota specie defi-  
cere in eo posse, in quo præcipue, ac per se esse perfe-  
cta debet, vt si hominis perfectio sit intelligere, im-  
possibile est, totum humanum genus insanum esse,  
& si oculi perfectio est videre, impossibile est, om-  
nes oculos cæcutientes esse. Secundum quidem in-  
diuiduum aliquod nihil fortasse probet deficere  
naturam aliquam in iis, quæ in materia sunt: &  
casus, & accidentia multa patiuntur: at secundū  
totam speciem vel in iis impossibile est. Ad hoc  
autem & illud constituamus, cœlestium corpo-  
rum vt finis est sphaerice moueri, ita & propriam  
eorum perfectionem in sphaera ratione consistere: in  
ea igitur deficere aliquod vnum illorum impossi-  
bile est: si enim vnum deficeret, & tota deficeret  
species aliqua in iis enim idem est indiuiduum, &  
species tota, quam ob causam illi in primis orbes,  
quos deferentes vocant eccentricos vna superficie,  
esse quidem in cœlestiū natura non possunt, quan-  
do a sphaera ratione longe deficiunt, quæ est circa  
centrum, utraq; superficie equaliter verti. At ve-  
ro nec minus illi esse in natura nō possūt, quos  
simpliciter Eccentricos vocant: quærere enim  
licet, vnde habeant ii, cur non circa centrum

Aa



conuertantur, num per se & a natura, an per accidens aliquod: at per se quidē hoc habere non recte dicitur, tum quia ipsi per se sphaerici sunt, & nati circa centrum æqualiter (quemadmodum & alii) verti, tum quia, si per se aliud centrum habeant, quam vniuersi centrum, oporteret duo centra per se in natura esse, quod esse nō posse vel vocabulum ipsum ostendit: vnum enim omnium corporum centrū est, ad quod, & a quo, & circa quod feruntur omnia. Si vero per accidens aliquod habent eccentrici illi, vt non circa centrum agantur, vt quia siti sint inter deferētes eccentricos, tum quidem sequetur aliquid per se natum aliter esse, æterno tamen tempore frustrari: quod certe cum in omnibus, tum præcipue in cœlestibus, & sempiternis est impossibile. Ad hæc autem, si in natura sint eiusmodi sphaeræ, necesse est, eas non solum specie a reliquis, sed tota natura & plus quam specie differre, quod in æternis esse non posset: genus enim si habeant, iam & in materia erunt, & simplicia desinent esse. Propter eandem causam neque illi, quos epicyclos vocant, esse possunt in cœlestium natura: si enim non cōtinuus est cum orbe epicyclus, sed cōtinguus solum, & naturam habet nō se circa centrum aliorum vertendi, sed circa centrū suum, alienæ omnino naturæ esse necesse est, & quæ ab aliis differat plus quam specie, quod inconueniens certe est, tum quia non possunt æterna plus, quam specie differre, tum quia irrationabile est, partem aliquā esse in sphaera, quæ non eiusdem



eiusdem naturæ sit, imo quā alienissimæ: quæ propter magis etiam repugnat naturæ epicycli, quam eccentrici. Illud præterea valde mirum videri potest, quod eccētricis orbibus nullum Astronomi propriū motum dēt, exceptis Mercurii ac Lunæ deferentibus, sed hæc vniuersalia sunt: nunc sigillatim circa vnumquemq; orbem, quantum absurditatis sit, inquiramus. In tribus igitur superioribus Planetis epicyclum ponunt, cui duos assignant motus: alterum in latitudinem, quam *inclinationem* vocant: alterum in longitudinem: inclinari autem epicyclum a sectione vsque ad punctum medium, mox releuari resupinariq; vsque ad sectionem aliā, quæ omnia ita esse mirandum est ab Astronomis dici: quo enim modo esse possint, non dici. Primum enim oppositi motus sunt, quod *inclinari epicyclum*, mox *releuari* aiunt: a quo igitur dabuntur oppositi illi motus? Per se enim vnum tantū illorū habere epicyclus potest. Quanquam mirum & illud sit, qui fiat, vt cum inclinari epicyclus cœpit, motum tamen non cōtinuet, ac reuolutionē absoluat. Præterea vnde duos illos motus habet in longitudinē & in latitudinē? Vnus enim orbis nō nisi vnum motum per se habet (*vt a principio dictum est*) nunquid igitur epicycli epicyclus est? an quomodo habet? præsertim quod si in sectione altera fieri rursus subalternus cum ecliptica debet, reflexionē etiam quadam indiget.

In Sole vero si eccentricus eius orbis ponatur, absurda hæc cōsequuntur. Primū quidem



quod æstiuus circulus, in quo est absis, multo maior, & ab æquinoctiali remotior erit, quam hybernus: quod si detur, oportebit quidem, qui æquinoctialem incolunt, remotiorem habere Solem in vna hyeme, quam in alia, & septentrionalem hyemem frigidiorē australi, Solemque minorem ab iis videri in æstiuo tropico, quam hyberno, quæ omnia falsa esse negotiatōres affirmant. *Deinde* oportebit longissimam diem æstiuā esse longiorem, quam noctem hybernā longissimā, quod pariter falsum est. Longissima enim nox longissimæ diei æquatur: sequitur autem hoc, quoniam in parte absidis magis distat ab æquinoctiali Sol circa solstitium, quam in parte antabsidis: maiorem ergo arcum diei trahet. In Venere autem magis etiam nū manifesta est epicyclorum vanitas, vt iam sufficere hoc vnum possit: quis enim non videt epicyclum nullum tantæ magnitudinis esse posse, vt semidiameter eius gr. 43. existat, tota vero diameter grad. 86. quod si talis forte fortuna vllus esset epicyclus, oporteret eius circumferentiam pene ad centrum pertingere, quod Mathematica demonstratione probari quam facillime potest. Addunt præterea & aliud in Venere Astronomi, quod per eorum principia, quomodo fiat, nō potest certe monstrari: dicunt enim eccentricum modo citra eclipticā, modo vltra agi, quo aut pacto agatur, nemo ostendit, sed ne ostendi quidem potest, nisi per nostra principia. In Mercurio vero eadem inconuenientia sequuntur: nam  
& c.



& eccentricū eius modo citra eclipticam, modo vltra dimoueri dicunt. Epicyclo insuper tres illos eisdem motus dant, quos esse quatuor necesse est. Tantæ autem magnitudinis etsi non faciunt, at tamen tantæ esse constat, vt quisque videre possit figmentum esse. Inconueniens præterea est & illud, quod a positione epicyclorum coacti ponunt, Mercurium bis centro propinquiorem fieri absq; vlla necessitate: quo etiam posito non tamen demonstrare possunt per hoc, quomodo elongatio matutina maxima fieri possit, & grad. 26. min. 30. quoniam per tarditatem matutina elongatio iuuatur: at per appropinquationem ad centrum non tarditas, sed velocitas datur: quod si quis dicat retrogradationem etiam citari per appropinquationem ad centrum, non tamen dicere potest, quomodo centrum epicycli tradetur, quod requiritur in ea elongatione, quæ maxima futura est. Postremo & in Luna manifestissimum est, neque eccentricum esse eius orbem, neque ipsam in epicyclo verti. Primo enim si eccentricus est eius orbis, in oppositum autem vertitur deferentibus suis, alterum duorum sequi necesse est, aut Lunam inæqualiter in Zodiaco moueri præter inæqualitatem epicycli, aut inæqualiter suo in eccentrico moueri: vtrumque autem inconueniens est: moueri enim Lunam inæqualiter in Zodiaco cōtra sensus est, moueri autem inæqualiter in orbe suo impossibile est, & contra naturam. Idem enim orbis per se semper eundē motum facit, quod



autem alterum horum sequatur, manifestū ex demonstratione fiet. At vero, quod nec in epicyclo vertatur Luna, manifestū quoq; esse potest ea ratione, qua & Arist. & alii multi videntur. Si enim verteretur in epicyclo Luna, oporteret vocatā in ea maculā mutare continenter situm ad nos & rationē, & quod supra est, videri infra, & e contrario: semper aut cum eodē in situ sit, indicat profecto non moveri in epicyclo Lunam, quanquā scio nonnullos esse, qui ad difficultatē hanc animadvertentes dicant, *Lunam non solum habere motum, quo ab epicyclo fertur, sed & ipsam quoq; stellam moveri proprio motu, opposito aut ipsi epicyclo.* Quantū enim epicyclus in vnam partē maculam inclinat, tantū Lunam ipsam restituere illam in contrarium, quo fieri, ut semper eodem in situ macula videatur. Sed certe hoc pacto oporteret & epicyclum diuersae alienissimaeq; naturae ab orbe esse, & Lunam ab epicyclo, ac in eodem simplicissimo & immortali corpore tres diuersas naturas infinitas esse. Quae absurda quidē in diuinis illis & sempiternis corporibus esse videntur. Quod igitur eccentrici orbes necessarii non sint propter ea, quae apparent, & quomodo sine ipsis demonstrari possint, & quod impossibile sit, eos esse in natura sphaerarum, & apparentium pluribus aduersentur, haecenus declaratum a nobis sit. Ceterū, si in reddendis Planetarū motibus exactissimas supputationes negleximus, nemo miretur: quoniā id ad institutum nostrum minime pertinere iudicamus, praesupponentes, *mini-*

*mi-*



antissimas illas rationes e tabulis petendas esse, eadem enim illæ & Homocentrici nostris commodissime aptari possunt, ac de stellis ita tandem determinatum sit.

Hæc ita Fracastorius non inepte disceptauit, sed progredimur ad alia.

C A P. VII.

*De Stellarum figura, magnitudine, distantia, seu altitudine, & numero.*

**H**Actenus interior stellarum affectio fuit: superest exterior in Figura & Quantitate stellarum.

Figura stellarum sensu etiam oculorum & argumento Lunæ est rotunda & sphærica.

Quantitas stellarum vel est Continua vel Discreta.

Continua quantitas est Simplex vel Comparata.

Simplex est magnitudo stellarum, qua absoluta earum quantitas æstimatur: hæc ut est varia, ita incerta & nondum explorata satis: licet vulgo sextuplici magnitudine distinguantur.

Comparata est distantia & altitudo stellarum a terra: quæ certe in multis incerta æstimari potest, licet certis instrumentis deprehensa dicatur, vel semper eadem manere, vel continuo mutari.

Comparata.  
Altitudo  
stellarum.

Eadem semper manet stellarum distantia fixarum in firmamento, quæ a terra vndiquaque 10040. diametris terræ talibus, quales pro vno 1720. miliaria Germanica numerantur: secundum Verronem vel Peucerum 20081. semidiametris & 30. scrup. talibus, quales semidiameter vnus 860. fere miliaria continet, abesse dicitur, quæ qualia sint, deinde patebit.

Distantia a terra continuo mutatur Planetarum, quorum sunt altitudines summæ, intermedie & imæ.

Discreta quantitas stellarum est Numerus, seu multitudo illarum.

Discreta.

Numerus autem stellarum, est quidem nobis innumerabilis; attamen non infinitus.

Numerus.



*Questio de quantitate & distantia  
Stellarum.*

Quanta sit  
stellarū ma-  
gnitudo &  
distantia.

**D**iscrepātes de stellarum magnitudine fue-  
re semper sententiæ Philoſophorum, ut  
testatur Plutarch. lib. 2. de Placitis, cap. 21. Theo-  
doretus de Mat. & mund. & alii. Stoici Lunam  
terra maiorem arbitrati sunt: Parmenides æ-  
qualem Soli: Anaximander decies & novies terra  
ampliolem: Heraclitus Solem ipsum amplitudine  
humani pedis: Anaximander æqualem terra, cir-  
culū vero quo deferri voluit, septies & vicies ter-  
ra maiorem putauit. Empedocles terra prorsus  
æqualem: Anaxagoras multis Peloponnesis maio-  
rem: Epicurus autem tantulum, quantulum ap-  
paret, aut paulo maiorem minoremve. De stellis  
etiam firmamenti quorundam opinio fuit, eas  
eiusdem esse omnes magnitudinis, inæquales autem  
ob distantia inæqualitatem apparere, quod quæ-  
dam in infima parte crassitudinis sphaera, ut fin-  
gunt, quædam in suprema, reliquæ in media subsi-  
sterent. Cōmunes vero Astrologi nostri docēt,  
minimā stellarum fixarum, quæ visu notari pos-  
sint, esse maiorem tota terra, diuiduntque stellas  
in sex ordines magnitudine distinctos, etsi (si  
sacris oraculis credimus) nullo sufficienti freti  
fundamento.

Stellæ pri-  
mæ magni-  
tudinis.

Primæ magnitudinis stellæ sunt, seu potius  
dicuntur maiores terra centies septies: earum-  
que numerantur quindecim.

Secundæ.

Secundæ magnitudinis dicuntur terram ex-  
cedere octogies sexies, si credendum est Astro-  
nomis, & numerantur 45.

Terriæ



Tertiæ magnitudinis terram magnitudine Tertiæ.  
sua superant septuagies bis: earumque recen-  
sentur. 208.

Quartæ magnitudinis perhibentur supera- Quartæ.  
re terrâ quinquagies quater: suntq; illarū 474.  
numeratæ.

Quintæ magnitudinis terra maiores sunt Quintæ.  
trices semel, & numerantur 216.

Sextæ quantitatem terræ excedunt decies o- Sextæ.  
cties, & recensentur 50.

Hinc e Planetis continere terræ magnitudi-  
nem dicitur Saturnus  $91\frac{1}{2}$ . Iupiter  $95\frac{1}{2}$ . Mars  
 $1\frac{1}{2}$ . Sol  $166\frac{3}{8}$ . Veneris magnitudinem terra cō-  
tinere dicitur  $73\frac{1}{27}$ . Mercurii magnitudinem  
terra continere dicitur 219. 52. Lunæ vero  $39\frac{1}{3}$ .  
&c. Alii aliter dimensi sunt. Sed quid Christia-  
no de his dimensionibus Astronomicis est  
sentiendum? Audiamus Frischlinum libere æ-  
stimantem.

*Fugienda, inquit, est, cum in omnibus artibus, siones A-  
tum in primis in Astronomia, omnium veterum stronomicæ  
Ægyptiorum & Chaldaeorum περὶ ἀστρονομίας, atque sint Chri-  
subtilitas: qualis etiam hæc videtur, cum se profi- stiano ho-  
tentur Astronomi scire magnitudines stellarum mini tole-  
& earum a terra distantias. Nam Ierem. 31. dicit randæ.  
Dominus, si potuerint mensurari cœli sursum, &  
inuestigari terræ fundamenta deorsum: tum ego  
abiiciam vniuersum semen Israel. At de senten-  
tia Astrologorum & cœli mensura sursum, & ter-  
ra mensura deorsum peruestigari, ac certo sciri  
potest. Quid ergo prohibet, quo minus abiiciat  
Deus VNIVERSVM SEMEN Israel, & totam*

Aa 5



ecclesiam relinquat quasi orphanam? Præterea 4. Esd. 4. idem Dominus ad Esdram dicit: si interrogarem te, quanta habitationes sint in corde maris, aut quanta vena in principio Abyssus, aut qui sint exitus paradysi, diceres mihi fortassis: in abyssum non descendi, neque in infernum, neque in cælum unquam ascendi, &c. Est enim hac peregrina hominum aut otiosorum aut superbiorum, qui quod suo se pede metiri non possunt, astra metiri conantur. In hos libet mihi cū Plinio exclamare: Furor profecto, furor est, egredi ex hoc mundo: Et tanquam interna eius cuncta plane non sint nota, ita scrutari externa. Quasi vero mensuram ullius rei possit agere, qui sui nesciat; aut mens hominis videre, quæ mundus ipse non capiat. Lucret. lib. 5. Solem, Lunam, & ceteras stellas, ea putat esse magnitudine, quæ nobis videntur. Lege etiam cap. 16. lib. 1. in Som. Scip. apud Macrobi.

Magnitudo  
stellarum  
a duabus  
provenit  
caussis.  
I. causa.

Patricius vero magnitudinem stellarum a duabus posse provenire causis asserit. A fluoris scilicet (quem unum e suis fingit principiis) copia & multitudine ad stellam formandam conflua. Vnde sex illæ stellarum magnitudines ab Astrologis observatæ, quarum maximam dicunt terra esse maiorem centies, minimam vero vicibus 18. Minores his instrumentis suis non comprehenderunt. Sunt tamen innumerabiles, quæ hyeme, præsertim cælo sereno conspiciuntur. Maxima autem omnium ea forte est, quam Vespucius observavit graduum 32. circumferentiam habere.

Altera causa.

Altera magnitudinis causa est maior a nobis recess-



recessus atq; minor. Sicuti enim Venus, quando est nobis proxima, interdiu etiam conspicitur; quando vero a nobis longissime conspicitur, apparet lōge minor. Quod & reliquis Planeris accidere Astronomi docuerunt. Idem est de iis, quas *fixas* vocant, reputandum. Nam, quæ hyeme conspiciuntur, ait *Patricius*, maximo etiam apparent a nobis, sed inter se impari abesse intervallo. Ac forte aliæ sunt, quæ nostrum visum fugiunt, & superius recesserūt. Hos autem recessus & propinquitates eis conditor assignauit, quia vniuerso cognouit expedire. Deus enim nihil facit frustra. Disposuit quoque & positionibus eas, & interuallis, certis numeris & figuris, nobis quidem ignotis, ipsi vero notissimis, ad vniuersi nimirum beneficium & perfectionem.

Quæstio II.

*De numero stellarum.*

**Q**uari solet de stellis præcipue inerrantibus in firmamento mirabili dispositione splendoreque lucentibus, *utrum earum multitudo tanta sit, ut ea mortalibus omnino sit innumerabilis: an contra certo aliquo numero, nec sane admodum magno definita, haud ingenti studio & labore possit nobis esse comperta & explorata?* Plinius *libr. 2. cap. 41.* duo & septuaginta facit signa cœlestia, quæ sint rerum vel animantium effigies, in quas, *inquit*, digessisse cœlum peritos, & in his mille sexcentas notauisse stellas insignes, videlicet effectu visuque. Verum, An sit nu-

merus stellarū mortalibus innumerabilis; An vero certo definitus.



strologia doctiores inde usque a Ptolemaeo & Hipparcho deprehenderunt, omnes stellas inerrantes visu notabiles, esse duntaxat duas & viginti supra mille. Nec vero isti negant, esse alias quam plurimas forma minimas, luce claritateque oculis nostris indiscrete conspicuas, qualis est innumerabilis multitudo stellarum, si tamen illae stellae sunt quae lactei circuli claritatem & splendorem efficiunt. Ac licet vulgo, atque etiam cuius primo aspectu stellarum multitudinem suspicienti videatur incredibile, non plures esse mille viginti duabus in caelo stellas, id quod propterea evenit, quod eas homines sine ullo ordine ac distinctione confuse intuuntur; si quis tamen supradictum stellarum numerum in globo aliquo depictum habeat, easque stellas proprie singulas conferat cum iis, quae cernuntur in caelo, nullam profecto reperiet in caelo, quam in globo expressam non habeat: quin etiam minimas in globo notatas, visu aegre discernet in caelo. Supradictas porro mille viginti duas stellas, ad quadraginta octo imagines seu effigies seu constellationes, ordine ab dispositione stellarum similitudinem alicuius animalis vel alterius rei reddentes, Astrologi redegerunt. Earundem quoque stellarum magis minusque lucentium varietatem ad sex differentias reduxerunt. Atque haec quidem de numero stellarum inerrantium, Astrologorum est sententia.

An non plures stellae sint in caelo quam mille viginti duae.

An S. Scriptura repugnet antea dictis.

At enim vero, contraria videtur sacris literis eiusmodi opinio, quippe divina scriptura multis



tis locis aperte indicat, *stellas cœli ab homine non posse numerari*; etenim capite 15. libri Genesios promisit Deus Abraham, *multiplicaturum se posteritatem eius tanquam stellas cœli & arenam maris*. Eduxit enim Deus, inquit Scriptura, foras Abraham, videlicet nocte cœloque serenissimo, & dixit ei, *suspice cœlum, & numera stellas si potes, sic erit semen tuum*. Erat autem Abraham, ut Iosephus & Eusebius tradunt, iam tum peritissimus Astrologiæ, ut quam didicerat a Chaldæis, apud quos natus, educatus, multoque annos versatus fuerat, homines sane, concessu omnium, eius scientiæ facile principes: eamque doctrinam Abraham, *auctore Iosepho*, docuit Ægyptios. Nec hoc dictum Dei referri potest ad stellas, quæ sunt versus antarcticum, quas & constat esse paucissimas, nec eas cernere poterat Abraham ex terra Chanaan, ubi tunc erat: Nec ad stellas lactei circuli, ut quas visus cernere & distinguere nequeat: & vero circulus lacteus non constat ex stellis, sed est pars quædam cœli paulo densior tenuiter lucens. Circulus lacteus. Nec valet hoc loco illa interpretatio, *Deum hic esse locutum ex sensu & existimatione vulgi*: non enim loquebatur vulgo, sed Abraham viro sapienti & Astrologiæ perito. Deinde Moses capit. 10. Deuteronomii dixit Hebræo populo: *Multiplicauit te Dominus Deus tuus sicut astra cœli*. Constat autem ex libro Numerorum, fuisse tunc numerum Hebræorum, eorū duntaxat, qui supergressi vigesimum annum beligerare poterant, ad sexcenta millia & plus eo.



Ad hoc, Hieremias capit. 33. sic habet, *Sicut enumerari non possunt stellæ cœli, & metiri arena maris: sic multiplicabo semen David serui mei.*

Quid quod tanquam eximium & singulare quiddam & incomprehensibile homini prædicat Scriptura: *Omnes stellæ Deo esse numeratas?* Sic enim canit David Psalmo 146. *Qui*

*numerat multitudinem stellarum, & omnibus eis nomina vocat.* Hoc ipsam tradit Basilii homilia 6. super Genesim, & Eusebius libro 7. de præparatione Euangelica capite 5. Augustinus

Augustin.

vero in libro 16. de ciuitate Dei, capite 23. affirmat, supra dictam Astrologorum sententiam esse reiiciendam: sic enim scribit: *Stellæ dinumerari non possunt, quia nec omnes eas videri posse credendum est. Nam quanto quisque acutius inuetur, tanto plures videt. Vnde & acerrime cernentibus, aliquas occultas esse merito existimatur: exceptis eis syderibus, quæ in aliqua parte orbis a nobis remotissima oriri & occidere perhibentur. Postremo, quicumque vniversum stellarum numerum comprehendisse & conscripsisse iactantur, sicut Aratus vel Eudoxus, vel si qui alii sunt, eos libri huius contemnit auctoritas.* Hæc Augustinus. Nec modo sacræ literæ contradicere videntur Astrologis, sed etiam Philosophi. Et

Aristoteles.

enim Aristoteles in libro de mundo ad Alexandrum, & libr. 2. de cœlo, textu 61. ait, *syderum*

Plato.

*inerrantium numerum a mortalibus iniri non posse: simile quippiam, in Timæo scribit Plato.*

Seneca.

Seneca item libr. 6. Natur. quæst. cap 16. eiusmodi stellarum numerum inueniri posse negat.

Posset



Posset fortasse dici pro Astrologis, inquit *Excusatio*  
 Pererius, *Augustinum non loqui de stellis visu Astrologorum.*  
*in signibus & notabilibus, quarum duntaxat nu-*  
*merum tradunt Astrologi; sed uniuerse de omni-*  
*bus stellis, quae in caelo sunt, siue aspectabiles sint*  
*hominibus, siue in aspectabiles, quarum omnium*  
*numerum teneri non posse ab hominibus, non i-*  
*bunt inficias Astrologi, qui enim nosse possunt*  
*earum numerum, quas nec visu nec alia ratione*  
*certo cognoscunt? Illud quoque quod Astrolo-*  
*gis dici posset, numerum inerrantium stellarum*  
*non fuisse curiose inuestigatum aut compertum*  
*ante Hipparchi & Arati aetatem; nempe quous-*  
*que Astrologi stellas omnes miro artificio in cer-*  
*tas quasdam imagines & effigies digesserunt: ut*  
*non sit mirum, ante istam tam diligentem & arti-*  
*ficiosam Astrologorum observationem, incogni-*  
*tum fuisse hominibus, vel etiam incomprehen-*  
*sibilem existimatum stellarum numerum, atque ob*  
*eam causam Scriptura veteris testamenti de stel-*  
*lis tanquam innumerabilibus multifariam lo-*  
*quitur. Nondum sunt anni mille quingenti,*  
*ait Seneca lib. 7. Natural. questio. cap. 25. ex quo*  
*Graecia stellis, & numeros & nomina fecit.*  
*Sed verius fane dixisset Seneca, necdum septin-*  
*gentos usque ad suam aetatem praterisse annos,*  
*ex quo Graci syderalem scientiam acceperunt.*  
*Primus namque in Graecia Thales, qui circa 5c.*  
*Olympiadem claruit, aliqua in stellis obserua-*  
*se, easque observationes tradidisse fertur. Quan-*  
*quam fuisse priscis hominibus etiam ante Moysi*  
*tempora notitiam aliquam istiusmodi caelestium*

I.

II.



*imaginum* demonstrat liber Iob, in cuius capite 9. sic est, *Qui facit arcturū & Oriona, & Hyadas & interiora Austri: & postea cap. 38. Nunquid coniungere valebis micantes stellas, Pleiadas, aut gyrum arcturi poteris dissipare? Nunquid producis luciferum in tempore suo, & vesperum super filios terra consurgere facis?* Verum hæc excusatio Astrologorum an sit satis firma, facillime videbunt, quibus oracula Sancti spiritus cordi magis sunt, quam deliriorum humanorum palliationes.

## CAP. VIII.

*De distributione stellarum, & primum de Planeta.*

Astrographia specialis.  
Stella.

**A**Dhuc fuit generalis Astrographia de essentia & communibus affectionibus stellarum: sequitur Specialis singularum stellarum, quæ notæ sunt, naturam speciatim explicans.

Est autem stella (nonnullis late & populariter sumpta, vel Vera seu ordinaria, constans & perpetua: vel notha, noua extraordinaria & inconstans, quia hi Cometas in æthere supremo genitos etiam appellant stellas,) proprie vel Planeta seu Errans: vel Fixa seu Inerrans.

Hæc superiorem expansi ætheris partem, illa inferiorem perambulat vario motu.

Planeta.

Planeta est stella, quæ mutabilibus spatiis in ceteriore parte siderei cœli commeantes cursus sui vestigia inflectunt.

Ideoq; sub firmamento, vulgo dicto, seu Zodiaco laxioribus quasi habenis & cursu liberiore, sed tamen certo lapsu certoq; spatio, nunc in hac, nunc in alia expansi ætherei parte consistere cernuntur: nunc his nunc aliis stellis propinquiore, nunc obscuriores, nunc fulgentiores apparent.

In



P A R S I. C A P. VIII. 385

In Planetis consideratur cum communis eorum  
Affectio, tum ipsa Distributio.

Disputatio huius cap. I.

*An stellarum alia sint veteres, alia noua; & an in  
cælo sydereo aliquando fiant  
nouæ stellæ?*

**A** Nimaduerto quosdam contra veterum  
decreta in eam descendisse opinionem,  
ut veras mutationes, corruptiones & generatio-  
nes in ætheris substantiam cadere statuunt, & ali-  
quando stellas penitus nouas & præter naturæ or-  
dinem a Deo in æthere produci contendunt. In  
horum numero est etiam Aulæ Cæsareæ Me-  
dicus Thaddæus Hagecius ab Hayck, ut videre Thaddæus  
est ex libro suo & Dialexi de noua & prius in- Hagecius.  
cognita stellâ, &c. Nouam autem fuisse stellam  
ita videtur concludi: Si stellâ inusitatæ magnitu-  
dinis & splendidissimi luminis, quæ anno Christi  
72. in astro Cassiopeæ apparuit, penitus fuit noua  
stellâ: certe aliquando in æthere nouæ producun-  
tur stellæ. At verum prius. Ergo & posterius.

Nouâ fuisse  
stellam an-  
no 72.

Propositio vera est ex regula Logica: Posita  
specie, ponitur genus particulariter. Probatio  
Assumptio videtur ita demonstrari. Illa stellâ in  
signo Cassiopeæ anno 72. apparens, aut fuit vetus  
& ordinaria fixa stellâ, vel Planeta: aut fuit ele-  
mentaris vel cometa, aut plane noua stellâ. At  
non fuit stellâ vetus, siue ex stellis fixis, siue ex  
Planetis, neque fuit elementaris, neque cometa  
quidam. Ergo plane fuit stellâ noua a Deo in cæ-  
lo condita.

Probatio  
propositio-  
nis & as-  
sumptionis.



*Assumpti ἡγυασία talis est cum con-  
clusionē.*

*Assumpti  
ἡγυασία.*

**N**Ouum & præter naturæ ordinem, a De-  
ipso, sub Asterismo Cassiopeæ, in æthe-  
re, hoc iubar collocatum, inde euincitur, quo  
neque veteribus illis diligentissimis astrorum in-  
uestigatoribus, neque recentioribus, neque illis  
qui nostra ætate vixerunt, vel etiamnum viuunt  
quique conuerterunt oculos, ac conuertunt a  
contemplationem syderum cœlestium, & his  
monumēta viua nobis reliquerūt, cognita fueri  
sed nunc primum obseruatione deprehensa. Ce-  
te si vetus, & a primæua stellarum creatione ha-  
quoque fuisset, fieri handquaquam potuit, &  
eam tanti artifices silentio præterissent, ut quæ  
tanto suo splendore, & lucis maiestate omnium  
oculos præ omnib. aliis in imagine Cassiopeæ ste-  
lis, ad se conuertere debuisset: maxime vero cum  
aliarum ibidem stellarum, adeoque in eodem  
propemodum, aut saltem vicino illis loco, quæ  
hæc noua conspecta est, alterius cuiusdam ste-  
lulæ, quæ numero undecima in eadem imagi-  
ne ponitur, accuratam descriptionem ab  
illis accepimus. Qui ergo fieri potuisset, ut tam  
tam faciem præterire potuerint, quæ non modo præ-  
mi honoris stellas, verum etiam ipsas errantes  
magnitudine, coruscantique suo lumine longè  
præcellebat?

Deinde ipsa species, figura, magnitudo, puritas  
luminis, duratio, quibus a reliquis discernitur  
stellis, nouam prorsus & peculiarem quādam na-  
turam manifeste arguunt. Sed & diminutio  
ma-



manifesta euanescentia illius, eandem nouitatem certissime confirmat: ac insuper, quod huius cum illis æternis cœli ignibus non sit eadem essentia. Illi enim ab initio usque inde sue creationis hæcenus inuariato, immutatoque lucis sue & splendoris lumine splenduerunt: hoc vero sydus sicut nuper effulsit, ita vicissim paulatim consumitur, & euanescit.

Non tamē statim ob id quispiam obtulerit, illud ad elementarem regionē referendū esse. Huic enim reclamant, durabilitas, luminis puritas, cum quadā admiranda maiestate coniuncta: denique æquabilis & uniformis illius cum primo illo motu circūgyratio, quæ alias propria est omnibus corporibus cœlestibus. licet Aristot. etiam supremum aerem orbi Lune contiguum, eodem cōuerti modo existimet: quod haud abs re dubium est apud me. In ea circūgyratione stella non est unquam deprehensum, ut a loco suo quaquā versum ororepisset, quod alias elementis ac eorum partibus, aliisque naturis ex illis prognatis innatum est, ut videlicet nulla certa sede fixa maneant. sed vago & incerto motu agitentur, quorum nihil accidisse nostro syderi, cuique palam esse potuit.

Huc accedit scintillatio: quæ enim in æthere sunt, eorum plurima scintillant, ut sunt stellæ firmamenti, & quidam Planetae. In elementari vero nihil scintillare potest. Nostrum igitur sydus, quoniam crispare lumen suum visum est, eo ipso etiam confirmatur locum ipsius & sedem ad ætheream, non autem elementarem regionem referendum esse.



## PRIMA OBJECTIONVM CLASSIS,

stellam scilicet illam fuisse veterem,  
vndecimam Cassiopeæ.

**D**isputat Hannibal Raimundus Veronen-  
sis stellam hanc esse non nouam, sed vete-  
rē, quæ sit numero vndecima in imagine Cas-  
siopeæ. Rationes affert has.

**Obiect. I.**

*Oculis etiam apparet, eam stellam talem lo-  
cum & situm tenere in cælo, qualem habet ipsa  
vndecima Cassiopeæ, distareque a Polari perti-  
cis sex. Ergo non est stella noua.*

**Respon.**

Respondetur per negat. consequ. Non enim  
omnia, quæ sensus oculorum iudicat, sunt ve-  
ra. Oculi iudicant Solem esse instar orbiculi  
parui, cum tamen dicatur maior terra centies  
sexagies sexies. Mala igitur consequentia. Ap-  
paret adpectu eum locum & situm tenere, dista-  
reque a polari perticis sex. Ergo verum. Nam  
huc non sola intuitio afferenda est, sed organis  
astronomicis diligenter dimetiri stellarum o-  
portet distantias, ostendereque eas vel vete-  
rum obseruationi congruere, vel ab eisdem  
discrepare.

**Obiect. II.**

*Præter illam vndecimam exceptis quarta &  
duodecima Cassiopeæ, nulla alia in cælo satis longa  
distantia datur, id quod intuitus probat. Ergo ve-  
tus est stella.*

**Respon.**

Respondetur ad antec. per negat. Constat  
enim euidentissime præter vndecimam, aliam  
paulo inferiorem versus quartam Cassiopeæ  
dari: quæ etsi sub initium nouæ stellæ appari-  
tionis, quando amplissimo fulgebat lumine,  
hebe-



hebetata eius radiis ægre conspici potuit: tamen deinceps, decreſcente ſubinde lumine, clare & diſtincte videbatur, ac nunc etiam apparet. Ac quod illa ipſa ſit undecima, tum ſui luminis obſcuritas (*ſiquidem magnitudinis quarta eſſe ponitur*) tum diſtancia a reliquis illuſtrioribus in Caſſiopea ſtellis, per diſmeſionem radii, ac etiam per numerationem inuenta, clariffime confirmat.

*Alius quidam nomine Cornelius Frangi. Obiect. III. panus ait, hanc eandem eſſe ſtellam undecimam, 1. 2. ſed quæ a priſtino ſuo loco in Boream duobus gradibus ſit digreſſa, & augmentata lumine.*

Reſpondetur I. hoc non probari. II. De- Reſpon. inde verum quidem eſſe, huius nouæ maiorem, 1. 2. quam undecima eſſe latitudinem: ſed adiicimus, hanc ab illa eſſe differentem, & ſolo intuitu utramque diſcerni, & diſmeſione diſtantiarum, & accurata animaduerſione ad veterum deſignationem luculenter comprobari poſſe. Tercio, 3. ſi illud verum eſt, concedendum eſt, reliquas etiam ſtellas fixas, eodem motu progredi poſuiſſe, quod videtur certe falſum. Quarto, 4. ſtellas etiam fixas lumine augeri exemplo Lunæ eſt abſonum, cum figuram illæ non mutant, ſicuti Luna, quæ nobis propinquior, varietatem illuminati ſui corporis promptius oftendit.

Instat multis, ſed parū ad propoſitam quæ- Instantia. tionem facientibus. Huc enim non facit So- 1. lis defectio miraculoſa in paſſione Domini, & 2. quod ſtellæ interdum viſæ ſunt, & ſolito maio-



- res. Verum est. At hoc non est ostentum, & fit  
 3. quoties lumen Solis dilutius apparet. Quod  
 etiam stellæ nonnullæ aliquando lumine flo-  
 res appareant; id quidem ad exiguum non tam  
 longum fit tempus, estque signum ventorum  
 4. futurorum. Quod interdum Iupiter, Mars,  
 vel alii Planetæ solito appareant maiores, id  
 non est prodigiosum, ut hoc, quia tale Phæno-  
 menon ad motuum hypotheses consequi so-  
 lere, ac longe ante non secus ac defectus lu-  
 minum prævideri potest. At nemo ausit præ-  
 sumere tibi prædictionem huius novæ stel-  
 læ.

#### SECUNDA CLASSIS EORVM, QVI

disputant fuisse Elementarem  
 cometam.

**H**ic cum Peripateticis agitur, & quidem  
 duo præstantur. *Primo*, ex Aristotelis sen-  
 tentia euincitur, *hanc stellam non esse cometam*.  
 Deinde contraria diluuntur. Non esse come-  
 tam, ex sententia Aristotelis ita arguitur: *Duo*  
*cometaum genera ex Aristotelis placitis sunt,*  
*vel rotunda vel rectilinea: Alia enim differentia,*  
*qualescunque ille tandem ponantur ab aliis, ut*  
*a calore, situ, motu, magnitudine, in illa duo gene-*  
*ra referri possunt. Eorum rursus alii, inquit Ari-*  
*stoteles, sub aliquo sidere inerrante vel errante*  
*accendi videntur: alii per se absque aliquo sidere*  
*spectantur. Moveri etiam eos dicit ad mo-*  
*tum sui syderis. Horum singula, si expendan-*  
*tur, conferanturque cum nouo isto sidere,*  
 nihil

Examen.



nihil quod illi competere possit, inueni-  
tur. Nam neque comam in orbem circum-  
se sparsam, neque in longum porrectam ha-  
bet: sed sola rotunditas, qualis aliorum cor-  
porum cœlestium cum summa claritate ac  
splendore coniuncta, in eo spectatur; qua-  
lis alias in apparentibus stellis crinitis, exha-  
latione calida, sicca pinguique genitis, nun-  
quam leguntur fuisse conspecta. Quod ve-  
ro quidam existimant, *caudam sursum porri-  
gere*: qua facilitate id ab illis asseritur, eadem  
rursus reicitur. Certe audacius illud profer-  
tur, quam ut saltem probabiliter declarari  
probarique possit. Nec etiam ratione vlla,  
nec vllis exemplis confirmari potest, *come-  
tas tanta claritate aliquando fulsisse*. Ardent  
quidem illi, ut opinatur Aristoteles, in ma-  
teria viscosa & pingui. Sed ea flamma aut  
admodum est obscura, aut nulla, aut saltem  
qualis carbonum accensorum, neque vn-  
quam eo fulgore luciditati stellarum com-  
parari possunt, quemadmodum hoc quo-  
que nostrum sidus tanta maiestate splenduit,  
quanta ipsum Iouem aut Phosphorum ali-  
quando intueri licuit. *Adde* quod cum o-  
mnes fere crinitæ hætenus, præter primum  
illum motum, alio peculiari quodam mo-  
tu, sui syderis motum sequendo, ferri visæ  
sunt, aut (*ut videtur etiam, velle Aristote-  
les*) solo ductu & tractu ipsius materiæ visco-  
sæ, per quam ipsa flamma serpere, & sibi  
quasi peculiare iter, pabulo ablecta, facere.



consuevit, prorepere visæ sunt: hoc nostrum  
sydus, nullo eiusmodi motu, plurimis mensi-  
bus, & ad hunc vsque diem, motum esse de-  
prehensum est: sed cœlo affixum perpetuo v-  
num & eundem locum & situm seruauit, ser-  
uatque etiamnum: quod fieri tanto tempore  
haud quaquam posse, si ex exhalatione ortum  
fuiſſet, ipsa ratio euidentissime docet. Nam  
quomodo tam diu materia illa exhalationum  
durare, & pabulum eiusmodi flammæ esse pos-  
set? quomodo item materia illa seu pabulum,  
concipiendæ flammæ idoneum, vt vnum il-  
lum cœli punctum, in tanta copia potuit de-  
ferri, ac in vno eodemque centro figi, ibique  
solum flagrare, vt non latius se diffuderit, aut  
non saltem aliquantulo spatio secundum spe-  
cies ( *vt vulgo vocant* ) motus ante, retro,  
dextrorsum, vel sinistrorsum, se promoue-  
rit? Certe elementorum partibus innatum  
est vagari, & huc illucque agitari, & nullam  
certam sedem fixam seruare. Quomodo i-  
tem pabulum illud vniuersum iam diu con-  
sumtum non est? *Præterea* quomodo perpe-  
tua velocissimaque cœli vertigine, qua ignem  
& aerem vna secum violentissime rapit, mate-  
ria illa non penitus dissipata disiectaque est?  
Quibus. n. vis vel impetus infertur, dissolui ne-  
cesse est, ac diu subsistere nequeūt. Deniq; quo-  
modo in tanta pernecitate motus & lōgitudine  
distātiæ a terra, ipsa materia sursum in eundē ae-  
ris locū, in quo concretio facta est, deferri po-  
tuit? cū antequā noua illa materia, seu nouū fo-  
mentum



mentum sua latrone pristinum locum aeris attingat, is in alium iam motu primo sit abreptus locum. Neque enim latio exhalationis sursum respondere potest cōuersioni in orbem supremi aeris. Quare neque natura, ipsaq; rei essentia, neque ea, quæ ipsi adiuncta sunt, ipsamque necessario comitantur, declarare possunt, hoc sydus, iuxta placita Aristotelis, Cometen appellari posse, nisi quis κατὰ χενσικῶς omne nouum & insolens sydus Cometen nominari vellet, in quocunque loco id fuerit.

II.

Rationes contrariæ ita ponuntur, & positæ diluuntur.

I. *Noua hæc stella est, & nunc demum emerfit.* 1. Obiect. Ergo est elementaris Cometa.

Resp. Negatur consequentia, quia non sequitur, *elementarem esse, quia noua sit.* Fieri enim potest, vt sit ibi, vel alibi, prout diuinæ voluntati placuerit. Si enim stella illa, quæ nato Christo magis illuxit, in elementari regione fuit, adeoq; terræ propinquissima, vt etiam ipsum locum hospitii, vbi Christus nasci dignatus est, monstraret, an in ipso cœlo similia fieri est impossibile? Respons.

2. *Mutatio materia elementari, & caduca propria est, a cœlestibus vero illis purissimis perfectissimisque corporibus prorsus aliena. At hæc stella paulatim diminuta est, decreuit, & postea plane euanuit.* Ergo fuit elementaris. Obiect. 2.

Respon. Hagecius hic a schola Peripatetica prouocat ad Christianam. Nam sicut, ait, *diminutio corporis stelle magnitudinis* nostorquet. ita schola Peri-



patetica p.  
uocat ad  
Christianā.

Planeta  
quando mi-  
nimi.

Quādo ma-  
ximi.

vicissim durabilitas, ac diuturna illa perseue-  
rantia illos mirifice exagitat, ac doctrinæ illo-  
rum meteorologicæ non leuem maculam in-  
urit. Durauit enim hoc sydus a prima sui appa-  
ritione, ad plenam suam dissipationem & amo-  
tionem ab oculis menses integros quatuorde-  
cim. Sunt qui causam diminutionis ipsius ma-  
gnitudinis referant nō ad consumptionem ma-  
teriæ, sed ad motum quendam rectum, secun-  
dum quem stella nunc altior, nunc humilior  
apparere possit: quomodo in Planetis fieri vi-  
demus: qui cum versantur in apogæo sui circu-  
li, longissime distant a terra: ideo minimi con-  
spiciuntur: quando vero sunt in perigæo, tunc  
sunt terræ vicinissimi, & maximi apparent. Sed  
ratio ista est admodum infirma, quocunque in  
loco statuatur stella, siue in elementari, siue in  
æthereo orbe. Ac primum esto, *stella hæc fuerit  
in elementari regione, & quidem in ea parte aeris,  
ubi crinita stella, iuxta Peripateticorum senten-  
tiam, generantur: ac adscenderit ea sursum a suo  
pristino loco, vel usque ad ipsum concavum orbis  
Lunæ: hinc consequitur necessario, altioris &  
humilioris noua stella a reliquis firmamenti stellis  
inequales fore distantias: ac maiores quidem hu-  
milioris, minores altioris.* Atqui id nunquam de-  
prehensum est: sed perpetuo hoc nouum sydus  
eandem seruauit distantiam ad polum & Cas-  
siopææ stellas.

Sunt præterea alii, qui causam amplitudinis  
& diminutionis huius stellæ referri posse exi-  
stimant ad medium, hoc est, *diaphanos vapores,*  
qui



qui interponuntur inter aspectum nostrum & stellā: quomodo sæpius accidere videmus Soli & Lunæ: item denario in fundo vasis aqua repleto, quæ non offeruntur visui ea magnitudine, quæ vere sunt, vt ex Opticis notum est. Verum etsi de Sole, Luna, aliisque syderibus, potissimum circa horizontem, vel etiā interdum in aliis cœli regionibus id ipsum libenter concesserimus: tamen vt id nostræ stellæ æque accommodari possit, constanter negamus. Nam medium illud, siue sit vapor aliquis, siue nubes, per quod ipsam stellam intuemur: tamen si multiplicet radios visuos, vt res ipsa maior appareat: tamen illud ipsum medium ex natura sua diu permanens esse nequit: sed vel dispellitur, vel cōuertitur in pluuiam, rorem, ventos, penitusq; euanescit, vt est perennis & perpetua talium exhalationum generatio & cōuersio. Vnde medio illo sublato, res ipsæ statim minores apparent. *Adde*, quod mediū illius interpositio non vbique locorum vno & eodē modo contingit, vt notum est, ob diuersum locorū & regionum situm, Hinc fit, vt quando hic est serenitas, alibi pluuiæ & grandines, tempestatesq; irruant. Quamobrem cum hoc sydus in pluribus regionibus, & multum a se inuicem distantibus, adeoque iam per plurimos menses sub eadem forma, splendore & magnitudine fuerit conspectum, non poterit alicuius mediū interpositio vllum habere locum. Sed neque ab alimento quodam eam maiorem, turgidioremq; factam esse dicere possumus, nisi velimus ap-



Stellæ an a-  
limento v-  
tantur?

probare deliria Epicureorum, asserentiū, *stel-  
las omnes vapore e terris in sublime eleuato tanquā  
pabulo humectari & nutriri, aut item sequi sen-  
tentiam Cleanthi, quæ habetur lib. 2. de nat. deor.  
apud Ciceronem, ubi grauiter contendit, Solem &  
sydera reliqua ignea esse, eaq; alimentū ex Ocea-  
no petere, indeq; sustentari, non aliter quam ignis  
noster lignis fouetur.* Certe si stellæ alimento v-  
tantur, etiam excrementis abundabunt, a qui-  
bus, quoties se exonerarent, toties horribili e-  
luuione hunc mundum defœdarent, ac peni-  
tus obruerent. Iam vero statuatur, sydus nostrū  
fuisse in ætherea regione, ac adscendisse, *uti di-  
ctum est*, quomodo Planetæ in suis orbibus: di-  
co, hoc exemplo nihil penitus posse probari.  
Nam Planetæ adscendunt & descendunt in suis  
orbibus motu proprio, quem habent ab occa-  
su in ortum. Si probauerint modernā stellam  
talialiquo motu motam fuisse, facile concessero  
causam diminutionis stellæ talem adscen-  
sum & descensum fieri potuisse. At cōstat mul-  
tiplici experiētia, & aliorum eruditorum viro-  
rum vnanimi consensu, nullo alio motu, præ-  
ter primo illo, motam esse: fixam hæsisse vno  
& eodem cœli puncto, interea tamen decreuif-  
se. Quare neque adscensus, aut descensus, caus-  
sa esse potest magnitudinis, vel paruitatis hu-  
ius syderis.

2. Obiect.

2. *Cœlum nullas peregrinas recipit impressiones,  
cum nulla sit affectio eiusdem generis cum his af-  
fectionibus, quæ in elementari regione fiunt, nulla  
item affectio cōtrariorum. Quare illis, quæ oriun-  
tur, &*



tur, & intereunt, nō cœleste palatium, sed elementarium rerum domicilium assignandum est.

Respondet Hagecius, se id libenter concedere, cupere autem hanc thesin in proposito negotio applicari ad hypothesim. Haftenus enim nondū probatum est evidentibus rationibus, sydus nostrum esse elementare. Possum etiam ita respondere, assentiri me, cœlum nō suscipere ullam peregrinam impressionem, videlicet ab ullo ente naturali: propterea, quod in eo nulla sit potentia contradictionis, respectu alicuius entis naturalis. Verum collatione cœli facta ad suum creatorem, a quo cœpit esse, quod prius non erat: fieri posse, ut in cœlo sit potentia contradictionis ad esse, & non esse: imo non modo respectu sui esse hanc in ipso cōtradictionem esse dico, sed etiam respectu cuiuscunque impressionis, quam sibi vellet imprimere creator: ut quod Iosux tēpore Solē stare fecit, Ezechix retrocedere. Sicut enim potētia actiua semper eadem est in summo rerum opifice, ita vicissim potētia passiua eadem manet in ipso cœlo. Vel breuius dico, cœlū non suscipere peregrinas impressiones, posse autem suscipere aliquam qualitatem, seu dispositionem, seu nouam quandam impressionem lucis, qua habeat propriam hypostasim, causam autem naturalem, nullam, & ideo ipsi cœlo non erit peregrina.

3. Indignum & temerarium videtur homini Christiano, asserere novas stellas in firmamento creari diuinitus, & operi unde quaq, absolutissimo subinde aliquid adiici, & veluti recognosci: imo iniuriosum nimis, adeoque impium in summum.

Respon.

3. Obiect.



illum opificem esse ita sentire. Scriptura enim dicitur loquitur, omnes res a Deo conditas, esse valde bonas: deinde quiescere Deum ab opere, hoc est, nullas novas species amplius post creationem universi huius theatri condere voluisse. Proinde dicere hanc stellam in cælo conditam & collocatam esse est in crimen læsæ maiestatis diuinæ incurrere.

Respons.

Respondeo, inquit Thaddæus, agnoscere me, verum esse illud, Deum non creare amplius novas species in natura, cuius materia vel similitudo non præcesserit ad operis sui perfectionem. Est enim fabrica mundi huius absolutissima, cui ad meliorem perfectionem & ornatum nihil prorsus addi posse humano iudicio profiteor. Interea tamen assero, Deum, cum sit agens liberrimum, non cohiberi, quin amplius agat in terrorem & commotionem nostram, sine in æthereo sine in elementari orbe. Edebat iam olim, edit nunc, & edet deinceps miracula. Divisum erat mare rubrum, ut contra aquæ naturam (quæ fluxilis est, & proprio termino claudi nequit) staret instar muri virgæ. Cursus Solis repressus est, & multa alia. Ac de omnibus huiusmodi insolitis eventibus Scriptura testatur, ut quando dicit, Super hoc turbabo cælum. Et in Euangelio: Erunt signa in Sole & Luna. Et iterum: Dabo signa in cælo sursum, & prodigia in terra deorsum. Cum igitur dicit Scriptura, Deum quiescere ab opere, intelligendum esse dico, quietem seu cessationem illam esse a creatione novarum specierum pro absolute & ornatu ædificii istius: non vero quod amplius contra communem naturæ cursum agere desinat. Hæc ita hætenus Hagecius.

DISPV-



## DISPUTATIO CAP. HVIVS

Secunda.

*An Cometa, aliis noua, notha, vel secunda stella  
in ipso etiam aethere fiant, &  
existant.*

**A** Ethereos seu cœlestes etiam esse Cometas, adeoque in ipso etiam stellifero expanso gigni & existere aliquando nouas, quas dicunt stellas seu Cometas, nō modo veteres quidam, verum etiam recentiores magni nominis Philosophi & Astrologi Mathematici argumentis robustis ostendunt. *Fuerunt*, inquit Di-  
 lexis Hagecii quidam Philosophi, vt Anaxago-  
 ras & Democritus, qui existimarunt, *Cometas* Anaxag.  
Democrit.  
*cœlestes esse, & a cœlesti materia genitos*, haud dubie propterea, quod tales quandoque in æthere deprehēdissent. Sed Aristoteles sententiam illorum suo quodam more euertit. Fieri autem potest, vt vtrique sint decepti, ideo quod de his absolute pronūtiauerint. Nam etiam Galenus testatur, *hanc potissimum in artibus fieri errorum causam, quando ea, quæ semel aut iterum sunt obseruata, eodem modo euenisse in vniuersum pronuntiantur, ac semper ita fieri necesse censentur.*

Verum si vtrique restrictius fuissent locuti, dixissentque, *quosdam Cometas esse elementares, quosdam athereos, aut illos simpliciter Cometas, qui in elementari regione gignerentur, hos stellas secundas, quæ in atherea fulgurent regione, appellassent*: vtrorumque sententia potuisset saluari, quod credibile esset vtrorumque testimonio, tam in atherea, quam in elementari cōspectos



aliquando fuisse regione. Equidem crediderim frequentius in elementari fulsisse: interea tamen non negauerim, eosdem etiam in cœlo, licet rarius fortasse apparere potuisse. Ac quod in elementari regione flagrent, seu fulgeant, probatione non eget. Iam enim id abunde ab Aristotele probatum, & pluribus confirmatum est: sed omnium exactissime demonstratum a Regiomontano in eo Cometa, qui luxit anno 1475. & a Ioanne Vogelino in alio Cometa, qui luxit anno 1532. quibus ob peritiam Mathematices, & euentiam demonstrationum lōge plus credendum est, quam vllis probabilibus rationibus & philosophicis argutiis, quas quidem etiam si non ignorarent, demonstratæ tamen veritati suum locum esse maluerunt. Quod vero in ætherea regione lucere possint, non ab omnibus cognitum & acceptum est. Aristoteles & vniuersa schola Peripatetica hanc sententiam penitus explofit: ac pugnatum est hic solummodo rationibus, cur id admitti non possit: indeque cōclusum, nullos posse fieri Cometas in cœlo, non autem inquisitum accuratius de rei existentia, fueritne aliquando quispiam Cometes in cœlo, an secus: imo audita sententia aliorum asserentium, *cœlestes esse*, mox ad contrariam tuendam sententiam conuersi sunt, *non cœlestes, sed elementares esse oportere*, cum primum omnium oportuisse inquiri existimaui de rei existentia, quam de illius causis: quemadmodum de eo ipso Aristoteles non edocuit in 2. posteriorum *Analyticorum*, cui etiam

Prius de rei  
existentia,  
quam de il-  
lius causis  
inquiren-  
dum est.



etiam Galenus ad stipulatur, nimirum rei alicuius rationē & causam non esse inuestigandam, nisi prius constiterit, quod ea res sit. Quæ enim res non sunt, ea ut non affirmari, ita neque scribi, quod sint reuera, possunt. Ac si solis rationibus innixi probare velimus rei existentiam, in multis necesse est incidamus errores, quemadmodum clarissime videre licet in hoc unico exemplo (quod erat apud priscos illos Philosophos agitarum) de partium terræ commoda vel incommoda habitatione. Illi enim solis rationibus nixi, quas ex radiorum solarium reflexione sumebant, tandem concluderunt, extremas zonas esse intemperatas, & ineptas hominū habitationi & vitæ: propterea quod in illis nulla fieret radiorum Solis reflexio: ideo etiam Zonas illas perpetuo frigore esse horridas, & nebulis caligare. Mediam quoque zonam esse inhabitabilem, propterea, quod radiis Solis directis, & ad angulum rectum reflexis, ac veluti duplicatis perpetuo æstu torreretur. Reliquas statuerunt temperatas, & habitabiles, ob radiorum reflexionem ad angulos obliquos: qui temperatum calorem cient & gignunt. Ex his rationibus priores illi Philosophi certo se inuenisse rei existentiam & inexistentiā existimant, hoc est, has partes esse habitabiles, alias minime: in quo tamen longissime a veritate aberrarunt. Constat enim experientia, & sub Equatore, & sub Tropicis, & sub ipso etiam fere polo esse habitationē. Ideo vana fuit causarum inuestigatio rei, de qua exploratum non

Solis rationibus innitendum non est.

Error Philosophorum.

Cc



erat, vtrum ea esset, vel non. *Primo* igitur omnium inquirendum fuerat, an res sit, nec ne, quod vbi non constitisset, tum demum ad rationes fuisset transeundum. Sic in proposita quaestione, *vtrum Cometa in aetherea regione generari possint*, non erat necessarium, statim se conuertere ad inquisitionem caussarum, cur ibi esse, vel non esse possint, ac ex eo inferre, *nullos ibi generari posse*: sed inuestigandum fuit initio, an ibidem aliquando fulserint: ac qui id affirmarent, vltius considerandum fuit, posset ne aliqua repugnantia, seu implicatio contradictionis dari, quo minus id fieri potuerit. Nam si daretur aliqua repugnantia, friuolum esset, conuertere se ad inquisitionem caussarum rei illius, quæ non existeret: & quæcunque inuenirentur, fictæ saltem, & vanæ futuræ essent. A rei cognitione, quod ea sit vel fuerit, transeundum fuerat ad id, vt inquireretur, an locus conueniens Cometis cælum sit: & an cœlestis natura illi repugnaret. Et si nil horum ob stare videretur, transeundum erat ad exempla & obseruationes artificum, & accurate peruestigandum, an id aliquando ab aliquibus fuisset deprehensum, vel non. Nam si constaret, aliquando eiusmodi Cometas apparuisse, quid prohiberet, quo minus nunc quoque tales apparerent? Si vero nullis obseruationibus id ostendi possit, censebitur omnino ne nunc quidem accidere potuisse: in quo testibus præclaris, non suspectis standum erit. Quod si vtraque pars suis testibus fulta esse videbitur, quorum illi



illi affirmauerint, rem ita contigisse, alii negauerint: magis rationabile videtur, affirmantibus potius, quam negantibus, subscribendum esse. Nam quæ raro eueniunt, paucis nota esse consueuerunt: quæ vero frequenter pluribus explorata esse solent. Hinc accidit, vt rara illa a multis existimentur, vel nunquam fieri potuisse, cum illorum neque ipsi adepti fuerint aliquam cognitionem, neque ab aliis edoceri potuerint. Si igitur vel ipsi se ea aliquando obseruasse, vel ab aliis considerata accepisse fatebuntur, ac fuerint iis dotibus præditi, quas Aristoteles *cap. 2. lib. 1. ad Theodacten*, in testibus vt ii fidem apud auditores mereantur, requirit, tuto produci possunt: & illis, vt dixi, affirmantibus magis, quam negantibus credendum erit. Itaque cum Anaxagoras, Democritus, Pythagorici, Hippocrates Chius, Hipparchus, Seneca, & Astrologi quidam, vt Albumasar, Mesahala, Hali, diserte profiteantur, *Cometas cœlestes, & ex cœlesti materia fuisse genitos*: tam præclaris testibus affirmantibus potius credendum esse censemus, quam id ipsum negantibus. Ita tamen illorum affirmationem limitatam esse volumus, vt quod illi vniuersaliter de omnibus Cometis dixisse videntur, nos ea ad quosdam saltem referamus. Non enim hic ex integro illorum sententiam tuemur: sed saltem quatenus cœlestes esse voluerunt Cometas, dico non esse sententiam illorum inconsiderate reiiciendam. Erant enim omnes hi clarissimi Philosophi & Mathema-



**Anaxagor.** tici. Anaxagoras certe, qui vixit tempore Periclis, cuius etiam præceptor fuit, insignis & præclarus in contemplanda cognoscendaque rerum natura habitus est: qui etiam fatale exterminium totius Græciæ longe ante prædixisse dicitur. Ac suo tempore effulserat ingens ille Cometes, qui continuos 75. dies arsit: quem tanta ventorum tempestas secuta est, ut lapidē, vehiculi magnitudine a rupe auulsum, in sublime turbo ferret, demitteretque ad urbem Thraciæ *Ægospotamos* dictam, aut (ut vult *Aristoteles*, in 1. *Met.*) in ipsam *Ægos* flumen Thraciæ. Non minori laude celebratur

**Democrit.**

Democritus, quem aiunt attigisse annum 109. ac Theologiam & Astrologiam didicisse a Magis & Chaldæis: deniq; in omni genere Philosophiæ adeo profecisse, ut *Pentathlos* siue *Quin-*

**Democritus**  
**pentathlos**  
**siue quin-**  
**quertio di-**  
**ctus.**

*quertio* dici meruerit. Nam naturalia, moralia, Mathematica, liberales disciplinas, artiumque omnium peritiam callebat. Plinius etiam nominat illum virum sagacē, & vitæ utilissimum fuisse dicit. Cicero etiam in *lib. de nat. Deorum*, & *libris de diuinat.* virum magnum, non obscurum Physicum, & grauem auctorem appellat. Habent alii quoque sua iusta præconia, quæ ut huc afferantur, superuacaneū esse videtur. Estimauerim, si omnium illorū Philosophorum, quorum *Aristot.* sententias reprehendit, integra scripta exstarent, nō difficile cognosci posse, quæ obiter, quæve deliberate, & ex professo, (ut dicitur) ab illis dicta fuerint. Accidit enim sæpe doctissimis & perspicacissimis viris, ut illi quoque



quoq; non semper alterius assequatur sententia, imo eam frequenter contra auctoris mentem alio detorqueat, & acriter exagitent: praesertim quorum animus studio contradicendi flagrat. Sic quia illorum quidam pronuntiarunt, *Cometam esse pluriū vagarū stellarum radiis sese tangentium congregationē*, propterea, quod aliquando Cometis dissolutis, stellae visae fuerint: statim reiciebatur illorum sententia, & recte quidem, si in vniuersum de omnib. ita esse illi sentiebant: sed si de illis tantum id fieri intellexerunt, qui intra Zodiacum sunt conspecti, & apud aliquem Planetarum, minus recte reprehensos esse dixerim. Cum. n. nullus certus Cometis locus dari possit in coelo, vel aere: cur non possent vel sub Zodiaco, vel extra illum, & sub hac vel illa stella apparere? Quid si idē apud illos fuerit Cometarum in stellas dissolui, quod apud Aristot. sub sydere nasci, seu sydus ambire? Certe ipse diserte fatetur, aliquando etiā absq; vilo sydere per se spectatos fuisse Cometas: & facile concedi potest, saepius multo id potuisse accidere, quam prius illud. Sic etiam, qui opinati sunt, Cometem vnum esse ex Planetis, poterant intelligere, non illum ex quinque perpetuis, sed alium quendam nouum & peregrinum, & Planetis quodam modo similem, ac talē, qui ipsum Zodiacum non fuisset egressus. Neque enim cogitari potest, adeo rudes illos fuisse Philosophos, vt Cometem a quinque Planetis discernere nequiverint. Profecto quae de cauda dixerunt, quod aliud nihil esset, quam refractionis cauda.



diorum Solis non male dixisse videntur, cuius sententiæ fuit olim doctiss. ille Gēma, eandemque ruetur iusta hereditate Cornelius filius, doctrina, & iudicio patre minime inferior. Quid Seneca, lib. 7. natur. quest. de Cometarum natura scribat, non adducam ea in medium, nec ratio præsentis instituti postulat. Restat vt hanc nostram sententiam aliquot exemplis confirmemus. Sed ne quis hic me perstringat, quod solis inartificialibus argumentis contra receptam opinionem pugnem, primum proferam vnicum argumentum Philosophicum, & (vt existimo) ex propriis deductū, adeoq; demonstratiuum in hac materia, quod tale est:

Argumen-  
tū Philoso-  
phicum.

*Nullum phenomenon, quod sit inferius orbe Lune, velocius perfectiusq; moueri potest motu diurno ipsa Luna. Plurimi Cometa deprehensi sunt velocius perfectiusq; moueri ipsa Luna. Ergo plurimi Cometa non sunt inferiores orbe Luna, sed supra illam, adeoque ætherei.*

Aliud.

*Aut sic: Omne quod velocius perfectiusq; circumagitur motu primo, quam ipsa Luna id supra illam esse necesse est. Quidam Cometa velocius perfectiusq; circumaguntur motu diurno, quam ipsa Luna. Ergo quidā Cometa supra Lunā sunt.*

Maior pro-  
batur.

Maior est nota ex Physicis. Quia quo quæq; sphaera propior est primo mobili, eo velocius perfectiusq; mouetur motu primo, tardius aut motu proprio: ac vicissim, quanto a primo mobili longius remouentur, tanto ab illa velocitate recedunt.

Minor pro-  
batur.

Minor probatur ex plurimis descriptionib.  
Come-



Cometarum, quæ exstant: Quia enim leguntur  
fuisse vel immoti, vel tardioris gressus, quàm Lu-  
na, hos velocius perfectiusq; motu diurno fu-  
isse conuersos certum est: ideoq; supra Lunam  
collocandos. Hoc argumentum ex principiis  
Aristotelicis deductum afferre volui, vt aliquo  
modo satisfacerem Aristoteleis. Sed nos eui-  
dentiora afferemus capite sequenti. Nunc iam  
exempla aliquot colligam, quæ indicare viden-  
tur, *cælestes quandoq; fuisse Cometas.* Hipparch<sup>9</sup>,  
qui vixit annis circiter 130. ante Christum (*vt*  
*testis est Plin. lib. 2. c. 26.*) nouam *Stellam*, & aliã,  
in auro suo genitam deprehendisse dicitur. Re-  
fert Seneca, quod post Demetrii Regis Syriæ  
interitum Cometes effulsit totos triginta dies,  
non minor Sole. Idem narrat sub Archelao in  
Græcia Cometem visum esse, qui adeo se dif-  
fudit, vt Æquinoctialem circulum attingeret,  
ac viam lacteam compleret. Sub initium prin-  
cipatus Neronis Cometes a Septentrione cœ-  
pit, a meridie in occidentem tendens, & dura-  
uit menses sex. Horum nullū putauerim ego  
fuisse elementarem, ac multo minus illū, cuius  
meminit Ioseph. *lib. 7. bell. Iudaici*, quod anno  
primo imperii Vespasiani integro anno supra  
Ierosolymam ensis specie fulserit. Quis rogo,  
Aristotelæus mihi hanc reduxerit ad suas exha-  
lationes? Quomodo in lapidosa circum Iero-  
solyma, & siticulosa regione, tantum exhalatio-  
nis suppeditari potuit, vt flagrare potuerit anno  
integro? Quomodo halitus illi, qui adscen-  
dūt per mediam aeris regionē argentissimam,

Transitio  
ad exempla.

Hipparch.

Seneca.



Examen.

non sunt ibi retēti, neq; obriguerunt, vt altius non adscenderēt? Hæc profecto suspectā reddere vidētur illā totius huius intercapedinis inter terrā & concauū Lunæ, in tria illa domicilia, seu receptacula, seu regiones aeris distinctionē. Plurimum etiā me mouet, vt credā, non omnes elemētares fuisse, nec eo modo, vt vulgo creditur, generatos. Quæ si quis diligentius expenderit, ægre profecto subsistet cum rationibus Aristotelicis: sed defectionem meditabitur, vt potius dicat, & credat cum Iacobo Ziglero, & aliis modernis Christianis Philosophis, *Cometas in secretis naturæ reponendos, esseq; occulta opera non naturæ, sed Dei: ac eos ostendi ad tēpus terris, vt essent nuntii futurorum.* Sed subiungam adhuc aliquot exēpla cœlestiū Cometarum, vt res fiat euidentior. Annotarunt Prosper & Nicephorus, quod anno 6. imperii Gratiani, qui fuit Christi Domini 393. apparuit signum in cœlo quasi columna pendens & ardens dies 30. *Inopinata, inquit Nicephorus, & insolens Stella in cœlo, mediæ noctis tempore. prope luciferum refulgēs, apparuit circa eum ipsum, qui Zodiacus dicitur, circulum. Ea quod propter coruscantes radios ingens & lucida esset, non admodū lucifero cessit: paulatim vero ad eam ingēs etiā aliarum stellarū vis aggregabatur. Spectaculum id, si vidisses, apum examini, quæ circum ducem suum in orbem obuoluuntur, contulisses.*

Nicephor.

Scribit Michael Glycæus sub Iustiniano Imperatore circa annum Christi 520. sydus peculiare conspectum esse totos 26. dies.

Anno-



Annotauit Zonaras *Tomo 3. in Iustiniano*, & etiam Nicephorus, quod anno 5. Imperii Iustiniani cometes sit cōspectus, ac flagrauit diebus 20. qui ob radios sursum instar facis porrectos, *lampadias* dicebatur. Albumasar quoque, qui vixit circa annum Domini 844. prodidit, cometem quendam supra Veneris orbē visum. Sed adscribam hic quoque illam STELLAM insolitam, quam describit Hali *sup. 2. quadrip. Ptol. cap. 9.* testaturque ipsam vidisse cum multis sapientibus viris, cum adhuc esset iuuenis, & literis incumberet. Dicit autem illam enituisse in 15. gradu Scorpii, cum Sol esset exacte in gradu & signo illi opposito, videlicet 15. gradu Tauri. Figuræ rotundæ fuisse, ac æquasse magnitudine ipsam Venerem, tanta luminis claritate, vt illuminauerit vniuersum Horizontem, tantamque ab ea profluxisse lucem, quantum quarta pars Lunæ lucentis dare posset, aut etiam amplius. *Semper (inquit) apparebat, hærebatque in eodem signo, nisi quod firmamenti motu circumagebatur: neque prius exstincta est, quam Sol peruenisset ad sextilem illius, hoc est, signum virginis.* Durauit igitur ad summum menses quatuor integros.

Fulserunt etiam duo cometæ anno 1315. a mense Decembri vsque ad Februarium anni sequentis, alter Marti dicitur fuisse coniunctus, alter intra circulum Arcticum constitisse. Descriptus vterque est a quodam Coloniensi, vt apparet, cuius manuscriptum exemplum vidi, & legi, qui iisdem quibus ego vsus sum argu-



Examen.

Finis nouo-  
rum syde-  
rum.

mentis: potissimum autem a parallaxi, & æqua-  
li distantia, euincit vtrumque ad spheram Mar-  
ris referendum esse. Obseruent, rogo, studiosi  
has historias, vt quæ plurimum cum moderna  
stella congruere videntur, confirmareque no-  
stram sententiam, fieri posse, vt etiam æthe-  
rei sint cometæ, siue stellæ secundæ, quas alii  
repentinas vocant. Et si quis accurate expen-  
dere voluerit alias similes cometarum descri-  
ptiones, quas auctores quomodocunque no-  
bis circumscripserunt (saltem ab his, quæ in o-  
culos incurrebant) id deprehendet, non sem-  
per cometas illos, seu stellæ nouas, sub eadem  
forma, magnitudine, colore, fulgore, mobili-  
tate vel fixatione fuisse conspectos. Quomodo  
ergo omnes vnus & eiusdem naturæ esse po-  
terant? Colligendum potius inde fuerat, quæ-  
cunque illorum durabiliores fulgentioresque  
ceteris apparebant, ac quam propinquissime  
puritate luminis accedebat ad illas firmamen-  
ti faculas cælestes potius quam elementares  
fieri oportuisse: ac Deum peculiariter illa for-  
marum & luminis diuersitate, & his, quæ omni-  
bus in oculos incurrunt, ostendere voluisse na-  
turarum in eiusmodi nouis syderibus diuersi-  
tatem: vt vel hinc rudiores discernere possint  
elementaria a cælestibus; non autem inconfi-  
derate confundere, & mirifica Dei opera, &  
minas per ea nobis intentatas secure conte-  
mnere, vel consolationes veras in iisdem pro-  
positas somnolenter expendere: quod omnia  
ista fierent in bonum fidelium, & pœnam in-  
fide-



fidelium. Certe diurnitas stellarum, & angustus in illis splendor, ac motus æquabilis, quæ omnia luculentissime in moderna stella apparuerunt, elementari naturæ haudquaquã competere videntur.

Cum igitur novas quasdam stellas, seu comes- Transitio.  
 ras æthereos, in cælo quoque; gigni abunde  
 ostenderimus, & pluribus exemplis confirma-  
 uerimus: expendendum deinceps videtur, an  
*illa generatio cœlesti natura, & quomodo conue-* Quæstio.  
*nias.* Certum est, si aliqua generatio in cælo  
 concedenda est, eam penitus difformem dissi-  
 milemque fieri oportere, ab eo generandi modo,  
 qui fit cum transmutatione & tempore in hoc  
 mundo sublunari. Nam penitus negare velle  
 ullam illic fieri generationem, aut alicuius qua-  
 litatis impressionem, voluntati & potentiæ  
 summi opificis derogare videretur, cuius est  
 posse & velle novas faces, qualitates, vel quid-  
 uis aliud, ubicunque sibi libuerit, collocare:  
 quod & ante semper id facere consueuisset, &  
 quominus nunc quoque id ipsum faciat, nulla  
 repugnantia dari potest; quia sicut ab æterno  
 Deus per suam providentiam ordinavit, ut ta-  
 lis ordo & talis cursus in rebus naturalibus es-  
 set, ita ab æterno ordinavit se quandoque fa-  
 cturum præter hunc ordinem rebus inditum.  
 Et ideo absque mutatione suæ providentiæ est,  
 quod quandoque præter hunc ordinem insti-  
 tutum operetur. Et huic multis in locis atte-  
 stari videtur Scriptura, quando respectu nota-  
 bilium & insolitorum euentuum dicit, *super hoc*



*turbabo cælum, &c. Et, Erunt signa in Sole, &c. Et, Dabo signa in cælum sursum, & prodigia deorsum, &c. Sed hic instabunt Aristotelei, & quærent a nobis modum illius generationis in cælo. Quibus ego libere & ingenue respondeo, illum me ignorare, esse autem contentum eo, quod etiam si quomodo fiat ignorem, dummodo quod fiat intelligam.*

*Hæc profecto perdocte differuit Medicus ille Imperatorius: qui licet scripserit: Cometam anni 77. in elementari regione apparuisse: tamen admonitus errorem suum & agnouit & corripuit publice pro ingenuo suo erga veritatem amore, in libello suo de cometa anni 80. Sic enim ait: Scripserunt quidem de eo cometa plures, sed qui locum eius sub lunari orbe definirent præter Sculterum & Nolthium scio nonique neminem. Scripseram ego quoque non dissenteanea ab eis, sed pro meis dedomenis meam fidem non interposuero. Nam neque ea instrumenta, quibus olim Vienna in observatione syderis noui usus fueram, hic Praga erant ad manū, neque ea comoditas fuit obseruandi hunc cometā, quanta noui illius inbaris; quod cum longissimo tempore, & plus 15. mensibus luxisset, crebro iteratis observationibus, veritas de eo conformari potuit rectius, id quod in cometa, breuissimo lucente tempore denegabatur. Neque tantum hoc, deerant plura etiam commoda, quæ efficiunt, ut par certitudo observationū in his nulla esse possit. Quod ingenue veritatis amore me profiteri non pudet.*

11.

*Huic sententiæ accedit Illustriss. Princeps Domi-*



Dominus Guilielmus Lantgravius Hassiæ Magnus ille Vranie Instaurator, vt apparet ex propriis obseruationibus, quas Castellis per sua Instrumenta cœlitus accepit, & communicauit cum Astrologo mirifico Tychone Brahe.

In hanc sententiam de cometa æthereo & supralunari descēdit etiam M. Michael Mœstlinus Mathematicus Tubingensis in suis de hoc cometa obseruationibus publicatis. III.

De eodem cometa publicauit eruditum imprimis libellum D. Cornelius Gemma Louanienſis philosophus & Medicus eximius, qui Patronum se cometarum æthereorum statim in ipso titulo probat, qui talis est: *De prodigiosa specie naturaque cometa, qui nobis affulsit altior Luna sedibus, insolita figura & magnitudine anno 77. plus decem septimanis, Apodixis Physica & Mathematica.* IV.

Helisæus etiam Röslin mirabiles quasdam speculationes de noua sphaera cœlestium, vt vocat, meteororum proposuit: quas licet Tycho non omnino comprobât, perhibent tamen testimonium cometis supra Lunam existentibus. V.

Tycho vero Brahe nobilissimus huius seculi Mystes Vranie libro 2. de cometa anni 77. superatis omnium difficultatum & errorum scopulis ad veritatis planiciem conscensus tribus primum modis demonstrat, quod cometa hic elementaris nequaquam extiterit, sed æthereus. Insuper hic adiicit suæ sententiæ suffragia insignium Astrologorum, remouet VI.



etiam obstacula & impedimenta eorum, quotquot Aristotelicis vaporum fumositatebus, veritatis huius internum lumen obscurarunt, & vulgi Meteorologicos fumos vendētes & hūc cometam & alios omnes in aere generari, nullos vnquam in æthere progigni. Sic ergo Tycho in libro de Mundi ætherei recentioribus phænomenis differit:

I.  
Tycho Brahe.

*I. Cometa hic, motu sibi proprio ab initio sue apparitionis usque ad finem ultimum, exquisitissime portionem circuli in sphaera maximi designavit, medius inter duos oppositos polos ubique incedens, neq, unquam sensibiliter ab eius circuli maximi orbita, in hanc vel illam partem deflectebat, non aliter quam Sol, motu suo proprio, eclipticam sphaeram in duo equalia diidentem, describit, & Luna suo circulo sub quo movetur, etiam totum coelum bifariam equaliter partitur. Quapropter cometam hunc non minus quam Sol vel Luna, ceteraq, errantes stelle, in ipso æthere locum obtinuisse satis probabiliter cōvincitur. Qui enim fieri poterat, si in elementari regione flagrans aliquod igneum Meteoron, prout volunt Peripatetici, existisset, ut tam regulari & constanti ductu, portionem circuli maximi, sphaeram in duo equalia dispartientis, exactissime designasset. Consentaneū enim erat, vagabundo & irregulari motu erroneum descripsisse ductum, siue quo materia ipsa pabulum quarens affectaret, siue quo violenter, vel vi syderum aut ventorum (si tam declivis esset) impelleretur, in quorum neutro, regnarem, & uniformem ductum circuli in sphaera exquisi-*

te



te maximi, ubique & toto durationis tempore, retinere potuerat. Nam licet vi alicuius syderis raperetur, tamen si in elementari regione existeret, propter materia fluxibilitatem, & a caelesti perpetuitate ingentem differentiam, non ita exacte ubique sequi poterat, quin aliquando nonnihil ab exquisitissimo circuli maximi ductu exorbitaret. Cum ipsi etiam Planeta quinq; a quorum aliquo impelli deberet non exacte semper suo motu circulum describant maximum, ob eum qui fit in latitudinem & gressum, qui varius & diversimodus, praesertim in iis, quos inferiores vocant, existit. Quare, cum ha ipsa caelo congenita stella non designent circulum exquisitae maximum, multo minus efficere poterant, ut aliud quoddam corpus praesertim in elementari regione positum, ipsarum vi, regularem circuli maximi ductum perpetuo observaret. Nam a Sole & Luna, quae duo sydera circulos polis suis ubiq; intermedios notant, non tractum esse cometam, ob luminis quantitatem, & quod nullus consensus fuerit inter illorum motus, & cometae proprium cursum apparentem, nemo facile inficiabitur.

II. Fixa insuper sydera, cum perpetuo in uno orbe quasi quiescere appareant, non poterant aliquem motum, nedum tam perfectum & regularem, extraneo corpori attribueri. Restat itaque ut rationabiliter cōcludamus, cometa huic scientiam motus per se ingentem fuisse, quam si in elementari regione exstitisset, fluxam & vagam, pro materia instabilitate, exercuisset. At cum ordinarium & regularem sub circulo perfectissimo, & in sphaera

II.



maximo, obseruauerit, necessariū esse, ipsum in altissimo æthere hunc cursum absoluisse, ubi omnia sunt regularia, perfecta, & instabilitati minime obnoxia, & ubi circuli suos polos exquisitere spectant, motumq; circa illos cōstanter absolunt. Adde, quod in hoc ipso circulo, etsi inæqualiter, prout ipsi etiā Planeta in suis orbibus, moueri visus est cometa, tamen inæqualitatē inordinatā, utpote quæ subito a tardiore in celeriores, & rursus ab hoc in illum vago ductu prosiliret, minime admittebat, prout Meteora, quæ in elementari regione generantur, talē disparē & inconstantē motum obtinere animaduertuntur. Verū cometa hic, sub portione illa circuli maximi, a velociore apparente motu in tardiorē, successiue & pportionaliter, simili inhibitionis seruato ductu ferebatur; ut nō minus quā Planeta alterationē cohibitionis motus ordinarii, cum a celeriori cursu in stationes desināt, obtinere deprehēsus sit. Nusquā enim sequentibus diebus celerior factus est, sed semper simili quasi ductu motū retardabat, donec ultimis diebus singulis, vix tertiā partē vnius gradus absolueret, cū in prioribus quinos integros conficere animaduerneretur, seruata interea defectionis ordinaria (ut dixi) proportionē sub eodē ductu præscripta portione circuli maximi. Quod alicui elementari corpori, vel flammæ materiæ, in superiore aeris regione, vel in ipso elemento ignis (si id sub Luna locum habere Peripateticis concesserimus) cursum aliquandiu absoluenti, cōpetere, nemo nobis persuadebit.

III.

III. Demū & hoc nō obscure argumēto est, minime sublunare fuisse hūc cometā, quod motus diu-



diurnus proprius, nunquā tantus fuerit, ut Luna cursū diurnū, vel tardissimū adequarit. Luna. n. cū lentissima apparet plus 10. gradib. una die absoluit, cū cometa hic nobis in initio, quādo velocissimus exsisteret, non multū ultra quinos grad. intra unicā primi mobilis revolutionē, progredi deprehensus sit; ut ob id longe supra Luna spherā cursum suū absoluisse, una hinc satis manifeste cōprobari possit. Quo enim remotiora exsistunt a terra sydera, & octava sphaera proximiora, eo tardiores motus, proprios obtinere nobis apparent, & ecōtra, quo propiores, eo celerius agitari conspiciuntur, id eoq; cometā, non saltē proxime supra spherā lunārē exstitisse convincitur, sed nō longe ab orbib. quos ♀ & ☿ circa Solē describunt, ductū suū absoluisse.

IV. Tandem & hoc accedit nō obscuri indicii loco, cometam hūc in coelesti mundo sedes suas obtrivisse, quod adeo notabiles & illustres initii & finis sui motus sub primo mobili sortitus sit terminos. Nā ab ipso Tropico Ascendens per Equatorem suo ductu regulārē cursum absoluebat, donec ad alterū Tropiū pervenisset, ubi tādē evanuit. Licet vero imaginari sint hi in sphaera circuli, tamen cum ecliptica versus utrumq; polum diuagationes, intra suos limites cohibeat, admodum insignes arcus, limitationē motus cometæ definierunt. Cum enim is cursum suū ab altero horum incoarit, & in alterum deduxerit, sicq; intra terminos solaris motus, quos Parallelos Equatori toto anno designat, exquisite cohibuerit, quis inficias ire poterit, coeleste quid huic cometa insitum fuisse. Non enim si in elementari sphaera exstitisset, tātam

IV.

Dd



in motu suo cum coelestib. circulis etiā imaginariis obtinisset convenientiam; ut ob id ex his omnibus rationibus, motus cometa sub circulo perfecte maximo, & motu in eodem regulari & proportionali, ac tardiore, quā Luna remotissima est, locoq. initii & finis sui motus tam illustri & euidenti, sufficienter cōprobari possit, cometam hunc minime in sublunari mūdo, sed in ipso aethere, generatum existisse. Hoc argumentum Aslachus ita format:

I. Argumentum Aslachii.

Propositio-  
nis proba-  
tio.

Quodcumq. phenomenon ductum maximi circuli citra notabilem deviationem in decliniori situ observat, id in aetherea regione supra lunā necessario reponitur. Sic cometa pleriq. Ergo, &c. Propositio sic probatur: Non potest φαινόμενον aliquod perpetuo designare circuli in sphaera maximum absq. ulla deflexione si infra lunam collocetur: modo in diuersis altitudinibus multoties e terra superficie diligenter obseruetur. Neq. enim id ipsum Lunae concedi potest, ut circulum exquisitè maximum citra deviationem omnem designet.

II. Argumentum  
Brahæ,

Secundo particularius idem peruestigat ostenditq., ex distantis a quibusdam peculiari-  
bus fixis syderibus, viæ cometæ vicinis, quas inter lapsis aliquot horis, observauit, cū altior decliniorq. ipsius supra Horizōtem positus conspiceretur. Id vero Tycho per decem fere folia operosissime demonstrat, & tandem ita concludit: Cum igitur tot diuersis observationibus cōprobatum sit, cometam hunc cursum suū, versus fixas ipsius via propinquas, non aliter direxisse, quam promotio diurna exigebat, adeo, ut motus primi mobilis, per altitudinis variationem, aut nullum,  
aut



aut admodum exiguum parallaxeos vestigium re-  
linquere siveerit, longe minus, ut tantum, quan-  
tum Luna in suo orbe in simili supra se ferre ani-  
maduertitur, diversitatis admitteret, quemadmo-  
dum ab initio, per distantiam ab ore pegasi reite-  
ratam, sufficienter demonstravimus. Idcirco con-  
cludimus cometam hunc minime ortum fuisse in-  
fra sphaerā lunarem, sed longe supra ipsam in æthe-  
re liquido iter suum absoluisse, in tanta a terra di-  
stantia, ut moles terreni globi non obtinuerit ad i-  
stam intercapedinem sensibus admodū incurren-  
tem magnitudinem, quod tot rationibus, diversifi-  
que observationibus tandem certissime comproba-  
tū, intell. gentibusq; euidenter demonstratum re-  
linquemus. Argumentū hoc huic formæ illiga- II. Argu-  
tur: Quodcumq; Phenomenon cursum suum ver- mentum  
sus fixas stellas ipsi propinquas motu diurno diri- Aslachi.  
git, adeo, ut aut nullum, aut admodum exiguum  
parallaxeos vestigiū relinquit, hoc non est in spha-  
ra elementorum sed in cœlorum. Atqui hic come-  
ta sic cursum suum tenuit, eiusq; via fixa quadam  
sidera admodum facere vicina. Ergo non est ele-  
mentaris.

Item: Quicquid tardius motu proprio mo- Aliud.  
uetur quam Luna, id supra eam sit necesse est. Co-  
meta quidam tardius progressi sunt, quam Lu-  
na. Ergo supra eam fuerint necesse est.

Propositio nota est ex Phisicis, idque ipsi- Propositio  
us etiam Aristotelis suffragantibus placitis. probatur.  
Quanto quæque sphaera est superior, tanto  
velocius perfectiusque circumagitur primo  
motu circumducta; tantoque minus retardat.



resistit, aut inhibet de motu proprio, id est, tardius mouetur motu proprio. Et proinde, quicquid sub orbe Lunæ est, & mouetur motu primo, necesse est, ut plus & celerius moueatur motu proprio, quam Luna. Assumptio ex plurimis cometarum, quæ exstant, descriptionibus exquisitissimis comprobata.

III. Argumentum  
Brahæ.

Tertium Tycho desumit ex observationum collatione in semotis inclinationibus sphaeræ, ab aliis Mathematicis exquisite prehensis, & cum suis habita ratione interiectæ telluris portionis diligenter collatis. Unde concludit: *Cometam hunc supra Lunam in æthere locum obtinuisse.*

III. Argumentum  
Aslachi.

Tertium vero Aslachi argumentum: *Quodcumque φαινόμενον vel nullam habet parallaxin, vel minorem, quam Luna, id nullo modo accensendum est regioni elementari, sed in æthere collocandum. At cometarum quidam nullam exhibuerunt sensilem parallaxin, quidam aliqualem, sed Luna minorem. Ergo cometa illi in regione sublunari nequaquam exstiterunt. sed in ipso æthere; & quidem tanto altius in cælum elongati, quanto minorem parallaxin ostenderint.*

Probatio.

Propositionem probant Mathematici ex doctrina Parallaxium. Assumptionem vero eo demonstrat, quod quidam Planeta nullam exhibuerint sensibilem parallaxin. Quodcumque autem phenomenon perpetuo ad stellas eandem ubique distantiam seruat, id nullam habet parallaxin. Sed ad cometam anni 77.

Tycho Brahe postea omnium eorum, quot-  
quot



quot de hoc cometa ex principiis Aristotelis  
eiusque fumositatibus differuerunt refutat,  
præcipue vero eorum observationes & argu-  
mentationes, qui receptam Peripateticorum  
opinionem secuti, operosa quadam etiam de-  
monstratione Mathematica cōtenderunt sub-  
lunarem fuisse hunc cometam, eumque ad-  
misisse parallaxin in circulo altitudinis, etiam  
priusquam Horizontem attingeret, tantam,  
vt quinos circiter gradus excederet, conuellit.  
Qui vero ita se habere demonstrare conati  
sunt, hos præcipue refellit, nempe Thaddæum, Refelluntur  
Hagecium, qui postea reuocauit suam de hoc 1. Thaddæ-  
cometa opinionem. *Deinde* Bartholomæum us.  
Sculterum Gorlicensem. *Tertio* Andream 2. Schulte-  
Nolthium Eimbeccensem. *Quarto* Nicola- 3. Nolthius.  
um Wincklerum Halæ Sueuorum Physicum. 4. Winckle-  
His in fine adiungit, eosque breuiter refutat, rus.  
Ioannem Prætorium, Marcellum Squarcialu- 5. Prætorius.  
pum, qui tamen quosdam cometas in æthere 6. Squarcia-  
alto, non in elemento aeris versari contra Pe- lupus, &c.  
ripateticorum placita erudite disputat, Era-  
stum hic prorsus Aristotelicis fumis inhian-  
tem, Grynæum, Dasypodium, Graminæum,  
Chytræum & alios, videris ipsius librum 2. de  
*phenomenis recentioribus.*

Winckleri autem syllogismos ita versat: O. Obiectio  
næ corpus, inquit Wincklerus, vel *phenomenon*, Winckle-  
quod *parallaxin maiorem habet, quam Luna, il-* ri I.  
*lud elementari regioni, & non æthereæ, assignan-*  
*dum erit. Nostrum phenomenon maiorem habet*  
*Parallaxin, quam Luna. Ergo hoc elementari re-*



Respon.

*gioni adscribendum venit.* Respon. In hac argumentatione, *inquit Tycho*, antecedens propositio, citra omnem contreuerfiam, recte constat, sed minor non minus, quam antea, veritativam infert, quemadmodum ex iis patet, quæ *cap. 6.* a nobis demonstrata sunt, astipulantibus etiam aliorum selectioribus observationibus. Hanc tamen alio syllogismo in hunc modum tueri nititur.

Obiect. II.

*II. Omne corpus, inquit Wincklerus, quod inaequalem, aut non eandem sernat distantiam ad fixas stellas, illud corpus parallaxin habet. Nostrum phenomenon inaequalem, & non eandem distantiam habet ad stellas. Ergo huic phenomeno attri-*

Respon. ad *buenda est parallaxis, siue aberratio.*  
maiozem.

Respon. Hic maior, *inquit Tycho*, Propositio claudicat. Non enim omnimode verum est ex variata alicuius phenomēni ad fixas distantia parallaxin ipsius iudicari, nisi vna prorsus omni motu proprio destituatur. Sic Saturnus & Iupiter inaequalem, nec semper eandem, ad fixas retinent distantiam (*nisi forte per accidens, cum sunt Stationarii:*) & nihilominus parallaxis eorum non est perceptibilis, ut de reliquis Planetis, excepta sola Luna, nihil dicam, quorum parallaxes sunt perexiguæ, minimamque comparisonem habent, ad eam alterationem distantiae a fixis, quā indies cursu suo proprie efficiunt.

Ad minorem.

*Minor* etsi in eo recte se habeat, quod cometa non eandem ubique ad fixas obtinuerit distantiam: tamen quia id ipsum insensibilitier ferme eveniebat ratione parallaxeos, multoque



que potius ob motum eius proprium, idcirco inconueniens est applicatio, neque id, quod intendit, hinc consequitur. Protyllogismum vero, quo assumptum suum stabilire nititur refutat Tycho, eiusque vanitatem ostendit. Hactenus igitur prolixè satis de æthereis cometis: ad Planetas procedamus.

## D E P L A N E T I S.

## Quæstio I.

*An recte appellantur Planeta?*

Patricius in sua noua Philosophia, qui, vt Patricius. postea videbitur, Solem non inter Planetas, neque Luram inter astra numerat, contendit, *has stellas male vocari Planetas*, quod & citra, & vltra eclipticam solisque viam variis meent motibus. Modo enim a Solis orbita ad septentriones, modo ad meridiem deflectunt. Et modo tarde, modo velociter aguntur & citantur. Nunc stare, nunc præcurrere, nunc retrocedere apparent. In quibus sane motibus, quamuis errare nobis videantur, ipsi minime errant. Conditoris enim sequuntur iussa. Deus autem & natura nihil frustra faciunt. Si vero natura nihil facit frustra, neque motum vllum ciēt frustra. Si nullum frustra ciēt, omnes ad finem dirigit. Si ad finem dirigit omnes, sunt quoque per sua initia, per sua media ordinati omnes. Si omnes ordinati, in nullo errat. Si in nullo errat, neque in horum astrorum vlllo errat. In horum si nullo errat, qua de causa *errones* sunt nominati, atque *Pla*



Planetæ nō *neta*? Perperam sane nomen hoc eis est tribu-  
recte dicū- tum. Nostro equidem arbitrio, & errore er-  
tur errone- rant, eorum vero culpa nulla. Neque enim na-  
tura illorum errare potest.

Cur dican-  
tur errātes.

Plato etiam & Cicero falso *errantes* appel-  
lati volunt, & Diogenes cum audierat hoc no-  
men eis ab artifice quodā tribui dixit: *Tu erras*  
*illa errare*. Si non errant illæ, tamen vulgo non  
male errantes vocantur, respectu & compara-  
tione quadam. *Primum* ergo hac ratione fal-  
so *erratica stella* dicuntur, quod scilicet reuera  
lapsu certoque spatio non ferantur, alias ipso-  
rum motus Astrologis nunquam esset certus.  
*Deinde* vere dicuntur *erratica* ratione & re-  
spectu fixarum, hæ enim nec sua loca, nec figu-  
rationes, nec magnitudines vnquā permutant.  
Illæ vero, id est, erraticæ nunc in hac, nunc illa  
cœli plaga consistere videntur, nunc his, nunc  
illis stellis appropinquantes, alio tempore mi-  
nutæ & obscuræ, alio tempore rursus multo  
grandiores, & lucidiores.

#### Quæstio II.

*Quæ differentia Planetarum ratione magnitudinis,  
lucis & situs secundum F. Pa-  
triciū.*

**M**agnitudine, lumine, & situ Planetas in-  
ter se differre Patricius partim *ex Astro-  
nomorum sententia*, partim *ex suis placitis* (*ex*  
*flammis & ignibus syderum suis omnia deducens*)  
ostendit, ubi si quæ placent veritati consona,  
retineantur, si quæ, vero absōna fuerint, reii-  
ciantur.

Magni-



I. Magnitudine aut eos inter se differre Astro- I. Differentia  
nomi autumant. Et miras quaidā, & incredibi- Planetarū  
les prædicant. Aiunt namq; *eum, qui Iupiter di-* ex magni-  
*citur, inter eos esse maximū, ut qui magnitudine* dine.  
*sua, terra totius magnitudinē, nonagies quinquies* Iupiter.  
*cū dimidia contineat, seu 95. integras terras, & di-*  
*midiam adequet. Proxime Saturnū mole sua di-* Saturnus.  
*cunt 9 1/8. terris esse æqualem. Martē vero esse* Mars.  
*uniuersæ terre æqualem, & eam insuper sui dimi-*  
*dio superare. Econtra terram esse Venere maiorē,* Venus.  
*plus quam partibus 37. h. e. si terra in 37. partes di-*  
*videretur, una earū partiū Veneri esset equalis.*  
Mercuriū aut stellarum omnium esse minimā asse- Mercurius.  
runt, & ob paruitatē raro cōspici. Et tam pusillam  
eius esse molem, ut si terra in frusta 21952. scinde-  
retur, unum solum Mercurio æquale futurum.

II. Sed & differunt lucibus, eiulq; coloribus. II. Differen-  
Nā Saturnus visitur pallidior. Iupiter fulgaranti tia e luce &  
atq; hilari fulget luce. Mars rubicundior, & ignis colore.  
specie, ideoq; a Græcis πυρρὸς igneus est appella-  
tus. Venus lucidissima est. Mercurii color velu-  
ti est plumbeus, & in ceruleum vergens. Hæc aut  
colorum differentia unde nam est? Nimirum a Vnde colo-  
raritate ac dēfite flammæ, ac lucis, ex qua sin- rum diffe-  
guli sunt cōstituti. Si rarior namq; sit, dilutiorē rentia.  
reddit lucē, si dēfior, vinidiorē. Qua ratione, no-  
stratibus experimētis multis cōprobata, Satur-  
ni minus valida lux, ad raritatē ætheris eā osten-  
dit declinare, ita ut si rareficeret, magis in æthe-  
ris transiret raritatē, & diaphanitatē ppe subi-  
ret, & languidissime, vel non amplius luceret.  
Modo quia cōpactior ea est raritate, lucet, sed



Media flamma  
omnis  
lucentissi-  
ma.

III. Differē-  
tia e situ.

lucet luce languidiore. Rara namq; flamma, apud nos etiā minus fulget valide, quā si sit densior. A qua raritate recedit magis  $\zeta$ , & densior est, atq; ideo fulget clarius. Mars vero Ioue est cōpactior, quod igneo suo colore prodit. Nam & nostrates flammæ in crassiore ac dēsiore materia accensæ, & rubentiores apparent, & sentiuntur calentiores. Venus vero stellarū omniū pulcerrima, clarissima lucet flamma, sed quam duo superiores minus. Et ut nos quidē arbitramur inter densitatē, & raritatē æq; media. Nam si flāmas aut in foco, aut in lucerna spectemus, attente cernemus, eam eius partem, quæ prope vel lignum, vel oleū, aut ceram est, reliquæ fere radix, subobscuram & fere cæruleā esse, materiæ huius vicinitate, & quasi materiata. Quæ ardore ipso attenuata, & in mediū sui accēsa est clarissima. Deinceps in rubedinē vergit parte superiore, ubi fum<sup>9</sup> in sese recipit, & quasi suppetias sibi laturus cogitur, & fit densior. Media ergo flamma omnis est lucentissima, eo q̄ inter extremas duas crassities, æqualiter est media. Venus ergo, qualis apparet, tali etiā inter raritatē & densitatem temperie media constare est credēda. Mercurius aut cæruleo suo colore p̄dit sese quasi fundū esse flammæ, sicuti Mars rubedine sua summitatem. Quæ res ad sitū quoq; eorum videtur pertinere. Non defuerunt. n. inter Philosophos atq; Astronomos, q̄ sub Marte Venerē locarent, sub hac, Mercurium. In quo quidē situ, atq; ordine eorū, non minor fuit inter syderū cōtemplatores discordia, quam fuerit



rit in reliquis, quæ iam cōmemorauimus inter  
Astronomos. Nā Crates Philosophus, & Me-  
trodorus putarunt, ☉ ac ☾ *Comnium supremos.*  
Democritus, *Sole superiorem* ☿ locabat. Maxi-  
ma vero Astronomorum pars, sub firmamēto  
collocarunt, primo ♄, deinde ♀, postea ☿. Sub  
quo Alpetragius ☿ locauit, ☉ deinde, sub quo  
☿, postremā ♄: Plato vero, postremos omniū  
☉ ac ♄, quem Arist. est secutus. Sed hic ☿ sub  
Marte, & supra ☿. Martianus aut Capella, supra  
☉ primo ☿, ☿ supra hunc, & infra ☿. Quē se-  
cutus est recens auctor Tychon Brahe Danus.  
Omniū vero diuersissime eos collocauit Nic.  
Copernicus. Nam ☉ in centro locauit vniuer-  
si, supra quem ☿, & proxime ☿. Et supra hos ♄,  
& tellurem in orbe eodem. Hæc tanta senten-  
tiarum discordia, non aliunde ortum habuit,  
quam reliqui Astronomorum, quos cōmemo-  
rauimus errores, q̄ crediderint Planetas quoq̄,  
sicuti & sydera reliqua, orbibus quibusdā in-  
fixos ferri. Et præterea quod nullam haberent,  
hunc ordinem vestigandi methodum.

III. Quæstio.

*An vera sit & infallibilis ratio vulgaris Planetarum  
ordinem inuestigandi?*

**N**Egat Patricius, triplicem illam vulgariū  
Astrologorum methodū esse certam, qua  
scrutatur Planetarū inter se situm ac ordinem.  
Rationes inuestigandi habent diuersitatis ad-  
spectum, velocitatē motus & eclipses. I. Prio-  
rem fatentur ipsi, ☿, ♀, & ♄ non attingere, ni-  
hilque de iis tribus statui posse certi. II. Col-

I.

II.



ligunt aut eorum ordinem ex motus velocitate ac tarditate. Aiunt enim, *quanto motus est tardior, tãto maiore via atq; circuitu mouetur; quanto velocior, tanto minore.* Igitur  $\text{H}$ , qui tardissime fertur, longissimum iter habet; atque hoc supremo conuenit, igitur omnium summus est:  $\text{D}$  quia citissime infima.  $\text{I}$  quia secunda mouetur tarditate, subest  $\text{H}$ .  $\text{S}$ , quia tertia, subest  $\text{I}$ . Sed fatentur iterum, hac ratione nihil de  $\odot$ ,  $\text{♀}$ , ac  $\text{♂}$  statui posse, qui prope eadem fertur celeritate. Sed duo non aduerterunt: Alterum, quod quia celerrime omnium octaua quam vocant sphaera, suum perficit motum 24. scilicet horarum tempore, infra etiam Lunam esse debere. Qua celeritate cum etiam Planeta ferantur, & non ferantur, uti est demonstratum, motu raptus, Planeta inter stellas erunt interpositi, & nullus altior fuerit alio, nisi certiores afferant rationes. Alterum autem non cogitarunt, in eodem spatio via posse a duobus tardius & citius iter confici, pro virium cuiusque robore, quod apud nos, tum in animalium conspiciuntur cursibus euenire, tum in nauibus eodem vento, aut non eodem euntibus; & pro naui mole, & velorum magnitudine, & remigum, tum robore, tum multitudine. Nihil ergo ex motus tarditate & velocitate, de quatuor Planetarum ordine conficiunt.

III.

III. Tertia eclipsium methodo conficiunt, & non conficiunt, quatenus scilicet Luna Solem, Venerem, & Mercurium eclipsibus operit. At non conficitur certi quicquam, an Sol supra ambos sit, an infra ambos, quod Plato,  
&



& Aristoteles sensere, an vero sit Venus altior Mercurio, an hic Venere altior. Itaque cum hæc sint incerta omnia, non est Astronomorum decretis standum. Quid igitur in tanta quæstione audebimus pronuntiare? Profecto, si visui & apparentiæ credamus (*credere autem hac in re, alii sensui nulli est par*) modo cum hæc scribimus (*inquit & credit Patricius*) Saturnus ex eorum computis, ex visu ipso, lucet in Geminis, & clarissime discernitur. Iupiter in scorpione, Mars in sagittario, Venus in arietate, nullus tamen horum inferior stellis eius asterisimi reliquis apparet. Sed in eadem cum eis altitudine conspicitur. Neq; item alius alio aut altior, aut depressior spectatur. Igitur verior fuerit, quam modo referebamus, sententia, eos inter reliqua habitare sydera. Interque ea suos cursus motusque alios peragere. Et nullos esse, aut orbes, aut cælos eorum proprios, qui non nisi vna refulgeant stella. Atque ideo recta ratione, simul cum eis 24. horarum spatio, diurnam conficere circumvolutionem.

Astronomorum decretis non est standum.

Quæstio I V. Patriciana.

De instrumentis Astronomicis, an iis distantia, situs & motus expediri possit?

Neque, inquit Patricius, ad instrumenta sua Astronomi confugiant, quæ omnia & oculos eorum, & iudicia fallunt, multis quidem fallaciis aliis, sed duabus his evidentissimis. Altera, quod eorum centra cum mundi centro coincidere supponunt, cum tamen eis integro terra se-

Fallax instrumentorum mathematicorum usus.



midiametro millibus passuum tribus mille, at-  
 que amplius quingentis superstent, quæ distan-  
 tia non est spernenda, quantumvis cœlum a ter-  
 ra distet, & quanti, non autem puncti, uti iam  
 diximus, cum eo habet proportionem. Altera ve-  
 ro, quod instrumentis eorum credunt, integram  
 cœli medietatem supra horizontem dimeriri, quod  
 esse falsum iam ante, dum de cœli ageremus for-  
 nice, demonstratum est. Motibus autem aliis cui-  
 que propriis pluribus moveri, quorum sum-  
 ma est, ut ipsi in contrarium nitantur, syderibus  
 reliquis, & ut loqui consueverunt ab occasu  
 in ortum, qui nulli in mundo sint; sint tamen  
 nostri respectu. Et præter hunc, aliis agi qui-  
 busdam satis multis. Quinque scilicet illi, quos  
 proprie Planetas nos appellauimus. *Directione*,  
 & tunc velocius mouentur. *Duplici statione*, in  
 quibus videtur stare, & nullum ciere motum.  
*Retrogradatione*, quando scilicet mouentur  
 tardius. In qua ab ortu in occasum videntur  
 ferri, sicuti in directione ab occasu in ortum.  
 Et dum hisce cientur, modo ab ecliptica ad Se-  
 ptentriones feruntur, modo versus meridiem,  
 terminum tamen ultra sex grad. vtrinque non  
 excedunt, ita ut tota latitudine grad. duodecim  
 non exeant. Sed & minores se ipsis interdum  
 apparent, interdum maiores quoque, quasi a  
 locis suis, sursum vel adscenderint, vel ad infi-  
 ma sua descenderint, & tunc maiores appare-  
 re, sicuti in adscensu minores. Quoniam *unum*  
*idemque corpus quanto propius nobis locetur, ap-*  
*paret maius: quanto vero procul magis, tanto ap-*  
*paret*

Directio.

Statio.

Retrogra-  
datio.



paret minus. Sed Astronomi hæc omnia *eccen-*  
*triciis illis suis atque epicyclis* adscribunt. Nos ve-  
 ro eorum naturis spiritibusque, & multo ma-  
 gis animis eorum ac mentibus. A quibus per  
 hos motus reguntur, & diuinam exlequantur  
 prouidentiam, & vniuersi conseruant harmo-  
 niam. Hi sunt ergo Planetarum motus, qui ad  
 actiones ab Aristotele astris tributas pertinent. Sic  
 quidem ille differit. Qui nã sine  
Planetarũ  
motus.

Ceterum Illustrissimus ille P. M. Princeps  
 Landgravius, & nobilissimus noster Tycho,  
 Patricio neutiquam concefferint Mechanico-  
 rum suorum in Astronomicis omnino falla-  
 cem vtilitatem. *Mechanica enim illa organa,* Vtilitas in-  
strumento-  
rum Mathe-  
maticorũ.  
 quibus syderum ac motuum coelestium phenome-  
 na observantur, exquisitè illa demonstrare indi-  
 cant: præcipue vero hic præcellit quadrans &  
 sextans ut maxime necessaria. Nec tamen pro-  
 pterea alia laboriosa & sumtuosa, a variis excogi-  
 tata artificibus machine, tot regule Ptolemaica,  
 Copernicea, tot armilla Equatoria, Zodiaca-  
 les, Astrolabia, radii, quadrata, dioptra, sphere,  
 annuli, & id genus permulta, & olim inuenta &  
 inuenienda postmodum plane reiicienda erunt:  
 cum multifaria diuerse fabrefactorum organo-  
 rum experimentatione opus fuerit, antequam tam  
 varia syderum affectiones ac habitudines inuesti-  
 garentur, tot motuum animalia ad ratam & con-  
 stantem analogiam reducerentur, tot immensa &  
 innumera clarissimorum inbarum agmina cer-  
 tis sedibus disponderentur, ac legibus æternitatem  
 amulantibus, obsequi cogerentur. Quin & ho-



die licet syderum fixorum loca, cœlo ad amussim congrua, & errantium varia ac multiplicia phenomena, ab excellentissimis artificibus, in primis altero illo nostræ tempestatis Atlæ Tychone Brahe, satis solerter instrumentis exquisitissimis sint indagata: volupe tamen est, imo necesse, quoties commoda his contemplationibus temporis locique nobis datur opportunitas, & cœli blanda affulserit serenitas, syderum loca, magnitudines, & reliquas apparentias a priscis & neotericis inuentas, propria experientia, variis adhibitis organis, subinde comprobare & examinare; Tum adscititiorum, si quando prodierint syderum phenomena, exquisite & debite inuestigare, & cum antecessentium in istiusmodi prodigiosis spectaculis animaduersionibus conferre, ut ex pluribus singularibus, in re eadem conspirantibus observationibus rata & indubia tandem eruatur experientia. Id quod ad pleniorē syderalis scientiæ certitudinem explorandam & comprobandam aptissime est accommodum. Sed hæc hætenus: Iudicia libera libere iudicent, sed intra veritatis fines.

CAPITULA



## CAPVT NONVM.

*De affectionibus Planetarum.*

**A**FFECTIO Planetarum insignior promanat ex Affectio Pla  
variorum motu. netarum.

Estque generis tum primi, tum secundi.

Primi generis affectio est aspectus planetarum.

Aspectus est certus planetarum inter se positus in Aspectus  
Zodiaco, quo se inuicem quasi respiciunt. Planetarū.

Aspectuum Planetarum species statuuntur duæ  
Coniunctio & Oppositio.

Coniunctio est aspectus, quo quidam Planetæ in Coniunctio.  
parte aliqua Zodiaci ac signis prope coniunguntur:  
dicitur etiam Planetarum coitus, congressus, synodus  
& vnio: estque Astrologis alia dicta partilis, alia pla-  
tica, sed inanis hæc distinctio.

Coniunctionis species tres sunt, Sextans, Quadran-  
talis & Trientalis.

Sextans, qui & sextilis, est aspectus coniunctionis Sextans.  
qui fit in sexta Zodiaci parte, per signorum duorum  
seu 60. graduum intervallum. Vnde & appellatur sex-  
angularis, item Hexagonus. Character eius est ✱.

Quadrantal fit in quarta Zodiaci parte per signo Quadran-  
rum trium seu 90. graduū intervallum: dicitur Qua-  
dratus & Tetragonus. Character eius est □.

Trientalis, trientem Zodiaci capit, & fit per signo Trientalis.  
rum quatuor seu 120. graduum intervallum: dicitur  
Triquetrus & Trigonus. Character eius est △.

Hæc de coniunctione: Oppositio est aspectus, quo Oppositio.  
se planetæ e diametro sibi oppositi adspiciunt, fitque  
in septimo signo per gradus 180. dicitur Semissis. Cha-  
racter est ♂.

Hæc de Aspectibus, quos observatio Astrologiæ in- Transitio.  
dicariæ peperit, alias vsum exiguum habentibus: Se-  
cundi generis sunt varieg motus affectiones & phæno-



mena, quæ vel omnibus absolute, vel solo excepto sole, Planetis conueniunt.

Omnibus absolute Planetis conueniunt: Altitudo, Humilitas, Directio.

**Altitudo.** Altitudo est Planetæ affectio ex motu Planetæ ab imo sui cœli loco, in altissimum locum delati orta.

**Humilitas.** Humilitas est Planetæ affectio ex motu Planetæ ab altissimo suæ orbitæ loco ad terræ proximum & infimum eius locum delati orta.

**Directio.** Directio est affectio Planetæ progredientis secundum ordinem signorum ex Ariete in Taurum, & ab Occidente in Orientem.

Planetis omnibus, excepto Sole conueniunt: Regressio, Statio & Latitudo.

**Regressio.** Regressio est affectio motus Planetæ, quo Planetæ remensa spatia signorum remetitur, e Tauro rediens in Arietem.

**Statio.** Statio est affectio sursum aut deorsum in sua orbita ascendens Planetæ, cum neque versus ortum, neque versus occasum progredi videtur. Ea; Astrologis est prima seu matutina, & secunda seu vespertina.

**Latitudo.** Latitudo est affectio Planetæ consistens in distantia eius ab Ecliptica.

*Quæstiones de aliis affectionibus Astrologicis, quibus Planetæ distinguuntur.*

I. *An Planeta vere distinguantur per qualitates primas & humores, &c.*



Prima distinctio planetarum a qualitatibus physicis.

ASTROLOGI Planetarum varias tradiderunt affectiones, ex quibus commentum sunt, eorundem varias distinctiones. Primam deducunt a qualitatibus physicis, ut tradunt, *Saturnum frigidum & siccum, terreum & melancholicum. Iouem temperate calidum & humidum, aereum & sanguineum. Martem calidum & siccum, igneum & cholericum. Solem calidum & siccum temperate. Ven-*

*nerem*



nerem frigidam & humidam, phlegmaticam, sed temperate. Mercurium nunc siccum nunc humidum, melancholicum. Lunam frigidam & humidam, aqueam & phlegmaticam. Sed dici de aliquo, requirit inesse, ut loquimur in scholis logicis. Insunt igitur. Inesse autem dicuntur aut proprie aut tropice astris illæ qualitates.

Si proprie, sequitur astra omnia esse elementaris naturæ, esse quædam frigida, sicca, quædam calida, humida, quædam ignea, quædam aquea, quædam terrea, quædam aerea. At hæc falsa sunt, ut patuit ex antegressis. Nisi forte alias has qualitates, scilicet, cœlestis naturæ, ut frigus cœlestis, aqueum cœlestis, terreum cœlestis, siccitatem & humiditatem ab elementari plane distinctam finxeris. At hoc ἀφίλοσοφον.

An qualitates proprie astris insint.

Si tropice astra talia dicuntur, aut per Metonymiam aut per Metaphoram talia dicuntur. Per Ironiam si talia dixeris, non talia intellexeris. Per Synecdochen, non nisi absurde talia feceris, cum sint corpora similis & eiusdæ naturæ, nisi velis totum tale esse, unam partem vel speciem talem, aliam vero neutiquam ea qualitate imbutam. Si per Metonymiam, fuerit ea effecti, ex sententia disceptantium, hoc est, stellæ dicuntur frigida, humida, sicca, terrea, aquea, quia inducunt & efficiunt in rebus sub-lunaribus humorem aqueum, terream siccitatem, frigiditatem, &c. At stellæ si producunt in inferioribus naturis, frigus, humorem, siccitatem, melancholiam &c. producunt eas vel propria vel aliena facultate. Si aliena facultate per

An tropice.  
I. Per Ironiam.

II. Per Synecdochen.

III. Per Metonymiam.



accidens agūt. At stellæ sunt naturalia agentia, quæ agunt per se & insita vi. Deinde detur illud accidens, per quod stellæ illa agant. Si propria & insita facultate eas profeminant qualitates, ἐνέργεια & actio facultatis fieri non potest, & produci a stellis in rebus elementaribus, nisi per quendam contactum, siue sit corporeus, qui hic non est, siue sit virtualis, ut loquuntur. Ergo eæ qualitates a stellis non talibus, seu talibus qualitatibus non imbutis progenerantur, vel instrumēto luminis & motus, vel singularis influxus. Lumine & motu tam varia & cōtraria sæpe effecta produci non possunt: quid quod fiant quædam, quo lumē astrorum pertingere non potest. An vero influxu quodā eiusmodi stellarū operatio fiat, infra videbimus. Quam sint hic discrepantes Doctorū opiniones noui:

Piccolomini-  
acus.

Piccolomineus quidē cœlestia corpora tantum pro instrumentis vii ait lumine & motu, non aliis distinctis influxibus, ita tamen illis agere, ut eorum distinctionem etiā prædita sint distincta aliqua facultate, non ex sola intensiōe & remissiōe, sed ex propria sui principii conditione prodeunte. Concedit hic auctor influxus, dum considerantur pro facultate quadam propria variarum stellarū in lumine & motu earum: Reicit vero eos influxus, qui pro distincto instrumento operationis stellarum approbantur a viris etiam auctoritatis summæ. Ut ut sit, obscurum est, nec satis demonstratum, stellas occulta virtute effundere per influentiam, quam dicunt, in nostratia frigus, humorem, siccitatem, facere melancholicos, cholericos,

cos, 202



cos, sanguineos, phlegmaticos homines. Sed infra ex professo de influxu siderum disputabitur.

II An recte sexus affectio tribuatur stellis?

Secundo Astrologi distinguunt sexu Planetas, ita ut Planetarum alios dicant masculinos Planetarū qui plus caloris habent, quam humiditatis: alii masculinos femininos, in quibus humiditas excedit. Illi dicunt Saturnum, Martem, Iouem, Solem, hos Venerem & Lunam. Quendam faciunt generis promiscui, ut Mercurium. is enim fertur cum masculino masculinus, cum feminino femininus esse. At differentia hæc Planetarum e sexu propria esse nequit, siquidem sexus proprie in Planetas nequitiam cadit. Est igitur tropo modificata. Estque vel e Nominibus, vel e Rebus orta. Nominum impositorū ratio hic parit suspicionem: Quatuor enim dicti masculini, virorū nomina adepti sunt, duo feminini, mulierum nominibus notantur: Androgynus est Mercurius, & epicœni generis. Dubium autem esse potest, an ista nominū impositio sit facta ex natura stellarum illarum notatarum, an vero arbitrio Ethnicorū, Saturnum, Iouem, Martem, Phœbum, &c. cœlo inferentium. Certi parum largitur illa nominum ratio: nec enim ideo mascula est stella, quia insignitur nomine maris, non femina, nec ideo feminea est stella, quia nomen eius est Grammaticis feminini generis, seu quia Venus fuit femina. Ridicula conclusio fieret. E rebus & ipsorum Planetarum natura si orta est denominatio & differentia e sexu, ea erit e rebus.

Ec 3



quæ affertur: scilicet, quia plus caloris habent quàm humiditatis. Ergone quicquid caloris plus, humoris minus habet, masculinum nominari debet. Innumera ita masculini generis corpora Physica prodibunt, sed Metaphorica. Physica tamen ratio est in humoris minore & caloris maiore quantitate. At astra pprie humorē &c. habere Peripato nō dicuntur. Quid igitur? Plus caloris habere inferiora, in quæ agunt, faciunt, quam humoris. Metalepsis hebraica est. Redit igitur disputatio ad prius dubium.

III. An bonitatis & malitiae differentia insit Planetis aliq, sint benefici, alii malefici.

**Planetæ benefici.** Deinde Astrologorū sermone nihil est tritius, quam quosdam Planetas nuncupare beneficos, alios maleficos. Tradunt enim bonos & fortunatos esse Iouem & Venerē, quorum hæc *Fortuna minor*, ille *Fortuna maior* appellatur: malos & infortunatos, qui & malefici illis sunt, esse Saturnum & Martem. Ille dicitur ipsis *Infortuna maior*, qui scilicet inferat mala cum tarditate, & quæ diu durant; hic vero *Infortuna minor*, qui subito & cito transeuntia damna importet. Mediocres vero dicuntur Sol, Mercurius & Luna, quod naturam inter bono & malos mediā obtinere censentur.

**Planetæ omnes sunt boni.** Ceterum huius distinctionis ratio aut est ambigua, aut vana prorsus. Bonos esse Planetas omnes credimus. Scaligero etenim docente, Bonitas triplex est *Prima* est affectio entis, quæ non habet contrariam. Hæc est bonitas creaturæ, quæ ex eius manat essentia. Sic stellarum

genus



genus vniuersum bonum est. *Secunda* est rela-  
 tiua, quæ est congruentia quædã naturæ. Huic  
 contrarium est Malum. Hac etiam bonitate  
 sunt astra quæuis bona. Quæcunque enim eis  
 insunt & adsunt, eorum naturæ congruunt:  
 perfecta, pulcra, bona quis non dixerit? *Ter-*  
*tia* est moralis, quæ est perfectio actus cū recta  
 ratione: estque qualitas animæ ad agendum  
 secundum rectam rationem. Hæc bonitas in  
 nullam omnino cadit stellam, quia nulla rati-  
 one vtitur, nulla anima ratiocinatrice prædita  
 est. Prioribus duobus modis omnes stellæ sunt *Omnes stel-*  
 bonæ, nullæ malæ: tertio modo nulla est stel- *læ bonæ.*  
 larum bona. Metaleptice omnes item stellæ  
 bonæ sunt. Omnia enim, quæ fecit Deus, sunt  
 valde bona. Et speciatim Iehoua de stellis ait:  
*Et vidit Deus, quod esset bonum.* Bonum autem  
 naturale producit actionem & effectum bonū  
 naturale. Quælibet enim facultas naturæ agit  
 pro sibi inditavi, & principio suo, naturaliter,  
 non diuersimode, nisi in diuersis subiectis, quæ  
 naturales actiones diuersa affectione accipi-  
 unt, & nisi per accidens. Iam Bona causa,  
 naturaliter bonum efficit effectum. Quod si  
 cuiuspiam malus videatur effectus, malitia illa  
 non vera est, sed opinione tantum. An igitur *Stellæ an*  
 malæ dici possint & maleficæ stellæ videamus. *possint dici*  
 Malum est tale vel simpliciter, vel secundum *malæ?*  
 quid. Simpliciter malum est vel Naturale vel *Malum du-*  
 Morale. Naturale, est mors, vt quæ destruit na- *plex*  
 turam. Planetę naturali malitia mali non sunt. *Malum na-*  
 Quod enim naturaliter bonum, non est natu- *turale.*



raliter malum. Astra omnia sunt, qua creaturæ Dei sunt, naturaliter bona. *Deinde* nullum astrum propria actione intendit vel affert naturæ interitum. Quod vero quædam stellæ illis vel mortem signant, vel mortē inferunt, quodque mortis domus in cœlo fingitur, id magis est Poeticum, quam Astronomicum. Sed postea plura de hac re. Condita sunt sydera a Deo, ut lucerent super terram, essent in signa, tempora, dies & annos. At an in signa omnium & quarumvis, quæ in orbe fiunt, rerum? Postea videbitur. Morale malum, ut *peccatum*, nullo modo cadit in Planetas, quia Deus est auctor Planetarum, at non peccatorum. Et nihil est in stellis, cuius non sit creator Deus. *Deinde* non habent subiectum, scilicet animam vitii capacem. Ergo nec naturaliter, nec moraliter stellæ dici possunt malæ.

Morale.  
Deus au-  
ctor Plane-  
tarum.

Stellæ num  
quæ nō sint  
malæ?

Sed num secūdum quid malæ nominātur? Primum denominatiue non sunt malæ, quia in se malum habent nullum. *Deinde* si causali-ter sunt Planetæ mali (ut videntur innuere Astrologi, vocantes *Maleficos*) sunt causæ mali vel *Culpæ* vel *Pænæ*. Non culpæ (et si dicatur Saturnus facere homines *dolosos, auaros, &c.*) Stellæ enim sunt agentia naturalia. Culpam itaque peccando non admittunt, nisi per metaphoram, naturæ enim peccatum, & aberratio, parit monstrum. Quod si dixeris peccare astra, & malum facere; reuocabis eorum deliria, qui Christum etiam pro astris mortuum docuere. Et in quo vitii prauitas non est, ab eo vitium

Astra non  
peccant.

non



non promanat. Si mali pœnæ caussa est Planeta, erit vel *Signans* vel *Efficiens* mali caussa: & quidem vel Ordinaria vel Extraordinaria organica. Non equidem ordinaria efficiens: quia eodem modo, ut naturali actione, eadem mala ubique proferret. Vix etiam extraordinaria signans est, quia ille motus, & aspectus Planetarū, quo illud significare malum Planetæ existimantur, sunt ordinarii. Et nescio, an ordinaria naturæ positio affectioq; extraordinarie certum malum præsignare possit? Insuper mala illa infundent in hæc inferiora aut Motu & Lumine. At quis hæc fenserit vel dixerit, per lumen fieri, imo probauerit? Incendium sane naturaliter inferre lumine & calore possunt stellæ, sicutatē inducere, & ita annonæ penuriam causari. Hæc sunt facultatibus insitis luminis & caloris: possunt & alia incommoda gignere, at naturali actione. Verum & incerta est actio, non perpetua, & sui similis, & non in positu quodam fundata: cum positus isti sæpius fallant. Aut mala & calamitates ipsaque mors influxu Planetarum obtingunt, & latēter in nostratia a stellis influunt. Virtutes Ethicas, vitia, actiones & mala per scelera illata, pietatem, mortē ipsam, influere cœlitus ex stellis in homines, non crediderim, licet concedatur ex irradiatione astrorum & influxu quodam mutatione temperamentorum nōnunquam vel iuari vel fieri: & superstitiosum esse statuo ad astrorum vim & positus omnes euentus & actiones referre. Sed de influxu infra.

Virtutes & vitia cœlitus in homines non influunt.

E e s



IV. *An vnus Planeta vires vel augeantur vel debilitentur ab alia stella vel cœli loco, vbi item de aliis affect. Astrol.*

**A**strologi tribuunt astris & præcipue Planetis virium incrementum & decrementum, robur & debilitatē: designant enim certa cœli loca, in quibus & virium plus sortiri, & euidentius vires suas depromere, & exercere, existimantur Planetæ, propter aliquā cum loco conuenientiam. Debilitatem etiam accidere docent Planetis, vnde obscurius & remissius Planetæ vires suas exerceant.

**A**sthorū vires num incrementa & decrementa capiant ex loco & aliis stellis. Incrementum.

Verum non immerito dubitari debet, *an a-*  
*sthorum facultates insita incrementa capiant ex loco & aliis cœlorum vicinis stellis?* Incrementum est motus & mutatio quantitatis in re naturali. Intensio itaq; virium aliunde stellis allata, infert etiam aliunde illis mutationem. Aristotelicum hoc non est. *Deinde* locus alius cœli erit stellis commodior ratione naturalis affectionis, alius incommodior, alius augebit, alius imminuet syderum facultates internas. *Item* cœlum ager in ipsa astra, cum contrarium de astris hætenus in scholis obtinuerit. Quod si cœlum seu eius locus, item alia sydera aliorū vim & vires debilitant, adeoque vna alterā stellam eneruat & impedit, certe abeat cum placito sui Peripati Aristoteles, qui contrarietatem actuosam maxime inficiatus est in cœlo. Si igitur vna alteram debilitat, stella in stellam ager, vna alteri obest, vna alterius aduersaria. Quæ certe absurda. Et, me Christe, quæro, quomodo vna



do vna in alteram agat, lumine an influxu? sed ex vno absurdo in multa lapsus est facilis. Comburi etiam illis dicitur Planeta ratione distantiae a sole. Opprimi insuper: hæc proprie non intelligo: si tamen combustionis astrologica vaticinia cōsulueris, apparebit combustionem illam esse veram Planete affectionem, qua realiter in se ipse aliquid patitur: sed ad alia.

Combustio Planetarū quid.

V. An aspectus Planetarum, & coniunctiones Planetarum certi quid præsignificent, vel boni sint & mali?

Coniunctiones Planetarum Astrologi faciunt alias bonas, vt Iouis & Veneris; Iouis & Mercurii; Mercurii & Luna; Iouis & Martis. Horum coniunctiones in bonis cœli locis non impeditæ (aiunt) a malis maleficorum radiis denotant faustos euentus pro ratione loci, in quo fit cōiunctio. Contra si infastis malorum radiis pulsantur, significatio bonitatis non nihil imminui dicitur. Malæ dicuntur cōiunctiones Saturni & Martis, Luna & Martis, Solis & Luna. Ita etiam reliquæ aspectuū species diuiduntur in beneuolos & maleuolos. Hic vero plerique ex superiorum Planetarum coniunctionibus præfagiunt quasi certa confidentia, calamitates futuras, easque certa determinatas specie. Verum Planetarum omnium ortus, obitus, aspectus & alia id genus ad cœli statum pertinentia, possunt Astrologi certo & multo antea præcognoscere. Ergo etiam possent semper infallibili certitudine prædicere euentus futuros, qui etiam prædictioni certo respondeant. At non hoc. Ergo nec illud. Op-

Coniunctiones bonæ.

Coniunctiones malæ.

An ex aspectibus futuris euentus prædici possunt.



Obiectio ab inductionis argumentum, quo multæ inductione. maiorum cōiunctionum, seu superiorum Planetarum cōgredientium inducuntur species,

**Respons.**

ad concludendam significationis vel effectio-  
nis constantem certitudinem. Respondemus  
inductionis legem postulare, vt nullum diffi-  
mile exemplum reperiatur. At plurima diffi-  
milia prædictioni & huic regulæ contraria ex-  
empla obseruantur. *Deinde* quo mense, & quo  
anno in vniuerso orbe terrarum non insignis  
alicubi calamitas incidit? hæccine, quia tum  
in cælo est cōiunctio vel alius aspectus, ad cæ-  
lum referenda? *Deinde* obseruentur contrarii  
euentus, hoc est, prædictionibus & Astrolo-  
gorum regulæ non respondentes, & totidem  
fere contraria inductioni exempla occurrent.  
Habuius anno 83. coniunctiones Planetarū  
sedecim, omnes in piscibus, inter quas fuit et-  
iam Saturni & Iouis. Postea anno 84. quatuor-  
decim coitus fuere in ariete, & Eclipses solis  
& lunæ in Tauro. Anno 86. coniunctiones ap-  
paruere in ariete tredecim. Anno vero 88. cō-  
iunctiones magnæ & quidem duodecim in  
diuersis signis. Quam tristes, funestæ & hor-  
rendæ circumferebantur Astrologorum præ-  
dictiones, ita etiam (quemadmodum hoc an-  
no 97. quidam facere publicis scriptis non e-  
rubuerunt) vt extremi diei horam & iudicium  
vltimum certo definierint temporis articulo.  
Si etiam aliorum temporum & annorum col-  
ligerentur coniunctiones, siue faustæ, siue in-  
faustæ, vel numerus non respondentium ex-  
cederet



cederet earum numerum, quæ dicuntur suas  
secum traxisse operationes. Perdifficile etiam  
est siderum omnium, a quibus (vt volunt) eius-  
modi euenta inhiberi queunt vim & concur-  
sum ad amissum tenere. Nec poterit non con-  
fundi ratio disciplinæ in tanta stellarum mul-  
titudine & influendi varietate, quæ, si est, nulli  
mortalium nota est: præsertim cum alia, quæ  
minus difficilia, minusque recondita haben-  
tur, nondum satis comperta habeant Astro-  
logi, sed in Astromantia hæc prolixius.

C A P U T D E C I M V M.

*De luminarium Eclipsi.*

**G**enera Planetarum sequuntur duo: Prius est eorū, Genera Plas-  
qui circa terram voluuntur: Posterius est eorum, netarum,  
qui circa Solem seu centrum fere motantur.

Circa terram seu centrū fere suum motantur Lu-  
minaria.

Luminaria sunt Planetæ distinguētes diem & no- Quid lumē  
ctem, lucem & tenebras in coelo maximi omnium ap- naria.  
parentes.

Luminaribus quandoque accidit Eclipsis.

Eclipsis est radiorum præcipue solariū auersio seu Eclipsis.  
exclusio, quæ fit interposito corpore opaco.

Eclipsis omnis in Zodiaco, & quidem in nodis, vel Vbi Eclipsis  
prope nodos, intra tamen terminos eclipticos. in Zodaico.

Nodi dicuntur hic puncta, in quibus se intersecant in Nodis.  
via Solis & Lunæ, eorumque figura dicitur Draco.

Nodus Draconis est Superior vel Inferior. Nodus

Superior siue Caput Draconis est punctum illud, v- Draconis.  
bi Luna ab Ecliptica digrediens ad verticem nostrum Superior.  
versus Septentrionem ascendit, vel attollitur.

Inferior siue Cauda Draconis est punctū illud, vbi Inferior.  
Luna ab Ecliptica digrediens Austrū versus descendit. Terminū

Termini Ecliptici sunt distantia ab ytraque inter- Ecliptici.



sectione viæ Solis & Lunæ, tantæ, quantis Eclipsis e-  
uitari potest.

**Eclipsis To-  
talis.**

Eclipsis porro est Totalis vel Partialis.

Totalis est totius diametri visibilis seu apparentis  
luminaris-

**Partialis.**

Partialis est vnius vel aliquot partium seu digitorū.

**Digitus.**

Digitus hoc loco est duodecima luminaris pars.

Partialis illa aut est Dimidiata, aut Non dimidiata.

**Dimidiata.**

Dimidiata est, quando de luminari sex obscuratur  
digiti.

**Non dimi-  
diata.**

Non dimidiata vero est aut Maior aut Minor.

Maior quando plures, quam sex digiti obscurantur.

**Maior.**

Minor, quando pauciores sex digitis obfuscantur.

**Minor.**

#### Quæstio I.

*An stella a Deo hominum causa sint condita?*

**Contra Bo-  
dinum.**

**I**gnosce Lector, quod huc delabar; traxit  
enim me in hanc quæstionem D. Bodinus,  
qui ad hanc: *An cœlestia hominum causa con-  
dita sint?* respondet, perinde est ac si quæras, *an  
homines pecorum causa conditi sint.* Est enim, in-  
quit, finis præstabilior iis, quæ ad finem diriguntur.  
*Quis autem, nisi valde amens, putet terrestria cœ-  
lestibus, elementaria syderibus, tenebras luci, effe-  
cta causis ipsis præstare.* Eo tamen errore arrogans  
hominum imbecillitas implicatur, ut stellas, a qui-  
bus vti/itates incredibiles accipiunt, propter se con-  
ditas arbitrentur. Hæc Bodinus. Verum citra  
arrogantiæ vitium credimus S. S. Scripturæ, &  
sapientissimo Philosopho Solomoni, qui do-  
cet: *Omnia propter hominem condita esse, homi-  
nem autem propter Deum.* Iehoua conditor ho-  
minum & astrorum ait creans sydera: *Sint lu-  
minaria in cœlo in signa, in tempora, &c.* Item ut  
distinguant lucem a tenebris, diem a nocte. Item



*ut luceant terris.* Stellæ ergo si suorum mun-  
 rum naturali ac delegata functione hominib.  
 inferuiunt, eisque sunt vsui, certe in hominum  
 ysum & rem stellæ etiam sunt formatæ. At ve-  
 rum est antecedens. Nobis enim sunt lumina-  
 ria in signa, nobis in tempora, nobis in annos  
 & dies, quis enim hæc obseruat, intelligit, di-  
 stinguit, nisi homo in terra? Hominibus di-  
 stinctio dierum & noctium præcipue designa-  
 tur. Lux etiam præcipuam & digniorem ope-  
 ram nobis nauat. Dauid etiam dignitatem ho-  
 minis magnifice deprædicat, cum ait: *Gloria*  
*& honore coronasti eum.* Et: *Constituiisti eum su-*  
*per omnia opera manuum tuarum.* Minorem  
 vero angelis (qui tamen electis sunt spiritus  
 administri) esse hominem dicit: ceteris igitur  
 omnibus dominatur. At non eadem ratione.  
 Sane cælum ipsum non est ita subiectum im-  
 perio & potestati hominis, vt possit eo vti pro  
 arbitrio suo, quale scilicet imperium habet in  
 animantes: de quo imperio intelligendum est  
 quod subiicitur: *Omnia subiecisti sub pedibus e-*  
*ius.* Quapropter mox id confirmat Dauid, ani-  
 mantium duntaxat exemplo. At enim, licet  
 hac ratione cælum non sit homini subiectum,  
 duplici tamen alia ratione subiaceret homini.  
 Tum quod cælum per se sit inani necdum ra-  
 tione carens, rationali natura multo inferius  
 ac ignobilius esse necesse est: tum etiam, quod  
 cælos omnes & astra fecit Deus in vsum &  
 commoditatem hominis, eiusque ministerio  
 ac seruitio addixit. Quod certe Moyses testifi-

Stellæ in ho-  
 minū vsu  
 & rem sunt  
 creatæ.

Homo do-  
 minatur o-  
 mnib. præ-  
 terquā an-  
 gelis, sed nō  
 eadem ra-  
 tione.

Cælum da-  
 pliciter ho-  
 mini subia-  
 cet.



catus est conceptis verbis, cum in 4. c. Deut. ea ratione probat, *astra non esse adoranda, quod ea Deus creauerit in ministerium cunctis gentibus, quæ sub cælo sunt.* Cum igitur homo tam multis & præclaris a Deo muneribus donatus fuerit, ne ingratiſſimus sit tantorum bonorum largitori, decet profecto, ut Deum quanto maximo potest, studio, ac religione colat, & veneretur: cuiusque iussa diligenter exsequatur, nec vlllo tempore laudes ipsius, ore pariter ac prædicare mente non intermittat. Non itaque metui-  
**Huc Bodi-** mus Bodini arrogantiæ accusationem, neq; no-  
**ne.** stræ dignitatis falces pecudibus submittemus.

## Quæstio II.

*Sitne Eclipsium aliqua prædictio & prænotio.*

**Negatur.**

**E**st sane, sed non talis, quales Astrologorum prædictiones, de anni tempestatibus, aut morbis, aut aliis euentibus, quorū causas falso assignant astris. Nam Eclipses habent ratas causas: propter perpetuos & æquabiles orbium motus: per se, & sua natura immutabiles. Luna enim & Sole diametraliter coniunctis, necesse est fieri obscurationem Solis. Itaque Solis defectiones & Lunæ, prædicuntur in multos annos ab his, qui syderum cursus & motus numeris persequuntur. Ea enim prædicunt isti, quæ naturæ necessitas perfectura est; *ut ait Cic. lib. 2. de Diuin.* Quare demonstratio est futuræ Eclipsis, quæ ex propria sumitur causa, nempe ex motu cælestium corporum, perpetuo æquabili: non autem prædictio est Eclipseos.

I. Obiici-



I. Obiicitur. *At Christus tamen prædixit fore signa in Sole & Luna?* Resp. Christus ea prædixit signa, quæ nunquam fuere prius. At Eclipses Solis & Lunæ iam olim ante Christum natum fuere. Quomodo igitur præteritarum & ordine certo cōtingentium, aut potius necessariarum rerum fit prædictio? Nam Eclipsin prædicere, idem est, quod dicere canem esse parituram catulum, nō vitulum. Ridiculi sunt igitur, qui verba Christi prophetica trahunt ad Eclipses: quæ nō prædici, sed præmōstrari possunt: propter certum naturæ ordinem & propter verbum Dei: quod astra in suo cursu non possunt transgredi: *teste regio Psalte.* Quin imo, ut viderent posterius Christum non loqui de rebus vulgaribus, addidit ipse, *appariturum esse signum filii hominis, & stellas casuras esse de cælo: & virtutes cælorum concussuri.* Qualis autem futura sit illa Solis & Lunæ portentosa obscuratio, id hodie conicere non possumus, sed euentus ipse ostendet.

I. Obiectio. Solutio.

Eclipses nō prædici, sed præmōstrari possunt.

Nota.

II. Obiicitur inductio Eclipsium, quæ semper insecutus sit obitus magnorum Principum, & alæ insignes clades. Quam inductionem exemplorū in exemplis Henrici Ranzonii videris, quibus Astrologia scientia certitudo adstruitur: Tale autem erit argumentum. Quocunque tempore luminaria sunt obscurata, semper insignes subsequuta sunt clades & calamitates in orbe inferiori: quod probari potest per partium & exemplorum inductionem. Ergo Eclipses luminarium sunt causa, vel saltem certa signa, quibus eiusmodi clades.

II. Obiectio.

Syllogism.

Ff.



*des, bella, fames, obitus Principum & alia vere præ-*  
*dici possunt.* Resp. Non sufficit ad certitudi-  
 nem prædictionis demonstrandam, dicere;  
*post celebres luminarium Eclipses hæc vel illa ple-*  
*runque consequi:* sed aperiendum, quid, quan-  
 do, quomodo futurum sit, ubi & quibus. Si Ec-  
 lipsin aliquam consequitur mors Principis a-  
 licuius, nominetur is ipse, si calamitas aliqua  
 publica, ostendatur cuius generis ea sit futura,  
 ubi, quando & quanta. Verisimile est, nullum  
 præterire annum, quo non Princeps aliquis a-  
 licubi moriatur, quoue non alicubi publicæ  
 calamitatis exemplum edatur; huiusmodi ve-  
 ro Eclipses non tam frequenter accidunt, & si  
 quando accidunt, significationes tamen igno-  
 rantur, neque ad ea, quæ fiunt, tanquam causæ  
 ad effectus recte possunt accommodari. *Dein-*  
*de* exemplorū inductio tum non est sufficiens,  
 tum est plane incerta effectu. Nō est sufficiens,  
 quia multæ fiunt naturaliter Eclipses, quibus  
 euentus prædictionū non respondit: nec sem-  
 per Eclipses ferunt publica mala & mortes  
 Principum in ea regione, quam Astrologi de-  
 signarunt; nec publicas calamitates & clades  
 præcedunt, vel causæ, vel signa Eclipses. *Dein-*  
*de* effectu est incerta. Quia prædici neq̃ cer-  
 te, quod genus calamitatis Eclipsin sit insecu-  
 turum. Testor experiētiam etiam doctissimo-  
 rum Astrologorum, quæ sæpius in determinā-  
 da calamitatis specie decipitur & decipit. Exi-  
 mius quidā Astrologus ita argumentatur: *An-*  
*nus 1524. fuit illustris magna illa erraticorum syn-*  
*odo*

Insulsa ac-  
 commodatio euentu-  
 um ad sy-  
 nodos anni  
 1524.



modo in piscibus, cuius vires auxere precedentium  
annorum lunares defectus in eodem signo, & postea  
duorum sequentium plerique in cancro trigoni signo.  
Fuit ergo insignis (inquit) sequens annus 1525. se-  
ditione & strage rusticorum, item captivitate Fran-  
cisci Galliarum regis: Non hic audio prædictio-  
nem ullam, sed plane insulam euentuum ad  
synodum illam erraticorum accommodatio-  
nem, cum iam ante ominati essent inundatio-  
nem quandam generalem, & quasi secundum  
diluuium Astrologi fere omnes, inprimis Io-  
annes Stofflerus, cuius hic vaticinium adicere Vaticiniū  
Io. Stoffleri  
operæpretium putavi. Hoc, inquit, anno nec So-  
lis, nec Luna Eclipsin conspiciamur; sed errantiū  
syderum habitudines miratu dignissima accident. de anno  
1525.  
In mense enim Februario viginti coniunctiones cū  
minime mediocres, tum magnæ accident, quarum  
sedecim signum aqueum possidebunt, quæ uniuersis  
fere orbi, climatibus, regnis, provinciis, statibus,  
dignitatibus, brutis, beluis marinis, cunctisque ter-  
re nascentibus indubitatam mutationē, variatio-  
nem ac alterationem significabunt, talem profecto,  
qualem a pluribus seculis ab Historiographis aut  
natu maioribus vix percepimus. Lenate igitur vi-  
ri Christianissimi capita vestra. Quæ verba quā-  
quam inundationem nō expresserint, eam ta-  
men non obscure minabantur, atque ab aliis  
multis in eam sententiam etiam editis scriptis  
interpretata sunt. Sed parturiebant montes,  
nascebatur ridiculus mus: Sunt qui scribant, Attendat, q  
habet au-  
res.  
eo anno ob æstum & pluuiarū inopiam mul-  
tis passim locis fruges exaruisse: Nimia humi-



ditatis atque imbrium, tum eius, tum sequentium annorum aliquot, nemo mentionē facit.

Quæstio III.

*An Eclipsis solis, quæ fuit moriente Christo, fuerit naturalis?*

Fuit prodigiosa.  
Eusebius.

Constat ex Euangelica historia, Christum fuisse passum decimaquarta Luna primi mensis: quæ fuit prima dies Azymorum. Sicut Exod. 12. præscribitur Iudæis. Tum autem Luna opponebatur Soli: & haud quaquam cum eo coniungebatur. Itaque prodigiosa fuit Eclipsis Solis, quæ a Meridie durabat ad tertiam usque horam. De hac Eusebius: Phlegon, inquit, qui Olympiadum egregius supputator fuit: lib. 13. de Eclipsi ista ait sic: Olympiade 200. magna & excellens inter omnes, quæ ante eam acciderat, obscuratio Solis facta est. Nam diei ad horam sextam ita in noctem est versus, ut stellæ in cælo apparuerint: terræque motus in Bythinia Nicæna urbis multas ades subuerterit. Phlegonem tempus expressisse sub Tiberio Cæsare, testatur Origenes. Dionysius vero, qui tunc in Ægypto fuit, in epistola ad Polycarpum: Eramus, inquit, ego & Appollophanes apud Heliopolim, amboque simul globum Luna mirabiliter incidere Soli observabamus: ipsamque rursum ab hora 9 ad Solis diametrum (id est oppositionem) circa vespere videbamus, supra naturæ vires destitutum. Ferunt hunc Dionysium, cum Solis Eclipsin vidisset in Ægypto, irrupisse in hæc verba: Aut Deus naturæ patitur, aut machina mundi dissolvitur.

Obiectio.

Obiicitur Onuphr. qui in fastis & in Chronico



nico Ecclesiastico, *diem Eclipses illius ait fuisse tertiam post plenilunium, quod eo anno circa occasum Solis diei Martis, vigesimo tertio Martii acciderat?* Resp. Falsum est, *Christum non esse mortuum in ipso plenilunio, sed triduo post:* cum id manifeste sit contra communem doctorum sensum, præsertim vero contra sententiã Dionysii Areopagitæ, qui fuit testis oculatus, & spectator tanti miraculi? Quippe in epistola, quam scripsit ad Polycarpum, alteraque, quam misit ad Appollophanem Philosophum, narrans, *illam Solis Eclipsin, quam simul vidit cum eo magna admiratione, cum in Ægypto essent, eam in plenilunio ipso contigisse, eoque maximo ipsis fuisse miraculo, contestatur.* Nec verum est, quod ait Onuphrius, *Eclipsin illam mirabiliorem fuisse triduo post plenilunium, quam si in ipso plenilunio accidisset.* Nam cum Eclipsis Solis naturaliter nõ fiat, nisi quando Luna cõiuncta Soli, eiusque subiens orbem, aspectum ipsius terris adimit, hinc profecto apparet, quanto Luna a coniunctione cum Sole remotior est, tanto longius abesse ab efficienda Solis Eclipsi. Constat vero, nunquam a Sole magis esse disiunctã Lunam, quã cum est in plenilunio: nunquam igitur minus, quam tunc, naturaliter valet ad efficiendam Solis Eclipsin: quare si tunc fiat, mirabilior sane est, quã si alio vlllo tẽpore fieret.

Solutio.

Quando fiat Eclipsis Solis.

# CAPVT VNDECIMVM.

De Sole.

**L**uminare porro est Maius vel Minus. Luminare maius est Planeta, qui præst dici, dici-  
turque Sol. Luminare  
Maius.

Ff 3



**Quid sit Sol.**

Sol est luminare maius, nempe Planeta omnium maximus & lucidissimus, calorem viuificum cum luce mundo impertiens: motu potissimum communi seu diurno diem: suo autem seu periodico annum & vices temporum efficiens.

Sol dicitur lucis sedes & vehiculum, qui luce lucet propria & natua, & quidem tanta magnitudine est ista lux, vt vniuersum mundum repleat, & radios ad mundi etiam extrema mittat: copia vero eius tanta est, vt alia sidera obscurer.

**Motus Solis.**

Motus Solis præter diurnū est Periodicus, quo Sol anno vertente, sc. dies 365. ciuiles & vnius quadrantē continente, suam absoluit periodum.

**Solis Eclipsis.**

Solis Eclipsis est auersio seu impeditio radiorū solarū ab aliqua parte hæmisphærii terræ (quia vniuersalis esse non potest) interposito corpore Lunæ inter Solem & aspectum nostrum.

**Quādo fiat.**

Fit autem Eclipsis hæc in nouilunio, siue cōiunctione, non quidem vera, sed apparente seu visibili, propter apparentis loci Lunæ a vero loco variationē, quæ dicitur Parallaxis, & facit vt aliquando vera coniunctio præcedat *φαινόμενον σύνόδον*.

**A quib. Eclipsis Solis cernatur.**

Eclipsis Solis ab iis tantum cernitur, quibus Sol est supra Horizontem, non tamen ab omnibus, neq; vno eodemq; modo: quibusdam enim apparet totalis, quibusdam partialis.

**Totalis.**

Totalis Eclipsis fit, cum conus visionis consistit infra conum vmbre, ita vt conus vmbre includat conū visionis.

**Dimidiata.**

Dimidiata Eclipsis Solis fit, quando extrema ora siue superficies corporis Lunæ stringit axem coni visionis.

#### Quæstio I.

*De creatione Solis: quoto mensis die; cur magna luminaria Sol & Luna dicantur?*

**C**reatio Solis & Lunæ ita a Mose describitur cap. i. Genes. *Et fecit Elohim duo luminaria magna, luminare magnum ad dominium diei,*



diei, & *luminare paruum in dominium noctis: Et  
stellas. Et posuit ea Elohim in expansione cœlorū, ad  
illuminandum super terram. At quoto die men-  
sis est creatus Sol? Respondet Beda in Hexa-  
meron. & fusius in libro de ratione temporum;  
hoc quarto die, qui fuit Mercurii, & duodecimus  
Kalendas Aprilis, hoc est vigesimus primus Mar-  
tii, Solem exortu suo quartam Arietis partem in-  
gressum, primum æquinoctium vernum consecras-  
se: quocirca primum mundi diem fuisse decimum  
quintum Kalendas Aprilis, hoc est, decimum octa-  
vum diem Martii.*

Sol quoto  
die mensis  
creatus.

Ceterum cur *Luminaria magna dicuntur Sol  
& Luna, & alterum statim paruum, alterum tan-  
tum magnum appellatur? Resp. Luminaria di-  
cuntur, quia sunt lucida corpora mundum il-  
luminantia. Magna vero ait, tum vt significet,  
longe maiora ea esse, quam nos existimemus,  
oculisque nostris percipiamus: tum etiam ra-  
tione luminis ad nos diffusi: Sol enim & Luna  
plus luminis nobis afferunt, quā reliquæ stel-  
læ. Deinde cōparatio instituitur inter ipsa duo  
luminaria, quorum alterum dicitur Maius,  
nempe Sol, qui amplitudine lucis & magnitu-  
dine corporis stellas omnes superat: alterum  
vero Minus, scilicet Luna, quæ mole corporis,  
& copia lucis a Sole longissime exceditur.*

Cur dicatur  
Sol & Luna  
luminaria.

Cur Sol ma-  
ius, Luna  
minus lu-  
minare di-  
catur.

II. *Qua sit Solis excellentia?*

**N**ihil est equidem omnium, quæ aspectu  
sentiuntur, præclarius, admirabilius, & di-  
uinæ potestatis ac magnificentie illustrius mo-  
numentum, quam Sol, dux & moderator cun-



Solis præ-  
stantia.

In eo admi-  
randa.  
I. Magnitu-  
do.

II. Copia  
lucis.

ctorum syderum omniumque caducarum re-  
rum procreator, & cōseruator. Nihil enim est  
eo, vel aspectu pulcrius, vel efficacitate po-  
tentius, vel vsu, & vtilitate copiosius. Hic nam-  
que tenebras fugat, rerum colores, vel facit, vel  
ostendit, cuncta exhilarat, omniumq; animan-  
tium oculos atque animos insatiabili volupta-  
te complet, & mundo salutarem maximeque  
vitalem & cunctas naturas augentem, nutritā-  
tem sensuque afficientem calorem largitur. Ex  
quo factum est, vt a viris doctis, omnium rerū  
*mortalium parens & altor* rite nominetur. In eo  
multa sunt præcipue mira. In primis magnitu-  
do ipsius, etenim vniuersum aque simul & ter-  
ræ globum, centies sexagies septies, Sol vnus  
exsuperat: stellas quoque inerrantes, primæ  
magnitudinis appellatas, & quindecim tātum  
in octauo orbe designatas ab Astrologis, mul-  
tum excedit: siquidem illæ nō amplius, quam  
centies & septies aque & terræque molem supe-  
rant. *Deinde* in eo est incredibilis copia lucis,  
vt qui vnus duntaxat penitus fugādis tenebris  
reddēdoq; diei sufficiat, id quod cetera omnia  
sydera simul coniuncta præstare non possunt;  
quorum item lux præstantia Solis præstingui-  
tur & occultatur. Adiice quod Plinius, Auicē-  
na, Albertus, Beda, Astrologi, nec pauci de  
Theologis, totius lucis, quæ inest in aliis qui-  
buscunque syderibus, Solem esse quasi *fontem*  
& *auctorem* non temere opinantur. Ad hoc,  
Sol annuo cursu & vnico sui spatii circuitu,  
principaliū tempestatum, vices facit & variat,  
hyemem



hyemem dico, æstatem, ver, & autumnum, & cetera, quæ his necessario vel adiuncta sunt vel consequentia. Daud in Psal. 18 pulcritudinem solis comparat sponso, qui e thalamo suo speciosissimus summo ornatu & decore procedit: vim autem & impetum eius comparat giganti: siquidem eius circumuectio, tanta celeritate ab extremo Oriente fertur ad extremum Occidentem: atque inde ad dexteram cœli regionem reuoluitur, vt vno integro circuitu diem noctemque cōficiat, modo sublimem sese nobis ostendēs, modo sub pedibus ab oculis nostris oblitescens & oppositas nobis terræ atq; aeris regiones, longe lateque occupans: nulum orbis locum non suo fulgore caloreque perlustrans. In libro autem Ecclesiastici multis verbis extollitur solis præstantia. Prima ab opificii magnitudine cum dicitur, *Sol vas admirabile opus excelsi*: tum ab opificis excellentia, cum dicitur, *Magnus Dominus qui fecit illum*: Postea a coloris efficacia cum subditur, *In meridiano exurit terras, & in conspectu ardoris eius, quis poterit sustinere*: denique, a luminis excellentia: additur enim, *radios igneos exsufflans & resurgens radiis suis, obcœrat oculos*: denique a cursus celeritate, nam subiungitur: *Et in sermonibus eius festinauit iter, hoc est, sermonem seu verbum Dei siue eius mandatum, & præceptum custodiens & exsequens, magna festinatione iter suum conficit, adeo vt singulis diebus immensum cœli gyrum circumbeat & totum orbem ambiat.* Dionysius Areopagita in lib. de diuinis nominibus, &

III. Pulcritudo Solis.

Ecclesiasticus quibus verbis Solis præstantiam extollat.

Dionysius Arcopagita.

Ff s



in 4. cap. primæ partis, Solem facit euidentem & expressam diuinæ bonitatis imaginem, tū quia Sol non cogitatione aut electione, sed eo ipso quod est, illuminat omnia, quæ pro modo suo participationē lucis admittunt: ita diuinum bonum ipsa sua substantia, omnibus, quæ sunt pro captu cuiusq, totius bonitatis iniicit radios: tum etiam, quia ut ipse in eodem libro infra in cap. 5. 4 partis tradit, Sol unus cum sit, sensibilibus tamen rerū substantias & qualitates uniformem infundendo lucem, renouat, nutrit, seruat, perficit, discriminat, coniungit, refouet, fecundat, auget, immutat, firmat, impellit, sustollit, viuificatque omnia & quodlibet ex omnibus, modo sibi congruo, unius eiusdemque solis est particeps, plurimorumque participantium, Sol unus in se ipso causas ante uniformiter habuit. Sic Dionysius. Sed ut verbo dicam, tanta est Solis excellentia inter omnia, quæ patent sensibus nostris, ut permulti Solem quasi diuinum numen adorauerint, & diuino honore cultuque affecerint: a quorum sensu nō videtur abhoruisse Plin. quippe in 2. lib. c. 6. ita de Sole scripsit, septem syderum, quæ ab incessu vocamus errantia, cum errent, nulla minus illis medius Sol fertur amplissima magnitudine & potestate: nec temporum modo terrarumq, sed syderum etiam ipsorum cœliq, rector. Hunc mundi totius esse animū ac mentem, hūc principale naturæ regimen ac numen credere decet, opera eius æstimantes, hic lucem rebus ministrat, aufertque tenebras, hic reliqua sydera occultat, hic vices temporum annumq, semper renascentem ex usu naturæ temperat: hic cœli

tristitiano

Superstitio-  
sus Solis cul-  
tus.



iristitiam discutit, atque etiam humani nubila a-  
nimi serenat: hic suum lumen ceteris quoque syde-  
ribus fœnerat, præclarus, eximius, omnia intuens,  
omnia etiam exaudiens, ut principi literarum Ho-  
mero placuisse in uno eo video. Hactenus fuere  
Plinii verba. Moses igitur prouidens, facilem  
hominum fore in hunc errorum lapsum, præ-  
sertim Hebræorum, quorum valde lubrica e-  
rant ad superstitiones gentium ingenia, præ-  
monuit Hebræos in cap. 4. Deuteronomii, ne  
vel Solis vel Luna ceterorumque astrorum pulcri-  
tudine & utilitate commoti, vel errore gentiū de-  
cepti ea sydera colerent ac venerarentur, quæ Deus  
in ministerium, & cunctarum gentium usum quæ  
sub cælo sunt, cōdidit. Verum nec monitis ipsius  
Mosis nec Prophetarum documentis, Hebræi  
ab errore cohiberi potuerunt. Legimus apud  
Ezechielem cap. 8. Deum Ezechieli demonstra-  
se quosdam Iudeos, qui exorientem Solem adora-  
bant. Legimus etiam in libr. 4. Regum cap. 23.  
Josiam regem Iuda proiecisse de templo & combus-  
sisse vasa, facta dicataque, vniuersæ militia cœli, eos  
quoque de medio sustulisse, qui Soli, Luna, & duo-  
decim signis incensum adolebāt: abstulisse præter-  
ea equos a regibus Iuda consecratos Soli, currus itē  
Solis igne combussisse: equi autem, religione ritusque  
Persarum sacri erant Soli.

Moses vetas  
Solem colit

Adoratio  
Solis.

Hæc quidem illi, nec sane sine caussa: vide-  
runt enim & perceperunt Solis ineffabilem v-  
tilitatem in mundum hunc inferiorem exun-  
dantem: quæ ad duo potest reuocari genera,  
nempe temporis distinctionem, ac inferiorū

Vtilitas So-  
lis bifaria.



**I. Distinctio temporis.** forum ac viuificationem. Distinctio temporis ea præsertim beneficio Solis fit, quã vocamus

**II. Viuificatio.**

dierum noctiumq; commutationem, & quadripartitas anni vicissitudines, quæ fit motu partim Solis proprio, partim communi. *Deinde* calore suo ac efficacia, accessu coniectuque & allisu radiorum, teporem affert aeri, fusis, q constiterant, humoribus, terra laxata & illis diluta, Fauoniorum elicit flatus, quibus terram vegetat & fœcundat, redundantes etiam noxiosque liquores validiore depastu absorbet, reliquos cum auidioribus miscet exactius. Calorem & sanguinem animantium accendit, humoresque ciet in corporibus, vegetioresq; excitat ad generationem. Et plura alia efficit. At Soli, Dei creatoris organo huic efficaci, non est tribuendum nimium, nec ea ei vendicanda, quæ per Solem Deus non efficit, nec creatura in numen est transformanda.

**III. Quæstio.**

*Sol quid sit nomine & re?*

**Notatio vocis.**

**H**Ebræi vocant Solem sua lingua *Schemesch*, quasi *administrum lucis*: Græci ἥλιον, voce deriuata ἀπὸ τοῦ αἰεὶ ἐλθῖν, a *perpetua reuolutione*, vt Platoni placet in Cratylo: Latini vero Solē dicunt, q̄ *Solus ceteris stellis occultatis luceat*, teste Cic. lib. 2. de Nat. Deorum. Sed quid sit Sol re

**Definitio.**

ipsa difficilior est inquisitio. Est equidem, *ut refert Plinius*, Sol mūdi totius cor & animus creditus, & mens, & principale naturæ regimen & numen. Hic reliquorū syderum rector, qui ea occultat & iterum reuelat: qui cœli tristitiam



tiam discutit, aeris humanæque mentis nubila  
ferenat. Hunc Orpheus *omnia cernentem* dixit  
habere aeternum oculum, Plato *summi boni qua-*  
*si prolem & sensibile simulacrum* nuncupauit.  
Quid igitur tandem est: Græcorum Philoso-  
phorum, Patricio recte iudicante, maior pars  
satis simpliciter, ne dicam fatue, de eo sunt lo-  
quuti. Anaximander namque *cauam fornicem*  
*esse igne plenam* affirmavit. Xenophanes *esse vel*  
*nubem accensam, vel igniculos, ab humido ascen-*  
*dentes, & in Solem coagmentatos.* Anaxagoras,  
Metrodorus, *ignitâ esse petram* docuerunt. An-  
tipho, Hecataeus, Diogenes *esse pumicem, ab æ-*  
*theris accensum radis.* Heraclitus, *accessionem*  
*esse ex mari, quæ in Oriente accendatur, in Occi-*  
*dente exstinguatur.* Philolaus *duplicem esse Lu-*  
*cem.* Primam *per se, & supra mundum, quæ, per*  
*vitreum aliquod, qui sit Sol, refrangatur, & per id*  
*ad nos lucem transmittat secundam.* Vel Solem *es-*  
*se ignem in cælo, qui Lumen, alium scilicet ignem*  
*ad nos transmittat, & esse tertiam luminis refra-*  
*ctionem.* Cum Philolao videtur Empedocles  
fere sensisse idem. Nam duos dixit *esse Soles, alte-*  
*rum archetypum, alterum hunc, quem cernimus*  
*archetypi imaginem.* Anaximenes & Parmeni-  
des, *esse quid igneum.* Euripides *ignem.* Plato *ex*  
*plurimo igne.* Arist. *ex quinta essentia cælesti.* Ze-  
no Stoicorū pater, & ipse *ignem esse* dixit. Stoici  
quidam Heraclitum potius, quam auctorem  
suum sequuti, *accensionem esse e mari illuc subla-*  
*tam.* Epicurus *terrestre quid in modum pumicis*  
*excauatum, rotundum, & ab igne ardens.* Forni-

Varie de So-  
le opinio-  
nes.



ces, petras, pumices, vitra, nubes, e mari vapores, vti fatuas mittamus.

Solis definitio Christiana.

Nobis autem Sol est luminare magnū, conditum a Deo, quarto die *παργενεσις*: vt motu cœli lucem primogenitam circumferat, & suo recessu, atque accessu ad certas metas reuertatur, in tempora, in menses, in dies & annos. Primo quidem die lucis natura fuit condita, quæ suis circumscripta terminis, diem ac noctem per vices constituebat, sed quarto die solarem globum fecit Deus, vt primogenitæ illius lucis esset vehiculum. Quemadmodum enim aliud quiddam est ignis, & aliud lucerna: quorum alterum habet vim lucendi, alterum eo factū, vt indigentibus lumen præbeat: ita & duo illa luminaria sunt creata, vt illius lucis purissimæ, & omni materia remotæ, essent vehicula: *Basil. 6. Homil. in Hexaem.* Voluit autem lucem istam colligere, & in globum collocare, vt promanantes inde radios, per discum non nihil velut obscuratos, visui nostro idoneos ac conuenientes redderet. Nam de Theodoretī sententia, cum oculis prædita sunt animalia & homines: ideo lucem illam primogenitam, & primo die rebus immisam, non potuissent ferre. Vide *Glyc. i. part. Annal.*

Quæstio IV. Patriciana.

*An Sol sit vere igneus, seu æthereus ignis.*

**A**ffirmat quæstionem, eamq; operose demonstrare nititur, tum auctoritate Philosophorum, tum rationibus. Quoad auctoritatē, ait Zoroastrem sibi assentiri cum, ita canit:

*Sex*



*Sex suspendit Zonas. Septimum Solis. In medium  
iecit ignem. Et iterum: Ignis ab igne derivatio, &  
ignis dispensator. Sol, inquit, ignis est, & ab igne* **Patricius.**  
est derivatus, & ignem dispensat, hunc scilicet  
nostratem. At a quo igne est derivatus? ab Ar-  
chetypo illo Empedocleo, a prima illa Philo-  
lai supramundana luce. Quam nos *primæum*  
appellauimus *lumen*, a quo & empyreum ostē-  
dimus esse constitutum, & in æthere luces, ac  
flammas, & faces omnes, quas *astra, stellas, as-  
sydera* nominamus. Et quod *ἡρώδης* *ἀστέρας* su-  
percœleste astrum fuit Philoni solisq; exem-  
plar. Horum virorū auctoritates tam insignes,  
auctoritati Aristotelis vnica, pculdubio sunt  
anteferendę. Sed & rationibus, & multis, & va-  
lidis, a luce, & lumine, a calore, a micantia, a fi-  
gura, a radiatione, & a calore antea demonstra-  
uimus, astra omnia esse ignes, flammæque lu-  
cesque, a lumine per ætherei fluoris densatio-  
nem accēsas, & triplices esse ignes, & diximus,  
& dicimus, primæum illud lumen & empy-  
reū, stellas & Solem, & ignes reliquos elemē-  
tares, hos corruptibiles, illos incorruptibiles,  
æthereos hos, illos hyleos. Cōcludamus igitur **Sol est ignis**  
indubie, cū stellis omnibus, præter Lunā, So-  
lem esse ignē. At qualis ignis, vt stellas mitta-  
mus nunc, est ipse Sol? Carbone accensus, an **Sol qualis  
sit ignis.**  
flamma? Nam qui Græcorū, *vel petram, vel pu-  
micem, vel vitrū, eum esse* dixerunt, carbonē esse  
sunt opinati. Quivero nubem, vel e mari vapo-  
rem accensum, flammam esse voluerunt. Alii  
ignem simpliciter nominarunt, sed qualem



**Ignis tri-  
plex.**

**Sol sit ne  
carbo, flam-  
ma, an lux.  
Nō est car-  
bo.**

**Nec flāma.  
Sed lux.**

**Flamma an  
sit fumus  
ardens.  
Fumus an  
sit exhal-  
tio sicca.**

non expreſſerunt. Nam triplicem ignem Philoſophi multi voluerunt, carbonē, flammam, & *φῶς*, quod & *lucem*, & *lumen* dicit. Viuit ergo ad huc quaëſtio, *Carbo ne, an flamma, an lux ſit Sol?* Sane in æthere, nulla videtur, craſſa eſſe materia. Carbo igitur non eſt, vel ex petra, vel ex pumice, vel ex vitro, neq; ibi eſt fumus ullus, aut vapor, aut e nube, aut e mari. Igitur Sol non eſt flamma. Flamma enim fumus ardēs eſt. Sol ergo lumen & lux erit Sol? Quid ergo dixit Philo, *φλογὸς πῖλιννα πολλῆς*, *Flamma compa-ctio multa?* vel vtrumque locum in Sole habuerit, & flamma, & lumen? *Si flamma eſt*, ergo *fumus ardens eſt*, inquiet Peripatus. At ibi nullus fumus eſt, neque hinc illuc aſcendit. Si neque ibi eſt, neque aſcendit, ergo ibi nulla flamma. Ergo Sol flamma non eſt. Vera conclusio, ſi flamma omnis fumus ardens eſſet. Sed ſi flamma, ſine fumo eſſe queat, vera non erit, & in æthere flamma eſſe poterit. Hinc enim apud nos, ſepe cernimus, flammā eſſe & ſine fumo eſſe, ardere tamē in fluore, vt in vino ſtillatitio lin-teolum ardet, nullo inde ſurgente fumo. Ardet ipſum ſtillatitium per ſe vinum. Olei, picis, bituminis, ſulphuris ſuperficiem flamma lambit. Flamma, quæ meum pileum & pallium, vt ſupra narratum, arſit in nullo fumo, ſed in imbris guttulis eſt accenſa. Falsum ergo eſt flammam eſſe ardentem fumū. Eſt aliquādo, nō eſt ſemper. Sed & illud ridiculum, quod Peripatus aſſeuerat, fumum eſſe exhalationē ſiccā. Sed hoc poſtea, rem modo noſtram. Experimentiſimum



mentis hisce & fumus, & fluor ardet, flammā-  
 que facit. Fumus & fluor apud nos, in æthere  
 fluor solus. Quod si verum est, vt vere est, quid  
 prohibet Solem ceteraq; sydera, non è fumo,  
 sed e fluore, flammās esse, non quales nostra-  
 tes, quæ ex postremis sunt, & fumis & fluori-  
 bus, sed æthereas ex fluoribus primariis, ac lu-  
 cibus, in fluore ergo æthereo, Sol, flamma est,  
 ὁλοὺς πύλημα πολλῶν, *flamma coagulum multa.*  
 Quod & effectibus prodit multis. Radii eius  
 ardentissimi ab iis sentiuntur, quos proxime  
 ad æquatorem aspicit. Et aquæ ibi rarissima, &  
 campi & montes arentes Et animantia præ ca-  
 lore æstuantia, & homines cute nigerrimi. De  
 quibus postea. Sol ergo flamma est. Sed cur, Sol cur non  
 non sit etiam anthrax? Nam apud nos quanto sit anthrax.  
 vel anthrax, vel flamma est in materia densio-  
 re, tanto sunt τὸ διασπικόν, καὶ τὸ διαρηπικόν. Di-  
 uidit enim & distare partes facit. Sed Sol præ-  
 ter hæc, occultam quādam possidet virtutem,  
 tamque admirabilem. De qua Salomon hæc  
 scripsit: *Quod enim ab igne, non poterat extermi-*  
*ari, statim ab exiguo radio solis calefactum, ta-*  
*lescat.* Potentior ergo Solis radius, quam ignis Radi' Solis  
 est, quia spiritum secum vehit, rerum omnium potentior,  
 effectorem & effectorem, vti loqui solent, im- quā ignis.  
 mediatum, *De quo postea suo loco.* Itaq; quoniā  
 Sol, & calore, & colore suo p̄dit, sese ardentif-  
 mum esse, necesse est eum, vel anthracem ef-  
 fectorem, vel compactam, & densatam valde flammā,  
 vel compactam & densatam valde lucem, vel  
 eorum duo, vel omnia. Esto sane omnia, sed

Gg



Solest an-  
thrax æthe-  
reus.

Anthracem  
æthereum  
ardere.

Solis flam-  
mam tre-  
mere.

quomodo aut qua ratione? Anthrax quidem est, non ligneus, non lapideus, non pumiceus, non vitreus. Quales sunt apud nos anthraces. Sed anthrax æthereus, ex fluore primigenio, in æthere admodum compactus. Et calore, & lumine primævis accensus, & in densissimam coactus lucem. Quæ eadē, & anthrax sit & flamma, & flamma sit & lux, & anthrax. Et anthrax, & lux eadem & flamma. Ardere autē hunc anthracem nō similē nostratibus, sed æthereum, duo quæ apud nos fiunt, satis ex monitu illo Aristoteleo, contestantur. Anthraces nostri exiguum præbent flammam si habeant, longe lateque diffundunt lumen. Secundū, quod dum flamma est, tremere non desinit: vnde & lumē, quod ab ea emicat, ad umbrarum confinia, tremat quoque. Ita si Sol anthrax tantum esset accensus, pro magnitudine sua, luceret lōge minus, quam nunc lucet, & radios non tam longe iacularetur, & lumine non impleret vniuersum. Quæ opera flammatarum, non anthracum sunt propria. Tremere autem modo nostratis solis flammam duo sunt manifestissimo argumēto. *Alterum* quod radius eius, per foramen domum ingressus, ab ingressu totus tremere videtur in aere. *Alterum* vbi solum ferit, ad umbrarum confinia etiam tremat. Et *tertio* si foramen, introitum det angustum, in solo radius totus tremat. Si det latiore in medio nō tremat, luminis copia cum tremore interimente. Sol igitur, fluore æthereo densissimo compactus, anthrax lucis & flamma est factus,

sicuti



sicuti & astra, sed compactione & maiore, & densiore; atque ideo ardentiore. Quid vero ita? quia conditoris sapientiæ & prouidentie ita visum. Vt id scilicet corpus, quod corporibus omnibus, lucere debuit, & calorem, & vitam, & bona omnia præstare, muneri suo sufficeret. Nam in tenui materia, tenuis quoque flamma est, & tenue ex ea lumen emicat, & tenuis calor, ita ut in longinquum minime possint pertingere. In densiore vero e contra, & lux, & calor maior, & flamma vehementior. Et lumen & calor inde promicantes longius porriguntur. Hac ergo finali causa, summus Solis opifex, qui nihil frustra facit, ex densissimo æthereo fluore, eum compilauit. Vt non immerito Peripatericus Albertus; sed quo casu nescio (neque enim in Peripato hoc docetur) protulerit, Solem corporum omnium simplicium esse densissimum. Et si densitas id possit efficere, a reliquis stellis substantia longe esse diuersum. Sed non ea ratione, quam ipse affert, scilicet quod solus Sol luceat, stellæ ab eo lumen accipiant & luceant. Omnes namque stellæ ostendimus nos lucere per se, vna excepta Luna: atque esse flammæ, & nunc addimus etiam anthracas. Cōcludamus ergo hanc, de Solis substantia quæstionem. Solem sine dubio esse æthereum ignem, in fluore primigenio, a lumine & calore primigeniis accensum, omnium simplicium densissimum & vere πλανήτων coagmentationē flammæ plurimæ, ideoque lucidissimæ; & luculentissimæ, & ardentissimæ, & calentissimæ.

Sol corporū  
simplicium  
densissim⁹.

Omnes stel  
læ, excepta  
Luna, per se  
lucent.  
Conclusio  
quæstionis.



## Quæstio V.

*De Solis magnitudine an certo sciri possit a nobis.*

Scriptura.

**S**criptura ait, *Luminaria magna esse Solem & Lunam, & quidem Solem luminare maius:* quæ autem quantitas eius sit, scriptura tacet.

Philosophi. Philosophorum vero Ethnicorū de Solis magnitudine varię fuerunt sententię, quas refert

Astronomi. Plutarchus *lib. 11. de Placitis phil. cap. 21.* Astronomorum quidem nostrorum opinio est, *ingentem Solis magnitudinem necessariis Mathematicorum rationibus explorate perceptam, & in confesso apud omnes.* Primo aiunt, magnitudinē eius intelligi ex comparatione eius cum terra, cuius globum centies sexagies sexies excedat. *Deinde* palam hoc esse docet, contentione Solis facta cum aliis syderibus; nam stellarū, quas vocāt Astrologi, primæ magnitudinis, & quindecim tantum in octauo suo cœlo numerant, quælibet illis terræ magnitudinem continet, non amplius, quam centies & septies. Quanto autem amplior sit, quam luna, vix credi potest: nam esse maiorem ipsa septies millies & quingenties superque tricies nouies, compertum se habere Mathematici profitentur. Dicunt etiam iidem, Solem distare a centro terræ 10395000. milliariis Germanicis. Quid autem fidei sit habendum, non ego pronuntiare ausim, alios audire malim. Frischlinus, vt supra vidimus, parum illis idē adhibet, vt ex Ieremia & Esra docet. Audiamus etiam iudicium Francisci Patricii de quantitate Solis. Sic autē differit *lib. 19. Pancosmias. Solem terra esse maiorem*

Francis. Patricius.



iorem Optici facile se demonstrare posse confidunt,  
 Et eos secuti Astronomi, ea demonstratione uti cer-  
 tissima utuntur. Aristarchus Samius, nescio, an  
 primus huius rei demonstrator, ait: Si Sphæra lu-  
 cida atque illuminans, sit illuminata Sphæra æqua-  
 lis, ab hac in oppositam partem proicietur umbra  
 columnaris in infinitum. Si illuminans sit mi-  
 nor, illuminata maior, tunc umbra proicietur ce-  
 lathoides semper latior in infinitum. Si vero illumi-  
 nans sit maior, tunc umbra semper angustior in pro-  
 gressu desinet in conum. At Sol proculdubio, Sphæ-  
 ra lucida est, terra, opaca Sphæra est. Terra a Sole  
 illuminata, umbram noctu iacit, quæ in conum de-  
 sinit. Ergo Sol, terra, est maior. In conum autem eam  
 umbram desinere, ex Luna Eclipsi probant, quæ in  
 eam umbram incidens, Eclipsin sui luminis patitur.  
 At hæc demonstratio partim nulla est, partim est  
 aliqd. Est quidē aliquid, quia in umbra aliquid est,  
 ut Luna quæ lumen proprium non habet, obscura-  
 tur. At eadem obscuratio ei accideret, si in umbram  
 vel calathiam, vel columnarem ingrederetur. Si  
 tota in umbram incideret, tota obscuraretur. Si in  
 collaterales umbræ lineas ingrederetur, tanta par-  
 te, quanta in umbra remaneret, quanta vero extra  
 eas esset, non eclipsaretur, quod in conoide sola, pri-  
 mo errore, dicunt ei euenire. Cuius non magis pro-  
 pria est, quam duabus etiam aliis sit communis.  
 Nulla autem est demonstratio, quia secundo erro-  
 re, conicam esse terræ umbram non demonstrant.  
 Addunt, tertio errore pro argumento, ideo conicam  
 esse, quia in orbe Mercurii, aut etiam Veneris desi-  
 nit, cum aliæ duæ in infinitum, quarto errore, ha-



beant. Conicam quinto errore, in his orbibus putant  
desinere, quia nec Mercurius, nec Venus eclipsan-  
tur. Id autem, quia in eam non incidunt. Non in-  
cidunt autem, quia illa esse desit. Desit autem, quia  
in coni desinit apicem. Sed his omnibus falluntur,  
præter quam quod desierit. Nam desit ea quidem,  
non quia ipsi aiunt ratione. Sed quia luces Mercu-  
rii & Veneris, tantum lumen de se, & circa se ef-  
fundunt, ut eam umbram vincant & diluant, nec am-  
plius umbram esse sinant. Lumen. n. & umbras & te-  
nebras et superat: non autem tenebræ vincunt lumen, &  
umbra multo minus. Id quotidiano videmus ex-  
perimento, pusilla candela flammula in tenebrosam  
cubiculum illata. Veneris autem tantum lumen est, ut  
tenebrosissima nocte usque ad nos pertingat, & itine-  
rantibus viam illuminet. Mercurii lumen nunquam vidi-  
mus, sed Luna ipsamet dum in Eclipsi est, quod dicimus  
verum esse prodit. Umbra enim, in qua est, ea par-  
te, qua est rubicunda, ea rubedine ita superatur,  
ut non impediat, quin a nobis cerni queat. Et si ma-  
gis super se esset luminosa, nullam unquam patere-  
tur Eclipsin. Et si Sol eam pati dicitur, id, non quia  
obscuratur sit, sed quia Luna opacitate sua, eius lu-  
cem nobis occulit. Itaque tot erroribus fulta demō-  
stratio, quomodo ostendet, aut persuadeat, Solem  
esse maiorem terra? Etsi in tanta, & tam evidenti  
re Astronomi, omnes sunt decepti, quibus eorum  
demonstrationibus, aut instrumentis credere pos-  
simus, aut debemus, Solem esse non solum terra ma-  
iorem, sed maiorem centies sexagies sexies? Nos  
vero, quid de Solis magnitudine audebimus phy-  
sice proferre? Sane certi nihil, præterquam hoc unum,  
eum.



*eum esse ignem maximum. Qui possit, & elementa Sol ignis omnia, nec minus athera totum illuminare, & calefacere. Lumen enim & calorem sensibus habemus. Ratio autem dicat, sit tam longe lumen & calorem suum diffundit, & in corpora a se longe diuersa, qualia sunt elementa, eum facilius in proximiora, & similia sibi, id ipsum facere. Et longe magis, quia nullo videtur obice impediri.*

VI. Quæstio de situ Solis.

*An Sol sit Medius Planetarum, ex F. Patricio.*

**N**ON minor est de situ Solis incertitudo. Inter n. veteres Philosophos Zoroaster, uti vidimus, in medio sex Planetarum collocauit. Hermes vero, illico supra Lunam eum posuit, quem & Plato, & Aristoteles sunt secuti. Ducti ni fallor, quod eiusdem fere viderentur esse magnitudinis. Et ex calore, quem ab eius radiis sentiebant, eum non procul, ut cetera astra esse existimarent. Ante Platonem vero Anaximander, & Metrodorus & Crates, supra etiam stellas fixas Solem ponebant, & sub eo Lunam. Aristoteles ad Alexandrum scripsit, supra Solem esse Venerem, & supra eam Mercurium. Astronomi vero posteriores medium inter Planetas locum ei deputarunt, demonstrationibus partim puerilibus, partim ab aspectus diuersitate ductis. Pueriles illæ sunt, quando aiunt, eum uti astrorum, & Planetarum regem in medio sedere debere loco: Cuius ve' uti consiliarius sit Saturnus, Iupiter index, Mars exercitus dux, Venus, uti materfamilias, Mercurius uti scriba, Luna uti nuntius. Quibus, in re tanta, quid nugacius? Simile

Zoroaster.  
Hermes:

Anaximander, Metrodorus, Crates.  
Aristoteles.  
Astronomi:



huic, quando eum *cordi medio* comparant, reliquos *membris aliis animalium*. Neque enim cor in medio est corporis, neque membra sunt aliis comparanda. Diuersitas autem aspectus, per instrumentorum fallacias, in neutram nos partem, certitudine vlla inclinat, atq; ideo certi nihil pronuntiamus. Hoc vnum dicimus, si verum sit, quod Proclus & Damascius crediderunt, *Chaldaeorum Theologiam fuisse* *θεοπαγίδα* *απο τοῦ Θεοῦ* *traditam*, cum ea sentiemus, *Solem inter Planetas, medium stare*. Si vero ex *simplici Astrologia*, Zoroaster ita pronuntiauit, *ex calore & magnitudine, & luce viuaciore, & radiorum viribus*, Platonis sententiæ assentiemur libentius. Quoniam tria hæc, longe maiorem, quam Astronomorum discordantium instrumenta, certitudinem nobis promittere videntur.

## VII. Quæstio.

*An Sol reliquis suum tribuat, auferatue lumen.*

Quæstio.

Sed Sol, ait idē Philosophus Patricius, *astris ne omnibus, ea sui luminis iaculatione, lumen suū tribuit, eaque lucere facit?* Tribuit quidem omnibus, sed lucere nequaquam facit. Nam & ipsa flammæ sunt, & sua essentia lux sunt, non minus & suis viribus lucere possunt, & lucent. Sed lumen suum, eis Sol addit, lucemque eorū reddit lucidiorem. Lucem ergo eis non indit, sed insitam adauget. At *cur præsentē Sole, stellæ non cernuntur? non lucent? Num eis econtra lucem adimit, eamque ita diluit, ut lucere nequeant?* Id non Solis, non stellarum culpa fit, sed oculorum nostrorum hic est defectus. Qui in tam  
amplo,

Sole præsentē cur non conspiciantur stellæ.



amplo, apertoq; Solis lumine radios suos visu-  
ales, qui & ipsi, vt patebit postea, lucidi sunt, &  
intra oculū & extra, ita debilitat & reddit lan-  
guidos, vt luces alias discernere nequeant, etiā  
aliquando vicinas. Lumen etiam maius, vř est  
in dictorio, offuscat minus. Experimenta id cō-  
probant. Flamma satis magna ad Petram ma-  
lam in Hetruria, emicat e terra. Qui illa iter  
noctu faciunt, & sub aurorā, a longe eam con-  
spiciunt. Sereno vero die, interuallo itineris  
eodem, vix discernitur, ob solaris luminis co-  
piam ac vigorem. Si vero radii visuales congre-  
gentur in profundo puteo, sursumque suspi-  
ciant, tunc sidera cernuntur. Id & Astronomi  
quidam cōfirmant, & experientia docet. Non  
igitur Sol, stellis, lumē adimit vnquam. Si can-  
dele & faces interdū accendantur, & Solis lu-  
mini, vel opponantur, vel etiam intra lumen  
ponantur, languent, & fere a nobis non visun-  
tur, non tamen exstinguuntur. Si flamma hæc  
nostras in tenuissima fuerit materia, per rare-  
factionem maiorem exstingui aliquando con-  
tinget. Eadem noctu lumine maiore, nobisq;  
propiore, etiam si lumen suum vsq; ad nos nō  
porrigit, lucem tamen suam, etiam in tenebris  
ostentat. Ita est de stellis. Sed cur, *luces illa, cum  
suum quæque proprium lumen emicet noctu, æther  
tamen illuminatus non apparet?* Magnam qui-  
dem res hæc dubitationem afferat, quādo So-  
lis lumen etiam tunc fulgens, interdū in æthe-  
re cernitur, cur non & astrorum lumen discer-  
nitur noctu? Id euenire existimandum, quia

Lumē ma-  
ius an obsu-  
scet minus

Sol stellis  
nunquam  
adimit lu-  
cem.

Quæstio.

Respon.



tanta sit æther raritate, vt lumen neutrum cōcipere ita possit, vt ostentare queat, neque interdiu Solis, neque astrorum omnium noctu.

**Quæstio.**

*At cur solius vnus Solis lumen aerem totū implet, & totam vt videtur aquam: tot autem astra, lucēs ostentare noctu satis habent, lumine autem aerē*

**Respons.**

*non implent, nedum aquam?* Contrariorū contrariæ sunt causæ. Sol magnitudine sua, quam ostentat proxime, id videtur posse facere. Illa & paruitate, quæ apparet, & longinquitate, quæ, vti creditur, & demonstratur, & apparet oculis, id non posse facere videntur.

VIII. Quæstio.

*Quomodo Sol calefaciat?*

**Peripateticorum vicerū error.**

**M**irum cogitatu sane est, ait *Patricius*, quomodo Peripati magister, nūquam in Sole, semper in vmbra deambulauerit. Neque se a radiis Solis calefieri senserit: neque id senserit eorum vllus, qui in gymnasio suo sese exercuit. Nam quod calor, eos in Sole forte ambulantes in cute adussit, nigricantesque reddidit, non a radiis Solis fuit, vt eorum fert opinio, sed ab aere, astrorum latione attrito. Et si radii qd in causâ rei huius sint, nō sint nisi in solido corpore refracti. Primum pfecto illud tā stultum est, vt stultius, queat esse nihil. Stultitiam auget, quod magister dixerit, *non calorem tantum, sed etiam lumen, in aere ab astrorum latione attrito generari*. Sane astra, vt tum opinabantur homines vniuersi, diu, noctuq; ferebantur, æstate, hyeme, autumnō, vere. Cur ergo, noctu etiam lumen in aere non generabatur? cur noctes



Et es omnes frigidiores non erant diebus? An quia noctu, ferri cessabant astra? Stultior veteribus Peripateticis factus est recentior Alberti Magni, cui cognomen Magni, haud scio quo merito, sui tribuerunt. Is summa, an fatuitate, an sagacitate excogitavit, *lumen per se non posse calere*. Sed dum a Sole descendit, ab eo partim rapi, partim a Solis latione trudi ignis elementalis partem, usque ad terram, quæ ea sit, quæ calorem cum lumine nobis affert. Hoc dogma in scholis docetur, eoque auditores infatuantur. Nam si latio astrorum, ignis particulam deorsum trudit, cum latio semper fiat, cur semper eam particulam ignis non trudit, aut detru- dit? cur non noctu æstate? cur hyeme, non die? cur sub septentrionibus nunquam? ut ibi faci- at calorem. Sed hæc figmenta, quia rebus ipsis non consentiunt, acutulorum sunt deliramē- ta. Tota igitur hæc res, ad exactum est perpen- denda. Astrorum latio sane & perpetua, & per- enn timer est, nec unquam cessat, quod & Peripa- tus contendit. *Ab ea latione*, inquit Aristoteles, *duo generantur, lumen & calor, aere ea latione at- trito*. Omnia hæc esse impossibilia demonstre- mus. Fixorum uti vocant syderum latio, ab aere abest longissime, & eum atterere minime o- mnium potest. Distat autem ab hypeccauma- re, ex Astronomorum, quos ipse in rebus cœ- lestibus, sibi etiam ipsi præfert, sententia m. pass. 78821837. Tanta enim est tota orbium, qui Planetas deferunt, ut ipsi aiunt, crassitudo. Per quam, impossibile est astra fixa, aerem at-

Alberti Ma-  
gni vesania  
& fatuitas.

Astrorū la-  
tio perpe-  
tua est.  
Latio astro-  
rum an lu-  
men & ca-  
lorem ge-  
neret.



tingere, aut atterere. Et per crassitudinē orbis, solius lunæ, quæ 109056. M. Passimpossibile est a Planetis sex aerem attingi, aut atteri. A luna quoque idem impossibile est ob crassitudinem ignis elementi, quam M. Pass. 115567. esse aiunt. Nullo ergo modo possibile est, aerem, ab astrorum latione, aut attingi, aut atteri.

**Aer ab astrorum latione neque attingitur neque atteritur.**

Quæ enim sese atterunt necessario prius sese contingunt. Deinde, aer quomodo atteritur.

Quæ atteruntur, ea solida sunt, & dura utraq; æther mollis est, aer mollis, & tenues utrique, si res durior per aerē feratur, & aer ab ea quouis modo diuerberetur, turbatur quidē & confunditur, & dispergitur: teritur, aut atteritur minime. Quando nec aqua, aere crassior, attritionem ullam patitur. Itaque neque astrorum latio, aerem attingit: & si attingat, non terit, quia tenuis & mollis æther est, & aer nullo modo atteritur. Falsissimæ ergo hæ duæ priores sunt assertiones. Tertia eiusdem est falsitatis. Nam etiam si aer atteri possit, & ex attritione lumen nequaquam generatur. A Sole, in quo iam ante lux est genita, & in ea luce lumen, & toto æthere prius ab ea fufum, in aere diffunditur, nulla noua eius generatione. Haud sane aliter ac in cubiculi aerem candela illata, totum suo lumine replet. Lumen ergo in aerē a sole funditur, non autem in aeris attritione vlla generatur. Sed & quarta falsitas his it comes. Nimirum ab eadem astrorum latione per eandem aeris attritionē, calorem in aere generari. Nam si astrorum latio aerem attingit nunquam,

**Ex attritione lumē an generetur.**

**Lumē a Sole in aerem funditur.**



quam, aer ab ea non atteritur. Si non atteritur, ut est ostensum, ab eo non attrito, nullus calor generabitur. Sed alia concurrunt via. Non cale-  
 lere Solis radios, nec aerem, aut corpus aliud Refracti So-  
lis radii an  
calefaciant? calefacere, dum de cœlo descendunt, sed post-  
 quam in corpus solidum inciderint, ab eo re-  
 fractos in se resilire, & ea re densiores factos, aerem atterentes & fricantes, calorem in eo  
 excitare, & de eius materiæ potentia deducere in actum. Si id pro vero astruunt, rationem red-  
 dant, unde eueniant, quæ modo recēsebimus?  
*Si quis hyeme frigidissima, Sole oriente, nulla ad-  
 huc refractione facta, manum, aut faciem radiis  
 opponat, calidos sentiat? Si quis penes murum Soli  
 expositum, qui tota die radiis sit verberatus ambu-  
 let, ea parte faciei, quæ radii tunc feriunt, plus caloris  
 sentiet, quam parte alia, quæ ad murum versa, ma-  
 net in umbra, etiam si murus caleat? Si quis per her-  
 bida prata ambulet nulla ibi refractione facta, ca-  
 put si radii feriant, & faciem, & pectus, calorem  
 percipit? Cur in summis nauium malis, nauta in  
 specula positus calorem radiorum non ibi refracto-  
 rum sentit, & paucis horis cute nigrescit? Quod  
 non patiuntur nauta alii tam cito, in tabulatis se-  
 dentes, ubi radiorum tota sit refractione. Sed dum hec  
 soluunt, nos liberius & verius philosophemur.*  
 Radios Solis uti ignis prolem, a patre diuulsam Radii Solis  
per se & in  
se calent &  
tacta calefa-  
ciunt. nunquam, per se, & in se calere asserimus, & a-  
 lia, quæ tangunt, calefacere vel illico, vel tem-  
 pore aliquantulo interposito. Arida ab eis et-  
 iam igniuntur. Trans aquam rotundo vasi in-  
 uasantur, permeantes, aqua nondum satis ca-



**Calor per-  
petuus lu-  
minis co-  
mes.**

**Lumen est  
flamma ra-  
rissima.**

**Sol corpo-  
reorū igniū  
ignis pri-  
mus, radii  
eius ignes  
secundi.**

**Lumē ignis  
tertius.**

lesacta escam accedunt. Per crySTALLUM concavum transeuntes, igne in opposita esca careāt. A speculo concauo resilientes in arida re ignē accendunt. Hæc omnia ignis sunt opera, etiā si dicantur in his omnibus vniri, & quasi paruulus Sol facti, lucidissimi & feruentissimi simul fiunt. Quia nimirum lux & ignis idem sunt, & lumen producant & calorem, & a simul iunctis vti sunt iuncti ipsi lux & ignis. Calor igitur perpetuus & luminis comes, neque lumen vquam sine calore est, etiam si calor, aliquando sine lumine reperiatur: quando scilicet realiqua a lumine concalescunt, ipso abeunte, calor ibi remanet, vel sedes suas ponit. Id autem fit, quia lumen omne, non aliud est, quam flamma rarissima. Sicut flamma dēssimum est lumen. Et sicut flamma, omnis vti est ignis, calet, & calor fit, sic lumē cum sit flamma, calor quoque est. Sed vt lumen, flamma est tenuissima & rarissima, sic etiam eius calor est lenissimus & suauissimus, vt potius tepor dici debeat, quam calor, tepor tamen e genere est caloris. Sol ergo corporeorū ignium, ignis est primus, imago empyrei, primæque & luminis, & caloris, lux compactissima, ignisq; feruentissimus, atque ardentissimus. Radii vero eius, sunt ab eo ignes secundi, recti, acuti, penetrantes, vrentes, quasi a densa Solis mole æstuant. Lumen vero a radiis, ignis est tertius, & flāma in exilissima quasi materia leuiter succensum. Et quamuis in nostratibus flammis, lumen a calore, diuersum quid esse videatur, quia calor alicubi sit, vbi



fit, vbi non sit lumen, neq; calor in lumine, neque lumē in calore esse videatur, nihilominus in Sole, corpore purissimo, necesse est hæc omnia, lucem, lumen, ignem flammā caloremque idem esse. Nec minus idem sunt in radiis, gradu tamen secundo, & in lumine gradu tertio. Talis ergo cum Sol sit & radii ab eo micantes & lumen ab his emicans, quid ille per hæc duo veluti sua instrumenta in aere operatur, aut in aqua, aut in terra? Nimirū virtutes suas omnes per ea in hæc transfundit, sunt autem virtutes eius admirabiles. Est enim vti Dionysius affirmat, a summo bono, & bonitatis corporea imago, & bonitatis illi<sup>9</sup>, quantū corpori licet, in corpora omnia trāsfusor. Nam sicuti a bono, in lumen illud priuæuum, semina rerum omnium sunt transfusa & ab hoc in Solē, sui simulacrum itidem sunt transfusa, sic a Sole, rerum semina eadem per radios, perq; lumen in inferiora transfunduntur. Cooperante id eo, intellectu suo, animoque suo & spiritu.

*Et postea.* Aristoteles. cum lumen Soli negare non posset, ne cæcus videretur, negauit calorem, & pro eo motum substituit, dixitque *supera lumine & motu agere in hac infera.* Nos vero etiam motum Soli damus: non quod ad aerem, aut aquam, aut terram motus pertingat, sed quod Solis sit quarrum quoddam instrumentum, quo tria illa lumen, calorem & semina, quacunque it, secum circumferat, & hylæos mundos totos iis impleat. qui quidem cum duplicis sint naturæ, diaphanæ & opacæ,

Sol lumine  
& motu in  
hæc inferi-  
ora agit.



diaphana tribus omnibus penetrat, lumine, calore, seminibus. His occulte, euidenter illis: opaca non nisi duob. calore & seminibus. Atque ita, quæ sui natura, vnita videbantur, separat opacitas. Alia etiam ratione in diaphanis lumen & calor videntur separari. Quia vtrumque aeri permiscetur, lumine tamen abeunte, hyeme quidem abit & calor: æstate vero lumine abeunte non abit calor. Vel dicendum verius, calorem hunc restantem, non esse luminis perpetuum comitem, sed a luminis calore aeri impressum, & alium factum ibi remanente, lumine suum calorem secum semper asportante. Namque aer, suscipere quidem vtrumque potest retinere tamen potest neutrum, sed alterius tantum prolem in se relictam. Quod ipsum, & in aqua, & in terra fieri est necesse. Aqua nimirum, vtrumque & lumen & calorem eius comitem suscipit, neutrum retinet, sed calorem sibi a calore luminis inditum eo usque retinet, donec a luminis contraria tenebra, frigus secum ferente, vel ab ea diuellatur, vel in ea extinguatur. In terram vero vti opacam lumen, luminisq; calor non videntur posse penetrare, sed quo loco seruit, prolem de se relinquit, penetrat tamē spiritus a lumine & calore vectus, & intima penetrat, secumq; rerum semina defert, qui & naturalem terræ calorem, & fouet, & excitat, & viuificat, & sese in eo multiplicat, & semina rerum variarū pro terræ naturæ capacitate huc atque illuc defundit, & ibi multa commouet, alterat, concoquit, extenuat, in-

crassat,



crasset, & mutat, & foecunda facit, & non noua generat, & vetera corrumpit. Vnde tanta rerum mistarum, sub terra varietas, & tanta supra terram. Sed hec loco magis proprio diffusius. Hoc modo concludamus, *Solis radios ac lumen*, Solis radii calidos sua esse natura, utpote igneos. Quos secum ac lumen calidi sunt sua ipse trahit & circumfert, quocumque eam fert natura. Spiritus in circuitum. Atque ita verum fuerit, *eum lumine & motu in hac inferiora agere*. Motu quidem ut radorum & lumine delatore; lumine vero ut delatore, caloris, spiritus, seminumq; sine quibus generatio fit nulla. Hic autem luminis calor, dum in opacam terram penetrat, simul cum spiritu & leminibus, calore terrae insitu recreat, & oēs vna, quae ibi sunt re-nitentia rarefaciunt, liquant, fundunt, mouentq; concoquunt, densant, vrunt, siccant, moderantur, nutriunt, & coloribus, qui luminis sunt, p-les, propriis exornant singula. Sed haec vti diximus melius postea. Cōcludamus semel; *Has esse summarias, summi huius, Dei ministri, actiones. Vt scilicet & motu suo sese mundo circumferat, secumque lumen & calorem, & spiritum circumferendo, mundo infundat. Et quae a superis rerum semina in se receperat, in mundum radiis suis disseminaret, eumque totum, tanto rerum ornatu efficeret foecundum.*

Quaestio IX. *An Soli accidat mutatio & passio?*

**S**OL vero iste, pati ne aliquas potest passio- Affirmatur nes? An est omnis omnino passionis expers? Quod Aristoteles scribit, *In omni prae-terito tempore, iuxta traditam rerum memoriam,*

Hb



Galaxia.

nihil fuisse mutatum cœlum, neq, toto, neq, partibus. Videtur esse omnino falsum. Fuerat enim a Platone in Politico memorię proditum, *Vniuersilationem*, aliquando ad ea, ad quæ nunc circulatur ferri, aliquando in contraria. Et quæ ibi sequuntur in hanc sententiam multa. Quæ etiam si Plato mystico forte sensu scripserit, attamen in motu, mutationem totius cœli fuisse, memoriæ fuerat proditū. Quinimo Ægyptii; (*quod Pomponius Mela retulit*) quater cursus suos mutasse sydera, dum Ægyptii sunt, obeliscis suis insculperant. Et ipsomet Aristotele referente, nonne a Pythagoreis quibusdam fuerat traditum, *Galaxiam esse viam quandam, quam in Phaetontis casu stella aliqua cadens confecisset*. Alii solem iam olim illuc cursum suum fecisse? Memoria ergo lapsus est Aristoteles. Dicent sui, *pro fabulis hac ipse habuit*. Esto fabula vtraque, simul cum tragica fabula Thyestæ. In qua dictum ante eum natum fuerat solem retro cursum suum vertisse. Sed, cur quod possibile fuerat negauit, & more suo derisit, ne Deum illum suum, summo cœli culmine sedentem, de sede daret precipitem. Sed conditor vniuersi Deus noster sicuti mundum condidit pro libitu, etiam ita regit. Et mentes, & animos, quas corporibus regendis dedicauit, suo nutui obtemperantes facit. Inde fuit, vt ad preces Iosue, Sol cursum suum retardauerit. Idem passus est pugnante Gedeone. Tertio pro Ezechia salute. Sed has historias, vel non legit, vel non credidit. Quia Deum suum seruum fecerat, nulla voluntatis libertate.



libertate. Sed cur non legit historiam a Græcis  
 suis scriptam, Castore quodam & Adrafto Cy-  
 ziceno, & Dione Neapolita mathematicis no-  
 bilibus. Qui referente D. Augustino ex M. Var-  
 rone, Ogygis temporibus, qui multis ante A-  
 ristotelem seculis, Thebis regnauerat, in cœlo  
 mirabile exstitisse portentum. Stellam Vene-  
 ris nobilissimam, mutasse colorē, magnitudi-  
 nem, figurā & cursum. Post Aristotelem, Hip-  
 parchus Astronomus primarius, obseruauit in  
 cœlo nouam stellam esse natam. Qualem &  
 nostra ætas vidit in Cassiopeia, & multis men-  
 sibus spectauit. Profecto noui orbis Mexicani  
 in suis historiis habuerunt, *Solem quater exstinctum  
 & quater fuisse natum.* Sed rudium inge-  
 niorum esto hæc credulitas In nostris historiis  
 habemus, vt Petrus Messias refert, *Iustiniani  
 Caesaris tempore, maiore anni parte, aere sereno,  
 nulla velato nube, Solem tam exiliter luxisse, vt  
 vix Luna splendorem lux eius superaret.* Ex quo  
 aiunt euenisse, *vt totum fere orbem famis inua-  
 deret.* Ex quo euentu nos ita conicimus exi-  
 guam illam lucem, exiguum etiam calorem e-  
 misisse, ita vt sata maturescere nequirent. Exi-  
 lis autē lux illa iam facta est, q̄ ex nostris fun-  
 damētis, flamma Solis, & etiam anthrax, rario-  
 res eo tempore facti sint, ita volente Deo. Sic-  
 ut enim in denso, flamma, & lucentior est, &  
 calentior, ita in raro, & minus lucet, & minus  
 calet. Rarefactionem ergo eo tempore Sol est  
 passus sine dubio: Dei nimirum iussu, iterum  
 flammā suam & anthracem densauit, vt aut plus



Sol, stellæ &  
cœlestia re-  
liqua passa  
sunt & pati  
possunt.

quam antea, aut more solito luceret. Neque enim memoriæ mandatum est, antea fulsisset magis, an postea vel æque vel magis vel minus. Sed & Paulus Diaconus refert anno 790. *obte-  
nebratum esse Solem, & radios suos diebus 17. non  
dedisse.* Quod ex eadem accidit raritate. Quam raritatem & densitatem, Venerem quoque & Ogygis temporibus, & nostris vti retulimus; passam fuisse est necesse. Et noua Hipparchi stella orta est, quia æther in flammam fuerit condensatus Sicuti quando noua nostra ætate est nata. Quæ deinceps post menses aliquot rarefcens, tandem post fere biennium rarefacta omnino euauit. Sol ergo & stellæ, & cœlestia reliqua, & passa sunt, & pati possunt, & alterationem, & ortum, & interitū, & naturali causa, & diuina conditoris voluntate. Quæ nihil frustra, & extra ordinem bonitatis facit. Quod Plato & ante eum Philosophi multi, & post eū Theologi plures confirmarunt. Et ratio a superioribus nostris deducta demonstrationib. confirmat solus Aristoteles, quia Deum suum seruum fecit, cum suis omnibus, falsis & fundamentis & consecutionibus innixi, obstinate, & impie pernegant.

Quæstio X.

*Vnde calor Solis, an per accidens ex peccato hominum,  
vt N. Frisch. sentit.*

**D**Eus ille opifex, *inquit Frischlinus*, in prima creatione, ita omnia crearat, vt essent valde bona: & vt omnia conspirarent ad hominis immortalitatem. Itaque summa fuit in ista notitium



Etium & dierum, lucis & tenebrarum vicissitudine, aeris, quem immortalis homo hauriebat, summa, *inquam*, temperies. Nulli tum ventis, nulli imbres, nullæ pluviæ, nulli grandines, nulla tonitrua. Nā hæc omnia sunt pœna peccati, & ad mortalitatem inferendam non parū faciunt. Sed ascendebat tunc ros, qui irrigabat vniuersæ terræ faciem. Quæ enim Sol sua luce penetrando & attenuando, aerisque calorem excitando, per diem exsiccarat, ea ros ille per noctem rursus humectabat. Itaque homo nudus tum nihil sentiebat caloris æstiuæ, (*neq; enim erat talis æstus, neq; calor aeris ambientis hominem, excedebat modum, ppter summam istam temperiem, de qua dixi*) nihil etiam morbi experiebatur, sed per diem colebat arbores, quarum fructu vitam immortalem sustentaret, per noctem vero sub roscidis arborum umbris somnum vna cum vxore & liberis capturus erat: & tandem satur huius vitæ, curru Henochi aut Eliæ (*sed absque omni mortis sensu*) hanc vitam immortalem tum cum altera sempiterna cōmutaturus: & quod nos per Christi meritum nunc cōsequimur, id solis precibus ipse a Deo fuerat impetraturus: donec tandē omnis hominum numerus, quem Deus ad regni cœlestis consortium destinasset ac præfinisset, fuisset completus. Maxima igitur omnium cœlestium & elementarium corporum harmonia tum fuit, spectans ad sempiternam rerum omnium immortalitatem: quam cum homo suo peccato conturbauerit, causam alteratio-

Temperies  
summa no-  
ctiu & d e-  
rum in pri-  
ma creatio-  
ne.

Ros.

Prime crea-  
tionis sta-  
tus.



Causa alte-  
rationis cor-  
porum cœ-  
lestium & ele-  
mentarium  
cui adscri-  
benda.

Sol per se  
non calefa-  
cit.

Exsuperan-  
tia caloris  
solaris pœ-  
na est pec-  
cati.

num istarum iniquissime transfert in corpora  
cœlestia: cum potius causam a seipso debeat  
petere, & a terra, propter hominem maledicta.  
Quod enim Solis radiis nunc incalescit & fer-  
uescit aer rursumque frigescit: huius rei caus-  
sa per se inest vaporibus, & fumis e maledicta  
terra prodeuntibus, & aerem perturbantibus:  
per accidens vero Soli tribuitur. Nam Sol per  
se non calefacit, sed per accidens, quoad vide-  
licet radiis, & luce sua aerem densatum tanti-  
isper extenuat, quantisper extenuari potest: Et  
quoad vapores aut fumi in aerem emissi hodie  
sunt πεφυκότες, & ad patiendam hanc vel illam  
extenuationem habiles. Qui enim cito exte-  
nuantur, ut fumi, cito etiam naturam aeris in-  
duunt: & cum a radiis recta incidentibus cele-  
riter fuerint extenuati, etiam ad naturam ignis  
accurrunt, ut dixi. *Præterea*, quod ad caloris ex-  
superantiam attinet, cum ea nobis sit detrimē-  
tosa (*sæpe enim procreat febres, sicut ex insolatione  
contingere videmus*) ibi magna pars culpæ hu-  
ius est in nostris his infirmis corporibus, quæ  
propter peccatum obnoxia sunt morbis, &  
morti, ac proinde rariora & laxiora ac mollio-  
ra: quam ut calorem illum possint perferre.  
Quod enim Sol montes exurit, quod igneos  
ardores efflat, quod ardorē eius nemo homi-  
num potest sustinere, *ut dicit Syracides cap. 43.*  
hæc omnia pœna sunt peccati: & huic terræ,  
eiusque incolis a lumine Solis, quod per se bo-  
num est, & salutare, atque viuificum, hodie ac-  
cidunt, propter maledictionem, qua Deus ter-  
ram



ram execratus est. Porro autem ad frigus quod Coelum ut  
attinet, nullo modo aliqua eius causa potest non caloris,  
cœlestibus attribui: *sicut iam saepe est demon-* sic nec fri  
*stratum*, cum a vigore illo cœlico vis illa refri- goris causa  
generatoria longissime absit. Ptolomæi hoc est est.  
commentum *in lib. 1. τετραβ.* ex vetusta Chal-  
deorum (Chasdim) & Ægyptiorum disciplina  
reperitum. Nam Solem recessu suo frigus ex-  
citare, si quis dicit, manifestam accidentis fal-  
laciā adstruet. Ut enim Spiritus S. quando  
hominem deserit, neque manum ei supponit,  
ne labatur, nequaquam auctor est illius lapsus:  
Ita Sol, quando recedit, minime habendus est  
pro auctore frigoris atque hyemis. Facit enim Solis officii-  
officium Sol, ad quod cōditus a est Deo, ut suo um est me-  
accessu & recessu metas anni describat. Soli e- tas anni des-  
nim talis vicissitudo accessus & recessus ad de- scribere.  
scribēdos annos omnino fuit necessaria. Nam  
sine hac vicissitudine nō potuissent annorum  
initia & fines observari. Quare ridiculi sunt, An in statu  
qui in statu integritatis putant eadem futura integritatis  
fuisse temporū discrimina, distincta suis quali- temporum  
tatibus, ut hodie sunt. Nulla hyems, nulla æstas, discrimina  
sed ver perpetuum fuisset futurum, & æquabi- futura fue-  
lis aeris annique ratio. Neque enim ad hunc rint.  
finem erat iste λόξος Solis motus ordinatus a  
Deo, ut Sol suo recessu & accessu efficeret di-  
versas, & qualitatibus differentes anni partes,  
nempe ver tepidum, æstatem calidā, hyemem  
frigidam (*hæ enim alterationes pœna sunt peccati*)  
Sed ut Sol iste λόξος motu annum describeret,  
qui sine illo non potuisset numerari, sicut et-  
iam paulo post dicturus sum.



Obiectio: *At Solem tamen Aristoteles vocat causam generationis & corruptionis?*

Sol non est  
causa cor-  
ruptionis  
per se sed  
per accidens:  
nec genera-  
tionis.

Respons. Corruptionis causa non potest dici, nisi per accidens, id quod iam ante omnibus est in confesso: sicut & frigoris per accidens causam dici, iam ostensum est. Neq; vero per se & simpliciter causa est generationis, si ad primam creationem respicias. Nam ut ab initio huius doctrinae ex Mose & Basilio docuimus: prius indidit Deus terrae hanc generandi & producendi res omnes facultatem, quam Sol terrae faciem preberet. Dicitur igitur Sol causa generationis per se quarto modo, propter naturam aeris & terrae, quae habilis est, in qua Solis radii iam plus quiddam possint agere, quam in prima creatione, ubi summus erat elementorum consensus & harmonia, neque vlla istorum corporum contagio. Quia enim aer frigus a terra accepit, amissa sua viuifica & nativa facultate, ideo Sol radiis suis illud aduentitium frigus ex aere profligat: & aerem vaporesque extenuando ad naturam suam reducit, quae est calida. Aer itaque Solis & lucis beneficio, suae quasi integritati restitutus, promouet vim genitalem, terrae a Deo in prima creatione inditam. Neq; enim Deus omnem vitae procreationem ademit terrae, cum ei maledixit, sed tantum vires istas & facultatem hanc procreandi fecit languidiorem, tardiolem, & omnino debiliorem, ac priorem. Quare cum bonum sit generari & nasci: bona etiam erit Solis & Lunae coelestis actio, & bona etiam terrae fa-



re facultas, quę ei cooperatur: & genitales suc-  
cos præbet nascentibus. Cumque mutua hæc  
actio & passio sit secundum naturam (*qualis  
nunc quidem est*) & quoddam quasi vestigium  
primę illius & integrę naturę rerum: bona  
quidem est: sed non simpliciter bona: cum  
prior illa fuisset melior, atq; perfectior, quam  
hæc. Nam sine contagio, sine mutua actione &  
passione, sine qualitarum in elementis confu-  
sione, omnia dabat tellus. Ex quo est intellige-  
re, quomodo adminiculū illud, quod iam na-  
scentibus rebus a iubare Solis accedit, per ac-  
cidens bonum sit: quandoquidem nascentia  
sine hoc adminiculo, fuerunt, meliora, perfe-  
ctiora & viuaciora, quam sunt hodie.

## CAPVT DVODECIMVM.

### *De Luna.*

**L** Vminare minus est Planeta, qui præest nocti, est. **Luminare**  
que Luna. **minus.**

Luna est luminare minus nempe Planeta substan- **Luna.**  
tię difformis, terris citimus, adeoque omnium infi-  
mus, mutabiliter lucens, menstruum tempus suo de-  
scribens motu.

Lunę motus periodicus fit 27. dierum ciuiliū & Lunę mo-  
7. horarum spatio, quo signa Zodiaci emetiens men- **tus periodi-**  
sem facit. **cus.**

Accidit Lunę tum luminis mutatio, tum Eclipsis.

Luminis mutatio, qua eius hemisphærium pro mo- **Mutatio lu-**  
tus varietate a Solis luce varie affectum mutabiliter **minis.**  
nobis lucet.

Hinc Lunę figura alia est Inuisibilis, alia Visibilis.

Inuisibilis est Lunę vel *κεῖψς* vel *σύνωδς*.

*Κεῖψς*, cum Luna sub radiis Solaribus tecta occul- **Κεῖψς Lu-**  
tatur. **na.**



Synodus Lunæ.	Σύνodus, cum Luna centro Solis recta est subiecta. Visibilis apparet vel Non plena vel Plena.
Plena.	Non plena est Crescens vel Decrescens.
Crescens.	Crescens est quæ lumine augetur: Decrescens quæ minuitur.
Falcata.	Utraq; est vel falcata, vel διχότομος, vel ἀμφικύρτος. Falcata seu corniculata est, cum primū e radius Solis emergens apparet.
Dichotomos.	Διχότομος est cum per medium quasi dissecta quadrante circuli a Sole distat.
Amphicyrtos.	Ἀμφικύρτος est cum a Sole quatuor signis distat.
Panselenos.	Plena Lunæ figura est πανσέληνος, cum Soli diametraliter opposita totam medietatem irradiatam terræ ostentat.
Eclipsis Lunæ.	Hactenus luminis variatio: Eclipsis Lunæ est luminis Solaris in Luna priuatio, quæ fit, quando terra inter Solem & Lunam ex diametro interponitur: Estq; Totalis vel Partialis.
Totalis.	Totalis quando totum corpus obscuratur.
Partialis.	Partialis est obscuratio ex parte; quando aut plus medietate de corpore Lunæ, aut medietas, aut minor pars medietate obfuscatur.

## Quæstio I.

*Quid sit Luna substantia, mira disquisitio Patricii.*

Orpheus.	<b>V</b> eteres quidem Græci Philosophi, nulla in re alia tam fuere discordes, quam in hac vna. Namque eorum vetustissimus Orpheus de ea ita cecinit. <i>Molitus est aliam terram infinitam, quam selenem Immortales vocant, terrenam vero Menem. Quæ multos montes habet, multas vrbes, multas domos. Quam sententiam videtur</i>
Thales.	Thales esse secutus, qui <i>terream</i> esse Lunam affirmavit.
Pythagorei	Pythagorei quidam senserunt idem, eamque <i>animalibus habitari</i> asseruerunt <i>maioribus, quam nostra sint, quindecies, Plantasque longe nostratibus</i>



*stratibus habere pulciores. Democritus in ean-* Democritus.  
*dem iuit sententiā cum Orpheo, quod terreum*  
*esset quiddam, in quo campi essent, & montes, &*  
*vallum anfractus. Anaxagoras quoque ad su-* Anaxago-  
*periorē addidit, inaequali eam esse constitutione,* ras.  
*& terreā esse, & frigidā, & prater ea admistā*  
*cum terreo, caliginem habere quandam. Heracli-* Heraclides.  
*des & Ocellus, terram esse dixere, caligine obdu-* Ocellus.  
*ctā, sicut & Heraclitus, esse terram caligine cir-* Heraclitus.  
*cundatā. Diogenes vero Physicus pumiceā* Diogenes.  
*cenfuit esse, Ion vitraceā, transpicuā, & par-* Ion.  
*tim etiam obscurā. Pythagoras econtra cum* Pythagoras  
*aliis non paucis igneū corpus esse dixit, ex Chal-*  
*dæorum puto dogmatibus, quibus a Zabracō*  
*fuerat institutus, esseque quasi speculum quod-*  
*dam. Anaximenes vero & Parmenides Pytha-* Anaxime-  
*goram sunt secuti, igneāque esse crediderunt.* nes, Parme-  
*Sicuti & Berofus semiigneā spherā. Zeno* nides.  
*Parmenidis auditor igneum astrum esse, mente* Berofus.  
*præditum, & prudens, & artificio confectum. Cle-* Zeno.  
*anthes & ipse igneā scripsit. Empedocles cē-* Cleantes.  
*suit esse aerem nebulosum, ab igne compactum, &* Empedo-  
*ei commistum. Hūc bona Stoicorum pars, sunt* cles.  
*secuti, nam mistā esse ex igne & aere tradide-* Stoici.  
*rūt. Xenophanes autem nubem esse compactā* Xenopha-  
*& ignitā. Idem fere Chrysippus sensit, namq;* nes.  
*accensionem esse ex dulcium aquarum vaporibus* Chrysippus  
*collectā, & a Sole accensā. Mathematici vero* Mathema-  
*quidam, compositum quoddā & difforme esse cor-* tici.  
*pus & inaequale. Sicuti enim nubes partibus qui-*  
*busdam sunt rariores, quæ a Solis radiis collustratæ,*  
*splendidiore videntur, quam quæ densiores sunt,*



*qua minus lucent. Ita esse in Luna. Nam qua in ea  
rara sunt, luminosa fiunt, qua vero compacta, mi-  
nus fulgent.* Aristoteles solus in sua permanfit  
sententia, *ex quinta illa sua eam esse essentia.* Sed  
si quis eum interroget, *cur igitur, uti Sol, utire-  
liqua sydera, ex eadem conflata essentia, nō lucent?*  
Necesse esset, eum differentia huius tantæ, a-  
liquam afferre causam, si Philosophus esse  
voluisset; Quam quoniam non attulit, & sui  
omnes, & differentiam hanc, & eius causam re-  
ticient, reliquorum dogmata eius præferimus.  
Videntur enim omnes causam aliquam affer-  
re voluisse, omnesque ab ipsiusmet Lunæ ap-  
parentiis variis eam videntur depromsisse.  
Sunt enim in Luna, partes obscure, ut terra est  
& nubes, & caligo. Sunt & aliæ lucētes ad ignis  
instar. Et opacæ utræque, & lumini solari nul-  
lum transitum concedentes. Quæ res in sola-  
ri Eclipsi, perquam fit manifesta. Est ergo Lu-  
na sine dubio toto corpore opaca, & minime  
diaphana, opacitate autem, ut apparet, nō uni-  
formi, sed varia, tota tamen nulli lumini per-  
uia. Mirabilibus enim modis, in propriis Ecli-  
psibus in horas variat colores. Nam si primo  
vespere deficiat, veluti carbo leuiter accensus  
principio visitur. *Deinde* horribiliter nigra  
per horas amplius tres, apparet. Si vero in me-  
dinoctio defectum patiatur, & sub puniceum  
& igneum quendam in pyropi speciem mittit  
colorem. Post vero horam 7. rubeum suscitatur.  
Si vero sub auroram patitur, colorem emittit  
cyaneum & glaucū. A quo Empedocles glau-  
copina

Luna toto  
corpore o-  
paca & nul-  
li peruia lu-  
mini.



*topim* eam appellauit. Cum vero in nouilunio apparere incipit, ea parte, qua non splendet, ostendit quidē circulare corpus, sed fusco quodam colore infectum. A qua die, indies color hic semper redditur obscurior, vsque ad plenilunium. In quo nullus iam is apparet color, sed facies eius, fere tota splendet, præter eas, quæ maculæ appellantur, quæ eius faciei, pars est **Maculæ.** non parua. Ex quibus omnibus colligere licet *primo*, quod, vt dicebam⁹, sit opaca tota & nulli peruia lumini. *Secundo* q̄ nullum proprium **Corollaria.** tota habeat colorem. *Tertio* quod per partes, variis sit coloribus infecta. *Quarto* quod vmbra & eam quidem obscuram satis pro opacitatis ratione de se emittat. Eamque in Eclipsi Solis ad nos porrigat, non aliter ac terra, Sole Lunæ opposito, eam versus suam vmbra iacit, eamq; obscurat, sicuti eius vmbra obscurat terrā. Itaq; hac vmbrae obscuritate, & sui corporis opacitate, terræ est p̄similis. **Luna terræ p̄similis.** Nec ei est dissimilis, duabus reliqs qualitatibus. Terra nāq; & ipsa, nullū p̄priū tota colorē habet. Et p̄ partes habet varios, sicuti & Luna. Neq; vllum dubiū nobis est, si quis nostrum, in Lunam ascenderet, terramque inde prospectaret, eadem illi in terra apparitura, quæ nobis hinc in Luna apparent. Vnde non immerito, Orpheus, Thales, & Heraclitus, & alii, quos recensuimus *Lunam, alteram terram esse crediderunt.* Et quam ideo Oecetes Pythagoreus, & Philolaus, non immerito, *Antichthona*, vocauerunt, quasi terræ huic nostræ, terram alteram cōtra positam,



Collatio  
Lunæ cum  
terra.

Quorum omnium sententiam Aristoteles, solitus veteres omnes acriter carpere, hac in re, vel sui moris immemor vel animi maxime dubius nec illos ausus est reprehendere, nec ipse aliquid de suo pronūtiare. Præter quam, quod eam inter astra connumeravit. Astra aut quintæ illius essentiæ suæ partes densiores esse tradidit. At nostra quidem sententia tanto merito potest Luna astrum nominari, quanto a veteribus quibusdam, terra quoq; astrum est nominata. Non enim hæc aliter in aere, ac Luna in æthere pendet. Non aliter ac Luna rotunda est. Non aliter ac Luna & opaca est, & vmbra vſque ad Lunam iacit, sicuti & Luna, vſque ad terram. Neque non & ipsa sicut Luna, & obscuras habet partes, & luminosas. Obscuras quidem omnes quæ ab aquis exstant. Luminosas vero omnes, eas, quæ vniuerso mari, lacubus, stagnis, fluminibusque operiuntur. Non enim minus aqua, superficie sua splendet a Solis lumine, quam splendeat pars ea Lunæ tota, quæ eius maculas, tum circumdat, tum intercurrit. Id ei fiet clarissimum, qui maria alta nauiget, & malum ascendat. Longe enim circumquaq; maria splendescere circumspectabit. Idem cernet si quis situm ad mare mōtem, conscenderit, longe lateq; splendens pelagus circumspiciet. Quamobrem, non forte procul a vero fuerit, Lunæ globum, alterum esse terre globum, simul cum aqua tota conglobatum. Globum scilicet æthereum, sicuti hic nostras, globus est hylæus. Et quæ Lunæ pars, lumine  
Solis



Solis splendet, eam esse *aquam athereā alteram*.  
 Quæ gravitate sua non equidem ad nos cadit.  
 Non enim centrum hoc, Lunæ est centrum;  
 ad quod aqua illa tendit ita, sicuti nostra aqua  
 ad centrum illud tendit, & partes similiter aliæ  
 lunaris terre, sicuti partes terre nostratis. Quid  
 vero etiā mirum fuerit, si ibi sint, sicuti in terra  
 nostra, planities, & montes, & conualles? Et in  
 eis gentes tum hominum, tum aliorū anima-  
 lium inhabitare? quæ & maiore sint statura  
 quam nostratia, ut in puro æthere, & diutius  
 etiam vitam producant. Et ibi sint etiam plan-  
 tæ nostris pulciores. Conformitates enim,  
 quas utriusque recensuimus, nobis id persua-  
 dent potius, quam ut quintæ tantum essentia  
 eam dicamus, aut vel igneā esse, vel quid igni-  
 tum. Tametsi Olaus Magnus, sub poli arctici Olaus Ma-  
gnus.  
 elevatione graduum 60. tradat, ab initio Maii  
 usque ad Augusti initium nullā aspici stellam,  
 (Planetam credo intelligat) præter Lunam.  
 Quæ in plenilunio vicina horizonti, eo tem-  
 poris spatio videatur magnus quidam anthrax  
 ardens, qui & stuporem & terrorem omnibus  
 incutiat: Attamen putamus nos, cum colore  
 tunc eam ostentare, ob vapores, qui densissimi  
 in ea terra eleuātur. Neq; aliter, ob eos *igneam*  
 apparere, quam in eius eclipsi, sæpe numero  
 sese ostendat aliquibus partibus ignita. Umbra  
 namq; terræ, sicut ibi vapores eam quasi cali-  
 gine quadam obducunt, ultra quam ignis spe-  
 ciem præbeat. Itaq; terram eam putamus po-  
 tius quam ignem. Vel verius ytrumq; sed ali-



quibus partibus terream magis, aliquib. magis igneam, aliquibus ex æquo temperatam. Sed igne, non tam, vt cetera sydera puro, cum nec luce, nec colore, nec micātia, nec radiatione sit illis similis. Nec vero nubem tantum cōcretam, & ignitam cum Xenophane consentimus. Eriam si quod in ea splendet, cum albis nubibus conueniat colore quidem, sed non splendore. Nam & sæpe alias, & modo cū hæc scribimus, bis, iam sole Occidente, nubes eam atra operiebat, in Oriente vero magni nubium altissimarum montes conspiciebantur. Quæ nullo modo, radiis solaribus, aut lumine, Sole iam in occasu, & nigris nubibus obducto, attingi poterant, nullum tamen splendorem vel ad nos emittebant, neque vlllo in se fulgebant. Neque vidimus interdum, *ob candidas nubes, in aere pendentes, præfente Sole, lucidiorem fieri diem.* Hæc quidem ille suo more disputauit, perdifficilis certe est huius quæstionis discussio. At si Luna stella est, certe terrea non erit, nisi per Metaphoram, vt vox a Patritio addita, *Æthorea*, innuere videtur. Est certe luminare minus conditum in dominium noctis.

## Quæstio II.

*An Luna omne suum lumen a Sole recipiat.*

**L**una luminare per se ne sit, an per accidens disputatur: Quidam sentiunt *haurire eam omne suum lumen a Sole*: Alii vero statuunt, *habere eam aliquid nativæ lucis, sed obscurioris.* Priores in Eclipsi eius aiunt, *videri lumen, quod accepit a Sole, ut primo fonte, secundarium, primario vero*



vero tantum priuari. Vocāt autem *primarium*, *Primarium*  
 quod existit ex radiis immediate venientibus a *Lunæ lu-*  
 Sole: *Secundarium* vero, quod sit medio prima- *men.*  
 rii, ex radiis reuerberatis reflexisque extra radio- *Secunda-*  
 rum primariorum incidentiam. Volunt igitur, *rium.*  
 primarios Solis radios percutere paries orbis circū-  
 circa vicinas corpori lunari, & ab eis aliquam ra-  
 diorum illorum fieri repercussionem, ac per hanc  
 Lunam secundarium lumen recipere, quod colo-  
 ratum est, & visibile in eius Eclipsi. Posteriores  
 sentiunt, colorem istum, quo videtur Luna ecli-  
 psati, esse ei congenitum. Plinius certe lib. 2. c. 6. *Plinius.*  
 Solem ait lumen ceteris syderibus fœnerari. Nam  
 cum astrorum omnium similem esse naturam  
 paremque rationem conueniat, manifestum  
 autem sit, Lunam accipere lumen a Sole, iti-  
 dem facere reliquas stellas existimandum est.  
 Ad hunc enim modum ex rotunditate Lunæ  
 omnia sydera esse rotunda in 2. lib. de cœlo, text.  
 39. argumentatur Aristoteles. Hugo in libro *Hugo.*  
 Annotationum in Genesin c. 6. Solum, inquit,  
 Solem propriam habere lucem, & ipsum ex igne es-  
 se factum; reliquas vero stellas omnes ex aëria ma-  
 teria factas relucere potius, quam lucere. Verum  
 hoc limatioris iudicii Philosophis nequaquam  
 probatur: nec sane vllō satis probabili argu-  
 mento persuaderi potest. Non enim par est  
 ratio Lunæ ceterorumque syderum, nec ro-  
 tunditatis astri atq; receptionis luminis eius:  
 nec fit verisimile, immensam illam choream  
 cœlestium ignium in octauo cœlo, videlicet  
 multo nobiliori, quam est orbis Solis, mirabi-



August.  
Dispar sy-  
derum cla-  
ritas.

li pulcritudine micantium, a Sole lumē omne suum mutuari & emendicare. Presertim autē, cum videatur rationi consentaneum, astra illa, quæ longe diuersas vires & effectus habere videntur, dissimilem quoq; lucis rationem obtinere. B. Augustinus lib. 2. de Genesi ad literam ca. 16. ait, ex diuina scriptura manifesto cognosci, disparē esse syderum claritatem, dicente Apostolo prioris Epistola ad Corinthios capit. 15. Aliam esse claritatem Solis, aliam Lunæ, & aliam stellarum, & stellam differre a stella in claritate. Virum autē stella lumen a sole accipiant necne, ex sacris literis colligi & constitui non potest. Franciscus Patricius ita de hac quæstione differit: At Luna, a Sole ne lumen recipit, ut Astrologi autumant? vel per se ipsam eum splendorem habet, qui in eius partibus conspicitur, a quo splendore similis? A Sole eam recipere, videtur primus tradidisse Thales, & eodem tempore Pythagoras. Post quos & Parmenides, & Empedocles, & Anaxagoras, & Metrodorus. Proprio vero lucere lumine asseruit Anaximander, & Antipho, & Xenophanes, & Berosus. Et si Stobæo credimus etiam Aristoteles. Profecto, qui eam ignem, vel igneam esse dixerunt, necesse habuerunt asserere, eam propria lucere luce. Ignis enim sua natura, ubicunque sit locorum, lucet semper. At qui eam igneam esse affirmarunt, ut Parmenides, Empedocles, Anaxagoras, non videntur in suis perstitisse fundamentis, quando non proprio sed alieno dixere eam lucere lumine. Quid vero nos de proposita dicemus quæstione? Equidem certinihil habemus, quod respondeamus. Nam in tanta Luna



ta Luna a nobis distantia, non nisi (monitu Aristotelico) similitudine quadam, sicuti de ceteris astris fecimus, philosophari licet. Similitudine ergo hac non agere dixerim, Lunā & proprio, uti ignea, lumine lucere. Alieno vero, uti & terream, simul Fr. Patrici<sup>9</sup>. & aqueam. Nam & terra, & maria nostra, non suo, sed Solis lumine splendescunt. Solari ergo lumine, inter astra omnia, sola Luna splendet. Cur autem Lunam, terram alteram dicamus, persuasibili non caret ratione. Nam quid mirum est, in æthere partem unam foeculentā constituisse, & crassam, in quam veluti feces ætheris omnes, conditoris legibus, qui omnia certis numero, pondere, & mensura fabrefecit, confluxerint? Sicuti & in parte mundi hylea, fex omnis in unam hanc nostram terram confluxit undequeque. Luna ergo, æthereæ terra esto. Et terra nostra, elementalıs esto Luna. Neque duæ hæc terra, siue duæ hæc Luna, a conditore frustra sunt conditæ. Similitudine enim mutua, altera alteram fouet, & sibi inuicem fauent, & influxus, quibus & ipsa, & utriusque partes, tum uiuant, tum conseruentur, altera ab altera suscipiunt.

Quæstio III.

Qua sit quantitas Luna?

Sed quia Moses Solem & Lunam vocat duo luminaria magna, posset fortassis quispiam existimare, secundum Solem, esse Lunam reliquorum syderum maximam. Basilıus quidem certe in enarrando hunc locum Geneseos a-

Luna post Solem maximum cæli astrum.



*literam cap. 16.* Augustinus colligit ex ipsa scriptura, quæ hoc loco Solem & Lunam appellat *luminaria magna*: Certe, inquit, *vel hoc concedant oculis nostris, ut ea duo sydera, manifestum sit amplius ceteris lucere super terram, nec diem clarescere nisi luce Solis, nec noctem tot stellis fulgentibus ita lucere si Luna desit, quemadmodum præsentia illius illustratur.* Verum secus esse docent Mathematici, apud quos, omnes stellas inerrantes visu insignes & notabiles, quæ duæ ac viginti milleq; numerantur, longe maiores esse constat quam Lunam: quippe quæ tricies novies minor est quam terra; cuius tamē molem supra dictæ stellæ octies ac decies superant: ex Planetis autem, præter unum Mercurium, reliqui maiores sunt Luna. Itaq; ut Sol maximus est omnium syderum, ita minimus est Mercu-

Luna cū sit minima stella cur Soli propemodum par videatur.

Quæstio.

rius, & post eum Luna. Cur igitur Luna & ceteris astris maior, & Soli propemodum par videtur nobis? nimirum quod citima & vicinissima terræ sit: quamobrem & ingens ceterorum a terris distantia, & proxima nobis Lunæ vicinitas, tantam facit apparentiæ dissimilitudinem. At enim si Luna, vno excepto Mercurio, vera syderū omnium est minima, quæret aliquis, cur eam divina scriptura *luminare magnum* appellet? An quia maior ceteris oculorum iudicio & vulgi existimatione censetur? An dicitur magnum luminare propter id, cuius causa Deus eam instituit? scilicet ut illuminaret noctem: in hoc enim ceteris astris antecedit. An quia vires & effectus eius in elementis, metallis,



P A R S I. C A P. XII. SOL

lis, stiperibus, animantibus, & humano corpore insigniores & illustriores sunt, quam ceterorū (vnum excipio Solem) syderum? An denique in eo, quod est, esse in tempora, signa, dies, mēses & annos, post Solē præcellit Luna reliquis astris? præsertim apud Iudæos, qui distinctionem temporum, non mensium modo, sed annorum etiam, & rationem dierum festorum, quos agebant, variis anni temporibus, ex Luna petebant: sicut exponitur in lib. Eccles. cap. 43. illis verbis, *Luna in omnibus in tempore suo ostensio temporis & signum eius. A Luna signum diei festi, luminare quod minuitur in consummatione.*

Quæstio I V.

*Quid macula sint in Luna?*

**C**Ur maculosa Luna appareat, & quædam in ea humani vultus species appareat, quæritur, utrum scilicet, pars eius densior & crassior, an vero rarior & tenuior sit huius rei causa? Respō- Responsio  
det L. Danæus: quoniam corpus Luna sicuti ter- Danzi.  
ra vicinior est: ita fecit terrenæ tanquam contagionem quandam habet. Est enim Lunæ corpus crassius & solidius ceteris Planetis & stellis. Itaque candidior est ipsius lux, & dilutior, minusque calida, quia & aquis cœlestib. propinquior est, & magis quoque terrena. Nos partē Lunæ obscurā putamus esse rariorem. Densior enim pars radios Solis firmitus & tenacius retinet & splendorem parit maiorem, propter obstaculum densius, quemadmodum hoc solida & politissima Solis substantiæ corpora obiecta docent. Ad quæ quidem radii Solis refracti



ingeminantur, & splendorem efficiunt longe maiorem, quam in raris. Quod autem Danaus *eam frigidiorē* dicit, ob aquæ cœlestis frigiditatem, nondum satis rationibus stabilitum videtur, præsertim cum a nobis non statuatur aquæ supra Lunam. Cur etiam esset frigida illa aqua, cum elemento ignis proxima sit, tum quæ raptu primi mobilis excogitata incalesceret?

## Quæstio V.

*Luna quanā sint qualitates, an frigida & humida, an vero calida & sicca.*

**Q**uam autem qualitas Lunæ ascribatur, in controuersiam hoc tempore arduam vocatur. Vulgariter Lunæ ascripserūt *vim humidam & frigidam*, quam valide etiam hisce inferioribus impertiri voluerunt. Et quidē magis, cum pleno lucet lumine, omnia tunc succi plena quasi turgere & increfcere. Contra huius lumine diminuto, omnia rursus flaccescere & decrefcere; quod demonstrare autumo exemplo cancerorū, qui plena Luna plurima carne referti sunt. *Item* arboribus plenilunio cæsis, mulierum purgationibus. Ceterum, si res ad amussim examinetur, cōstat vim humidam & frigidam Lunam non habere, neque ipsam pleno lumine res omnes humoribus implere, quorum euentuum causæ alię afferri possunt.

**Disputatur contra.** Luna humida & frigida.

**Plena Luna exsiccatur & calefacit.** Nos plenam Lunam exsiccare & calefacere potius existimamus, nedum ipsa ut immissa aliqua cœlitus influentia humectet aut infrigidet. Primum certum est, *Lunam proprium lumen non habere, sed a Sole mutuari*, cuius comes profecto



perfecto calor adhæret, quod Lumen, etsi a frigido Lunæ corpore non nihil obtundatur, & propter corporis paruitatē parum eius obtineat, non potest non eandem quam ipse Sol habere efficaciam. Etsi autem quis dicat, *Solem hic propter reflectionem non calefacere*, huic respondemus *radios aque a solido Luna corpore reperiuntur & reflecti, atque ab obstaculo terra*. Deinde scribit Aphrodisæus in problematis, *plena Luna effectus esse calidos & sicciores*; noua Luna dicitur humida & frigida respectu aliarum durarum, quæ magis ad caliditatem vergunt. *Tertio* Luna Sole absente huius vices sustinet, ut aerem noctis frigidiorē temperet. Illa enim hyemis tempore in signis fertur septentrionalibus frigori expositis vicinioribus, natura hæc vicissitudinē ita sapienter moderatur. *Quarto* experientia docuit, morbos ex pituita factos, ut est paralyxis, magis incrudescere & augeri silente Luna, quam plena, quod alioqui senibus accideret. *Quinto* manifestum caliditatis argumentum est, quod plena Luna omnia succo turgeant, cum frigiditas nullius humiditatis auctor esse possit, & in primis eius, quæ in optimum cedit nutrimentum, ut cancris accidit, pinguescere illi rectius creduntur, ideo quod plena Luna noctes sint calidiores & temperatiores, quæ cum & in cancris calorem natiuum excitent, sit, ut melius nutriatur, & plus saginentur: *Præterea* commodius etiam nutrimentum ob Lunæ lumen venientur & quarant. Docet quoque Arist. *sata esse latiora & longe fecundiora*.

I.

II.

III.

IV.

V.



*ra, si sementum plenilunio agricola fecerint quam*

**Luna plena**  
**calefacit.**

*noilunio.* Quod si ita est, Luna plena calorem certe terræ & seminum ipsi commissorum auget, unde omnia fecundari contingat. Contra larga humiditas & frigiditas semina impe-

**Obiectio.**

dit & exstinguit. Neq; obstat nobis, q̄ dicitur, *Luna plena excitari catharros, præsertim si radiis Lunæ caput exponatur.* Id enim non ratione frigiditatis, sed quod humores per nouilunium plena Luna liquefacti decidant. Non negamus tamen a frigore comprimente id ipsum fieri, cum & nouilunio catharris sumus obnoxii, neque negamus, cerebrum nouilunio esse minus, vel arctius ob frigus constringens, plenilunio autem dilatari magis ob humorum copiam, quæ sunt in venis. Quod autem ipsa cerebri substantia, quæ est pars similis, intumescat plenilunio, non recipimus. Nam cum post ἀκμήν ad iustam magnitudinem peruenit, eam non excedit, neque secundum Lunæ figuram substantiam immutat, sed ita diffunditur & comprimitur, ut maius & copiosius hoc, quam illo

**Medulla in**  
**ossibus au-**  
**getur & mi-**  
**nuitur pro**  
**alimenti v-**  
**bertate.**

tempore appareat. Augeri, vel minui pro alimenti vbertate, medullam in ossibus agnoscimus, quæ non est pars similis, sed vtile quoddam excrementum ad ossa nutriendum accommodatum, seu destinatum. Hæc aliquando ita disputata obseruauimus a Domino D. Neuwaldo, quæ certe non videntur absone a veterum & recentiorum nonnullorum rationibus, quas deinceps maioris lucis gratia hinc inde in sequenti quæstione repetemus.

**Quæstio**



Quæstio alia de finibus & effectis Lunæ, ubi differitur  
latius de Luna. vi calefaciendi.

**M**oses duorum finium meminit: quorum **Fines Lunæ**  
alter est, ut præsit nocti: alter ut describat **duo.**  
motu suo menses. De priori Plinius *libr. 2. cap.*  
*9. Omnium* (inquit) *admirationem vincit, nouis-*  
*simum sidus, terrisq; familiarissimum, & in tene-*  
*brarum remedium a natura repertum.* Dauides  
Psal. 104. *Fecit Lunam in tempora, Sol cognouit*  
*occasum suum. Posuisti tenebras, & facta est nox,*  
*in ipsa pertransibunt omnes bestia sylva.* Voluit  
quippe Deus hominem, obrutu syderum &  
Lunæ, admirari opificis sapientiam & bonita-  
tem: qui omnia condidisset propter hominē.  
De posteriore fine Symeides ca. 43. conciona-  
tur. *Et Luna* (inquit) *in omnibus in tempore suo,*  
*ascensio temporis, & signum æui: A Luna signum*  
*diei festi: Luminare, quod minuitur in consum-*  
*matione. Mensis secundum nomen eius est, cre-*  
*scens mutabiliter in consummationes.* Lege & Ga-  
lenum lib. 3. de diebus criticis.

Princeps est hæc natura, ut luceat noctu, &  
suo cursu, recursuque tempus describat men-  
struum. Alia vero est etiam Lunæ natura eaq;  
minus principalis: sed tamen secundum natu-  
ram lucis, quam accipit a Sole: nempe ut rare-  
faciat, & extenuet tum aerem, tum omnia spif-  
sa: cum autē minor sit lux Lunæ, etiam minor  
hæc illius vis est, qua aerem rarefaciat & densa  
extenuet. Cum enim Luna lumen a Sole acci-  
piat, eandem quoq; vim fortiatur necesse est,  
quæ inest aliis solaribus, licet multo minorem.

Princeps na-  
tura Lunæ.  
Alia minus  
princeps.

Luna ean-  
dem quam  
Sol vim hæ-  
bet.



Quemadmodum ergo Sol diffundēdo & colliquādo aerem sua luce, eundem per accidens calefacit: quod videlicet subiectum est *πεφυκός*, & habile ad suscipiendū calorem (nam Solis lux etiam ætheream regionem trāsit & perlustrat, non tamen eam vel extenuat vel calefacit, cū non sit *πεφυκός*, & idonea ad excipiendas istas qualitates, vel si mauis, ipsum etiā æthera secundū nōnullos afficit suo modo.) Ita etiam Luna consequenter calefacit, laxatis & reseratis, quæ sunt densa & *πεφυκότα*: idque per se facit quarto quodam modo. Huc respiciens D. Ambros. scribit in 4. Hexa. *Lunam in id se induere ministerium, in quod & frater eius, ut illuminet tenebras, foueat semina, augeat fructus.* Verū tamen calor ille, quem excitant Lunæ radii, multo est tenuior minorque, quam est Solis, a quo lumen suum mutuatur: ideo molliori, & imperfecta vi soluit tantum humorem, atque etiam auget, quem Solis radii absumunt: *ut ait Plinius.*

Lunam res  
spissas laxa-  
re easq; per  
se quarto  
modo cale-  
facere.  
Carnes Lu-  
næ exposi-  
citi<sup>9</sup> putre-  
scūt, quam  
Soli.

Lunam autem res spissas laxare easq; per se quarto quodam modo calefacere, docent manifesta in rerum natura experimenta, quæ Aristoteles, Plutarchus, Plinius, Gellius, & alii recitant. Nam & carnes expositæ Lunæ citius putrescunt, quam in sole: propterea quod Lunæ calefactio sit mollis & languida, humoresque non exsiccans, sed tantum resoluens. Infantes etiam si Lunæ ostententur: pleni humorum conuelli solent, commotis humoribus: & qui in Lunæ lumine decubuerunt, quasi attoniti



niti cōsurgunt, humore cerebri per radios Lunæ diffuso. Quorum omnium causam Plutarchus a calore Lunæ petit, *lib. 3. Sympos. quest. 10.* Eadem de causa ostracea senescente Luna tabescunt: quæ adolescente & augescente gliscunt, *teste Gell. lib. 20. cap. 7.* Præterea in arboribus & stirpib. Lunæ calor humores natiuos resoluit & colliquat. Quæ de causa fabri ligna plenilunio vetant cædere. At contra decrescēte Luna, cum iam deteritur lumen, aiunt cædi optime materiam, quæ are scat tunc, attenueturq; propterea, ne caro computrescat. *Calius Rhod. lib. 2. cap. 3.* Præterea noctes in plenilunio calidiores esse tradit Aristoteles, propter Lunæ lumen: vnde contingat, *pisces ad aquarum commearē superficiem.* Hippocrates quoq; ait, *aerem nocturnum stellarum luminibus subtiliorem fieri: & calidum aliquantum, generationi, & vitæ accommodatum: Cal. Rhod. lib. 24. cap. 16.* Sed & Aristoteles tempus frigidius & humidius esse affirmat *decrescēte Luna, quam eadem crescente, lib. 4. de generat. animal. c. 2.* Quinimo Lunam priore dichotomia plus excalefacere atque humectare, quam sequenti, ubi lumen ad defectum tendit, docet Rhodig. *loco citato.* Consentit cum his etiam Plinius *lib. 2. cap. 99. & 101.* Et cap. 99. etiam hominis sanguinem cum lumine Lunæ augeri ac minui docet. Postremo etiā maris fluxum ac refluxum, ad Lunam, ad eandem causam, referunt Philosophi, ut *Strabo lib. 3. & Plin. lib. 2. cap. 97. Ptolem. lib. 2. tit. 6. Aristot. lib. de Mundo. Plut. lib. 3. de plac.*

Ligna quæ  
do cædēda



Basilii.

Affectiones  
aeris Lunæ  
mutationi-  
bus subia-  
cent.

*in fine.* Accedit his omnibus etiam D. Basilii auctoritas: qui beneficas istas Lunæ vires, caloris & lucis eius comites, his verbis deprædicat: *Animalium corporibus & ceteris e terra nascentibus, non mediocriter conducunt Lunæ mutationes. Nam alio modo corpora, decreſcente ipſa, aliter creſcente ipſa efficiantur. Cum enim minuitur, ſiūt rara atque inania: cum vero creſcit, atque ad plenum orbem properat, rurſum opplentur: propterea quod humorem quendam cum calore miſtum, in profundum uſque ipſis occulit in primis.* Declarat hoc ita eſſe cum ii, qui ſub dio Lunaq; dormiunt: quorum laxa ſpatia capitis opplentur ſuperfluo humore: tum recens iugulata pecudis carnes, quæ impreſſione Lunæ celeriter mutantur: itemque animalium cerebra: & animantia marina, quæ humidiffima ſunt, arborumque medullæ. *Præterea affectiones aeris iſtis mutationibus Lunæ ſubiacent: ſicut teſtatur repētina procellæ: quæ circa nouilunium plerunq; a ſerenitate ac tranquillitate ventorū oriuntur: quando & flatu nubes exagitantur, ſibiſque occuſant: item æſtus maris accedentes recedentesque, partim in Euripis, partim in Oceano: quos accolæ obſeruarunt Lunæ exacte ſequi circuitus. Nam Euripi ſecundū Lunæ facies, in alterutram partem per vices refluunt. In coitu vero, ne minimum quidē temporis quieſcunt: ſed in agitatione & liberatione continua verſantur: donec rurfus emergēs Luna quandam viciffitudinem fluxus ac refluxus præbuerit. At occiduum mare æſtus ſuſtinet,*



net, nunc subsidendo, nunc rursus inundando:  
proinde ac si respirationibus Lunæ retro tra-  
heretur, iterumque exspirationibus eiusdem,  
ad proprium statum protruderetur. Vide Strab.  
& Plin. & Senec. & Lucret. suis locis. Consule  
etiam Plutarch. in fine lib. 3. de plac. phil. Adden-  
di porro & hi Latini versus: quibus prope uni-  
uersa natura Lunæ explicatur.

*In posterum me usus magistro discito  
Natura Lunæ quæ sit apte: hæc omnium  
Vim continet succorum, & hæc potentiam.*

*Est vda primum, donec illa creuerit:*

*Infantibus prorsusq; sit simillima.*

*Tepens at inde plena cursum perficit,*

*Vigere tum videtur, esse & florida.*

*Decrescere ut cœpit deinde, mox die*

*Vigesima remissus acta fit vigor,*

*Aretque sensim: longa nec fit hinc mora,*

*Senescit illa, mox videtur emori,*

*Deformis, algens, atque operta nubibus.*

*Rursusq; sit noua hæc, prius quæ nulla erat.*

*Vultu decoraprodit, & repletur hinc.*

*Hæc sic habent. Si plura quis dicat tibi,*

*Nugas loquaces credito, atque fabulas.*

Prolemæi ἀβελτερία νηὶ φλυαρίαν de natura Lu-  
næ castigat Cæl. Rhodig. lib. 1. Antiq. cap. 13. 16.

& 18. Quæ ergo causa est, quod Luna non etiam  
rarefacit & exsiccat: siquidem calefaciendi vim  
in se habet?

Causa huius rei, est inopia atque imbecilli-  
tas caloris. Quem enim humorem radii Solis  
observant, eum Luna molliore atque imper-  
na,

Cur nō ræ  
refaciat &  
exsiccet Lu-  
na,



Luna per  
accidens hu  
meat.

Luna nō est  
humida.

fecta vi tantum soluit. Nam Solis ardore (*ait Plinius*) siccatur: & hoc esse masculum sydus accepimus, torrens cuncta sorbensq;. Contra ferunt Lunæ fœmineū ac molle sydus, nocturnum soluere humorem & trahere, non auferre. Astipulatur Plinio Plutarchus in Quæstionib. natura. quæst. 24. vbi causam roris nocturni talem affert: *Est ros pluuia languida & imbecillis: ut & calor Luna parum est validus. Itaque trahit a terra, ut & Sol: sed in altum euehere & pertrahere cum non possit dimittit.* Ex his manifestum est, Lunę humectationem attribui plane per accidens, cum per se (& quarto quodam modo) calefaciat. Nam calore suo excitat in corporibus humores, ac laxat: sed quia nō potest eos concoquere, propter imbecillitatē caloris, ideo soli relinquit maturandos. *Deinde* etiam vapores e terra elicit: sed cum non possit eos in altum euehere, hoc est, sua luce extenuare, & leues reddere: ideo relinquit in terræ superficie, vnde etiā rosidus ille aer nocturnus existit. Atq; hæc omnia Luna agit, prout subiectum, in quod radios suos proiicit, dispositum fuerit. Valeant igitur Chaldei & Arabes, qui optimo syderi malignam naturam admittuntur: & non modo humoris rosidi & aquei, sed etiam frigoris nocturni causam suapte natura existere falsissime asseuerant. Valeant etiam, qui humidam Lunam dicunt, propter hūc effectum plane accidētarium. Nam eadem ratione etiam Sol erit humidus, qui suo calore educit vapores e terra & aqua, eosq; subuehit: vnde postea imbres existunt. *Quæ-*



## Quæstio VII.

*An Luna sit sola & vera causa affluxus & refluxus marini?*

**L**Vnam in Marinis problematis, ex disceptatione Patriciana, ostendimus non esse solam & adequatam causam æstus marini: attulimus in medium, nisi memoria nos fallit, fere duodecim argumenta negantia. Non tamen causam quandam istius reciproci motus esse Lunam inficiamur; distinguimus siquidem inter vniuersales & particulares efficientes. *Vniuersales* sui ratione agunt vniuersaliter & vniuersali actione, at ratione subiectorum vniuersalium causarum actiones recipientium, agunt diuersimode pro ingenio & natura rerum, in quas agunt. Pro modo igitur & natura recipientis actio & recipitur & variat. Sunt autem vniuersales causæ istæ externæ, extrinsecus in maria agentes, ut Sol & Luna.

*Luna an sit causa affluxus & refluxus marini. Causæ vniuersales reciprocatio- nis marini.*

Sol enim radiorum suorum luminisque calore calores omnes rebus nostratibus inditos primæuos tum conseruat, tum viuificat, tum excitat, tum in opus deducit. Calore viuificato & viuificante, omnia ad motum idonea redduntur, & reddita cientur motu, quasi vita altera ab interna, in exteriorem pdeunt vitam. Sicuti enim primaria vita, in essentia motio & actio fuit ostensa, & secundaria vita, motio & actio ab essentia ad extera: ita maris calor primæuus, a Solis calore fatus & excitatus in motum fert Oceanum, & in exteriorem quandam vitam.

*Sol.*



**Luna.**

Luna vero humores omnes hos terrenos tum fouet, tum seruat, tum viuificat, tum nutrit, tum in motionem excitat & concitat. Et sicut ipsa Solem variis aspectibus, quasi amorem suum indies, in horas intuetur, & ab eo seminibus æthereis grauida redditur: sic ipsa Oceanum amores suos aspectibus variis, inque horas, inque dies contuetur, ipsamque reliquosque humores hosce terrenos iisdem, quibus a Sole est grauida facta, seminibus grauidos fœcundosque facit. Id autem sine sui motione, sine luminis diffusione, sine influxuum seminumque effusione nequaquam fiat. Ergo secundum Patricium ad Lunæ motum, ad Lunæ cum Sole, cum terra, cum Oceano aspectus, ad eius lumen, ad seminum influxus, humores nostrates omnes fœcundantur, vitam concipiunt, parturiunt, fructus pariunt, eosque alunt, & ad vitam & motionem concitantur, commouentur, & alterantur.

**Humores omnes sub sunt imperio Lunæ.**

Omnes itaque inferiores humores subsunt imperio Lunæ: neque tamen omnes eius imperio æque patent, æque commouentur. Neque enim omnes eadem sunt substantiæ consistentia, aut æquali vel raritate vel densitate, neque omnes eodem & æquali sunt calore.

Hæ sunt causæ exteriores vniuersales, quibus ratione superioris seu ætherei caloris & humoris respondent duæ causæ particulares interiores.

**Causæ particulares res**

Posterius igitur genus est causarum particularium interiorum seu proximarum, in ipsa marium



marium natura. Suntque *fluiditas*, a fluore pri- ciprocatio-  
mauo orta & falsedo a primæuo calore origi- nis maring.  
nem ducens, & mari insita illa Lunæ, hæc Solis  
imperio regitur. Sed plura de huius quæstionis  
discussione viderit Lector ex variis variorum  
Doctorum scriptis in problematis marinis dis-  
ceptata.

Quæstio VIII.

*Quatenus ex motu Luna futura tempestates prædici pos-  
sint, & an ad incrementa & decrementa Luna  
actiones quasdam instituere liceat.*

**C**Oelum serenum aut pluvium ex motu a-  
strorum & Planetarum certo non posse  
prævideri tum alii, tum Frischlinus multis de-  
monstravit argumentis in sua Astronomia. In-  
terim vero cum eodem non negamus ex Luna Prædictio-  
sum prognostica, sicut ex Sole, sed talia, quæ a nes ex Lu-  
caussis iam fieri & effici incipientibus capiun- na quales.  
tur, hoc est, ubi iam causa est in effectu aliquo  
posita. Cuiusmodi sunt præensiones nautarum,  
agricolarum, & Medicorum. Sed Astrologi  
nostri ex causis remotissimis prædicunt effe-  
ctus, & quidem post aliquot menses aut annos  
eventuros.

Deinde si quæritur, an non liceat secundum Quæstio.  
Luna incrementa & decrementa certas quasdam  
actiones instituere, sciendum est, aliud esse secū-  
dum id quod instat agere, aut non agere, aliud  
vero articulos temporum futurorum ex astris  
velle providere: & agendi rationes hominib.  
inde præscribere. Nam aliud vere, aliud æsta-  
te, aliud autumnò, aliud hyeme agendum esse,

KK



nemo negat: quando semel in rerum naturā,  
 propter hominis peccatum, iste vicissitudines  
 aeris temperierum, iusto Dei iudicio prouene-  
 runt. Quis enim tam vecors sit, qui vere cupiat  
 metere & serere æstate: aut qui velit autumnō  
 putare vites, vt hyeme colligat vindemiam?  
 Cum aut Luna suo ambitu menstruum quen-  
 dam annum & ver quoddam suum, suamq; æ-  
 statem & suum autumnum atq; hyemem, intra  
 mensem describat: *sicut supra est demonstratū*:  
 ideo non negamus, aliter agendum esse Luna  
 noua, aliter Luna plena, aliter Luna dimidiata,  
 absq; tamen superstitione. Nam secundum lu-  
 cis suæ copiam atque inopiam, id est, incremē-  
 tum ac decrementum, efficit, vt crescant ac de-  
 crescant humores, in corporibus tam animan-  
 tium, quam arborum & stirpium, & rerū qua-  
 rundam anima carentium. Quapropter gene-  
 rales seu vniuersales agricolarum ac medicorū  
 regulæ, ad Lunæ incrementa ac decrementa  
 præscriptæ, nihil habent absurditatis atq; im-  
 pietatis. Possunt enim ac debent etiā quædam  
 actiones ad Lunæ cursum institui. Ita in cædē-  
 dis lignis, in serendis quibusdam stirpibus aut  
 plantis, in detrahendo sanguine per scarifica-  
 tionem, aut venæ sectionem, denique in exhi-  
 bendis medicamentis purgantibus, multo re-  
 ctius sapiunt agricolæ & medici, qui ad incre-  
 menta & decrementa Lunæ respiciunt, & ad  
 habitum anni, quam qui præfagia Arabica &  
 Egyptiaca, ex fictitiis prospectib. Planetarum  
 perita, considerant. In his tamē incrementis ac  
 decre-

Humores  
 tam secun-  
 dū animā-  
 tium quam  
 arborū sua  
 ex Luna ha-  
 bent incre-  
 mēta & de-  
 crementa.

Actiones ad  
 cursum Lu-  
 næ institui  
 possunt.



P A R S I. C A P. XII. SIS

decrementis Lunæ obseruandis, medico summa adhibenda est moderatio: ne quid nimis agat: præsertim vbi de salute & vita hominis agitur. Nunquam enim ita obseruari debent ista, vt aliquid mali ab astris & a Luna metuas, licet vna eademq; actio videatur commodior, Luna decresciente, quam crescente. In primis Venæ sectiones non ad certa signa alligandæ. vero detestanda est illorum superstitio, qui venæ sectiones ad certa signa, in quibus Luna versetur, solent alligare: constituta *χραιογραφα*: in qua singulis membris humanis singulorum signorum, illis dominantium, characteres scribuntur. Eius descriptio e lib. 2. Manilii petita est, & lib. Firmici 8. plena horribilium superstitutionum, & anilium fabularum. Cur enim capiti humano tribuatur aries, & cur pedibus præsent pisces, si causam ex Astrologo petas: aut nullam reddet, aut ridiculam, aut plane superstitiosam & Chaldaicam.

*Quando igitur arandum & serendum?*

Tempora arationum & sationum præscripsit Salomon c. ii. sui concionatoris, ita dicendo, arationis & sationis. interprete Nazianzeno: *Multi volunt prænosse futura ex cælo. Et sæpe aliquis ad nebulas respicit ac ventum expectat: interim neq; serit neq; ventilat fruges, de re nihili persuasus: neque cognoscens, quid a Deo sit futurum: sicut ignorat, quid sit paritura, quæ utrum gerit. Quare seras in tempore, & collige fructus quando tempus institerit. Obscurum namque est, quæ nam ex terra nascentibus futura sint meliora, vel quid prius enascatur, hoc an illud.* In eadem sententia est Plinius quoq; lib.



18. cap. 25. vbi cœcam illam subtilitatem Astrologorum damnat: quando res agitur intra rusticos non modo cœli sed etiam literarum expertes. Ideoque sequenti c. 27. vociferatur: *Cur cœlum intueris agricola? cur sydera quæris rustice? iam te breuiore somno fessum premunt noctes. Ecce tibi inter herbas tuas spargo speculiares stellas, easq; vespere, & ab opere disiungenti ostendo. Ac ne possis præterire, miraculo sollicito: videsne ut fulgor igni similis, alarum compressu tegatur, secumque lucem habeat & noctem? Dedi ecce tibi herbas horarum indices: & ut ne Sole quidem oculos tuos a terra auoces, heliotropium ac lupinum circum aguntur cum illo? Cur etiam nunc altius spectas, ipsumque cœlum scrutaris? Habes ante pedes tuos ecce virgiliae.* Hæc Plinius. Veteres rerum rusticarum scriptores, Hesiodus, Virgilius & Columella tempora serendarum frugum, tritici, farinæ, hordei & similium, ex alicuius stellæ ortu descripserunt. Nam supra ostendimus, *initia veris & æstatis, non esse eadem ubique, si ad qualitates, & vices aeris respicias.* Ideo ex ortu alicuius stellæ insignioris, initia veris aut æstatis vel autumnii descripserunt veteres. Hinc tracta superstitionis origo: quod posteri crederent, cœlestem aliquem influxum cōmunicari terræ nascentibus per exortus talium syderum. Vide Columell. lib. 2. cap. 8.

*Quando scarificandum, aut vena secanda?*

Dies venæ  
sectionibus  
& scarifica-  
tionib. apti.

Quæ tempora sint apta venæ sectionibus & scarificationibus, nemo melius præscripserit nisi homini, quam Medicus. Aut enim istis euacuationibus



ationibus vtendum est, antequam morbus ingruat, tanquā prophylacticis, aut vbi iam morbus hominem inuasit. Vtrobique medicus poterit ac debet cōsulere, quid valeant humeri, quid vires ferre recusent. Quod si aliquid esset situm in illa Arabica & Chaldaica observatione signorum Zodiaci, & Lunæ Solisque cursus: neque Hippocrates, neque Galenus in suis prolixis disputationibus de curatione per sanguinis missionem, id reticuisissent. Nam certum est Hippocratē, Galenū & alios medicos, in operibus suæ artis, nunquam fuisse vsos Astrologia: sicut iam olim Medicus & Philosophus doctissimus, Th. Erastus luculenter hoc demonstravit. Non ignoro, quæ Hippocrates scribat *in lib. de aere, aqua & locis*. Sed ea pro Astrologorum astromantia & astromania, minus nihilo facere quiuis intelliget, qui totum librum diligenter pensitabit. Nihil enim aliud ibi Hippocrates docet, nisi considerata Medico anni tēpora, ventos, loca & regiones. Nō enim alia de causa, Caniculæ, Arcturi, Vergiliarum exortus vel occasus, Solstitiaq; & æquinoctia obseruanda dicit: quam vt Medicus per ea cognoscat temporū mutationes: cum quibus etiam hominum ventriculos dixit permu-  
tari *Manard. lib. 15. Epist. 5.*

*Quando vero purgantia medicamenta sunt exhibenda?*

Crinas Massiliensis, auctore Plinio, arte ge-  
minata, ad syderū motus, ex Ephemeride Ma-  
thematica, cibos ægrotis dedit, horasq; obser-  
Purgantia  
quando ex-  
hibenda.



uauit. *Plin. libr. 29. cap. 1.* Ridet hanc stultitiam  
Iuuenalis *Sat. 6.* cum ait:

*Ad primum lapidem vectari cum placet : hora*

*Sumitur ex libro : si prurit frictus ocelli*

*Angulus : inspecta genesi collyria poscit.*

*Egra licet iaceat, capiendo nulla videtur*

*Aptior hora cibo : nisi quam dederit Petosiris.*

*Si mediocris erit : spatium lustrabit utrumq;*

*Metarum, & sortes ducet : frontemq; manuq;*

*Prebebit vati crebrum poppysma roganti.*

Pudeat ergo Christianos homines, eo demen-  
tiæ prolabi, vt superstitionibus illis fidem ha-  
beant, quæ etiam a sanioribus Ethnicis exhibi-  
lantur. Plantas enim debent inspicere Medici,  
nō Planetas : & in curandis ægrotis Galenum,  
non Calendarium cōsulere. Etenim ipsa mor-  
bi qualitas & corporis ægri habitudo, & aeris,  
locique constitutio, satis indicabunt, quid ex-  
hibendum sit ægro, & quātum & quo tempo-  
re: ita vt libros atque Almanach Arabum con-  
sulere nihil sit opus. Quod enim Hippocrates  
ait in Aphorismis, *purgationes esse molestas sub*  
*cane & ante canem*, non ideo dixit, quod sydus  
illud purgationib. per se aduersetur, sed quod  
eo tempore exusta sit nostra natura, neq; vim  
purgatorii sustineat: sicut Galen<sup>us</sup> exponit. Ex-  
uritur autem eo tempore natura hominis, nō  
quod stella canis vllam adurendi vim habeat:  
sed ex accidente nostro aeri contingit: quia  
dū illa oritur, Sol & vertici nostro magis pro-  
pinquat, & in nostro hemisphærio longiorem  
moram trahit. Si enim p̄pinqua Sirii vi fieret:  
his,

Purgatio  
sub cane &  
ante canem  
molesta.



his, qui ad Antarcticum polum eadem, qua nos ad Arcticum, vergunt inclinatione, eosdem, quos nobis, calores iacularetur: cum tamen eodem tempore maxime algeant. Quod certe argumentum vel vnicum, totam fere astronomicam diuinationem tollit, signorum viribus inhaerentem, quas in nostra regione, ex Solis ad ea accessu demonstrat. Manard. lib. 15. Epist. 5.

*Sed de diebus decretoriis siue criticis quid statuendum censes?*

Dies decretorios secundum Lunæ illuminationes posse obseruari, Galenus ostendit libro huius argumenti tertio. Quod autem vno etiam cap. per breui, idem Galenus infert, *magnas a Luna commotiones excitari, vel ad mali incrementum, vel ad decrementum, in quatuor punctis Zodiaci cardinalibus, & in locis quadrangulis, aut oppositis, item in coniunctione, cum reliquis Planetis*: loquitur Galenus ex sententia Ægyptiorum Astronomorum: qui alios Planetas faciant ἀγὰδοποιὺς, alios κακοποιὺς. Cum autem hæc sententia sit absurda, & impia, atq; aliena a Christiana religione, ideo Ægyptios longum valere iubemus. Cælius autem Rhodiginus Galeni, aut potius Ægyptiorum sententiam ita interpretatur, lib. 14. Lect. Antiq. ca. 11. vt hanc rationem influxuum luminum, quam Ægyptii ad situm Lunæ in Zodiaco referunt ipse ad Solis illuminationes referendā esse censeat. Nam Lunam inquit nouam fieri in locis quadrangulis a die silentis Luna, rursusque cum plena visitur, id in aduerso atq; diametro contingere. Equidem

Dies decretorii.

Galenus.

Cæl. Rhodiginus.



Lunæ observationes Ægyptiacas, hic oblitus  
 fui Galenus, videtur approbare: quas *libr. 12.*  
*Method. Therapeut.* adeo contemnit: ut etiam  
 magnopere laudet medicum, qui quinquage-  
 narius in Cephalalgia, noctu sibi venam inci-  
 derit. Quid, quod idem Galen *lib. 2. de crit. dieb.*  
 fatetur, *actiones Solis & Lune, pro diuersa mate-*  
*ria dispositione variare:* ἐπεὶ δὲ αὐτὴ ἡ φύσις μὴ κρατῇ  
 τῆς ἑλίου ἀλλὰ ἐμποδίζοιτο. Quare autem diebus  
 imparibus cōcidat Crisis, causam reddit Hip-  
 pocrat. *lib. 4. de Morbis*, dum inquit: *Diebus pa-*  
*ribus corpus de ventriculo & vasis humores attra-*  
*hit: quos diebus imparibus propellit & protrudit.*  
 Cuius certum est hoc signum. Quicunq; enim  
 febre continua correpti, pharmaco in diebus pa-  
 ribus vsi sunt: hi nunquam nimium sunt purgati.  
 Qui vero diebus imparibus medicamentum sum-  
 serunt, hi nimium purgati interierunt. Humor e-  
 nim agroti magis diebus imparibus, turbatur,  
 nimirum corpore humorem ad ventriculum  
 transmittente. Proinde recte Corn Celsus *lib.*  
*4. cap. 4.* ipsas morborum accessiones iubet in-  
 tueri: & ex his, quando cibus sit dandus, con-  
 iectare. Quando autem vena incidenda aut æ-  
 ger purgandus, rectius causa morbi & eiusdem  
 concoctio, viresque corporis, ac accessionum  
 tempora, quam ἀνασσεαstra indicabunt, Lang.  
*lib. 1. Epist. 35.* Addēdum vero & hoc, quod Ga-  
 lenus aliquot locis scribit, illos esse mentitos, qui  
 dicant, eum prædixisse aliquid ex astris, aut ex a-  
 liis, quam medicis signis, quæ videlicet in corpore  
 apparent. Sed præstat de Criticis diebus medi-  
 corum

Hippocrat.

Corn. Cel-  
sus.

Langius.



corum, duos præstantissimos audire medicos: qui *φλαβίας καὶ ψυχρολογίας* Arabicas & Chaldaicas, pio veròque Philosophico & Christiano spiritu reiecerunt. Ita autè scribit L. Fuxius *lib. 4. Sectio. 2. Institutionum Medicarum, cap. 10.* Optimum erit vt dlerum iudicatoriorum rationem Hippocratis, quam Galeni & aliorum veterum obseruatio & experientia comprobauit, ac certam esse deprehendit sequamur. Multo enim còmodius est in expultricem noxiorum facultatem, in morborum impetum atque motum, in noxiorum humorum substantiam, modum, qualitatem, copiam, in naturæ morborum medicatricis vim ac potestatem, denique in arcanam & abditiozem quandam sympathiam & consensum, hos decretorios naturæ in certis ac statis diebus morus, quam in astrorum aspectus & influxus referre. Quod cum doctè ac copiose Franciscus Valleriola *lib. 3. locorum communium cap. 7.* ostenderit: & rationibus firmissimis Astrologorum vanas ac futes nugas confutauerit, non est, cur longior esse velim. *Hec Fuxius.*

C A P V T XIII.

*Dereliquis quinque Planetis.*

**P**lanetæ, qui circa centrum terræ mouentur sic funt: Planetæ circa Solem fere centrum suum circa Solè latè. eum uoluuntur.

Suntque vel Heterodromi vel Homodromi.

Heterodromi Planetæ sunt, qui diuerso motu, im- Heterodromi.  
parique tempore sua conficiunt spatia.

Hic igitur imparis & cursus & temporis ratio spectatur, quo absoluunt suas periedos.



Suntque Saturnus, Iupiter, Mars.

**Saturnus.**

Saturnus est Planeta heterodromus omnium supremus colore plumbeo triginta annis periodum suam conficiens.

**Iupiter.**

Iupiter est Planeta heterodromus Saturno proximus duodecim annorum spatio periodum suam absolvens.

**Mars.**

Mars est Planeta Ioui vicinus rutili & flammei coloris duobus annis circulum suum percurrentes.

**Homodromi.**

Homodromi sunt Planetæ qui simul currentes fere pari tempore suum conficiunt iter.

Hic igitur currentium Planetarum par fere est cursus celeritas & par tempus.

Suntque Venus & Mercurius.

**Venus.**

Venus est Planeta homodromus fulgore venustissimus matutino tempore, matutino tempore antecedens, vespertino vero subsequens occidentem Solem, cursum suum anni spatio conficiens (vel ut vult Plinius: tercentenis & duodequingagenis diebus, scilicet, 17. diebus ocus Sole.)

Si Solem antegreditur, lucifer siue Phosphoros appellatur; si consequitur, Hesperus siue Vesper.

**Mercurius.**

Mercurius est Planeta homodromus Venere inferior parumper albicans annuo spatio cursum suum absolvens (nisi quod Plinius nouem diebus ociori ambitu, quam solem ferri velit.)

#### Quæstio I.

*An vera sint quæ Astrologi stella Saturni attribuant?*

**S**uperstitiosi Astrologi Saturno ea attribuunt, quæ ei inesse haud videntur scrutatori naturæ Physico.

I.

**Saturnus  
an sit frigidus & siccus.**

I. Qualitates ei assignant *frigus & siccitatem*. Dicitur aliquo requirit inesse. Sed forte Metaleptice est frigidus & siccus. Sed omne corpus naturale, ut habet essentiam, ita agendi in se potentiam, a qua prodeunt actiones naturales, quæ



quæ agendi vis sæpe eius dicitur *natura*. Illa autem agendi *δύναμις*, est in ipsa essentia stellæ a forma eius promanans. Potentia autem illa agit in alia & externa subiecta per contactum. Corporalis contactus nullus hic est: quæ igitur est hæc *ουαφή*? per lumen non fit, quia vehiculum est caloris, non frigoris. Restat latibra ignorantia, & latibulum influentia: quæ quam vera sit alii iudicent. Sed quid Astrologi?

*Frigidam* habet Saturnus naturam, cum a nobis plurimum absit. O inane argumentum! Formetur propositio: *A Sole quæ plurimum distat stella, est frigida natura*. Hæc faciet frigiditas omnes stellas fixas longius a Sole remotas: frigefaciet etiam eas, a quibus proprio singulis annis motu discedit, quæ tamen feruntur calidæ. Sol etiam dicitur *fons caloris* in fixis & erraticis stellis, Solis remotio & recessus frigoris causa in iisdem. Vbi igitur manet influentia pallium? Capacia hinc intelliguntur sydera omnia, ut inferiora & nostraria, ex Solis propinquitate caloris, ex eiusdem longinquitate, frigoris. Sed quid ad hæc Peripatus? Hos contradicentes fert, at alios, non sola & nuda affirmatione, sed argumentorum nervis certantes excommunicat. *Siccitate*, aiunt, *Saturnum parum per affectum*. Si affectus: in ipso est siccitas, vel vis siccandi. Sed quæ ratio demonstrans frigiditatem & siccitatem etiam effectiuam? Certe aut lubrica est & incerta, aut nulla. Ex colore plumbæ si quæ coniectura affertur, infirma est: Experientia fallax.

Saturnum non habere frigidam naturam.

Ratio demonstrans frigiditatem & siccitatem.



II. *Masculinus*, inquit, *est, Melancholicus, terreus, &c.* Quare masculinus? forte quia Saturnus est nomen maris, & in Grammatica masculini generis? Ridiculū, me Christe. Aut quia masculos gignit: Ineptum hoc: Et Saturnine ab Astrologis dicuntur fœminę. Aut, quia ei est virtus mascula. Explicetur, quæso ista, fortitudo mascula & probetur. Physicas quæro rationes, nisi fortassis dixeris, aliud esse physicū rationibus physicis agentem, aliud esse Astrologum fide Astrologica persuadentem.

An Melancholicus.

Sed cur Melancholicus? formaliter certe & proprie non fuerit: nisi animal fecerit quis Saturnum succo Melancholico abundans. Efficiet fide Astrologica Melancholicos: Melancholicū igitur omne Saturninum. At agit non tantum in animalia, verū, & in omnia inferiora etiam inanima: quæ si subiecta fuerint huius stellæ dominio, erunt Melancholica. Definatur Melancholicum, applicetur proprie, applicetur Metaphorice, ridicula & absona multa audientur. Nunquid ideo Melancholicus, quia agit & irritat succum illum. At sic in nonnulla tantum aget animalia. Terreum etiam aiunt esse. Non equidem proprie: quia cœlestis. Si tropice, certe per Metonymiam effecti: probetur; *Quicquid a Saturno fit, vel sub Saturno fit, terreæ est nature.* Et dissimile nullum admittatur exemplum. Sed transeant ista.

III. An malus.

III. *Male audit Saturnus, quia fertur Malus, humana nature noxius & inimicus.* Quis credat, nisi Astrologus? Non est essentialiter malus:



malus: quia essentia Saturni ut stellæ est bona: Deus enim creauit. Non accidentaliter, omnia enim adiuncta Saturni sunt naturalia: at naturalia, præcipue in cœlestibus, sunt bona. Effectiue si malus est, efficit malum: Non equidẽ Ethicum & culpæ malum. Peccatum siquidẽ in stellas non cadit. Quid igitur? malum pœnæ affert. Irato Deo & punituro, quæuis etiam creaturæ possunt esse pœnæ organa. Sed vnde probationis fides? Ais humane naturę esse noxium. An per se, an vero per accidens? Per se neutiquam, stellas enim condidit Deus ut illuminarent terram & essent in signa, tempora, dies & annos. Neq; certe ordinarię pœnarum vel causã, vel signum est, quia præsentē & lucente Saturno totum genus humanum mala perpetueretur. Si ais: *fit hoc ex certo positu & congressu.* Ergo non per se: malitiæ igitur vim infert aliunde. At neque hoc perpetuum: prouoco ad experientiam, notentur omnes aspectus Saturni mali, & subnotentur euentus contrarii. Obseruatorem hic requiro fidelem. Et si quid mali tum temporis euenerit, non statim tamẽ efficitur, eius vel causã, vel certum signum esse Saturnum vel per se, vel hoc, vel illo positu stantem,

IV. *Tardus postea est in effectibus, ponderosus & grauis, tetrissimus in omnibus aspectibus.* IV. *An tardus.*  
Audio decreta Astrologica, rationes non audio. Cur tardus operando: quia remotior, seu quia motus eius est tardior. Propositio, *Stella quo remotior eo tardior effectus.* Ergo fixæ



An grauis &  
ponderosus

*sunt tardissima.* At vnde norunt tarditatem ex longinquitate? cum tamen credant occultam influentiam, cui forte nō obstat distantia: præcipue cum corpus Saturni satis magnum describatur: si lumine agit, imbecillitatem actionis non diffiteor. At vnde grauitas & pondus Saturni? conicio ex plumbo vel plumbeo colore. Ex & In se ponderosus dici nequit: quis enim pōderauit molem eius? Ex amplitudine corporis si deducitur illud pondus, Soli certe idem non derogabitur. In alio efficere grauitatem vnde demonstrabis? Et cur signum grauium & plumbi, non leuium etiam & auri esse dicatur miror. Hominum hic ingenia & placita dominantur.

V.  
An præsit  
senibus.

V. *Præst,* inquiunt, *senibus, patribus, anis, agricolis, mendicis, Hebræis, fossoribus metallorum, coriariis, figulis, habentibus profundas cogitationes.* Audite Dominum vestrum vos iam nominati. Hic ratio nō defuerit modo priora fuerint vera & concessa. At cur senes subiecti sunt Saturno? quia forte sunt frigidi, sicci, masculi, melancholici, mali, tardigradi, &c. Concederem consequens, si verum esset antecedens, at nō de omnibus senibus. Sed cur agit in hos, & non in alius ætatis homines: Nouit scilicet discernere Saturnus homines & distincte sua subiecta inuadere. Ratione discernente non carebit hæc stella: vel alia subiecta influentem vim & malitiam Saturni non possunt capere.

An patrib.

At quæ ratio? Sed quid *patres omnes, suntne Saturnini?* ipsi Astrologi patres infinitos excipient.



ent. Cur non & <sup>ἄτενοι</sup> quidam Saturno sunt subiecti? Cur agricolæ magis quam Ludimagistri in suo laborantes puluere? quasi vero agricolæ sentiant vim huius stellæ? cur magis Hebræi, quam Græci, & Germani? Si profundæ cogitationes sunt Saturni, certe industrii Philosophi, Mathematici, & alii tyrannidem experientur etiam huius Planetæ: Qui vero in hoc deuenere regnum coriarii & figuli? forte quia circa frigidam & terream materiam occupantur: quasi etiam sanguineus & cholericus eadem sæpe non tractet. Certe & nullo fundamento hæc nituntur, & ex parte haud minima futilia sunt.

An agricolis.

An Hebræis

An coriariis & figulis.

VI. *Afferre dicitur Saturnus carceres, morbos longos, & hostes occultos.* Ita profecto nō philosophatur veritas diuina, quæ carceres tribuit aut hominum peccato eos promerenti, aut tyrannidi persecutorum: & sic iustitiæ vltrici, vel iniustitiæ persecutrici. Morbi infliguntur a Deo, non per stellas, sed per alia propiora media, propter peccata: hostes occultos excitat vel Deus iuste, vel diabolus iniuste, & propria hominum malitia, & voluntas. Horum causas vel signa nusquam Deus collocauit in sydera a se condita, eorum munera exposuit satis manifeste in Genesi. Neque sequitur: *Ille iniectus est in carcerem, incidit in morbum, cum Saturnus esset.* Ergo Saturnus illi *us est causa, aut ordinarius & certum signum.* Et prædictiones de his futuris sæpissime non respondent euentui: si quando respondent, id

VI.

An afferat carceres.

An morbos

An hostes



fieri potest vel fortuito, vel permissu Dei & auctore superstitionis Diabolo.

## VII.

An efficiat  
nigros, cro-  
ceos, au-  
dos, dolo-  
fos, auaros,  
tristes, pau-  
peres, &c.

VII. Porro, aiunt, eum facere homines colore nigros & croceos, habentes oculos defixos in terram, macros, raris barbis, pauidos, taciturnos, superstitiosos, dolosos, auaros, tristes, laboriosos, pauperes, contemptos, inuidos, pertinaces, insidiatores, voraces, &c. Hæc si vera sunt, certe pessima est stella Saturni, & aget non tantum in corpora, verum etiam in animas hominum, eorumque voluntates. An non efficiens superstitiosos, dolosos, inuidos, &c. est peccati causa? Non enim homines efficit, qua homines, sed qua tales. Parit igitur superstitionem, inuidiam, dolum, pertinaciam in hominum mente & voluntate. Ad hæc certe sunt abominanda scelera, & a Deo prohibita peccata. Et stellæ quod agunt, agunt naturaliter. Naturaliter igitur malum non modo pœnæ, sed etiam culpæ & prodigiosa scelera efficiunt. Si naturaliter a natura sibi indita fluet illorum scelerum vis. Naturam autem illam Deus illis indidit. Deus igitur hac contaminabitur contumelia ab Astrologis istis, quasi sit ipse auctor talium scelerum, ea nimirum ex astris hominum mentibus infundens. Blasphemia hæc est, & mendacium Astrologorum impium. Sed relinqueamus Saturnum stellam per se optimam, Astrologorum vero conuiciis non sine magna iniuria conspurcatam: si ita prius argumentati fuerimus.

Saturnus  
stella per se  
optima.

*Bona creatura non est nisi bonus naturalis effectus,*



Etus quatenus agit secundum agendi facultatem sibi a Deo insitam. Atqui Saturni stella est bona Dei creatura, Genes. 1. Ergo stella Saturni naturaliter agentis effectus non est nisi bonus.

At vero, sceleratos efficere homines est effectus malus. Ergo sceleratos efficere homines non est effectus stelle huius. Indigna Christianis sunt hæc Astrologorum decreta, ut quod scribit primum Cardanus, Saturnum in prima domo Cardanus. facere segnes, tristes, contumaces, non pulcrum fratrum primum, sed malum, ob vitia propria. Schon- Schonerus. nerus & Cardanus Saturnum dicunt in secunda domo facere homines avaros, diffidentes rebus suis. Ringelbergius ait, eundem in eadem domo crea Ringelber- re turbas. Albohali ait, in tertia domo Satur- gius. num odia inter fratres & sorores conflare. Carda- Albohali. nus idem testatur & addit, in tertia domo, si fu- erit Saturnus fieri sycophantas, hereticos, & ma- los affines: In quinta domo Saturnum debilita- re filios, quosdam etiam necare: In septima face- re malum animum, malos hostes, & improbos. Schonerus ibi ait, eum dare potentes inimicos & mulierem diuitem. In nona domo putatur Sa- turnus Cardano magnos efficere Philosophos, ma- ximos deceptores, sacerdotes & hereticos: Rin- gelbergius addit, augures Mathematicos, Im- peratorum iras & odia. Hæc & alia plura tri- buuntur stellæ Saturni tanquam effecta, ab iis, qui sobrie magis sentiunt, ceu res signifi- catæ.

Mira certe & horrenda sunt hæc effecta, bonæ creaturæ naturali impetu agentis non



conuenientia. Horum producendorum vis aut est ab & in Saturno: aut a domo. Non ab & in Saturno: quia stella est agens naturæ ductu & Dei creatura bona. Non a fictitia illa domo, quia aut a cœli loco, aut a vicinis stellis aliis. At non a cœli loco. Cœlum vt est Homogeneum, ita etiam vires agendi habet vt cœlum similes, si modo cœli essentia quid agit. Non a vicinis aliis stellis: Quia illæ aliis non possunt afflicare suam malitiam & vim agendi perniciosam, quam prius ipsas habere, & aliis impertiri demonstrent isti auctores.

Quæstio II.

*An Ioui attributa qualitates vires & operationes sint vera?*

**I**VPITER Astrologorum censura Saturno melior est, hominum generi salutaris, aspectu clarus, tantum etiam fulgens, vt vmbra faciat, obscuriorem tamen, quam Venus.

I.  
Natura Iouis calida, humida, sanguinea & aerea an sit?

I. Natura Iouis fertur *calida & humida temperate, sanguinea & aerea*. Omnis natura & qualitas inest rei naturali, cuius esse dicitur *natura & vis agendi*. Calor itaque Astrologis est in Ioue, & quidem ita, vt eius sit natura & qualitas. Non consentit Peripatus. Lumine tamen & radiis gigni calorem concedit. At Iouis est & lumen & radius. Verum & Saturni est lumen, & radius: & tamen frigidus iudicatur. Humor est ne in stellis lucentibus? Quis hic annuet? Si est eius natura, Iupiter est humore imbutus: si est eius qualitas, vim habet humoris. Sed efficiet humorem absque dubio,



dubio, quem in se non habet. Non equidem lumine, cuius vis est calefactrix, non humectatrix; non radiis, qui augent calorem. Influxu igitur occulto. Ac probetur: Multa possunt dici de aliquo, quæ tamen non insunt. Probe-  
tur humor influxu Iouis gigni. Et quis illis singularum stellarum naturas aperuit? Expe-  
rientiam iactitant: at quo sensu observatus est humor Iouis? vereor ne fallat. Humorem non omnem, sed aereum tantum subiiciunt Iouis clementiæ: fortasse quia Iupiter perhi-  
betur fuisse benignus, & beneficus. Mirum, quod non aliquid frigoris a Saturno suo supe-  
riore, aliquid siccitatis & a Saturno & ab infe-  
riore Marte vrente participet, siquidem vel impediri, vel aliena qualitate imbuï ex diuersis aspectibus aliarum stellarum creduntur Pla-  
netæ. O cœli variam mutationem, quam tam operose Aristoteles impugnauit!

II. *Masculinus, & humana natura amicus* dicitur.

Cur masculinus, an quia Iupiter fuit mascu-  
lus, impense tamen fœminas deperiit, an quia masculos gignit aut genere, aut animo. Sub Ioue igitur multæ generabuntur puellæ. Sub Ioue nulli nisi animosi. At falsum vtrum-  
que. Aut cur masculinus est, si neque subie-  
ctiue, neque causaliter est masculus, forte per metaphoram propter similitudinem. At-  
qui hæc ostendatur in stella siue externa, siue interna. Recte dicitur *hominum generi ami-  
cus*, quia multa beneficia confert in homi-

II.

Iupiter cur masculinus dicatur.



nes, ex delegato sibi a Deo lege creationis munere. Deinde natura est bona a Deo condita: bonorum igitur effectuum est causa.

III.  
An faciat  
albos, diui-  
tes &c.

III. *Facit, inquit, homines albos, pulchros, statura, boni animi, graues, in actionibus prudentes, iustos, liberales, diuites, fideles, honoratos.* Causa est ex non causa ut causa. Horum effectuum non ea est vera causa. Bona largitur Iupiter fortunæ, corporis & animi. Concedo si per Iouem intellexeris Iehouam omnis boni fontem. At ais Iehoua per Iouem tanquam medium agit. Medium igitur hoc ostendatur aut ordinarium, aut extraordinarium. Si ordinarium, erit aut voluntarium, aut naturale: Si voluntarium, est rationalis Iupiter, & stella erit animal. Falsum. Si naturale, semper agit eodem modo. Constantia autem hæc in agendo ostendatur sufficienti inductione. Inquis, *naturalem hanc causam ab aliis stellis esse positam nonnunquam impeditur.* Probetur hoc commentum sine principii petitione. Vna igitur stella erit contraria, vna ab altera patietur. Referuntur hæc secundum dici, at non secundum esse. Extraordinarium si est, quis illis medium hoc extraordinariæ Dei actionis ostendit? Vnde norunt extraordinaria ordinarie? Et cur non Saturnus vel Sol medium potest huius rei censeris magis, quam Iupiter? Quæ bona fortunæ donat? Diuitias & honorem. An igitur omnes Iouiales sunt diuites? Vix credo. Et multi diuites, qui non sunt tales. Honor est honorantis, qui eum honorando defert.



defert. Est igitur in voluntate eius, qui honorat. Forte euehet ad fastigia honorum. Diuitiarum, dignitatum & honorum sacri & profani Philosophi causas alias numerant, quibus Iupiter accensetur neutrquam. Bona porro corporis a Ioue influunt, albor, pulcritudo corporis: forte quia Iupiter calorem fundit temperatum & humorem aereum. At quid interim reliqua luminaria? silent & torpent plane: qui humor corporis humani, causa proxima? an formatrix vis agit in vtero ex dictamine & imperio Iouis? Bonis animi cumulat certe insignibus, scilicet virtutibus, gravitate, prudentia, iustitia, liberalitate, fide, &c.

Cœlitus quidem influunt virtutes, at non a sideribus, sed a spiritu animos nostros regenerante, vel etiam a voluntate hominis se imperio rationis subiiciente. Ceterum stellas in hominum voluntates agere, & mentes permutare hominum dudum est a doctis exploratum & infra in Astroscopia fusius de ea stellarum actione tractabitur.

Veruntamen notandum est, ab *Astrologis Saturnum more Ethnico ad inferos deiici, & diabolica natura malitieque insimulari, eique mille nocendi artes tribui, eumque illis adeo esse Veionem*: Iouem vero inferri ita cœlestibus, ut ornatur diuinitatis potentia ac munere, adeoque esse illis Iouem Iehouam. Cui enim tribuuntur diuinitatis propriæ actiones, eidem etiam diuinitas vendicetur necesse est. Actio enim, præcipue naturalis, insequitur suam *Nrapiu*, Ab &



Idolatrica  
impietas A-  
stronomo-  
rum.

In essentia est *divinus*. An non Astrologi illi  
propria diuinitatis tribuunt stellæ Iouis? Ita  
enim noster Cardanus ait: *Iupiter, in domo se-*  
*cunda, donat omne felicitatis genus.* Schonerus: *Iu-*  
*piter dat longitudinem prolixitatem & prospere-*  
*rum vite successum: Facit hominem conscientio-*  
*sum, iustum pium & misericordem.* Gauricus: *in*  
*secunda domo facit Iupiter bonum ingenium,*  
*& dat magnas diuitias.* Albahali: *Iupiter in ter-*  
*ta domo felicitatem fratrum & sororum cum*  
*gaudio facit: in quinta, multos probos liberos.*  
Schonerus: *in quinta multiplicat gaudium: in*  
*sexta minuit aegritudines: in septima uxorem pro-*  
*bam & Dei reuerentem: in octaua destruit ma-*  
*lam mortem: in nona bonam & perfectam fidem,*  
*& huiusmodi alia, quæ Dei, non stellarum, vel*  
*creaturarum effecta sunt, tribuuntur stellæ huic*  
*Ioui.* Nihil iam dicam de Idolatrica illa impie-  
tate amplius.

### Disquisitio III.

*De Martis qualitatibus & effectibus.*

**P**lanetæ & stellæ omnes initio mundi a Deo  
sunt conditæ, quibus postea homines no-  
mina imposuerunt; præcipue vero supersti-  
tiosæ & idolatricæ gentes. Estque adeo nomi-  
num impositio ipsa stellarum natura & exi-  
stentia longe posterior. Hæc autem impositio  
hominum arbitrata, non ad ipsam stellarum  
formam ac naturalem efficaciam est instituta.  
Et certe crediderim, cū Natali Comite, ea, quæ  
fabulose de Saturno, Marte, &c. dicta ad phy-  
sicas rationes detorquentur, eorum fundamen-  
tum



tum fuisse res a Saturno, Ioue, Marte gestas: quæ tum voluptatis, tum etiam religionis causa ita fuere formata: & hinc Astronomos totam fere hanc fabulam ad suam artem retorsisse. Fabulæ igitur antiquorum Deorum, seu de natura & rebus gestis observatæ historiæ Ethnicæ, exstiteret Astrologiæ Chaldaicæ & Genethliacæ fundamentum. De Marte igitur tradunt.

I. Martem dictum, quod *maribus in bello præsit*, mauortem, quod *magna vortat*. Naturam eius esse intemperate *calidam & siccam*, ideoque *biliosam*.

I.

Mars vnde dictus. Eius natura calida & sicca.

Stella Martis si est intemperate calida & sicca, est certe ignea. Calor enim intemperatus, ficitatisque intemperies, notant ignem: forte ob Martis vel hominis, vel fictitii Dei iram & bellicos furores, qui igneo quasi bilis calore excitantur. Sed si intemperie caloris & ficitatis stella illa est prædita: aut illa inest ipsi essentiæ stellæ: aut significat eam in his inferioribus; aut efficit & producit: Non inest stellæ ut subiecto: quia intemperata qualitas in cœlestia corpora non cadit; & certe si vlla stella est ignea & intemperate calida, Sol hac qualitate antecelleret ceteras. Et quid respondebitur Peripateticæ Scholæ, si stellis inesse dicitur nō modo calor, sed & intemperatus calor?

Non etiam tantum significat eam intemperiem. Nam ipsi Astrologi dicunt, *facere seu efficere Martem has qualitates, ut videre est in Cardano, Schenero, Ringelbergio, Gaurico, &c.*



Malignitas  
agendi an  
stellis infit.

Deinde si vera est illorum sententia, qui scribunt *sydera significare tantum hominibus superarum mentium voluntatem, tanquam aues augurium, nullamque vim in nos habere ad commouendum*, cur quæso Venus dicta est malitiam Martis infringere, cur Iupiter Saturni furores retardare? Expresse enim docent, Saturni *malignitatem placari aut certe leniri Iouis coniunctione, vel receptione, vel oppositione*. Item Martem somniant, *cum in angulis cœli, vel in secunda (vt aiunt) domo, vel in octaua fuerit, multa nascentibus portendere, cuius tamen malignitatem minuat Venus, furoremque compescat, vel opposita, vel cōiuncta, vel recepta*. Hęc certe testantur ipsam agendi malignitatem & stellis ipsis inesse, & a stellis efficaciter in hæc profundi nostratia.

Non etiam illas qualitates igneas gignit & efficit Mars. Vel enim hoc fieret luminis sparsu, vel influxu latente. At lumen tantum non est Martis, vt igneas & tam sensibiles qualitates gignere possit. Si vlla stella feruorem igneum lumine gignit, ea citra controuersiam erit maius luminare. Non etiam effluxu stellæ insensili, & influente virtute clam. Nam eiusmodi influxus nondum est firmis ostensus rationibus: estque potius tegumentum in obscuris rebus humanæ ignorantia: estque stoliditas non infima, in effectis occultis statim scrutari cœlestia & relictis proximis ad remotissima auolare: latere enim possunt in ipsis etiam naturis agentibus vel patentibus, causæ occulte.



occulte agentes. Et quia rerum naturalium formæ sunt actuosæ per qualitates tum manifestas, tum occultas, & formarum cognitio est vt difficillima, ita rarissima: inde potius, non e cœli latente influxu, scaturit cœca illa nostrarum mentium, in rebus multis, ignorantia.

II. Martis Ethnici effecta & scelera in hanc etiam Dei cœlestem creaturam transferunt Astrologi, vt cum Cardanus ait: *Mars in prima domo de die facit violentos, fortes, prodigos, furiosos, instabiles, mendaces & prauorum morum.* Cum Schonerus ait: *Mars in prima domo, facit hominem litigiosum, qui semper querit rixas, facit res horribiles & absurdas: in secunda facit hominem destructorem rei familiaris, indigentem: eadem stella in imo cœli dat vulnera, malum finem & pessimam famam post mortem.* Mars ait Ringelbergius in altitudine sua dat gloriam maximam, patrimonia magna, & omne felicitatis genus. Mars, ait Cardanus, in septima facit malos mores & animum, hostes & uxores violentas, homicidas, conscios multorum scelerum, & natos brevis vite. Plura alia videris in horum auctorum Astrologicis. Verum quam fatua, & impia pleraque sint, qui compos est mentis, non potest non intelligere; qui legit Theologos Patres & recentiores, philosophos antiquos & nostros; non potest non videre. Quis enim est, nisi fatuus Astromanta, qui corpora cœlestia, adeoque Martem in voluntatem & intellectum directo aut necessario influxu agere

Martis effecta fatua & impia.



concedat. Ita certe argumētatur Damascenus: *Cum cœlum necessario ac naturaliter agat, si humana actiones cœlesti vi administrarentur, non essent libera sed naturales: nec homo ageret, sed bel-luarum more ageretur: nullaque superesset ratio consilii, nulla culpa, aut meritum. Quæ omnia absurda & impia sunt.* Audiant Lucilium iudicem suum Astrologi isti:

*Quique Saturnū aut Martem genialibus horis  
Observant: omnes demerzere crucem.*

*Mox erit, ut videam, quā vere noscere possint,  
Quid faciat Taurus, quid valeatq; Leo.*

Quæstio I V.

*Quid Astromantæ de Venere & Mercurio.*

Veneris natura.

Effecta.

**V**enerem tradunt naturam habere phlegmaticam, frigidam & humidam, temperie tamen affectam, esse fœmininam (forte quia fœmina fuit & est generis fœminini) p omnes suos aspectus beneficam: facere fœminas pulcras: homines luxui, otio, atq; libidinibus deditos: significare amorem, misericordiam, comitatem, vrbانيتatem, pulcritudinem, donationem a mulieribus & amicis, coniugium, dotem, libidines, luxum &c. Hinc Cardanus ait: *Venus in prima domo facit pulcros, lepore sermonis gratos, sed vitiis non paucis implicat, aut etiam paedicones aut adulteros facit, sed cum his vitiis ingenii diuinitatem quādam largitur.* Idem alia multa effecta diuina, humana & diabolica tribuit huic stellæ, ut in nona domo ait *Venerem facere sacerdotes magnos, in duodecima dicit eam turpibus meretricum nuptiis alligare, eosq; facit qui fœdis amo-*



dis amoribus excruciantur. Summa Venus efficit scorta & scortatores. At quis, qualis, & quid agit Mercurius? *Mercurius*, inquiunt, a merce dictus, quia rationum, mercatura & eloquentia pater est: est mutabilis & vana natura, cum bonis bonus, cum malis malus, cum masculis masculinus, cum foemininis foeminus, cum fortunatis fortuna, cum infortunatis infortunium, cum calidis calidus, cum humidis humidus: diciturque esse *he-maphroditus*, propriam tamen eius naturam, dicunt frigidam & siccam. Facere item perhibetur homines cum longis digitis, ancipitis natura, callidos, astutos, dolosos, fures, &c. Hinc Cardanus ait, *Mercurius in prima domo facit in omnia habile ingenium*. Ringelbergius ait, cum in eadem efficere Mathematicos, oratores, Iureconsultos, sacerdotes: matutinum in domo quinta foecundos in procreanda sobole, vespertinum prodigos, qui pecuniam servare nequeant. In octava domo, Cardano, facit stultos, malitiosos, tardos, &c.

*Mercurius*  
vnde dictus.

Eius natura.

Effecta.

Hæc sane fabulosa Gastrologorum, si de vera loquuntur stellarum efficientia, concurrit impietas: si de significatione portentosa, concurrit vanitas fatua. *Vae illis*, inquit Propheta, *qui bonum dicunt malum, & malum bonum*. Verum legeris Cælium Rhodiginum, Hieronymum Sauanarolam, Picum Mirandulanum, Angelum Politianum, Thomam Erastum, & alios viros insignes vanitatem hanc Astrologorum robustissimis argumentis iugulantes.

Ceterum quia nonnulli erubescunt efficientiam & efficaciam cum virtutum, tum flagitiorum, diuinam vel diabolicam astris his at-



Thomas A-  
quinas.

tribuere: & defendunt significationem, quasi non efficiant, sed portendant, & tanquam literæ descripta illa exhibeant: audiamus Aquinatem hanc vanitatem nulla doctrinæ vel rationis soliditate nixam coarguentem: *Quia omne, ait, materiale signum, vel est effectus eius, cuius signum est: quo pacto se habet fumus ad ignem, quem indicat: vel tam signum quam res significata proficiuntur ab eadem causa, atque ita sese mutuo indicant, quatenus id, quod causam monstrat, consecutione quadam effectum prodit, sicuti iris serenitatem denuntiat, quia causa iridis serenitatis causa est. Nequeunt autem corporum coelestium motus aut situs, esse effectus ipsorum futurorum contingentium, ut luce clarius est. Neque item illi effecta ad aliquam superiorem causam materiale sibi communem referri possunt, ut etiam patet; cum hæc causa non detur, siquidem corpora coelestia supremum locum obtinent inter agentia, quæ materia constant: ergo, &c. Quod si quis dicat utraque reduci in diuinam providentiam, ut in communem causam: fatendum id quidem est; Verum a aliter providentia diuina constituuntur, atque ordinantur motus situsque corporum coelestium, aliter euentus contingentium futurorum: illa enim sortiuntur rationem necessitatis, ut stata ac stabili lege effectus definitio modo eueniant, hæc autem rationem contingentie, ut varie, ac inenitabiliter, effectus in utramque partem accidant. Quare fieri nequit, ut ex syderibus tanquam ex notis signis prædicta futura cognoscantur. Hæc ita Thomas Aquinas.*

Quæ-



## Quæstio V.

*An Medicis sit hac Astrologica Planetarum notitia,  
aspectuum & positus observatione necessaria.*

**P**orphyrus, teste Iamblichus, totius Astro- Porphyrus  
mantici artificii fundamentum his verbis ne-  
gavit: *Si quis cognosceret figuram nativitatæ,  
dominumque figuræ, inueniret quoque demonem  
suum, & solueretur per ipsum a fato nativitatæ suæ.*  
Sed illam scire, & hunc inuenire, est impossi-  
bile: & regulæ Astrologiæ sunt incertæ & incō-  
prehensibiles. Et profecto, ut acute differit Io.  
Langius in epistolis Medicinalibus, *quis in tam* Langius.  
*præcipiti syderum nocturna & diurna vertigine,  
cum minima momenta ingentes parturiant muta-  
tiones, quæ vix quispiam cogitatione complecti pos-  
sit, quis, inquam, exacte nativitatæ thema, consti-  
tuere possit, non video.* Adde, quod observatio-  
nes Astrorū, motus, organa, raro sunt ad amuf-  
sim facta, sed plurimum manca. At his longe  
insolentiores sunt, qui fastos dierum, aut Ma-  
thematicas ephemerides, quas *Calendarum ta-* Scriptores  
*bulas* appellant, quotannis edunt: in quibus *Calendario-*  
quo die novas induere vestes, pecuniā nume- *rum taxan-*  
rare, emere & vendere, peregre proficisci, pue- *tur.*  
ros ab lactare, (*vix visum continere possum*) quā-  
do vnguium præsemina abscindere, adde &  
caput aut barbam radere, faustum felixq, sit, ex  
Lunæ cum reliquis astris aspectu præscribunt.  
Sed in his citra damnum ludere & nugari pos-  
sunt. Nec tantum id refert. quantum hoc, quod  
nullo habito temporum periodi, cōcoctionis  
morborum & crisis discrimine, quo die phar-



Medici Lu-  
nam obser-  
uantes re-  
prehendū-  
tur.

Purgatoriū  
quando  
dandum.

macis aut venarū sectione, cucurbitularū applicatione corpus euacuare cōpetat, statuere audent. O flagris dignū facinus, quo innumeros perdūt agros! Nam esto quis plethoricus, Luna Leonē subeūte, vel combusta, pleuritide corripiatur, huicne venā incides? at astrologi, q̄a luna subintrat Leonē, domū Soli Planetarū principi & illustratori dicatā, hoc vetant. At si biduū vel triduū, donec luna Solis domū exiuerit, distuleris, ex affluxu humorū apostema ita augmentabitur, vt nec resolui nec maturari possit. Vnde miserum egrum auxilio destitutū, mori vel peripneumonia, aut phthisi contabescere oportet. Si quis angina vel febre synocha laborauerit, & luna fuerit infortuniis obnoxia, differesne venę sectionē, donec luna suis infortuniis fuerit exuta? tum certe, nisi morbi principiis obstiteris, egrū pdes, & nimis sero frustra medicinā parabis. Has lunę obseruationes, adeo Galenus nihili fecit, vt ēt magnopere laudet medicū, q̄ quinquagenarius in Cephalalgia nocte sibi venam inciderit. At lōge magis desipiūt, dū opportuna exhibendis pharmacis tēpora designāt. En Hermes *propos. 74.* pharmacū purgatoriū, quum luna subit signa Zodiaci ruminantia, dare vetat: *vt arietem, taurum, capricornum.* Ridiculum certe: veretur enim, cū hec animalia cibū ruminēt, ne pharmacū quoque ad os regeratur, & ex deiectorio alui fiat vomitoriū. Non minus ridiculum est, q̄ Ptolemæus in Centiloquio ait, *pharmaca exhibita dū Luna fuerit Ioui coniuncta, hebetari.* Si vero maleficus Sa-



is Saturni vel Martis aspectibus configurabitur, ea periculosa fore asserit, quoniam vita nostra in calido & humido subsistit, quibus qualitatibus Iupiter præest. Quare si luna huic accesserit, tum vires & robur corporis adeo inulescere tradunt, ut vigorem pharmaci superent, deoque enervetur, ut humores noxios expurgare non possit. At longe rectius sentiunt medici, qui corpora effectis viribus languida, pharmaco autem sectione vacuare dissuadent: quibus tamen recte utimur, cum vires corporis probe constiterint. Norunt certe virium naturalium robore & calore operationes medicinae promoueri. Nec adeo senile Saturni frigus, aut Martis calorem vententur, ut cum luna his coniuncta fuerit, opportuno auxilio destituatur agros. Nam neque hic adeo inflammatur corporis humores, ut non sub eo existente luna, etiam frigidi inualescant morbi: nec ille adeo infrigidatur, aut eos congelat, ut non, in quouis eius ad lunam prospectu, etiam calidi morbi incrudescant. Frustra igitur illius calorem & huius frigus veretur Astrologi. At bone Deus tum sibi maxime sapere videntur, dum membrum ferire ferro, aut phlebotomo vetant: & cauent, si luna signum huic membro dicatum peragrauerit. Aiunt enim, *cum luna corpus maxime humectet, tum membrum id humoribus precipue redundare: quo nomine, euacuatione tum potius egeret.* At huic Ptolemæi & Almagestis dogmati, Messahale doctrina ex diametro repugnat: qui curam morborum auspicari iubet, cum luna signa loco affecto appropriata subintraverit.



Ergo si quis phrenitide aut angina correptus fuerit, quamuis Luna arietem, taurū vel geminos pererrat, Messahala, & quivis peritus medicus, curam a venæ humeralis sectione incoabit: quod tamen Almanfor, Ptolemæus, & oēs alii Astrologi prohibēt. At illorum successores Astrologi, & Medici Planetarii, hoc tenaci cōtradictionis visco impliciti, Dædaleas suæ vanitatis pennas nō aliter extricare possunt, quā quod ea præcepta in morbis, quorum cura ad tempus differri possit, sint obseruāda: vbi vero morbus non fert inducias, ea nihili esse curanda. Ergo isti syderum aspectus in morbis acutis nihil pōderis habebunt? Id quod tamen in vestris mathematicis ephemeridibus vulgus non admonetis, aut fateri erubescitis. At prudenter Galliarum, Angliæ, Hispanorū & Italiæ Astrologi ab hac infamia sibi cauent, qui nullas huiusmodi præsagiorum, aspectuum, & ne dicam mendaciorū tabulas, in vulgus edunt: quas populo & ægris esse perniciosas, hoc proprio eorū præcepto eos facile conuincā. Tradunt, si quis pharmacū sumserit, aut venā inciderit, dum Luna natalitia signa sexta aut octaua domus obsederit: hunc mortem egre euasurū. Quū igitur cuilibet homini propria sint sui natalis signa, necessario infertur, quosdam dies ad medicinae usum aliis esse salubres, aliis vero hominib. lethiferos. Quæ igitur est illa vestra dementia, quā dies phlebotomiæ & pharmacorū, tanquā eque omnib. profuturas, in vestris ephemeridib. ita indiscriminatim assignatis? At obiicies mihi Galenū, qui tempora

partus

Dementia  
Astrologorum.



partus, ac dies & motus criticos, Luna acceptos re-  
fert, pro ratione sedecim angulorum, quos Luna  
quouis mense peragrat: & Marsilium Ficinum,  
qui integro libro de vita cœlitus conseruanda con-  
scripto, hanc Astrologorum curandi morbos me-  
thodum docuit, & approbavit. Hæc Marsilium  
Ficinū scripsisse, etiamsi reuiuisceret, inficiari  
non posset: qui agnita veritate, tandem palino-  
diam Angelo Politiano & Pico Mirandulano  
canens, ingenue fatetur, has Astrologorum ob-  
seruationes, ut quomodolibet ad vitæ conserua-  
tionem profuturas, se conguessisse, non ut eas proba-  
ret, sed potius cum Plotino grauissimo Platonis in-  
terprete derideret, ac ambobus cōgratulatur, quod  
Astrologica vanitatum & superstitionum porten-  
ta tam argute, quam sancte cōfutauerint: & quod  
contra Astrologos, qui Ioui eripere cœlum frustra,  
more gigantum molirentur, hic ut Palladis alu-  
mnus, ille vero ut alter Hercules, egregie decerta-  
uerint. Phauorinus etiam refert, id præstigia-  
rum offutiarumque genus homines æruscato-  
res esse commentos, qui cibum & quæstum ex  
mendaciis captarent, in quos & Gellius illud  
Accianum detorquet:

*Nihil crede auguribus, qui aures verbis diuitat,  
Alienas, suas ut auro locupletet domos & loculos.*

C A P. XIV.

*De Stellis fixis.*

**H**Actenus de Planetis, seu errantibus stellis. Iner-  
rantes, seu fixæ stellæ sunt, quæ æqualibus inter  
spatiis, & locorum interuallis perpetuo differunt &  
M m

*Stellæ fixæ.*



**Stellæ fixæ.** absunt, adeoque nullum vnquam cursus sui vestigiū inter se inflectunt.

**Firmamentum.** Harum commune receptaculum & subiectum est, siderei expansi pars superior, vulgo Firmamentum.

**Sidus.** Hic vero ex singularium stellarum compositione, quæ in quoddam signum efformantur, existit proprie dictum Sidus.

**In Zodiaco.** Sidera autem hæc sunt vel In Zodiaco, vel Extra Zodiacum.

In Zodiaco sunt sidera seu constellationes duodecim, quas signa vocant & δώδεκαμήνια: Et

*Sunt Aries, Taurus, Gemini, Cancer, Leo, Virgo:*

*Libra, Scorpius, Arcitenēs, Capr, Amphora, Pisces.*

**Aries.**



I. Aries est primum Zodiaci signum constans tredecim stellis, quarum sex lucidiores sunt: duæ in cornibus tertiæ magnitudinis, tres in cauda & vna in extremitate posterioris dexteri pedis, quartæ omnes magnitudinis.

**Taurus.**



II. Taurus est secundum signum triginta tribus stellis constans: e quibus duodecim maximæ sunt conspicuæ: Vna primæ magnitudinis, quæ est in sinistro oculo, *Læpadius* dicta: Altera in naso vna ex Hyadibus, & Tertia in pectore iuxta dexteram scapulā, & Quarta inter eam, quæ in naso est, & eam, quæ in sinistro oculo est: Quinta in oculo dextero est: Sexta iuxta oculum dextrum: Septima in extremo cornu Boreali: Octaua in extremitate cornu Australis, omnes hæc magnitudinis tertiæ: Nona in dextro genu: Decima in dextro calcaneo: Vndecima in sinistro genu: Duodecim in calcaneo sinistro, omnes quartæ magnitudinis: In humero eius sunt septem exiguæ, quæ coniunctæ dicuntur *Vergilia* & *Pleiades*: reliquæ sunt obscuriores.

**Gemini.**



III. GEMINI sunt tertium signum, constans octodecim stellis, quarum maximæ conspicuæ sunt tredecim: A Poetis Gemini vocantur, *Castor* & *Pollux*.

**Cancer.**



IV. CANCER est quartū signū, nouem constans stellis, quarū quatuor in medio corpore figuram quadrilateram constituunt, pleræque sunt nonnihil obscuræ.

V. Leo



P A R S I. C A P. XIV. 547

V. LEO est quintum signum primum constans stellis viginti septem, quibus postea propter caudam a nonnullis additæ sunt septem: harum omniū splendidissimæ sunt vndecim, inter quas prima est *Basiliscus* & *Cor Leonis*.

Leo.  
♌

VI. VIRGO est sextum signum stellis conformatum viginti sex, quarum vna ceteris splendidior in sinistra manu, *Spica virginis* dicitur.

Virgo.  
♍

VII. LIBRA est septimū signum efformatum stellis octo, quæ tamen a Scorpio mutuo quasi capiuntur.

Libra.  
♎

VIII. SCORPIVS est octauum signum constans stellis viginti & vna, quarum vna est secundæ magnitudinis, quæ *Cor Scorpii* nominatur, tredecim sunt magnitudinis tertiæ.

Scorpius.  
♏

IX. SAGITTARIVS est nonum constans stellis triginta & vna, e quibus duæ sunt magnitudinis secundæ in calcaneo & genu sinistri pedis, tredecim vero tertiæ magnitudinis: reliquæ sunt obscuriores.

Sagittarius.  
♐

X. CAPRICORNVS sidus est depictū stellis viginti octo: quarum octo sunt tertiæ magnitudinis, quatuor quartæ.

Capricorn⁹.  
♑

XI. AQUARIVS est vndecimū Zodiaci signum, stellis quadraginta duabus conformatum, inter quas tantum decem clariores conspiciuntur.

Aquarius.  
♒

XII. PISCES faciunt signum duodecimum, constans stellis triginta quatuor, quarum tres sunt magnitudinis tertiæ, ceteræ quintæ & sextæ minusque conspicuæ.

Pisces.  
♓

HACTENVS fuerunt sidera intra Zodiacum: Extra Zodiacum sunt vel BOREALIA vel AUSTRALIA.

Extra Zodiacum.

BOREALIA sunt citra Æquinoctialem, versus Aquilonem conspicua septentrionalibus populis.

Borealia.

Sunt autem viginti vnum, his nominibus a veteribus appellata: *Vrsa maior* & *minor*, *Draco*, *Cepheus*, *Bootes*, *Corona Ariadnis*, *Hercules*, *Lyra*, *Cygnus*, *Cassiopeia*, *Perseus*, *Auriga*, *Serpentarius cum serpente*, *Sagitta*, *Aquila*, *Delphin*, *Pegasus*, *Equiculus*, *Andromeda*, *Triangulum*.



## Australia.

Australia sunt ultra Æquinoctialem versus Meridiem, Meridionalibus populis conspicua.

Sunt autem 15. sic appellata: *Cetus, Orion, Eridanus, Lepus, Canis, Canicula, Argonaui, Hydra, Crater, Corvus, Centaurus cum Bestia, Ara, Corona Bacchi, piscis Austrinus.*

His fixis stellis nonnulli annumerant *Lacteu circum*, qui putatur esse extensa compactura multarum minutissimarum stellarum, ob paruitatem sensum effugientium.

Fixas certe stellas omnes & recensere, & describere, humano ingenio in hac caligine est *ad ueror.*

## Quæstio I.

*Quid de nominibus imaginibusq; Syderum sit sentiendum, an Christiani iis etiam reuerentis uti possint?*

Adā stellis  
nomina nō  
imposuit.

**P**rimo omnium ex sacris literis constat, quod Deus homini adduxerit omnia animalia, ut videret, quibus nominibus ea vocaret: constat item, quod omne nomen rebus inditum ab Adamo, sit nomen illius. Stellis vero nomina primus homo nequaquam imposuit: neque etiam imponere eum illa Deus voluit. Nam idem, qui solus potest numerare stellas, potest etiam illas solus nominare: *sicut ipse Psalm. 148. de se testatum fecit.* Quare nomina illa ab impiis Chaldæis primum sunt indita stellis: sicut & Planetis de primis illorum regibus impositæ sunt appellationes. Quæ superstitiosa signorum cæli observatio postea causam præbuit Idololatriæ: *sicut nos alibi declarauimus ex Lactant. Augustino, Cælio Rhodigino, & aliis auctoribus.* Nam Gregorio Nazianzeno teste: hæ causæ sunt, quomobrem aliis Solem, aliis Lunam,



& rursum aliis stellarum magnitudinē numeric  
aliis item cœlum ipsum cum stellis, quibus et-  
iam gubernationē huius vniversitatis tribuerunt,  
pro qualitate vel quantitate motus sui omnia ad-  
ministrantē) religiose colere visum fuerit. Quæ  
enim pulcherrima quisque animaduenterat: ea  
sibi tanquam deos præstituit. *Nazian. de Theo-* Finis artiū  
*log.* Plato item in *Epinomide* finem artiū Ma- Mathema-  
thematicarum constituit, vt nos ad diuinā na- ticarum du-  
turam considerandam perducant: & vt homines plex.  
diuinis astrorum mentibus, quibus ea sunt ani-  
mata, cultus diuinis prestare assuescant. Ideo in  
*Timeo* nō pudet illum affirmare, oculos homini  
propter *Astronomiam* esse datos. Hinc illæ in sa-  
cratis oraculis Prophetarum voces audiuntur.  
*Deuter. 4. Ne oculis ad cœlum leuatis videas So-*  
*lem & Lunā, & omnia astra cœli: ne errore dece-*  
*ptus adores ea, & colas: quæ Deus creauit in mini-*  
*steriū cūctis gentibus, quæ sub cœlo sunt. Leuit. 19.*  
*Non respicietis ad Pythones, siue spiritus fatidi-*  
*cos: neque ab ariolis & scientibus aliquid scisci-*  
*temini, vt polluamini per eos. Repetuntur hæc* Reprehēdi-  
*Leuit. 20. Deuteron. 13. & 17. Esaia 47. Etiam* tur vterq;  
aliū finem reprehēdit Deus, qui tamen vul-  
go pro bono habetur: vbi sic loquitur contra  
Babylonem, Chaldæorum nutriculum: *Defec-*  
*cisti in multitudine consiliorum tuorum: stent,*  
*nunc & seruent te speculatores cœli, qui contem-*  
*plantur sydera: & qui indicant singulis mensibus,*  
*quid euenturum sit tibi.* Est etiam expressus lo-  
cus, *2. Reg. 22. cōtra 12. signa Zodiaci, eorum-*  
*que supersticiosam & Chaldaicam obseruatio-*



nem. Et deleuit Iofias aruspices, qui adolebant incensum Belo (Ioui) Soli, & Luna, & duodecim signis, & omni militia cæli. Hinc Gregor. Nazan. in orat. de Theol. συνῆκας τὸ δεσμὸν πλειάδος, ὃ φραζμὸν ὠρίωνος: ὡς ὁ ἀριθμὸν πλήθους ἀστέρων, καὶ πᾶσιν αὐτοῖς ὀνόματα καλῶν, καὶ δόξης ἐκάστη διαφορὰν, καὶ τάξιν κινήσεως ἵνα σοι πιστεύσω, διὰ τῶν πλειόνων τὰ ἡμέτερα, καὶ κατὰ τὴν κλίσιν τῶν κλίσεων ὁπλίζοντες? An Pleiadis nexum, Orionisve sepem perinde intelligis, atq; is, qui syderū copias numerat: et ea singula nominibus suis appellat? an singulorum maiestatis discrimen perspectū habes, & ordinem motus? scilicet ut fides habenda sit tibi per hac varie humana neclenti, & armanti hoc modo creata aduersus creatorem? Nam Iobē interrogādo (ut annotat Elias) significat Deus, syderum cognitionem in hominem non cadere, & stultos esse, qui nomina illis indere, & naturam ipsorum inquirere audeant. Deinde cum nomina vera rei naturam exprimant, & proinde natura magis, quam voluntate hominum constent, ut Platoni, Aristoteli, & Gellio visum est (forma enim dat Esse, & nomē rei) quomodo possumus vera nomina syderibus indere: quorum formas ignoramus? aut si formas nouimus, sicut quidam de Hyadibus & Orione nugantur, cur non omnibus syderibus notis, secundum illas formas damus nomina? Sed nos cæci homines, quia alias syderum formas ignoramus, prater illas, quibus a Deo ornata sunt, ut luceant, & suo motu tempus describant: ideo etiam falsa nomina imponimus: & sicut falsa indimus nomina

Syderū cognitionem in hominem non cadit.



mina stellis: ita etiam falsas agendi vires affin-  
gimus. Præterea si quis horum nominum o-  
rigines, & fabulas probe examinet: quid obse-  
cro non habebunt in se impietatis, & flagitio-  
rum ac scelerum?

Atqui *Spiritus sanctus non videtur abhorre-*  
*re ab istis nominibus, quibus ipsemet in sacris Pro-*  
*phetarum oraculis utitur, Iob 9. & 38. Amos 5.*  
*Esaia: 13. Resp. Stellas vno nomine Hebræi*  
*vocant Meræoth, faces & lumina: quæ appella-*  
*rio cum sit naturæ illarum congrua: nihil in se*  
*habet impietatis. Sicut iidem etiam Solem, &*  
*Lunâ a propriis virtutibus denominât: quem-*  
*admodum suo loco dicimus. Sed præter has*  
*appellationes inveniuntur etiam quatuor no-*  
*mina syderum: quorum vnum vocatur in lin-*  
*gua Hebræa Aesch & Aisch: quasi congregatio-*  
*nem dicas, seu collectionem stellarum: ut est sy-*  
*dis Pleiadum, aut Hyadum: Alterum nomen*  
*peculiare est Cesil, quod ab obliquitate situs, &*  
*flexuoso meatu deductum est, capiturque vul-*  
*go pro Arcturo: propter magnificum & Re-*  
*gium incessum: quem Iob vocat Madannothe.*  
*Hac enim voce alibi Spiritus sanctus in eodem*  
*significatu, usus esse legitur. Est & tertium no-*  
*men MaZZarothe: & quartum Cimach, vtrum-*  
*que Chaldaicum, & varie ab interpretibus ex-*  
*poni solitum. Sed non est consentaneum, id-*  
*circo placere Spiritui sancto nomina: quia il-*  
*lis utitur. Nam & Satanæ nomen usitatum est*  
*in sacris literis: a quo tamen Spiritus Dei ab-*  
*horret. Quod igitur ad Iobem Deus loqui-*

Obiectio.

Respons.

Aesch.

Cesil.

Madannothe.

Mazzarothe.

Cimach.



tur, & appellationibus syderum utitur, quæ  
 tum erant in terra Iobis vſitata: nequaquam  
 propterea obſervationem ſuperſtitioſam ap-  
 probat. Diſerte enim Deus affirmat, a ſe eſ-  
 ſe condita illa ſydera, & a ſe ſolo gubernari:  
 neque in poteſtate eſſe hominum: licet  
 humani ingenii audacia eo progrediatur, ut  
 etiam nomina indat ſyderibus, quæ Deus fe-  
 cit. Nam conſtat diuerſis temporum inter-  
 uallis, a diuerſis Aſtronomis, fuiſſe iſta nomi-  
 na ſtellis indita: quorum ipſi curſus obſerua-  
 rint. Et memorabile eſt, quod ad Iobem di-  
 cit: *Nunquid noſti ordinem cœli, & ponis ratio-  
 nem eius in terra?* Quid enim aliud eſt, cœ-  
 lum miſcere terræ: & cœleſtem diuinitatem  
 imperitiæ (ut loquitur Plinius) quam terre-  
 ſtria animalia in cœlo collocare? Ridet ipſe  
 Deus has vanitates Chaldæorum, & Eſaias de-  
 cimotertio capit. ipſis inſultat, cum dicit, *Ce-  
 ſillos, & tortuoſa ſydera lucem eis nullam præbi-  
 tura.* Quare appellationes ſyderum, quæ re-  
 cenſuimus, impias eſſe ſciamus: & ab impiis  
 Chaldæis excogitatas.

Appellatio-  
 nes ſyderū  
 impiæ.

Quæſtio.

*An ergo ſine impietate & detrimento Chri-  
 ſtianæ religionis, non poſſumus illa ſy-  
 derum nomina retinere?*

Reſponſ.

Imo poſſumus: Si modo nulla veterū acce-  
 dat ſuperſtitio: nulla item fides habeatur fabu-  
 lis: nec vllis tribuantur ſtellis peculiareſ natu-  
 ræ: ſicut videmus peculiaria nomina illis indita  
 eſſe. Satiſ tamen eſſet, circulū obliquū, & or-  
 bitam illā Solis flexuoſam in duodecim dode-  
 cate-



catemoria secare, & tria appellare *verna*, tria *æstiva*, tria *autumnalia*, totidemque *hyberna*. Initia vero signorum, & quadripartitam illam distinctionem cardinum appellare *interfectionem vernam*, & *autumnalem*, item *solstitialem* & *brumalem*: reiectis & explosis Chaldæorum vocabulis.

Disquisitio II.

*An stellarum fixarum sint diuersa forma, adeoque plane diuersa & opposita qualitates, quibus diuersas in his inferioribus producant operationes? Negatur.*

**S**I eadem est, ut placet Peripato, omnium stellarum cum cælo substantia, quomodo eiusmodi contrariis formis, & quidem substantialibus, vna potest differre ab alia? Nugæ hæ sunt illorum hominum, qui stellis diuersas inesse vires mouendi hæc inferiora statuunt, ut *Orioni* & *Hædis vim humectandi*, *Canicula vim excitandi æstum*, & *Cynosura aut Helice vim frigefaciendi*. Equidem Solis forma lumen est & virtus illustrandi totum terrarum orbem: sicut *Nicetas Critensis* in *Comment. super Orat. Gregorii Nazianz. de noua Dominica recte affirmat*. Nos plura de Sole, suo loco, ubi docebimus, quomodo aerradiis Solis illustretur, & discussis tenebris primum extenuetur, & postea extenuatus ad naturam suam; quæ est calida, paulatim magis magisque redeat, donec tandem a nimia luce superatus, & nimium rarefactus, percussa luce a terra arefacta, etiam feruescat.

Solis forma.



Orion num  
sit nimbo-  
sos?

Num tu ergo negas, *Orionem esse nimbosum, & Arcturum pluvium, feruidamq; Caniculam?*  
Nego maxime. Nam primo Deus ille mundi opifex in alium vsum stellas non procreavit, nisi ut noctu lucerent, & facem quandam hominibus atque animantibus præberent, & ut motu suo certa temporum intervalla describeret: denique ut ornatu suo nos de sapientissimo architecto tanquam signa diuinæ providentiæ commonefacerent: ut qui omnia boni causa fecisset. At vero tempestatum excitatio & elementorum in se mutua vis & actio, omniumque rerum perturbatio, haudquaquam ab astris peruenit. Nam hæc contagio elementorum a terra maledicta exstitit, propter peccatum hominis: *sicuti alibi dictum est.* Deinde cælestia, quia constant sua quadam perpetuitate, non agunt *κατὰ πάθος*, sed *κατ' ἐντελέχειαν* neque *κατ' ἐξιν*, sed *κατὰ χεῖριν*. Itaque subito & sine motu afficiunt aerem & terram. Nam lucis suæ radios subito spargit Sol, & ubi Horizontem superauerit, statim illud Hemisphærium imo quasi momento totū illustrat. Quæ vero calefaciunt ea cū motu & cū mora quadā tēporis calefaciunt. *Præterea* cum astra non agant libere, sed ex fatali necessitate, cui a Deo sunt alligata, impium esset illis agendi vim eiusmodi attribuere, quæ malos effectus producat: ceu sunt *grandines, venti, imbres, vredines & cōsimilia infortunia, quæ hominū vita noxā afferunt.* Vt autem fatalis est syderum periodus & motus, neque aliter se potest habere, quoniam Deus illis legem

Periodus  
syderū ut fa-  
talis est: an  
ita quoque  
eorum vi-  
res sint fa-  
tales.



legem posuit, quam non præteribunt: ita quoque agendi hæ virtutes, quæ ab Astrologis assignantur syderum naturæ, perinde fatales essent, & alteræ illæ, siquidem eis verè inessent. Videmus autem contrarium, quod Caniculares dies nequaquaquam semper sint calidi, neque Autumnus ob exortum Pleiadum perpetuo humidus, sed interdum æstate siccior. Quare toto cælo aberrât, qui huiusmodi vires stellis admentuntur. *Postremo*, absurdissimum est, & a natura corporum cælestium plane alienum, assignere ipsis contrarias agendi facultates: ita ut alia stella possit frigefacere, alia calefacere, alia humectare, alia exsiccare. Nec minus absurdum, quod dicunt Astrologi, *unius astri virtutem malignam, a meliori alterius facultate, aut impediri, aut etiam corrigi*. Quam enim procul ista a perfectione & puritate corporum cælestium absint, ut quæ nihil prorsus in se agant mutuo, id vero etiam pueris nostris ex Aristotele, innotuit. Sed quia de hac re peculiarem tractatum nos instituiamus, ideo per censendis reliquis, hoc loco supersedemus.

*Nullamne vero Leoni vim propriam, & quidem ab Ariete diuersam credis esse in Zodiaco?*

Modo ostendi, a natura astrorum alienissimas esse facultates illas mouendi & afficiendi hæc inferiora, quas Chaldæi, & eorum posterii ipsis falso attribuunt: sicuti Plinius Berosi in hac re imitator, Orionem, Hædos & Arcturum vocat *horrida sydera*. Omnes enim stellæ bonæ sunt, omnes beneficæ, omnes benignæ, & multi quadam cælesti natura præditæ, neque vl-

Leo num  
propriam  
& ab aliis  
diuersam in  
cælo vim  
obtinere?



la inter omnes malefica, aut horrida; quicquid omnes Arabes, omnes Chaldæi, omnes Ægyptii, eorumque posterii mentiantur. Nam quæ illorum hominum sit vanitas, id vel vnus Zodiaci, signa & vires illorum, quæ ab Astronomis eis tribuuntur, nos abunde docent. Primo enim inter omnes constat, *Solis motum in signis Zodiaci, non numerari, neque etiam considerari, respectu stellatorum, signorum, sed respectu τῶν ἀνίστων*: & quæ nos imaginamur extra cælum octauum. Sic ♄ incipit apparere super terram cum 24. gradibus ♄ imaginarii. Itaque Sol ingressus in ♄, pene 24. diebus ante commoratur in signo stellis orbatō, quam ad signū stellatū perueniat. Quomodo igitur vires illas hodie a ♄ potest accipere, quas olim ei Chaldæi affingebāt: cum Sol adhuc cum primis partibus ♄ stellati emergeret? Idem Sol cum ♄ dicitur ingredi, quantum iam ♄ gradum tenet. Nam ♄ stellata oritur sua Boreali lance, cum 5. gradib. imaginarii ♄. Quare toto cælo errabunt Astrologi, si imaginariæ ♄ tum tribuant, quod est ♄ tribuendum, cum quo oritur ☉. Nam quomodo plus agat signū imaginarium, quam signum stellatum & sensile? Idem esto iudicium de ♄, qui nostra ætate pene totus est in ♄. Quomodo igitur Soli, in ♄ imaginario exsistenti, possunt iidem tribui effectus, qui olim tribuebantur tenenti ♄ sensilem atque stellatum? Deinde si Hyades hanc in se vim habent, & quidem formalem, vt inepti garriunt, vt possint *ὕεω* & pluuias excitare, sicut Caniculæ

Hyadū vis  
formalis.



la vim habere dicitur concitandi æstus, quæ  
 causa est, quod Sole in tam pluuioso signo,  
 quod a tergo & fronte nihil nisi imbres mina-  
 tur, existente, tam siccus est aer? An non cre-  
 dendum est plus posse in excitandis imbribus,  
 & solis calore impediendo, tot stellas, quam in  
 æstu promouendo vnicam stellam Syrii? Et  
 cur obsecro non exercet vires suas Orion, quo-  
 tiescunque ad nostrum Meridianum peruenit?  
 Cur non semper nimbos producit? an tum ni-  
 hil eum adiutare potest exortu suo pluuiosus  
 Arcturus? nihilne Pleiades & Hyades in occa-  
 sum vergentes? Aut cur Sole in  $\beta$  existente,  
 Canicula suo feruore adeo nihil potest, vbi no-  
 ctu Meridianum nostrum attingit? Cur  $\Pi$ , cur  
 $\sigma$ , cur  $\Omega$ , qui simul supra Horizontem promi-  
 cant, & quæ Astrologi tam feruida, tamque ra-  
 bida signa esse dicunt, feruidam Caniculam tum  
 nihil adiuuant? vbi tum vires illæ latitant, o A-  
 strologi? o Spermologi? o Matæologi? o Chal-  
 dæi? An non intelligitis *falso a vobis adscribi sy-*  
*deribus ea, quorum causa est ortus occasusque, &*  
*accessus recessusque Solis?* Præterea si quædam  
 signa Zodiaci, in se ipsis habent vim exsiccandi,  
 quædam humectandi, quædam calefaciendi,  
 quædam refrigerandi: quid causæ est, quod  
 in Zona torrida, vbi eadem signa iisdem fere  
 temporum vicibus, quibus in nostra Zona, o-  
 riuntur & occidunt, non eadem sunt aeris &  
 tempestatum vices: vt & ibi alias frigidior, alias  
 calidior, alias temperatior sit aer, sicut in Ger-  
 mania? cur ibi nulla Hyems niuosa? nullus talis,



autumnus? Nam si Arabici aeris temperies perpetuo eadem Soli adscribenda est & illius luci, quæ illic eadem est semper, & si eiusdem accessui & recessui tribuendæ sunt hæ vicissitudines tempestatum, in nostra Zona, frustra certe est, quod signa, in quibus Sol per Hyemem, aut per Æstatem versatur, dicuntur esse frigida aut sicca, cum nihil horum ipsis per se insit. *Accedit* huc, quod innumeræ atque infinitæ sunt stellæ, quibus æque suas in agendo & tempestatibus excitandis vires inesse dicendum erit, atq; ceteris. Nam quod de mille stellis verum est, idem etiã de quater & quinq; millibus vere affirmari potest. Neque enim sequitur, otiosas esse reliquas propterea, quod a veterib. Chaldæis & Ægyptiis, in certa signa, certasque imagines non sunt relatæ. At quæ obsecro hæc est fatuitas, aut quæ amentia, omnem agendi ac mouendi vim, omnesque effectus & motus naturales adscribere mille tantum & viginti stellis inerrantibus, & septem erraticis: ac tot interim myriadas stellarum, tanquam otiosas præterire atque negligere? *Postremo* vires eiusmodi maleficas non possumus tribuere stellis, quin Deum faciamus auctore mali, & omnem culpam calamitatum nostrarum in ipsum transferamus: sicut hoc probat Basilus. *Hom. 6. in Hexaem. Glyc. 1. parte Annal. Augustin. lib. 2. de Christ. doctrina multis capitib. Gell. lib. 6. cap. 2.*

## Quæstio III.

*Quæ sit causa scintillationis stellarum Optice explicata a D. R. Goclenio.*

Scin=



**S**cintillatio stellarum est luminis vibratio & crispatio, seu scintillatio est, cum lumen alicuius stellæ videtur tremulum. E stellis fixis magis scintillantes in cælo deprehenduntur & conspiciuntur stellæ, quæ vulgo dicuntur prima & secunda magnitudinis ab Astronomis. Has autem omnes commemorare non est nostri instituti, attamen illustriores recensere placuit. Tales sunt, ut ex multis paucas recenseam, *Vrsa Maioris*, *Orionis* pleraque, *Arcturus* in *Boote*, & *spica virginis* seu *vindemiator*. Et reliquæ primæ magnitudinis fere omnes. Ecquæ huius scintillationis causa? Optici probant, Stellarum formas comprehendere a visu reflexe, & non recte, hoc est, recta linea ex oculo deducta, non incidit in stellæ centrum, sed in formam stellæ, in aere ad visum reflexa & refracta. Iam vero constat, aerem perpetuo motu agitari per sese sursum, per accidens vero una cum diurna revolutione cæli ferri in orbem circulariter. Vnde necesse est, formam stellæ hoc modo in aere conspecta scintillare, & distrahi, propter motum corporis, in quo conspicitur. Sic in aqua celeriter labente accidit, scintillationem stellarum maiorem videri, propter aquæ motum, quæ magis formam reflexam distrahit ac velut dinellit, quam aer. Scintillant itaque stellæ, non per se, sed per accidens, quatenus nimirum oculi nostri illarum claritate constricti tremebundi redduntur, seu visu deficiente, propter perpetuum & continuum motum aeris, fit fractio: & ita stellarum formæ ad visum scintillantes perveniunt. Hanc sententiam

Causa scintillationis stellarum.



nostram confirmat commentator in perspe-  
ctiuam communem, his verbis; *Cum stelle sint*  
*corpora solida æqualis superficiei, necesse est, ut ha-*  
*beant superficies speculares: reflectunt ergo radios*  
*Solis: sed quia corpora cœlestia continuo mouentur,*  
*ideo angulus incidentiæ variatur. Quare & re-*  
*flexionis. Talis autem sensibilis variatio facit*  
*quandam vibrationis apparentiam. Ad hanc*  
*causam accedit & altera, nempe oculorum de-*  
*fectus. Errant igitur qui putant, defectum visus*  
*esse sufficientem causam scintillationis, cum tan-*  
*tum aliquid ad eam conferat. Falsa etiã est pro-*  
*positio perspectiue communis: Stelle quaedam*  
*ex reflexione radiorum solarium, ad ipsas manife-*  
*ste scintillant: si reflexio solitaria causa scintilla-*  
*tionis statuatur. Cur vero Planetæ non scintil-*  
*lent, cum etiam ipsorum formæ in aere reflexæ*  
*videantur, causa est, quod eorum corpora fortes*  
*formas ad nos demittunt, propter propinquitatem*  
*suam ad terram, unde etiam minus refringuntur*  
*in aere: & quanquam corpus subiectum mouea-*  
*tur: tamen ipsorum lumen immote penetrat sine*  
*ulla scintillatione. Nunquam igitur fere (teste*  
*Vitellone & ipso sensu) scintillare videntur, nisi*  
*quando vapor quidam aqueus, qui incerto &*  
*vago cursu a ventis fertur, & agitur, illis sub-*  
*iectus fuerit. Tunc enim formæ Planetarum*  
*in illo refractæ ad visum scintillantes perue-*  
*niunt. Idem Vitello inquit: ipsum Solem ali-*  
*quando videmus manere cum oritur scintillare,*  
*propter spirituum visibilium resolutionem & mo-*  
*tum. Quod quantum valeat, aliis iudicandum*  
*relin-*

Planetæ cur  
non scintil-  
lent.

Vitello.



relinquimus. Hoc interim de Planetis arcte Planetæ alii  
tenendum esse iudico, *alios videlicet aliis ma-* aliis magis  
*gis scintillare:* sic magis scintillant *Mars & Ve-* cur scintil-  
*nus*, minus vero *Saturnus, Iupiter & Mercu-* lent.  
*rius:* Interdum neque Mars, neque Venus scin-  
tillant. Illa diuersitas accidit propter vapores  
aqueos, prout illi illis fuerint subiecti vel non,  
siue illi vapores sint rari siue crassi, nihil inter-  
est: pro diuersitate etiam quantitatis materiæ  
fiunt inæquales scintillationes. Sic magis scin-  
tillant, sub quibus materia illa abundat, minus  
vero sub quibus illa deficit. Causam hanc con-  
firmat nobis etiam acutissimus Scaliger Ex-  
ercit. 63. *Stellæ, quæ in Oriente aciem tremulam*  
*quatiebant, eadem in cæli verticem ubi succen-*  
*sere, minus id agunt. Hoc a vaporibus euenire iu-*  
*dicandum est.* Memini, quendam pro concio-  
ne dicere, Solem (cum oritur die Christia-  
norum hilarium seu resurrectioni Domini  
sacro) *ter exsultare.* Et Scaligerum scribere me-  
minimus, *se puerum Rhodienses audisse predicantes,*  
*in anniuersariis natalibus D. Ioan. Baptiste solem*  
*exoriri solitum exsultatem, ac quasi cum tripudio.*  
Vtrumque profecto abulofum: etsi interim  
non negemus, ut vapores scintillationis, sic et-  
iam exultationis & tripudii apparentis Solis  
causam esse posse.

Quæstio I V.

*An (ut tradit Clauius) in polo Antartico*  
*nulla sint stellæ?*

**Q** Vid in mentem venerit nostræ ætatis in- Clauius.  
signi Astrologo Clauio, ut diceret, *in polo*  
Nn



Americus  
Vespucius.

Antarctico nullas esse stellas, miror, nisi forte intelligat in ipso poli puncto. Nam Americus Vespucius, qui quatuor eo peruenit navigationibus, sic scribit: *Cælum decentissime exornatur syderibus quibuscumque, quæ sunt nobis incomparata: quorum ego consignantiissime memini, percensui fere viginti tantæ claritatis, ut apud nos Venus & Iupiter.* Deinde addit: *Propterea procomperto habui, maioris esse magnitudinis, quam autument mortales.* Et in primis Canopus tres conspicatus sum, duos claros admodum, tertium obscurum & dissimilem aliis. Et mox: *Quæ vero ipsum polum ambiunt, tria sunt, quæ figuram præseferunt trianguli orthogoni.* Quorum id quod medio loco visitur, novem gradus & medium circumferentiæ habet. Et ubi hæc exoriuntur, a laeva conspicitur Canopus albicans, eximia magnitudinis, quod ubi in medium cælum devenit, representat figuram trianguli. His succedunt tria alia præclara sydera, quorum medium habet diametrum circumferentiæ duodecim graduum cum dimidio. Et in medio eorum alter Canopus cernitur albus. Hunc sequuntur sex alia conspicua sydera, quæ claritate cunctis octavæ sphaeræ syderibus præstant. Quorum medium in superficie firmamenti diametrum circumferentiæ habet graduum 32. Hæc astra concomitatur Canopus ingens, sed niger. Quæ omnia cernuntur in via lactea.

Andr. Cor-  
salius.

Andreas vero Corsalius scribit: *Duas nebulas satis magnas circa polum versari, & inter eas stellam esse a polo gradibus circiter undecim distan-*



distantem. Supra quas cerni, ait, cruce[m] admirabilem, inter quinque stellas, quæ eam circumdant, cum aliis stellis, quæ cum illa revolvuntur, procul a polo gradibus triginta: quæ tanta sit pulchritudinis, ut nullum cœlestes signum cum ea possit comparari. Alii quoque earum navigationum nautæ, de cruce hac, quam voce Hispanica *Cruzerum* vocant, mentionem fecerunt. Ergo Deus etiam in polo Antartico lucentissimas posuit stellas.

V. Disquisitio Peripatetica.

De via lactea quid sit?

**E**st via sublimis cœlo manifesta sereno,  
Lactea nomen habet candore notabilis æ-  
pso, inquit Ovidius.

De hac inter Philosophos agitur non levis controuersia. Nos omiſſis fabulis de *Lacte Opis* vel *Iunonis*: de casu & combustione *Phæthontis*; de animarum ab inferis ad cœlum via, de illustrium virorum domo: de *Solis* ad ortum conuersione ob *Thyestis* facinus, quæ a Poetis circa lacteum circulum varie decantata fuerunt: eos tantum in medium afferamus, qui Physicas rationes inuenire conati sunt. Possidonius, teste Macrobio loco citato, multorum assensu arbitratus est, hunc circulum esse asperginem quandam syderei caloris; quam ideo curuias *Zodiaci* aduersa obliquarit, ut quoniam *Sol* nunquam *Zodiaci* terminos excedens mundi vniuersitatem flexu calido attemperet. Hæc sententia a vero abest: primum, quia non potest reddere causam

Possidonii  
de via lactea opinio:



II.

sam splendidissimi illius candoris, quem constat, diuersum quidpiam esse a calore. *Secundo*, quia rigor, qui ad vtrumque polum sentitur, satis indicat, non dari temperationem illam, cuius gratia eiusmodi ardor cœlo sparsus fingitur. *Deinde*, quia calor, cum sit qualitas elementaris: solis corporibus interitum subeuntibus adueniens, neutiquam in cœlesti mundo locum habet. Quod si Possidonius nomine sydeobrychi caloris ignem intelligat: ex eo refellitur, quia *hæc regio non est ignea natura, sed alterius longe diuersa*, ut primo de cœlo cum Aristotele ostendimus. Diodorus putauit, esse ignem densatam concretæque natura in unam curui limitis effigiem ad ætheria fabrica discretionem compositum: cadere vero sub aspectum ob suam concretionem, cum reliquis ignis nimia tenuitate effugiat. Hæc opinio, cum ignem in ætheria regione collocet, ex proxime dictis conuincitur.

Diodori.

Theophrasti.

Theophrastus censuit, esse duorum hemisphaeriorum compagem; ita ut qua parte hemisphaeria ipsa coeunt, & in unam sphaeram coagmentantur, claritas illa videatur. Hoc placitum rei quæsitæ difficultatem & causam minime exponit; cum licet talis coagmentatio ibi admitteretur, rationem conspicuæ eius lucis non doceat. *Accedit*, quod cœlum cum a prima sua origine in formam rotundam vniuersique continuatum fuerit: ridiculum est asserere ipsius partes in eo circulo fuisse compactas.

Demo-



Democritus & Anaxagoras crediderunt, Democriti  
esse lumen stellarum, quæ a Sole ob terræ interie- & Anaxa-  
tum non conspiciuntur; nec illius obscurantur goræ.  
splendore. Hos recte confutat Aristoteles; tum  
quia fieri nequit, ut Sol omnes inerrantes stellas  
non semper aspiciat: tum quia, esto id fieri posset,  
non adhuc ea esset causa lactei circuli. Horum  
primum ea ratione demonstrat; quia, ut con-  
stat ex Astrologia theorematibus, Sol est multo  
maior tota terræ mole: at ut perspectini demon-  
strât, cum corpus opacum obiicitur luminoso,  
a quo magnitudine vincitur, radii e luminoso  
prodeuntes coeunt tandem post umbram ia-  
ctam a corpore opaco: unde iam eorum diffu-  
sio non impeditur. Patet etiam, umbram terræ  
non pertingere ultra spheram ☿. Quo fit ut terræ  
interpositio nentiquam impedire valeat expli-  
cationem radiorum solarium ad sydera iner-  
rantia: atque adeo omnia a Sole perpetuo col-  
lustrari. Deinde, quod nec si terræ umbra ad  
stellas fixas perueniret, ea lactei circuli causa  
haberetur, ostendit: quia tunc Sol alias & alias  
stellas diuersis temporibus inflexa sua latione  
aspiceret, alias quidem cum in signis est Austrā-  
libus: alias cum in Septentrionalibus: alias in  
Æquinoctiali circulo: quare oporteret la-  
cteum non in iisdem semper stellis cerni, nec  
eandem perpetuo exhibere faciem, sed pro  
tempore mutari: quod falsum esse docet expe-  
rientia.

Igitur Aristoteles libr. 1. huius Operis cap. 8.  
docet, circulum lacteum in aere, non in cœlo

Circuli la-  
ctei situs  
Aristotelis  
cus.



consistere: esseque late diffusam & exuberantem  
concretionem exhalationum inflammata[m] vi  
admodum frequentium & ingentis magnitudi-  
nis stellarum, quæ sunt in ea cœli plaga, in qua il-  
le visitur. Itaque velut magnum quedam & per-  
petuum cometam continenter deflagrare sub iis  
syderibus, eorundemq[ue] beneficio facta perennis pa-  
buli attractione affatur ali. Potest autem hæc

Aristotelice  
de via la-  
ctea senten-  
tiæ proba-  
tio,

I.

Obiectio.

Respon.

sententia suaderi. Primum, quia ut spiratio ad  
concipiendum seruandumque ignem idonea,  
cum sub aliquo vno sydere concreuit, crinitæ  
stellæ faciem exhibet: ita consentaneum est si-  
mile quid accidere sub splendidissimo illo sy-  
derum choro, cui lacteus orbis subiicitur, &  
coalescere inibi non vnam, sed innumerabiles  
stellas crinitas, quæ totam illam viam ignea lu-  
ce conuestiant. Nec obest, quod sub toto Zo-  
diaco, qui magnis lateque splendentibus stellis ab-  
undat, similis circulus non fulget: illic enim apta  
ad id exhalationum concretio non datur, pro-  
pterea quod eam Sol & reliqua sydera erran-  
tia afflatu suo confestim extenuant & discu-  
tiunt.

II.

Secundo idem corroboratur, quia circulus  
lacteus sibi similis vndique non est, sed alicubi  
amplior, alicubi contractior: alibi clarior, alibi  
obscurior: rursus alia sui parte simplex, alia ge-  
minatus: quæ discrimina non aliam videntur  
habere causam, nisi quod exhalationum con-  
globatio maiorve pro magnitudine &  
vi syderum, & terra assurgit, circulumque va-  
rietate illa distinguit. Hoc igitur modo com-

pre-



comprobari solet Aristotelis opinio, quam  
tuetur diuus Damascenus in suis Physi-  
cis.

Verum eam communis Philosophorum & Aristotelis  
Astrologorum consensus reiicit: statuunt e-  
nim, *prædictum circulum esse in Aplane*, de lacteo  
circulo opi-  
nionis con-  
futatio.  
hoc est, *in octaua sphaera*. Nonnulli e Pe-  
ripareticis, vt Louanienses & Parisienses, &  
quidam de familia diui Thomæ, ne videli-  
cet ab Aristotele palam defecisse videan-  
tur, aiunt, *codicem, quem habemus, corru-  
ptum esse*. Sed hos refellit auctoritas Græ-  
corum interpretum, qui eandem sententiam  
in suo contextu Græco legunt Aristotelique  
attribuunt: quod etiam fecit Plutarchus lo-  
co citato. Auerroes, qui nunquam insigni-  
ter Aristotelem errasse putat, *dari sibi huiusce  
rei intelligentiam* optat. Alii volunt, *Ari-  
stotelem non asseneranter, sed probabiliter  
fuisse locutum*. Nos dicimus, *eum, quantum-  
libet acuto & perspicaci valuerit ingenio, homi-  
nem tamen fuisse, a quo proinde nihil humanum  
alienum existimare oportet: humanum vero est  
interdum labi & errare*.

Sit ergo primum pronuntiatum: *Circulus* Pronuntia-  
tum de la-  
cte I.  
*lacteus non sunt exhalationes in aere accensæ*  
*more cometa, vt Aristoteles credit*. Proba-  
tur primum, *quia incredibile est, tot annorum* Circulum  
lacteū non  
esse exhalationem in  
aere accensam.  
*seculis tantam halituum copiam e terra exsuscitari, attrahique eadem quantitate & figura; ita  
vt circulus ille eandem semper claritatem, den-  
sitatem & effigiem oculis offerat: præsertim cum* I. Ratio.

Nn 4



## II. Ratio.

## III. Ratio.

## IV. Ratio.

rigente hyeme & æstate efferuescente, pauca exhalationes in sublimiorem aeris tractum deueniant. Secundo quia cum Sol est in geminis & in sagittario, ardore suo dissiparet consumeretque exhalationes ei plagæ suppositas, atque adeo per id tempus circulus intersectus apparet. Tertio, quia si ideo tanta spirationum multitudo illi coalescit, quia pars coeli, cui subiicitur, frequentissimis & splendidissimis stellis conpersa est; simile quid perpetuo accideret in aliis aeris tractibus, quibus (extra Zodiacum) si non tanta syderum frequentia, & magnitudo: at ea certe respondet, quæ ad alios circulos, licet obscuriores efficiendos sat esse deberet. Quarto, quia si via lactea esset in aere, non ab omnibus per eadem sydera commeare cereretur: sed e diuersis regionibus circa diuersa astra sese oculis obiiceret; quemadmodum nec cometa, qui in aere existunt, ubique sub eadem stella fixa cernuntur. At testimonio sensus constat, semper lacteam viam in eodem loco, eademque a syderibus fixis distantia albescere.

Nec rationes, quæ illam in aere esse suadebant, persuadent: licet enim sub uno aliquo sydere conglobetur aliquando exhalationum formæ, qui crinitam stellam efficiat; haud tamen posset (ut supra dicebamus) tot annorum millibus tanta halituum vis sub stellis flagrare, & circulum illum immense magnitudinis describere.

Cui rei argumēto est, quod reliquæ omnes impref-



impressiones aeriae tandem absumuntur, & euanescent. Nec lacteus alibi maior, clarior, minor & obscurior est propter diuersitatem stellarum exhalationes euocantium: sed quia partes illae octauae orbis, in quo insidet, non ubique eandem raritatem & densitatem obtinent, ut mox dicemus.

Secundum pronuntiatum. *Circulus lacteus est in octaua sphaera.* Probatum, quia compertum est eodem motu, quo illam ab occasu ad ortum volui, hoc est, vno gradu centum annis.

II.

Lacteam in 8. sphaera esse probatio.

Tertium pronuntiatum. *Circulus lacteus non est aliud, quam maxima frequentia minimarum stellarum octauae sphaerae inherentiū, quae pro exiguitate ad nostrum aspectum distincte peruenire nequeunt, ut ceterae stellae: atque ita inter se lumen commiscunt & confundunt.* Vel potius sunt partes eiusdem coeli densiores, quam reliquae; minus tamen densae, quam astra: quae quidem ex reflexione luminis, tam Solis quam syderum inibi collucetium, candorem illum, siue splendorem emittunt. Est autem lacteus vnus e maximis coeli circulis, quia longitudine totum coelum cingit, & in duo secatur per  $\Gamma$  & II. Latitudine vero amplissima est, ut oculis patet. Non est vnus simplex circulus, sed magna ex parte geminatus; de quo ita Ptolemeus lib. 8. magnae constructionis: *Lacteam circulum non simpliciter circulum esse, sed zonam quandam, quae colorem lactis tota retineat; unde nomen quoque sibi attributum est, quaeque non aequalis, & sibi similis sit, sed latitudine & colore, & stellarum frequentia, & situ de-*

III.

Lactei circuli descriptio.



nique differens & varia, & in quibusdam partibus duplex ipso adpectu facile perspicitur.

## VI. Quæstio.

De Stella, quæ Christo nato Magis præluxit.

**I**nquit nos, inquit Collegiū Conimbricense, splendor eius stella, quæ Christi natalitius in Oriente eluxit, Magosq, ad diuini Regis incunabula perduxit, ut de ipsa quoque Philosophorum audiamus placita. Sciendum in primis, sydus hoc versus Orientalem plagam (facta videlicet comparatione ad Palæstinam) Magis apparuisse, eo-que secretiore cælestis numinis afflatu instinctos, hanc quasi cæli linguam loquentem, agnouisse, & usque in Bethleemiticum oppidum fuisse persecutos. Id quod etiam multo ante Erythræa Sibylla lib. 8. oraculorum prænuntiauerat:

*Diuinamq, Magi stellam coluere recentem,  
Monstratusq, Dei præcepta sequentibus infans  
Est in præsepi.*

Stellæ huius  
apparitionis  
ratio.

Rationem vero, cur Deus istiusmodi spectaculo Magos vocarit, reddit Theophylactus ad 2. *Matth. cap.* nimirum quia, cum Magi Astrologi essent, ut *Tertull.* refert in libro de idolatria, consentaneum fuit, allici eos signo aliquo sibi familiari, sicuti & Petrus piscator capta piscium ingenti multitudine ad Christum sequendum adductus est.

Simile.

De stella di.  
ta opinio  
futuris.

Quæritamen solet, num ea stella de astorum cælestium numero fuerit? Nonnulli, quorum meminit Abulensis ad cap. citatum *Matt. quæstio. 11.* arbitrati sunt, fuisse unam ex syderibus  
incr-



*inerrantibus, aut ex Planetis.* Hæc tamen opinio communi Patrum consensu improbatur, ut *D. Thomas 3. p. q. 36. artic. 7. docet*, refelliturq; perspicuis argumētis, a *D. Basilio. de humana Christi generatione*, a *D. Chrysostomo homil. 6. in Matth.* a *D. Damasc. lib. 2. cap. 7.* a *D. August. lib. 2. contra Faustum cap. 5.* & ab aliis. Etenim astra singulis diebus oriuntur, & occidunt: illa vero stella se spectandam perpetuo dabat. *Secundo*, quia diurna lux astra obscurat & obumbrat illa interdiu lucebat tanto splendore, ut alia cœli lumina vinceret, sicuti *D. Ignatius in epist. ad Ephes. 14. refert.* *Tertio*, quia illa, dum opus erat, obscurabatur. Cum enim Reges Hierosolymam usque duxisset, ibi tantisper delituit, tum rursus sese visendam præbuit. *Quarto*, quia erat terris vicina; siquidem constitit supra speluncam, in qua erat diuinus infans, eamque palam monstrauit. Quoniam ergo stella illa de syderibus ætheriæ regionis non fuit, quærat aliquis, *num Cometa saltem dici debeat?* Respon. nec Cometam fuisse, ut facile videbit, quisquis ea considerabit, quæ hæcenus disseruimus & docuimus de natura Cometarum, de illorum motu & euanescentia sub diurno lumine, & distantia a terris. Quæ omnia in istiusmodi stellam minime conueniunt, ut ex proxime dictis plane constet.

Fuit igitur prædicta stella nonum quoddam & insolitum meteoron; non naturali, sed angelica, vel diuina virtute ex subcœlesti materia cōflatum, & eximie lucis fulgore conspersum;

Sentētia de  
prædicta  
stella vera,



An & cur  
Magis Hie-  
ros. ingre-  
dientib. lu-  
cere cessa-  
uerit.

quod non suapte vi, sed alicuius angeli ministe-  
rio deferebatur. D. tamen Chrysoſt. *homil. 6. in*  
*2. cap. Matth.* Fulgentius *ſerm. de Epiphania*, &  
G. Nyſſenus *in dialogo de anima*, exiſtimāt, fuiſ-  
*ſe angelum, qui ea figura ſtelle apparuit.* Ratio ve-  
ro, qua Magis Hieroſolymam ingredientibus  
obliteſcere potuit, multiplex eſt, nimirum vel  
quia Deus ſubtraxit communem concurſum,  
ne illa ſui imaginem ad oculos trāſmitteret: vel  
quia eo interim ſpatio lucem ademit: vel aliis  
etiam modis, quos affert Abulenſis *ad cap. ſu-*  
*perius citatum, queſt. 41.* Aduerte tamen, quos-  
dam exiſtimāſſe, *hanc ſtellam ſemel tantum vi-*  
*ſam a Magis in Oriente, moxq. euaniſſe: tum e-*  
*greſſis Hieroſolymam apparuiſſe iterum: indeque*  
*eos a præſepe duxiſſe.* Verum contrariam ſenten-  
tiam, quæ ſtatuit, eam Magos per totum iter  
comitatam fuiſſe, ſequuntur Plerique ex Patri-  
bus antiquis.

#### VII. Diſquiſitio Patriciana.

##### *De Galaxia ſeu via Lactea.*

**G**alaxias tractationem recte Patricius vult  
ſyderum tractationi coniunctam eſſe, quia  
& inter ſydera viſitur, & ſydera in ſe continet,  
quibus eſt interſperſa: & quaſi ſyduſ quoddam  
ingens videtur totum cœlum cingere. Hinc ve-  
terum & recentiorū varias enumerat opinio-  
nes de hac ipſa via lactea, & quidem tum Phyſi-  
corum, tum Aſtronomorum. Suam vero ſen-  
tentiam pluribus verbis expoſitam diſceptrat,  
quam Lectoris oculis ſubiectam, eiſdē etiam  
exami-



examine subiicimus. Ita autem differit: Nos au- Assertio de  
 tem quidnā de tam ardua questione audebimus, Galaxia Pa-  
 profari? Audendum namque est aliquid. Itaque triciāna.  
 dicamus, hunc circulum (si tamen circulus aut  
 cingulum est) vel empyrei, vel aetheris, vel aeris  
 esse necessario portionem. Aeris non esse certo sunt  
 argumento, eadem semper eius positio. Ab eisdem  
 enim asterismis discedit nunquam, Cassiopea, cy-  
 gno, Aquila, Sagittarii sagitta, Scorpii cauda, (ē-  
 tauro, Argo, Geminorum pedibus, Heniocho, &  
 Perseo. Neque partes eius loca mutant, & eadem  
 semper latitudine, quamvis alibi maiore, alibi mi-  
 nore, conspicitur, & lucem clariorem hic, minus  
 claram alibi nunquam variat. Res vero, quae in ae-  
 re sunt, vel fiunt, indies mutantur, & nulla certa  
 obtinent loca, tam ea, quae e vaporibus dicuntur ge-  
 nerari, quam ea, quae ab exhalationibus gignun-  
 tur. Nubes, ignes varii, cometa. Neque potuit A- Aristoteles.  
 ristoteles rationabili vlla ratione asserere, cum in  
 locum aeris continue exhalationem multam ag-  
 gregari: quia in coelo supra eum locum, maxima  
 & fulgentissima sint astra, & plura, & crebriora.  
 Hoc enim prorsus falsum esse Astronomorum ta-  
 bula indicant. Per quas videre est, tota ea circuli,  
 & longitudine, & latitudine non plura, quam 183.  
 esse sita, & primae magnitudinis, non nisi duo. Se-  
 cundae vero non plura, quam 16. Reliqua omnia,  
 infra hanc esse magnitudinem, & maiorem eorum  
 partem, esse quartae, & quintae, & sextae magnitu-  
 dinis, & aliqua obscura, & nubilosa, ut minime  
 dici queant, & fulgentissima, & maxima, & plu-  
 ra, & crebriora. Quid igitur huic homini facia-



mus, qui eadem semper, & diligentia, & negligentia philosophatur. Non est igitur hic circulus exhalatio in aere, sub maxima, plurimaeque coeli sidera congregata. Non est ergo hic circulus in aere. Supra vero etherem in empyreo non esse, valida videtur constare ratione. Namque empyreum, immotum esse demonstrauimus. Galaxia vero moueri apparet in circuitum. Quae res duo nobis indicat, ipsam scilicet in ethere esse, & stellarum esse natura. Quod & candor eius indicat limpidus. Hunc autem candorem, vel a se ipsa habet, vel ab alio. Si ab alio, vel a Sole, vel ab astris. Si a Sole eum habet, ita quoque conuincitur astrorum eam esse natura, quia, ut astra (quod Astronomi putarunt omnes) a Sole illuminantur. At a Sole non illuminari astra, quia flammae & lucēs per se sint, iam est demonstratum. Si non a Sole illuminantur, ab astris ne illustrabitur? Si ab eis lumen accipit, a quibus nam accipit? Ab iis ne, quae extra ipsum, prope ipsam sunt, vel ab iis, quae ab ea procul sunt posita, vel etiam sunt in opposito. Vel etiam ab iis, quae intra suam sunt latitudinem, & quibus est quasi respersa? vel ab horum parte aliqua, vel ab omnibus? Sane si rationes a sensu ductas simili, sectari nobis liceat, dicemus ab astris omnibus lacteam viam posse collustrari. Lucent enim, & coelum vniuersum suis illuminant luminibus. Sed cur coelum non totum, uti in lactea parte luceat, causa est inquirenda. Et in hac totus noster versatur labor. Nam cum in hac luceat, parte, non luceat in aliis, profecto non sine causa id fieri est existimandum. Quae igitur causa ea esse potuit?



potuit? Quae nam alia, quam ea, per quam in ea tota coeli regione, reliqua lucent sydera. Ostendimus autem ea lucere, eo, quod vel lux conspissata sint, vel flammae sint ardentes, vel utrumq. Nam Salomon flammam esse scripsit in sapientia, ita; Nec Salomon syderum limpida flamma, illuminare poterant illam noctem horrendam. Sydera ergo flammae sunt; Et ideo illuminant, quia Et lux sunt Et ignis, ut iam est ostensum. Itaque lacteam candore fulgere necesse est, vel quia tota sua longitudine, Et latitudine lux sit densior Et flamma ardens, vel etiam, utrumq., vel etiam neutrum. At neutrum esse fieri non potest. Nihil enim lucere conspicitur, vel apud nos, vel in aere, quam ignes. Cur igitur non, Et in aethere id fiat ex demonstratis? Vtrog. igitur, sed longe puriore igne etiam in aethere lucent, Et astra, Et quae lucet reliqua. Lactea igitur lucet, vel quia lux est, vel quia flamma, vel quia uti diximus, est utrumq. Lux enim flamma est. Et flamma lux est. At quo modo est ibi, vel congregata lux, vel flamma accensa, Et non aethere toto alibi? Quia conditor, ut coeli gloriam eius enarrarent, eam ibi condensam esse voluit. Necesse autem fuit, eam non esse nullibi. Sed loco aliquo lucere. Elegit igitur eum locum, quo sita est, sua ineffabili sapientia. Cuius thesauros, quia cognitione nulla attingimus silentio veneremur. Philosophia enim nulla tam alte scandit. Sicuti nec apud nos, cur ignis calefaciat, vestigare est potens. Sed cur, non tam vinide? Et non eodem ubique modo lucet? Sed hic clarius, ibi languidius? Et modo latius ea sese fundit lux, modo minus late spargitur, Et per anfractus veluti quos-



dam, & ordine nullo latitudinem suam effundit? Id vero conditoris consilium fuisse, necesse est iudicare. Cuius iudicia sunt nobis inscrutabilia. Illud tamen ex demonstratis possumus nos dicere, lacteam lucere in athere, atherem non lucere: quia hic sit rarissimus, & tenuissimus. Illa vero non tam sit tenuis, nec rara, sed athere ipso sit densior ubique, & conspissatior. Non tamen tantopere fulgere, quam pleraque astra, quia sit eius flamma astrarum flammis tenuior & rarior: astra vero sint densiora, & compactiorem suam habeant densitatem. Media igitur inter atheream & sydeream, tum raritate, tum densitate. Et ut athere densior est, ardet: ut vero syderibus rarior, ardet languidius, quam sydera. Et qua parte ipsa fulget clarius, ea putandum est esse densiorem, ubi fulget remissiùs, ibi esse rariorem. Sed & illud adhuc in questione remanet: Sydera quæ in ea visuntur, & minima, & maiora, & maxima illa, quæ apud Antarcticum Vespucius narrat, omnium quæ in cælo sunt, lucentissima in ea esse, an reuera in lactea sint, & eius quasi partes? An vero infra eam versus nos, vel supra eam versus empyreum? Id putamus nullo sensu comprehendere posse. Ratio tamen dicit, posse stellas, & supra eam esse, & in ea, & etiam eam infra. Vespuciana autem illa, quando tamen valide luceant, duplici id ratione fieri videtur posse, vel propria ipsarum magnitudine, vel quia nobis sint proximiora, quam ea, quæ lucent minus. Sed si lactea, aut flamma, aut lux est, ut cetera astra, cur non ut cetera astra, aut micat, aut radiationem non ostentat?

Non

Vespucius.



Non quidem micat, uti Planeta, ad nos propin-  
 quitate. Sed quia rarior est eius flamma quam  
 sit astrorum flama, raritas autem illa, inefficacior  
 est, quam ut micationem edere possit. Nam & in-  
 ter astra reliqua, quæ dilutiore ac debiliore sunt  
 luce, minus micant. Et apud nos flamma, in tenuio-  
 re materia ardentes, minorem edunt micationem,  
 & si in palea, aut stipula sit, aut stupa, aut mini-  
 mam, aut prorsus nullam edere visuntur. Sed et si  
 in agro, demesso frumento, palea, quæ solo fixa re-  
 mansit, noctu accendatur, longam accensionem  
 ostendet, sed micantiam ostendet nullam. Ea-  
 dem hæc est ratio in lactea, quæ in longum latum-  
 que ardēs, nihil micat. In utroq; huius rei causam  
 nos esse arbitramur, si quæ pars, aut micare queat,  
 aut etiam micet, eam non cerni, quia reliqua  
 flamma eam absorbeat, & cōspici non sinat. Quod  
 manifesto experimēto probari videtur posse. Nam  
 si candela ardens magna opponatur flamma, vel  
 etiam Soli, & nos procul aliquanto spectemus pro-  
 fecto neque ipsa apparet, neque nos eam discerni-  
 mus. Sed cur stella, quæ in ea apparent esse, mica-  
 tionem suam non amittunt? & a nobis discerni-  
 tur? Quia & maiores sunt, quam candele flam-  
 mula; & viridius ardēt, & viracius micant præ-  
 sertim quæ maiore sunt magnitudine.

Hæc ita hætenus Patricius.

Disputatio VIII. Gocleniana.  
 De Galaxia continens refutationem veterum  
 Philosophorum.

H Vnc circulum, inquit Goclenius, nos cum  
 Ptolemeo in sphaera octava inter sydera

Goclen. re-  
 cedit a vete-  
 ribus Phi-  
 losophis.

00



- collocamus, recedentes hac in parte a veteribus Philosophis. Ac primum ab Aristotele, qui eum in aere inter meteora ignita statuit, & lumen illud albicans, quod in orbe lacteo apparet, ignem halitus incensis, & quasi perpetuum quendam Cometam esse censet. *Secundo* a Pythagoricis, qui viam a stella aliqua adustam finxerunt. *Tertio* a Theophrasto, qui vestigiū coactitus duorum hemisphaeriorum esse arbitratus est. *Quarto* ab Anaxagora, qui censuit, lumen esse quarundam stellarum propriū, quæ a Sole propter terram interpositam aspici, ideoque ab ipso illustrari non possint, sed in umbram terræ incurrentes suam tantum & propriam fundere lucē, quæ sola tum appareat, debilis nimirum & candens. *Quinto* a Diodoro, qui ignem, & Possidonio, qui calorē cœlestem esse definiuit. *VI.* Denique ab iis, qui emphasin & reflexionem luminis stellarum, vel partem cœli densiorem, in qua lumen stellarum refractum luceat, existimarunt.

Aristot. o-  
pino falsa  
esse demon-  
stratur.

Primum Galaxiam non esse, quod Aristoteli placet aeris  $\pi\alpha\theta\epsilon$  ex halitu sicco excitatum incensumque, & cometarum simile, atque ita sub Luna aliquid ex eis, quæ meteora appellantur, sequentes euincunt rationes.

- I. Si ex halitibus incensis constat, quomodo eadē semper apparet, eodemq; modo, & perpetuo omnibus anni temporibus se habere potest, neque vel totus circulus, vel aliqua pars huius lactee via multis iam seculis aliquid vel minimæ mutationis sitū aut figura accepit, cum hoc meteoris omnibus, & in pri-



in primis incendiis ex hoc genere accidat, ut nihil habeant constans & perpetuum.

Amplissimum est primum argumentum, scilicet constat ex halitibus. uno tempore sane clarior erit, alio obscurior. Cum enim non semper pari copia exhalationes ascendant, scilicet in aerem, clarior erit, cum materia adducta est copiosior: obscurior cum paucior. Iam vero eodem modo seu specie semper apparet. Ergo non constat ex halitibus.

II. Si Galaxia de cometarum genere est, cur tam multa habet a Cometarum natura longissime recedentia. Cometarum incendia sunt inaequalia, tam magnitudine, quam figura & lumine, variantur temporibus & locis, & non tantum diversi, sed unus saepe & idem Cometa omnium generum talium mutationes recipit, tandem vero evanescent universi. Iam vero nihil horum Galaxiae accidit. E.

III. Cometae fere ex Planetis aliquem sequuntur, a quo veluti gubernantur. Galaxia nullius Planetae ductum sequitur. Ergo.

IV. Praeterea Cometae stellarum & flammæ atque ignea specie apparent. Galaxia non habet flammæ speciem, cum nitor quidam potius albicans, quam flamma videatur. Ergo Galaxia non est ex Cometarum genere, nec est halitus incensus.

V. Item Galaxia causa est, quod raro & pauci Cometae existant, ideo nimirum, quod in Galaxiam omnis Cometarum materia absumatur, ut Aristoteles docet, quæ causa adferri poterit, cur quoties Cometa existere incipit, non tamen aliquid Galaxiae decedat, aut non in galaxiam potius, quam Cometam abeat, cum incenditur, praesertim si



*Cometa existat in ipsa etiam via lactea.*

VI.

VI. Præterea si unus in uno climate Cometa, postquam exstitit, maximam siccitatem & squalores affert, quomodo nō si perpetuus est, & ita magnus Cometa, galaxia perpetuum etiā & maximū squalorem trans affert, vel quomodo potius non omnē terra humore, ut flamma iam pridem, exhaurit. Adde, quod ex genere meteororū, nihil numero idem, αειδμοῦ ἐν per uniuersam terram cernitur. Galaxia numero idem per uniuersam terram cernitur. Ergo non est μετέωρον.

Galaxia nō  
est intra Lu-  
nam.

Quod autē non infra Lunam sit Galaxia, sed extra elementarem oram demonstrauit Ptolemaeus γράμματα: Quorū adspectus παραλλαξίς, id est, aberrationem visus afferunt, ea sunt inferiora iis, ad quæ habet παραλλαξίς. Lunam autem habere παραλλαξίς ad galaxiā, oculi docent. Coniungitur ergo, galaxiam Luna esse superiorem. Quod & de reliquis Planetis fieri deprehenditur. Stellarū autem fixarum nulla est ad galaxiā παραλλαξίς, id est, adspectus diuersitas. E Planetis omnib. superior est galaxia, & in eadē cū stellis fixis est profunditate. Quod si inter nostrum adspectum & stellas errantes & fixas galaxia esset interposita, atq; ita his omnibus inferior, tunc adspectū vtriusq; stellarum generis interciperet, easque occultaret, quæ supra ipsam positæ essent recta linea inter oculorū apparentiā, & ipsam lacteam, aut colorem, quem habet, stellæ nonnihil suo fulgore mutaret.

Pythago-  
rorū sen-

Pythagoræorum sententia, quæ duplex fuit. (vna, esse hanc a stella aliqua ad iustam viam, ex  
iis stel-



is stellis, quæ loco sunt motæ in perturbatione, quæ Phætonis incendio cœlo acciderit. Et quæ per cœ-  
lum circum circa cucurrerit, eum hæc vestigia v-  
stionis suæ reliquisse. Altera solis hanc viam ali-  
quando fuisse, atq; ita circulum illum ex Solis v-  
stione id πᾶδος contraxisse, ut albicans & cinerescens  
aliquid haberet) longa refutatione non eget, cū  
fabulosa sit & allegorica utraq;. Absurdū enim  
est, Solem aliam aliquando viam habuisse, quam  
eclipticā. Sed fingamus tā longe aliquādo a ter-  
ra recessisse Solē, ut per galaxiam ferretur: non  
tamen hic cursus eius illū Zonæ lacteæ colorē  
effecisset. Cū enim sub Zodiaco non tantū Sol  
& Luna & quinque stellæ errantes tā longo iam  
tēpore ferātur, neq; tamē candicans aliquid &  
galaxiæ simile ei inuiderint, quomodo hoc alibi  
ut in galaxiæ Zona, Solē effecisse cōsentaneum  
est. Porro Theophrasti dogma, quod galaxia sit  
cōpactio hemisphæriorum, fabulæ simile est. In  
Astronomicis. n. δέσται nō quῶςται sunt hemisphæ-  
ria, quæ Horizontes discriminant: neq; vlla est  
causā, cur fingi necesse sit, cœlū de duob. hemi-  
sphæriis cōpactum, & nō vnius continuæ sphe-  
ræ massam esse. Et posito, hoc cœlū de hemisphæ-  
riis compactum, non tamen causā explicari potest,  
quare ea parte, ubi hæc coaluerūt, cœlum sit vini-  
dus & fulgidius, quā alibi, aut cur tam inequali  
cōpage opus sit galaxia. Ergo Galaxia non est ve-  
stigium seu cicatrix coagmentationis hemisphæ-  
riorum duorum.

Anaxagoræ opinio refellitur his argumētis, Refutatio  
Lacteus orbis constans & non mutatus perpetuo Anaxagoræ

Oo 3



similis est sibi, quod ad speciem & situm attinet, hoc est, in iisdem semper stellis, & in eodē loco cœli tractuq, perpetuo conspicitur, & semper apparet alicubi latior, alicubi angustior, alicubi duplicata, alicubi simplex, alicubi lacera & colorē retinet eandem. Hoc fieri non posset, si Galaxia esset lumen stellarum in umbram terræ incurrentium, seu si a Solis illustratione ob interpositionem terræ intercepta in stellis existeret. Solis. n. motus eū sit sub ecliptica & in austrum ac septentrionē usq, ad utruq, tropicum excurrat, nimirum ex aliis atq, aliis locis Zodiaci, alias atq, alias etiam stellas aspiciat & non aspiciat, atq, ita non eadem semper in terræ umbrā incurrent, & quod consequens est Galaxiæ etiam positus & species ad Solis motum mutabitur.

II.

Præterea si ex umbra terræ est Galaxia, hæc autem & cœli formam habet & latitudinem inæqualem, sequetur umbram terræ non esse æquabilis latitudinis, & in circuli basin desinere, cum demonstratur esse turbinata. Quid quod Astrologi

III.

demonstrāt, turbinem umbræ terræ non ulterius, quam ad spheram Mercurii usq, produci, atque hanc viam tandem attingere, non penetrare: multo minus igitur ad fixarum stellarum spheram usque hæc umbra pertinebit.

Galaxia an  
sit reflexio.

Progredimur ad dogma eorū, qui Galaxiam reflexionem esse existimant a syderibus, in quibus cernitur, & quibus veluti in speculo conspectus noster ad Solem reflectitur. Ii sic refutantur: si ex reflexione fieret Galaxia, consecuturum est, ut non semper eadem imaginis pars in eadem

dena



dem stellarum parte appareret. Nam magis accedente sole ad quaedam astra, fieret nunc haec, nunc illa forma in Galaxia, ut cum ad signum accederet Sol, alia Galaxiae imago representaretur, quam quando ab hoc recedit. Sed constat easdem lacteae partes eandem suam speciem semper conservare, neque latas angustari, aut angustas dilatari, aut simplices duplicari, duplices ve in simplices converteri. Non igitur reflexionis imago est Galaxia.

Nec verum est, quod Diodorus Galaxiam ignem, & Possidonius calorem caelestem esse putavit. Si ignis est caelestis a Galaxia & stellis, huius calor aliquis in aerem aut terras mitteretur. Sed non hoc. Non ergo illud. Deinde calor proprie dictus non videtur. At Galaxia videtur. Non igitur est calor.

Refutatio  
Diodori.

Quid ergo est Galaxia? Respondeo, se-  
quens dogma de Galaxia est probabilius, quod  
quidam tribuunt Democrito, ea videlicet caeli  
parte, ubi Galaxia cernitur plurimas esse stellas  
parvas, quae oculos effugiunt, & spatis inter se di-  
stant brevissimis, ideoque cum & parvae sint & mul-  
tae, & ut Macrobius, spisso tractu inter se co-  
actae, lumen fundere debilius & coniunctum &  
continuum, colori magis & fumo albicanti, quam  
lumini simile. Frequentia quidem stellarum il-  
larum facit, ut lumen illud multiplicatum con-  
servetur, cum passim diffundatur lumenque  
unius ingrediatur lumen alterius, atque ita in-  
ter se permixtum contineatur & fiat *συναντες*,  
quasi catena inter se facta luminum. Parui-  
tas autem in causa est, ut sit fulgor obscurior,

Galaxia  
quid Go-  
clenio.



**Obiectio.** quam est in stellis ceteris. Sed hic obiici potest, hunc in modum: *Galaxia maxima & splendidiſſima continet in ſe ſydera. Ergo a paruarum stellarum lumine non exſiſtit.* **Reſpon.** *Reſpondetur ab his grandioribus & euidentibus ſtellis continuum illum lacus tractum non poſſe exſiſtere, cum magna interualla Galaxiæ appareant, in quibus nihil eſt talium stellarum. Itaque non in haec, ſed paruas illas & non apparentes ſtellas cauſſam Galaxiæ precipuam conferendam: fieri tamen poſſe, ut maiuſcula illa & apparentes ſtellæ paruarum illarum confortent & augment. A Solis autem euidentibus ſtellis (ſi quæ ſunt in Galaxia) Galaxiam eſſe nō poſſe etiam hoc docet, quod ſub Zodiaco, qui multo plures ac maiores ſtellas ex euidentibus ambitu ſuo complectitur, nihil tamen apparet γαλακτοειδές. Aliqui etiam Solem Galaxiæ adiuuantem faciunt, ut nimirum lumen Solis in paruas illas & confertas quaſi-que contiguas ſtellas incidat, iis-que accedens una cum his Galaxiæ ſpeciem talem efficiat, (quod & Ptolomæo tribuunt, cum tale nihil vnquam doceat quod recordor) ſed hæc aſſertio infirma eſt. Nam in dubium vocari poſteſt, an Solis radii eo uſque ſe extendant, ut ad extremam ſphæram oppoſitam permeent.*

PARS 2.





PARS ALTERA

ASTROLOGIAE  
DE ASTROPRACTIA

CAP. I.

*De Chronologia & partibus  
Temporis.*



ACTENVS exposita est Astrogra-  
phia in explicatione naturæ astrorū  
cum generali tum speciali: superest A-  
STROPRACTIA, quæ est altera A-  
strologiæ pars, explicans, vsum, actio-  
nes & effectus astrorum.

Transitio.

Definitio.

Astropactiæ partes duæ sunt, CHRONOLOGIA Partitio.  
& ASTROMANTIA.

CHRONOLOGIA hoc loco est pars Astropactiæ explicans TEMPORIS dimensionem & distinctionem per motum astrorum: Vnde & Chronometria Astrologica dici posset.

Definitio

Chronologia.

Hæc igitur docet, quomodo luminaria & stellæ a Deo sint conditæ in tempora dies & annos.

Temporis motu astrorum dimensi considerantur partes, tum partes seu membra, tum species.

Species.

Partes temporis motu illo dimensi & distincti sunt partes sunt tum Dies tum Annus.

tum Dies tum

Dies est temporis pars motu stellarum diurno dimensa.

Annus,

Dies quid.

Diei partes nominantur Horæ.

Annus est temporis pars motu stellarum periodico dimensa, e pluribus diurnis composito, numerata.

Annus quid.

Estq; vel Vltatus vel Inultatus annus.

Quotuplex.

Vltatus annus est Solaris vel Lunar.

AA



Quid solaris.  
Lunaris  
quid.

Solaris est annus motu Solis periodico definitus.  
Lunaris est annus, intra quod cœli ambitū Luna lustrat; vulgo Mensis dicitur.

Inusitatus annus est tum reliquorū præter Solem & Lunam Planetarum, tum stellarum fixarum.

Anni Planetarum reliquorum sunt,

I. Saturnius, qui est solarium annorum 30.

II. Iouialis, qui est solarium 12.

III. Martius, qui est dierum 487.

III. Veneris & Mercurialis, qui fere est eiusdem cum solari dimensionis.

Annus stellarum fixarum reuera est incognitus, quicquid etiam veteres dixerint de anno mundano, magno, vertente, perfecto, quo & sydera & homines ad priorem reuersuri dicuntur statum.

#### Quæstio I.

*An sit vera astrorum efficaxq; praxis?*

Insignis v-  
sus, præcla-  
ri fines &  
eximie ope-  
rationes a-  
strorum re-  
periuntur.

**N**Egari non potest, insignem esse usum, præclaros fines & eximias operationes astrorum, tum quotidiana experientia omni hominum generi persuasas, tum sacrarum scripturarum auctoritate Christianis demonstratas.

I. Primum enim ait Iehoua creator, luminaria & stellas a se creari & in expanso collocari, ut luceant super terram, proinde initio vocauit eas luminaria, a luce, qua vtrumque luminare imbutum est cū primis, deinde stellæ reliquæ, ut etiam lucem terræ, & iis quæ in ea sunt cōmunificent. Hinc verba Moſis Gene. 1. ut luceant in firmamento, & illuminent terram. Et postea: Et posuit ea in firmamento seu expanso, ut luceant super terram. Quantū vero sit beneficiū, q̃ Deus mundo præbet vsu hoc stellarum lucē in terris spargentiū, quis satis animo complecti queat.

II. De



II. Deinde ait Iehoua, *ideo condi luminaria & stellas, ut distinguant diem a nocte, & lucem a tenebris, adeoque ut sol præstet diei, Luna autem nocti.* Suo igitur cursu diuidunt diem a nocte, suæ autem lucis vel præsentia, vel absentia discrimē ostendunt, quod est inter lucem & tenebras. Deinde vnum luminare interdiu sine alterius impedimento sua in terram confert beneficia, siue lucendo, siue calefaciendo, & exsiccando: & alterum vicissim noctu, siue illuminando, siue, ut volunt, humectando, siue etiam leuiter calefaciendo, siue (ut plerique volunt) refrigerando.

II.

Luminaria  
& stellæ suo  
cursu diui-  
dunt diem  
a nocte.

Tertio Dei iussu sidera sunt nobis insigna (*hic variant interpretes, prout diuinatrixis Astrologia vel sunt patroni, vel impugnatores*) & quædam nobis futura præsignificant, vel suis ipsorum naturalibus motibus, & ordinario cursu, eæque præsignificationes plane sunt naturales; aut pro Dei beneplacito ratione plane supernaturali, & præter naturalem ordinem contingente, Deo effecta in astris præter ordinem efficiente, ut per hæc apertas dei suæ, aut imminenti suæ, aut propositæ misericordiæ significationes.

III.

Sydera iussu Dei quædam nobis futura præsignificant.

Quarto dicuntur esse astra in tempora statuta, quæ præcipue ea continent, quæ per sydera ad hoc a Deo ordinata, omnibus in vniuersum gentibus, simpliciter & immutabiliter perficiuntur, qualia sunt quatuor anni tempora, de quibus Virgilius ait:

IV.

*Temporibusq; parem diuinit quattuor annum.*

Quatuor  
anni tem-



pora sunt, æstas, autu-  
mnus, hy-  
ems & ver.

Alia etiam  
stellæ certa  
temporū de-  
signāt spa-  
tia.

Sydera suo  
cursu nobis  
efficiūt dies  
& annos.  
Dies & an-  
ni sunt prin-  
cipales tē-  
porum  
partes.

Errat qui  
putauerit  
astra tantū  
esse ornamē-  
ta cœlorū  
otiosa.

Patritius.

Ea autē sunt æstas, autumnus, hyems & ver,  
de quibus postea. Hæc tempora sunt vt constā-  
tissima, ita homini præcipue summopere ob-  
seruata in omnibus fere suis actionibus; quidē  
quod aliæ etiam stellæ certa temporum desi-  
gnent spatia.

V. Deniq; sydera, teste cœlesti sapientia, sunt  
nobis in dies & annos, suo enim cursu nobis ef-  
ficiunt dies & annos, hoc est, totum temporis  
spatium in suas diuidunt partes, quarum prin-  
cipales sunt dies & anni. Dies enim vna integra  
Solis a puncto orientis ad idem pūctum reuc-  
lutione fit; ex diebus autem 365. vno solis per  
totum Zodiacum cursu, fit annus. Hæc certe  
effecta vt mundo sunt necessaria, ita quidē vti-  
litate vberima præstant. Qui igitur astra tantū  
putauerit esse ornamenta cœlorum, & otiosa,  
nullis armata omnino viribus agendi, & nobis  
benefaciendi, grauissime hallucinatur. Astra si-  
quidem, vt seponamus Mosem, confessione tū  
Astrologorum, tum philosophorum omnium  
corpora sunt: corpora autem omnia sunt sub-  
stantiæ. Substantiæ autem omnes *δυνάμεις*, &  
vires habent suas. Vires in actiones sibi pro-  
prias (vt loquitur Patricius) exeunt. Deinde a-  
stra a Deo sunt creata: Deus nihil fecit frustra.  
Necesse est igitur astra, corpora tam insignia,  
tam ingentia, tanto numero, suis & finibus &  
actionibus non destitui.

Quæstio II.

*An Chronologia Physica, & Astrologia  
recte annectatur.*

Quidam



PARS II. CAP. I.

**Q**uidam non indocti ad Historiam simpliciter referunt Chronologiam, quæ temporis seriem continuam rebus gestis adiungat. Negat vero D. Libavius *Chronologiam ex historia deducendam*, quamquam una cum Historia adhibeatur. Plurimæ quidem artes in historico usu cōcurrunt, at in distributione philosophiæ artes illæ cum Historia sub eodem genere collocandæ non sunt, nec ex Historia tanquam fonte suo educandæ.

Libavius negat Chronologiam ex historia deducendam.

Chronologia per se temporum rationem, Chronologia per se temporum rationem, & articulos tractat, quæ tempora cum per se meminisse non possumus, factis vel subiectis declaramus. Astrologia potius temporum dimensiones & distinctiones, (sydera enim efficiunt dies & annos, id est, distinguunt partes temporum) tractat; & est certe tempus (ut dimensum) effectus quidam motus; adiunctum vero rerum durabilium, cuius articuli mensurantur motu cœlestium astrorum, sicut & diuina referunt oracula in usu syderum. Sic igitur argumentor: Cui arti debetur Astronomia, eide etiam debetur Chronologia. Atqui Astronomia de natura & motu naturali astrorum tractans debetur Physica. Eidem igitur Physica debetur, ut pars non heterogenea, Chronologia.

Argumentum, quo hæc quæstio probatur, &c.

Deinde non est consequens, ut ei arti subiciatur Astrologia, quæ huius utitur adminiculo, quæque temporum exempla & observationes refert. Usu enim coniunguntur artes multæ, quæ familia & præceptis plane dissident, & heterogeneæ sunt: Deinde plures artes temporum

Astrologia non subicitur ei arti quæ huius utitur adminiculo.



exempla, temporū subiecta durabilia referunt. At vero Historia indiget & utitur adminiculo Chronologiæ, & temporum exempla ac observationes refert. Chronologia itaque; quatenus dimetitur tempora, eaque suis articulis & partib. dispescit, quæ dimensio proprie fit motu astrorum, recte refertur ad vsum Astrologicū, præcipue cum Mosaica philosophia testetur, *astra facta esse in tempora, dies & annos.*

## Quæstio III.

*De anno magno seu mundano, an sit, quid sit, & an sciri certo possit, si sit?*

Duplex statuitur annus.

I.

II.

Sententia  
Piccolominei Aristotelici.  
&c.  
Cicero.

Plato in  
Timæo.

**A**nnus est duplex, vnus Vniuersi, qui dicitur *annus magnus, mundanus, & vertens*; alter Particularis & proprius. Annus magnus dicitur *reuelutio orbium cœli seu potius omnium stellarū, & reditus in eandem dispositionem, in qua prima fuerunt.* De hoc anno, primū considerabimus, quid sentierint veteres, secūdo sententiam Piccolominei Aristotelici subiiciemus, & sciri nō posse cōcludemus. De hoc anno magno loquens Cic. in lib. de somno Scipionis, inquit: *Homines populariter annum tantummodo solis hoc est, vnius astri reditu metiuntur; re autem ipsa, cum ad idē, unde semel profecta sunt, cuncta astra redierint, eandemque totius cœli descriptionem longis intervallis reculerint, tum ille vere vertens annus appellari potest.* De eodem loquens Plato in Timæo ait, *Est tamen intellectu facile, quod perfectus numerus temporis, perfectum tum demum compleat annum, cum octo ambitus confectis suis cursibus,*



*curfibus, quos orbis ille semper idem, similiterque procedens metitur, ad idem se caput retulerint. Insuper de eodem mentionem facit in lib. de regno, inquit, Vniuersum hoc alias Deus ipse regit rotat, atque agit, alias vero dimittit, cum mundi circuitus competentia sibi curricula temporis expleuerunt. In Phædro etiam subindicans annum magnum, hæc verba profert, in idem unde profecta est, cuiusque anima annis decem millibus non reuertitur.*

Ex sententia Empedoclis annus magnus est Empedocleum, & definita periodus singulorum mundorum, vel litis, vel amicitia, quos sibi mutuo succedere, ac inuicem definitis temporum mensuris reciprocari existimauit.

Ex opinione Heracliti autem, & Stoicorum, Heraclitus & Stoici. annus magnus est mora, & conseruatio mundi ab eius ex igne ortu, ad eiusdem in ignem conuersionem; quam mutuam mundi & ignis reciprocationem definitis temporum mensuris fieri existimauit.

De longitudine, & mensura anni magni opiniones sunt variae; ex opinione Empedoclis & Heracliti, nil certi hac de re dicere valeamus.

Ex opinione autem eorum Astronomorum, qui putarunt, octauam spheram reuolui tempore quadraginta, & nouem millium annorum, solis, annus magnus est illa periodus quadraginta nouem millium annorum. Qui vero putarunt octauam spheram singulis centum annis decurrere gradum vnum, inquit annum magnum esse triginta sex millium annorum.



Macrobius. Macrobius in lib. de somnio Scip. ait: *Annus magnus, qui & mundanus vocatur, seu vertens, ex Physicorum sententia est quindecim millium annorum.*

Franciscus Cataneus Diacetius. Franciscus Cataneus Diacetius vnā scribit epistolam, in qua nititur ostendere annum magnum ex sententia Platonis esse duodecim millium annorum.

Marfilius Ficinus. Marfilius Ficinus in sua Platonica Theologia lib. 4. c. 2. ait, Zoroaster iisdē aliquando causis omnino redeuntibus eosdem similiter effectus reuerti putat; quā ratione tam ipse, quā alii multi successores eius humanorum corporum resurrectionem affirmarūt. Circuitus autem vniuersi interuallum annis solaribus sex, & triginta millibus

Mercurius. expleri voluere Platonici, quem magnū & mundanum appellant annum; huius finem Mercurius anni senium appellauit. Plato vero in lib. de regno mundi restitutionē. Idem Ficinus in 10. de repub. Platonis distinguit annum magnum mundi, ab anno magno animarum, inquit, annum magnum animarum ex sententia Platonis esse duodecim millium annorum solis, ex tribus autem eiusmodi annis confici annum magnum mundi, quo mundi anima motu firmamenti suum absoluit ambitum.

Virgilius Æneid. 6. De anno magno animarum in 6. Æneid. ex sententia Platonis hæc retulit Virgilius.

*Donec longa dies perfecto temporis orbe  
Concretam exemit labem, purumque reliquit  
Æthereū sensum atque aurai simplicis ignē.  
Has omnes, ubi mille rotam voluere per annos,  
Lethæum*



*Leibum ad fluvium Deus evocat agmine  
magno.*

*Scilicet immemores supera ut cōnexa reuifant.*

*Rursus, & incipiāt in corpora velle reuerti, &c.*

Et quemadmodum secantur anni solares in  
æstatem & hyemem, ita aiunt Stoici, & multi  
cum eis, annum magnum diuidi in Orbis Ter-  
rarum inundationem, tanquam hyemem, & con-  
flagrationem, tanquam æstatem. Ex sententia no-  
strorum Theologorum vniuersa Mundi con-  
seruatio potest dici annus magnus, cui ætates  
tribuunt; Ex sententia Albumufaris, & quorū-  
dam Astronomorum hic annus magnus eius  
est facultatis, ut in eius recurſu cū cœli & stella-  
rum constitutiones redeant eadem, consimili-  
ter effecta eadem redibunt, adeo ut hæc ex cœ-  
lo pendentia, & sub cœlo posita eadem nume-  
ro reuertantur. Hæc sunt potiora eorum, quæ  
viris doctis de anno magno dicuntur.

Sententia  
nostrorum  
Theologo-  
rum.

Sententia  
Albumufa-  
ris & quorū  
dam Astro-  
nomorum.

Piccolomineus autem censuram harum o-  
pinionum agit, eamque decem pronuntiatis  
comprehendit. *Primo, inquit, si pro constitutio-  
ne anni magni consideramus cum Empedocle,  
Heraclito & Stoicis, reciprocationes, & subordi-  
natas regenerationes mundorum; annus magnus  
est inane commentum, ut inanis est ea, vel mun-  
dorum Empedoclis, vel mundi & ignis rec-pro-  
catio Stoicorum. Dicit secundo, si pro constitu-  
tione eiusdem consideramus descensum & ascen-  
sum animarum certo numero definitarū. per spha-  
ras mundi, & transitum earum, per varia distin-  
ctorum animalium corpora gratia purgationis,*

Picolomi-  
neus censu-  
ram harum  
opinionum  
agit.

I.

II.

AA 5



III.

III:

qua consideravit Plato in Phædro & alibi, ea erit  
 opinio Academica ex Pythagora defluxa, absolute  
 autem cum vero pugnans, & varia includens mē-  
 dacia, ut definitum numerum animarum, transi-  
 tum per corpora distinctorum animalium, moram  
 per mille annos in singulis sphaeris, & alia huius-  
 modi. Addit tertio, quod si etiam Platonem se-  
 queremur, non cogimur dicere annum magnum  
 animarum esse duodecim millium annorum, quia  
 in singulis duodecim sphaerarū, octo cœli, quatuor  
 elementorum morantur per mille annos, quoniam  
 sphaera cœli reperta sunt plures, quam octo; in supero-  
 roreditu in octauam sphaeram non est numerandū  
 tempus, quo mox anima morantur in ea, nec tem-  
 pus quo ante recessum manserunt in terris. Hinc  
 Plato in Phædro, cuius verba retuli, solum mentio-  
 nem facit de decem millibus annis; & iure; nam  
 Plato Pythagorā sequitur, ex cuius sententia nu-  
 merus denarius est completus & maximus. Cete-  
 ri autem numeri sunt multiplicationes eius. Di-  
 cit quarto, sententiam doctissimi Ficini de anno  
 magno animarum, quod ex opinione Platonis sit  
 duodecim millium annorum, & annus magnus  
 mundi sit triginta sex millium annorum, quia eo  
 tempore octaua sphaera absoluat revolutionem suā,  
 conspicue pugnare cum sententia Platonis; quoniam  
 Plato, ut etiam Aristoteles putavit octauam sphae-  
 ram esse primum mobile, & solum moveri motu  
 diurno, non autem tempore triginta sex millium  
 annorum, ut mox nonnulli Astronomi existima-  
 runt; hinc Plato in Timæo pro anno magno non cō-  
 sideravit solam firmamenti revolutionem, sed uni-  
 uersum



uersam cursum octo sphaerarum, adeo ut in eandē constitutionem. Et mutuum aspectum reuenterentur; imo dixit octauam sphaeram motu suo nempe diurno mensurare motus aliarum sphaerarum.

Addit quinto, hunc annum magnum, constitutum per motum proprium, octaua sphaera distinctum a motu diurno similiter pugnare cum opinione Aristotelis, qui octauam sphaeram una cum Eudoxo & Calippo solum motu diurno moueri putauit.

Dicit sexto, si per annum magnum, intelligimus reditum octo sphaerarum cœli in eandem, a qua primo recesserunt, constitutionem, & aspectum, ut asserit Plato in Timæo, illa consimilis constitutio, & in eam reditus est, quid inane, ut conspicuis rationibus ostenditur ab Haly in expositione primi libri apotelesmatū, per fundamenta Ptolemai & a Nicolao Orem viro docto in tractatu de proportionibus proportionum.

Addit septimo, concessio eo definitio tempore dari reditum in consimilem penitus cœlorum constitutionem, non ob id eadem numero effecta sub cœlo reuersura; quia per naturam, quod est corruptum, non valet idem numero refici: mitto rationes alias, & præsertim quia pro eiusdem numeri regeneratione, non sat est eadem numero communis causa, sed etiam requiritur, ut principia propria, & tempus eadem numero sint. Asserit octauo, eam distinctionem anni magni animarum, ab anno magno mundi necessitate carere, & rationi non esse consentaneam; cum enim animæ sint principales formæ mundi ordinem seruantes, eique respondentes, rationi consonum videtur, quod ut se habet de uno, ita se habeat de al-

V.

VI.

VII.

VIII.



- IX. *terro. Hinc Aristoteles in calce secundi de ortu & interitū recursū & reditū asserit solum fieri posse ad eadem specie, non autem numero. Nono dicit, annum magnum magna ex parte esse commentum quoddam, & nullo constanti niti fundamento, solum autem concedi posse sentiēdo cum recentioribus Astronomis, octauam spheram non esse primum mobile, & moueri motu proprio, non diurno, sed tardissimo, & ita asserendo annum magnum esse tempus, quo suam reuolutionem absoluit quod a variis variū dicitur. Demum addit ea, quæ præsertim Physicos nonnullos & Astronomos excitarunt ad anni magni cogitationem, præsertim sex fuisse: Primo consideratio temporis proprii cursus octauæ spheræ, ignoti vetustioribus Astronomis; Secundo consolatio mortalium optatum in hoc mōdo seruari, vel saltē in eum redire; Tertio, ut in infinito mūdi cursu ordo aliquis refulgeret; Quarto inanis imaginatio quorundā Academicorum statuētium definitum numerum animarum; & earum ascensum & descensum pro æterna mundi cōseruatione; Quinto opinio, quod cœli post varias reuolutiones in eandem cōstitutionem, & mutuum aspectum redeant; Sexto, quia veritas resurrectionis nostræ in die iudicii diuinitus nobis reuelata, latenter animos excitauit ad simile aliquid excogitandum, & cum verum exacte nō valuerint inspicere, umbram quandam tenuem inspexere. Hæc ita differuit Piccolomineus: M hi certe videtur nemo hominum definire posse, mundanus hic annus sit dierū, aut annorum etiam solarium: quandoquidem ne*
- motus



motus quidem octauę sphærę stellarumq; fixarum adhuc penitus innotuit: Itaque decepti veteres, qui quas ad solis lunęque æquationem excogitarunt, iis omnium errantium & inerrantium ἀποκατάστασις, putarunt; annumq; mandandum *vertentem, magnum perfectum* denique nuncuparunt, quo nō sidera solum, sed homines quoque ad pristinum redirent statum. Decepti etiā illi Christianis sunt, qui hunc annū consummati mundi certo anno & periodo definire ausi sunt, vti Theologus quidam elapso anno 97. quosdam Ephemeridum scriptores & diuinatores, tempus vltimi diei certum spiritu quasi prophetico determinantes, multis argumentis publice confutauit. De dicto etiam

Cabalistico Elianę Scholę: *Sex millibus annorum erit mundus, & postea destruetur. Bis mille anni, inauitanti. Bis mille, Legi: Bis mille diebus*

Dictum Cabalisticum Elianę Scholę.

*Messie erūt:* quid sentiamus, in Cosmopœia est disceptatum. De hac etiam traditione, qui plura scire expetit, adeat Galatinum de arcanis Catholicę fidei; legat etiam Pogionem Martini Raymundi. Sententiam autem illam Rabinicā

Sententia Rabinica Eliana exploda est, vt Petrus apostolus ostēdit.

Elianam explodendam esse ostendit apostolus Petrus, Epist. 2. cap. 3. vbi locus citatus ex Psal. 90. *de mille annis apud Dominum*, quem habeat intellectum, exponitur, & proponitur ad piorum consolationem. Sed humana sapientia, affectans stolide Dei abyssos & præscientiam,

ludit in Dei verbo eoque sape abutitur.



*De die Naturali.*

- Transitio.** **A**dhuc de partibus temporis: species subsequuntur.
- Partitio.** Tempus enim motu stellarum dimensum duplex est, Naturale vel Civile.
- Tempus naturale quid?** Tempus naturale est, quod exacte ad motus celestes describitur.
- Quotuplex Dies naturalis quid?** Estque Dies vel Annus. Dies naturalis est, definitore Censorino, tempus ab oriente Sole ad occasum.
- Quotus plex.** Dieque huius contrarium est Nox, tempus scilicet ab occasu Solis ad eius exortum.
- Æqualis.** Dies naturalis nocti naturali vel est Æqualis, vel Inæqualis.
- Æquinoctium.** Æqualis est semper in sphaera recta (scilicet sensu iudicio.) In sphaera obliqua bis tantum in anno, vnde Æquinoctium.
- Vernum.** Idque duplex Vernale vel Autumnale. Vernum, quod fit tempore veris Solis ad nos ap- pulsus in principio Arietis.
- Autumnale.** Autumnale, quod fit tempore autumnii Solis a nobis abcessu in principio libræ.
- Inæqualis.** Inæquales noctibus dies sunt Maiores vel Breui- ores. Maiores seu longiores, sunt Sole signa septentrio- nalia percurrente, in locis cis Æquatorem sitis. Breuiiores sunt Sole in meridionalibus signis con- stituto.
- Partes diei cōmunes.** Diei porro & noctis naturalis quædam sunt Com- munes, quædam vero Propriæ partes. Communes sunt partes duodecimæ, quæ vocantur horæ naturales: in quas quælibet dies & nox natura- lis diuiditur.
- Horæ inæ- quales & temporales.** Horæ hæ dicuntur Inæquales & temporales, quia tempore mutabiles sunt, & modo crescunt, modo de- crescunt: cum enim dies fuerit prolixior nocte, tunc horæ



horæ quoque illius diurnæ prolixiores sunt horis di-  
urnis, & contra.

Huiusmodi horæ inæquales fere omnes intelli- Propriæ.  
guntur, quæ in sacris & profanis libris ad annū Chri-  
sti trecentessimū vsq; aut circiter occurrunt.

Propriæ partes sunt vel Diei vel Noctis.

Propriæ partes diei naturalis sunt duæ, pars Ante-  
meridiana & Pomeridiana.

Propriæ partes noctis sunt Vigiliæ.  
*Vigiliæ*, & quidem *Vigiliæ*  
prima, secunda, tertia, quarta: quarum quamlibet suo  
cursu stellas fixas ostendere scribit Iunilius.

Quæstio I. de Die Naturali.

*Dies primus naturalis, unde nam suum duxeris  
principium, a vespere ne, an vero ab aurora?*

**V**ariaat hic opiniones interpretum. Hie- Hieron-  
ymus.  
ronymus in 2. capit. lonæ videtur asserere,  
principium diei apud Hebræos esse olim *vesperam*,  
noctē vero nō ad precedentem, sed ad subsequētem  
diem pertinuisse, & diem naturalem integrum a  
*vespera* ad proxime consequentem *vesperam* cen- Magister  
sententia-  
rum.  
seri solitum. Magister sententiarum ait, primum  
diem nō habuisse auroram & mane, sed fuisse sta-  
tim claram lucem, ideoque prius illius diei fuisse  
*vesperam*, posterius mane. Alii censent, lucem il-  
lam fuisse creatam in meridie, ideoque non fuisse  
mane, sed statim fuisse *vesperam*. Tostatus per  
vocem, *Vespera*, intelligit tempus tenebrarum,  
in quibus mundus fuit ante creationem lucis,  
adeoque ipsi *vespera* nox est. Basilius,  
Basilius, quem  
alii complures sectantur, asserit in exordio mū-  
di diem præcessisse noctem, his verbis: *ut in or-  
dine creationis prerogativam præferret diei, ipsius  
diei finem primo commemorat: deinde subnectit  
finem noctis, qui est mane; ut ita constet diem fuisse.*



se artificialem priorem nocte. Prior enim mundi status, nimirum ante primigeniam lucem exortā, non nox dicebatur, sed tenebra: Nox enim ea temporis portio dicta est, qua distincte se habet & apposite ad diem, qua quidem diei succedanea nonā hanc appellationem adepta est. Facta est igitur vespere, & factum est mane; his plane verbis diem noctemque comprehensim significans. Non tamen utrumque complexus est nuncupatione diei ac noctis, sed praestabiliori totam tribuit appellationem. Addit Basilii, recenseri hoc loco dies, non noctes: quod scripturae consuetudo sit in dimetiendis temporibus, dierum modo, praetermissis noctibus, rationē habere: sicut in recensendis hominib. viros sine foeminis numerare. Sed tamen hanc rationem non paucis locis scriptura redarguit. Iobas enim, ut cap. 2. libri sui, & a Domino Iesu in Evangelista commemoratur, dicitur fuisse in ventre ceti tribus diebus, & trib. noctibus. Et Deut. cap. 9. legimus Mosē bis ieiunasse quadraginta diebus, & quadraginta noctibus, quod etiam de Christo Domino proditū est in Evangelio. Ceterum ordo verborū Mo-

Ordo verborū Mo-  
sis aperte  
docet initiū  
diei fuisse a  
vespera.

sis, non tam in hac prima die, quam etiam in reliquis omnibus creationis diligenter observatus, aperte docet initiū diei fuisse a vespera, seu a nocte, quæ præcesserat, cum scilicet tantum tenebrae essent super faciem abyssi: ita ut superior præcedensque nox, ad primum diem constituendum pertinuerit, non autem insequens. Non enim sine causa præmittit semper vespere, seu noctem ipsi mane seu auroræ. Id quod confir-



confirmatur hac ratione: Si ad constituendum primum diem naturalem referenda sit nox insequens (ut quidam, imo multi facere conantur) alterutrum fiat necesse est: nempe ut aut eadem nox ad constitutionem duorum dierum, primi scilicet & secundi, concurrat: aut ut secundus dies, vel saltem ultimus apud Mosē, fuerit sine nocte. Vtrumque autem est absurdissimum. Nam quisque dies naturalis suam habuit vesperam, atque noctem sicut & diem: nec potest esse dies naturalis, <sup>vixit</sup> sine nocte, & sine die artificiali. Semper enim prae mittit Mosēs & vesperam, & mane singulis diebus: postea ait: Et fuit dies vel primus, vel secundus. Cedo enim si vespera seu nox. artificiale diem insequens semper referatur ad praecedentem: postremus dies quam habebit noctem? Nullam plane. Deinde tenebrae illae primae, quae praecesserunt primam lucem, & quas etiam Deus vocavit <sup>לילה</sup>: aut coniungenda sunt cum primo artificiali die, aut non sunt coniungenda. Si coniungenda, ut nos dicimus: dies igitur naturalis incepit a nocte, & non a luce, seu a diurno primo tempore. Quod si velis etiam noctem insequentem, cum eodem diurno tempore coniungere: tum una dies, duabus constabit noctibus: quod absurdissimum est. Si autem dicas primam noctem, non esse cum primo die coniungendam: ad tempus igitur non pertinebit nox illa. Omne enim tempus, aut est pars diei naturalis, aut ex illo componitur, & ad illum pertinet. Ac proinde materia prima seu chaos creatum ante lucem, non fuerit creatum, in tempore, si prima nox, neque est pars primi diei, neque ad illum pertinet. Quo quid insanius dici potest? Efficitur ergo

BB



Ex prima necessario, ex prima nocte, primam lucem praece-  
 nocte & pri dente, & ex primo diurno tempore, conflatum  
 mo diurno fuisse primum naturalem diem. Ac proinde diem  
 tempore con- initium habere a vespere, seu a nocte prima. Ad  
 flatus fuit hæc, quid est obsecro dies naturalis? Spatiū est  
 primus dies viginti quatuor horarum: cōstans nocte & die.  
 naturalis. Ergo primus dies naturalis, constat prima nocte,  
 Primus dies & prima die: secundus dies, secunda nocte, & se-  
 naturalis cunda die: & tertius, tertia nocte, & tertio die: Et  
 constat pri- tandem ultimus, ultima & ultimo. Est autē ma-  
 ma nocte & nifestum, tenebras qua fuerunt super faciem abyssi,  
 prima die. si, ante creatam lucem fuisse primam noctem: illas  
 enim tenebras Deus vocavit noctem. Primus igitur  
 dies naturalis, ex nocte prima artificiali, & ex  
 primo itidem die artificiali fuit, eoque initium  
 accepisse a nocte, dicendus est. Præterea quem de  
 principio statuit Deus diei naturalis ordinem:  
 eundem etiam in suo populo servari semper voluit.  
 Naturalia enim immutanda non sunt, quia sunt  
 immutabilia. Proinde diem viginti quatuor ho-  
 rarum constantem nocte & die, naturalem voca-  
 mus, quia immutabilis est, & semper eodem con-  
 stat temporis spatio. Diem autem quo Sol est super  
 terram, artificialem vocant: quia mutatur. Ali-  
 quando enim pauciores habet horas: aliquando  
 plures. Quare ordo naturalis diei, servari debuit  
 in populo Dei, cui erat manifestum, talem ordinē  
 a Deo esse naturalem. Atqui manifestum est in  
 lege Domini, hunc Dei ordinem servandum  
 fuisse, ut scilicet populus diem incoaret a vespere,  
 & terminaret ad aliam vespeream. Exempla &  
 testimonia in scripturis sunt permulta & mani-  
 festa.

Dies natu-  
 ralis.

Dies quo  
 Sol est super  
 terram vo-  
 catur artifi-  
 cialis.



festā. Ac præter alia, lex de Sabbatho sanctificādo, illud apertissime euincit: Sic enim Leuit. 23. dilerte præcipit Dominus, dicens: *A vespera usque ad vesperam, celebrabitis Sabbatha vestra.*

Leuit. 23.

Atque etiamnum Hebræi diem incoant a vespera: & ducunt usque ad aliam vesperam. Dubium igitur non est, quin primus dies naturalis, inceperit a prima nocte, ductus per primū diem artificialem, usque ad initiū alterius noctis: hoc est, usque ad vesperam, seu usque ad occasum primæ lucis, primum. Pluribus rationibus confirmare libuit hanc sententiam, propter nonnullos, qui contendunt hunc naturalem esse, & a Deo institutum ordinem: ut dies naturalis incipiat ab aurora, seu ab ortu Solis, nō autem ab initio noctis. Falluntur, & quidem vehementer. Quia enim iste est ordo diei artificialis, ut initiū capiat ab ortu Solis: idcirco putant, eundem etiam esse debere ordinem diei naturalis. Cōtra potius statuendum erat, nempe, quia dies artificialis initium habet ab ortu Solis: dies igitur naturalis aliūde incipit, nempe ab occatu, ut ipso etiam sui initio, differat alter ab altero. Nunc tenemus, *quis fuerit ordo naturalis diei, nimirum hic, ut initium caperet a vespera: & alteram usque vesperam duraret.* Ac proinde recte dixisse Moysen, *& fuit vespera:* Deinde, *& fuit mane dies unus:* hoc est, ex vespera tanquam priore parte: & ex mane, tanquam posteriore parte, coinit dies primus.

Hebræi etiam nū incipiunt diem a vespera ducuntque usque ad aliam vesperam.

Non est autem res parui momenti quæstio hæc, quam tractamus. Sic enim permulta scri-

Utilitas huius quæstionis.



Nota.

Quomodo  
tres dies in  
sepulcro  
fuerit Chri-  
stus.

pturarum loca, facilius intelliguntur: Atque in-  
primis illud, quod de Domino Iesu scribitur, *il-  
lum fuisse in corde terra tribus diebus artificiali-  
bus, & tribus noctibus*. Quoties enim in scri-  
pturis coniunguntur dies, & nox: ibi semper  
nomine diei, dies artificialis intelligitur. Con-  
tra vero ubi nulla fit mentio noctis, sed tantum  
diei: ibi fere nomine diei, dies naturalis, con-  
stans die & nocte, intelligi solet, ut cum Ionas  
dixit: *Adhuc quadraginta dies, scilicet, ad poeni-  
tentiam conceduntur, & Ninive subuertetur*:  
nempe nisi intra hoc tempus resipiscatis. Illud igitur  
Christi de tribus diebus, & tribus noctibus  
in sepulcro, facile intelligitur, si quæ diximus de be-  
nicio naturalis diei, probe retineamus. Appa-  
ret enim aperte, *Christum fuisse in sepulcro tri-  
dierum naturalium spatio, quanquam non inte-  
gro*. Est enim recepta ubique consuetudo, ut a-  
liqua res, eo die dicatur facta: cuius diei parte  
facta est. Ut si quis nascatur in aurora diei Ve-  
neris: die Veneris natus esse dicitur: & totus il-  
le dies cum sua nocte, illi inter annos ætatis sue  
computabitur. Ita quod Christus vna parte diei  
Veneris in sepulcrum positus est: totus ille dies  
cum sua nocte, sepulturæ Christi deputatur. Si  
itaque diem Veneris a vespera illa, in qua sum-  
sit cœnam paschalē cum discipulis, iuxta hanc  
diei constitutionem, quam habemus a Mose,  
incipias: aperte videbis iure optimo, sepulture  
Christi deputari totum diem Veneris naturalē:  
atq; ita habebimus iam, noctem vnam, & diem  
vnum artificialem. Sequitur postea dies natu-  
ralis



talis Sabbathi, quo toto in sepulcro fuit: ita ha-  
 bemus duos dies, & duas noctes. Sequitur de-  
 inde tertius dies naturalis, a vespera scilicet Sa-  
 turni seu Sabbathi, vsque ad vesperam diei So-  
 lis. Cum igitur etiam totam noctem diei Solis, a  
 qua incipit dies Solis, in sepulcro fuerit: totum  
 illum tertium diem, in sepulcro fuisse Christus,  
 optimo iure dicetur: iuxta receptā legem, qua  
 diximus, *quod una diei parte sit, illud toti illi diei*  
*attribui solere.* Exstant leges de hac re etiam in  
 Pandectis, lib. 2. titul. 2. de feriis cap. 8. Paulus  
 scribit, *apud Romanos fuisse receptum, ut quod*  
 *fiebat etiam nocte illius diei, cuius erat nox, toti il-*  
 *li diei attribueretur:* Et perinde esset, quasi qua-  
 uis hora lucis actum esset. Sic igitur, cū Chri-  
 stus fuerit in sepulcro totam noctem diei Solis:  
 toto die Solis fuisse, iure dicetur. Ita habemus  
 tertiam noctem, & tertium diem. Idem enim  
 sunt, *Christum fuisse in sepulcro tribus diebus na-*  
 *turalibus: atque fuisse tribus artificialibus, &*  
 *tribus noctibus.* En quam facile explicatur ille  
 locus, si iuxta doctrinam Mosis, diem naturalē  
 definias: nempe esse *spatium viginti quatuor ho-*  
 *rarum, ab una vespera, ad alterā vesperam.* Quod  
 si diem naturalem, initium velis habere ab ortu  
 Solis, vt multi faciunt: non facile ex ista quæ-  
 stione de tribus diebus, & tribus noctibus se-  
 pulturæ Christi, te extricabis. Est igitur vtilissi-  
 mum, retinere, hanc diei naturalis, vnde nā ini-  
 tium sumserit, &umat secundum verbum Dei,  
 explicationem. Vnde merito diximus, confide-  
 randa esse verba Mosis, qui primo ait: *fuit ve-*

Paulus c. 8.



Thales Mi-  
lesius.

sphaera, deinde fuit mane. Hoc idem vel ad aures ha-  
res peruenit quorundam etiam Philosophorum  
vel saltem lumine quodam naturali cognoue-  
runt: noctem scilicet precessisse diem. Interroga-  
tus enim Thales Milesius, *utrum nox precessisset diem, an dies noctem*: respondisse scribitur,  
*noctem precessisse.*

### Quæstio II.

*De Æqualitate & inæqualitate dierum  
naturalium.*

Duplex æ-  
quinoctii  
perpetui  
caussa.  
Theod.  
Caussa æ-  
qualitatis  
& inæqua-  
litis die-  
rum in ob-  
liqua sphæ-  
ra.

**C**Aussa perpetui æquinoctii in sphæra recta  
duplex est: tum quod Horizon rectus oēs  
dierum parallelos secat in duas partes æquales  
*per 15. prop. lib. 1. Theodos.* tum quod in sphæra  
recta, cum qualibet medietate Zodiaci oritur  
medietas Æquatoris. Caussa æqualitatis & in-  
æqualitatis in sphæra obliqua est; quia tantum  
cum duabus medietatibus Zodiaci numeratis  
a principio Arietis & Libræ oritur medietas Æ-  
quatoris, *per axioma 10. & 11. cap. 3. lib. 2.* Quare  
tunc dies æquatur nocti. Deinde, quia Horizon  
obliquus, cum non transeat per polos mundi, bis  
omnes dierum parallelos excepto Æquatore  
secat in partes inæquales, *per 19. prop. lib. 2. Theo-*  
*dos.* ita ut vel maior portio sit supra Horizon-  
tem, vel minor: unde & dies nocte modo prolixior  
est, modo breuior.

Dies natu-  
rales quan-  
do noctibus  
maiores.

Sunt autem dies naturales noctibus maio-  
res sole signa septentrionalia percurrente, in  
locis cis Æquatorem sitis: contra breuiores so-  
le in meridionalibus signis constituto. Estque  
dies in nostra sphæra longissimus, sole Cancris  
principium



principium tenente: breuissimus, eodem sole  
 capricornum ingrediente: & quanto magis Sol  
 accedit ad vnum vel alterum punctorum horū  
 solstitialium, vel ab eo recedit: tanto maiores  
 aut minores dies naturales noctibus, vel no-  
 ctes diebus fiunt. Dicti namque paralleli ab  
 Horizonte, tunc in duas partes, plus vel minus  
 inæquales secantur, *per prop. 20. libri secundi*  
*Theod.*

Et quoniam quorumlibet duorum paral-  
 lelorum circulorum æqualium, & ab Æqui-  
 noctiali æquidistantium in sphæra obliqua ar-  
 cus alterni sibi inuicem æquales sunt *per prop.*  
*19. lib. 2. Theod.* arcus nimirum diurnus vnius  
 arcui nocturno alterius, & nocturnus vnius di-  
 urno alterius, manifestū est, quorumlibet duo-  
 rum dierum naturalium æquidistantiū a quo-  
 libet duorum punctorum æquinoctialium in  
 sphæra obliqua vnum nocti alterius, & alte-  
 rum nocti huius esse æqualem.

*Præterea* in sphæra obliqua bini quique dies  
 inter se, & binæ quæque noctes inter se æqua-  
 les sunt, eę scilicet, quæ pari intervallo ab alter-  
 utro, eodemque solstitio distant.

Patet & hoc ex dictis: quo maior est poli e-  
 leuatio, hoc magis dies cuiusque loci longissi-  
 mos excrecere, & contra. Causa minime ob-  
 scura. Quoniam, quanto magis eleuatur polus,  
 tanto magis inclinatur Horizon ex parte poli  
 eleuati, & eleuatur ex altera parte alterius poli  
 absconditi, appropinquando ex vtraque parte  
 ad æquinoctialem, efficiendoque semper cum

Quanto ma-  
 gis eleuatur  
 polus, tan-  
 to magis  
 inclinatur  
 Horizon.



eo & ceteris parallelis ab eo dissectis obliquis res angulos, quousque paralleli ab Æquatore, & polo elevato intercepti toti supra Horizon-tem remaneant, Æquinoctialisque cum Horizon-te vniatur, atque vnus & idem circulus fiât. Ergo quo altior polus, eo inæqualior parallelorum minorum sectio, arcusque diurni nocturnis versus apparentem polum maiores. Illud autem hoc loco probe notandum: quæ de æqualitate dierum in sphæra recta axiomate 5. & 6. obliqua axiomate. 5. 7. 9. 10. dicta sunt: ea nō ad calculi *αριθμητικῶν*, sed ad iudicium sensus esse referēda. Reuera enim in sphæra recta quoque dies naturales, neque inter se, neque noctibus æquales sunt, propter inæqualitatem ortuū & occasuum particularum Zodiaci, quas Sol periodici motus ratione qualibet die ac nocte perambulat. Sed quia insensibilis illa inæqualitas est: iure æquales dies in sphæra recta omnes, & in obliqua nonnulli vocantur.

Nota.

### CAP. III.

#### *De anno Naturali, tum Solari, tum Lunari.*

**Transitio.** **H**Æc de die Naturali: Annus Naturalis est vel Solaris, vel Lunaris.  
**Quotuplex** Solaris annus naturalis est, dum Sol percurrentes 12. signa, eodem, vnde profectus est, redit.  
**Solaris annus quid.** Estque Tropicus vel Sydereus.  
**Partitio.** Tropicus, alias temporalis est, qui nobis quadripartitas anni vicissitudines temperat.  
**Tropicus annus.** Quaternæ, vicissitudines seu huius anni partes sunt, Ver & Æstas, Autumnus & Hyems.

Ver



Ver est prima pars anni Tropici ab æquinoctio A- Ver.  
rietis ad solstitium in cancro numerata.

Æstas est secunda huius anni pars, a solstitio can- Æstas.  
cri ad æquinoctium Libræ numerata.

Autumnus est tertia pars anni huius ab æquino- Autumnus  
ctio Libræ ad solstitium Capricorni vsque.

Hyems est quarta anni pars, a solstitio Capricorni Hyems.  
ad æquinoctium Arietis.

Sic fuit Tropicus annus: Sydereus est spatiū tem- Sydereus  
poris, quo toto Zodiaco peragrato Sol reuertitur ad  
eandem stellam fixam. annus.

Vterque & Tropicus & Sydereus est Æqualis vel Quotuplex  
Inæqualis. vterque.

Annus Tropicus æqualis est, quem metitur Sol Tropicus  
motu æquali ab æquinoctio medio circumactus, &  
ad idem medii æquinoctii verni punctum reductus. æqualis  
quid?

Huius anni quantitas est 365 dierum, horarum 5,  
primorum 49, secundorum 16.

Annus Tropicus inæqualis est tempus, quo Sol inæqualis  
toto peragrato Zodiaco, motu composito, vero seu  
apparente & cursu confecto redit ad idem punctum,  
seu solstitii seu æquinoctii veri, a quo discesserat. quid.

Huius anni quantitas semper sui dissimilis est: id-  
coq; a quibusdā maior, ab aliquibus minor inuenta.

Sydereus annus æqualis est tempus, quo Sol disce- Sydereus  
dens ab aliqua stellarum fixarum, confecto curriculo  
per Zodiacum, æquali motu simplici reuertitur ad- æqualis  
eandem. quid.

Quantitas eius dierum est 365. prim. 15, secund. 23,  
id est, horarum 6, prim. 9, secund. 12.

Inæqualis annus sydereus, qui a spatio iam dicto re- Inæqualis.  
cedit. Lunar.

Sic fuit annus Solaris: Lunar. est spatium tempo- Quotuplex  
ris periodico Lunæ decursu dimensum. Simplex

Lunar. annus est vel Simplex, vel Compositus.

Simplex est tempus vnica Lunæ periodo descriptū, Simplex di-  
diciturque proprie Mensis. citur pro-

Mensis igitur naturalis triplex est Periodicus, Syn- prie mēsis.  
odicus, Apparitionis. Quotuplex



H. singuli sunt *Æquales* siue medii, & *Inæquales* siue apparentes.

*Æqualis periodicus.* Periodicus æqualis est tempus, quo Luna motu suo medio longitudinis, qui est partiū 13. prim. 10. secund. 35. peruagata Zodiacum redit ad idem principium.

Huius quantitas est dierum 27. hor. 7. prim. 43. secund. 7.

*Inæqualis.* Periodicus inæqualis est tempus, quod conuersio Lunæ vera seu apparens metitur: vulgo Mensis peragratiōis

*Synodicus.* Synodicus mensis est Lunæ a Sole profectæ ad eundem reditus.

*Syn. æqualis.* Synodicus æqualis est tempus inter duo proxima nouilunia media. Quantitas eius est dierum 29. hor. 12. prim. 44.

*Inæqualis.* Synodicus inæqualis est tempus, inter duo proxima nouilunia vera.

*Mensis apparitionis.* Mensis apparitionis est tempus a primo conspectu Lunæ prodeuntis a coitu, vsque ad momentum euascentis ex oculis. Quantitas eius est dier. ferme. 28. At hoc non est perpetuum.

*Compositus.* Annus Lunaris compositus est, qui duodecim menses synodicos complectitur.

Vt autem duodecim menses synodici annum Lunarem, ita duodecima circuitus solis pars mensem solarem parit, eumque æqualem vel inæqualem.

### Quæstio I.

*De antiqua temporum diuisione, qua annum  
in duas, & in septem diuisere  
partes.*

*Antiqui* Antiquis duæ tantum fuerunt anni partes, qui illi in duo solstitia partiri solebant: posteriores vero eius fecere partes septem, quæ diuisio a multis postea est recepta. Diuidebant enim (ait *Baptista Montanus* hac de re differens) annum in partes septem, cum tantum quatuor essent anni tempora, sed horum aliqua diuidebantur.



bant rursus, alia indiuisa esse sinebant. Ita ut  
 numerus septenarius compleretur in partibus.  
 Autumnus & ver, propter breuitatem tempo-  
 ris, quam habent, non diuidebantur, & indiuisa  
 manebant, erantque duæ anni partes. Sed duo  
 reliqua tempora æstatis & hyemis, quia longio-  
 ra essent, in alia rursus, subdiuisione facta di-  
 stinguebant. Æstas igitur in duas alias partes:  
 Hyems in tres secabatur; ita si bene numeres,  
 septem omnino consurgunt. Autumni & veris  
 tempora duo, hyemistria, æstatis duo, ita totus  
 annus septem partibus complebitur. Id expli-  
 care & cognoscere minime ingratum sit, cum  
 multum attineat ad medicum, ut cognoscat par-  
 tes omnes anni, in eoque diligenter versari, tum  
 ad prognostica, tum ad curationes facit, ut scian-  
 tur, quot & qualia sint anni tempora, & quo-  
 modo sese habeant, maxime circa motum, &  
 eorum temporum spatia.

Ver igitur apud antiquos erat indiuisum, p. Ver apud  
 pter suam breuitatem, tamque breue est, ut antiquos  
 pro vna parte haberetur. Incipiebat autem ab <sup>erat indiui-</sup>  
 æquinoctio verno & perseverabat usque ad ortum <sup>sum.</sup>  
 Vergiliarum, seu Pleiadum, cum sol ingredere-  
 tur primum geminorum punctum, hoc est, ad  
 principium Maii paulo plus vel minus.

Ver ergo durat ab 11. vel 12. Martii (nam <sup>Ver durat</sup>  
*exquisitissime illa tradere & inuestigare, non est* <sup>ab 11. vel 12.</sup>  
*huius instituti*) usque ad mensis Maii principium, <sup>Martii usque</sup>  
 paulo plus vel minus: ita vero erit spatium duo- <sup>ad mensis</sup>  
 rum mensium, complectens partem Martii, A- <sup>Maii prima-</sup>  
 prilem totum, cum aliqua parte Maii incuntis. <sup>cipiam.</sup>



Ver duos fe  
re habet mē  
ses inte-  
gros.  
Æstatis ini-  
tium erit a  
principio  
Maii & du-  
rabit vsque  
ad princi-  
pium Se-  
ptembris.  
Æstas qua-  
tuor habet  
menses in-  
tegrōs.

Hora pri-  
ma æstatis  
pars.

Itaque duo fere erunt menses veri & integri.  
Ergo hoc tam breue tempus, quomodo diuidi  
potuit amplius? Estque hæc vna anni pars. Post  
ortum Pleiadum, incipit æstas, & perdurat vsq;  
ad ortum Arcturi, quod fit circa principiū men-  
sis Septembris, quoniam Arcturus oritur per  
dies duodecim, ante æquinoctium autumnale.  
Æquinoctium autem fit 11.12. vel 13. Septem-  
bris. Ergo in principio mēsis Septembris orie-  
tur Arcturus, ad quem terminatur æstas. Erit  
autem æstatis initium a principio mensis Maii,  
durabitque ad principium vsque Septembris.  
Hoc totum interiaccens tempus æstas est, vt in  
ea contineatur id, quod reliquum est mensis  
Maii, totus Iunius, Iulius, Augustus, & ita habe-  
bis quatuor menses integros, vel circiter. Id .n.  
nobis hoc loco parum momenti habet. Est au-  
tem hoc ita prolixum spatium, vt fere duplum  
veris complectatur. Ideo secarunt æstatem in  
partes duas, vt ex vno tempore generali diui-  
dendo duo fierent.

Prima pars dicebatur ab illis græce *ἡμέρα*, eaq;  
est pars, in qua maturantur fructus præcoces,  
qui & ideo dicti sunt medicis *horarii*: Maturā-  
tur autem tempestiue eo tempore, quod est an-  
te solstitium æstiuum. Hoc ergo totum spatiū,  
quod est ante solstitium æstiuum, quod fit circa  
vndecimum diem Iulii dicitur *prima pars æsta-  
tis*. Altera pars æstatis est spatium illud a solsti-  
tio æstiuo, vsque ad principium autumnī, hoc  
est, ad ortum Arcturi, & in hoc toto tempore  
maturantur fructus non horarii, qui non sunt  
fugaces,



fugaces, nec præcoces, sed magis durabiles, & dicitur ὄρωρα. Sic ergo æstatem diuidimus in duas partes, in primam ὄραν, & secundam ὄρωρα. ὄραν, & iam sunt hoc modo tres anni partes.

Succedit his autumnus, qui incipit ab ortu Arcturi, id est, a principio Septembris, & durat usque ad occasum Vergiliarum, quando Sol ingreditur prima puncta Sagittarii, quod sit fere circa 8. vel 9. Nouembris diem: Occidunt tum Pleiades, ideo autumnus finit. Itaque si bene aduertamus, habet autumnus integros menses duos, Septembrem fere totum, & totū Octobrem, & principium Nouembris, quod computatur respectu principii Septembris, quod fere æstati competeat. Duos igitur habet integros menses, & paulo tamen longior est quam ver, quod non habet duos menses completos & perfectos. Ideo nec autumnus fuit ultra diuisus, cum breue admodum spatium habeat.

Hyems postea sequitur, quæ incipit a principio Nouembris, post occasum Pleiadū, & perseverat usque ad primam Martii partem ad æquinoctium vernū usque, quod incidit in principium Martii. Ergo hyems continet plus quam quatuor menses, estque ob id tempus longissimum. Itaque Antiqui rursus partiebantur hoc spatium in tres partes alias, quarum primam vocabant Sementum, quia hoc tempore seminabant. Alterum tempus Brumale nominabāt, hoc erat medium, unde Poeta dixit:

*Hæc tibi brumali gaudentia frigore rapa.*  
quod in hac parte hyemis maxime vigeant, fri-

Autumnus incipit ab ortu Arcturi, id est, a principio Septembris, duratq; usque ad occasum Vergiliarum.

Autumnus duobus integris constat mensibus.

Hyems incipit a principio Nouembris, & perseverat usque ad primam Martii partem.

Hyems plus quam quatuor habet menses. Sementum. Brumale.



Φυτάλια.

Antiqui  
tres hyemis  
partes fece-  
runt: Semē-  
tum, Bru-  
ma, & Tē-  
pus inferē-  
di, &c.

Si constitu-  
untur hye-  
mis partes  
tres cum 4.  
aliis, erunt  
in vniuersū  
septem par-  
tes anni.

gora intensa & vehementia. Est denique & tertia pars hyemis, quæ a Græcis proprie φυτάλια dicitur, eadem ratione, qua prima πορὰ. Ita enim primam appellabant a ποείρω, quod sero significat, quia tempus ferendi esset: Sic secundam φυτάλιαν a φυτάλιάζω, quod est infero, quod hoc tempore inferantur arbores & plantentur. Illam ergo ferendi, hæc inferendi fuit, & ita tres sunt hyemis partes, *Semeniū, Bruma, & Tempus inferendi*. Primum ex his incipit statim ab occasu Vergiliarum, & durat vsque ad solstitium brumale. Reliquum tempus diuiditur in Brumam, quæ incipit a solstitio brumali, & perseverat vsque ad occasum. Tertia durat vsque ad veris principium, id est, ad æquinoctium vernum, ad Martii principium, estque inferendi tempus.

Ita si constituamus hyemis partes tres cum quatuor aliis, vt prima sit VER: secunda *ὥρα*, quæ prima pars est æstatis: tertia *ἡ πορὰ*, secunda *ἀστὰς* pars: quarta *Autumnus*: quinta, *tempus ferendi*: sexta, *bruma*; septima, *inferendi tempus*, ita erunt in vniuersum septem partes anni, facta duorum temporum diuisione. Nam cum quatuor sint principalia, duo tamen propter spatii breuitatem indiuisa relinquuntur; duo longiuscula partitionem admittere potuerunt: Ergo licet apud antiquos duæ tantum essent partes anni, distinctæ in duo solstitia, hæc tamen placuit magis, quam scire medicum oportet, & diligenter anni tempora cognoscere, & ad curandum, & ad constituenda prognostica: Sed nec minus necessaria illorum cognitio, quæ maxime ab Hip-

pocr. te



ocrate compluribus in locis de iis tradun-  
ir.

Quæstio II. Baptistæ Montani.

*an iuue fuerit unam tantum anni constitutionem a  
natūra institutam fuisse, quam commutare in sta-  
tus quatuor diuersos?*

**S**i in verè, vt videtur, magis conseruantur  
corpora, & saniora sunt, quam aliis tempo-  
ribus, videtur commodum fuisse, si solum ver-  
esset rota anni duratione, nulla facta immuta-  
tione in statum alium diuersum aeris, ad qua-  
litates primas. Nam cum mutantur tempora,  
etiam ipsa temperamenta immutatur in cor-  
poribus, quia de caussa vicissitudines illæ, & vi-  
ces in mutatione & successione quatuor anni  
partium minime salubres esse videntur; vt ni-  
mirum æstas excessu calida sit, hyems frigida  
in excessu, ver calidum & humidum in propria  
temperatura, autumnus inæqualis. Nam vt  
hyems refrigerat, ita calefaciet æstas, sicq; ex-  
trema illa multos perniciososque morbos in  
corporibus, in quæ agunt, concitant. Relin-  
quitur igitur naturam melius consulere potu-  
isse, si vnum solum tempus medium constitu-  
isset & perpetuum, in quo corpora temperata  
conseruantur, quale ver est. Ad has difficul-  
tates & dubitationes respōdeo, & affirmo, lon-  
ge melius fuisse a natūra constitui huiusmodi mu-  
tationes aeris per quatuor tempora, quæ sint insig-  
nes, modo ad vnā, modo ad aliam qualitatem.  
Nam etsi quis opponat, huiusmodi tempus me-  
dium & vnum, magis conuenire illis corporibus,

Difficultates.

Responsus.



qua temperata sunt; cum enim sint in propria temperie, magis certe conseruatione indigent, quam immutatione per qualitates excedentes. Si sanata sunt, an non in sanitate conseruari ea oportebit? Fatemur hoc nos, quoque conseruatione indigere corpora illa quadrata, qualia a Galeleno describuntur. Sed quoniam raro, imo rarissime talia corpora quadrata reperiuntur, ut Galenus in 1. de tuenda sanitate docet, ideo non potuerunt ea corpora in illa temperie, qua casarent, conseruari. Nam omnia corpora fere aliis qua in qualitate excedunt. Quod si quandoque est corpus temperatissimum, dico, id temperatum esse per instans temporis: propterea cum corpora non possent conseruari vno tempore, semper sibi simili natura prauidit, quod si vnum esset tempus, in quo frigiditas & humiditas dominaretur, ut hyems, tum senes & omnes ii, qui temperaturæ frigidae ac humidae essent, morerentur, quoniam magis augeretur illarum intemperies. Itaque fecit insignem mutationem, in qua dominaretur caliditas excedens, quod tempus dicitur æstas. Hoc tempore durante, insignis illa humiditas remittit, & imminuitur, atque hoc modo humidi magis fiunt temperati, quoniam corrigitur error commissus in hyeme, & vere, propter illorum humiditatem. Præterea iuuenes, & qui corpora calida ac sicca habent, mori necesse esset, si perpetua æstas esset. Quoniam ab illius calore omnino exsiccarentur, ideo, ut id caueretur, natura hyemem humidam & frigidam, quæ corrigeret

errorem



errorem æstate cōmissum, cōformauit, & tā-  
 le cū omnia corpora habeāt aliquē excessum  
 qualitatis, ppter ea oportuit diuersa esse tēpo-  
 ra, vt hi in hoc, alii in alio tēpore cōmodius de-  
 gerent. Hoc n. modo omnia corpora succedūt  
 in vita, & sic ordo vniuersi cōseruatur. Nā cū  
 sint aliqua calida, aliqua humida & sicca, ideo  
 natura voluit ea mutari ad calidū, frigidū, hu-  
 midū & siccum, secundū mutationes quatuor  
 pforū temporū anni. Fuit ergo melius, vt na-  
 tura diuiserit annū per istas mutationes anni,  
 hac de causa, aliq ordo vniuersi non serua-  
 tur. Sed quid dicemus ad Hippocratis auctori-  
 tatē; in 13. Aph. 1. dicebat, *Mutationes temporum  
 pariunt morbos*. Dico potissimū id posse respon-  
 deri, vt Galenus explicat in cōmentario illius  
 Aphorismi, accipi oportere de mutationibus  
 excedētib. & insignibus, non aut de ipsius anni  
 per se mutationibus. Sic enim loquitur: *Per  
 mutationes temporum quidam autumant, com-  
 mutationes eas dici, quib. tempora se vicissim ex-  
 ciipiunt & sequuntur: quasi successiones & vicissi-  
 tudines diceret*. Nam hyemis in ver commuta-  
 tione, morbi illi generātur, de quibus ipse lo-  
 quitur, furores, melancholiæ, epilepsiæ. Sed  
 melius fuerit propter vocis, potissimum, adie-  
 ctionem, per mutationes temporum, intelli-  
 gere eorum naturæ & temperationis alterati-  
 ones. Hæ siquidem sunt, quæ maxime pariunt  
 morbos, cum plures deinde fuerint, aliaq; ali-  
 am exceperit: Fient igitur morbi temporis al-  
 teratione, cum scilicet eius magna contigerit

Morbi tē-  
 poris alte-  
 ratione fi-  
 unt.



Explicatio  
aphorismi  
15 Hippo-  
cratis.

Venerunt mul-  
torum mor-  
borum caus-  
sa.  
Hippocra-  
tes.

mutatio. Sed mihi Galeni expositio nunquam placuit, cum Hippoc. statim subiungat: *Et magna mutationes temporum, frigoris, aut caloris, ceterorumque ad proportionem his respondentium.* Propterea relinquentes illius expositionem, quid intelligamus per illas mutationes, breuiter ostendamus, & exponamus Aphorismum secundum rei veritatem, ut mihi videtur. Dicitur igitur primam partem Aphorismi intelligi de mutationibus anni quatuor, cum dicit, *mutationes anni. seu temporum, potissimum pariunt morbos.* Nam exempli gratia, tempus calidum, ut ver, excitat materiam illam multam, quæ ebullit in hyeme, in corporibus collecta, frigidiori constitutione. Hæc cum excitatur, & mouetur, morbos parit, unde hac de causa in vere multi morbi gignuntur. Dicit autem Hippocrates id non fieri culpa ipsius veris; quod morbos generet, cum per se sit pars anni saluberrima, sed ratione multitudinis humorum, & quidem malorum, qui tempore hyemis collecti sunt; unde videmus, quod qui sunt vacui malis humoribus, optime degant in vere. Non enim tempus facit morbos per se, sed quia humores, in corporibus latentes ante, & qui non mouebantur, excitantur nunc, & cum hoc modo agitantur, morbos concitant. Dicit enim Hippocrates, *pariunt*, quia non faciunt, sed excitant humores, qui postea morborum causa sunt. Imo mutationes temporum morbos solunt, præterquam quod, ut diximus, morbos non gignunt, ut & Galenus in 8. Aphor. part. 3. dicit: Nam ut morbos reperiunt, ita solunt.

uuntur



int, idque fieri sapissime videmus. Nam si  
tunc quartana generata, in autumno non  
solvitur, soluitur vere superueniente, *ut docet Galenus.*  
*Galenus lib. De diebus decretoriis,* & si non solui-  
t, vere, soluitur postea æstate superueniente.  
ergo ex his manifestum est, hanc Aphorismi il-  
lus expositionem, menti Hippocratis magis  
congruere, quam priorem. Dicit enim, *mutatio-*  
*temporum potissimum pariunt morbos,* intelli-  
gendo de mutationibus ipsis anni, quæ eo mo-  
do, quo diximus, morbos pariunt.

At obiiciat aliquis, *Hic non legitur tempora*  
*pariunt morbos.* Dico id tamen subintelligendū *Obiectio*  
e, quia hac de causa addidit vocabulum, *po-* *cum solu-*  
*tionem.*  
*tionem,* & *pariunt*, quasi dicat, ista quidem tem-  
pora solvunt morbos, qui generati fuerunt in  
precedenti tempore, sed pariunt illos potissi-  
mum, & subiungit: *Magnaque mutationes,* quasi  
dicat, *Non solum mutationes ordinata anni, sed*  
*magna insignesque pariunt potissimum morbos.*  
Deo nulla est huius loci Galeni expositio. Qua-  
re ut dictum est, melius fuit naturam distinxisse  
nam per huiusmodi quatuor mutationes:  
nam et si vnum aliquod individuum ma-  
gis valeret in vno tempore, quam in alio, quo-  
iam ipsi magis conveniret, tamen quia natura  
non fecit tempora respectu Platonis, vel So-  
cratis, vel huius aut illius individui, sed ratione  
universi simul, seu totius speciei, & specierū,  
ut ordo universi conservaretur, iustitia quadā  
distributiva cœlesti, & divina, qua corpora for-  
mavit diuersa, quo ad tēperaturas, ideo voluit



etiam anni tempora distinguere, & diuersa n  
vniusmodi facere, vt hi bene degerent æstat  
illi hyeme, & vt soluerentur morbi generati  
præcedentibus temporibus.

## Quæstio III.

*An quadripartita anni vicissitudo pendeat ex  
immutabili ratione motus cœlestis, &  
sic constans ac perpetuus omni-  
bus seculis?*

Ouidius.  
Quæstio.  
Gen. 8.

**Q**uadripartita hæc tempestatū vicissitudo  
quæritur, *an fuerit seculo aureo*, cū Ouidio  
& alii Poetæ id, negent: item *an futura sit po*  
*hanc vitam*. In sacras si abimus literas eas co  
sultum, occurrit Gen. 8. verbum Iehouæ: *Cu*  
*etis diebus terra sementis & messis, frigus & æstas*  
*æstas & hyems, nox & dies non requiescent*; quip  
verbis expressa est promissio Dei ac decretum  
immutabile pollicentis & constituentis, per  
petuas fore deinde vicissitudines temporu  
tam anniuersarias, vt *hyemis & æstatis*, quā quip  
tidianas, vt *diei & noctis*: nec non & vicissitudo  
nes primarum qualitatū, vt *frigoris & caloris*  
itemque humanarum actionum, quæ ad sustin  
tandam vitam pertinent, velut *sementis & me*  
*sis*. Harum enim rerum omnium tempestiue  
alternatio & vicissitudo facit ad decorē & co  
natum vniuersi: confert & pulcritudinem  
fœcunditatem terræ; denique ad hominum  
animalium incolumitatem & salutem apprime  
utilis est, atque adeo necessaria. Audi B. A  
brosum, qui hæc ipsa verba explanans: *secun*  
*literam*, inquit, *significatur his verbis, perman*

Ambro-  
sius.

ra m



manentibus secundum institutionem domini & suum suum incorrupta temporibus animalia. cum cum corrumpuntur tempora, corrumpuntur etiam illa, quae suis quaque temporibus generantur. Ergo tempora sunt, quae aut corrumpunt, aut conseruant, prout ipsa sui habuerint qualitatem. Quoque annus ex contrariis ducitur, vere, autumno, aestate, hyeme, sicut harmonia cithilena permixtis granibus & acutis videtur consistere. Sic & mundus iste ex contrariis continetur, aere & terra, igne & aqua. Nostra quoque corpora calore & calore, humore & siccitate, quendam naturam ordinem seruant. Nam si naturalis ordo mensura confunditur, tunc necesse est sequatur peritus. Ergo certum ordinem temporum domini, remota confusione diluuii, ad perseuerantiam mundi promittit futurum. Sic Ambrosius.

MAGNUM ergo fuit Dei promissum, cum dixit; cunctis diebus terra vicissitudinem temporum & opportunitatem ferendi & metendi, alia-  
 e agendi perpetuo mansura: quasi diceret: Tadi-  
 annus, qualis hic fuit diluuii, non erit ultra, Gen. 8.  
 si careat vicissitudine temporum, qui totus pro-  
 llofis expendatur pluuiis, nulloque modifietur  
 neficio caloris, aut temperamento hyemis, quo  
 usquā iaciatur sementis, nec ulla colligatur mes-  
 sed tempestiua & commode naturae vices, nunc  
 tu, nunc frigore vicissim terras, aut sata coquen-  
 Nunquam ita, ut factum est diluuium, deforma-  
 itur natura vultus, aut situs mundi confundetur.  
 lud: cunctis diebus terrae: non significat, quam-  
 in terra durabit: siquidem tales vicissitudines



temporum non erunt post diem iudicii: erit uero  
 men terra, sicut scriptum initio libri Ecclesiæ  
*stæ: terra in æternum stat*: neque enim mundus  
 destruendus est secundum substantiam, sed ma-  
 nentibus partibus eius principalibus, uti sunt ele-  
 menta, & orbes cœlestes, in meliorem statum  
 commutandus. Ergo illud: *cunctis diebus terra*  
 significat, *donec in terra erit generatio & corruptio*:  
 vel, *donec erunt in terris homines & animalia*, ad  
 quorum utilitatem, illa temporum varietas  
 instituta est. Non igitur hinc colligi potest per-  
 sentem mundi statum fore sempiternum.

Æstas &  
 hyems præ-  
 cipuæ sunt  
 anni par-  
 tes: Ver &  
 autumnus  
 earum ap-  
 pendices.

MEMORANTUR autem tantum æstas & hyems: quia hæ sunt præcipuæ partes anni, extremæ atque inter se oppositæ: nam ver & autumnus, tanquam earum sunt appendices. Nominantur etiam tantum *frigus & æstus*, tacite humore & siccitate: quod illæ sint primarum qualitatum primariæ, sensu effectoque notabiliores, & ad generationem mixtorum, eorumque operationes præcipuæ. Sementis porro mensis facta mentio est: quod inter actiones humanas, quæ ad tuendam vitam pertinent, hæc primas teneat, quasi maxime generalis & utilis, sed sub eius commemoratione, reliquarum actionum & officiorum oportunitas intelligenda est.

Interpretes  
 Bibliorum  
 arguuntur.

NESCIO cur septuaginta interpretes lud; *omnibus diebus terræ*, iunxerint cum antecedentibus, id est, cum illo: *non ultra percutiam omnem carnem viventem*: cum Hebraica lectio quam secutus est Latinus interpres, plane iun-



rat cum sequentibus, id est, cum illo: *sementis & vestis; & non requiescent.* Nec video cur pro vocabulo *hyemis*, quod habet scriptura Hebraica, voluerint illi vertere, *ver*: aut cur illud, *diem & noctem*, non numerauerint inter ea, quorum vicissitudo perpetuanda erat, uti est in Hebraica & Latina lectione, sed ita verterint: *semen ac vestis, frigus & aestus, aestas & ver, die ac nocte non requiescent.* Cum igitur praedicta vicissitudo temporum, immutabilem rationem motus orbium coelestium ac syderum necessario consequatur, & ex ipsa pendeat rerum sublunarium, maxime vero animantium, incolumitas & salus; apparet sane fabulosum esse, vanitatisque atque inscitiae plenum, quod dixit Ouidius libro primo Metamorphoseos, hanc temporum inaequalitatem non fuisse aureo Saturni seculo, sed perpetuum id temporis floruisse *ver*: postea vero degenerante iam seculo, alternam hanc per vices, successione inductam esse orbi. Sic enim ait:

Error Ouidii.

*Iuppiter antiqui contraxit tempora veris  
Perque hyemes aestusque & inaequales autumnos,*

*Et breue ver, spatium exegit quatuor annum:*

*Tunc primum siccis aer feruoribus ustus.*

*Canduit, & ventis glacies astricta pependit.*

#### Quaestio IV.

*Quae autumnus constitutio bona, quae item mala?*

**A**utumnus, ut dicit Galenus in l. de temperat. tum naturalis est, cum est in propria natura sua, hoc est, cum ita dispositus est in qualitatibus suis, ut plus habeat de frigido, quam

Autumnus quando naturalis.



Autumni  
naturalis  
effecta.  
Frigidi.

Sicci.

Autumnus  
quando nō  
naturalis:  
Huius ef-  
fecta.

de calido, plus de sicco quam de humido. Talis si est, tum bene autumnus est dispositus, atque naturalis, & debita temperatura frigida & sicca. In tali autumno naturaliter se habente, corpora etiam bene valent, sana degunt. Primo, quia frigidus autumnus; frigiditas enim eius contemperat caliditatem æstatis, quæ præcessit, & corrigit eius vitia, quæ produxit in ea corpora, quia corpus a frigido constipatur & condensatur, ex constipatione meatuum calor naturalis accumulatur & in vnum colligitur, collectus & vnitus fortificatur & corroboratur, inde concoctiones fiunt meliores, & expulsionem excrementorum, & omnes actiones recreantur, quæ lapsæ & debilitatæ fuerunt a summa caliditate æstatis, relaxante omnia & prorsus resolvente. Sed quia siccus est quid agit? Siccitas non est maxima, quæ augere siccitatem æstatis possit, & magis exsiccare corpora. Siccitas autumnus non exsiccat, sicut æstiva siccitas, cum maximi æstus sunt, sed est siccitas moderata, & temperata, & parum excedens humiditatem aeris. Autumnus ergo in hac naturali temperie frigidus & siccus temperate, reficit vires corporis deiectas, omnes actiones animales adiuuat, & meliores efficit, sensus vegetiores, qui iam resoluti fuerant, reddit: ideo quotidie videmus in autumno, cum secundum naturam est, qualē constituimus, corpora recreari & saniora effici, fortiora ac robustiora. At si autūnus sit non naturalis, australis, pluuiosus, & succedat hyems austrina, sicca



ficca, vaporosa & nebulosa, humida, crassa, au-  
 stralis, ex hac constitutione necessarium fuit,  
 omnes sensus obscurari & spiritus obtenebra-  
 ri. Nam, *ut dicit Galenus*, qualis est aer circum-  
 dāns nostra tempora, tales sunt etiam spiritus,  
 eiusque temperaturam sequuntur, ab eo im-  
 mutantur, & alterantur: quod ex principiis no-  
 stræ artis, *ut ostendit Galenus in libro de usu re-*  
*spirat.* sequitur. Nam si aere nutriuntur spiri-  
 tus, & generantur, ideo qualis fuerit aer nu-  
 triens, tales quoque & spiritus nutriti erunt.  
 Ergo si aer nebulosus, austrinus, humidus, &  
 crassus accedat ad nutriendos spiritus, necessa-  
 rium est, ut ipsi etiam spiritus tales fiant, nimirū  
 crassi, nebulosi, obscuro, cum aer crassus in pul-  
 mones attractus, nutriat spiritus. Ergo qualis  
 fuerit attractus, tales quoque erunt spiritus, &  
 cum spiritus, qui sunt Galeno ipsa anima, vel id,  
 sine quo anima agere non potest, fuerint crassi,  
 actiones obtusas, segnes, diminutas, vel obscu-  
 ras exercent. Ideo in temporibus nebulosis vi-  
 demus, ut dixi, sensus obtundi, homines fieri pi-  
 gros, segnes, tristes, torpidos, omnes tam inte-  
 riores, quam exteriores sensus deterius sentiūt.  
 Naturales præterea actiones debiliores reddū-  
 tur, non bene concoquunt, non bene etiam ap-  
 perunt, nec continent debito modo. Scimus. n.  
 quod ad continendum maxime commoda sit  
 siccitas, cuius proprium est retinere, quia hu-  
 miditas relaxat corpus, ideo contentiua virtus  
 debilitatur, inde & male & parum continent  
 nutrimenta corpora humana, in humido & nu-

Qualis aer,  
 talis spiri-  
 tus.

Siccitatis  
 propriū est  
 retinere.



b'loso aere: & sicut siccum ad retinendum fa-  
 cit, ita humidum ad lubricandum & relaxandū,  
 licet temperata humiditas adiuuet, quia virtus  
 confirmatur humido, *ut Galenus & Auicenna*  
*dixerunt*. Ex hac eadem ratione expulsiua vir-  
 tus non potest naturaliter expellere, ac si esset  
 humiditas temperata in corpore, adiuuaret ad  
 expellendum; sed quia humiditas aeris extrin-  
 seca circumdans tempora, obstruit, opplet, &  
 occludit meatus cutis, ideo excrementa non  
 possunt expelli a virtute expulsiua. Expulsiones  
 etiam ad venas fiunt debiliores duobis modis,  
 non secundum naturam. *Primo*, quia virtus fa-  
 cta debilior fuit. *Secundo*, quia non fiunt con-  
 coctiones secundum naturam, sed malæ ac vi-  
 tiatæ, ideo cruditates generantur, & multi cru-  
 di humores, crassi, visceri, adhærentes meatib.  
 vaforum, & venarum, efficiunt obstructions:  
 Vnde nō possunt expelli excrementa collecta,  
 caput grauatur, oculi deprimuntur, & omnia  
 fiunt graua, maxime tamen caput, quia caput  
 potissimum aeri exponitur. Austri caput gra-  
 uantes, visum hebetant, auditū obtundunt, di-  
 cebat Hippocrates in 3. Aphorismi: & reddens  
 rationem Galenus ait, *inde esse, caput nimirum*  
*maxime offendi, cum aeri maxime omnium ex-*  
*ponatur*. Hæc sunt consona rationi, & apparen-  
 tibus signis confirmantur: Atq; oculi quidem  
 eadem ratione hebetantur. *ut ibidem docet Hip-*  
*poocrates*. Itaque cum talis fuerit status autumnī,  
 omnes actiones fiunt obtusæ, debilitatæ, impe-  
 ditæ ab aere crasso, pluuioso, continente excre-  
 menta,

Austri effe-  
 cta, & incō-  
 moda.



menta, vt non possint expelli, fiunt concoctiones improbæ, cruditates augentur, obstructiones generantur, vnde augeri excrementa necesse est. Hinc vitiosas corporum dispositiones sequi, & præparari corpora ad varios morbos, & quidem pessimos necesse est. Quod animaduertentes medici, non possunt, nisi aliquid mali, & quidem insignis, prognosticari. Sed autumnus talis si pessimus sit, at hyems saltem succedat naturalis in propria temperie, frigida & sicca, (intelligo autem per siccam temperiem, si pluuiosa non sit, sed serena, sine pluuiis) non consequerentur tã prauæ dispositiones, quoniã quod malũ ortum fuisset ex intemperie vnius partis, id fuisset a consequentis temperatura & correctione restitutum, & corpora reducta ad pristinum statum, salubritatem & dispositionẽ. Ac si qua excrementa in autumno intemperato collecta fuissent, si quæ factæ obstructiones ex cruditatibus, iã e contrario excrementa fuissent expulsa, factæ bonæ concoctiones, & remotæ obstructiones, ac cruditates; ita adhuc non essent corpora præparata ad morbos, & robustiora euasissent, cum calor ex frigiditate hyemis naturalis, ad centrum retrahatur, & in vnum colligatur, & cõcentratus & vnitus corroboracione facta melius omnes actiones perficiat, iuxta illud Hippocratis, *ventres hyeme & vere natura calidissimi*. Frigidum etiam hyemis adiuuaret ad resoluendam materiam crudam excrementosam, quia exsiccaret, propterea quod non modo exsiccat calidum, resoluendo humi-

Hyems frigida & sicca autumnũ vitia corrigit.

Axioma Hippocratis.



dum, sed etiam frigidum exsiccat, si credimus Aristoteli in 4. *Meteor.* ubi dicit, *frigidum exsiccare, non minus quam calidum.* Frigidum quidem, quia exprimit humidum, & expressione humidi facta remanet siccum. Exprimendo ergo exsiccat frigidum, calidum resoluendo, & humidum abluendo. At id adiuuat siccitas iuncta frigiditati. Itaque pessimum autumnum, & eius præcedentis vitia, hyems sequens commoda corrigit, & ad temperiem reducit, quod etiam Poeta obseruans, *hyemem siccam* vocat *serenam, in naturali sua temperie constitutam, & hominibus, terra segetibus, & omnibus, quæ secundum naturam sunt, salutarem. Humida solstitia, atque hyemes optate serenas, Agricola.* Autumnus naturalis, hyems serena, & frigida, ac sicca, æstas autem calida & sicca, omniaque naturaliter se habentia, hominibus, & agris commoda atque grata sunt. De pluuiis autem hoc loco id etiam monendum: pluuiis expurgari aerem a multis vaporibus malis, caliginosis, & detrahi hoc modo ea, quæ sunt in aere, quasi pharmaco quodam; & perinde ut hominum corpora purgantur, cum repleta sunt, & excrementis abundant, dato aliquo medicamento, quo expurgantur corpora, per fluxum alui, per urinam, per sudores, vel loca alia, naturæ consueta, ita & aer nebulosus lauatur & expurgatur pluuiis, ac si excrementitium quiddam detraheretur. Sed ad autumnum redeamus: Hic, ut dixi, in naturali statu suo aliquo modo frigidus est, quia plus de frigido, quam de calido habet. Siccus etiam, quia plus

Pluuiis expurgatur aer.

Autumnus plus de frigido, quam de calido habet.



de sicco, quam de humido habet. Ita tamen illa temperies frigida est, vt simul etiam calida, nec frigiditatem absolute habet, vt siccitatem. Est enim autumnus frigidus, æstatis respectu, quæ præcessit calida & sicca. Consideramus autem autumnum, vt est in propria natura sua, non vt est in principio, cum autumnus primum incipit. Nam primum illud tempus autumnus, vera autumnus natura non censenda est, quia naturam æstatis adhuc habet: Neque etiam de vltima parte, & vltimo autumnus tempore, id accipi debet, quod iam naturæ hyemis affine est, sed consideramus autumnum in media sui parte, seu medium tempus, quod naturalem temperiem habebit frigidam & siccam, idque proprie autumnus dicitur.

Quodnam  
tēpus pro-  
prie dicitur  
Autum-  
nus.

## CAP. IIII.

*De die Ciuili.*

**A**dhuc egimus de tempore naturali: succedit Tempus Ciuile, quod vna quæuis gens suo quodam instituto ad politica negotia accommodatum obseruat.

Tempus  
ciuile.

Estque ciuilis tum Dies, tum Annus.

Dies ciuilis est tempus, quod fit certo coeli circum-  
actu, quo dies verus & nox continetur.

Estque vel Æqualis, vel Inæqualis.

Æqualis, quo fit integra conuersio Æquatoris, & tantæ portionis, quantam Sol æquali motu accessus & recessus pertransire videtur, hoc est, 59. min. 3. secund.

Inæqualis, quo fit integra Æquatoris conuersio, & præterea portionis tantæ, quanta cum progressu Solis apparente Meridianum pertransit.

Estque Maior, vel Minor.

Dies ciuilis.  
Æqualis.  
Dicitur ali-  
as Medio-  
cris, Medi-  
us, Astrono-  
micus.  
Inæqualis.  
Dicitur a-  
lias diffe-  
rens.



- Maior.** Maior, si Æquatoris portio maior est portione Æclipticæ.
- Minor.** Minor contra.
- Porro partes diei ciuilis aliæ sunt Homogeneæ, aliæ Heterogeneæ.
- Partes homogeneæ.** Homogeneæ sunt Horæ ciuiles, quæ sunt partes diei ciuilis vigesimæ quartæ. Harum quælibet 15. grad. continet, dicunturque æquales.
- Horæ ciuiles.** Horæ vero ciuiles in sphaera obliqua sunt naturalibus iam pares, iam impares.
- Pares.** Pares sunt diebus æquinoctiorum.
- Impares.** Impares sunt extra æquinoctiorum dies: maiores cum dies maior nocte: minores contra.
- Heterogeneæ.** Diei ciuilis partes heterogeneæ sunt.
- I. Gallicinium, cum galli canere incipiunt.
  - II. Conticinium, cum conticuerunt.
  - III. Diluculum, cum Sole nondum orto, iam lucet.
  - IV. Mane, cum lux videtur Solis.
  - V. Ad meridiem. VI. Post ipsa Meridies. VII. Inde de meridie. VIII. Hinc suprema tempestas. IX. Vespera, X. Crepusculum. XI. Prima fax. XII. Concubium. XIII. Intempesta seu multa nox. XIV. Ipsa nox media. XV. De media nocte.
- Species.** Hæc tenus partes: Species dierum ciuiliū nominatur vel a quotidianis actibus, vel ab æquatione annui temporis Solaris & Lunarī.
- Ab actibus quotidianis dies ciuiles, alii festi, alii profesti, alii intercisi dicuntur.
- Festi.** Festi sunt, qui Deo consecrati sunt.
- Profesti.** Profesti, qui hominibus dicati, iisq; ob administranda publica vel priuata negotia concessi.
- Intercisi.** Intercisi dies sunt, qui sacris & profanis negotiis dicati sunt. vide Macrobiū Lib. I. Saturn. cap. 16.
- Tralatitii.** Ab æquatione annui temporis dies ciuiles alii sunt.
- I. Tralatitii, qui ex causa religionis transferuntur.
  - II. Infititii siue intercalares, qui propter æquationem temporum inferuntur anno, Græce ἐμβόλιμοι Bisexti.
  - III. Epactæ sunt dies vndecim, qui anno lunari adiecti æquant illum solari.

IV. Epactæ



V Epagomenæ sunt, quæcunq; explendis anni spaciis adiciuntur.

Epagomenæ.

Concurrentes, quorum ope characteres diei cuiusque mensium inveniuntur.

Concurrentes.

Dierum civilium denique consideratur tum Notatio, tum Principium.

Notatio dierum civilium vel ab Ordine, vel a Stellis lucitur.

Notatio dierum.

Ab ordine nominatur: Primus, Secundus, Tertius, &c. vel adiecta voce Sabbati, vel Feniæ; ut prima Sabbati, prima feria &c.

A stellis: Dies Solis, Lunæ, Martis, Mercurii, Iouis, Veneris, Saturni.

Principium dierum civilium est vel media nox, vel ortus Solis, vel meridies, vel occasus solis.

Principium dierum.

A media nocte diem incoant Romani & Christiani.

Ab ortu Solis Babylonii.

A meridie Astronomi.

Ab occasu Solis ad occasum, Athenienses.

*Collatio ex Censorino, Plinio, Macrobio & aliis de civilibus diebus.*

**P**Lerasque definitiones ex Censorino, distributiones ex Abrahamo Schulteto desumimus. Lib. 19. Censorinus explicat pluribus, cum horarum diei in explicatione non meminerit Varro, ita: *Nam duodecim tabulis nusquam nominatas horas invenies, ut in aliis postea legibus, sed ante meridiem, eo videlicet, quod partes diei bisariam tam divisi, meridies discernebat. Alii diem quadripartito, sed & noctem similiter dividebant. Id similitudo testatur militaris, ubi dicitur vigilia prima, item secunda & tertia, & quarta. Sunt etiam plura noctis, & diei tempora subnotata, propriisque discretis nominibus, quæ apud veteres*



teres Poetas passim scripta inueniuntur; ea omnia  
 ordine suo exponam. Incipio a media nocte,  
 Media nox, quod tempus principium & postremum est diei Ro-  
 mani. Tempus quod huic proximum est, vocatur  
 De media nocte. Sequitur Gallicinium, cum gaili-  
 canere incipiunt. Deinde conticinium, cum conti-  
 cuere: tunc ante lucem, & sic diluculum vocatur.  
 Diluculū. Mane, cum lux Solis videtur; post hoc ad meri-  
 Manē. diem; tū meridies, quod est medii diei nomen. In-  
 Meridies. de, de meridie; hinc tempestas suprema. Quamuis  
 &c. plurimi supremam post occasum solis esse existimant:  
 Plebiscitū quia est in duodecim tabulis scriptum sic; Solis oc-  
 M. Lectorii. casus suprema tempestas esto. Sed postea M. Le-  
 ctorius tribunus plebiscium tulit, in quo scri-  
 ptum est: Prætor Urbanus qui nunc est, quique  
 post hac fuerit, duos lictores apud se habeto, isque  
 Vesper. supremum, ad solis occasum, ius inter cives di-  
 Crepuscu- citō. Post supremum dicitur vesp̄er, ante ortum  
 lum. scilicet eius stelle, quam Plantus Vesperuginem,  
 Ennius vesp̄erum, Virgilius Hesperum appellant;  
 inde porro crepusculum. Sic fortasse appellatum,  
 quod res incerta, crepera dicantur. Idque tempus  
 noctis sit, an diei, incertum est. Post id sequitur tē-  
 pus, quod dicimus luminib. accēsis, antiqui prima  
 Concubiū. face dicebant. Deinde concubium, cum itum-  
 Intēpesta. est cubitū. Exinde intempesta, id est, multa nox,  
 quia nihil agi tempestiuum, tunc cum ad mediam  
 noctem, dicitur, media nox. Hæc sunt quæ de par-  
 tibus diei satis aperte docet Censorinus, post  
 quem superfluum esset de his plura comme-  
 morare. Plinii tamen locus non est prætereun-  
 dus hac de re in hæc verba, Duodecim tabulis  
 ortus



rtus & occasus nominatur : post aliquot annus  
diectus est Meridies. Scipio Nasica collega  
enatis, primus aqua diuisit horas aque nocturnum  
c dierum, idque horologium sub tecto dicauit,  
Anno urbis D XCV. tamdiu populi Romani  
ux indiscreta fuit. Restat autem locus lubricus  
& difficilis de appellationibus dierum, quē vt  
oterimus, Dei praesidio explicabimus.

Macrobius quamnam dierum apud Roma-  
nos fuerit appellatio & ratio, perspicue & co- Appellatio  
piose explicat, cuius primis eiusdem capituli dierum.  
versibus erimus contenti in praesentia. Inquit  
utem, Omnes dies esse aut festos, aut profestos,  
aut interciosos. Festi, diis dicati sunt : Profesti, ho-  
minibus ad administrandam rem priuatam pu-  
blicamque concessi. Intercisi deorum hominum-  
que communes sunt. Festis insunt sacrificia, epu-  
lae, ludi, feriae. Profestis, fasti, comitiales, comperen-  
tini, stati, praeliaries. Intercisi, in se, non in alia diui-  
duntur: illorum enim dierum quibusdam horis fas  
est, quibusdam fas non est dicere ius. Nam cum  
hostia ceditur, fari nefas est: Inter cesa & porrecta  
fari licet. Ex quo quid sibi voluerit in dierum  
partitione Quid. potest intelligi.

*Ne tamen ignores variorum iura dierum,*

*Non habet officium Lucifer omnis idem.*

*Ille nefastus erit, per quem tria verba silentur,*

*Fastus erit per quem lege licebit agi.*

*Nec toto perstare die sua iura putaris,*

*Qui iam fastus erit, mane nefastus erat.*

*Na simul ex ta Deo data sunt, licet omnia fari,*

*Verbaque honoratus libera Prator habet.*

DD



*Est quoque quo populum ius est includere septis.*

*Est quoque qui nono semper ab orbe redit.*

*Vendicat Ausonias Iunonis cura calendas,*

*Idibus alba Ioui grandior agna cadit.*

*Nonarum tutela Deo caret, omnibus istis,*

*Ne fallare caue, proximus ater erit.*

Hæc Ouidiana est dierum explicatio, in qua comitialium dierum ratio est paulo obscurior, quod circumlocutione, multis fortasse ignotis explicetur. Quæ ut apertior sit, animaduertendum est, septa fuisse proprie loca in campo Martio inclusa tabularis, in quibus stans populus Romanus manus suffragia ferre consueuerat, ut annotat Servius, in illud Virgilii,

*Quamuis multa meis exiret victima septs.*

Dies comi-  
tialis.

Dies nundinarum.

Itaque diem, quo populum ius est includere septis, comitalem innuit: quemadmodum diem nundinarum eum dicit, qui semper redit in octavum die nono. De nundinis autem, item de Calendis, Nonis atque Idibus agemus in sequentibus, cum hebdomadas, & menses tractabimus. Ceteri autem ex Macrobio descriptione dies noti sunt, ut intercisi, quos periphrasi expressit ipse Ovidius, quem ait esse quandoque festum, qui mane esset nefastus. In his autem dierum appellationibus, nulla earum, quas hodie usurpamus, exstat mentio, neque usquam in veteribus scriptoribus, aut epistolis ipsis græcis aut latinis, quibus dies, quo datae sunt, fere adscribi solet, dierum nobis usitata nomina reperias. Calendarum enim aut nonarum, aut iduum in his nomina sola offendes apud Latinos, & a

puc



pu<sup>d</sup> Græcos respondentia iis vocabula solum reperiēs.

II. Disquisitio Beroaldina de Ethnicis civilium  
dierum Nominibus.

**P**hilastrius in libro de Hæresibus parum honorificam, & Mercurii Trismegisti, & horū nominum; diei Veneris, Solis, Saturni & reliquorum mentionem faciens ita scribit: *Habenda est hæresis, quæ dicit nomina dierum, Solis, Lune Martis, Mercurii, Iouis, Veneris, Saturni, a Deo ita posita ab origine mundi, non hominum, vana presumptione nuncupata. Cum a prima origine usque ad Græcos reges, & Hermem fallacissimum illum, qui hæc nomina vana & frivola mētiendo ausus est nuncupare, si querere volueris, inuenies multum fluxisse temperis. Et sic paganos, id est, Græcos hæc nomina posuisse. Quum etiā secundum septem stellas dixerint hominum generationem consistere, ut ille ipse delirans hoc definiuit.*

Philastrius;

Dion etiam Nicæus auctor minime vanus, D'œu: aut certe Xiphilinus Dionis interpolator, de dierum appellatione hæc prodidit; *Quod vero ex stellis septem, quæ Græcis Planeta, Latinis errantes dicuntur, dies dispositi sunt, primum est ab Aegyptiis constitutum. Deinde ad reliquas gentes emanauit, nec olim id quidē, ut ego arbitror, cum id nullo modo fuerit, quod sciam, a veteribus intellectum. Sed quoniam his temporibus & ceterarū gentium; & ciuium Romanorum ita proprium est, ut in cuiusque patria quodam modo natum esse videatur, placet de hac re, quemadmodum*



acciderit. paucis differere, &c. Quæ qui noster  
cupiet, locum adeat, quo de harmonia & recis  
procatione dierum istorum agit. Nobis nun  
fatis est intelligere, rem istam e quocunque si  
profecta, fuisse illo tempore non admodum ve  
tustam, quam non ab Ægyptiis, sed a vera pro  
fectam religione licet existimare. Nam cum eo  
tempore res Christiana vigeret, & Christiano  
rum instituto, quemadmodum & Iudæorum  
menses distincti essent hebdomadibus, & septem  
nis dierum intervallis, sicuti tempora iam indom  
ab orbe condito distinxerat Deus, cœpit paulatim  
res esse notior. Quin etiam Senecæ tempore  
re fuisse illam dierum observationem rece  
ptam vulgo, licet colligere ex Augustino, cuius  
hæc sunt verba: *Hic (Seneca) inter alias civili*  
*Theologia superstitiones, reprehendit etiam sacra*  
*menta Iudæorum, & maxime sabbata, inutiliter*  
*eos facere affirmans. quod per illos singulos septem*  
*interpositos dies, septimam fere partem ætatis suæ*  
*perdant vacando, & multa in tempore vergentia*  
*non agendo ledantur.* Christianos tamen iam  
tunc Iudæis inimicissimos in neutram partem  
commemorare ausus est, ne vel laudaret con  
tra suæ patriæ veterem consuetudinem, vel re  
prehenderet contra propriam forsitan volunt  
tatem. De illis sane Iudæis quum loqueretur  
ait: *Quum interim eo usque sceleratissima gentis*  
*consuetudo conualuit, ut per omnes iam terras re*  
*cepta sit, victi victoribus leges dederunt.* Sed Sata  
nas qua est impietate & astituta, veritus ne rece  
pta ista dierum nova & inusitata gentibus pro  
fanis

Seneca re-  
prehendit  
sacramenta  
Iudæorum.



Quæ quædam in partitione, vna reciperentur quæ iam fuerant istis diebus posita nomina: mature sibi occurrendum esse huic periculo existimauit. Si enim Sabbati aut Dominici diei nomina, Ecclesiæ vsitata, vulgo apud gentes fuissent cognita & recepta, futurum videbat, vt exquirerent gentes, quid ea valerent, aut quorsum essent imposita. Ex eaque notitia sentiebat impietatem & falsam religionem imminuendam: quod postea accidit. Itaque rationem commentus est, qua nihil ex ista noua dierum partitione, decederet idololatriæ: obiectis earum stellarum nominibus, quarum vi & potestate singula regi, & administrari iam credulis nimium persuaserat. Sic primum hebdomadæ diem, qui Domini præfert titulum & notam, per Mathematicos iudicarios Solis nomine insigniuit, ne quis ignarus audito nomine Domini quæreret, quisnam ille esset Dominus, a quo dies is appellationem esset sortitus. Ac quo in errore retineret sibi addictos, nominis probabilē addidit coniecturam. Solem planetarum ceterorum esse ducem, cuius cum tanta sit amplitudo, vt suo lumine cetera cōpleat, iure fuisse istius septenarii chori principem constitutum. Huic facio adiuncta est & alia impurior doctrina, planetæ præcipuum esse eo die imperiū in res istas inferiores, cuius de nomine diceretur quisque dies: sic tamen vt vicissitudinaria quadam successione singuli planetæ suas obirent singulis horis partes, nec ab istarum rerum gubernatione discederent. Quod prima diei hora esset eius syderis, cuius

Dies Solis,  
quare ita  
dicatur.



præferret nomen dies. Ceterę deinceps horę, suo ordine cederent aliis planetis, ita recurrentibus horis, ut cuiusque diei hora prima temporaria siue inæqualis, quę ab ortu solis numeratur, sit eius planetę, qui diem signet suo nomine.

Diei ciuilis  
horę 24.

Et si autem tot numero sunt planetę, quot sunt cuiusque hebdomadis dies, tamen quo res admirationem ex ordine maiorem haberet, eaque sisteret credulos, ne plura de diebus inquirerent, planetarum ordinem nequaquam dies retulerunt. Nam cum diei ciuilis horę sint viginti quatuor, in quas vicissitudinarium voluit esse planetarum imperium, commutandarum siderum istorum ordinem pro dierum appellatione oportuit. Ter enim repetito planetarum ordine, horę tantum redduntur vna & viginti sic tribus præterea planetis ordine connumeratis, opus est, ad explendum viginti quatuor horarum numerum & imperium. Quo fit ut quartus semper planetis dies cedere debeant. Sic 2<sup>o</sup> diem Lunę excipit dies Martis: nam quartus est Mars a Luna, a qua ad Saturnum reditur, a Saturno ad Iouem descenditur, ad Ioue autem ad Martem peruenitur. Similiter post diem Martis sequitur dies Mercurii: est autem Mercurius quartus a Marte. Siquidem Martem sequitur Sol, deinde Venus, tum ab eo Mercurius quartus numeratur, qui diem signat suo nomine, consequentem diem Martis: atque singuli septimanę dies hac ratione nominibus istorum planetarum solent insigniri. Id vero ut facilius

acci-



ceperetur, versus in hâc rem ediderunt, quomodo olim solebant in scholis singula docere proponere ediscenda.

*Prima dies Phœbi sacrato nomine fulget.*

*Vendicat & lucens feriam sibi Luna secundâ.*

*Inde dies rutilat iam tertia Martis honore.*

*Mercurius quartam splendentem possidet altâ.*

*Concordat Veneri magno cum nomine sexta.*

*Emicat alma dies Saturno septima summo.*

Quia vero Planetarum imperio cuncta regi, omnibus Deo carentibus & veritatis ignaris persuaserat Satanas, & horæ dierum ipsorum inæquales, Planetis ea ratione qua dictum fuit attribuebantur: Inde accidit, ut ab Astrologis horæ ipsæ temporales siue inæquales, Planetarum etiam nomen habuerint. Esse autem recentem dierum istam appellationem, sicuti Dion existimat, neque tamen esse profectam veteribus Ægyptiis, ex eo potest intelligi, quod cum Herodotus Ægyptiorum res persequatur, & anni etiam ipsius rationem explicet, quæ est Ægyptiis in usu, nihil tale commemorat: cum tamen Ægyptiorum sacerdotes de singulis assililiger interrogatos ostendat. Diodorus etiam Siculus, qui longo post tempore res Ægypti memorabiles prodidit, & ab Herodoto & aliis prætermittas retulit, nihil tale memorat, nisi Thebæus a Mercurio, qui est Hermes Græcis, ut diximus, anni & temporum rationem accepisse refert. Strabo quoque cum Thebæorum anni rationem a Mercurio iis traditam ait, de istis diebus nullam facit mentionem. Mer-



curii quidem & Aegyptiorum, maxime Thebæorum, hac in re scriptores prope omnes profani meminerunt, præterito interim inuentum isto: quod neque Aegyptii si tum nouissent, si lentio præteriissent, nec Græci ipsi, aut alii auctores, si a suis profectum, aut ab aliis inuentum audissent, vnquam dissimulassent. Ex quo deprehenditur eorum supinitas, qui ista dierum nomina ad Mercurium seu Hermem illū multorum errorum parentem, Ogyge vetustiorē referunt: cui nequit septena dierum partitio, si ne diuina iniuria tribui: quum Dei sit illa ordinatio, sicut & anni & mensium, non autem hominibus cuiusquam, quemadmodum ex Genesi id est, rerum istarum & temporum cōstitutio, ne sacris oraculis testata, intelligimus.

Satanæ malitia.

Sed familiare est, & vsitatum Satanæ, rerum inuentionem, quas Deus nostra causa creauit & instituit, ad idola & gentium Deos referre, aut ad eos homines, qui in propaganda idololatria egregiam operam nauarunt, viturq; ad eam rem scriptoribus Græcis maxime, atq; etiam Latinis, qui eruditionis famam aut fidei opinionem quandam apud homines sibi pepererunt. Id enim præcipue cauit, sibi & suo tenebrarum regno metuens, ne quid de scripturis diuinis resciscerent homines. Et ne quid esset melius Aegyptiorum aut Chaldeorum, aut Græcorum scriptis putaretur, obtinuit apud stultos, sparsa de illarum gentium religione, & sapientia, falsa opinione: etsi nihil in eorum cōmentariis fere præter impias de heroibus, hoc est,



st, impuris & sceleratis tyrannis, & diis ab hominibus factis, historias & fabulas recensetur. La Dei veri & populi ipsius electi mira fuit ingentes ignoratio: cum in Dei populo bonæ omnes artes, & philosophiæ purioris notitia viguerit multis ante seculis, quā Græcorum monumentis quicquam sit proditum. Nam Græcos pueros esse, & nuper versatos in historia, intelligimus ex Solonis dictis & factis. Quia Varro antiquitatis inquisitor diligentissimus, ait artes omnes intra mille annorum spatium repertas, ad suam ætatem illa tempora referens. Anni ergo & mēsum & dierum, imo temporis omnis ratio certa, non aliunde, quam ex sacris scripturis repetenda est: a qua antiquitatis omnis peti debet notitia & veritas. Ex qua scimus, Deum tempora partitum esse in annos, menses & hebdomadas.

III. De Inæqualibus diebus, & causa vera illorum inæqualitatis.

**I** Næqualis dies, qui & *different*, spatium temporis vocatur, quo fit integra Æquatoris conversio; & præterea portionis tantæ, quanta cū progressu Solis apparente Meridianum pertransit. Cumque is motus Solis aliquando maior sit, aliquando minor, dies quoque naturales apparentes, aliquando maiores, aliquando minores sunt mediocribus. Quocirca si Æquatoris portio maior est portione Eclipticæ, tum dies differentes sunt maiores mediocribus, & contra. Itaque ascensione recta veri motus Solis a medio motu subtracta, quod relinquitur,

DD 5



Inæquali-  
tatis causse.

erit ipsa æquatio. Causse inæqualitatis dierum  
civilium sunt, cum *ἀνομαλία* motus Solis in si-  
gnifero, dependens ab eccentricitate ipsius So-  
lis, tum obliquitas Eclipticæ. Quoniam enim  
Sol æqualibus temporibus inæquales Signife-  
ri partes peragrat, sic ut vno die ratione motus  
periodici circa æquinoctiū quinquaginta no-  
uem minuta, & octo secunda perambulet, sed  
circa solstitium æstiuum quinquaginta septem  
minuta, & septendecim secunda, circa solstitiū  
brumale sexaginta, & vnum minutum cum se-  
ptem secundis: & vero dies civilis istis addita-  
mentis inæqualibus completur: necesse est dies  
iplos fieri inæquales. Deinde licet Sol æquali-  
ter per Signiferum circulum iret: quia tamen  
cum æqualibus Equatoris portionibus æqua-  
les Signiferi arcus non ascendunt: manifestum  
est, ne cum quidem gradum, quem Sol singulis  
diebus ratione motus periodici conficit, eun-  
dem semper in omnibus signis adscensum ha-  
bere descensumque.

IIII. De Horis inæqualibus, maioribus  
& minoribus.

Inæquales  
horæ.

**I**Næquales horæ singulorum sunt dierum, si-  
militer & noctium duodecimæ dissimiles &  
impares præterquam æquinoctiis, portiones.  
Quas obseruauit antiquitas, sicut & multis lo-  
cis, etiamnum hoc tempore, easdem retinent  
Italia & Germania. His etiam horis scriptura  
sacra utitur, ut ex multis locis, tum illo Ioānis E-  
uangelistæ cap. 11. perspicue apparet: *Nonne  
sunt horæ duodecim diei?* Idem ex parabola pa-  
tris



in familias Matth. 20. intelligitur. In qua ma-  
 iori temporis, deinde hora tertia, sexta, nona, &  
 decima fit mentio. Sic autem obseruantur ho-  
 rae istae, vt solis exortu prima numeretur, dein-  
 de prima secunda, tertia, quarta, quinta, sexta ipso  
 medio, quo sol meridianum attingit circu-  
 lum. Tum septima, octaua, nona, decima, vn-  
 decima, duodecima solis occasu: distributis in-  
 ter medijs spatiis pro rata interuallorum ipso-  
 rum portione, quam signorum arguunt ad-  
 mensiones.

Horae autem istae inaequales, quod non est  
 ratum, diuiduntur in maiores & mi-  
 nores: quibus & Astrologi interdum vtuntur,  
 nem scriptores ecclesiastici. Quia eiusmodi

horas nonnunquam scriptura quoque sacra v-  
 tatur, quae eam ob rem sunt nobis explican-  
 dae. Minores autem horae inaequales sunt eae,  
 quae iam explicatae sunt, quae eo spatio defini-  
 untur, quo medietas signi oritur: aut id spatium co-  
 nuenit, quo signi vnus pars dimidia supra ho-  
 rizontem emergit: qua ratione diei ciuilis, quo  
 dies verus & nox continetur, dicuntur esse ho-  
 rae viginti quatuor. At maiores horae inaequa-  
 les, eo spatio definiuntur, quod definitur & ab-  
 initur, dum integrum aliquod signum Zo-  
 diaci emergit, & scandit horizontem. Quia ve-  
 ro sunt duodecim Zodiaci circuli signa, eius to-  
 tae conuersio duodecim horis maioribus defi-  
 nitur. Ita duodecim horae maiores, tantum spa-  
 tium continent, quantum 24. minores: quo fit vt  
 epiphanius, vbi de Epactis agit, *diem unum ci-*

Horas inae-  
 quales ma-  
 iores & mi-  
 nores sacra  
 quoque scri-  
 ptura vsur-  
 pat.

Minores  
 quae?

Maiores  
 quae?



uilem definiat horis duodecim, & duos dies ciuiles metiatur horarum vigintiquatuor intervallo quemadmodum explicabitur capite 8. huius libri, quo docetur, qui fiat ut anno solari utatur scriptura sacra, cum menses lunares obseruet. Ex hac autem maiorum horarum inequalium definitione, Euangelistæ Marci locus, nostris obsecutus, & suspectus de errore, aperietur, & erroris suspicione liberabitur, qui ita habet: *Erat autem hora tertia, quando crucifixerunt eum. Accusatus Dominum fuisse crucifixum hora sexta*, hoc est, ipso meridie, ex Ioannis Euangelio discimus: *Erat autem, inquit, parasceue Paschæ, hora quasi sexta, & dicit Iudeis, Ecce rex vester*: deinde versu 16. *Tunc ergo tradidit eis illum ut crucifigeretur*. In eadem autem historia, pendente iam in cruce Domino, inquit Euangelista Lucas: *Erat autem fere hora sexta, & tenebræ factæ sunt in uniuersam terram, usque in horam nonam*. Idem habet Matthæus: *A sexta, inquit, autem hora tenebræ factæ sunt super uniuersam terram, usque ad horam nonam*. Ita, quam horam tertiam dixit Marcus, eandem alii Euangelistæ dicunt horam sextam. Quin ipse quoque Marcus, sublato in crucem Domino, inquit, iisdem quibus alii Euangelistæ verbis: *Et facta hora sexta, tenebræ factæ sunt super totam terram usque ad horam nonam*. Quæ dicta ut intelligantur: animaduertendum est, Marcum Euangelistam utrisque horis inæqualibus in eadem historia usum. Maioribus quidem, cum ait, *hora tertia actum fuisse in crucem Dominum*: minoribus autem, cum alio-

Apparens  
Euangelistarum  
cō-  
tradictio.



aliorum more dixit, *sexta hora factas tenebras.*  
 Est enim eadem hora tertia maior, & sexta mi-  
 nor. Dies enim naturalis, hoc est, quem Sol sua  
 luce conficit, duodecim horas minores habet,  
 & sex maiores. Quare tertia hora ad meridiem  
 spectabit, cum sex horis maioribus definiatur  
 dies: quemadmodum id quoque clarius a-  
 nimaduertetur in Epactarum explicatione, de  
 qua agitur capite huius libri octavo. Quod a-  
 nimaduersum demonstrabit, Theophrasti scho-  
 lium in hunc Marci locum, nihil ad præsentem  
 locum pertinere, qui fuerat ex ista horarum ra-  
 tione explicandus. Sed ista duodecim horarum  
 ratio postea fuit duplicata, ex quo factum est,  
 ut diei ciuilibus constitutæ fuerint horæ viginti-  
 quatuor. Non est igitur noua illa, aut nuper ex-  
 cogitata horarum maiorum & minorum ratio,  
 qua & Astrologorum plerique vtuntur, qui  
 partim signis communibus, partim Phycis,  
 tempora ipsa definiunt. Sed hoc etiam sciendū,  
*horæ nomen esse multiplicis apud Romanos vsur-*  
*pationis.* Fuit enim illis Hora Dea vxor Quirini,  
 de qua Ennius: *Teque Quirine pater, veneror,*  
*Horamque Quirini.* Apud nonnullos Horæ di-  
 cuntur eadem cum Gratiis, & per Horas intel-  
 ligunt quatuor anni tempora, Hyemem, Ver,  
 Æstatem & Autumnum: quæ dici possunt gra-  
 tiæ, & Appollinis affecle, quatenus Sol quatuor  
 anni temporibus munera sua in mūdum mor-  
 talem effundit; in qua significatione, non tres,  
 sed quatuor sunt gratiæ, coronatæ floribus, vt  
*Ver; spicis, Æstas; vnis, Autūnus; oliuis. Hyems;*

Conciliatio  
 Euangelii  
 Itarum.

Hora fuit  
 Romanis  
 Dea.  
 Aliis horæ  
 fuerunt Gra-  
 tiæ: & qua-  
 tuor Anni  
 partes.



Portæ.

Hinc apud veteres pingebatur Apollo gestans  
 dextera has horas, & Homerus inquit, eas præ  
 esse portis cœli, curamque habere, ut cœlum modo  
 serenum, modo madidum sit. Et Horatius de Iob  
 ue loquens ait: *variisque mundum Temperantibus*  
*horis.* Et Ovidius 1. Fastorum, *Presideo cœli fo-*  
*ribus, cū mitibus horis.* Quatuor principalia cœli  
 li puncta per metaphoram dicuntur portæ  
 quatenus per ea ex sententia Astronomorum  
 designantur principia quatuor temporum an-  
 ni; In hac significatione fuit Plato in Cratilo  
 lo nomen horæ.

IIII. Disputatio de vere Galeni & Athenæi:  
*an sit temperatum, an vero calidum &*  
*humidum. Et quid de ea*  
*sentiendum.*

**G**alenus quatuor argumentis disceptat, ve-  
 esse temperatum, quæ primo loco proponi-  
 nemus, deinde Athenæi rationes subiungere ga-  
 mus. Hinc quid statuendum sit, videbimus.

I. Argumē-  
 tum Gale-  
 ni.

*I. Illud est tempus temperatissimum, in quo aer*  
*est temperatus. Aer autem tunc est temperatus, cū*  
*corpora sunt maxime sana: Cōcluditur igitur hoc*  
*modo. Id tempus maxime est temperatum, in quo*  
*corpora maxime sana sunt. Sed in vere corpora*  
*sunt maxime sana: quia aer est temperatissimus.*  
*Ergo ver est temperatissimum. Maior propositio*  
*argumenti vera & manifesta est. Nam cum aer*  
*est temperatus, conseruat & facit sanitatem: cum*  
*vero est corruptus, vel vitiosas qualitates habet, tūc*  
*morbos generat, fiuntque contagia, pestilentia, &*  
*morbi alii. Altera etiam propositio non minus*

vera



verà est: Quoniam in vere corpora humana sunt maxime in iusta temperie, & maxime sana, plus quam ceteris in temporibus: Ver igitur temperatum est, cum aerem temperatum habeat, qui si temperatus non esset, tum profecto intemperiem etiam in corporibus similem gigneret.

II. Illud tempus, quod est maxime medium, & II. Argumentum  
consequenter quod recedit ab extremis, est aequale Galeni.  
& temperatum. Sed ver recedit ab extremis, ergo ver temperatū & aequale. Maior ex se perspicua & manifesta est. Minorem veram esse, & cōcedi oportere, ex eo ostenditur, quod ver ipsum, recedat ab extremis, & sic medium sit. Nam nulla qualitas in ipso extrema excedit. Calor enim moderatus est. Iam calor semper agit, semper in aëte est, propterea agens in illud humidum, quod relictum erat ab hyeme, resoluit illud, & attenuat, ut ipsum etiam humidum non excedat, sed temperatum sit & moderatum. Propterea cum aer relinquatur moderate humidus, ver erit duabus illis qualitatibus temperatum. Præterea frigus in eo non excedit, quoniam recedit ab hyeme, quæ est frigida, & accedit ad æstatem, quæ est calida. Siccitatem autem in ipso non excedere manifestum est, quoniam nondum æstas fuit, in qua calor maxime resoluit & exsiccatur, & hyems præcesserit, quæ reliquit illam humiditatem, quam quidem attenuando ipse calor reddidit moderatam. Cum ergo ver recedat tum a frigiditate, tum a caliditate, humiditate etiam, ac siccitate: relinquatur, quod sit aequale & medium. Ergo est temperatum.

III. Si ver esset calidū & humidū, ut vos vul- III. Argumentum  
Galeni.



tis, sequeretur id quod maxime falsum esset, & contra omnium medicorum sententiam, quod scilicet ver corrumpere humana corpora potius, quam conservaret in sanitate. Nam ad caliditatem & humiditatem iunctas, corruptio substantia, hoc est putrefactio sequitur. Si ergo ver esset calidum & humidum, tum eo tempore putrescerent magis humana corpora; & fierent pestilentia exanthemata & alia quacunque aggritudines, quae sunt ex putredine, qualibus morbis pleni sunt libri Epidem. Hippocratis. Nam Hippocr. consuevit in his libri dicere de tali constitutione aeris calida & humida, in qua plurimi mortui, & orti pestilentes morbi fuerint. Si ergo per vos ver esset calidum & humidum, corpora eo tempore magis agra essent, quod falsum est, cum ex veterum & Hippocratis sententia credatur, sanum maxime esse ver, idque quotidiana experientia comprobari potest. Magis enim valent corpora in vere. Ergo ver non est calidum, sed temperatum, ac si temperatum, sequitur etiam quod magis sanum.

IV. Argum. Iam hyems est frigida, aestas vero sicca. Ergo verumneque siccum erit nec frigidum, sed calidum & humidum. Quatenus enim accedit ad aestatem, quae calida est, ver quoque calidum est, quatenus accedit ad hyemem quae maxime est humida, sic humidum est: Hoc argumentum reflectit Galenus. Si valeret enim hic argumentandi modus, eadem quoque forma probarem oppositum tuæ sententiæ, nimirum ver esse frigidum & siccum. Sic enim dico. Ver medium est inter aestatem & hyemem.



veremem: Ergo quatenus medium, neque calidum  
rit, ut aestas, neque humidum, ut hyems. Sed qua-  
tenus accedet ad aetatem, siccum erit, quatenus ad  
veremem, frigidum. Ergo ver frigidum & siccum  
uerit. Atq; hæc sunt Galeni argumenta, quib.  
probat ver habere complexionem temperatā,  
non autem calidam & humidam, his addunt  
nonnulli Galenici alia argumenta, quæ his  
indubicare placet.

I. Quod potest fieri intemperatum, idem etiam  
temperatum esse potest. Est enim illud in Philoso-  
phia verum, quod opposita circa idem subiectum  
ant, & circa idem genus. Sed circa tempus est et-  
iam id, quod intemperatum reddi potest: Ergo &  
temperatum, sed nullum aliud est temperatū præ-  
ter ver. Ergo & ver temperatum est. In aestate e-  
nim calor intensus, & vehemens est aliqua quali-  
tas excedens: Ergo si tempus potest fieri tempera-  
tum, nullum autem aliud esse potest, quam ver,  
ergo & ver temperatum solum est, cetera intem-  
perata.

Alia argu-  
menta Ga-  
lenicorum.

I.

II. Illud tempus maxime temperatum est, in  
quo omnia generantur. Sed in vere omnia generā-  
tur, ergo & ver temperatum est. Propositionem  
maiores verissimam esse quis neget? Videmus  
enim arbores non generare fructus, nisi sint in  
anno, & bono habitu. Nam si sunt in malo ha-  
bitu, toto illo anno infœcundæ sunt. Modo ha-  
bitus esse bonus nō potest, nec sanus, nisi tem-  
pus quoque sit maxime temperatum & sanum.  
Tempus certe sanum, & temperies, temperata  
etiam corpora efficit, intemperatum vero in-

II. Argum.

EE



temperiem. Cum ergo in vere omnia symphyta generentur, & sint in bono habitu, ergo & tempus vernum sanum est, si modo verum est, quod dixi, *temperiem corporis sine aeris temperie non consistere*. A signo ergo, & a posteriori probant ver esse temperatum.

III. Argum. *III. stud tēpus est temperatissimū, in quo temperate radii solares calefaciunt hanc regionem. Tempora enim distinguuntur secundum solis, in gradibus Zodiaci, cursum, in quib. non equaliter, sed modo plus, modo minus calefacit, secundum quod ad nos magis minusve accedit, & recedit, ut Ptolemæus docet in 40. Quadripart. At in veri radii solares calefaciunt quidem hanc regionem sed moderate, quoniam moderate quoque a nobis recedit. Ergo ver est tempus temperatum. Minor vera est, quoniam sol tunc est moderate propinquus, & moderate remotus, ergo & moderate calefacit: cum autem sol est in signo cancri, non moderate calefacit. Non est enim eadem ratio accessus & recessus solis. Multum enim differunt accessus & recessus, ut videre est ex Aristotele in libro 2. De generat. & corrupt. Dicebat enim Aristoteles, accessum solis esse causam generationis, recessum vero causam corruptionis. Cum ergo sol accedit, & reperitur nec nimis vicinus, nec nimis remotus, tum demum moderate calefacit. Est autem sol ita constitutus, cum reperitur in signo arietis. At qui tum ver est: Verigitur tempus est maxime præ ceteris temperatum.*

Hæc fere argumēta sunt, quæ adduci possunt ad probandā ipsius veris temperiem, adducta

tum



tum a Galeno, tum aliis, qui sententiam ipsius sequuntur: Huic aduersa est alia Antiquorum & præcipue Athenæi opinio, qua statuitur ver non esse temperatum, sed calidum & humidum.

*I. In vere res generantur animata. At caliditas, & humiditas sunt causa vita, sicut qualitates his opposita, frigiditas & siccitas causa mortis sunt. Ergo ver calidum & humidum est, hoc est, veri insunt illa qualitates, de quibus queritur.*

I. Argum.  
Athenæi.

*II. Illud tempus est calidum, & humidum, in quo sanguinis plurimum generatur. In vere generatur plurimum sanguinis: calidum igitur, & humidum. Nam in quocunque tempore plurimum illius humoris generatur secundum affinitatem, & cognationem, quam inuicem habent. Vt igitur in hyeme plurimum pituitæ generatur, quæ frigida & humida est. Ita in æstate plurimum bilis est, quia æstas calida & sicca est. In autumno contra generatur plurimum melancholiæ, quoniam & tempus & humor frigidus & siccus est. Ergo in vere, quod est quartum tempus, generatur plurimum sanguinis, qui est calidus & humidus. Ergo ver calidum & humidum. Quod autem in vere generetur plurimum sanguinis, probat & ipse Hippocrates in 3. particula Aphorism. in eo loco, cum ait, quod per tempus veris, & per æstatis principium maxime sani degant ueri, & qui his ætate proximi sunt: senes æstate & principio autumnii: reliquo autem autumnii tempore & hyeme magis valent & rectius habent, qui media ætate sunt. Pueri autem & illis proximi*

II. Argum.



magis valent eo tempore, quoniam conserua-  
tur in eis humor sanguineus, qui correspondet  
illorum temperaturæ calidæ & humidæ, Ergo  
*ver est calidum & humidum.*

III. Argum. *III. In vere fiūt plurimi sudores, ergo ver calidū  
& humidum, cum in eo abundet humidum pro-  
pter illam causam, & propter consequentia. Nam  
cum emanant sudores, emanāt aut propter humi-  
ditatem; aut propter caliditatem: At in vere non  
a caliditate, Ergo propter humiditatem. Antece-  
dens probatur, quod in vere plurimi sint sudo-  
res emanantes. Nam Hippocr. in 3. particul. a-  
phoril. dicebat, quod in vere, quod appropinquat  
æstati, sunt plurimi sudores. Hi si sunt, sunt a ni-  
mia humiditate, & maxime illo veris tempore  
fiunt. Ergo *ver humidum.* Propter quod enim  
vnum quodque tale est, id magis tale est, si pro-  
pter ver fiunt sudores, qui sunt humidi, ergo  
*ver magis humidum est.**

III. Argu-  
mentum.

*IV. In vere sanguinei pessime degunt. Ergo non  
est temperatum, sed calidum & humidū. Vnde &  
Gilbertus Porretanus in libro suo, de sex prin-  
cipiis, in capite, quod sanguinei male degant in  
vere, atque ita ver calidum & humidum esse, di-  
cit, tempora anni alterare nostra corpora. Denique  
& Hippocratem adducunt, qui in libro de aere  
& aqua dicit solstitia & æquinoctia esse valde pe-  
riculosa, quoniam in istis fiunt maxima mutatio-  
nes in aere: At in vere est æquinoctium vnum.  
Ergo illud periculosum, & quod circa illud est  
Ergo non temperatum, vt Galenus contendit.  
Quid quod multæ etiam ægritudines, & quidē  
pessimæ*



bestimæ sunt in vere, ut est in 3. particul. Aphorism. At illa non sunt temperata tempora, in quibus & multi, & perniciosi morbi solent existere, & ipsius Hippocratis, & Galeni sententia. Ergo ver non erit temperatum. Hactenus argumenta utriusque partis.

Baptista Montanus suam interponit sententiam, & primo Tria axiomata præmittit confirmatque. Deinde argumenta Galeni con-  
Baptista Montanus.

Primo ait: dicamus tunc aerem esse temperatum cum existit in propria sua temperie, & nihil intemperatum, & extraneum ei accedit, quod ipsum intemperatum reddit. Sua autem ista propria temperies, non est temperies absoluta ponderis: sed temperies ei conveniens, cum est maxime in propria natura, qua dicitur temperies ad iustitiam, id est, temperies qua illi iuste est attribuenda. Modo aer habet hanc temperiem iustitiam, & est in propria sua natura cum est calidus & humidus. Inter enim quatuor elementa, hæc due qualitates in propria natura, & temperie, id sibi vindicant, ut determinat Aristoteles in 2. De gener. & corr. & Galenus in lib. de Elementis, & ubique fatetur caliditatem ac humiditatem esse appropriatam ipsi aeri, existenti in propria natura: ergo habemus hactenus, tunc aerem esse temperatum, cum habet temperiem debitam ad iustitiam, qua ipsi convenit, non alteri parti. Modo hæc temperies est cum caliditate & humiditate.

Secundo, ait: Hoc primum posito, addendum.  
SECUNDO, quod ab Aristotele & Galeno com-

II. Axioma.



probatum est, & est sententia omnium Philosophorum etiam recentium. Est autem tale. Omnia quacunque generantur generantur per calidum, agens in humido, & non solum generantur, sed & sic conseruantur. Calidum ergo & humidum ingrediuntur generationem rerum per se, quia per illa duo res generantur. Sed reliquæ duæ qualitates, id est, frigiditas & siccitas ingrediuntur opus nature, per accidens, non per se. Nam frigidum, quatenus retinet ipsum calorem, ne attenuatus nimium exhalet, atque ita non possit agere in humidum: frigidi etiam est ingrossare, densare, & consequenter retinere. At ex calido & humido omnia generantur per se, & nutriuntur, sed per accidens ex frigido, quatenus caloris actiones inuat. Siccitas etiam ingreditur generationem, quatenus constipat, & non sinit ipsum humidum cum calore affluere. Nutrimur deinde ex his, ex quibus constat: omnia vero quæ nutriuntur, nutriuntur ex calido & humido, quoniam ex illis generantur per se: propterea, quæ non nutriuntur, & debent nutrirī, neque iam habent calidum agens in humido, sunt mortua, & sunt frigida, & sicca, quoniam istæ duæ qualitates sunt per se facientes, ad corruptionem rerum, sicut illæ duæ per se faciunt ad generationem, unde Græci quoque appellant mortuos ἀλίβαντας, quasi dicas sine humoribus. Ecce ergo quomodo humidum faciat per se ad generationem rerum, & ad illarum conseruationem. Omnia enim quæ generantur, tam diu durant, quo ad in proprio calido & humido conseruantur.

III. Axio-  
ma.

TERTIO supponendum, & hoc: Quod caliditas



*caliditas & humiditas non dicuntur in omnibus v-  
 ninoce, sed equinoce, imo analogice, & secundum  
 prius ad posterius. Nam uno modo est caliditas &  
 humiditas in mistis cum excessu magno, non quod  
 habent huiusmodi temperamētum cum his qua-  
 litatibus, sed quia in illis excedunt. Alio modo  
 sunt istae duae qualitates in mistis: quatenus per il-  
 las conseruantur in propria temperatura, & in suo  
 esse. Nam potest esse illius temperies frigida ac sic-  
 ca in eo misto, necesse est tamen inesse caliditatē &  
 humiditatem, ut in sua essentia conseruetur, alio-  
 quin corrumperetur. Tertio docent caliditatem &  
 humiditatem esse in mistis comparatiue, ad alia  
 mista, unde dicitur aliquod mistum esse calidum  
 & humidum, cum hoc tamen in sua temperie pro-  
 pria est, ut hepar dicimus esse, calidum & humi-  
 dum, si ad cor, vel cerebrum conferatur, sicut cor  
 siccum, & calidum, si ad epar quod calidum, &  
 humidum est, referas. Propterea cum his trib. mo-  
 dis dicamus, rem aliquam calidam & humidam: Athenaeus  
 dico tertio modo intelligi ab Athenaeo, & eius se- quomodo  
 ctatoribus, cum aiunt, ver esse calidum, & humi- dicat, ver  
 dum, quoniam cum sua temperie stat. caliditas, & esse calidū  
 humiditas. Non enim primo modo accipimus ca- & humidū.  
 liditatem & humiditatem, in excessu nimirum,  
 & propterea id respicere, & considerare Galenus  
 debuit, quod alias fecit. Nam ipse in lib. 8. De pla-  
 citis Hippocr. & Platonis probat aerem semper a-  
 ctu esse in corporibus nostris: Aquam vero mini-  
 me. Nam pituita est humor aqueus, non tamen est  
 aqua in actu. Spiritus autem sunt in actu, quoniā  
 cum suscipiant naturam aeris, qui actu est, ideo.*



semper actus sunt. Postea addit Galenus quod sanguis sit humor temperatissimus, cum tamen alibi multis in locis dicat, & fateatur apertissime ipsum sanguinem esse calidum & humidum. Ergo per te, o Galene, sanguis est temperatus, & tamen simul calidus, & humidus comparative ad alios humores: quia eius temperies consistit, cum caliditate & humiditate: Sic quoque Athenaus intelligendus est, cum dicit, ver est calidum & humidum, non quod caliditas & humiditas in eo excedat, sed temperies ipsius aeris in vere est cum caliditate, & humiditate, quod & ipsum fateri Galenus cogitur. Hac distinctione premissa, facile apparet, nihil valere argumenta illa omnia quae contra afferuntur. Concludunt enim contra illos qui putant ver habere caliditatem & humiditatem excedentem: Athenaus autem, & qui ipsum sequuntur dicunt ver habere caliditatem & humiditatem, coniunctam cum temperie illius, quoniam in vere aer est in propria natura sua & temperie. Nihil enim illi accedit, neque calidum, neque frigidum, quod possit inducere aliquam qualitatem excedentem, humidum vel siccum reddere, & cum talis est, temperatus est. Ergo in vere, temperatus existens in sua temperie & natura, aer est calidus & humidus, quoniam, ut saepe dixi, haec eius est temperies.

Respondet autem Baptista ordine ad  
argumenta Galeni.

I. **R**espondet ad primum eius argumentum, quod tale fuit: Illud tempus est temperatum, in quo aer est temperatus, sed in vere aer est temperatus:



peratus: ergo non est calidum & humidum. Ne-  
go consequentiam, quoniam ista temperies ve-  
ris est calida & humida: Ideo temperatum est, &  
calidum & humidum comparate ad alia tempo-  
ra, quoniam illius temperies est iustitia, & compa-  
rativa, non autem absoluta.

Ad secundum argumentum: Illud tempus  
est temperatum, quod medium existens maxime  
ab extremis recedit. Sed ver est ita, quoniam rece-  
dit: tum ab estate, tum ab hyeme. Ergo est tempe-  
ratum: Sed ne hoc quidem aliquid valet, quo-  
niam concedimus, quod ver sit temperatum, & re-  
cedat ab extremis. Neque enim ponimus in eo ex-  
cessus caliditatis & humiditatis, sed temperies eius  
est calida & humida.

II

Ad tertium, in quo deducebat eos ad impossi-  
bile, quasi ver oporteret omnium ceterorum pessi-  
mum, & omnis corruptionis causa, si calidum &  
humidum esset, cū e contrario ver sit omnium sa-  
luberrimum, dico hoc modo fuisse conficiendū  
antecedens. Si ver esset calidum & humidum,  
excessivum, sequeretur tuum consequens quod in-  
fers, & mirum est Galenum temperiem absolutam  
& comparativam non distinxisse, qua posita, con-  
cludere parum argumentū illud appareret. Hæc  
autem a nobis posita est. Nam ver temperatum  
est: ergo sanum. Hæc temperies comparata ad alia  
tempora, est calida & humida, non autem sic acci-  
piendum, quod caliditas & humiditas in illo ex-  
cessum habeant.

III.

Ad quartum & ultimum, quod argumentum  
est ad hominem, dico, non considerasse eum natu-

IIIB



Galenus  
fuit arrogā-  
tissimus.

ram rei, neque quicquam hoc argumentum illis aduersari, quibus opponit: sed potius illorum sententiam confirmare. Neque enim ex illo argumento demonstrationem faciebant, sed utebantur eo ad inueniendum veritatem, quam & certe inueniunt. Propterea non erat inflectendum argumentum nec modus is argumentandi valet. Oportebat igitur distinctiones præmittere, ut fieri consuevit in questionibus: quod si tentasset, minus profecto deceptus fuisset. Fuit autem, ut apparet arrogantissimus, & premere magnos viros, qualis & hic Athenæus fuit, solitus est, etiam contra veritatem disputando, Nihil autem aliud, ut dixi, voluit, quam nomen primi medici, ut Philosophi nomen Aristoteles. Ac quantum ad hanc disputationem attinet, satis hoc loco dictum, ver esse temperatum, & cum hoc tamen calidum & humidum, quod ne ipse quidem Galenus, si veritatē sequi in hoc voluisset, negare potuisset.

## C A P. V.

*De Ciuili anno, simplici & periodico.*

Annus ci-  
uilis.  
Solaris.  
Simplex.

**H**Atenus de dieb. ciuilibus: Annus Ciuilis est, quæqueq; natio aut ciuitas sibi statuit; & quidē Solaris vel Lunaris. Solaris est vel Simplex vel Periodicus.

Annus ciuilis simplex, qui vna conuersione alicuius stellæ conficitur. Est vero simplex hic annus vel Solaris, vel Lunaris improprie & hominum instituto dictus. vterq; talis vel Perfecte & Imperfecte.

Perfectus.

Solaris perfectus est spatium dierum 365. cum quadrante, qui quarto quoq; anno intercalatur. Hic proxime ad annum naturalem accedit.

Hic annus a Iulio Cæsare primum fuit publicatus, eoq; per plurimi populi hodie vtūtur. Initium eius est Bruma nobis.

Solaris



Solaris imperfectus est spatium dierum 365. sine Imperfectus.  
quadrante diurno, diciturque æquabilis & vagus.

Æquabilis, quia mensibus duodecim æquabilibus  
scilicet 30. dierum constat.

Vagus, quia neglecto diurno in 120. annis per men-  
sem integrum recedit caput anni ab Epocha solari.

Principia huius anni diuersi populi diuersa habue-  
runt.

Annus Lunaris perfectus hic dicitur, qui constat Lunaris  
duodecim periodis Lunaribus. perfectus.

Fuit hic annus præsertim ab orientalibus populis  
obseruatus & adhuc ab Arabibus & Saracenis ob-  
seruatur: eius quantitas apud varias gentes fuit varia.

Annus Lunaris imperfectus, qui ad Lunæ cursum Lunaris  
neomeniis incertis descriptus est, aut numerum dierum imperfectus.  
anni vere Lunaris non æquat.

Prioris generis annus fuit olim in Græcia ante Har-  
palum, fuitque totus annus dierum 362.

Posterioris generis annus fuit a Romanis imp.  
Romulo computatus constans mensibus 10. & diebus  
104. ad Lunarem verum reductus intercalatione 51.  
dierum.

Sic fuit annus ciuilis simplex: Periodicus ciuilis Annus ci-  
annus, est, qui certo annorum orbe, interuentu, vt uilis.  
plurimum, Embolismorum recurrit. Periodicus.

Periodi vero excogitatæ, sunt in annis Solaribus &  
Lunaribus. In Solaribus tum perfectis, tum imperfectis.

In Solari perfecto Iuliano celebratur triplex perio-  
dus, 1. Literarum Dominicalium. 2. Indictionis. 3. Di-  
onyfiana.

Periodus literarum dominicalium est reuolutio vi Periodus  
ginti octo annorum, qua peracta reditur ad vnitatem. Literæ do-  
Vulgo dicitur *Cyclus Solis*, quia literam diei solis in- minicalis.  
dicat.

Periodus indictionis est reuolutio annorum quin- Periodus in  
decim, qua peracta reditur ad vnitatem: anno enim 15. dictionis.  
a quinquennialibus Constantini magni peracto anno  
Christi 328. dimissum est concilium Nicenum.

Dionysiana periodus est reuolutio annorum 532. in- Periodus  
Dionysia-  
na.



stituta a Dionysio Abbate Romano, qui anno Iuliano 577. cœpit annos ab incarnatione Christi numerare. Dicitur *magna periodus*, quia 11. Cyclos solis minores complectitur.

In solari imperfecto periodi duæ occurrunt *Ægyptiaca* & *Hebraica*.

*Ægyptiaca.*

*Ægyptiaca* fuit reuolutio annorum 1460, æquabilium, dicebatur agnus Magnus Cynicus, quia ad ortum caniculæ reuertebatur.

*Hebraica.*

*Hebraica* est reuolutio, 120. annorū, qua peracta menses intercalabant vnum, & ad principium legitimum mensem primū reuocabant, diciturq; *Seculū Hebræis*.

In Lunaribus item annis tum perfectis tum imperfectis inueniuntur periodi.

In anno Lunari perfecto duæ celebrantur periodi, vna Græcorum *Enneadecaeterica*, altera Arabū *Triacontaeterica*.

*Enneadecaeterica*

Illā est reuolutio annorum 19. solarium, intra quos Lunationes 235. absoluuntur, quo confecto anno vigesimo solari ducentesimo, tricesimo sexto cōspicitur nouilunium.

*Triacontaeterica.*

Hæc a Metone inuenta, a Calippo castigata, nominatur.

Hæc autē nempe *Triacontaeterica* periodus Arabum est reuolutio 30. annorum Lunarium, in qua sunt vndecim anni intercalares.

In imperfecto Lunari celebrantur *Tetraeteris* & *octaeteris* periodus. Vtraq; est Græcorum.

*Tetraeteris.*

*Tetraeteris* est interuallū quatuor annorum Græcorum inter duas conjunctiones Lunares interiectū, dicitur Elidensibus *Olympias*, Phocensibus *Pythias*.

*Octaeteris.*

*Octaeteris*, est interuallum octo annorū Græcorū.

His de rebus videris Ios. Scaligerum de emend. temporum.

I. *Quæstio, de constitutione anni ciuilis ex Censorino, Beroaldo & aliis.*

Omnibus fere gentibus ciuiles sunt anni, quales sunt Græcis, Ægyptiis & Latinis, He-



Hebræis enim sunt Dei ordinatione anni con-  
 tituti. Annos cum Græcorum, tum Egyptio-  
 rum dissimiles fuisse docet Herodotus. At au-  
 tem, *Egyptios annum diuisum in duodecim mē-*  
*ses habere, eo melius quam Græci habeant, qui*  
*tertio quoque anno intercalarem mensem adii-*  
*ciunt suis mensibus, quem ipsi Egyptii ignorant.*  
 Tricenis enim diebus, quibus duodecim suos men-  
 ses taxant, adiciunt quotannis ultimo anni sui  
 mensi dies quinque: unde illis ratio annui temporis  
 eodem semper redeuntis modo constet. Quo loco  
 videtur Herodotus, Græcorum trieteridas in-  
 tellexisse, quas obseruauit Græcia, quemadmo-  
 dum Penteridas & Octoeteridas, Astrologo-  
 rum doctorum & excellentium ingeniis con-  
 stitutas, ducente ad eorum temporum consti-  
 tutionē illos Dei spiritu, proposita, & iis quod-  
 dammodo patefacta, quam ordinauerat, astro-  
 rum conuersione. Qua vero ratione sint ista  
 tempora constituta docet Censorinus, *Nunc Censorinus,*  
 inquit, *de annis maioribus dicam, quorum*  
*magnitudo adeo diuersa, etiam gentibus obserua-*  
*ta, quam auctoribus tradita est: ut alii unum ma-*  
*gnum esse annum in annis vertentibus duobus,*  
*alii in multis millibus annorum arbitrati sint.*  
 Quod quale sit conabor iam hinc absoluere. Vete-  
 res in Græcia ciuitates cum animaduernerent, dum  
 Sol in annuo cursu orbem suum circuit, lunā no-  
 uam interdum terdecies exoriri, idque saepe alter-  
 nis fieri, arbitrati sunt duodecim menses & dimi-  
 dium, ad annum naturalem conuenire. Itaque  
 annos ciuiles sic statuerunt, ut intercalando face-



Penteris.

O&amp;toeteris.

Enneateris.

Olympias.

Lustrum.

rent alternos duodecim mensium, alternos tredecim. Virumque annum separatum, vertentē, iunctos ambos, annum magnum vocantes. Idque tempus trieterida appellabant, quod tertio quoque anno redibat. Penterida vero nominabant, quod quinto quoque anno, qui annus Magnus, ex quadriennio cōmodior visus est: quia solis annū cōstare diebus 365. & diei parte circiter quarta, videbant, quae primū quadrienniū conficeret. Quare agon, & in Elide, Ioui Olympio, & Roma, Capitolino quinto quoque, redeunte celebrabatur: Hoc tempus quod ad solis modo cursum, nec ad Luna congruere videbatur, duplicatū est, & O&toeteris facta, quae nūc Enneateris vocitatur, quoniā primus eius annus, nono quoque anno redibat: hunc circuitū vere magnū annū esse, pleraque Græcia existimavit: quod ex annis vertentibus solidis constaret, ut proprie in anno magno fieri par est. Nam dies sunt solidi vno minus centum, annique vertentes solidi octo. O&toeterida vulgo creditū est ab Eudoxo Gnidio institutā: sed hanc Leostratū Tenediū primū ferunt composuisse, & postea alii aliter. Deinde post multa alia subiicit idem Censorinus: Sed horū omnīū penteridas maxime notandis tēporibus Græci observant, id est, quaternorum annorū circuitus, quos vocant Olympiadas. Et nunc apud eos ducentesima quinquagesima quarta Olympias numeratur, eiusque annus hic secundus. Idem tempus anni magni Romanis fuit, quod lustrum appellabant. Ita quidem a Servio Tullio institutum, ut quinto quoque anno censu civium habito, lustrum conderetur. Sed non ita apo-



a posteris seruatum: nam cum inter primum  
a Seruio rege conditum lustrum, & id quod a Ve-  
spasiano Imperatore quinto, & Casare tertio Coss.  
factū est, anni interfuerint paulo minus DCL. lu-  
strata tamen per ea tempora, nō plura quā septuagin-  
ta quinque sunt, & postea plane fieri desierunt.

Romani anno civili suo, vt ceteræ gētes sunt Anni Ro-  
manorum.  
vsi: iis enim Remulus dicitur primum annum  
constituisse decem mensium, quomodo apud  
Albanos, a quibus erat ortus, obseruabatur, nē-  
pe ex decem mensibus. Numa autem, vel, Numa. (alii  
auctores vt sunt) Tarquinius annum in duode- Tarqui-  
nius.  
cim menses postea distribuit, dieb. aliter distri-  
butis, quam fuissent initio. Lunaris enim cur-  
sus habita fuit ratio, & eorum dierū, quos Sol  
circuitu suo conficit, vnde mensis intercalaris  
additus fuit anno Romano, ex Græca ratione,  
vt hoc modo civilis annus adæquaretur natu-  
rali. Intercalandi autem negotium Pontificib.  
demandatum fuit, quod festorum & profesto-  
rum, item fastorum & nefastorum dierum pe-  
nes eos esset denūtiatio & pronuntiatio. Sed ii  
ex sua libidine, cum tempora vitiose partiren-  
tur, vt publicanis interdum, interdum etiam a-  
liis gratificarentur, fastos quos penes se habe-  
bant publicare sunt coacti. Quos tandem Iu-  
lius Cæsar rerum potitus, & Pontifex maximus  
institutos, emendare studuit, adhibito, vt ait  
Plinius, Sosigene Mathematico: qui menses ea  
ratione instituit, quam Censorinus & Macro-  
bius exposuerunt. Iulius ergo Cæsar, ad eam Iulius Cæ-  
sar.  
proxime rationem, quæ etiamnum in usu est



Anni Iulia-  
ni.

Augusta-  
ni.

hodie nobis, annum Romanum digessit, quarto suo consulatu, anno urbis 708. ante Christum 45. Ex quo anni ciuiles Romani dicti sunt *Iuliani*: in quibus cum admissum esset vitium, propter intercalandi negligentiam a Pontificibus admissam, idque sub Octauiano Augusto Iulii successore esset animaduersum, Octauianus Augustus non nihil innouauit, iussis aliquot annis sine intercalatione decurrere. Ex quo anni etiam Augustiani illi sunt appellati.

II. Qualis fuerit annus, tempore Moysis & Noe  
apud veteres Gracos, Romanos  
& Aegyptios.

Caietanus.

Caietanus in Genesi differens de anno sexcentesimo primo, mense primo, & die primo, quo dicitur arefacta esse terra ait: *Annus porro apud veteres constabat trecentis sexaginta diebus, iuxta numerum graduum signorum in Zodiaco, unicuique gradui diem unum assignando: talisque fuit annus solaris apud Gracos & Romanos, & ut creditur, etiam apud Aegyptios, eundemque fuisse tempore Moysis & Noe, licet colligere ex hac Chronologia diluuii. Verum quia sol non ante trecentos sexaginta quinque dies superque quadrantem, conficit spatium suum, ut annus congrueret cum motu solis, cuique mensium anni tribuebantur triginta dies, & sexto quoque anno adiungebant mensem intercalarem, ut supplerent illos quinque dies, qui singulis mensibus superabant. Hanc tamen rationem anni & intercalationis correxit Iulius Caesar, & ita ut nunc est, descripsit atque constituit. In ilium autem diluuii annum*



*annum non incidit mensis intercalaris: quocirca non habuit annus ille, nisi trecentos sexaginta dies.*

Et Caietani quidem opinio ita se habet.

Verum in hac opinione & interpretatione **Error Caietani.** Caietani multa sunt minime probanda. *Principio,*

separat Caietanus quadraginta dies pluviæ ab aliis centum quinquaginta: sed eos non debere separari, supra ostendimus esse probabilius. Tum septimum & decimum mensem computat ab initio diluvii. Verum hoc quoque minus probabile esse, paulo supra dictum est. Assignat *præterea* cuilibet mense Lunari tantum viginti novem dies: cum assignare oporteat viginti novem, & insuper dimidium diem. Quinimo secundum ipsum Caietanum, cuilibet mense Lunari viginti novem dies tantummodo assignantem, necesse esset annum ex duodecim mensibus Lunaribus compositum, trecentis duntaxat, & quadraginta octo diebus constare, quem tamen ille facit trecentorum sexaginta dierum. Ad hæc quod Caietanus dixit, apud veteres Romanos, Græcos & Ægyptios fuisse annum trecentorum sexaginta dierum, & sexto quoque anno mensem unum intercalari solitum: eamque rationem anni fuisse in usu tempore Noe, & in historia diluvii hoc loco a Mose connumerari: non nihil habet veri, sed plus tamen falsi. Etenim Censorinus in libro *de Die natali* **Censorin.**

*Romanorum*, de ratione anni apud varias gentes scribens: *Minime, inquit, videntur errare, qui ad Luna cursum menses civiles accommodarunt: ut in Græcia plerique, apud quos alterni menses*

FF



ad triginta dies facti sunt. Maiores quoque Romanum idem sunt amulati, cum annum dierum trecentorum sexaginta haberent. Apud Macro-  
**Macrobius.** bium vero sic: Egyptii tricenum dierum omnes habent menses, trecentorum sexaginta tantum dierum annum habent, hinc explicitis duodecim suis mensibus, id est, trecentis sexaginta diebus exactis, inter Augustum & Septembrem, vel, ut Egyptiace dicitur, inter MeZori & Thoth scilicet nouissimum autem mensem, primumque sequentis anni: reliquos quinque dies solaris circuitus anno inserunt: quarto insuper quoque annum diem eodem loco intercalarem, qui ex quadrantibus confit, annectunt. Hæc apud Macrobi-  
**Herodotus.** um & Strabo. Omnium hominum (inquit Herodotus) primos Egyptios constat annum compertisse ex astris, eo scientius (ut mihi videtur) hoc agentes, quam Græci: quod Græci tertio quoque anno intercalarem mensem inducunt temporis gratia: Egyptii vero trecentis diebus singulos menses taxantes, adiiciunt huic numero quotannis quinos dies: Vnde eis ratio circuli temporum constat eodem reuertentis.

**Diodorus  
Siculus.**

Idem obseruatum a Thebeis tradit Diodorus Siculus in hunc modum scribens: Thebei se antiquissimos hominum profitentur, primumque Philosophiam & Astronomiam a se repertas seque regionis situ ad cognoscendos Orientium, & Occidentium motus astrorum esse adiutos: Menses insuper & annos a se institutos esse. Dies autem non secundum Lunam, sed secundum Solem illi metiebantur,



iebantur, triginta dierum mensē facientes. Quinque vero dies & quadrantem dies, duodecim mensibus adiungentes, anni cursum perficiunt. Intercalares menses non interponunt, neque dies subducunt, sicut & Græcorum quidam. Hætenus ex Diodoro. Ex his apparet, apud veteres Ægyptios annum fuisse trecentorum sexaginta quinque dierum: quanquam extremi quinque dies: non ut partes ab illis numerarentur, sed ut adiectitii censerentur. Non igitur verum est, quod dixit Caietanus, annum tempore Noe fuisse trecentorum sexaginta dierum, talem scilicet, qualis erat apud veteres Ægyptios. Quid quod Hebræi utebantur annis Lunaribus, quolibet scilicet anno trecentorum quinquaginta quatuor dierum, sed eos tamen ad rationem motus solis reuocabant & accommodabant, fere tertio quoque anno mensem vnum intercalantes.

## III. Quæstio

*Vtrum Hebraeorum Chronologia sit inter omnes probatissima?*

**D**isputat non ignobilis auctor Ben. Pererius de quadruplici Chronologiæ genere, quod nam sit inter omnia certissimum? Prima igitur Chronologia, est Hebræorū: quam Rabbinī ex Thalmudicis scriptis depromunt, & suo sensu & arbitrio confectam, in explanandis sacris literis crebro usurpant. Hanc nonnulli, etiam de Christianis scriptoribus amplexi sunt, veluti Nicolaus de Lyra super 1. cap. lib. Esæ, & libri Esther, & super 9. caput Danielis. Verum huius Chronologia Hebræorum mendacissima.



modi Chronologiam esse mendosissimam, ac plane ridiculam, manifestis argumentis cōcluditur. *Principio*, illud Hebræi pro vero certoque habent, nec plures reges, nec plures singulorū regum annos fuisse in aliqua monarchia, vel regno, quam qui in sacris literis, memorantur. Quo fit: vt Balthasarem vltimum regem Chaldeorum, trib. tantum annis regnasse affirmēt, quia in scriptura, hoc est, apud Daniele, cap. 8. de regno eius non vltra tertium annum mentio fiat, Cyro quoque primo Persarū regi tres dumtaxat imperii annos assignant, quod Daniel cap. 10. tertium annum eius regis nominet. Similiter, Darium, cuius principatu templum Hierosolymitanum resecum est, sex modo annis regnasse perhibent, quod eorum meminerit Esdras, nec vltra memoret Scriptura. *Denique* monarchiam Persarum non nisi quatuor reges vsque ad Alexandrum magnum tenuisse arbitratur, hoc est, Cyrum, Cambysem, Assuerum, & Darium: & propterea quod scriptum est apud Daniele, cap. 11. *tres reges post Cyrum in Perside regnatueros.* Atque hanc opinionem, etiam D. Hieronymus tetigit super 7. & 11. caput Danielis. At enim vero, hæc doctrina, & sententia Hebræorum plena est incitiæ, absurditatis, & inconstantia. Quid enim magis ineruditum atque insulsum esse potest, quam propterea negare plures reges fuisse in aliqua monarchia, vel regno, aut eos plurib. annis regnasse, quod de pluribus diuina scriptura mentionē non faciat? Nō enim sacra Scriptura profanam historiam



riam & Chronologiā, simpliciter, & absolute tractat, sed eatenus modo, quatenus ad historias sacras pertinet. Quocirca B. Hieronymus super 11. cap. Danielis, *Scriptura*, inquit, *sanctæ propositum est, non externam, abque Indæis, historiam texere, sed eam, quæ Israel populo copulata est. Quo fit, ut historias gentilium nec plene, neque ordinate tradat: non enim cura fuit spiritui prophetali, historia ordinem sequi, sed præclara quaque perstringere*: Sic Hieronymus. Mira quoque cernitur Hebræorum inconstantia, neque enim suum hoc ipsi perpetuum tenent, propositum & institutum. Nam si constarent sibi, non tribuerent Dario Medo duos imperii annos: cum Scriptura apud Daniele cap. 9. vnius tantū anni meminerit, nec regi Euilmerodach assignarent viginti tres annos, cum ex ipsa scriptura, plures vno anno non possint colligi; nec affirmarent maritum Esther, regem Assuerum, regnasse quatuordecim annis, cum liber Esther annorū duntaxat duodecim memoriā habeat. Quid plura? Darium, sub quo ædificatio templi absoluta est sex annis regnasse dicūt Hebræi, eumque faciunt vltimum regem Persarum: at vero Esdras & Nehemias, regem Persarū laudant Artaxerxem, eiusque trigesimum secundū regni annum memorant, quem post fabricam templi consummatam regnasse ex historiis Esdræ, & Nehemiæ manifestum est. Sed quis non facillime animaduertat, *chronologiam Hebræorum falsam & commentitiam esse*, quorum scripta videat innumerabilium errorum, & fabu-



larum esse refertam. Quod si eorum Philosophiam, & Theologiam improbamus, contemnimus, atque irridemus, cur non itidem hystoriam, & Chronologiam negligamus? Præsertim cum ipsi sua tantum scripta legāt: libros autem externorum scriptorum, vel attingere, vel nefas ducant, & religioni vertant: e quibus tamen solis, res gestæ, ac tempora regū Gentiliū, vere cognosci possunt. At, quam dissimilis istorum Iosephus fuit, vir eiusdem tamen gentis, ac religionis. Is namque in omni Latinorum, & Græcorum scriptorum genere peruolutatus, omnem Gentilium hystoriam, & Chronologiam excussit, & perdidicit: ideoque ab istorum Hebræorum ineptiis, & nugis remotissimus fuit.

III. *An Chronologia Berosi & Annii sit probanda.*

Chronologia Anniana repro-  
batur.

**A**Ltera Chronologia est Ioannis Annii nobilissimorum tamen auctorum Berosi, Manethonis, Metasthenis, & Philonis nominibus fucata, & subornata. Quā ille, Patrū nostrorum memoria, nescio vnde erutam, totque ante seculis ignotam mortalibus commentariis a se auctam in publicum emisit. Eam vero multi nostræ ætatis scriptores præter hystoriam, & Chronographiā, in ceterarum disciplinarū studiis diligentes, docti, ac nobiles, ut Ioannes Driedo, Nauclerus, Valerius, Anselmus, Ioannes Lucidus, Michael Medina, Sextus Senensis, aliique, per quam studiose sequuti sunt, eius omnibus sententiis, non minus, quam oraculis, fidem adhibentes. Atque illi quidem eorū

deob



deducti sunt, partim allecti eius Chronographiæ breuitate, perspicuitate, & omnium eius partium inter se consonantia: partim pretiosis veterum auctorum titulis decepti. Verum non omnes hoc errore capti sunt, sed scripta illa falsa, & fictitia esseprehenderunt, atque ostenderunt ante nos, Volaterranus, Ludouicus Viues, & quidam alii, limati iudicii scriptores.

*Sed curnos, libros illos Annianos, tam multis viris doctis maxime probatos, nullo modo probandos esse censeamus, breuiter hoc loco dicendū est.*

Principio Berofus Annianus historiam Assyriorum, & Chaldaeorum pertexuit, vsque ad <sup>Berofus Annianus.</sup> decimum octauum regem Assyriorum, qui æqualis fuit Danaï, cuius tempore regnum Troiæ habuit exordium, atque hic historiam Syriacā, & Chaldaicā finiuit, <sup>Berofus verus.</sup> hoc est, aliquot seculis ante bellum Troianum. At, verus Berofus, quem nempe citat Iosephus, & cuius in priore libro, contra Appionem partem historiæ de rebus Chaldaicis commemorat, non tantum vltra Danaū, & decimum octauum regem Assyriorum, sed etiam vltra bellum Troianum plus sexcentis annis, videlicet vsque ad Cyrum, in sua historia processit. Quin Metasthenes ipse Annianus confirmat, Berofum scripsisse historiam regum Assyriorum, vsque ad Sardanapalum, vltimum illius monarchiæ regem: vt mirū sit, non vidisse Annium hanc repugnantiam, inter Metasthenem & Berofum, cum ambo tamē libri in eadem officina Anniana excusi, & perfecti fuissent. *Adiice, quod Berofus Annianus,*



unum modolibrum scripsit, de historia Assy-  
riorum: veri autem Berofii Iosephus in primo  
libro contra Appionem, etiam tertium librum  
de rebus Chaldaicis nominat.

Manethon.

De Manethone autem hoc tantum dicam,  
Annianum Manethonem, multo secus, de re-  
gibus Ægyptiorum scribere, quam scripsit ve-  
rus Manethon, cuius bene longam orationem,  
in priore libro aduersus Appionem, Iosephus  
commemorat. Et Manethon quidem Annia-  
nus a Danao, vsque ad cladem Troianam, pau-  
lo plures triginta & trecentis annis enumerat:  
Iosephus autem ex vero Manethone, a Danao,  
vsque ad excidium Troiæ, sexcentos ferme an-  
nos præteriisse demonstrat.

Metasthe-  
nes.

Venio ad Metasthenem: in cuius libri exor-  
dio, non est ferenda Ioannis Annii censura,  
plena arrogantia, temeritatis, inscitia. At, in  
monarchia Persarum, solos Metasthenem, &  
Ctesiam Gnidium sequendos esse, quasi vera-  
ces eius monarchia scriptores. At Diodorus  
Siculus, qui sequutus est Ctesiam Gnidium in  
historia regum Persidis, omnino discrepat ab  
isto Metasthene, & cum Herodoto, Thucydi-  
de, Iustino, & aliis, quos damnat Annius, miri-  
fice congruit. *Deinde* repudiat, atq; reiicit An-  
nius Herodotum, Iustinum, Iosephum, Cle-  
mentem, Alexandrinum, Tacianum, Iulium, A-  
fricanum, Eusebium, Hieronymum, Orosium  
& Bedam. At quos viros? Scilicet, cum quorum,  
vel minimo, nulla re comparandus sit Annius.  
Sed ratio, quam reddit, cur prædictis auctorib.  
non



non sit credendum, ea clarissime prodit, & arguit insignem eius in legendis veterum scriptis, vel ignorantiam, vel incogitantiam. Affirmat supradictos auctores, contra omnem publicam fidem scripsisse, *Babylonem captam esse a Dario Medo, aliquot annis post mortem Cyri*: cum constet fuisse expugnatam a Cyro, & Dario Medo, priusquam soluta fuit captiuitas Iudæorum. Verum, in quo Annii reprehendendos putauit veteres, in eo ipse puerilis ignorantiae reprehensione dignissimus est. Quis enim, tantum non oscitanter, & incogitanter legens Herodotum, & Iustinum, non videt bis narrari ab ipsis captam Babylonem? Prius quidem a Cyro, ut narrat Herodotus libro primo: Posterius autem cum ipsa defecisset ab imperio Persarum, & rebellasset, a Dario, non Medo, sed Hystaspis quarto Persarum rege? Sed excutiamus Chronologiam istius Metasthenis. Primo unde auctor iste, nunquam ante ætatem Annii, vel fando auditus, & notus, repente prodiit? Etenim Metasthenem scriptorem rerum Indicarum, Strabo, Plinius, Solinus, Alphæus, Iosephus, Eusebius, & Hieronymus sæpe citarunt: Metasthenem autem istum, qui de rebus Persicis scripserit, nemo veterum agnouit. Præterea Metasthenes Annianus mirifice laudat Berosum in historia regum Chaldæorum & Assyriorum: quomodo igitur ipse contraria Beroso de illis regibus scribit? Tradit enim, *Nabochodonosor regnasse quadraginta quinque annos: Euilmerodach triginta, Neglissar, seu Regnassar tribus*,  
Error Annii.  
Captio Babylonica a quo facta sit.  
Metasthenes Indicas conscripsit.  
Quamdiu durauerit regnum Nabuchodonosoris.



Metaſthe-  
nes menda-  
cii argui-  
tur.

Cauſſe effi-  
cientes mo-  
narchiæ duc  
introducū-  
tur.

*Lahofardach* ſex, *Balthazar* quinque. Atqui ve-  
rus *Beroſus* apud *Iosephum* in priorẽ libro ad-  
uerſus *Appionem*, longe ſecus annos iſtorum  
regū digeſſit, tribuens *Nabuchodonosor* quadra-  
ginta tres annos: *Eui* *merodach* duos, *Nigliſſar*  
quatuor: *Lahofardach* nouem menſes, *Balthaſari*,  
ſeu, ut ipſe nominat, *Nabon-do* ſeptem, & decem  
annos. Ceterū, ex eo clariffime apparet, iſtum  
Metaſthenem eſſe totum commentitium, & cui  
nullatenus credendum ſit, quod in *Monarchia*  
*Perſarum* ab omnibus *Græcis*, & *Latinis*, melioris  
note ſcriptoribus, maxime diſcrepet in regum  
*Perſidis* numero, annis, nominibus, rebus geſtis: de-  
nique in ipſius monarchia diuturnitate. Nam cū  
ex omnibus hitoriis, *Græcis* & *Latinis*, velut  
confirmat *Hieronymus* ſuper ſeptimo & vn-  
decimo capite *Danielis*, exploratiſſimū & no-  
tiſſimum ſit, a *Cyro* uſque ad *Alexandrum* Ma-  
gnū quatuordecim fuiſſe reges *Perſarum*,  
eamque monarchiam ad triginta, & ducentos  
annos ſteriſſe: iſte *Metaſthenes Annianus* octo  
duntaxat reges numerat, nec plus vno, & nona-  
ginta, centumque annis imperium *Perſarum*  
duraſſe affirmat. Sed quo euidentius menda-  
cia, & figmenta iſtius *Metaſthenis* appareant,  
ponam hic velut ante oculos lectoris, nume-  
rum & nomina regum *Perſidis*, quemadmodū  
a *Metaſthene* traduntur. Facit ille auctores, &  
fundatores eius monarchiæ, *Cyrum*, & *Dariū*  
*Medum* fratres, qui conſtituta monarchia ſimul  
regnarunt duobus annis. Deinde *Cyrus*, mortuo  
*Dario* ſolus regnauit viginti duobus. Poſt *Cyrū*,  
*Prifcus*.



*Priscus Artaxerxes, filius Darii Medi, viginti annis. Huic successit eius filius Darius Longimanus, qui tenuit imperium triginta septem annis. Quarto loco post Cyrum regnavit Darius Nothus annos decem, & novem, Quinto loco regnavit Artaxerxes Darius Mnemon, annis quinquaginta quinque: Sexto loco Artaxerxes Oshus viginti sex: septimus rex fuit Arses quatuor annos potitus imperio: octavus, & postremus rex fuit, Darius, qui sex annis regnavit, & victus est ab Alexandro. In hoc catalogo regum Persidis, præter errores supra dictos, duo sunt alii, minime tollerandi: nam in eo prætermittuntur tres reges Persarum, Cambyles, Darius Hystaspis, & Xerxes terror Græciæ, propter magnitudinem, & diuturnitatem imperii, propter celebritatem rerum gestarum, denique propter multitudinem, & claritatem scriptorum, qui de illis prodiderunt, omnibus notissimi, testarissimi, & celebratissimi. Negare enim hos fuisse reges Persidis, simile est, ut si quis negaret, Iulium Cæsarem, Octavianum Augustum, & Tiberium fuisse Imperatores Romanorum: præsertim vero, cum de illis regibus scripserint viciniissimi eorum temporibus. Siquidem Herodotus scripsit non solum de Cambyse, & Dario Hystaspis, sed etiam de Xerxe, cuius tempore, ut lib. 3. refert Diodorus, claruit ipse. Præterea, Thucydides quoque, qui superavit Herodoto. Alter error est, successorē Cyri facere Priscum Artaxerxem Assuerum filium Darii Medi, cum nec ullus rex Persarū eius nominis memoretur ab ullo veterū,*

Duo errores regum Persidis alii monstrantur.



Et Darium Medum, qui Cyaxares nominatur a Xenophonte, constet apud omnes caruisse filio: Et ab omnibus historicis proditum sit, Cyro in regnū proxime non alium, nisi Cambysen ipsius filium, successisse.

Philoni An-  
niani Epito-  
me tempo-  
rū esse cō-  
mentitiū.

Restat Philo Annianus, cuius Breuiarium temporum esse commentitium, nec veri Philonis opus, satis argumenti est, neque Eusebiū in libro secundo historia Ecclesiastica, nec diuum Hieronymum in catalogo scriptorum Ecclesiasticorum, cum Philonis operum copiosissimū indicem describunt, verbum vllum de eo Breuiario facere. Iosephus item in libris Iudaicarū antiquitatum, atque in iis, quos scripsit aduersus Appionem. Eusebius quoque in Chronicis, in libris de preparatione Euangelica, Et in lib. 8. de demonstratione Euangelica, necnon, & Hieronymus in commentariis suis in Daniele, cum sæpissime ipsis oblata fuerit occasio nominandi eius libri, nunquam tamen de eo mentionē fecerunt. Nimirum incredibile est, predictos auctores, veterum librorum, maxime vero Philonis studiosissimos, Et curiosissimos indagatores, aut ignorasse hunc librum, aut cognitum, nullo scriptorum suorum loco fuisse nominaturos. Et vero, tale est illud Breuiarium temporum, vt existimari non debeat, scriptum esse ab homine aliquo, vel leuissime docto, & tantum literis tincto, nedum a Philone, quem in eloquentia, & doctrina tanti fecit antiquitas, vt eum comparare cum Platone, & quodammodo adæquare non dubitauerit. Sunt in eo Breuiario multi erro-



errores, & de regibus Persarum, plane iidem, quos supra in Metasthene confutauimus.

V. *An exacta veritatis censenda sit ea Chronologia, qua per tempora regum & principum describitur.*

Tertia Chronographia multis bonisq; scriptoribus probata, & sane probabilis, ea est, qua describit continuam seriem, atque ordinem omnium regum, cuiusque monarchie & regni, singulorumque regum annos, quibus illi tenuere imperium, recenset. Hanc ego rationem describendi tempora non reiicio, non contemno, non improbo, quin ea vtor non raro, cum mihi ex usu futura est. Eam tamē censeo, non omnino certam esse & tutam, & cui fidenter adhærendum sit: multas enim ob causas, ad errores proclius & lubrica est. Primum enim, ubi est multitudo & varietas, ibi saepe confusio & error contingit. Cum igitur in quauis monarchia multi fuerint reges, & multis quisque eorum annis regnauerit, perdifficile est, omnes annos omnium regū ita colligere, ut nihil desit, nihil ve redundet. Hoc autē eo difficilius est in hac nostra disputatione, quod tempus septuaginta hebdomadū, tres maximas monarchias, Persicam, Græcam & Romanam, & triginta circiter regum annos complectitur. Deinde notatio temporum, quæ fit per annos regum non raro occasionem errandi præbet. Nonnunquam enim scriptores, in enumerando reges, non omnes percensent: sed præteritis obscurioribus, nobiliores tantū atque illustriores commemorant. Interdum,



reges duntaxat legitimos describunt, qui legitima, vel successione, vel electione imperium tenuerunt, aliis, qui tyrannice in regnum inuaserunt, praetermissis. Vsu quoque venit, ut regum tantummodo tempora describantur, mutatis inter regnis, quae inter prioris regis mortem, & posterioris creationem, intercesserunt. Ad extremum primus & extremus cuiusque regis in imperio annus, si quidem ille completus non fuerit, a quibusdam memoratur, ab aliis reticetur. Harum autem rerum omnium varietas & differentia, mirandum in modum, Chronologiam variat, atque perturbat. Patet igitur, qui huiusmodi Chronographiam sequuntur, eos non omnino rectam certamque viam insistere. Atque haec fuit causa, cur Tertullianus, & Clemens Alexandrinus, atque alii minutiones istis & obscuriores auctores, in tractatione septuaginta hebdomadam, longe a vero aberrauerint.

*VI. An Chronologia quae per olympiadas ducitur reliquis praestet?*

Notatio Olympiadis redditur.

**Q**uartae & vltimae Chronologia, omnium laudatissima, certissima, atque optimis auctoribus usitatissima, ea est, quae Olympiadarum observatione, notationeque constat. Nomen autem Olympias, accepit a Ludis Olympicis, qui Ioui Olympio, maxima totius Graeciae celebritate, quinto quoque anno in Elide agebatur: spatium igitur quatuor annorum inter unum ludum Olympicum, & alterum proxime sequentes interiectum, Olympias a chronologis appellata est. Vsu Olympiadum inductione



duci cœpit in computationem temporum, vi- Quādo in-  
 ginti quatuor annis ante Romam conditam, & troductæ  
 octauo anno regni Achaz regis Iuda. Ratio au- sint.  
 tem Olympiadum propterea in Chronologiā  
 afficta est, quia cum spatiū illorum quatuor an-  
 norum breue esset atque inuariabile, & pro-  
 pter celebritatem ludorum Olympicorū, cū-  
 ctis fere gentibus notissimum, ideoque nul-  
 lius propemodum erroris capax, visum est fore  
 notari obseruatuq; facillimum, & ad temporū  
 descriptionem appositissimum. Quamobrem  
 diligentissimi quique scriptores tam Græci  
 quam Latini, limatissimam describere studen-  
 tes rationem temporū, hac maxime Chrono-  
 logia vsi sunt. Marcus quidem Varro, *ut est a-*  
*pud Censorinum in libro de Natali die Romano-*  
*rum*, tria totius æui distinxit tempora: vnum an- *Æuum in*  
 te diluuiū, *quod quantum fuerit, neminem mor-* *tria tempo-*  
*talium scire existimat*: alterum, post diluuium *ra distingui*  
 vsque ad primam Olympiadem, quod ipse *tur.*  
*μυδίων*, hoc est, fabulosum appellauit. Cum e- *I.*  
 nim scriptores, in digerendis & declarandis il- *II.*  
 lis temporibus nullam sequerentur certam ra-  
 tionem Chronologiæ, innumerabiles fabulas  
 miscendo, incertam, atque improbabilem red-  
 diderunt eorum temporum historiam. Tertiū *III.*  
 tempus Varro deducit a prima Olympiade, ad  
 suam vsque ætatem, quod vocat *ισορίων*, quasi  
*certum & verum*. Nam quia res eius temporis,  
 propter vsum Olympiadum, veris testatisq; li-  
 terarum monumentis consignabantur, pro-  
 pterea veram esse eius temporis historiam ex-



istimare conuenit. Iulius Africanus libro tertio  
*Annalium*, ut est apud Eusebium in *Chronicis*,  
 & in libro decimo de preparatione Euangelica,  
 capite ultimo, ita scripsit: usque ad Olympiades, ni-  
 hil exploratum in historia Græcorum inuenitur,  
 sed omnia sunt confusis scripta temporibus: post O-  
 lympiades autem, quoniam quadriennio diligen-  
 tissime omnia notabantur, nulla penitus confusio  
 temporum apparet. D. Augustinus libro secundo  
 de doctrina Christiana cap. 28. obseruationem  
 Olympiadum ad multas quæstiones sacras &  
 Ecclesiasticas explicandas conferre plurimum  
 censet. Nos igitur in hac disceptatione, quæ est  
 de septuaginta hebdomadis, huiusmodi Chro-  
 nologia, quæ fit per Olympiades, aut sola, aut  
 quam maxime utemur.

## CAP. VI.

*De mensibus Civilibus.*

Annus ci-  
 uilis Luna-  
 ris.

**S**uperest ciuilis annus Lunar, seu Mensis ciuilis,  
 qui est numerus dierum quidam, quem vnaquæq;  
 ciuitas suo obseruat instituto.

Hic est mensis vel Solaris vel Lunar.

Mensis so-  
 lar.   
 Lunar.

Mensis Solaris est, qui æqualiter tributus est: quib.  
 vsi sunt nationes orientales.

Mensis ciuilis Lunar, qui vel a coniunctione, vel  
 ab apparitione Lunæ prima numeratur.

Diuerfa mē-  
 sium nomina  
 & distribu-  
 tio.

Nomina & distributiones mēsium apud alios sunt  
 aliæ, tum apud Iudæos, Romanos & Syros, tum apud  
 Ægyptios, Persas & Germanos.

Iudæi nominabant menses aliter ante, aliter post  
 captiuitatem Babylonicam.

Ante exilium Babylonicum eodem modo menses  
 nominabant, quo & numerabant: Primus dicebatur  
 primus, secundus item secundus vsq; ad duodecimū.

Post hoc



Post captiuitatem Chaldaicorum mensium nominibus vsi sunt: quæ sunt, *Tisri, Marhesum, Kislem, Thebith, Sebeth, Adar, Nisan, Aiar, Siuan, Thamur, Ab, Elul*.

Nisan autem Iudæis fuit mensis primus.

Romanorum mensium nomina sunt nota: mensium vero singulorum dies his sunt notati versibus:

*Triginta Aprilis, Iunius, Septemq, Nouemq,*

*Vno plus reliqui, viginti Februus octo.*

(dus.

Partes mensis sunt Romanis *Calendæ, Nonæ & Idus*. Partes mē-

Calendas vocarunt diem, quo subducta hominum conspectui Luna latet apud Solem radiis eius tecta. Calendæ.

Nonas vocarunt diem, quo rursus noua conspici- Nonæ.

Idus vocarunt Plenilunium. Hinc versus,

*Sex Nonas Maius, October, Iulius & Mars;*

*Quatuor at reliqui. Dabit Idus quilibet octo.*

*Inde dies reliquos omnes dic esse Calendas.*

Idus.

Syri ita nominabāt menses; *Tisrin* prior dierum 31.

*Tisrin* posterior dierum 30. *Canan* prior dietū 31. *Canā*

posterior dierum 31. *Sabat* tribus annis 28 habet dies,

at quarto quouis anno intercalatur 29. *Adar* d. 31. *Nisan* d. 30. *Iiar* d. 31. *Haziran* 30. *Tamuz* 31. *Ab* 31. *Elul* 30.

*Egyptiorum* menses sunt dierum 30 nomina sunt

*Thor*, (primus) *Paophi*, *Atthyr*, *Chiac*, *Tybi*, *Mechir*, *Pha-*

*menoth*, *Pharmuthi*, *Pachon*, *Payni*, *Epiphi*, & *Mesiri*,

cui adiciuntur quinque dies, quos *Appendices* vocāt.

*Persæ* nominant menses suos, *Afrardinmeh*, *Ardi-*

*baschimeh*, *Cardimeh*, *Thirmeh*, *Merdetmeh*, *Schada-*

*irmeh*, *Meharmeh*, *Abenmeh*, *Adarmeh*, *Dimeh*, *Be-*

*benmeh*, & *Affirermeh*.

*Germanicis* mensibus *Carolum* magnum attribuisse nomina plerique putant: eorumq, sunt verna-

les, tres æstiuales, tres autumnales, tres itē hyemales.

### Quæstio I.

*Qui menses Hebræi, & quomodo nostris respondeant.*

**Q** Vis sit primus mensium Hebræorum, &

unde his annus incipiat, docetur in Exodo

GG



his verbis: *Mensis iste erit vobis principium mensis, primus erit in mensibus anni.* Mensis autem qui eo loco primus instituitur, is est quo ex Ægypto sunt educti, & quo celebratur festum Paschæ, sicuti eodem capite docetur. Qui postea cap. 13. dicitur mensis *nouarum frugum*, in latina conuersione, his verbis: *Hodie egredimini, mense nouarum frugum*, quod quidem pluribus verbis sic dicitur in Deuter. *Obserua mensem nouarum frugum, & verni primum temporis, ut facias Phase Domino Deo tuo: quoniam isto mense eduxit te Dominus Deus tuus de Ægypto nocte:* a septuaginta vero interpretibus vocatur μήν τῶν νέων, id est, *mensis nouorum*, scilicet *frugum*. Et uero: Hebraice autem nominatur *hodes haaiḇ*, id est, *mensis spicæ*, siue *spicarum*, hoc est, *is mensis*, quo e culmis & vaginis prodierunt spicæ: quod quidem tempus incidit in æquinoctium veris, quo in Ægypto & Syria maturæ iam incipiunt esse segetes, ut intelligi potest ex Levitico, ubi de festis agitur, & iubetur, ut postero a Pascha die, qui est decimus sextus Martii mensis, offeratur manipulus nouarum frugum, ex quo die, quo falx mitti in segetem incipiebat, quia tum manipulus nouarum frugum demetebatur, numerandæ erant septem hebdomades ad festum Pentecostes, quod appellatur in scriptura sacra festum hebdomadam. Quemadmodum id aperte potest colligi ex Deuter. ubi hæc dicuntur: *Septem hebdomades numerabis tibi ab ea die, qua falcem in segetem miseris & celebrabis diem festum hebdomadarum Domino*

Deo



Deo tuo. Primitiuorum quoque, id est, primitia-  
um, vocatur idem festum in Numer. vbi itud  
icitur: *Dies etiam primitiuorum quando offere-*  
*is novas fruges Domino, expletis hebdomadibus,*  
*venerabilis & sancta erit.* Ita autem dicitur Pen-  
tecostes festum, quod eo die panes e nouis fru-  
ibus offerebantur Deo, pro gratiarum actio-  
ne, cum esset confecta messis. Testis est etiam  
Iulius peragi mensem in Ægypto, cui vicina  
est Syria, mense Maio, cuius mensis sexto die  
celebratur Pentecostes festiuitas.

Hebræorum autem primo mense respondet  
Latinorum veterum primus mensis *Martius*,  
ut ex Ouidio prius docuimus. Et ut primus He-  
bræorum mensis in æquinoctium vernum in-  
cidit, ita & Latinorum *Martius*: nam hac quoque  
tempestate, vernū æquinoctiū incidit in Mar-  
tii diem decimum. Itaque non tantum ordinis  
& numerica causa, sed & temporis, primum He-  
braicum mensem cum Martio, Latino mense  
componimus, etsi, ut res quidem nunc sunt, per  
omnia quadrare non potest *Martius* mense He-  
braico primo, quod Hebræorum menses lu-  
nares sunt: ut menses Latinorum, quibus post  
publicatos a Iulio Cæsare fastos vsi sunt, natura-  
libus nequaquam conueniunt. Sed ut sunt na-  
turales menses Hebræorum & lunares, quales  
fuerunt veterum Latinorum menses, pares cū  
eorum conferre & iungere conuenit, qui ciui-  
um libus per mensem intercalarem erunt adaptā-  
di. Ceterum ut mēsis primus dicitur in scriptu-  
ra *Abib* cognomine, sic mensis secundus appel-



latur *Hodes Zif.* pro quo Latinus dixit mensē *Zio*, quod putarit eo loco, *vaf* esse quiescens in *holem*, non autem consonum. Vocem autem illam initio capitis prætermiserunt Septuaginta nec reddiderunt. Sub finem autem capitis, ubi vox eadem repetitur, dixerunt *ev mwi zis*, in mēse *Zio*. Quam Chaldæus paraphrastes, habitudo verbi ratione, dixit *Zifnis ianaia*, id est, *mensis apertionis*, siue *splendoris florum*, id est, mensē quo floribus constat, & maxima est sua venustas. Est & epithetum additum septimo mēsi *Ethanim*, id est, *fortium*. Quam vocem reliqui Latini interpretes. Ita enim inquit: Conuenit quod ad regem Salomonem vniuersus Israel in mēse *Ethanim*, in solemni die, ipse est mēsis septimus. Septuaginta vero dixerunt *mlwa adavē*, mensē *Athanim*. At Chaldæus paraphrastes mensē *fortium* reddidit. Mēsi etiam octauo sua est addita 3. Reg. appellatio: dicitur enī *Bul*: a quo, ut nonnulli sentiunt, dicitur *mabbul*, id est, *diluvium*, quod eo mēse fuerit diluvium sub Noe initium, & quod sub hyemem incipiāt tum aquarum inundationes, id est, incrementa. Is autem mēsis est quem *mar, hes, van*, vocant alio nomine. Latini autem plerique codices eo loco pro *Bul*, habent *Elull*, quod nomen ad Augustum mensem pertinet. Eum vero errorem Lyranus commentario in eum locum tertii regum, agnoscit, & emendat. Septuaginta autem idem cum Hebræo nomen habent *ev mwi βελ*, in mēse *Bul*. At Chaldæus pro suo more loca difficiliora explicans dixit *Beiarab* *mesaple*



*vesaph Ibebaia*, in mense collectionis frugum, d est, mense quo frugibus in horrea conuectis, omnia ad suum veluti senium deduxit hyems. His mensibus adduntur epitheta, in sacra scriptura. Reperiuntur tamen in Daniele, Esdra & Esther, certorum mensium nomina, quæ aiunt esse vel Persica, vel Chaldaea, quod horum tantum in iis scriptis exstet mentio, quæ post captivitatem Babylonicam sunt edita. Quo tempore, quia populus Dei vocibus assueuerat Persicis, & Chaldaeis, hæc usu iam trita recepta sunt vocabula: quibus, quia vulgo utimur in mensibus appellandis, & designandis suis propriis nominibus, eaque partim in sacris oraculis exstant, partim in versione Chaldaica, suus ordo reddendus est.

*II. Quæ ratione 12. lunares anni Menses dicantur esse, cum S. Scriptura utatur anno solari, & mensibus Lunaribus.*

**M**irum videri potest, qui fiat, ut cum anno solari utatur scriptura, & mensibus lunaribus: memorentur tamē in sacris scriptis duodecim tantum anni menses, cum Luna alternis mensibus triginta numeros impleat, alternis detrahat singulos, sic ut binis mensibus numerentur tantum quinquaginta nouem dies. Eoque fiat ut duodecim menstrua Lunæ spatia cursum solis explere nequeant, quemadmodū id quoque prius in mensibus attigimus. Annus enim lunaris, hoc est, duodecim lunares menses dies reddunt 354. quomodo Arabes hoc



quoque tempore annum suum ordinant, & solaris annus diebus constat 365. & horis prope sex, quemadmodum prius ex Albategnii declaratum fuit, quo fit ut dies undecim cursum quadrante prope diei addendi sint, anno lunari ut exæquetur anno solari: unde annum quatuordecimque plurius mensium quā duodecim fuisse se, licet colligere. Ex multis nihilominus Scripturæ sacrae locis apparet in anno Israelitico siue Hebraico menses fuisse tantum duodecim. Sed ex duobus id maxime liquere potest, quorum unus habetur 3. Reg. 4. 7. ubi hæc dicuntur: *Habebat autem Solomon duodecim præfecti super omnem Israel, qui præbebant annonam regi & domui eius. Per singulos enim menses in annis singuli necessaria ministrabant.* Deinceps nominati recensentur præfecti illi duodecim cum suis præfecturis. Alter locus est 1. Paralip. 27 ubi copiarum Davidis duces & præfecti numerantur duodecim, quorum singuli per singulos annos menses regi præsto aderant cum suis copiis singulis annis vertentibus. Ducum autem singuli præerant viginti quatuor millibus militum, qui singulis annis mensibus per vices alii aliis succedebant. Mense etiam duodecim mentio fit in Daniele in hæc verba: *Post finem mensium duodecim in aula Baby'onis deambulabat.* Item in Ester, *Mense* inquit, primo, cuius vocabulum est Nisan anno duodecimo regni Assueri, missa est sors in urnam qua Persice dicitur Phur, coram Aman, quo die & quo mense gens Iudeorum deberet interfici, & exiit mensis duodecimus, qui vocatur Adar.

El



Ex quo sub anni finem ante mensē Nisan intercalares dies adiectos fuisse vltimo mensi in anno Hebraico possumus colligere. Primus enim anni ciuilis siue Ecclesiastici mensis, qui est Nisan, statam semper & certam sedem habuit propter festum Paschæ, & maturescentes eo mense nouas fruges. Deinde ceteri ab eo menses eandem rationem tenuerunt noua luna mensē quemque incoante. Anni autem naturalis initium semper fuit in Tisri, vel septimo mense a Nisan, vt certa esset ratio anni Iubilæi, & anni septimi, qui dicitur remissionis. Itaque posset existimare quispiam Hebræos intercalandi ea ratione vsos, quam obseruant Ægyptii, vt quotannis eos dies, qui de cursu solis superessent, ad æquandum illi Lunæ motum vltimo mensi adicerent, quo Nisan semper esset primus mensis & Adar duodecimus. Quam rationem obseruasse Ægyptios Herodotus est testis, vt antea monuimus. Ab Hebræis autem temporū rationem mutuassee & sumsissee Ægyptios certum est, a quibus postea & temporum, & motuum cœlestium rationem ad Græcos manasse ex historiis intelligimus. Græci nihilominus, quia menses lunares obseruabant, quos negligebant Ægyptii, quibus omnes menses erant triginta dierum, intercalario mense sunt vti, vt ex Trieteribus intelligi potuit, quos hodie sequuntur ætatis huius Hebræi, qua ratione vetus illa Ecclesia Israelitica videtur etiam vsa. Docet autem in Hebraico Calendario Munsterus, Februarium alterum subiici Februario



ultimo anni mensi ab Hebræis, cum intercalant: eumq; mensem ab iis nominari, *Veadar* quasi dicas & Februarium siue alterum Februarium, ut secundi aut tertii cuiusque anni menses sint tredecim, sicut olim apud Græcos & Latinos fuisse apparet: qui extremo suo anno intercalariis mensibus utuntur de more gentis Hebræicæ, a qua bona sua omnia ceteræ gentes deriuata habuerunt.

III. *Cum a Mose dicitur factum esse diluuium mense secundo, cuius anni fuerit mensis ille secundus.*

Quādo diluuium factum sit.

**M**oses dicit diluuium factum esse decimo septimo die mensis secundi, Gen. 7. Quæritur hic, *cuius anni mensis ille fuerit secundus. An fuerit secundus mensis anni sexcentissimi vite Noe, quem proxime ante nominauit Moses: an vero fuerit secundus mensis anni communis, & vulgati, qui tunc agebatur?* Duplex est Doctorum sententia. Plerique omnes putant, *mensem illum secundum fuisse anni, qui tunc agebatur.* Anni vero, tunc temporis, computabantur ab exordio mundi. Ab initio autem mundi usque ad diluuium recensentur anni 1656. Ergo mensis ille, quo cœptum est diluuium, erat secundus mensis anni ab orbe condito 1656.

Verum ut de hoc inter illos conuenit, ita de qualitate huius mensis variant illi sententias: quibusdam affirmantibus, *illum mensem fuisse verni temporis, respondentem nostro Maio:* aliis vero contendentibus, *incidisse eum mensem in tempus autumnale, atque concurrisse cum nostro Nouem-*



*Novembri: idque argumentantibus ex eo, quod I. Opinio.*  
 licet diluvium Noeticū sine supernaturali omni-  
 potentia Dei fieri non potuerit, non esse tamen ne-  
 gandum, multas res naturales ad efficiendum ali-  
 qua ex parte diluvium, a Deo esse adhibitas: qua-  
 lis fuit ruptio omnium fontium abyssi magna, re-  
 seratio cataractarum cœli, & continuatio pluviæ  
 per quadraginta dies. Similiter igitur par est cre-  
 dere, Deum opportunissimū delegisse tempus an-  
 ni efficiendo diluvio, eidemque finiendo. Tempus  
 autem idoneum inundationibus est hyemale, non  
 autem æstivum: sicut contra, siccanda terra &  
 prohibendis pluviis, æstivum opportunius est quā  
 hyemale. Ergo consentaneum est, diluvium in-  
 cepisse ineunte hyeme: id est, circa Novembrem,  
 durasse autem per totam hyemem: denique æstivo  
 tempore siccata esse terram finitumque diluviū.  
 At vero si diluvium incepisset mense Maio, au-  
 ctum fuisset & roboratum æstivo tempore, finitum  
 autem media propemodum hyeme: Omnia vero  
 hæc alienissima, maximeque contraria anni tem-  
 pestate essent facta. Et hæc quidem est sententia  
 fere Hebræorum, cui subscribunt Lyranus,  
 Tostatus & Oleaster, hoc loco. Altera est sen- II. Opinio.  
 tentia prope omnium scriptorum Ecclesiasti-  
 corum, mundum esse conditum verno tempore &  
 circa mensem Martium: secundum autem men-  
 sem quo factum est diluvium, incidisse aliqua ex  
 parte in nostrum Maium. Confirmat autem Ru-  
 pertus, mensem illum secundum fuisse verni tem-  
 poris, argumento columba, quæ reversa ad arcam,  
 tulit ramusculum oleæ virentibus frondibus. Sic



Deus cur  
verno tem-  
pore potius  
quam alio  
fieri dilu-  
uium vo-  
luerit?  
I. Ratio.

enim scribit Rupertus: & ne illud scrupulum  
moneat, quod secundum natiuitatem Noe possint  
hic annorum vel mensium principia, vel fines cō-  
putari; reuocetur ad memoriam, quod ante exa-  
ctum annum diluuii mense plus minus integro,  
columba quam emisit Noe, reuersa est portans ra-  
mum oliuae virentibus foliis in ore suo. Itaque quo-  
cunque anni tēpore natiuitas Noe exstiterit, ver-  
no tempore hunc annum impletam fuisse, illud  
quoque indicio est. Sic Rupertus: Cur autem  
voluerit Deus verno tempore potius, quam a-  
lio anni tempore fieri diluuium, duas causas  
eodem loci affert Rupertus. Et altera quidem  
caussa fuit, quo nequissimi homines illi acriori cū  
doloris sensu in diluuiio perirent, scilicet acerbissi-  
me dolentes se per id tempus ex mundo, & vita tā  
diro mortis supplicio exirudi, quo tempore mun-  
dus ipse pulcerrimus & amœnissimus ac incundis-  
simus est, hominesque inuitans & illiciens ad de-  
licias & voluptates perfruendas, quarū voluptatū  
maxima est id tēporis copia & varietas. Secundum  
mensē, inquit Ambrosius, verni temporis fuisse  
non ambigitur, quando augentur nascentia, ager  
parturit, terrarum pariter atque animantium  
fœtura se fundit. Tunc ergo fecit diluuium, quan-  
do dolor eorum maior foret, qui in sua abundantia  
puniebantur: tunc ultio terribilior tanquam di-  
sentis Dei: Ecce omnia secundum liberalitatis  
diuina prouidentia gratiam diues natura genera-  
uit, omnia in usum hominum germinauit terra  
fœcundior, segetes spectantur, tritico & hordeo  
campi replentur, came arborum venturi fructus  
flori-



floribus vestiuntur: non deest terra obsequiis suis, non bestia desunt muneribus suis, quæ solemnes solvuntur in partus, ut homini nihil desit: homo solus partibus suis deest, nescit auctorem suum, a quo ei omnia ministrantur, negligit conditorem. Pereant igitur cum homine omnia, propter quem nata sunt omnia. In suis divitiis consumatur homo, cum sua dote moriatur. Sic Ambrosius.

Altera causa, cur verno tempore factum sit II. Ratio, diluvium, eam putat fuisse Rupertus, quo apertius cognosceretur, & sine ulla dubitatione crederetur diluvium illud Noeticum non ex solis naturalibus causis, sed maxime per supernaturalem Dei omnipotentiam esse factum: huius rei illud clarissimum erat futurum iudicium, æstivo tempore diluvium esse factum, hyemali autem tempore esse sublatum: viroque scilicet tempore tam creando, quam abolendo diluvio maxime aduerso. Quantum autem ad præsentem questionem attinet, equidem supradictam interpretationem & sententiam tam multis & magnis auctoribus probatam, damnare nec ausim, nec velim. Non dissimulabo tamen, mihi quidem videri probabilem admodum Caietani interpretationem, qui mensem secundum appellatum esse censet, respectu anni sexcentissimi vitæ Noe, ut significetur diluvium incepisse anno sexcentesimo vitæ Noe, mense secundo eius anni: id est, mense secundo post exactum annum sexcentimum Noe, initium diluvii esse factum. Perplacet mihi hæc interpretatio, quod secundum eam plana est, &

Caietani  
interpre-  
tatio.



facilis nullisque implicata difficultatibus verborum Moſis conſtructio. Nam ſi menſem ſecundum diſiungas a ſexcenteſimo anno vitæ Noe, & ad alium annum, ſcilicet mundi, contēdas referri oportere: negare non potes, Moſen obſcure locutum eſſe, ne dicam, ambigūe, alio annos, & alio menſes referētem, ne verbo quidem eius rei varietate indicata: præſertim cum id ſit cōtra morem & uſum computandi. Cum enim dicimus aliquid eſſe factum anno tercio, & menſe ſecundo alicuius Principis, ſemper ad idem refertur annus & menſis, id eſt, vel ad vitam, vel ad principatum illius Principis. Ut autem annus referatur ad vitam aut principatum, menſis vero ad annum communem tunc currentem, nouum, inſolitum, & inauditū eſt. Nec mirandum cuiquam accidat, computari tempora ab ipſo Noe: cum ille noui ſeculi & renaſcentis mundi pater fuerit.

*IIII. Menſis ille ſeptimus, quo Moſes dicit arcam requieuiſſe ſuper montes Armenia, unde ſit computandus?*

**L**atina translatio & Græca ſeptuaginta Interpretum habet, hoc loco *Arcam requieuiſſe vigefimo ſeptimo die menſis ſeptimi*: Scriptura vero Hebraica & Paraphraſis Chaldaica habent, *eam requieuiſſe die decimo ſeptimo eiſdem menſis*. Sed quæritur tamen, *utrum dicatur mēſis ille ſeptimus ab initio anni ſexcenteſimi, an ab initio diluuii, & ex quo Noe ingreſſus eſt in arcā*.  
 I. Sentētia. Duæ ſunt ſententiæ auctorum: vna eſt eorum, qui illos centum quinquaginta dies, quibus aqua obtinuerunt



obtinuerunt terram, & post quos aqua diluuii cœperunt imminui, ut supra dixit Moyses, auspiciantur post quadraginta illos dies pluuia, ita ut ab initio diluuii, usque ad id temporis quo cœperunt aqua diminui, numerent centum nonaginta dies: huius sententia supra libro duodecimo diximus esse Iosephum, B. Chrysostomum, Tostatum & Caietanum. Secundum hos igitur non potest intelligi, mensem quo requieuit arca, fuisse septimum ab initio anni sexcentesimali: Nam (ut eisdem visum est) cum ab initio diluuii, usque ad initium diminutionis aquarum, transierint centum nonaginta dies; & ita ab initio anni transierat quadraginta sex dies usque ad principium diluuii, siquidem die decimo septimo mensis secundi incepit diluuium: ergo ab initio anni usque ad principium diminutionis aquarum, transiissent ducenti triginta sex dies, hoc est, fere octo menses. Si igitur arca requieuiisset super montes vigesima septima die mensis septimi ab initio anni, sequeretur arcam triginta diebus requisuisse super montes, priusquam aqua cœpissent diminui: quod est per se absurdum & narrationi Moysis manifeste contrarium. Necesse igitur est, istos auctores septimum mensem, quo requieuit arca, computare non ab initio anni sexcentesimali, sed ab initio diluuii. Altera II. Sententia est eorum auctorum, qui illos centum quinquaginta dies numerant ab initio diluuii. Hanc autem sententiam tribuimus supra historiae Scholasticae & Lyrano. Isti septimum mensem quietis arcae numerant ab initio anni, non autem diluuii. Et huic sententiae consequens est, inter eam



diem quo cœperūt imminuē aqua diluuii. Et eum diem quo resedit arca, interfuxisse octo dies, quib. dieb. eatenus imminuta sunt aqua, quæ altissimos montes quindecim cubitis supergressæ fuerant, ut Arca basi vel fundo suo verticem unius montium Armenia contingens super eum resederit. Huius autem computationis ratio facile iniri, & subduci ad hunc modum pōt. Ab initio anni sexcentesimo usque ad initium diluuii, quod factū est decimo septimo die mensis secundi, præterierunt quadraginta sex dies: Et hos consecuti sunt centum quinquaginta dies quibus durauit incrementum diluuii. Ex utroque autem hoc numero existit summa centum nonaginta sex dierum. Restant igitur octo dies usque ad quatuor Et ducentos, qui quidem efficiunt sex menses Lunares, Et insuper viginti septem dies, quo die vigesimo septimo mensis septimi dicitur requieuisse arca. Hæc opinio eo fit probabilis, quod eodem modo secundum eam computantur omnes menses, qui in hac narratione numerantur a Mose, scilicet, ab initio anni: at secundum priorem necesse est eos varie computari: quosdam quidem a principio anni, alios vero a principio diluuii. At satis est: progrediamur ad alia.

## CAP. VII.

## De Astromanteia certa.

**H**Atenus Chronologia Physica de temporū mensura ex astrorum motu instituta: reliquum est vt de Astromantia differamus.

Astromanteia.

Est aut Astromantia alias *αστρομαντικὴ δι' ἀστρολογίας*, & Astrologia diuinatrix, pars Astropraxias, explicans ratio-



rationem, quatenus astra a Deo condita & posita sunt in signa rerum futurarum.

Adeoque hæc pars tradit de rebus futuris ex astris eorumque motu præcognoscendis & prædicendis.

Est vero vel Certa vel Incerta.

Certa seu apodictica est, quæ rem vnam atque eandem sua natura perpetuo necessarioque citra aliquam ambiguitatē demonstrat, nec fortuitis nititur observationibus, sed ratione logica necessariaq; & demonstratione nitente consequentiæ, ex veris causis, aut effectibus certo cognitis colligitur.

Hæc prognosi Mathematici sine errore Eclipses futuras prædicunt.

Disquisitio Patriciana noua Quæstionis: *An omnino aliquid, quid & quomodo agant stella?*

Certa seu  
apodictica

**Q**uæstio est nobis proposita, *An stella aliquid agant?* ait Patricius. Actio autem hæc vel inter eas versatur, vel per totum extenditur cælum, vel per partes eius omnes, & singulas vagatur, & proximas & longinquas, & procul maxime positas: Vel etiam in superum mundū empyreum porrigitur, vel in inferiorem hylæū descendit, & per aerem peruadit vniuersum, & aquam, & terram occupat vniuersas, tum horum partes. Nec non etiam, an quid in metalla, in tot generum lapides, in plantas, in Zoophyta, in tot animalium species, non minus, quam an in homines tantum agerent, considerare si non Astrologi, qui pecuniarum suam artem fecerunt aucupium, Philosophi saltem debuerunt, quibus veritatis vestigandæ proprium est munus, & rerum causas inquirendi. Nos igitur ita dicamus. *Astra confessione tum Astrologorum*



**Astra sunt  
corpora.**

**Non sunt  
condita  
frustra.**

**Stellæ sunt  
ignes.**

*tum Philosophorum omnium, corpora sunt. Cor-*  
pora autem omnia sunt substantiæ. Substantiæ  
autem omnes vires habent suas. Vires in actio-  
nes sibi proprias exeunt. Syderum substantiam  
iam antea sumus contemplati. Vires modo eo-  
rum, & actiones sunt cognoscendæ. Astra a Deo  
sunt creata. Deus nihil frustra facit. Igitur astra,  
corpora tam insignia, tam ingentia, tanto nu-  
mero, quis dixerit eum fecisse frustra? Neque  
igitur vires eis indidit frustra, neque ex iis viri-  
bus frustra exeunt actiones. Et quamuis Plato-  
nem, & Aristotelem, tam magnos rerum inda-  
gatores, & his vetustiores multos, & horum  
posteriores lōge plures philosophos, videamus  
hac de re ne verbum fecisse, rei ut nos putamus  
difficultate, ac forte etiam impossibilitate de-  
territos, attamen quantum potuissent in eam  
incumbere, & penetrare debuissent. Quod i-  
psi cum non fecerint, nos aliquid attentemus,  
& ex demonstratis, quantum eruere possimus,  
periclitemur. Igitur demonstratum antea est,  
*stellas esse ignes, lucēs scilicet, & flāmas in fluore,*  
*& ex fluore singulas compactas, & a lumine, & ca-*  
*lore primævis id ipsum quod sunt esse.* Diximus  
quoque ab Ideis rerum formas per essentias, per  
vitas per mentes per animum fontanum in spatiū  
*esse fusas, quæ rerum generandarum essent semina.*  
Quas spatium, & recipere primo, & in se con-  
tinere postea deberet, & continendo in se ser-  
uare. Quoniam vero spatium monstrauimus  
immutum stare, lumen autem per ipsum totū  
fundi: Fundi autem sine motu requiret; neces-  
se fuit



e fuit lumini ea semina inhærere, quorum ve-  
 ator ipsum esset, & quasi seipso vehiculo vsum,  
 quaqua verum diffunderetur, ea semina defe-  
 ret: Per spatium primo vniuersum, qua ipsum  
 underetur. Per calorem postea sibi comuem,  
 perque fluorem, ex quo, seminum illorum vi,  
 corpora omnia, formæque corporum omnes,  
 efficerentur. Itaque primum corpus, qui mun-  
 dus fuit empyreus, spatio, lumine, calore, & flu-  
 ore conformatum, constans, seminum eorum  
 omnium plenus fuit. Vel enim plenum iis fuis-  
 se, vel vacuum est necesse. Si vacuum dicamus,  
 perfectissimum mundum, imperfectissimum  
 esse concedemus. Quis enim nescit, vacuum  
 nihili esse fratrem? Neque esse interentia nu-  
 merandum: imperfectionemque ipsissimam,  
 maximamque omnium esse. Longe ergo satius  
 esse fateri, plenum seminibus fuisse. At plenum  
 ne totum? vel partibus, aut parte plenum, aliis  
 vacuum? Si aliquibus vacuum, eadem redit  
 imperfectionis parte vacui ratio. Et erit empy-  
 reus perfectus, partim imperfectus. Et ad hæc  
 ratio est excogitanda, cur parte aliqua, semina  
 spargi non potuerint? Vel satoris impotentia,  
 vel negligentia, vel inscitia, vel inuidia. Atque  
 ita profligata iam toties illæ absurditates iterum  
 redibunt. Vel in empyreo impedimentum ali-  
 quod interfuerit, cuius obiectu, & viribus se-  
 mina spargi per totum non potuerint. At aliud  
 in eo tale, nihil adhuc fuit, lumen enim, & ca-  
 lor, & fluor cedit omnibus; vti est demonstra-  
 tum. Nulla ergo obfuit causa, cur semina totum

Vacuū ni-  
 hili frater  
 est, nec in-  
 ter entia est  
 numeran-  
 dum.

HH



Semina in  
empyreo  
non sunt  
frustranea.

non implerent empyreum. Sed ea semina, frustra ne ei conditor indidit? At hic nihil frustra facit. Non sunt ergo ea semina in empyreo frustranea. Si non frustranea, neque otiosa. Si non otiosa, in motu erunt. Si in motu, etiam in vita. Si in vita, etiam in viribus. Si in viribus, etiam in actionibus. Si in actionibus, fœcunda erunt quoque. Si fœcunda, etiam parturient. Si parturient, etiam producant, ac germinant. At quid producant? Empyreos nimirum partus, empyrea animalia, Zoophyta, plantas, lapides, metalla, reliquorum entium genera empyreo convenientia, empyreo propria. Non enim aut ætherea, aut terrea. Non enim hæc, illius sunt loci, sed loci huius. Sed illa humanus sensus non attingit, non conspicit. Conspicit tamen ea, & attingit humana ratio, & quidem uti deduximus ex demonstratis, plusquam probabilis, ferre necessaria. Sed si æther, si cœlum empyrei pars est, atque hic, eius fuit effector, ea semina, eosque effectus illum, a suis tamen remissiores effudit. Omnis enim effectus sua causa est remissior. Si vero cœlum empyrei pars non est, neque est ab empyreo effectus, nihilominus tamen idearum vis eadem per essentias, per vias, per mentes, per animum fontaneum pertransiens, & spatio, & lumini sese infundens, & in calorem, & in fluorem effundens, & in empyreum etiam sese, uti diximus, effundit, & per ipsum sese diffundit in mundum cœlestem, siue ethereos tres illos Chaldaicos, quos unum æthera, unumque cœlum constituere ostendimus.



mus. Et quot sunt in archetypo ideæ, & vnitates, tot inde sunt & essentielles, & vitales, & mentales, & animales, seu vires, seu dixerimus rationes, seu rerum semina, quæ mundum omnem corporeū implerunt, vt spiritus ex eis, vt naturæ, vt qualitates, vt formæ, vt corpora efformarentur, & constituerentur, & conseruarentur. Semina ergo hæc in cælum descenderunt. Id vero, vel per totum, vt seminibus sit plenum, vel per partes, aliæ plenæ, aliæ vero ipsis sint vacuæ. At vacuas dicere, nihilum in eis habitare est dicere. Inter entia autem nihilum non admittitur. Et præterea, quo priuilegio, pars alia eis sit plena, alia sit vacua? Aut quo conditoris defectu, aut ætheris obstaculo, non in omnes cæli partes ea semina sunt disseminata? Ne igitur toties reiecta illa impossibilia redeant, & ne nobis, rebusque ipsis negotium faceffant frustraneum, nō est admittendum, partem in cælo vllam esse rerum seminibus, atque rationibus vacuam. Si vero cælum totum plenum eis sit, omnes quoque eius partes eis erunt plenæ. Si partes omnes, etiam astra, cæli eiusdem partes, eis seminibus erunt plena. At singulane singulis? An singula omnibus? An omnia omnibus? An vero, semina omnia incorporea sunt corpora? Neque enim aliter in lumine, in calore, in fluore corporibus incorporis, videntur posse consistere. Dicendum ergo, eodem modo, ea quo in empyreo, etiam in æthere, ac cælo consistere. Si in cælo, etiam in stellis. Et quia corpora incorporea sunt, vno gradu ab incorporis decidūt: sicut

Nulla pars  
in cælo se-  
minibus at-  
que ratio-  
nibus va-  
cua.



In stellis sin-  
gulis singu-  
la semina.

Stellæ agūt.

Quid agāt?

Stellarū a-  
ctiones no-  
ta.

hæc vno itidem gradu ab incorporis penitus i-  
deis, essentialibus, vitalibus, mentalibusq; se-  
minibus infra cadunt. Si ita rerum ordo cōstat,  
ratio dicat, in stellis singulis, singula esse semi-  
na: sicuti in ideis, in essentiis, in vitis, in menti-  
bus omnia erant in omnibus: in animo verocray  
fontano, in corpore corporeo, sunt in singulis  
omnia, in lumine, in calore, in fluore, in empy-  
reo, corporib. incorporis, singula in omnibus  
ita in stellis singulis semina erunt singula, ita v-  
in omnib. stellis, semina sint omnia. Distributio  
enim hæc quadripartita, & necessaria in se est  
& sapientiæ conditoris, & conditarum rerum  
generib. est conueniens. Per stellas ergo, per quos  
coeli intermedias stellis partes, singularia sunt  
parva semina, vniue stellæ vnius modi semina  
dicata. At vnum ne semen vni stellæ, an plura  
Et vnum & plura. Vnum essentia, specieue. Vi  
ribus plura, pluraque actionibus, quatenus in  
speciei eiusdem indiuiduos secantur effectus  
qui ab eis pronascuntur. Non enim stellæ otiosæ  
sunt substantiæ, neque otiosas habent vires  
aut otiosas actiones. Agunt igitur. Quid verocray  
agunt? Actiones, quæ singulis illis competunt  
quæq; propriæ sunt cuique: notas partim, partim  
nobis ignotas. Notæ quidem sunt, *ardere in se*  
*se, calere, lucere, lumen effundere, calefacere.* Sed  
verum sit, solem & hominem, hominem gene-  
rare, cur non verum fuerit, solem & bouem  
solem & equum, solem & quercum, solem &  
platanum, generare bouem, equum, quercum  
platanum? Id si verum est, cur non verum fue-  
rit,

rit,



it, specierum aliarum omnium indiuidua solē  
generare? Esto sane eadem inductione id veris-  
simum. Sed si id sol facit, cur non faciat Satur-  
nus, cur non faciat Iupiter, sole paulo minores?  
Cur non idem faciant, Mars, Venus & Mercu-  
rius, etiam si sole sint minores? Eiusdem omnes  
sunt substantiæ, ætherei scilicet anthraces ac-  
censi, flammæque lucesque æthereæ? Si enim  
ab vna eadem natura effectus vnus prouenit,  
sicuti ab homine homo, ab equo equus. Cur  
non idem in coelestibus, æthereisque fuerit? Sed  
illa prius. Stellæ, semina quæ habent singulæ,  
vel in se ipsas iaciunt, vel in focias mutuo, vel  
enim ea iaciunt, vel non iaciunt. Iacere hoc,  
fœcundare intelligimus. Si non fœcundant, o-  
tiosa & semina sunt, otiosæ & stellæ, & frustra  
a conditore conditæ sunt. At id dicere est ne-  
farium. Fœcundât igitur. Id vero, vel in se ipsis,  
vel extra se? & in se & extra se. In se quidem, vt  
modo quo illis conuenit, fœcundentur: & pro-  
ficient. At sensus noster id non cognoscit. Co-  
gnoscit tamen ratio. Dictat enim, *Deum stellæ* Stellæ fœcū-  
dât & pro-  
lificant.  
*non frustra fecisse*. Frustra autem essent, si ope-  
rarentur nihil. Semina ergo quæque sua in se  
fœcundant primo.

Atq; ita Pythagoreis assentiendū illis, qui *sin-* Pythagore-  
orū opinio  
de Stellis.  
*gulas stellæ singulos esse mūdōs* affirmarunt. Qui  
suos aeres, suas aquas, suas terras continerent,  
& animalia in eis habitarent puriora, nostrisq;  
diuiniora. Idque longe est probabilius, quam  
putare, aut asserere, tot, & tanta & tam pulchra  
corpora, vel frustra esse a conditore fabrefacta.



Stellæ agūt  
lumine, ca-  
lore & semi-  
nibus.

aut quasi frustra. Aut si hoc nulla admittit philosophia, necesse est illud admittere, aut aliquod simile, ut scilicet, & ipsa sidera, mundi sint coelestes, spiritu, animo, menteque propriis viuentibus, & viuentes mundi totius vita communi, et communi, tum mente, tum animo, tum spiritu. Extra vero se agant procul, quam procul lumina sua iacere possunt: & cum luminibus etiam seminum vires, quibus sese mutuo foueant, & sibi mutuo faueant, & inter se inuicem conspirent, & sibi inuicem, & toti, bona inspirant, & bonitate sibi a conditore data, omnia perspirent, & in vnum ita conspirent ut harmoniam illam diuini artificis omnia consonent, & personent. Non eam quam fatue in Pythagoreis irrisit Aristoteles, sed eam, quam & ipsi in coelestibus, & nos in vniuerso dictatu necessarii rationis esse, & asserimus, & contendimus. Nam si stellæ in se tantum agere dicerentur, frustra quidem non esse factæ dicerentur, sed quasi frustra, si dicerentur, non in se mutuo quicquam agere, & non ope mutua sese iuuare. Aut si tantum in hylæum mūdum lumina tot numero fundiderent, quæ ad eum vix pertingunt. Aut si solium tanta terræ gratia factæ esse crederentur. Ad quam, lumina ipsarum, aut non, aut vix pertingunt. Accerte ratio affirmare, aut credere non audeat, tam ingentia corpora, terra multo maiora, tot numero, & pulcritudine tanta, fuisse a conditore Deo, vnius tantum, & tam exigui, & tam deformis corporis, qualis terra est, gratia procreata. Sed cum lumine agant, & calore

& se



& feminibus ab his delatis, lumina autem, & calor stellarum terram non attingunt, attingit autē eam, vnicus sol, & lumine, & calore, & feminibus, quia solus videtur omnium generator. Quid igitur? Impossibile ne fuerit, aut nō verisimile, sydera cuncta, in Solē vnum, in Lunam vnam, & lumina & calores, & semina sua iacere? Et his duobus, vti generationum regionibus, aeris, aquæ, terræ propioribus, suis quasi vicariis vti atque administris. Et verum esse id, quod Philolaus dicebat, *solem primæ lucis esse receptaculum, & secundam esse lucem, & per eum, Sol lucis re-  
tanquam per vitrum tertium quod lumen ipsum, v-  
ceptaculū.*  
*que ad terram pertransire.*

Nos vero & primum lumen illud primæum, & secundum, quod est in syderibus, in solem vnum effundi dicimus; & per eum, tum in lunam, tum in hyleum totum fundi. Et quoniam primum lumen vector est caloris, & calor & lumen vectores sunt, & seminum & floris, hæc omnia in sydera esse ab eis directæ, & a syderibus, in solem quidem, & lumen & calorem. In lunam vero fluorem esse asserimus distributa: & a sole & a luna, eadem ad nos esse contributa.

Vnde omne lumen, omnem calorem a sole esse sentimus, omnem nouarum rerum generationē, & veterum renouationem esse cernimus; certis quæque temporibus, prout sunt sol & luna, tēporum tum effectores, tum moderatores, tum etiam distributores. Per quæ tempora, omnes fiunt e suis feminibus rerum genituræ, & renouationes. Suis inquam feminibus tum manife-

Omne lumē  
& omnis ca-  
lor a Sole,  
omnisque  
rerū gene-  
ratio.



Semen manifestum.

Semen occultum.

Conclusio.

stis, tum occultis. Manifestis quidem animalium, plantarumque, occultis vero lapidum, metallicorum, aliarumque rerum, quas cernimus quidem fieri, unde autem fiant, non cernimus, & pro miraculis habemus. Sed horum quæ sensibus sunt obiecta, sensibus etiam percipimus. Quæ vero sensus non cognoscit, ratio dicat ex demonstratis, ab occultis provenire feminibus. Aut enim a seipsis fiunt, aut ab alio. Non a seipsis. Nihil enim est causa sui. Quia fuisset, antequam esset. Ab alio ergo fiunt. Quod si sensibus non apparet, *semen occultum*, atque *specificum* nominamus. Nam & ea semina, quæ cernimus, quæque tangimus, per se nihil sunt efficacia, nisi occultum in eis semen ea faciat fecunda. Semen autem hoc occultum, in omnibus manifestis est feminibus, in humore scilicet illius habitans, qui a lunæ luminibus, humorem cælestem deferentibus dum fouetur, vitalis est, & conseruatur, donec calor humoris illius comes a lumine solis fatus illud fouet, & spiritum in eo, vel præexistentem seruat, vel nouum generat, vitalemque facit, & fecundat. Sed de his suis locis postea. Modo cōcludamus: *Sydera non esse otiosa; non frustra facta. In se prius agere, seque ipsa fecundare, iis quæ sibi conueniunt. Conueniunt autem, quæ de super, ab empyreo, a fluore, a calore a lumine, a luce, ab animo, a mēte, a vitis, ab essentiis, ab Ideis, in ea defluxere. Agere quoque ea extra se, tum in astra alia, tum in solem, tum in lunam, tum in hyleum, eadem dona, quæ sibi a superioris venerunt, in infra transfundendo. Quid vero si astra*



si astra ita agunt, cœlum astris intermedium, frustra erit, & nihil in se, extra se nihilaget? Nō est tam absurdæ rei assentiendum. Sed eadem, quæ a superis in ipsum defluerunt, tum in se fecundat, tum in alia vsque ad nos transfundit. At quia fluorem simplicem, hunc æthera esse diximus, quid si ita distribuamus? *Ab astris lumen & calorem in solum transfundi solem, & cū his etiam, quæ in astris latent semina. Fluorem vero, quæ in intermediis hisce cœli partibus est, in solum transfundi lunam. Et sicuti sol lumen & calorem, & cum his semina, in hyleum transfundit, ita lunam in eundem transfundere cœlestem fluorem, unde humorum atque humiditatum nostrarū dicta sit mater nutrix atque moderatrix. Ita sane nostra sententia esto, ait Patricius, at uti noua, ita profecto dubia & incerta.*

## CAP. VIII.

*De Astromantia incerta, contingente  
& verisimili.*

**I**ncerta Astromantia est Prognosis eandē rem præmonstrans fallibili incertitudine: adeoque est futuri hæc prognosis incerta & fallax plerunque. Incerta.

Estque vel Contingens & Verisimilis: vel plane Falsa; Erratica & Superstitiosa.

Contingens & verisimile Prognosticon Astrologi Diuisio. Contingēt. cum, quod nec necessario, nec perpetuo, sed contingenter, verisimili quadā coniectura, seu inconstanti mutabilitate indicat rem eandem.

Hæc coniectura freti Astrologi & Astromantæ plerique pluuias, siccitates, tempestates, grassaturos morbos, interitus animantium, frugum, vini & aliarum rerum copiam vel defectum prædicunt.

HH 5



Quaestio I. Quomodo hac prognos̃is contingens & probabilis soleat demonstrari & excusari?

Corporum  
inferiorum  
distinctio.

Corporum  
coelestium  
vis in corpo-  
ra inferiora  
e ratione ca-  
rentia qua-  
lis.

Sol crescen-  
tibus herbe  
plurimum  
opitulatur.

**H**Anc Astromanteiam & diuinatricem, ut viri etiā laudatissimi & piissimi persuadeāt, distinguunt corpora inferiora, in quā agunt astra. Ita autem distinguunt: *Alia corpora sunt, quā in aere, terris, aquis gignūtur & cōsistunt: eademque partim inanimata, partim animata, vegetatiuam videlicet, vel prāterea etiam sensitiuam animam tantum habentia. Alia vero intelligimus corpora humana: adeoque totum hominem anima & corpore cōstantem, atque non vegetatiua modo & sensitiua, verum etiā rationali prāditum.* Quod ad prioris generis corpora inferiora attinet, sicut magna est eorū diuersitas, ita bona pars motu ac potestate coelestium corporum consistere & regi videtur, quod argumētis & exemplis aliquot probari potest: e quibus est primum ipsius sacrae scripturae auctoritas. Nam cōelum ipsum dicitur *thesaurus Domini*, per quod nempe fit terra, vel fertilis, pluuiis immissis: vel infœcunda, si sit cōelum ipsum, quod illi imminet, ferreum & in eā immitte. Itaque dominus ipse minatur fore, ut cōelum ferreum inobsequenti populo suo efficiat, quo *omnis fructus terrae denegetur.* Quod certe non efficeretur, nisi vi quadam, influentiaq; , ut vocant, sua, cōelum in inferiora ageret, ad pluuias vel siccitates, tempestates vel serenitates, qualitates deniq; quasdam infundendas & excitandas in aere ac terra. *Deinde* pro confesso habent omnes, & verissimum esse docet ipsa experien-



perientia, iis, quæ ex terra crescunt, ut herbis, arboribus fructibus, calorem solis, lunaque humiditatem ut plurimum opitulari. Ita namque a Deo conditus est sol, ut calefaciat & exsiccet, Luna vero ut frigefaciat & leniter humectet: quod temperamentum adeo est in hisce inferioribus necessarium, ut absque eo neque animalia, neque ullæ omnino res possint consistere. *Ad hæc* nō lux modo & tenebræ, verum etiam calor & frigus aptissima quadam proportionem, modo per has, modo per alias orbis plagas diffunduntur: quæ res ad alterationem terræ, & ordinatam omnium rerum, quæ in ea proueniunt, propagationem, plurimum conducit. Itaque vulgo dici solet: *Non terra sed annus, id est, ipsa cæli tēperies & influentia fructificat.* Quod tamen non ita est accipiendum, quasi Dominus illis vim suam resignarit (quod hæc omnia & singula tū potentissime, tū etiam liberrime nihilominus administrat) sed ne temere hunc rerum inter se ordinem constituisse videretur, voluit res inferiores a superioribus quodammodo regi. Quæ omnia cum euidenter demonstrent, *Deum nihil frustra aut fortuito, sed omnia provide & solerter in hac mundi vniuersitate constituisse: nec passim stellas, velut omni vi & facultate destitutas vagari otiosius: certo statui potest, inferiora hæc motibus cælestibus duci, influxuque syderum seruari. foveri ac vegetari.* Et quoniam sydera non vnā seruant faciē, sed varias formas ac diuersos colores sibi adsciscunt, vel ex situ loci cœliq; ambitu, quem permeare solent, vel ex obiecti

Caloris & frigoris tēperies.

Inferiora motib. cœlestibus ducuntur.



Physicas  
causas  
quid va-  
riet.

natura, & re quapiam illis offusa: ideo curæ est rerum Physicarum studioſis, quid illa portentant, exactius obſervare, atque ex his prænuntiare ſerenitates, ventos, pluuias. Multa autem ſunt, quæ coniectandi difficultatem augere, & præuiſorum certitudinē inſirmare ac labefactare poſſunt. Pleraque enim in tota rerū natura ſunt & eueniunt, non ἀναſκᾶτος, & neceſſario, ſed ἐνδεχομένως: cuius rei cauſſa eſt liberrima Dei architecti & operum naturæ gubernatoris, voluntas atque omnipotentia. Deinde Physicarum cauſſarum actiones atque effectus inſigniter variat fluxibilitas & inſtabilitas materiæ elementaris, quæ incertis agitur motibus, nec eas, quas ſemel complexa eſt, formas retinet perpetuo, ſed leui occaſione irritata eas excutit, & nouas ruſum aſſumit. Præterea difficile eſt conſtituere, vtrum cauſſæ, quæ de ſecuturo effectū teſtimonium perhibent, & ſpem faciunt, ſatis roboris habeant ac virium ad eundem producendum & perficiendum. Frequenter enim illæ, quæ inquiruntur cauſſæ, quæque coniecturas de euentibus ſuppeditant, ad eoſdem vim tantum μερικὴν ſeu ἀπὸ μέρους cōferūt, nec abſoluendis ſua vi effectibus ſufficiūt citra opem cauſſarum ſociarum. Non raro incidit vis contraria, quæ vel incoatos iam effectus a prioribus diſcutit ac demolitur, vel omnino prohibet, ne exſerere vim ſuam illæ queant, vel exſertam quidē, priuſquam opus incoatum compleat, velut interrumpit ac ſiſtit. Non ſemper Luna vel Tauri hyades Pleiadesque ſubiens,



subiens, vel nebulosas præteriens Cancræ stel-  
 las, quibus Asellorum & præsepis est nomen,  
 pluuias ciet: quæ nunc Orionis ortum hac æ-  
 litate calidissima secutæ sunt. Sæpe vniuersales  
 & particulares causæ dissentiunt inter se, par-  
 ticulares felicia pollicentur, vniuersales aut da-  
 mna minantur, aut exitia cladesque portendūt:  
 quæ cum sint validiores & efficaciores, elidunt  
 atque excludunt particularium causarum si-  
 gnificata & effectiones. Sic vno die in præliis  
 pereunt multa millia, quorum sunt dissimilima  
 fata: Pestilentibus morbis conficiuntur pluri-  
 mi, quibus diurnam vitam, & astra & ceteræ  
 causæ physicæ propinquæ spondent. Sæpe cū  
 causæ adsint satis efficaces & firmæ, tamē ma-  
 teriæ tantum est robur, tantaque ad renitendū  
 vis, vt etiam si labe afficiatur aliqua, non succū-  
 bat tamen, sed deuictas a sese causas, quæ infe-  
 stant, repellat ac profliget. Tot ergo tamq; di-  
 uersæ causæ, cum ad effectus, quos in elemen-  
 tari regione stellæ gignunt, concurrant, facile  
 est iudicare, prædictiones, quæ ex cœli positu  
 de talibus fiunt, certitudine niti tanta, quanta  
 ex particularib. causis profiscitur. Etsi enim  
 stellæ lege naturæ suæ necessario eodem modo  
 semper agunt, non semper tamen effectiones  
 in materia elementari adhærescunt & firman-  
 tur, multo minus victam semper & compres-  
 sam eodem modo subiungunt & formant.

Atque hæc de corporum cœlestium viribus  
 in corpora inferiora ratione carentia; & quales  
 inde prædictiones extrui queant: restat videa-

Corpora  
 cœlestia  
 quam vim  
 in homines  
 obtineant.



mus, quid illa in homines rationis participes valeant. Quod vero iisdem etiam sint subdita corpora nostra, ipsa nos docent, si inspiciantur & considerentur: Quisque enim in singulos pene dies experitur affici alias aliter diuersis cœli constitutionibus principes corporum nostrorum partes. Languemus quandoque, aut contra rectius commodiusque valemus, lætatur, aut subito in mœstitiam labimur: celerius, alacrius, expeditiusque conficimus, in quo elaboramus, aut magna cum molestia operas aggreddimur, nec sine difficultate exercemus. Vigemus quandoque sensibus, & cum ad cogitandum animos componimus, facile subitoque inquisita percipimus: aut cōtra vires intendimus omnes ingeniorum, desudamus, nihil quicquā tamen quod sit aptum conueniensque proposito, eruimus. Hæc & similia absque vlla conspiciua nobis causa accidere fatemur, scilicet quod alii positus, nobis nō aduertentibus, alias effectiones imprimunt, vel concitatis turbatisue humoribus, vel sedatis ac perpurgatis, vel serenatis ac collustratis spiritibus, vel excitatis ac roboratis principum membrorum facultatibus. Crases humanorum corporum, etsi multa sumunt a materia seu a semine: tamen certū est, eas valde temperari potestate syderum, & ab eorundem positu variari & gubernari. Ideo sæpe fratrum etiam si lineamentorum similitudo est, tamen ingenia & mores plurimum differunt, ac manifestum est robore corporum, ingeniis & moribus sæpe dissimiles esse fratres, cuius

Crases hominū potestate syderū temperantur.

Dissimilitudo fratrum ynde.



cuius dissimilitudinis causam in astrorum  
 positu conspici, non est dubium. Differunt ho-  
 minum corpora iuxta Zonas & regiones, qua-  
 de re longa est apud Hippocratem doctrina,  
 qui causam ad stellas refert. Verum est autem  
 & rationi consentaneū, longe minores motus  
 accipere in corpore astra, multoq; inefficacius &  
 tardius impellere ad agendum concursum in-  
 fluxumque syderum, quam qualitates ipsas ele-  
 mentares, quam humores corpori cognatos &  
 familiares, quam ipsa alimenta, ex quib. humo-  
 res suam naturam suasq; qualitates fortiuntur.  
 Aliquanto enim concitatiores magisque fer-  
 uidos vinum facit, meracius liberaliusq; hau-  
 stum, quam Martis rutilantis radii. Nonnulli  
 enim ubi vino plus satis incalescunt, ad arma p-  
 siliunt paulo ardentius, quam si ex astris impel-  
 li contingat. Denique paulo acrius lumbos in-  
 citant, partesque corporis abditas tentigine af-  
 ficiunt, bulbi, satyriones, cicercula, fungi, eru-  
 ca, nasturtiū, napi, erygium, cinara, scolymos:  
 quam Veneris, aut cuiusvis syderis influxus &  
 inclinatio. Præterea etiam a stirpe & regioni-  
 bus temperamenta aliquid absument. Nam si  
 multorum populorum studia, mores, propen-  
 siones, conatus atque molimina libeat excute-  
 re, inuenies non ab astris omnia, sed ab educā-  
 di ratione & patria consuetudine hæc ipsa pē-  
 dere. Sic Thessali veneficiis infames: Leontini  
 poculis addicti: Sybaritæ luxu perditæ: Milesii  
 molles & delicati: in disciplina militari seueri  
 Lacedæmonii: callidi ac fraudulentæ Thraces:

Astra tardius  
 ad agendū  
 impellunt,  
 quā quali-  
 tates elemē-  
 tares.

Morū & in-  
 geniorum  
 discrimina  
 vnde.



Galatæ stolidi, & (ut *Paulina voce utar*) ἀνθρώποις  
Cretenses (ut idem ex *Epimenide* refert) sem-  
per mendaces, malæ bestię, ventres pigri. Hęc  
morum atque ingeniorum discrimina, partim  
ab auitis maioribus & progenitorum natura,  
partim ex alimentis atque ambientis aeris  
qualitate, præcipue autem a prima institutione  
atq; inueterata consuetudine profluxerunt. Sic

Morbi par-  
tum etiam  
cum semine  
propagan-  
tur.

Nō omnes  
euentus ad  
astra referē-  
di, sed.

I. ad Volun-  
tatem.

II. ad Deū,

aliqui homines obnoxii sunt morbo comitia-  
li, non propter stellarum positus, aut propter  
suam intemperantiam, sed quia patres eorum  
comitiales fuerunt: mirabile est enim cum se-  
mine etiam aliquos parentum morbos propa-  
gari. Necesse est enim doceri simul, nequaquā  
omnes euentus ad astra referendos esse: quia  
sunt præter stellarum & temperamentorum  
effectiones, aliæ tres diuersissimæ causæ actio-  
num humanarum. Una est ipsa voluntas homi-  
nis, quæ aut assentitur aut repugnat tempera-  
mentis, ut *C. Caesar* repugnat iracundiæ, cum vi-  
ctos *Principes* in patriam reuocat. Sic quod *Paris*  
*Helenam* abduxit, nō stella, sed in utroque volun-  
tas proprie causā est, & voluntates incensas im-  
pellit *Diabolus*. Poterat autem voluntas in *Par-*  
*ide* reuera se frenare, ac imperare membris, ne a-  
lienam abducerent: & *Helena* aduersari potuit ac  
imperare membris, ne mœchum sequerentur. Alia  
causā principalis est *Deus*, qui etsi ita guber-  
nat, ut naturæ suas partes etiam aliquo modo ob-  
relinquat: tamen multa corrigit in natura, &  
multarum rerum euentus concedit alios, quā  
quales proponit natura. Neque enim *Moses* be-

neficio



beneficio astrorum seruatus est, cum euaderet, via  
 per mare patefacta: neque Petrus, cum per ange-  
 lum e carcere educeretur, syderum beneficio libe-  
 ratus est: neque Paulus ex hoste Euangelii potesta-  
 te astrorum pius factus est. Talium operum caus-  
 sam proprie ad Deum referendam esse, nemo  
 non videt. Tertia actionum causa est Diabo- III. ad Dia-  
 lus: neque enim astris, aut aliis naturalib. caus- bolum.  
 sis, sed Diabolo recte tribuentur tetri imperus,  
 & furores Neronis, & similium tyrannorum  
 prodigiosa libidines atque patricidia, vt quod  
 Oedipus occidit patrem, & duxit matrem. Itaque Leges fato-  
 rum variis  
 cam humani animi non vno tantum genere modis im-  
 causae moueantur: consequitur leges factorum pediuntur,  
 variis modis impediri, interdum afflatu diui-  
 no, interdum institutione, iuterdum delibera-  
 tione, interdum etiam in deterius flecti a dia-  
 bolo. Præclare igitur inquit Ptolomæus: Astro-  
 logorum decreta non esse pratoria. Nam neq; vel  
 euentus omnes ex astris deriuandi sunt, vel si-  
 gnificatis astrorum tanquam pratoriis edictis,  
 aut decretis diuinis inhærendum est. Sæpe etiã Violentia.  
 externa violentia, quæ multiplex esse potest,  
 hominem præter opinionem, præterque vo-  
 luntatem coniecit in pericula tristia & exitio-  
 sa, vt cū multi, quorum dissimilia sunt fata, nau-  
 fragio merguntur, aut incendiis consumuntur, aut  
 seditionibus opprimuntur, aut terra hiatibus ab-  
 sorbentur. Tot cum sint causæ, quæ euentus ho-  
 minum nec præuisos, nec præcogitados, neque  
 expectatos, per se gubernant, earumque caus-  
 sarum non eadem sit vis atque conditio: facile



intelligi potest, ex quibus causis prædicta de  
hominum euentis peti, quæ inquiri ac consi-  
derari possint, quæ a conspectu mentis huma-  
næ prorsus sint abditæ & remotæ. Nihil de ar-  
cana Dei voluntate, quæ expressa verbo nō est,  
humana ratio statuere potest: nihil de illis, quæ  
fraudulentus occultator diabolus machinatur.

**Nota.**

Illa scrutari nefas est, & irritum. Hæc sceleratū  
impium, & diuinitus prohibitū. Ex astris ergo  
temperamentis, inclinationibus voluntatis, &  
temperamentorum effectibus, institui possunt  
prædictiones illorum euentuū, quos illæ causæ  
sæ, velut causæ inuehunt, vel vt signa denotant  
quiue ad effectus causarum coniequantur or-  
dine diuinitus sancito. Sed hæc verbosius dedu-  
cere nostri instituti ratio non exigit: demon-

**Astrologia  
quantifaci-  
enda.**

strant tamen Astrologiam plurimi faciendam,  
nec quenquam a professione hac deterrendū  
modo in his versetur, quæ generi humano sin-  
vui, & absit in obseruando superstitiosa vani-  
tas, atque in pronuntiando inconsulta temeri-  
tas. Multa gubernat natura, non omnia: nec  
Deus remouendus est a gubernatione propter  
astra, sed vere statuendum, multas inclinatio-  
nes ab astris ortas Deum moderari, & orandum  
vt bonas iuuet, & reprimat malas. Nam ad hūc  
modum is, qui sapientiam conscripsit, obser-  
uasse memoratur astrorum decursus, totiusque  
cœli ambitum. Diuinatrix vero Astrologia non  
omnino est improbanda, modo intra fines suos  
ipsa consistat, modo ne religioni fiat iniuria &  
pietati iacturam inferat, nostraque omnia syde-

**Astrologia  
diuinatrix  
improban-  
da non est.**

rum



um necessitati superstitiosius astringat. Quē-  
 modum sunt Chaldaeorum inania & aperte  
 conficta commenta, qui ambitiose & falso ia-  
 rant, omnium hominum fata, quæque quis  
 posse desiderat, quātumvis abscondita, ex cælo  
 proferri, omniumque, quæ eueniunt, rationes  
 inde deduci posse. Itaque vetuerunt suscipere  
 quicquam, vel publice, vel priuatim, domi, fo-  
 ris, nisi inspecto & perquisito cæli positu. O  
 nis autem *πρόγνωσις*, seu futurorum euentū  
 rænnuntiatio, vel oritur a prima causa imme-  
 diate, vel a secundis causis naturalibus, vel ali-  
 unde, hoc est, a Diabolo vel ab homine. *Πρό-  
 γνωσις*, siue præcognitio oritur a prima causa,  
 um Deus per inspirationem siue quocunque  
 lio modo reuelat hominib. futuros euentus.  
 Quæ pender a secundis causis, quas *natura'es*  
 vocamus, prognosticis quibusdam nititur, hoc  
 est, signis futurorum euentuum. Hæc autem  
 prognostica sunt triplicia (pro quorum varie-  
 tate certitudo etiam variat) videlicet: necessa-  
 ria, verisimilia & erratica. *Necessaria* (*Τεχνήσια*)  
 em vnam atque eandem sua natura perpetuo  
 necessarioque citrà aliquam ambiguitatem de-  
 monstrant: nec fortuitis notantur observatio-  
 nibus, sed ratione Logica firmaque & demon-  
 stratione nitente consequentia, ex veris causis,  
 aut effectibus certo cognitis, colliguntur. Hæc  
 prognosis propter constantiam causarum *A-*  
*podictica* dicitur: Hac Mathematici sine errore  
 Eclipses futuras prædicunt. Signa verisimilia  
 (*εἰκότα*) contra nec necessario, nec perpetuo,

Chaldaeorū  
 inania cō-  
 menta.

*πρόγνωσις.*  
 quadri-  
 plex.

*πρόγνωσις α*  
 prima caus-  
 la.

a secundis  
 causis.

Prognosti-  
 ca secunda-  
 rum causa-  
 rum tripli-  
 cia.  
 Necessaria.

Verisimi-  
 lia.



Erratica.

Prognosis  
Genethlia-  
corum.Astrologia  
pietati non  
nocet.

sed ut plurimum ὡς ἐπὶ τὸ πολὺ, eandem rem  
inducunt: & constant ac nuntiant consentientius  
experientiae argumentis. Hac probabili coniectura  
dura freti Mathematici pluvias, siccitates, tem-  
pestates, grassaturos morbos, interitus animarum  
tium, frugum, vini, & aliarum rerum copiam  
vel defectum, non sine magna artis suae com-  
mendatione praedicunt. Erratica signa sunt, quae  
nec demonstrationem pariunt, nec veram con-  
iecturam faciunt, nec causae sunt propriae actionis  
num humanarum, aut euentuum prosperorum  
vel aduersorum: & errant plurimum. Et qui  
raro idque casu, euentus responder, deceptio-  
nem & vanam spem credulis hominibus iniun-  
ciunt. Hinc erronea illa prognosis Genethlia-  
corum nascitur, qui gloriantur se fortunas ho-  
minum & euentus ex horoscopis praedicere  
posse. Si igitur prudenter quaeratur fontes prae-  
dictionum, & diligenter praestigiae diaboli a prae-  
dictionibus diuinis & naturalibus discernan-  
tur, manifesto conspicitur Astrologiam, in qua  
temperamenta & inclinationes ad astra referun-  
tur, pietati non nocere, si quis recte ea utatur.  
Superstitionem damnant sacrae literae, quando  
videlicet aut metae non seruantur, in euentibus  
futuris inuestigandis aut cum animi certius his  
praedictionibus confidunt, quam Deo ipsi &  
coelitus promulgatis oraculis, aut cum a Deo &  
oraculis coelestibus ad creaturas sese conuer-  
tunt. Diuinum non est impium nec prohibi-  
tum: Diabolicum & superstitiosum impium  
est & veritum: Naturale vero si metas suas seruet,  
concessum est.

II. An



II. *An stella sint a Deo condita, ut sint futurorum  
euentuum, & tempestatum signa, ex  
Frischlino disputatur.*

**D**Eum faces cœli accendisse in signa futuro-  
rum euentuum, alios secutus Nic. Frisch-  
linus negat, eo quod Deus ita vniuersum mū-  
um, omnesque eius partes crearit, ut nihil in-  
lis noui, quoad speciem, posset euenire: si qui-  
em homo non laberetur. Itaque summa fuit  
otius vniuersi, & omnium partium harmonia  
que consensus, ut neque elementa a se inui-  
em, neque a superioribus corporibus, nisi sola  
icis, & tenebrarum vicissitudine *ἀνευ πάδους*  
fficerentur. Hominem vero, ad sui imaginem  
onditum, summa sapientia Deus ornauit,  
quæ quidem in humanam naturam caderet)  
a ut in eo esset rerum præteritarum expromta  
memoria: & præsentissima omnium, quæ aspi-  
eret, cognitio: sicut animalium quorumuis, &  
mulieris adductæ notitia in Adamo declarauit.  
olam vero futuri scientiæ sibi reseruauit De-  
s, cui omnia sunt præsentia, nihil futurum, ni-  
hil præteritum. Vnde Philostratus: *Sed ego, in-*  
*quit, Astronomie scientiam, atque adeo omnem*  
*luinandi artem, humana natura metas excedere*  
*uto: & an quispiã vere istam nouerit, nescio.* Ob  
d etiam Ptolomæus in Centil. *solos numine*  
*fflatos particularia posse vaticinari* affirmat.  
Quia enim Deus omnia præparauerat homini,  
quæ illi ad perpetuum vitæ terrenæ vsum fru-  
ctum fuerant necessaria: & quia nihil mali a  
quopiam erat homini timendum, si legi Dei

Nicodem.  
Frischlinus.



obtemperasset: idcirco etiam nihil epius erat illi  
li humana prouidentia, aut præscientia futuro  
rum. Ac certe, si vlla esset in hominibus futurum  
præsentio, ex siderum p. situ: an non ea præci-  
pue valuissent primi homines, in quibus Dei i-  
mago, & sapientia, sanctitas, summaque iusti-  
tia refulgebat? Quam vero nihil inde videre, ac  
prospicere potuerint; docuit post exitus ingēs-  
Sed inquis: *An non autem Deus Solem & Lunā*

Obiectio.

Respons.

*ceteraque astra, suis quibusdam virtutibus arma-  
uit: quibus elementa afficiant: ut sint caussa gene-  
rationis & corruptionis: ac signa quadam ventu-  
rarum tempestatum?* Minime, inquit FRISCH-  
LINVS, siquidem ad primam mundi creationē  
respicias. Deus enim omnia mundi corpora ita  
in initio conformauit, ut excepta lucis & tenebra-  
rum vicissitudine, nullum corpus ab ullo alio  
rum posset affici: suoque contrario permutari.  
Equidem lucis actio, qua aer illustratur, diuina  
quædam est actio, quæ non κατὰ πάθος: sed κατὰ  
τὰ ἐντελέχειαν, nō ἐκτικῶς, sed γενικῶς, ac subito,  
sine omni motu agit. Noluit autem Deus ele-  
menta a se inuicem pati, & in se mutuo agere:  
noluit Deus aerem alieno calore modo inte-  
pescere, modo refrigerari, modo aqueo hu-  
more & imbribus irrigari, modo rursus exsic-  
cari: sed voluit illum natiuis, & propriis quali-  
tatibus, hoc est, vitali vigore perpetuo esse eun-  
dem: totamque terram locorum vbique circū-  
dare: & animantibus viuificum quendam spiri-  
tum, quem ducerent, suppeditare. Ideo Moses  
diserte dicit: *Deum non pluisse, antequam homo*  
*peccasset:*



reccasset: sed rore quodam faciem terra uniuersam fuisse irrigatam. Deinde vim procreatricē, ac semina omnium rerum, haudquaquam corporibus cœlestibus, sed ipsis elementis, ac ipsi terræ indidit Deus, dicens: *producat terra omnē herbam virentem, & facientem semen & arborem fructiferam, quæ proferat fructum secundum genus suum, cuius semen in semetipso sit super terram. Et factum est ita.* Solem vero & Lunam & Stellas alias postea demum in alium vsum creauit, cū vitam vitalem & genialem facultatem ipsis elementis indidisset. Atque hoc iccirco fecit Deus, vt doceret, generationi rerum nihil ab astris conciliari: ne homo illis, tanquam causis motricibus aliquem honorē haberet: id quod postea factum vidimus: quando Chaldæi & Ægyptii diuersis siderib. & stellis diuersas mouēdi vires, & inter se contrarias, & ita plane a natura cœlestium corporum alienas affinxerunt. Loquitur certe in eandem sententiam D. Basil. Basiliius, qui Hom. 4 in Hexaem. sic scribit: *Ipsa seipsa tellus, nullius externa opis indigens, herbam virentem proferat.* Quia enim nonnulli iudicant, solem esse causam terræ nascentium, qui vi caloris de profundo vim terrę in superficiem protrahat, ideo sole vetustior est terræ exornatio: vt qui hactenus in errore fuerunt versati, desinant adorare solem, tanquam qui causam vitæ nascentibus præbeat: & quando credunt terram ante solis procreationem fuisse exornatam: remittant tādē immodicam solis admirationem: recordenturque quod posterior &



recentior sit sol generatione herbæ & graminis. *Præterea* constat, quod hominem nudum habuerit Deus. At quæ obsecro fuisset hæc iniuriaria, nudum hominem & innoxium, cœli iniuriis, & nimboſo Orioni, ac pluuiialibus Hædibus exponere: siquidem talis fuisset stellarum potentia, qualem ipsis affinxerunt Astrologi: nisi dicant, homine non lapſo, vires suas non fuisset exercitatura astra. Aut enim hoc cōcedant necesse est, fuisse has vires excitandarum temperatū, initio statim a Deo inditas syderibus: at tunc post lapſum hominis demum impressas, & cœlo non minus, quam terræ maledictum a Deo. Sed quia nullum talem effectum vnquam produçtura fuerant, si homo non peccasset: frustra conditæ fuissent: aut certe magna cœlo illata fuisset mutatio, si demum post lapſum nouarū virtutum accessisset creatio. Quorum neutrum poterit absque graui in Deum contumelia affirmari. Parum ergo, aut nihil adest, si Christiani scilicet Astrologi dicant, *Adamum non vnus tantum Diaboli instinctu, & propria voluntatis impulsu, sed etiam vi stellarum ad peccatum fuisse periractum*: ne videlicet cogantur fateri, nullam astris vim, ac (dicam sic) inclinationem inesse. Interim tamen non negamus, cœlo & astris vim quandam vniuersalem inesse mouendi hæc inferiora, pro diuersitate materiæ subiectæ, aliter atque aliter, posteaquam videlicet terræ, propter hominis peccatū, a Deo est maledictum. Verū de qualitatibus, seu virtutibus astrorum, suo loco plura dicemus.

Cur



*Cur ergo in signa dicitur creasse Deus luminaria cœli?*

**D**Vas potissimum ob causas. Primum enim faces illas voluit Deus sapientiæ ac bonitatis suæ signa esse: ut homines illa intuentes cogitarent de Deo, ipsumque rerum omnium facerentur opificem, qui sapienter, & causa boni fecisset omnia: neque existimarent ista corpora casu exstitisse, aut temere ferri: quæ tam certos quotannis perficerent cursus. *Deinde* voluit esse signa seruitutis, non domini aut virtutis alicuius effectricis. Quia enim motus suos non pro voluntate sua, (neque enim sunt voluntarii isti motus, ut *Basil. docet 6. Hom. in Hex.*) sed pro voluntate Dei opificis ex necessitate quadam fatali peragunt: & præceptum a Deo positum nullo modo præterire possunt: ita, ut interdum etiam obscurerentur, & lumen amittant: ideo voluit Deus hominem conditum istis modis a se, tanquam signis erudire, ut sciret, stellas nihil habere in se diuinæ libertatis, aut potentiæ. δὲ γὰρ ἐστὶ (ut ait Theodor. Serm. 1. de Prouid.) τῆ κερτηκότης καὶ φύσις αὐτοῖς, ὃ τῷ ποιήσαντι ὅριον. Quicquid autem ex necessitate agit: Quicquid mutationi obnoxium est, diuinum esse nequit, *Glyc. 1. parte Annal.* Præterea & hæc potest addi causa, cur signa dicantur astra: quia nimirum Deus motu illorum, & vicissitudine dierum ac noctium, lucis & tenebrarum, genus humanum de alia ac perfectiori vita admonere voluit: in qua non esset æuum numero fluens, sed numero manens: nullæ te-



nebrae, sed lux perpetua, & humanis oculis, etiam in statu integritatis, inaccessa.

## CAP. IX.

*De vanitate Astromantia  
Genethliacorum.*

Astroman-  
tia falsa.

**A**stromantia falsa, & superstitiosa superest, quae Genethliaci, & superstitiosi syderum obseruatores res etiam futuras quasuis contingentes, hominum fortunas & euentus ex astrorum inspectione, & horoscopis diuinare satagunt.

Hanc autem erroneam, falsam, vanam & superstitiosam esse comprobabimus, tum Rationibus, tum Auctoritate.

*1. Rationes indiciaria Astromantia superstitiosam vanitatem demonstrantes.*

1. Ratio.

**A**stromantarum & Genethliacorum Astrologicae praedictiones, si essent verae & infallibiles, necesse esset ipsos Astromantas certo nosse fundamenta sua diuinationis, & ex iis posse diuinationem certam instituere. At neque Astromanta vera & certa sua ex astris diuinationis norunt fundamenta, neque ea possunt obseruare, neque cognita possunt ad vsum certum certa inde diuinationis constituenda transferre. Ergo Astromantarum & Genethliacorum Astrologicae diuinationes non sunt certa, sed fallaces & erratica. Assumptum, est bimembre. Primum membrum de incertitudine & instabilitate fundamenti, adeoque fallibili scientia astrorum Astromantarum, ita monstratur. Si Astromanta non certo norunt omnes omnium astrorum vires, defluxus & effectus; non etiam norunt certa sua diuinationis

Demonstra-  
tio primi  
membri  
assumpti.



is fundamenta. At antecedens est verum. Consequens igitur.

Subsumtum probatur ita : Principio valde Probatio  
arduum & operosum est , etiam quæ de cælo subsumti.  
videntur minus difficilia magisque nobis ob-  
uia, perfecte cognoscere: *veluti quæ sit cæli na-  
tura, magnitudo, numerus orbium, & inter eos or-  
do, & differentia dignitatis, varietas motuum,*  
*denique astrorum numerus, eorumque inter se in-*  
*magnitudine, luce, potestate & effectu compara-*  
*tio.* Atque huius difficultatis facit clarissimum  
indiciū tanta opinionum varietas, quantam  
esse his de rebus inter maximos Philosophos  
cernimus. Aristoteles certe Philosophorum o-  
mnium facile Princeps ingenue fateretur, se mul-  
tarum rerum cælestium non exquisitam sciē-  
tiam, sed opinabilem, & coniecturalem tantū  
notitiam tenere: Et quia manifestis certisque  
rationibus destituatur, cogi se non raro proba-  
bilibus duntaxat argumentis & coniecturis vti.  
Videre hæc licet apud ipsum Aristotelem in 2.  
*libro de cælo textu 17. 34. 60. & 61.* Hoc si est,  
quis crederet, Astrologis, quos solis luce clarius  
est, nulla re comparandos esse maximis illis Phi-  
losophis, quod est in cælo abstrusissimum, &  
iudicio summorum Philosophorum mortali-  
bus incomprehensibile, veritatem dico rerum  
omnium futurarum esse liquido cognitam, ex-  
plorateque perceptam? Deinde rogemus istos  
Astrologos, ut faciliores quasdam quæstiones  
de cælo nobis enodent: Percunctemur ex ipsis,  
*an cælum sit natura quadam simplex an composita*

Sciētia cæ-  
lestium re-  
rum nō est  
exquisita.



**Quæstiones** *ex materia & forma; utrum talis sit materia cœli,*  
*quib. Astro qualis est rerum omnium sublunarium, an omni-*  
*nomorū ru no diuersa; sit ne cœlum animatum an inanimatum;*  
*ditas perci- num sua vi & a se moveatur, an extrinsecus ab*  
*pi potest. angelo: unde potissimū in cœlis estimari & iudi-*

*cari debeat dignitatis eorum præstātia; quid caus-*  
*se sit, cur non omnes orbes uno motu circumagatur,*  
*sed alii uno tantum, alii pluribus, alii vero paucio-*  
*ribus: aperiant nobis, quam habeant propriam.*  
*vim & potentiam singula stella in elementa, me-*  
*talla, stirpes atque animantes, hæc inquam, & a-*  
*lia horum similia sciscitemur existis Astrolo-*  
*gis, profecto reperiemus, ipsos doctrinæ harum*  
*rerum plane rudes & prorsus expertes. Qui sit igi-*  
*tur credibile, planiora hæc & apertiora ignora-*  
*tibus, mortalium intelligentiæ remotissima &*  
*occultissima esse comperta & explorata? Postea*  
*nos isti defluxus & effectus, qui nunc ex variis*  
*astris dimanant, & diuersas & distitas mundi re-*  
*giones, sic enim fortasse credemus illis futuros*  
*syderum effectus prænutiantibus. Quis enim*  
*nescit, procliuius & propensius esse præsentia*  
*nosse, quā futura, præsertim mutabilia, & quæ*  
*varie possunt contingere, ob idque incerta? Ex-*  
*ponant item nobis occultas proprietates & vires,*  
*quas habent res sublunares, quas miramur magis*  
*quam intelligimus in multis lapidibus, herbis*  
*& animalibus; hæc enim cum proxima sint at-*  
*que nobis coniuncta, & cunctis pene sensibus*  
*nostris subiecta, & quæ quotidianis experimē-*  
*tis peruestigari, & explorari possunt; planiorē*  
*intelligentiam & faciliorem habent explicatū:*  
*cogni-*

**Præsentium**  
*procliuior*  
*cognitio*  
*quam futu-*  
*rorum.*



cognitio vero rerum cœlestium maximi laboris & difficultatis est, cum tam longe distet a nobis cœlum, nec alio quam vnico oculorum sensu mortalibus pateat: quem tamen sæpe falli contingit propter tantam interualli lōginitatem, & summam vertiginis cœli velocitatē, vel prauam affectionem medii, vt visus, vel propter vitium astrolabii, tabularum & instrumentorum astronomicorum. Atq; hoc etiam apud sacras literas in cap. 9. lib. sapientiæ testatum legimus: *Corpus, inquit, quod corrūpitur, arguet animam, & terrena inhabitatio deprimit sensum, multa cogitantem. Et difficile est imamus, quæ in terra sunt, & quæ in prospectu sunt, inueniemus cū labore: quæ autem in cœlis sunt, quis inuestigabit? Sensum autem tuum quis sciet, nisi tu dederis sapientiam, & miseris Spiritum sanctum tuum de altissimis?* Extremum autem huius sententiæ omnino redarguit Astrologos, qui humana omnia euenta, quorū multa ex secretissimo Dei consilio & voluntate pendent, diuinare se posse profitentur.

II. Deinde quam difficile sit, *sine errore vllō notari & cognosci posse positus astrorum, qui est in eo momento quo quisq; nascitur*, inde patet, quod difficilimum sit, vel punctum temporis, in quo quispiam oritur, vel in eo ipso puncto aspectū siderū omnium, q̄ tunc viget, obseruare. Sæpe namq; cœli & stellarū aspectū, nubila & crassiorā vaporum interpositus, vel adimūt nobis, vel interrumbāt & infuscant; & quod caput est, rapidissima cœli verrigo facit, vt constellatio prius

Cœlestium  
rerum diffi-  
cilis cogni-  
tio.

Astrologo-  
rum obser-  
uatio de cō-  
stellationi-  
bus vacillās  
& incerta.



Astrologo-  
rum arro-  
gantia.

Basilii de  
Genethlia-  
cis.

transuolet, quam a nobis proprie annotetur  
quippe per singula fere momenta, alia & alia  
coeli facies, & identidem diuersa astrorum po-  
situra existit. Profitentur isti Astrologi, se cuius-  
vis hominis euenta omnia prænuntiare posse, dum-  
modo sibi ortus eius certum tempus pernotescat:  
at eiusmodi tempus subtiliter & proprie, ita ni-  
mirum, ut opus esset Astrologo, fere nescitur.  
Nam ut dicatur exempli causa, Petrum esse natum  
vigesimo ab hinc anno, die Septembris ultimo, ho-  
ra noctis decima, vel ineunte, vel media, vel iam  
exeunte; at momentum illud, vel potius mini-  
mum illud tempus, quo Petrus a uero matris fu-  
sus, & in lucem editus est, nec obstetrix, nec pa-  
rentes seu cognati, subtilissime annotatum ha-  
bent & perspectum: quia tamen temporis illius  
subtilissima obseruatione & cognitione, ad di-  
uinandum eget Astrologus. Non possum face-  
re, ut adscribere hoc loco prætermittam verba  
Basilii, quibus ipsa hæc ratio, quam nos strictim  
attigimus, latius ab eo explicatur & acrius vr-  
getur. Sic enim ille homil. 6. super Genesim  
scriptum reliquit, *Genethliaca artis inuentores cum  
in temporis amplo spatio complures figuras suam ipso-  
rum scientiam fugere percepissent, in angustum  
admodum temporis contraxere mensuras, ut mi-  
nutissimo quoque & subitaneo articulo, quale est  
quod Apostolus dicit: In momento temporis, in ictu  
oculi plurimum differentia sit inter natiuitatem  
& natiuitatem; ut is quidem qui in hoc momento  
genitus est, futurus sit rex ciuitatum, populorumque,  
& princeps, locupletissimus, præpotens. Is autem qui  
natus*



atque est temporis sequentis momento pauper quidam sit futurus, aut mendicus, circulator, vel praestigiator, ex ostiis ostia permutans quotidiani conquirendi causa victus. Quamobrem eo orbe, qui ignifer appellatur, duodecim in partes diuiso, cum in triginta dierum spatio partem Sol eius globi transeat duodecimam, quem inerrantem appellant, triginta in portiones singulas illas duodecim partes secuerunt: tum singulis portionibus illis in sexaginta minuta diuisis, minuta haec singula rursum in alia sexaginta modo simili diuisere. Posito igitur enixorum, qui in lucem eduntur, videamus obsecro si hanc exactissimam temporis diuisionem auctores sibi sibi valeant conseruare. Nam simul atque editus pusio est, mas an foemella sit, obstetrix exploratum vagitum expectat infantis: nimirum indicium vitae eius qui natus recens est. Quot hoc tempore vis sexagesima praterisse minuta? Dicit obstetrix deinde Chaldaeo partum qui editus est: quot minutissima momenta vis interea dum obstetrix loquitur pratercurrisse? praesertim si forte fortuna fuerit non in coelani mulierum Chaldaus ille praesens, sed in adium atrio aut vestibulo, tempus horamque reponens. Et cum cum qui definiturus est diligenter tempus ac horam, exploratoria nimirum horarum percipere oporteat instrumenta, siue diurna sint siue nocturna: quot minutorum hoc quoque tempore, quaeso, prateruolat prateritque examen? Compertam enim eam esse stellam qua tempus horaque sit exploranda, non solum quanta in parte sit duodecima, sed etiam quam iuxta duodecime portionem partem, in quotoque minuto sexa-



gesima eorum, in qua subdivisa sunt singula sexagesima illa prima, necesse est. Atque hanc tamen adeo tenuē subtilemque temporis inventionē, quā quam attingere nequeunt, singulis in stelis errantibus faciendam esse necessario dicunt, ut qualem ad cœlo adfixas stellas ipsa dispositionem habundinem ve haberent, qualisque ipsarum esset inter sese figura, cum in lucem ederetur sceler, comperitum sit tandem ac exploratum. Quæ cum ita sint si fieri non potest, ut tempus illud exactissime quicquam attingat, variationeque vel brevissimi temporis sit, ut tota via penitus aberretur, deridendi profecto non mediocriter esse videntur, tam ii, qui studio huius indulserunt artis, quam in ratione rerum nusquam esse constat, quam illi qui hiantes ab illorum ore pendent intenti: perinde quasi omnia illi scire possint, quæ ipsis sunt euentura. Hactenus sunt quæ Basilius eo loco aduersus Astrologos disputat.

II. Ratio.

II. Si astrorum & cœli scientia nō potest certam futurarum rerum prænotationem & diuinationem efficere: Astromanteia illa Genethlia a vana est. At verum est antecedens. Ergo & consequens.

Assumpti probatio.

Assumptio probatur. Ut causarum ad effectus productionem necessario concurrentium insufficiens enumeratio non concludit effectum, ita si altera, & quidem proxima, adeoque propinque agēs desit, prædici certo nequit euentus. At ad effectum & euentum cognoscendum & producendum non tantum causæ uniuersales astra, & cœlum, verum proxime concurrunt causæ particulares. Etenim vera est, & trita est in scholis illa Philosophorū sententia,



sententia, sicut res se habet ad esse, ita quoque se habet ad cognitionem; hoc est, propter quas causas quaque res fit & est, per eas cognosci debet. siquidem perfectam eius rei scientiam adipisci volumus.

Axioma  
philoso-  
phicum.

Ad generationem autem futurorum effectuum particularium, non modo concurrit cælum, sed etiam causa particularis: est enim cælum causa vniuersalis, quo fit, ut eius vis & efficentia sit etiam vniuersalis, & indeterminata ad producendum quoslibet effectus particulares: determinatur autem vis cæli per causas particulares. Quamobrem verissimum est illud, quod dixit Aristoteles, *Sol & homo generant hominē.*

Quin effectus particulares licet, quod attinet ad eorum effectiōem & cōseruationem, maxime pendeant ex causis vniuersalibus; tamen quod pertinet ad propriam cuiusque eorū naturam, & ad naturales proprietates, tam specficas quam indiuiduales, magis particularem causam, quam vniuersalem, æmulantur atque imitantur. Cum igitur præter causas cœlestes, ad producendos effectus futuros opus sit etiā causa particulari efficiente, & materia idonee præparata, quorum si desit alterutrum, prorsus nullus futurus est effectus, ex his necessario cōcluditur, ad prænotiōem futurorum effectuum cœlestium causarum notitiā non esse satis.

Atq; hoc etiam quotidianis & manifestis experimentis constat. Cernimus enim agricolas eodem tempore & sub eodem syderum aspectu varia seminum genera in terram iacere, ex quibus tamen diuersa nascuntur: quæ sane diuersitas nō

Cœlestium  
causarum  
cognitio ad  
futurorum  
effectuum  
prænotiōē  
nō est satis.

KK



Augustin9.

ad causas cœlestes, sed ad diuersas tantum species & vires seminum referri potest. Ad hanc eandem sententiam in libro 2. de genesi ad litteram cap. 17. ita scribit Augustinus: *Cum multa corpora diuersorum generum, vel animantium vel herbarum & arbustorum, uno simul puncto temporis seminentur, unoque puncto temporis innumerabiliter multa nascantur, non tantum diuersis, sed etiam iisdem terrarum locis, tanta sunt varietates in progressibus, in actibus & passionibus eorum, ut vere isti (sicut dicitur) perdant sydera si ista considerent. Quid autem insulsius & hebetius, quam cum istis rebus conuincuntur, dicere, ad solos homines sibi subiiciendos fatalem stellarum pertinere rationem? Sic Augustinus: cuius extremum dictum paulo vberius tractat apud Gellium*

Phanorin9.

lib. 14. capite 1. Phauorinus: *Si vite, inquit, mortisque hominum rerumque humanarum omnium tempus, & ratio, & causa in cœlo, & apud stellas foret; quid de muscis aut vermiculis aut echinis multisque aliis minutissimis terra marisque animantibus dicerent? An ista quoque iisdem quibus homines legibus nascerentur, iisdemque itidem exstinguerentur? Ut aut ranunculis quoque & cunicibus nascendi fata sint de cœlestium syderum motibus attributa; aut si id non putarent, nulla ratio videretur, cur ea syderum vis in hominibus valeret, si deficeret in ceteris.*

III. Ratio.

*Si vera esset diuinitas illa Astrologica, necesse esset geminos, qui uno tempore cœcepti & nati sunt, omnino simillimos fore. At consequens est falsum. Ergo & anecedens. Assumptio roboratur. Nam*

vt



et ceteram eorum dissimilitudinem raceam, e-  
 nit nonnunquam ut alter sit mas, alter vero  
 æmina. Cicero quidem *in altero libro de Divi-*  
*natione*, Proclum & Euristhenem reges Lace-  
 dæmoniorum fratresq; geminos commemo-  
 rat, quorum tamen & exitus vitæ dissimilis &  
 gloria rerum gestarum dispar fuit. Verum in sa-  
 cris literis, luculentissimum eius rei habemus  
 exemplum: Iacob enim & Esau eodem concu-  
 bitu, *ut inquit Paulus Rom. 9.* sati, eodemque  
 tempore nati, dissimillimis tamen ingenii,  
 ludis, moribus, & euentis fuerunt. Nec vero  
 firmum est illud præsidium, in quod refugiunt  
 Astrologi, cum hoc argumento vrgentur, vide-  
 licet brevissimam illam moram, quæ inter Ge-  
 minorum ortus intercedit, licet ea nobis per exi-  
 gua videatur, in cælo tamen ob eius vastitatem  
 & rapidissimam conuersionem esse admodum  
 insignem, magnamq; facere variationem. Hoc  
 Nigidius Figulus declarabat exëplo rotæ, quæ  
 incitatissime contortam, cum bis eodem loco  
 signare atramento vel percutere summa cele-  
 ritate conatus esset, cessante ipsius rotæ circū-  
 actione, reperta sunt illa duo loca ab ipso per-  
 cussa vel signata, hand paruo inter se intervallo  
 disiuncta. Hoc, *inquam* præsidium & refugium  
 infirmum est parumque tutum Astrologis. Et-  
 enim licet in ortu Geminorum aliqua fuerit mo-  
 ra, in eorum tamen conceptu prorsus nulla fuit.  
*Deinde* si tam breui variatur ratio constellatio-  
 nis, sub qua quisque nascitur, erit profecto pro-  
 prium tempus ortus cuiuslibet Astrologis in-

Assumpti  
 probatio.

Infirmum  
 Astrologo-  
 rum refu-  
 gium.



B. Grego-  
rius.

Phauori-  
nus.

Augusti-  
nus.

comprehensibile. Denique valebit hoc loco ad-  
uersus Astrologos argumentatio illa beati Gre-  
gorii: Si propterea Iacob & Esau nō censentur na-  
ti sub eadē constellatione, quod non simul nati sunt,  
sed unus post alterum; ob eandem profecto caus-  
sam indicandum erit, nullum hominum sub eadē  
constellatione totum nasci: non enim totus simul ex  
utero procedit, sed particulatim & membratim:  
primo enim effert caput, tum collū, deinde pectus,  
postremo pedes. Iacob enim proxime natus est post  
Esau manu plantā pedis eius tenens, perinde quasi,  
sicut inquit Augustinus libro secundo de Genesi ad  
literam, cap. 17. unus infans instar duorum, vel  
duplo longior nasceretur. Verum hanc rationem  
admodum diserte Phauorinus aduersus Chal-  
dæos disputans, exsequutus est. Atque id velim  
etiam, inquit, ut respondeant, si tam paruum at-  
que rapidum est momentum temporis, in quo ho-  
mo nascens Fatum accipit, ut in eodem illo puncto  
sub illo circulo cœli, plures simul ad eandem com-  
petentiam nasci non queant: & si idcirco gemini  
quoque non eadem vite sorte sunt, quoniam non  
eodem temporis puncto editi sunt: peto, inquit, re-  
spondeant, cursum illū temporis transuolantis, qui  
vix cogitatione animi comprehendi potest, quo nā  
pacto aut consulto assequi queant, aut ipsi perspicere  
& deprehendere; cum in tam præcipiti dierum  
noctiumque vertigine, minima momenta ingen-  
tes facere dicant mutationes. Sic Phauorinus. Ip-  
sum hoc argumentum de geminis diligenter  
& subtiliter pertractat August. lib. 5. de ciuitate  
Dei. primis aliquot capitibus, atque in lib. 2. de do-  
ctrina



*trina Christiana, cap. 22.* & vero maximum fa-  
 cessit negotium Astrologis: si enim tam breui  
 temporis momento mutantur omnia, vt non  
 diuersa modo, sed etiam aduersa plerumque e-  
 ueniant, quis de nato puero possit quicquam  
 certi prædicere, cū illud temporis punctū, quo  
 vel conceptus, vel natus est, ita, vti est, nemini  
 possit esse cognitum? Itaque, vt magna in ho-  
 mines vi & potestate pollerent astra, quid ea ta-  
 men in singulorum hominum generatione &  
 sortu efficerent, incompertū esset nobis: quip-  
 pe cum aspectus cœli & positus astrorum, qui  
 est tempore, quo quisque nascitur, certo depre-  
 hēdi nequeat: incitatissimus enim cœli & astro-  
 rum motus, tarditatem nostræ considerationis  
 & obseruationis præteruolat & anteuertit.

*Si diuinatrix illa Astrologia esset vera, de quā* **IV. Ratio**  
*plurimis eodem tempore, & in eadem regione, eo-* **Phauorini**  
*demque syderum aspectu & positu, ex diuersis ta-* **apud A. Gel-**  
*men parentibus progeneratis, possent eadem euenta* **lium.**  
*prænuntiari, cum simul concepti & nati fuerint, &*  
*quidem sub eadem constellatione. At consequens*  
*verum non est, vt quotidiana demonstrat expe-*  
*rientia. Quā multi enim toto orbe simul, & ge-*  
*nerantur in vtero, & in lucem eduntur, quorū*  
*deinde maxima est ingeniorum, studiorū, mo-*  
*rum, religionis, casuum, denique vitæ ac mortis*  
*euentorum dissimilitudo? Omnium Romano-*  
*rum, qui Cannensi pugna quam plurimi cæsi*  
*sunt ab Annibale, idem fuit vitæ exitus & in-*  
*teritus: quis autem existimet, eodem illos o-*  
*mnes stellarum aspectu, posituque fuisse natos?*



idem dico de tot millibus Turcarum, qui naua-  
 li pugna ab hinc octo & decem annos, memo-  
 rabili ad immortalitatem victoria a Chri-  
 stiana classe profligati, & internecione deleti  
 sunt, quorum omnium eandem fuisse rationem  
 ortus, eandemq; in genere eorum viguisse coel-  
 constellationem stultum est dicere. An quo tē-  
 pore natus est Homerus, Hippocrates, Aristot-  
 teles, & Alexander Magnus, non eodem quo  
 que alios complures natos esse putabimus? An  
 quis illorum similis adhuc exstitit? Phavorinus  
 sic argumentationem hanc contexebat: Quam-  
 multi homines vtriusque sexus omnium aetatu  
 diuersis stellarum motibus in vitam editi, re-  
 gionibus, sub quibus geniti sunt, longe distan-  
 tibus, omnes tamen isti aut hiantibus terris,  
 aut labentibus tectis, aut oppidorum expugna-  
 tionibus, aut eadē in naui fluctu obruti, eodē  
 que genere morris, eodemque ictu temporis  
 intereunt? Quod scilicet nunquam eueniret, si  
 momenta nascendi singulis attribua, suas vnū  
 quodque leges haberent. Quod si quaedam in  
 hominum morte atq; vita etiam diuersis tem-  
 poribus editorum, per stellarum pares quosdā  
 postea conuentus, paria nonnulla & consimi-  
 lia posse dicuntur obtingere; cur non aliquan-  
 do possint omnia quoque paria usu venire, vt  
 existant per huiusmodi stellarum concursi-  
 ones & similitudines, Socrates simul & Anti-  
 sthenes, & Platones multi, genere, forma, inge-  
 nio, moribus, vita omni & morte pari? quod  
 nequaquam, *inquit*, prorsus fieri potest. Non i-  
 gitur



igitur hac caussa Chaldaei probe uti queunt ad-  
uersus hominum impares ortus interitus pa-  
res. *Hæc Phanorinus.*

V. Bardefanes Syrus in eo dialogo, quæro- V. Ratio cu  
ratu amicorū de Fato aduersus Chaldaeos con- iusdā Bar-  
scripsit, futilissimas esse Astrologorū observa- desanis.  
tiones, & raro non e mentientes eorum prædi-  
tiones, ad hunc fere modum (ut memorat Eu- Eusebius.  
sebius lib. 6. de preparatione Euangelica cap. 8.) Serarū lex.  
lemonstrabat: Apud Seras lex est prohibens occi-  
dere, fornicari, & adorare simulacra, vnde in illa  
regione nullum templum cōspicitur, nulla mulier-  
neretrix, nulla adultera, nemo fur, nemo homi-  
cida, nec voluntatem alicuius illorum, ardentissi-  
ma stellā Martis in medio cœli constituta ad cadē  
hominis coegit, nec Venus Marti coniuncta, ut  
alienam quispiam sollicitaret uxorem, potuit effi-  
cere. Atqui singulis etiam apud eos diebus in me-  
dium cœli Martem peruenire necesse est, & in  
tanta regione singulis horis nasci homines non est  
negandum. Apud Indos autem & Baëtros, multa Brachma-  
millia hominum sunt, qui Brachmanes appellan- nes.  
tur: hi tamen traditione Patrum, quam legib. nec  
simulacra colūt, nec animatum aliquid comedūt,  
vinum aut cereuisiam nunquam bibunt, ab omni-  
demum malignitate absunt, soli Deo attendentes.  
At vero ceteri omnes Indi in eadem ipsa regione Indi.  
adulteriis, cade, temulentia, simulacrorum cultu  
inuoluuntur; inueniunturque ibi nonnulli, imo  
vero gens quadam Indorum est in eodem climate  
habitans, qui homines venantes atque sacrifican-  
tes denorant: nec ulli planetarum, quos faciles ac-



Persarū lex.

bonos appellant, a cæde ac sceleribus istis eos prohibent: nec maligni Brachmanas peliere ad male faciendum potuerunt. Apud Persas lex erat, filias sorores, matres quoque ipsas in matrimonium ducere, nec in Perside solum, verum etiam quicumque Persarum ad alia climata orbis e patria exiuerūt nefanda hæc diligenter matrimonia celebrarunt.

Magussei.

quos aliæ gentes hoc scelus abominatæ, Magusseos appellant. Suntq; usque ad hodiernum diem in media Ægypto Phrygia Galatiaque plurimi Magussei successionē patrum, eisdem scelerib. contaminati. Nec dicere possumus, in terminis & domo Saturni, cum Saturno ipso in natiuitatibus omnium Martē aspiciente Venerem fuisse.

Amazones.

Amazones viros non habent, sed tempore veris fines suos egredientes cum vicinis conueniunt. Vnde omnes naturali lege eodem tempore pariunt, masculisque interfectis solas feminas alunt, bellicosæque omnes similiter sunt, magnam exercitationis bellicæ curam gerentes. Stultum autem est opinari, omnes istiusmodi fœminas prorsus iisdem nataliti-

Iudæi.

is astris esse genitas. Fit hoc conformatius argumento exemploque Iudeorum, qui ubicunque terrarū & gentium sint nati aut versentur, inuiolabili observatione, & infantes suos octauo die circumcidunt, & omnem diem Sabbati feriatum festumque religiosissime agunt. Non autem sunt Iudæi

Christiani.

omnes sub eadem constellatione procreati, nec eos a patriis legibus & institutis vlla vis & potentia celestium corporum abstrahere potest. Sed quid dicemus de Christianis? qui innumerabiles toto orbe sparsi idem vitæ genus atque doctrinæ custodiunt,

nec



nec a disciplina, quam ipsis Christus Dominus tra-  
 lidit, vel promissis ullis, vel minis aut suppliciis,  
 vel latu unguem amoueri possunt: an dicturi sunt,  
 Christianos omnes eodem astro esse natos? Sed il-  
 lud maximum est argumentum, qui ante suscepta  
 Christi disciplinam patrias leges & instituta stu-  
 diosissime acerrimeque tenebant, eos postea factos  
 Christianos illis desertis abiectisque longe diuer-  
 sam vitam agere, diuersos mores inducere, & di-  
 uersissimam religionem & doctrinam colere. Ita-  
 que nec multas Parthi Christiani ducunt uxores,  
 nec mortuos Medi obiciunt canibus, nec mor-  
 tuos suos Indi cremant, nec Persæ cum sororibus, aut  
 cum filiabus nefario matrimonio miscentur, nec  
 Egyptii Apin aut canem, aut hircum, aut felem  
 colunt; sed ubicunque sunt, eisdem legibus, morib.  
 & institutis viuunt. Quid plura? Singulis horis  
 apud omnes gentes homines nascuntur: ubique au-  
 tem leges atque mores propter liberam hominis po-  
 testatem prævalere videmus. Nec natalitia sydera  
 nolentes Seras ad homicidium compellunt, aut  
 Brachmanas ad esum carniū; nec Persas a scele-  
 ratis nuptiis remouent; nec Medos prohibent vita  
 defunctos canib. exponere; nec Parthos multas du-  
 cere uxores. Singula namque gentes, ut volunt, &  
 quando volunt, libertate sua utuntur, legibus mo-  
 ribusque obedientes. Hactenus sunt quæ ex dis-  
 putatione Bardesanis aduersus Astrologos cō-  
 memoranda hoc loco censuimus.

VI. Stante libero arbitrio hominis, & im- VI. Ratio.  
 mortalitate animi nostri, ars ista nullo modo  
 stare potest: Si autem ea stet, illam funditus cor-



Ex animi  
nostri im-  
mortalitate  
& in agēdo  
libertate cō-  
cluditur di-  
uinationē  
Astrologica  
nullā esse.

I.

Futurorum  
causae tres.  
DEVS.

Caelum.

ruere necesse est: quo intelligere licet, qualis istiusmodi ars existimanda sit, quæ nisi pessunda, obtrita, sublataque nostrorum animorum libertate, atque immortalitate, nihil progredi, nec vlllo modo consistere queat. Quod autem, si animus noster immortalis & in agendo liber sit, diuination Astrologica nulla esse possit, his argumentis concluditur: Primo Astrologi profitentur, se futuras hominum actiones, euentaque ex sua artis observationibus presentire, & prenūtiare posse: hoc autem falsum est, futura enim, quæ ex libera hominis voluntate proficisci debent, nullo modo possunt esse nota Astrologis; nam cognoscerent futura in se ipsis, quod fieri non potest, quippe, quæ futura sunt, nondum per se actu sunt; quod autem non est, prout nō est, non intelligitur, sed prout aliquo modo est, nimirum potestate in suis causis. Nec prenosciqueunt futura in ipsorum causis, quæ tres sunt, *Deus, caelum, voluntas humana*; quæ autem ex Dei proposito, consilio & absoluta voluntate enentura sunt, ea nulli mortalium vel ex cœlo, vel alia quacunque ratione, nisi cui Deus ea voluerit aperire, cognita esse possunt. *Quis enim, inquit scriptura, cognouit sensum Domini? aut quis consiliarius eius fuit?* Et vt scriptum est in 9. cap. lib. Sapientiae: *Quæ in prospectu sunt, inuenimus cum labore: quæ autem in cœlis sunt quis inuestigabit. sensum autem tuum quis sciet, nisi tu dederis sapientiam, & miseris Spiritum sanctum tuum de altissimis?* Ex cœlo autem futura, quæ pendent ex voluntate hominis, nō possunt cognosci;



nosci; tum quia cœlum est causa vniuersalis,  
 quare futuri effectus particulares non nisi vni-  
 uersaliter, & indeterminate in cœlo contineri,  
 & cognosci possunt: tum etiam quia cœlum est  
 causa corporalis & materialis, quare animus  
 noster, qui per se incorporeus & expers mate-  
 riæ est, liberque in agendo, cœli efficientiæ ac  
 operationi directe & necessario minime sub-  
 iacebit. Voluntas porro humana, quæ est pro-  
 prima causa humanarum actionū, respectu fu-  
 turorum, quæ ex ipsa proficisci debent, per se  
 indifferens, & indeterminata est: multa enim a-  
 cturi sumus, de quibus nihil dum cogitauimus,  
 nedum deliberauimus: quomodo igitur caus-  
 sa indeterminata & indifferens potest definitā  
 certamque futuri effectus cognitionem pare-  
 re? Confirmatur hoc: *Exteriores actiones homi-  
 nis pendent ex interioribus, ex deliberatione dico  
 & electione: non potest igitur futura hominis actio  
 exterior prænosci, nisi cognita sit futura voluntatis  
 electio, unde illa proficisci debet: at futura hominis  
 electio non potest alteri homini esse cognita; si enim  
 propositum animi, & deliberationem, quā quis in-  
 præsens habet mente conceptam, nemo alius scire  
 potest, quāto minus scire poterit consilium, proposit-  
 tum, & voluntatem alterius hominis, quæ multos  
 post annos futura est?*

Voluntas.

Voluntas  
 humana  
 indifferens,  
 & indeter-  
 minata.

VII. Si Astromanteia de hominis euentis, & a- VII. Ratio  
 ctionibus diuinat, considerat hominem, aut ut vi-  
 uit, & operatur secundum rationem, aut secundū  
 sensum & appetitum. At hominis neque ut ope-  
 ratur secundum rationem, neque ut operatur se-



*secundum sensum & appetitum considerati futura  
 euenta & effecta potest predicere.* Homo enim si  
 consideratur secundum rationem, non certe  
 pendet e caelo: Est enim, vt Peripatus docet,  
 mens & ratio expers materiae & incorporea,  
 nullum autem corpus per se agere potest in id,  
 quod est incorporeum: ratio item libera est,  
 suarumque actionum domina, & suo arbitratu  
 ac voluntate potest ad hoc, vel illud agendum  
 se ipsa applicare. Nam quamuis vel a caelo, vel  
 ex naturali constitutione & temperatione sui  
 corporis, vel a Diabolo, vel aliunde instigetur  
 ad male agendum; potest ea tamen reniti, & vi  
 sua omnes instinctus, impulsus & irritamenta,  
 extrinsecus ei obiecta, comprimere & irrita  
 facere; quin etiam contra quam incitatur agit.  
 Hoc manifestum sit vnus Socratis exēplo, qui  
 ex naturali corporis affectione & comparatio-  
 ne, & bardus & mulierosus erat; sed eiusmodi  
 vitiosas naturae propensiones, adeo animi ro-  
 bore, & diligentiae magnitudine emendauit, vt  
 omnium sui temporis prudentissimus & con-  
 tinentissimus sit habitus. Homo autem viuens  
 secundum sensum & appetitum carnalem, tam  
 variabilem & incertam vitam agit, vt qualis fu-  
 turus sit, nullo modo praedici queat. Quamobrē  
 Salomon (quod est in 30. capite libri Prouer-  
 biorum) dixit: *Alia quadam sibi esse cognitu dif-  
 ficilia; illud autem esse prorsus ignotum, qualis sit  
 via adolescentis in adolescentia sua.* Est enim ea  
 aetas adeo lubrica ad quodlibet vitium, adeo  
 mollis & flexilis in omnes partes, adeo vagans  
 & er-

Homo pōt  
 instigatio-  
 nibus Dia-  
 bolicis re-  
 niti.

Adolescē-  
 tiaē vialu-  
 brica.



errans per omnia, & nulla in re diu perseue-  
rans, vt nulla certa ratione modoq; regi & du-  
ci, sed quocunque impellit cupiditas, illuc in-  
consulte, & temere rapi videatur, quo fit, vt fa-  
cilis sit diuinare quid acturus sit, qui viuit se-  
cundum rationem & virtutem, quam quid sit  
acturus, qui rationis & virtutum regula & lege  
constituta, suas duntaxat cupiditates sectatur.  
Facile etiam facilius est diuinare quid acturus sit  
rex, qui secundum rationem rectam, iustasque  
leges imperat, quam quid facturus sit tyrannus,  
qui omnia pro suo commodo & libidine ad-  
ministrat. Qua ratione igitur Astrologi certa  
scientia consequi possunt ea, quæ nihil ratum,  
firmum, fixumque & certum habent?

*VIII. Si esset Astrologicum fatum, & talis po-* *VIII. Ratio.*  
tentia syderum in hominum etiam mentes, quam  
actant Astromanta, illa posset ab homine impedi-  
ri ita, vt effectus eius non eueniat, aut nullo modo  
impediri posset. Si potest impediri & non euenire,  
ergo sicut effectus est incertus, ita predictio eius  
certa esse non potest. Si non potest impediri, ergo  
nullum est liberum arbitrium, & ex eo conficitur,  
animum nostrum esse materiale & mortalem,  
utpote syderum potestati necessario subiectum.  
Nec vero si ita res se haberet, quicquam prodesse  
hominibus Astrologorum predictiones: quid enim  
inuaret, nosse tanto ante futura, si ea nullo modo  
câueri & declinari possent? quin vt ego censeo plus  
mali quam boni afferrent nobis, quos necesse esset,  
non solum presentibus malis torqueri, sed etiam  
tam longinqua & inenitabili eorum expectatio-



Seneca.

ne acerbissime cruciari. Probe hoc intellexit Seneca, licet nō minorem, quam Astrologi, syderibus in homines vim & potentiam tribueret in libro enim 13. Epistolarum, 89. Epistola sic scribit: *Venio nunc ad illum, qui cœlestium notitia gloriatur.*

*Frigida nocturni quo sese stella receptet,  
Quos ignis cœli Cyllenius erret in orbes.*

Hoc scire, quid proderit? ut sollicitus sim, cum Saturnus & Mars ex contrario stabunt, aut cū Mercurius vespertinum faciet occasum vidente Saturno. Potius hoc dicam, ubicunque sunt ista, propitia esse, nec posse mutari. Agit illa continuus ordo Factorum, & inevitabilis cursus. Per statas vices remeant, effectus rerum omnium, aut movent sydera, aut notant: sed sine quicquid evenit, faciunt, quid immutabilis rei notitia proficiet? Sine significant, quid refert providere, quod effugere non possis: scias ista, nescias, fient. Hæc Seneca. Sed vide quam argute ac philosophice hanc ipsam sententiam brevissimis verbis conclusit

Phauorin9. Phauorinus: *Aut aduersa (inquit) aut prospera euentura dicunt. Si dicunt prospera & fallunt, miser fies frustra expectando. Si aduersa dicunt, & mentiuntur frustra, miser fies timendo. Si vera respondent, eaque non sunt prospera, iam inde ex animo miser fies expectando, antequā ex fato fias: si felicia promittunt, eaque euentura sunt, tum plane duo erunt incōmoda; & expectatio te spe suspensum fatigabit, & futurum gaudii fructum spes tibi iam deflorauerit. Nullo igitur pacto utendum est istiusmodi hominib. res futuras præsagientibus.* Sic Phauorinus.

IX. Ra-



IX. *Qui ea prænuntiare audent, quæ nullo modo a nobis, nisi reuelante Deo, præsciri possunt, certe stoliditatem suam produnt. At Astro-  
nanta plerique etiam ea prædicunt, quæ non nisi Deo reuelante, & hominibus illis, in quorum po-  
tate res illa, & quidem contingens est, præsciri  
sunt. Etenim audent etiam Astrologi prædi-  
cere & promittere al. quæ futurum (verbi gra-  
(a) summum Pontificem vel Imperatorem;  
tqui prouectio alicuius ad summum Pontifi-  
atum & Imperatum, non ex ipsius, vel vnus &  
terius hominis voluntate, aut potestate pen-  
et, sed ex suffragiis & volûtate summorû Car-  
dinalium, quorum est munus creare summum  
pontificem, & ex decreto & voluntate electo-  
rum creantium Imperatorem. Quapropter vt  
erto prænuntiarî possit, Petrum, (verbi causa)  
ore Papam, non satis est nosse compositionem  
storum, quæ in cælo fuit, nascente Petro,  
ed simul etiam opus esset, Astrologo perspe-  
tos & cognitos esse omnes syderum positus &  
onstellationes, sub quibus nati sunt, quorum-  
umq; voluntatum, & suffragiorû concursus,  
d creandû illû Papam futurus est necessarius.  
Quare si verû est, quod in Augusto Suetonius  
arrat, Nigidium Figulum in istiusmodi Astro-  
gia nobilissimum apud Romanos, accepta hora  
artus Augusti, obseruatisque natalitiis eius astris,  
xclamasse, Dominum orbis esse natum; profecto  
d æstimandum est, id eum nec scienter, nec  
erta aliqua ratione, sed temere ac fortuito  
ixisse: & casu factum esse, vt contigerit, sicut*

IX. Ratio.

Prædictio  
Astrologo-  
rum aliquæ  
futurû Im-  
peratorem,  
&c. stolidæ  
& ridicula  
est.



ille prædixerat. Promotio namque Augusti, plurimos honorum gradus ad iummum usque Principatum & Monarchiam, ex multorum hominum studio, gratia, & opera pendeat; ut autem tantum Augusti dominatum ac Imperium cetero prænosendum, atque prænuntiandum, scilicet, melius Augusti generationis & ortus consideratis, satis esse nequaquam potuerit. Neque enim natalitia Augusti sidera vim ullam habere potuerunt in eos, qui fuere Augusti suffragatores ac adiutoresque ad consequendum Principatum; scilicet, licet multi eorum compluribus annis, vel antea vel post Augustum nati fuerant.

X. Ratio.

X. Si *Astromantia* hæc esset certa, esset certa ars, & scientia quadam. At non est scientia, non est ars. Omnis enim scientia & ars versatur in rebus, quæ aut semper, aut certe frequenter ita contingunt, ut ab ea docentur: quæ autem

Ars & scientia in quibus versentur.

extra hæc sunt, & rarissime accidunt, ea quia nihil habent fixi & certi, propterea nullam possunt artem & scientiam efficere. Cum igitur prædictiones Astrologorum fere sunt falsæ, nec nisi perquam raro veridicæ sunt, satis liquet, eas non ex arte aliqua & certis observationibus proficisci, sed inscienter ac inconsulte ab illis, nec non

Phauorini admonitio.

temere effutiri. Quamobrem Phauorinus identidem commonebat, ut cauerent homines, ne qua ipsis Chaldaei ad faciendam fidem irrepererent, quod viderentur quadam interdum vera effutire & spargere. Non enim comprehensa, aiebat, neque definita, neque percepta dicunt, sed lubrica atque ambagiosa coniectatione utentes nitentesque,

tesque,



esque inter falsa atq; vera pedetentim quasi per  
 nebras ingredientes eunt: & aut multa tentando  
 incidunt repente imprudentes in veritatem, aut i-  
 sorum, qui eos consulunt, multa credulitate ducē-  
 perueniūt callide ad ea, quæ vera sunt: & idcir-  
 o videntur in præteritis rebus, quam in futuris,  
 veritatem facilius imitari. Ista tamen omnia, quæ  
 ut temere, vel astute vera dicunt, præ ceteris, in-  
 quit, quæ mentiuntur, pars ea non fit millesima.  
 Iac Phauorinus apud Gellium. Sed audi, quid  
 eandem sententiam, lib. 2. de Diuin. scriptū  
 apud Ciceronem. *Quid plura?* inquit, quoti- Cicero.  
 die refelluntur Chaldaei, *Quam multa* ego Pom-  
 peio, *quam multa* Crasso, *quam multa* ego huic ipsi  
 Casari a Chaldeis dicta memini, neminem eorum,  
 nisi senectute, nisi domi, nisi cū claritate esse mori-  
 turum: ut mihi permirum videatur, quemquam  
 existare, qui nunc credat etiam iis, quorū prædicta  
 quotidie videat re euentisq; refelli. Seneca in eo Seneca.  
 bello, cuius inscriptio est: *Ludus in mortem*  
*Claudii Caesaris*: initio introducit Mercurium  
 apud Parcas mortem Claudii procurantem; &  
 obiter Chaldæorum vanitati illudat, inter a-  
 lias rationes, quibus conatur Mercur. inducere  
 Parcas ad necem Claudii, hanc affert, ne toties  
 videlicet miseri Chaldaei mentiantur: *Patere*, in-  
 quit, *Mathematicos aliquando verum dicere*, qui  
 illum, postquam Princeps factus est, omnibus an-  
 nis, omnibus mensibus efferunt. Prædicebant e-  
 nim illi Mathematici Claudium singulis annis  
 & mensibus moriturū: quod etiam nostri tem-  
 poris Astrologis contingit. A quibus mortes

LL



B. Ambro-  
sius.

summorum Pontificum vel Imperatorum in  
singulos annos, atque adeo menses prænuntia-  
ria audimus, & ridemus. B. Ambros. lib. 4. in He-  
xaem. c. 7. *Cum* (inquit) *ante dies paucos sermo*  
*esset de pluvia, qua fore utilis dicere iur, ait quidā*  
*Ecce Neomenia dabit eum, & quamvis cupidi es-*  
*semus imbrium, tamen eiusmodi assertiones vera*  
*esse nolebam. Denique delectatus sum, quod nullus*  
*imber effusus est, donec precib. Ecclesia datus, ma-*  
*nifestaret non de initiis Lune sperandum esse, sed*  
*de providentia & misericordia Creatoris; quo ex-*  
*emplo & vanitas istiusmodi Astrologiæ confuta-*  
*tata est, & efficacia Christianæ pietatis visq; re-*  
*ligiosarum precum re ipsa comprobata.*

Albumasa-  
ris de dura-  
tione legis  
Christianæ  
falsa prædi-  
ctio.

ALBUMASAR Princeps huiusce superstitio-  
nis astrologicæ, ex observatione & præceptis  
huius artis, prædixit, *Christianam legem duratu-*  
*ram non plus annos 1460.* Sed bene habet, quod  
post id temporis, exacti iam anni centum vigin-  
ti octo fallam esse illius prædictionem aperte  
demonstrant. Abraam Iudæus prænuntiavit  
*ex observationibus astrologicis, expectatum a Iu-*  
*daeis Messiam venturum anno post domini no-*  
*stri ortum 1464.* quod nimirum tum futura esse  
set eadem astrorum compositio, quæ fuerat o-  
lim cum Moses Hebræos ex Ægypto eduxit  
cuius prædictionis vanitatem dies ipse redar-  
guit.

XI. Ratio.

XI, *Quod pugnat cum Christianæ religionis*  
*natura & veritate, id falsum sit necesse est. Atque*  
*Astromantia hæc superstitiosa & Chaldaica di-*  
*vinatrix plane impugnatur religionem Christianā.*

Nam



um si Christiana religio (*ut argumentum re-*  
*atur*) & disciplina vera est, ut est profecto ve-  
 rissima, non potest esse vera, nec Christianis pro-  
 prii potest illa opinio Astrologorum, ut quam  
 vanitatis, & falsitatis impietatisque per se pe-  
 cunauit: si autem falsa est doctrina Christiana,  
 cum ipsa totum fere orbem complexa sit, om-  
 nesque propemodum gentes suo imperio  
 obiecerit, & plus mille quingentos annos vi-  
 rat, & regnet in mundo, si omnia, quæ apud  
 homines fiunt ex cælo proueniunt & pendet,  
 orcesse est tantam hominum ad fidem facien-  
 tum, & Christi tuendam propensionem, tan-  
 tamque studium, ex insigni aliqua ac præpotenti  
 constellatione euenire. Quare cælum inclina-  
 ret, & deduceret homines ad malum. Si enim  
 des Christi esset falsa, magis profecto esset fal-  
 sa & detestabilis, quam alia quælibet secta: ea  
 enimque docet de Deo & rebus diuinis, quæ si  
 falsa sunt, nefariam sane superstitionem & ex-  
 terandam impietatem contineant necesse est.  
 t vero, cum vita, quæ ad normam fidei Chri-  
 stianæ agitur, sit optima & inculcata, nec laude  
 tantum, sed etiam summa admiratione dignis-  
 sima, hinc necessario efficeretur, ab eadem cõ-  
 constellatione proficisci bonum & malum: malum  
 uidem propter falsitatem fidei Christianæ; bo-  
 num autem, propter vitam, quæ ad eius doctrinæ  
 regulam informatur & dirigitur, probitatem at-  
 que præstantiam. *Ad hæc*, maxima probatio, & Fidei Chri-  
 confirmationis fidei nostræ, & clarissimum diui-  
 næ prouidentia argumentum illud est, *quæcũ-* firmatio.



que circa CHRISTVM dominum, & eius Ecclesiam  
 euenerunt, ea multis ante seculis fuisse per Pro-  
 phetas, ad unum omnia proprie, distincte, explica-  
 teque prædicta: Si autem istiusmodi prædictio per  
 Astrologiam fieri posset, funditus rueret, & ad  
 nihilum decideret firmissimum nostræ religio-  
 nis fundamentum. Ne multa istiusmodi Astro-  
 logorum doctrina veram Philosophiam mora-  
 lem, nedum sacram scripturam, & Theologiam  
 quantum in ipsa est, plane peruertit; qui enim  
 certum habet, omnia pendere e cælo, ob idq; cun-  
 cta hominum opera, facta, casus & euenta ex cælo  
 obseruatione presentiri & prædici posse, huic quo-  
 que necessario persuasum esse debet, materialis  
 & moralem esse animum nostrum, nullumque esse  
 liberum arbitrium, nec talem esse providentiam  
 Dei, qualem fides nostra prædicat, mysteria item  
 Christianæ religionis pendere e cælo, cunctaque  
 miracula, tam in veteri quam in nouo testamento  
 edita, licet dicantur, ut reuera sunt, supernatura-  
 lia, ad cælestes nihilominus causas & virtutes re-  
 uocari. Huic quoque opinioni consequens est  
 neglectio & prætermissio bonorum operum  
 licentia omnium cupiditatū, quorumlibet fla-  
 gitiorum excusatio, denique inutilitas atque  
 crudelitas humanarum pariter atque diuina-  
 rum legum.

## XII. Ratio.

Quod impium & execrandum est, id etiam  
 vanum & homine indignum. Astromanteia Ge-  
 nethliaca in multis est impia & execranda, quod  
 patere potest ex multis illorum decretis & senten-  
 tiis, ex quibus de arte fit iudicium. Quidam isto-  
 rum,



mm, ex Marte in nona cœli regione feliciter *Astroman-*  
 constituto, tantum præstari nobis contendunt, *tarum im-*  
 ab obsessis corporibus sola præsentia Dæ- *pictas.*  
 mones expellamus. *Alii* iactant se hac arte, de *I.*  
 aus qui nascitur conscientia arcanis & secretis *II.*  
 ne errore iudicatos. Vulgatum quoque a-  
 id illos est, duos esse Planetas felicitatis hu- *III.*  
 manæ auctores, Venerem quidem præsentis,  
 quem autem post hanc vitam futuræ. Mater-  
 as porro eiusmodi figmentorum & menda-  
 rorum studiosissimus & curiosissimus, cum *IV.*  
 multa memoret, quæ a Saturno constituto in  
 Leone accidunt hominibus, subdit, *eiusmodi*  
*homines longævos fore. Et post mortem animas eo-*  
*rum in cœlū diis applicatas euolaturas. Saturnus*  
*nim, inquit, in Leone positus, animas eorum, qui*  
*se habuerint in terris, innumeris angustis libe-*  
*tas, ad cœlum Et originis suæ primordia dedu-*  
*it. Denique Albumazar scribit, qui Luna Ioni*  
*coniuncta in capite Draconis, Deo supplicauerit,*  
*quicquid petierit a Deo, certissime impetra-*  
*rum: id quod Petrus Apponensis expertum*  
*esse dicit: Nam cum vigente illa coniunctio-*  
*e, sciētiam rerum a Deo postulasset, ait, se post*  
*am diem magnam sibi factam esse sciētia accessio-*  
*em, sensisse. Hæc autem, & alia eorum similia,*  
*quæ sint nefaria, detestanda, & Christianæ reli-*  
*gioni exitialia: quantumq; valeant, ad eleuan-*  
*dam, vel potius delendam fidem illorum, quæ*  
*liuina Scriptura docet immediate, supernatu-*  
*raliter ac miraculose fieri a Deo, nemo est tam*  
*nebes ingenio, & tardus intelligentia, vt non*



clarissime intelligat. Plura videris in Pico M  
randulano.

*Rationes Sixti ab Hemminga Frisii Astrologicas  
prædictiones refutantis.*

I. Ratio.

**S**ixtus ab Hemminga Frisius Astrologiā hanc  
ratione, & experientia confutans, Astrologi-  
gos absque mendacio de effecto syderum nihil  
prædicere duabus rationibus demonstrat.

PRIOR est, quod virium cœli corporumque  
puta causarum efficientium tanta varietas sit  
& confusio, vt earum cognitio sit impossibilis  
& incomprehensibilis: primo quidem ob multi-  
tudinem stellarum: secundo ob propriam cu-  
iusque stellæ signi partisque cœli vim, virium  
differentias: tertio ob mutationem, quæ plane-  
tis accidit, occurrit in primis stellarum multi-  
tudo innumera & incomprehensa, cuius quid-  
quora pars nota putetur incertū plane est. Cum  
autem Astrologi numerēt stellas in vniuersum  
1028. tantum, necesse est, vt fateantur ex quarū  
dam stellarum inspectione, & exigua quadam  
cœli parte se indicare: ac demonstrent incogni-  
tarum tāquam inutilium notitiam non requiri.  
Cognitionem autem earum quas numerant, ex  
solo intuitu, & colorum iudicio æstimant. Nam  
cum planetis primas qualitates assignent ex lu-  
minis substantia, magnitudine, qualitate, distan-  
tia: de fixis nihil tale statuunt, sed ex coloribus  
tantū plumbeo, rubeo, pallido, argenteo, mi-  
cante, splendido aureo, fuluo, & similibus pro-  
nuntiant esse de natura, vel Saturni, vel Martis  
vel Veneris, alicuiusque Planetarum. Iam vero  
apud



apud Astrologos & Mathematicos in confesso  
 est, Saturnum sui corporis mole terram ipsam con-  
 tinere nonagies semel: Iovem nonagies quinques: Moles stella-  
rum respectu  
terre,  
 Martem semel cum parte dimidia: Solem vero  
 centies, sexagies septies: Venerem adæquare tricesi-  
 nam septimam partem terre: Mercurium vice-  
 simam primam: Lunam vero, tricesimam nonam.  
 Eum etiam stellas, quas prima vocant magnitu-  
 dinis, aiunt terram amplitudinem continere centies  
 septies: secunda magnitudinis nonagies: tertia se-  
 tuagies: quarta quinquagies quater: quinta trico-  
 ges quinques: sexta decies octies, atque adeo luna-  
 ris corporis molem septies centies. Et bis: quæ tamen  
 minime putantur omnium, quæ se humanis obtuti-  
 bus ingerunt. Quæ profecto iis, quibus sunt in-  
 audita, portentosa videri possunt, ceterum apud  
 illos adeo trita, ut qui hæc ipsa ignoret, Astro-  
 logiam vix a limine saltasse putetur. Quod si in  
 tam stupenda horum corporum vastitate con-  
 sideranda mens hominis prorsus deficit, si in tā  
 immensa distantia, & inscrutabili ordine plane  
 caligat: quomodo de substantia, qualitate, & vi-  
 ribus, vel minime quiddam veri perspiciet vi- De qualita-  
te & viribus  
stellarum.  
 lissimus homuncio: qui raro quod ante pedes  
 est recte prospicit? Sol, inquiunt, agit in ista in-  
 feriora, similiter & luna, reliqua vero astra eiusdē  
 sunt natura atq; substantia cum Sole & Luna, gi-  
 gur & reliqua astra in hac inferiora astra agunt,  
 atque illa gubernant. Esto quidem: sed solis o-  
 perationes, & lunæ sunt euidentēs, & ad præ-  
 dictiones inferri non possunt: reliqua vero a-  
 stra esse eiusdem naturæ, cum Sole & Luna non



aliter, opinor, interpretantur, quam corpora esse calida, lucida, viuificantia, cœlestia, addebo volens diuina & æterna. Quæ aut qualis sit per se natura syderum non tam inquiritur, quam de effectibus earundem. Sed cōcedamus propter Solem & Lunam Planetas alios, omnesq; stellas agere: quid refert agere si ignoramus quid agant, si curiositas humana perscrutandis actionibus se frustra fatigat? Hoc ipsum cū dicunt omnes, agere quod eiusdem naturæ sint omnes, maxime arguit diuinatricē, cum ne vnus quidem vires explicare possint: omnium vero ne numerum quidem assequantur. Earum autem viriū perceptio, quas mundum elementarem in se recipere quiuis intelligit, in artem non cadit, neque doctrinam constituere potest, cum ea tam manifesta sit, vt non solum hominibus, sed brutis etiam & ratione destitutis se ingerat, & quod Sol calefaciat, viuificet, quatuor anni partes constituat, Luna humectet. Hoc potius iis incumbit ad artem suam stabiliendam, vt demonstrent, quemadmodum quiuis intelligit & sentit Solis efficaciam & Lunæ, sic se de reliquorum syderum potestate, & effectū certa posse pronuntiare, in quo quidem quo magis laborant, hoc certe minus proficiunt, iuxta illud quod est in prouerbiis: Πολλὰ μοχθήσαντες ὁμοιοί εσμεν. Porro signorum differentiarum multiplices, & propemodum infinitæ perhibentur, cum alia dicantur *Orientalia, Occidentalia, Septentrionalia, Meridionalia, ignea, aerea, aquea, terrea, masculina, foeminina, diurna, nocturna, amara, dulcia,*

Signorum  
differentiarum  
multiplices.



*dulcia, acria, salsa: Alia mobilia, fixa, communia,*  
*tropica, æquinoctialia bicorporea, firma, directe &*  
*oblique ascendentia. Alia rursus imperantia, obe-*  
*lientia, intuentia, pulcra, rationabilia, vocem,*  
*habentia, muta, alas habentia, quadrupedia, prole*  
*habentia sterilia, luxuriosa. Sic etiam differen-*  
*tiæ partium cœli secundum substantiã, de qui-*  
*bous mox diximus. Errorẽ autem, qui procedit*  
*ex virium mutatione, quæ magna ex parte erra-*  
*ticarum motus varietatem comitatur, longe*  
*maximum esse constat: Versatur autem Astro-*  
*logus præcipue in eius mutationis considera-*  
*tionẽ, adeoque vt etiam si stellarum numerum*  
*persequatur, & vires cuiusq; syderis & signi par-*  
*tium cœli cognorit, hanc vero omittat, nihil in*  
*prædictionibus egerit. Ratio autem & necessi-*  
*tas erroris hinc oritur, quod mutatio hæc eo-*  
*usque se extendat, vt non solum vim suam pro-*  
*priam, quam vocant essentialẽ, Planetæ remit-*  
*tant aut intendant ex motus varietate, sed & in*  
*ascititiam commutent, & contrariam assumãt,*  
*vt ex bonis mali, ex beneficis malefici, ex infor-*  
*tunatis fortunati euadant & contra: hinc otio-*  
*sa illa nomina: Retrogradatio, statio, velocitas,*  
*tarditas, motus equalitas, longitudo, latitudo, a-*  
*spectus, orientalis, occidentalis, ambustio, eclipsis,*  
*directio, progressio, reuolutio, transitus. Item gan-*  
*dium, detrimentum, exaltatio, casus, triplicitas,*  
*terminus, peregrinitas, facies, situs, receptio, appli-*  
*catio, separatio, prohibitio, translatio, pulsatio, re-*  
*frenatio, contrarietas, abscissio, frustratio, & id ge-*  
*nus plura ineptissima artis superstitiosæ voca-*

Præcipua  
 Astrologicę  
 vanitatis  
 capita.



Cometa  
quid.

Cometam  
nemo præ-  
dixit vn-  
quam.  
Effectus  
cometarū.

bula, quæ vocant Planetarum accidentia; quæ profecto sunt præcipua astrologicae vanitatis capita & fundamenta, cum nihil sit omnino, quod per hæc ipsa non possint ausintq; affirmare vel negare, ac pro arbitrio confingere. Quid vero de Cometis dicendum? Si uti definiunt, cometa est flamma agens in exhalatione calidam & siccam, terrestrem, pinguem, & viscosam, virtute corporum coelestium & certo stellarum positu & terræ visceribus paulatim usque ad supremam aeris regionem sublatam, inibique accensam, cui virtute dominantis Planetæ subinde alia atque alia materia suppeditatur, donec ea deficiente cessat? dicant ac doceant, ex qua parte orbis terrarum exhalatio illa ascendat, unde materia suppeditetur, demonstrent syderum positiones, configurationesve, quarum vi attrahantur. Quis unquam apparitionem cometæ prædixit? De prædictione huiusmodi nusquam quicquam memoriæ proditum est, cum de apparitione frequens sit mentio. Si effectus cometarum sunt, parere caliditatem, siccitatem, sterilitatem, famem, pestem, bella, ventos, terremotum, inundationes, mutationem regnorum, & rerum publicarum, constitutionis legum & religionis, ac mortes virorum, principum, regum, ac monarcharum, & similia ingentia mala: primum mihi dicant velim Astrologi, an omnia hæc mala simul decernantur, an quædam tantum & quænam illa? Deinde si non toti orbi, cui parti, cui provinciae, cui reipublicæ, quibus monarchis? Quis unquam existit qui post exortum cometæ

tam



tam certas aliquas calamitates futuras designavit? Nihil certi, nihil veri aut fide digni prædicatur, id tantum generatim mortalium mentibus infixum est, cometas ingentia mala terræ habitatoribus denuntiare, nulla profecto certa ratione confirmatum, sed ex obscura quadam observatione experientiæ æmula profectum. Rationes effectuum plusquam ridiculas esse ex una aut altera quivis facile intelliget. Bellum, tumultus, translatio dominiorum, mutatioque legum & religionis accidunt post visum cometam. *Quia*, inquit, *tēpore cometa sunt in aere exhalationes multa calida & sicca, quæ homines siccant, & calorem in iis accedunt, quo facile ad iram provocantur, quam consequuntur dissidiū & iurgia, atque inde prælium sequitur victoria, prælii casus & rerum vicissitudo: Sic mors magnatum, quia hi, inquit, ceteris delicatius vivunt, subtilioreque utuntur alimento, proinde facilius inficiuntur. Et quia cholericici tunc vehementiores sequuntur animi perturbationes, bella & seditiones excitantes, ex quibus cades, & mors principum, illi enim præliis interfunt, & facile ad iram provocantur pugnantque ardentius, ideoque sepe occubunt.* Quæ quamvis videri possint rationes physicae, tamen eius sunt generis, ut non obscure ostendant humani generis ignorantiam, & procacitatem, nihil omnino certi determinantes. Et hæc quidem de causa prima dicta sunt.

Rationes  
effectuum  
ridiculae.

II. Altera vero Astrologicae vanitatis præcipua causa est, quod infinite varia sint, neque illo modo comprehendi possint ea, quæ vira

II. Ratio.



& actiones syderum retundant, permutant, refugiant aut abolent, aut non patiuntur: ut in generalioribus prædictionibus, quæ imperia, regna, populos, regiones & oppida concernunt, generalis illa mobilitas & inconstantia elementaris mundi, & mutabilis perpetuo fluensque materia, ut alibi latius, Deo fauente, disputabitur. In homine vero ex prædictione genethliaca, natura seminis, ea quæ fœtui contingunt, quo tempore moratur in utero, & hora natiuitatis, enutritio, educatio, institutio, volûtas, cōsiliū, externorum conditio, consuetudo, occasio, casus, fortuna & plura eiusmodi, quæ non solum non negligenda, sed diligenter etiam pēsitanda faretur ipse Ptolemæus. Narrat Hieronymus Wolphius eximius bonarum literarum cultor & huius æui scriptor insignis, *oblatam sibi fuisse Sebastiani Castallionis filioli genesim, mortui in infantia, quæ omnia loca aphetica salua habebat: cumque miraretur, Castalionem retulisse eam fuisse & suam, & matris affectionē & valetudinē, propter aduersantis fortuna procellas, ut nihil mirandum esset partum aliqui vitalem, parum vixisse. Idem Wolphius in tractatu de Astrologiæ usu, de regionum diuersitate locutus, & præceptis Astrologicis ad eam conferendis, sic de seipso inquit: Si mee geneseos Planetas ex præceptis Haly Abenragelis consideres, quem me esse statues, nisi militem ferocissimum ac bellicosissimum? ac fortasse talis euasissem, si apud Arabes gentem atrocinis fere deditam educatus & institutus fuisset. Nunc in pacata prouincia, pacatis temporibus*

Hieronymus Wolphius.



temporibus natus, & in eo genere vite educatus, quod cum armis nihil commune habet, is euasi, quem vides. Et Hieronymus Cardanus, vidimus, inquit, quosdam quibus plus satis felicitatis atque frequentius contingebat, quam astra polliceri viderentur. Vt contra alius. Nā & filia nostra & minori filio plura longe videbantur imminere pericula, quam euentus præstiterit: Et filia cū satis imbecillis videretur futura, vix tamen unquam, graui aliquo morbo correpta est: Et nobis, inquit, longe maiora successerūt circa honores, & actiones, & vitā, quam sydera polliceri viderentur. Sic si cœlum per primas agit qualitates, quis nō videt bona externa, diuitias, opes, potentiam, egestatem, & fortunæ ludibria cum qualitatibus nihil habere communitatis? Sed non abs re videor facturus, si initium sumens ab iis, quæ natiuitatem præcedunt, & ipsa natiuitate, mox de educatione, temperamento, institutione, studiis, actionibus, & similibus, quæ ad propositū pertinere videbuntur, paulo latius ordine pertractem. In primis vero ante natiuitatem quinque quædam obseruanda videntur, præter regionis diuersitatem, vt Ficinus nostri temporis philosophus præclarus, in interpretatione libri Plotini, cui titulus est, *Vtrū stelle aliquid agant*, recte docet. Primo quidem natura parentum, & seminis, & sationis tempus, cuius quidem seminis & iactus conditio sequitur parentis vtriusque naturam imaginationemque, ac voluntarium parentum motum potius, quam tū præsentem cœli constitutionem motumue: *Secun-*

Quinq; ante natiuitatem obseruanda.

I.

II



III.

IIII.

V.

Erigitur au-  
res Geneth-  
liaci.

do, tempus quo semen in vtero collectum, fir-  
mumque iam ex eo, quod erat incipit permuta-  
ri & conglutinari: Exordium & fors eiusmodi  
conglutinationis actionique sequitur condi-  
tionem seminis & parentum magis, quam cœ-  
li: *Tertio* tempus quo fœtus primum formatur  
in vitam, quod non in omnibus æquo dierum  
& horarum spatio a conceptionis tempore di-  
stat: *Quarto*, tempus quo adultus infans in vte-  
ro se a maternis vinculis absolueret toto impe-  
tu adnuitur: Solutionis vero huiusmodi fors,  
sequitur naturaliter virtutem pueri, ac matris  
conditionē: deinde forsā aliqua ex parte cœli  
habitum, magis minusve ad id conferentem:  
*Quinto*, tēpus quo solutus omnino puer erum-  
pit ex aluo: Erumpentis quidem cōditio sequi-  
tur præcedentem conditionem annitentis. Iā  
vero alia atque alia fuit natura parentum, ac se-  
minis, vterique materni dispositio: incremen-  
tum fœtus non vno modo succedit, aut impe-  
ditur, idem euenit in progressu ad natiuitatem  
vsque, vt multiplex fuerit ante ortum causa-  
rum cōcurfus. Rursus alia syderum positio, quo  
tempore conciperetur, & cum infunderetur a-  
nima, & cum ederetur in lucem. Ex quorum  
differentia si alia atq; alia sequatur humani cor-  
poris crasis, temperatura, ac tota hominis na-  
tura, omnino conuenit Astrologum non ex so-  
la cœli cōstitutione, quæ hora natiuitatis offer-  
tur, de his ipsis iudicare, sed omnibus simul col-  
latis, & diligenter pensatis, sic demum, si quā  
potest, veritatem elicere. Atqui ignorantur hæc  
tempora



tempora, ignorantur & causæ quot qualesque,  
 in imprimis, quid ex concursu omnium con-  
 etur. Vnde necessarius error cōsequitur (quis  
 nim in tanta cōfusione causarum & effectū,  
 in tantis tenebris iudicio veritatem conseque-  
 tur) quod tamen Astrologi non agnoscunt, aut  
 aperte dissimulant, existimantes, solum tempus  
 ipsius ortus, & cœli constitutionem, quō tem-  
 pore prodit infans ex utero, sufficere ad futuro-  
 rum euentuum inspectionem. Eiusque tempo-  
 ris inquirendi multas docentes rationes per A-  
 nimodar, per trutinā Hermetis, per casum sper-  
 natis in uterum, moram fœtus in utero, coniū-  
 ctionem & oppositionem luminarium proxi-  
 me præcedentem ipsam natiuitatem, demū per  
 accidentia nati, sed quæ profecto adeo nihil ha-  
 bent certitudinis, vt a mera coniectura quā mi-  
 nimū absint. In enutritioe vero, & educatione  
 primo cōsideranda regionum diuersitas & cō-  
 suetudinis, quam sequitur diuersa ratio educa-  
 tionis. Sic in Italia, & Gallia, & Hispania, in Ger-  
 mania, Anglia, & Bohemia non idem liberos e-  
 ducandi modus: secundo nutrimenti varietas.  
 Non enim omnes Galli, aut Germani, aut Hi-  
 spani, eodem aut simili vtuntur nutrimento, &  
 similiter educantur, sed aliter primarii homines,  
 aliter plebii, aliter mendici filius: rursus, neque  
 horū cuiusque liberi eodē modo: vnde tanta di-  
 uersitas, vt singulę familiæ suum habeant pecu-  
 liarem fere educationis modum, & hunc qui-  
 dem inconstātem, variisque de causis mutabi-  
 lem. Cum autem educatio non minori cura,

Educatio  
 diuersa.



Tempera-  
menta  
quomodo  
cognoscan-  
tur.

quam ea, quæ ortum præcesserunt, considerari  
debeat, nec minor in hac reperiatur difficultas  
quam in illis, manifestum est, Astrologum, non  
minus in hac, quam in illis ob rei difficultatem  
& incertitudinem in iudicio a veritate aberrare.  
Quod si in iis, quæ ortum præcesserunt, quæ  
que ortum comitantur, tū vero & in enutritio-  
ne necessario hallucinetur, quomodo de tem-  
peramento possibilis erit recta diiudicatio? Ad  
cognitionem vero temperamenti veriorē, præ-  
ter considerationem eorum, quæ diximus, cō-  
sulendos potius censeo medicorum libros, quā  
rationes Astrologorum. Medici enim ex signis  
probabilib. venantur non totius tātum huma-  
ni corporis, sed singularum etiam partiū tēpe-  
ramentum: tum vero ex iis signis, quæ cōmuni  
sensu ex ipsis actionibus deprehenduntur: vt, si  
videas quendam promptum ad iram, ad vim, ad  
dolum, effusionem sanguinis, nō inepte conii-  
cies, si hunc dicas abundare flaua bile: si stupi-  
dum quendam, tardum, ignauum, somnolen-  
tum de pituitæ copia pronunties. Astrologi  
vero ex Martis constitutione in angulo quadra-  
to vulnerantis Lunam, vel ex coniunctione, aut  
quadrato Martis & Mercurii, vel Solis, de bile  
iudicant: ex Saturni potētia, de melācholia; Io-  
uis, de sanguine, & similiter de aliis configura-  
tionibus & situ, ex circumfusi cœli constitutio-  
ne, tempore natiuitatis eliciētes qualitātē tem-  
peramenti, & quæ temperamentum solent co-  
mitari, vt robur & imbecillitatem corporis, &  
animi affectus; Hippocratis testimonia perpe-  
ram ad-



am adducentes, qui quodā libello refert caus-  
as diuersitatis naturarum in diuersis terrarum  
locis ad lumen cœleste, cum ait: *Asiam plurimū  
ab Europa differre.* Et Galeni, dicentis, *affici a-  
nimatum corpora a lumine planetarū, magnam-  
que eorum vim esse in temperamentis, & miscen-  
tis & turbandis.* Et Aristotelis 1. lib. Meteoror-  
um sic differentis: *Id a quo initium est motus,  
ocul dubio ceteris etiā rebus vim mouendi im-  
ertit.* Sed cœli motum primum in natura existi-  
nisse hominibus philosophis ambiguum nō est:  
Non igitur in dubium vocari debet eius motus  
in rebus inferiorib. vis & efficacia. Nemo her-  
cule sanæ mentis negat, generalem vim quan-  
tam transmitti a cœlestibus corporibus ad in-  
feriora, illa nimirū agere, hæc pati; sed dicimus  
effectus syderum nulla ratione præsciri posse, &  
quæ sit forte inter mortales eiusmodi effe-  
ctuum cognitio, eam tamen neutiquam tãtam  
esse, vt ad artem reduci possit, aut debeat. Edu-  
cationem sequitur institutio: cuius magnā vim  
esse, non solum ab omnibus philosophis & do-  
ctis vno ore pronuntiatum est, sed & ipsa expe-  
rientia docet. Dependet autem præcipue insti-  
tutionis forma ex variis occasionibus, volunta-  
te hominis, vel instituētis, vel eius, qui institui-  
tur electione, contingentia, ad cōditionem re-  
um externarum, vt pote diuitiarum, existima-  
tionis, honorum, possessionem vel nullam, vel  
liquā: instituendus amplectetur sæpe, nō quod  
cœlum offerre dicent Astrologi, sed quod sua-  
lebunt, vel parentes, vel amici, aut propinqui,

MM



aut qui eius curam habebunt, aut quo ipse potissimum videbitur delectari: Si regis est filius regio more educabitur, & instituetur, & regni gubernationi destinabitur: si potentioris est filius, addicetur a patre vel amico, vel suatore; milite quidem ad militiam, sacerdote ad sacerdotium, literato ad literas, publicis muneribus occupato ad iurisprudentiam, a pio ad pietatem, industrio ad industriam, otioso ad otium. Si plebei est filius, opificio destinabitur; a futuro quidem ad futrinam, ab architecto ad architecturam, a piscatore ad piscationem, aut aliud ipse forte vel occasione, vel casu, vel electione amplectetur. Sepe etiam fit, ut homo natus ad literas & philosophiam, instituatur in re militari; & qui ad militiam videbitur natus, ad imperium accedat: Et saepe a natura prauus, corrigitur institutione, & ad frugem reducitur: ut memoriae proditum est, cum physiognomon Zopyrus turpia quaedam de Socrate, & a virtute ipsius aliena dixisset, & a multis idcirco rideretur, respondisse Socratem, *non errat Zopyrus: talis enim natura forem, nisi naturam philosophia superassem.* Nero per philosophiam Senecæ primo quinquennio a toto orbe probatus fuit, quamvis postea ad tyrannidem reflexerit. E contra probas frequenter indoles institutione, & exemplo deprauari, quotidiana exempla abunde docent. Institutioni recte coniunguntur actiones, studia, & occupationes hominum, circa quas in primis expedere conuenit regionum consuetudinem, quam scimus non quadam naturali necessitate, aut sy-

derum

Zopyrus.

Socrates.

Nero.

Actiones &  
studia ho-  
minum.



derum potestate cōstare, sed vel legibus, publicisque moribus, vel exemplo, & disciplina, vel fortuna & occasione quadam, vel natura & commoditate loci, vel proprio quodam consilio opinioneue provenire; aut etiam ex his omnibus aut quibusdam congregari. Vbi impune peccare licet, etiam modestiores peccant; vbi vero & quando acrius animaduertitur in peccantes, etiam qui naturaliter instigantur ad scelera, cohibentur. Imitatione bonorum multi quotidie boni fiūt; mali vero imitatione malorum quocunque sydere nati fuerint: sicut ex contagione per vnum multi subinde languēt, nō tam stellis quam veneno contagionis infecti. Sæpe pro maiori minorive occasione, commoditateque magis minusue peccatur, vel etiam recte agitur. Nullum profecto sydus piscatores faciet, aut venatores, vbi nulla facultas, nulla consuetudo piscandi est atq; venandi. Atq; vicissim omnes ferme sub quolibet sydere nati piscantur atque venantur, vbi & occasio & vsus id, & indigentia postulat: sic vnaquæque ferē regio peculiaribus studiis, occupationibusq; exercetur, negotiatione, agricultura, re militari, mechanice, piratica, piscatione, venatione, lanificio, & in his ipsis quidem inexplicabilis varietas. Si negotiator est, qui merces ex India conuehit, negotiator quoq; est, qui conchyliis, qui fibulis, qui aciculis, qui paleas vendit: Si miles fuit Alexander ille magnus, si famosus ille Hannibal, miles quoque est obscurus ille stipendiarius: si agricolæ fuere M. Cato, Scipio, Lucullus;

Notā:

MM 2



Libertas ar-  
bitrii, & ho-  
minis volū-  
tas.

agricolę quoq; habentur Corydon & Mopsus. De reliquis idem intellige. Eorū igitur cognitio, quę diximus pertinere ad institutionē hominis, actiones, studia & occupationes, cum sit incomprehensibilis; quomodo de his ipsis ex inspectione cœli Astrologū recte iudicare posse putabimus? lam vero sese offert libertas quoque arbitrii, & hominis voluntas, qua sponte hoc eligit & approbat, illud reiicit & cōtemnit. Nō quod existimemus, Astrologos absolutam quandam & ineuitabilem necessitatem inducere, sed probemus ea, quę ipsi non omnino necessaria fatentur, a libera hominis voluntate mutari posse, eoque ipsos necessario in iudiciis aberrare. Quis dubitat, quin voluntas hominis multarum actionum sola sit causa, & origo, siue ea rationem sequatur ducem, siue etiam sese permiserit sensibus, & phantasie domādā! Nemo Socrate ad amorem, & Alciphone Megarico ad libidinem, ebrietatemque perhibetur fuisse procliuior, nemo iis euasisse studio continentior. Sic Xenocrates, Demosthenes & Cleanthes naturę impedimenta diligentia repulere. Quin & apud Platonē Socrates in Gorgia ait, *omnia animi bona ab arte, rectitudine, ordineque & electione proficisci*, atq; in hoc etiam omnis moralium philosophorum disciplina consentit, omnem virtutis bonorumque animi vim in electione cōsistere. Quod si mēs nostra diuinitatis alicuius est particeps, Astrologi vero iuxta definitionem Astrologiæ iudicant de effectu syderum in elementis, & iis, quę in sub-  
lunari



unari mundo ex elementis constant; qua de-  
 mentia mentem nostram syderibus subiiciunt?  
 Lucretia, nobile Romanæ pudicitiae lumen, nō  
 coacta vi syderum, sed consulto, ut fugeret vi-  
 tæ turpitudinem, nihil verita est sibi ipsi manus  
 inferre. Marcus Cato libera electione, non a  
 cœlo compulsus, mori maluit, quam viuis in  
 potestatem Cæsaris perducī. Mutius Scæuola  
 fortitudinis & industriæ militaris præstantissi-  
 mus dux, dexteram flammæ committere non  
 dubitauit, neque hoc solum, sed manifestum  
 vitæ periculum subire, summo quidem confi-  
 dōlio quo patriam tueretur, & hostes auerteret,  
 non a cœlo perductus. Rursus autem magnus  
 ille Alexander orbis monarcha, post tot suba-  
 ctos reges, tot populos, post tot sibi subiectas  
 regiones, peragratas vastatasq; prouincias, tot  
 bella, tot triumphos, tandem ab ebrietate vi-  
 ctus, Clytū, quem inter omnes mortales ha-  
 bebat amicissimum, inhumanissime occidit. Is  
 qui externos hostes omnes profligauit, passus  
 est se ab vnico interno, nimirū iracunda ebrie-  
 tate, turpiter vinci. Non hoc fuit ab astris fatali  
 necessitate decretum, ut Clytus amicus ab Ale-  
 xandro amico confoderetur, sed ab Alexandri  
 voluntate profectum, qui quidem voluit, quod  
 ab ebrietate, cui addictior sponte non restitit,  
 induceretur, cui auscultans non coactus, sed vl-  
 tro conculcauit rationem. Nero portentosæ Nero.  
 libidinis monstrum verius, quam Imperator,  
 puerum Sporum, ut auctor est Tranquillus, ex-  
 sectis testibus, etiam in muliebre naturam

Lucretia.

Marcus  
Cato.

Mutius  
Scæuola.

Alexander  
Magnus.



transfigurare conatus est, cum dote & flammis  
 meo perfolenni nuptiarum celeberrimo officio,  
 deductum ad se pro vxore habuit. Plurima  
 quoque rapacitatis, & inaudita crudelitatis ex-  
 empla edidit: quis vere dixerit impulsus vel  
 Martis, vel Saturni, peruerso situ, stellarum  
 facinorosa cōfiguratione? Quod si in procrea-  
 to Nerone seminis humorumque temperatu-  
 ra, e qua concretus est, apprime maligna fuerit,  
 si forte etiam cœli stellarumue positio aliquid  
 adiumenti attulerit, vt suapte natura Nero  
 cliuis esset ad omne genus vitiorum; ea tamen  
 causa siue naturalis, siue cœlestis, siue etiā  
 mixta, tanta non exstitit, quin proba institutione  
 obfuscata fuerit & conuicta, vt mox dictum est.  
 Quis igitur sani iudicii negauerit ob peccandi  
 licentiam, quæ imperium illud orbis comitaba-  
 tur, deprauatum fuisse, vt si sub finē quinque-  
 nii spoliatus fuisset imperio, nunquam ad tantā  
 vim scelerum prolapsus fuerit? Hac occasione  
 data, sponte & libera electione, exclusa ratione,  
 flagitiose vixit Nero. Sed in promptu sunt huius  
 generis exempla quotidiana, tum priuata, tum  
 publica. Quod si neque virtutum, neque vitio-  
 rum libera electio in animo nostro sita esset, iā  
 nemo tyrannus, nemo crudelis, rapax, auarus,  
 superbus, inuidus; nemo libidinosus, ebriosus;  
 adulter, veneficus, fur, latro, parricida, sacrile-  
 gus; nemo impius ex se, & propria voluntate,  
 sed necessario talis, & vi astrorum perductus;  
 nemo rursus electione bonus, pius, prudens,  
 temperans, iustus; nemo fortis, constans, bene-  
 uolus,



olus, sed vi astrorū: qua quidem opinione ni-  
il fingi possit absurdus, quippe quæ omnem  
disciplinam, probamque institutionem, virtu-  
tis ac omnis honestatis electionem tolleret e-  
medio, qua sublata succederet omnium rerum  
inextricabilis confusio, meraque barbaries. Sed  
et maxime perturbat iudicia Astrologorum,  
regina illa ac mundi inferioris domina, Fortu-  
na, inconstans, fragilis, perfida, lubrica, ac in so-  
la leuitate sibi constans. Fateri coguntur astro-  
logi, se ex oblata *Genesi de bonis fortune parentū*  
*nati iudicare non posse, Regis ne sit filius an paupe-*  
*is Iri; nullamque posse rationem reddere accessio-*  
*nis diuitiarum, aut paupertatis, in geniturarum*  
*exemplis passim docetur.* Quantum vero discrim-  
en hinc educationis, institutionis, actionum  
ac totius vitæ? Vanum illud in rebus humanis  
fortunæ ludibrium, an non hominum munia,  
occupationes, cogitationes, deliberationesque;  
existimationem totamque vitæ conditionem  
varie disponit, mutat ac permutat, susque deque  
reuoluit? Omni quippe ratione constitutum,  
mutabile, fallax, cæcum, inconstans, incompre-  
hensibile, cui neque gratia vlla debetur, si te  
constituerit regem, si principem, si potentem  
aut diuitem, aut liberum, honoratum, gratio-  
sum: Rursus neque offensa, si te pauperem fe-  
cerit, humiliarit, si odiosum reddiderit, si ino-  
pem, si mendicum, si seruum. Et hæc quidem  
hactenus de iis, quæ ex instabilitate mundi  
inferioris, in ipso videlicet homine, iudicia A-  
strologorum peruertunt: quibus addi possunt

Fortuna.



Diuerfitates regionum.

Verba Ptolemæi.

generaliora, & ea, quæ ad plures pertinent, cuiusmodi sunt calamitates generales, nẽpe terremoti, motus, inundationes, bella, pestes, naufragia, anis nonæ, incendia, ruinæ, quarum miserabiles iniæ perniciem humani generis effectus abunde testatur historia. Sic locorum regionumque diuerfitates, vt quod quædam incultæ sunt, quædam cultæ, quædam bello assuetæ, quædã tranquillitati: vt in quodam Aphricæ tractu plures homines deuorari creduntur a bestiis, quam mori ex infirmitate. Sic leges & cõsuetudines; vt quod Mahumetanis cõceditur plures simul vxores ducere, Christianis interdicitur; vtrifque conceditur cõlibatus, qui apud Iudæos dedecori & scandalo est: sic artium incrementa, & interitus, & legum religionisque mutationes, & regnorum imperiorumque translationes: sic demum omnia illa, quæ astrologi ipsi necessaria statuunt, hoc est, ex multis magnisque causis profecta: sic demum etiam, quæ continguntia, vt numero infinita, ita nulla ratione cõprehensibilia. Et generaliter quidem hætenus dictum est de his, quæ tum in cœlo, tum in mundo inferiore Astrologorum iudicia non solum perturbant, sed penitus etiam euertunt: quæ cum supra dictum sit non obscure ab ipso Cl. Ptolemæo confirmari, ipsius hic verba adiicienda putauit. Inquit enim initio lib. i. quadripartiti: *Ceterum manifestum est, etiam recte eruditos in disciplinis, qui magna cum diligentia & dexteritate in hac arte versantur, saepe falli, non propter eas causas, quas iam recensui, sed propter rei*



ei naturam, & imbecillitatem humani ingenii, quod magnitudinem artis non assequitur: Omnis quidem doctrina de materia qualitate, ac praesertim ex multis diuersisque rebus concreta, cōiecturis potius, quam certa scientia constat. Et post: Quod ad genethliaca attinet, & iudicia de singulorum temperamentis, multa concurrunt alia, quae qualitates in mixtis variant. Primum enim diuersitas seminis ad suam cuiusque generationis naturam, praecipuam vim confert, adeoque dominatur, ut in eodem aere & horizonte tamen singula semina sui generis animantia gignant, humanum hominem, equinum equum. Deinde regionum diuersitas non exigua discrimina in nascentibus efficit, etiam cum eadem sint semina, ut hominum, & cum eadem cœli constitutio est; tamen magna est in diuersis regionib. dissimilitudo, quod ad corpora, & animos attinet. Denique etiam cum illa quae iam dixi paria sunt, tamen educationes & cōsuetudines discrimina faciunt in parte aliqua temperamenti, aut morum, aut casuum. Et si igitur vis maxima est circumfusi cœli, a quo & cetera, quae diximus, suam vim sumserunt, cum ipsa cœlo nihil conferant: tamen nisi quis ea cum cœlestibus causis coniunxerit sepe errabit, si volet omnes significationes a cœli motu sumere, etiam eas, quae prorsus non a cœlo pendent. Et post: Non est existimandum, singula hominibus a cœlesti causa accidere, tanquam prorsus ab immutabili, & diuino decreto, & quasi lege lata de singulis, ut necessario eueniant, nec alia causa obistere. Nam ipse quidem motus cœlestis diuina quadam & aeterna

MM 5



lege immutabilis est: sed inferiora fato naturali & mutabili variantur, cum quidem primas causas mutationum a caelo accipiant, quae accidunt subinde eis aliter per consequentiam: Ac hominibus multa accidunt propter generalem constitutionem, non ex propria particularis naturae qualitate: ut quando propter magnas aeris conuersiones, quae difficulter caueri possunt, tota gentes intereunt; sicut fit in ardoribus, aut pestilentia, aut diluviis, cum semper inferior causa succumbat maiori & validiori. Et rursus lib. 2. Cum semper imbecilliores naturae potentioribus, & particulares uniuersalibus subiiciantur, necesse est prius dici de generalioribus, si particularia consideraturi sumus. Haec autem uniuersalis consideratio, aut est totarum regionum, aut partium, aut certarum urbium: Præterea aut maiores mutationes statim recurrentes temporibus, ut bellorum, pestilentiae, terrae motuum, diluuii, & similes indicantur; aut leuiores & minores, ut annuae tempestatis intensio aut remissio, hyems horridior aut remissior, flatus ventorum, aestus ubertas, sterilitas, & alia huius generis. Et initio tertii lib. Uniuersales causae efficaciores sunt, particulares uero non tam sunt efficaces: & plura ibidem. Haec autem & similia uerba Ptolemæi sic interpretantur nostri seculi Mathematici quidam, & philosophi, iique Astrologi, Pontanus, Ficinus, Wolphius, & alii complures, ut iudicent, Ptolemaeum particulares predictiones nullius habuisse pretii. Et Pontanus quidem in Dialogo quodam sic inquit: Quid quod rerum certa cognitio, eaque quae scientia dicitur, generalibus versatur in per-

Pontanus.



perscrutationibus? Quis igitur humorum, e quib. constamus, singulares assequi possit siue cōmistiones, siue temperaturas? Quis rursus syderum particulares vires, quæ tum abstrusissima sunt, tū pene etiam infinita? Quis item aduersantium inter se, caussarum digladiationes, particulatim cognitas, & obseruatas habeat, & quantum, & quousque? Itaq; illi ipsi, qui ad particulares delabuntur prædictiones, ab ipso etiā Ptolemaeo habentur derisui, cum necesse sit, eorum coniecturas obseruationesque hac in parte vacillare, ipsosque non solum deerrare e via, verum turpissime dilabi deque vestigio ruere. Hier. Wolphius de Astrologiæ usu sic ait: Circumstantiis regionum, religionum, legum, morum, institutorum, parentum, commerciorum, educationis, temporum, locorum, decreta syderum sepe variant & mutantur. Sed maximam vim, habet libertas humana voluntatis in rebus ciuilibus: Tanta rerum humanarum, actionum, artium, casuum est varietas, ut ad ipsum indiuiduum penetrare sit difficile ac pene impossibile. Ignota regionum & ciuitatum initia, & incertum plerumque momentum editi infantis, & mulierum adulteria, multos errores pariunt. Item: Vniuersales syderum constitutiones quas vulgo influentias vocant: ut turba religionis, bella, fames, pestilentia, naufragia, ruina, &c. plus virinum habent, quam singulorum natiuitates. Ita publicorum malorum, et si per se satis fortunatus, expers nemo esse potest. Cum republica igitur fere vel felices sumus, vel infelices. Et alibi: Neque tamen interim negandū est, plausibilia contra ipsam artem argumenta as-

wolphius



ferri, ut de concitatissima cœli conuersione, de incerto puncto, vel concepti, vel editi infantis, de dissimilibus moribus & fortunis gemellorum, quorū alter alterum non longiore forsit an interuallo sequatur, quam quanto plerumque a vero natiuitatis puncto propter observationis vel difficultatem, vel negligentiam aberretur: de naufragiis, de incendiis, de excidiis urbiū, de pestilentis, de interuentione exercituum: neque vero esse probabile, tot millibus idem sydus horoscopasse, aut eadem hora interitum a nataliis stellis decretum esse: de terra motibus, de natiuitatibus infinitorum eodem momento, & eisdem & diuersis in locis in lucem prodeuntium, quorum alii reges fiant, alii opilioes, alii philosophi, alii tyranni, alii Crœsi, alii Iri, alii mares, alii fœmelle, alii gibbosi, alii proceri: alia denique infinita discrimina, quæ vix enumerari queant. Plausibiliter inquam hæc dicuntur, & adeo probabiliter, ut non cuius in promptu sit, quod respondeat. Hæc ille. Sic Ficinus in interpretatione libri Plotini mox dicti. *Vtrum stella aliquid agant.* Omnium, inquit, quæ nobis accidunt fiuntue a nobis, manifestas sufficientesque apud nos causas reperimus in propria generis nostri natura, in consuetudine, affectu, consilio, actione, occasione, concursu circumstantium causarum, neque unquam sine his causis e cœlo fit aliquid: ut nihil opus sit horū in cœlo causas perscrutari, quæ sæpe in terrapatent, neque tamen inueniuntur in cœlo. Atqui si presentes semper in horas cœli figuras aliquid in nobis facere concedamus, ad affectiones corporum primosque impetus tantum pertinere dicemus,

Ficinus.



dicemus, atque id quidem parui esse momenti; si-  
quidem per causam agitur momentaneam: rur-  
susque pro natura propria suscipi, & ad nostra quasi  
firmiora mutari: Ex eo autem quod constitutio  
siderum non quacumque significat, efficit, propria  
diuinitatis & natura, & artis actio confirmatur,  
&c. Et alibi: Denique, inquit, quomodocumque se  
res habeat, de futuris difficile admodum indica-  
bitur. Nam si nobis occultum est, quid noui ex cō-  
mixture naturalium oriatur, quae quotidie per-  
tractamus, multo nimirum occultius erit, quid no-  
uae communionis, & formae radiorum iactu con-  
fletur. Profecto cum Astrologi fateantur, ex duo-  
rum coelestium radiorum conu alind, quam ex  
vnius tantum radii iactu confici, fatentur & pro-  
culdubio ex quadam Planetarum omnium copu-  
la aliud effici, quam e duobus. Itaque & aliud lon-  
ge diuersum ex omnium stellarum confluxu con-  
tingere. Sed quanto plures ad agendum causae cō-  
fluunt, tanto iudiciū difficilior: quia neque causae  
omnes comprehenduntur, neque si comprehendan-  
tur, statim perpenditur quid noui praeterea confi-  
ciatur ex multis, praesertim cum ad iudicandum  
non tantum coelestium, sed etiam elementarium  
causarum rerumque contingentium confluentiā  
oporteat circumspicere: quod etiam Ptolemaeus  
vult & precipit. Hæc ille & plura alia. Et Hiero-  
nymus Cardanus commentariorum suorum

Cardanus.

in Cl. Ptolemæum lib. 1. cap. 3. aperte fatetur,  
multis de causis incertam esse diuinatricem. Vt  
quod plura sint astra; & multa ex illis pene inco-  
gnita: Aliorum vero quae cognita sunt, natura nō



prorsus perspecta sit, & quorum perspecta sit, etiam  
 non sit modus exquisitè cognitus, vel etiam  
 dubius: ut pote, an per circulum positionis, an per  
 locum; an per antisecia, an per eandem declinatio-  
 nem stella agant. Item cum sit de locis dubitatio in  
 nonnullis, ut maxime Mercurio, Marte, Sa-  
 turno, tum vero propter principia locorum, & sius  
 varios, & proprios affectibusque quibusdam sin-  
 gularibus präditos, & non exquisitè consideratos,  
 & ipsa etiam principia incognita. Et in genitura  
 Cl. Laualli: Sæpius, inquit, præfatus sum, omnia  
 quæ dicuntur, intelligi debere, si non repugnaue-  
 rint constitutiones generales, terremotus, naufra-  
 gium, bellum, pestis, annona penuria, seditio, lex  
 noua: quamquam huius auctoritate nolim abuti,  
 cui familiare admodum est pugnantiæ loqui. Om-  
 nium autem apertissime Ptolemæus inter-  
 pretatur seipsum, cum inquit, *Arte, & a scien-  
 tia*. Fieri autem nequit ut qui sciens est, particu-  
 lares rerum formas pronuntiet: sicuti nec sen-  
 sus particularem, sed generalem quandam sus-  
 cipit sensibilis rei formam, oportetque tracta-  
 tem hæc rerum coniectura uti: Soli autem  
 numine afflati prædicunt particularia. Ut verifi-  
 mile sit Ptolemæum libros suos *Quadrupartiti*,  
 siue *De prædictionibus Astrologicis*, maxime ve-  
 ro duos posteriores conscripisse, non ut artem  
 illam ex professo doceret, sed ut ostenderet, *A-  
 strologiam reuera nullam esse*; & si quæ omnino  
 statuenda sit, eam talem quandam esse debere, qualè  
 ipse describit; neque tam ut certitudinem aliquam  
 eius assereret, quam ut *Astrologos*, artemque ad  
 ludici-



ludibrium & questum confictam, quam posset æquissime reprehenderet. Demum & Arabū quoque, & Hebræorum, qui Astrologica scribunt, indubitata sententia est, ut testatur *Aueneſſæ* cap. 1. lib. De nativitatibus, quacunque cælum destinaret, posse tamen non evenire; vel quia materia non sit idonea influxui suscipiendo, vel quia humana ab arbitrio nostro plurimum dependeat; vel quod fatum particulare, univſalioris fati aduſantis potestate superetur, quod denique fato omnipotentior, & cælo maior diuina providentia aliter interdum fieri ordinet, quam ordinaria cæli reuolutio erat effectura. Quid igitur restat, quā ut cum *Corn. Agrippa* viro doctissimo concludamus, hanc artem nihil esse aliud, quam superstitiosorum hominum fallacem coniecturam, qui ob multi temporis vsum de rebus incertis scientiā fecerunt, in qua emungenda pecunia gratia decipiant imperitos, & ipsi simul decipiantur. Hactenus doctissime certe *Sixtus ab Hemminga* duabus rationibus, & prolixè differuit aduersus vanitatem Astrologicā: Specialem confutationē videris in eodem, qua examinat, & conuellit plane specialia Geniturarū exempla ab Astromantis constituta.

*Cornel. Agrippa.*

### TRANSITIO.

**H**actenus rationibus est oppugnata Astromanteia Genethliacorum.

Auctoritas eandem impugnans est, tum Diuina tum Humana.

I. Auctoritate diuina impugnatur Astromanteia.



I.

**S**Acrae literæ certam futurarum rerum præscientiam creaturis denegant, & soli Deo vendicant; derident Astromantas Babylo-  
nios & Chaldæos; astrologicas etiam obseruationes plane reprobant. I. Apud Iesaiam cap. 41. ita scriptum est: *Annuntiate quæ ventura sunt in futurum, & sciemus quia Dii estis vos: & cap. 44. Ego sum Dominus irrita faciens signa diuinorum, & hariolos in furorem vertens, conuertens sapientes retrorsum, & scientiam eorum stultā faciens.* II. Cap. autem 47. deridens Deus Babylonios & Chaldæos syderalibus suis obseruationibus præfidentes, *Stz, inquit, cum incantatoribus tuis, & cum multitudine maleficiorum tuorum, in quibus laborasti ab adolescentia tua, si forte quid prosit tibi, aut si possis fieri fortior. Defecisti in multitudine consiliorum tuorum: stent, & saluent te Augures cœli, qui contemplabantur sydera, & supputabant menses, ut ex eis annuntiarent ventura tibi: Et paulo ante dixerat: Sapientia tua & scientia tua, hac decepit te.* III. Hieremias quoque cap. 10. monet Iudæos, ut Astrologicas obseruationes pro nihilo ducant, nihil enim sibi a stellis, vel sperandum vel timendum esse. Sic autē ait: *In iuxta vias gentium nolite discere; & a signis cœli nolite metuerē, quæ timent gentes: quia leges populorum vanæ sunt.* Salomon autem Ecclesiast. cap. 10. scientiam futurarum rerū denegat homini: *Ignorat homo, ait ipse, quid ante se fuerit: & quid post se futurum sit quis poterit indicare?* Idem cap. 8. eiusdem lib. *Homo, inquit, ignorat præterita, & futura nullo scire potest*

- II

III.

test



*test nuntio.* Liqueat igitur diuinationem astrologi-  
 gam in sacris literis contemni, derideri, ac re-  
 probari. IV. Ceterum errorem Astrologorum etiam rationibus ex doctrina Theologica  
 contextis refutare possumus. Principio. *Nemo,*  
*ut ait Paulus 1. Corint. 2. nouit, quæ sunt hominis,*  
*nisi spiritus hominis;* sed homo nescit quid ipse-  
 met post multos annos, aut etiam dies acturus  
 sit: nam, ut inquit scriptura, Prouer. cap. 27. *Ne*  
*glorieris in crastinum, ignorans quid superuentu-*  
*ra pariat dies: &, Non est via hominis in manu*  
*eius: homo enim proponit, Deus autem disponit.* Est  
 namque non modo quorumlibet hominum,  
 sed etiam Regum cor in manu Dei, & flectit il-  
 lud quocunque vult. Si igitur ipsemet homo  
 nescit, quid futuro tempore facturus sit, quan-  
 to minus id scire potest Astrologus? *Deinde, ne*  
*ipse quidem Diabolus certo potest nosse res*  
*futuras: si enim futura omnia dæmon sciit, nū-*  
*quam profecto impulisset Iudæos ad crucifigē-*  
*dum, & occidendum Christum Dominū, qui-*  
*ppe præuidisset per crucem & mortem Christi,*  
*imperium quod tamdiu habuerat in homines,*  
*fore labefactandum & funditus euertendum,*  
*nec sane dæmon tentaret, & infestaret seruos*  
*Dei, a quibus in tentatione vincitur, ne videli-*  
*cet propter victoriam tentationum crescente*  
*sanctorum gloria, magis ipse, quæ eius est super-*  
*bia & inuidia, torqueretur.* V. Denique in actis  
 Apostolorum cap. 19. refert Lucas, *multos de his,*  
*qui Ephesi concionibus Pauli conuersi erant ad*  
*Christum, & curiosa fuerant sectari, attulisse li-*

IV.

V.

NN



broſ ſuos & coram omnibus combuſſiſſe. Foiſſe autem eos libros de rebus adiudiciariam *Aſtrologiam* pertinentibus, grauis auctor eſt in *Commentario ſuper Pſalmum 65. Auguſtinus*, qui etiam *Mathematicum* quendam, hoc eſt, iſtam *Aſtrologiam* profeſſum, poſtea pœnitentem profeſſionis ſuæ, cupientemque reconciliari *Eccleſiæ*, niſi publica & ſolemni potentia præmiſſa non recepit. Hæc de diuina auctoritate.

- » Humana auctoritas hanc *Aſtromanteian* impu-
- » gnans eſt, tum *Eccleſiaſtica*, tum profana ſcilicet ſcho-
- » laſtica & politica.
- » II. Auctoritate *Eccleſiaſtica* euertitur illa.

Cum doctrina ſacrarum literarū, etiam iudicium *Eccleſiæ*, vt par erat, mire congruit. Sæper enim *Eccleſia* inde vſque a primordiis ſuis, iudiciarios *Aſtrologos* odit, fugit, damnauit. Exſtant aduerſus ipſos plurima & ſeueriſſima decreta *Eccleſiæ*, quæ legere licet in 2. parte *Decreto. cap. 26. per primas quinque quaſtiones, & in Concilio Bracarenſi l. c. 9. & 10. & in Toletano l. c. 1. in aſſertione fidei cōtra Præſcillianiſtas*. Fertur *Alexander Papa* huius nominis III. quendam præſbyterum ſemel, qui duntaxat conſuluerat *Aſtrologum* de quodam furto in *Eccleſia ſua* facto, in vnum anuum priuaſſe altaris miniſterio. Crebras item reperimus in ſcriptis ſanctorū Patrum aduerſus *Aſtrologos*, quos illi nunc *Chaldæos*, vel *Genethliacos*, alias *Mathematicos*, aut *Planetarios* appellant, diſputationes, ex quibus apparet, quam fuerit hoc maioribus noſtris hominum genus exoſum & abominabile.

Pœna præſbyteri conſulentis *Aſtrologum*.



bile. In primitiua etiam Ecclesia, istiusmodi Astrologia non secus, atque ars Magica, reprobata, verita & damnata erat. Narrat Epiphanius in *lib. de mensuris & ponderibus*, Aquilam Ponticū scripturæ interpretē ob eam maxime causam fuisse a patribus ex Ecclesia pulsum, quod natiuitatum obseruationibus, ceterisque diuinationibus Astrologicis studiose vacaret. Non est pro derelicto habendum, cum sit admodum memorabile, quod Origenem in *Comment. super Genesin* de ista Astrologia prodidisse, libro 6. de preparat. Euangelica cap. 9. tradit Eusebius; sic enim scripsisse illum ait: *Multi etiam ex fidelibus conturbantur, impossibile aliter fieri credentes, quam stellarum cursus effecerit. Unde sequitur, nullam in nobis esse libertatem, nullam operationem nostram laudari, aut vituperari iure posse; ita prædictū a scripturis Dei iudicium, quo alii ad eterna supplicia, alii ad eternam beatitudinem prædestinantur, falso fore predicaretur. Quid plura? Ipsa quoque fides, & Saluatoris nostri aduentus, ac omnis Prophetarum labor ac Apostolorum in constituendis Ecclesiis prædicatio, inania erunt. Nisi forte Christum quoque quis audeat dicere, cœlestium corporam vi coactum fuisse, quo passus est, nec eius Deitatis potentia, sed stellarum virtute cuncta euenisse. His impiis verbis etiam illud conficitur, ut fideles fato ducti in Christum credant: denique ut vel nullum sit boni & mali discrimen, vel etiam malorū auctor sit Deus, nulloque hominum propter bene aut male facta, premio, vel pœna dignus cēseri debeat.* Hec Origenes.

Epiphanius.

Origenes.

Eusebius.



Sed ordine aliorum Patrum sententias persequamur.

Iudicium & sententiæ Patrum Ecclesiasticorum, seu purioris antiquitatis de Astromantia & Astrologis hariolis.

<sup>a</sup> Tertullianus in lib. de Idololatria.

**T**ertullianus <sup>a</sup> duriter inuehitur in Astrologos diuinatores. *Ne loquendum quidem, inquit, est de Astrologis. Non putant Deum requirendum, prasumentes stellarum nos immutabili arburio agi. Alludit ibidem ad historias: Expelluntur Mathematici, sicut angeli eorum: Vrbs & Italia interdicitur Mathematicis, sicut angelis eorum. Ibidem. At enim scientia ista usque ad Euangelium fuit concessa, ut Christo eduo, nemo exinde natiuitatem alicuius de cælo interpretare-*

<sup>b</sup> Hom. 3. in Hieremiã.

*tur. Origenes <sup>b</sup> Si quis vestrum Mathematicorũ deliramenta sectatur: si quis natiuitatis diem supputat, & variis horarum momentorumque rationibus credens, hoc dogma suscipit: quia stelle taliter ac taliter figurate homines luxuriosos, adulteros, castos, aut certe quodcumque eorum faciunt: Iste in terra Chaldaeorum est. Iam quidam existimant, ex stellarũ cursibus Christianos fieri. Quotquot autem ista sapitis, quotquot dictis istis creditis, in terra Chaldaeorum estis. Comminans ergo Deus his, qui in terra Chaldaeorum sunt, his spiritualiter comminatur, qui seipsis Genealogis, & fato consecrauerunt, asserentes cuncta, qua inter mortales fiunt, aut ex astrorum motibus, aut ex fati necessitate pendere. Idem <sup>c</sup> Est. & illud opprobrium Aegypti, quod post baptismum vetuste consuetudinis inustione suggeratur obseruare*

<sup>c</sup> Hom. 6. in Iosua.

angu-



*auguria, inquirere stellarum cursus, & eventus ex  
 futurorum rimari, servare somnia, ceterisque  
 huiusmodi implicari superstitionibus. Quae si sus-  
 ceperis, & iterum iis laqueis illiganeris, sine du-  
 bio opprobria Aegypti trahis. Sed si quando te ta-  
 lis curiositas interpellat, & de corde tuo huiusmo-  
 di hostis erumpit: dic ei: Iesum ducem sequor, in  
 cuius potestate sunt, quae futura sunt: quaecunque  
 ille vult, haec futura sunt. Lactantius lib. 3. cap. 17. Lactantius.  
 Diabolorum inuenta sunt Astrologia & Aruspi-  
 cina, & auguratio, & ipsa quae dicuntur, oracula,  
 & Necromantia, & ars magica, & quicquid  
 praeterea malorum exercent homines, vel palam,  
 vel occulte; quae omnia per se falsa sunt. Grego-  
 rius Nazianzenus in Orat. 2. infamatrix in Iu-  
 lianum, improbat ex astrorum motu natiuitates  
 & accidentia connectere, ac dicit Astrologos mali  
 gratia stellas cognoscere & Deos efficere. Basiliius Basiliius.  
 in Hexameto refutans Theologicum Astrolo-  
 gorum argumentum, quod plerumque in ore  
 habent, inquit: Homines ii, qui septa transiliunt,  
 patrocinium, defensionemque sideralis scientiae,  
 qua ex hominis natiuitate pleraque diuinant, hanc  
 trahere sententiam scriptura conantur. Atque  
 aiunt vitam nostram humanam a coelestium cor-  
 porum motione pendere, & hanc ob causam ex sy-  
 deribus a Chaldaeis eorum notationes effectuum,  
 qui nobis accidunt, fieri, sermonemque simplicem  
 hunc scriptura (sint, inquam, in signa) non eorum  
 quae accidunt aeri, neque mutationis temporum, sed  
 sortis hominum vita, ita prorsus, ut opinantur, eis-  
 que placet, intelligunt. Quid enim aiunt? Stellarum*



meantium cum iis syderibus nexum, quæ signifero  
in orbe sunt collocata. si talis figura concursus eorū  
fuerit, tales ortus hominum agere: sint talis contra-  
riam ortus vitæque sortem efficere. De quib. si pa-  
rumper differuerimus, haud ab re forsan fuerit,  
parum altius diluciditatis causa principio sumto.  
Dicam autem nihil ex me ipso sane, sed illorum i-  
pſorum ad illos redarguendos sententiis utar. Hinc  
enim occupatis iam hoc morbo remedium, ceteris  
ne similes in errores incidant securitas afferetur.  
Auctores dictæ facultatis ac inuentores, cum in  
temporis amplo spatio complures figuras, suam i-  
pſorum conscientiam fugere percepissent, in angu-  
stum admodum temporis contraxere mensuras,  
ut minutissimo quoque & subitaneo articulo, quale  
est, quod Apostolus dicit, in puncto temporis, in  
momento oculi, plurimum differentia sit inter na-  
tuitatem & natiuitatem: ut is quidem qui hoc in  
momento genitus est, tyrannus sit, ciuitatum popu-  
lorumque Princeps, locupletissimus, prepotens: is  
autem, qui natus est temporis sequenti momento,  
pauper quidē, inops, peregrinus, ex ostiis ostia per-  
mutans, quotidiani consequendi causa victus.  
Quamobrē eo orbe qui signifer appellatur, duode-  
cim in partes diuiso, cum in triginta dierum spa-  
tio partem Sol eius globi transeat duodecimam,  
quem inerrantem appellant, triginta in portiones  
singulas illas duodecim partes seuerunt. Tum  
singulis portionibus illis in sexaginta minuta di-  
uisis, minuta hæc singula rursus in alia sexaginta  
modo simili diuisere. Posito igitur enixu, videam-  
us obsecro, si hanc exactissimam temporis diui-  
sionem



tionem auctores hi sibi valeant conseruare. Nam simulatque nata est editaque in lucem proles, mas an foemella sit obstetrix explorat: tū vagitum exspectat infantis, nimirum indicium vita: quot hoc tempore vis sexagesima praterisse minuta? Dicit obstetrix deinde Chaldaeo; partum qui editus est: quot minutissima momenta vis, interea dum obstetrix loquitur, pratercurrisse. Praesertim si forte fortiana fuerit non in conclavi Chaldaeus ille praesens, sed in adium atrio aut vestibulo, tempus horamq; reponens. Et cum eū, qui definiturus est diligenter tempus ac horam, exploratoria nimirum horarū percipere, instrumēta, siue diurna sint, siue nocturna, oporteat: quot minutorum hoc quoque tempore, quaso peruolat prateritque examen? Cōpertam enim eam esse stellam, qua tempus horaq; sit exploranda, non solum quanta in partu sit duodecima, sed etiam quam in duodecima portione partis, in quotoque minuto, eorum inquam, in quae diuidi diximus portionem: aut ut exactissime cōperiatur, quanto in sexagesimo eorum, quae sibi diuisa sunt, singula sexagesima illa prima, necesse est. Atque hanc tamen adeo tenuem subtilemque temporis inuentionem, quanquam attingere nequeunt, singulis in stellis errantibus faciendam esse necessario dicunt, ut qualem adherentes cælo stella ipsa dispositionem haberent, qualisque ipsarum esset inter sese figura, cum in lucem ederetur foetus, compertum sit tandem, ac exploratum. Quae cum ita sint, si fieri non potest, ut tempus illud exactissime quisquam attingat, variationeque temporis sit, ut tota via penitus aberretur, deridendi pro-



Ambrosius.

fecto non mediocriter esse videntur, tam ii, qui studio huius indulserunt artis, quam in ratione rerū nusquam esse constat, quam ii, qui hiantes ab illorum ore pendent intenti: perinde quasi omnia illi scire possint, quæ ipsis sunt euentura. Ambrosius lib. 4. Hexam. cap. 4. Nonnulli natiuitatam tentauerunt exprimere qualitates, qualis futurus sit unusquisque, qui natus sit, cum hoc non solum vānum, sed etiam inutile sit querentibus, impossibile pollicentibus. Et paulo post negat, Planetas fixam nobis, atque immobilem viuendi substantiam (ut loquitur) sortemque decernere, eo quod tam vago sui errore, & tam celeri motu ferantur in cælo. Idem: Itaque vos, quia validiores estis, cū videritis Mathematicos dicite: Telam aranea texunt, quæ nec usum aliquem potest habere, nec vincula, si tu non quasi culex aut musca lapsu tua infirmitatis incurras, sed quasi passer, aut columba casses inuálidos præpetis volatus celeritate dissoluas. Et enim quis prudentium credat, quod signorum motus, qui ad diem sæpe mutantur, & in se multipliciter recurrunt, insignia deferunt potestatum? Epiphanius lib. 1. Tom. 1. Hæresi. 16. Hæc non a me dicta sunt, ut utilitatem doctrinæ eorum, qui inconstantem & insanam Astronomiæ stoliditatem mundo inuexerunt, confirmem. Dictum est enim a veritate, quod hæc inconstans est, & erronea. Dicta item sunt a nobis multa in aliis locis ad subuertendum eos, qui generationem & fatum esse putant. Hieronymus in initium cap. 10. Hieron. in hæc verba: A signis cæli nolite metuere, scribit ita: Proprie aduersus eos loquitur, qui venerantur cœlestia,

Epiphanius.

Hieronymus.



cœlestia, & quæ in signa sunt posita annorum, temporum, mensium & dierum, ab his æstimant regi humanum genus. & ex causis cœlestium terrena moderari. Prudentius contra Symmachum ita Prudētius canit;

Qui fato putat esse locum, sciat omnipotentem  
Esse Deum, nulli vetitum fatalibus astris,  
Nec præscripto aliquo pellit pia vota Mathesis.  
Spirat enim maiora animus, seque altius effert  
Syderibus, transitque vias & nubila fati,  
Et momenta premit pedibus, quæcunq; putantur  
Figere propositam natali tempore sortem.

Augustinus lib. 5. de ciuit. Dei, vehementer Augustinus.  
impugnat, & taxat Astrologiam. cap. 7. inquit:  
Jam illud quis ferat, quod in eligendis diebus noua quedam suis actibus fata moluntur. Non erat videlicet ille ita natus, ut haberet admirabilem filium, sed ita potius ut contemtibilem gigneret: & ideo vir doctus elegit horam, qua misceretur uxori. Fecit ergo fatū, quod non habebat, sed ex ipsius fato cœpit esse fatale, quod in eius natiuitate non fuerat. Ostultitiam singularem! Eligitur dies ut ducatur uxor: credo propterea, quia potest in diē nō bonum, nisi eligatur, incurri, & infelicitate duci: ubi est ergo, quod nascenti iam sydera decreuerunt? An potest homo, quod ei iā constitutum est, diei electione mutare: & quod ipse in eligendo die constituerit, non poterit ab alia potestate mutari? Deinde si soli homines, non autem omnia, quæ sub cœlo sunt, constellationibus subiacent: cur alios eligunt dies accommodatos ponendis vitibus, vel arboribus vel segetibus, alios dies pecoribus, vel



domandis, vel admittendis maribus, quibus equarum, vel boũ foetentur armenta, & cetera huiusmodi. Si autem propterea valent ad has res dies electi, quia terrenis omnibus corporibus, siue animantibus, siue non animantibus, secundum diuersitates temporalium momentorum & syderum positio dominatur: considerent, quã innumerabilia sub uno temporis puncto, vel nascantur vel oriantur, vel incoentur, & tam diuersos exitus habeant, ut istas observationes cuius pũero ridendas esse persuadeant. Quis est enim tam excors, ut audeat dicere, omnes arbores, omnes herbas, omnes bestias, serpentes, aues, pisces, vermiculos, momenta nascendi singillatim habere diuersa? Solent tamen homines ad tentandam peritiã Mathematicorũ, afferre ad eos constellationes mutorum animalium, quorum ortus propter hanc explorationem domi suã diligẽter obseruant: eosque Mathematicos preferunt ceteris, qui constellationibus his inspectis dicunt, non esse hominem natum, sed pecus. Audent etiam dicere quale pecus, utrum aptum lanificio, an vegetationi, an aratro, an custodia domus. Nam & ad canina fata tentantur, & cum magnis admirationum clamoribus ista respondent. Sic desipiunt homines, ut existiment, cum homo nascitur & ceteros rerum ortus ita inhiberi, ut cum illo sub eadem cœli plaga, nec musca nascatur. Nã si hanc admitterint, procedit ratiocinatio, quã gradatim accessibus modicis eos a muscis ad camelos elephantosque perducatur. Nec illud volunt aduertere, quod electo ad seminandum agrum die, tam multa grana in terra simul veniunt, simul germinant, & ex-

orta



orta segete simul herbescent, pubescunt, flavescent:  
Et tamen inde spicas ceteris coevas, atque (ut ita  
dixerim) congerminales, alias rubigo interimit, a-  
lias aves depopulantur, alias homines auellunt.  
Quomodo istis alias constellationes fuisse dicturū  
sunt, quas tam diuersos exitus habere conspiciunt?  
An eos pœnitebit his rebus dies eligere, easque ad  
coeleste negabunt pertinere decretum, Et solos sy-  
deribus subdent homines, quib. solis in terra Deus  
dedit liberas voluntates? His omnibus considera-  
tis, non immerito creditur, cum Astrologi mirabi-  
liter multa vera respondeant, Et occulto instinctu  
fieri spirituum non bonorum, quorum cura est has  
falsas, Et noxias opiniones de astralibus factis inse-  
rere humanis mentibus, atque firmare, non horo-  
scopi notati, Et inspecti aliqua arte, quæ nulla est.  
Item lib. 2. de doctrina Christiana, cap. 21. Ne-  
que illi ab hoc genere pernitiōsa superstitionis se-  
gregandi sunt, qui Genealogi propter natalium,  
dierum considerationes, nunc autem vulgo Ma-  
thematici vocantur. Nam Et ipsi quamuis veram  
stellarum positionem, cum quisque nascitur, conse-  
ctentur, Et aliquando etiam peruestigent: tamen  
quod inde conatur, vel actiones nostras, vel actio-  
num euenta predicere, nimis errant, Et vendunt  
imperitis hominibus miserabilem seruitutem. Nā  
quisque liber cum ad huiusmodi Mathematicum  
ingressus fuerit, dat pecuniā, ut aut seruus inde ex-  
eat, aut Martis, aut Veneris, vel potius omnium  
syderum, quibus illi, qui primo errauerunt, errorē  
que posteris propinauerunt, vel bestiarum propter  
similitudinem, vel hominum, ad ipsos homines



honorandos, imposuerunt vocabula. Sed quomodo libet vocentur ab hominibus Planeta, sunt tamen sydera, quae Deus instituit & ordinavit, ut voluit: & est certus motus illorum, quo tempora distinguuntur atque variantur: quem motum notare, cum quisque nascitur, quomodo se habeat, facile est per eorum inventas conscriptasque regulas, quod sancta Scriptura condemnat, dicens: Si enim tantum potuerunt scire, ut possent aestimare seculum, quomodo eius Dominum non facilius inuenerunt? Ibidem cap. 22. Sed ex ea notatione velle nascentium mores, actus euenta praedicere, magnus error & magna dementia est. Et apud eos quidem qui talia de discendo didicerunt, sine ulla dubitatione refellitur haec superstitio. Constellationes enim, quas vocant, notatio est syderum, quomodo se habeant cum ille nasceretur, de quo isti miseri a miserioribus consuluntur. Quare istae quoque opiniones quibusdam rerum signis humana presumptione institutis, ad eadem illa quasi quaedam cum demonibus pacta & conuenta referenda sunt. Item lib. 2. de Genesi ad litteram, cap. 17. De fatis aut syderum qualeslibet eorum angustias, & quasi de mathefi documentorum experimentum, quae illi apotelesmata vocant, omnino a nostra fidei sanitate respuamus. Talibus enim disputationibus etiam orandi causas nobis auferre conantur, & impia peruersitate in malis factis, quae rectissime reprehendantur, ingerunt ad cauendum potius Deum auctorem syderum, quam hominum scelera. Sed quod anima nostra non sunt natura corporibus, nec quidem caelestibus subdite, audiant & Philo-



Philosophos suos. Quia vero terrenis corporib. illa corpora superiora, non ad ea, quæ ipsi tractant, potentiora sunt, ut hinc aliquando cognoscant: quia cum multa corpora diversorum generum, vel animalium, vel herbarum, & arborum, uno simul puncto temporis seminantur, unoque puncto temporis innumerabiliter multa nascantur, non tamen diversis, sed etiam iisdem terrarum locis, tantæ sunt varietates in progressibus, in actibus & passionibus eorum, ut vere isti, sicut dicitur, perdant sydera, si ista considerent. Quid autem insulsius & hebetius, quam cum istis rebus convincuntur, dicere, ad solos homines subiiciendos fatalem stellarum pertinere rationem: in quibus tamen etiam ipsi de geminis convincuntur, quorum diverse viventium, diverse felicitum vel infelicitum, diverseque morientium, easdem plerunque constellationes accipiunt? Quia etsi interfuit aliquid cum de viro funderetur, in nonnullis tamen tantum interest quantum ab istis comprehendere computationem non posset. Manus sequentis Iacob, dum nasceretur, inuenta est pedem precedentis fratris tenens: usque adeo sic nati sunt, quasi unus infans in duplum prolixior nasci videretur. Horum certe constellationes, quas appellant, nullo modo disparere esse poterunt. Quid ergo vanius, quàm ut illas constellationes intuens Mathematicus, ad eundem horoscopum, & ad eandem Lunam, diceret unum eorum a matre dilectum, alterum non dilectum? Si enim aliud diceret, falsum profecto diceret. Si autem hoc diceret, verum quidem, sed non secundum suorum librorum ineptas cantunculas diceret. Quod si



huic historia, quia de nostris profertur, noluit credere, nunquid & naturam rerum delere possunt? Cum ergo se minime falli dicant, si horam conceptionis inuenerint: saltem sicut homines, non dedignentur conceptum considerare geminorum: Ideoque fatendum est, quando ab istis vera dicitur, instinctu quodam occultissimo dici, quem nescientes humana mentes patiuntur: quod cum ad decipiendos homines sit, spirituum seductorum operatio est, quibus quadam vera de temporalibus rebus nosse permittitur: partim quia subtilioris sensus acumine, partim quia corporibus subtilioribus vigent, partim experientia callidior propter magnitudinem vita, longitudinemque, partim a sanctis Angelis, quod ipsi ab omnipotente Deo discunt, etiam iussu eius sibi reuelantibus, qui merita humana occultissima iustitie sinceritate distribuit. Aliquando autem idem nefandi spiritus, etiam quae ipsi facturisunt, velut diuinando predicant. Quapropter bono Christiano, siue Mathematici, siue quilibet impie diuinantium, maxime dicentes vera, cauendi sunt, ne consortio demoniorum animam deceptam, pacto quodam societatis irretiāt.

Item quaestionum veteris & noui testamenti, quaestione 115. Nihil tam contra Christianos, quam si arti Matheseos adhibeant curam, hac enim inimica dignoscitur legi Dei: si enim nascuntur qui mali sint, & econtra qui boni sint, frustra lex data dicitur: & non solum hac, sed iniustus habebitur legislator. Qui enim lege data cogit homines contra id, quod nati sunt facere, sciens non posse mutare naturam, ad hoc utique legem videtur dedisse.



disse, ut haberet occasionem, qua crudelitatem suam de nece hominis satiaret. Ut quid enim prohibet, quod scit auerti non posse? Aut quemadmodum damnat hominem, qui non fecit quod facere non potuit? Si autem iniustam videtur, ut est (quia istud de Deo sentire nefarium est) recta et salutaris ratione legem dedit, sciens posse hominem continere se ab eo quod prohibet lex. Ergo quia iuste legem dedit, non est utique iniquus cum vindicat. Itaque legi Dei fides commodanda est, quia iuste probatur data: ars Matheseos euitanda et fugienda est, hanc enim astutia, et subtilitas inuenit diaboli. Quia enim aperte repugnare non audet auctori, tergiversatione id agit, ut et Deo iniuriam faciat, et hominem legi inimicum constituens, morte mulcet secunda, Ibidem: Exstinguitur incendium, si desit materia per quam urat. Illis autem eueniunt, quae a Mathematicis dicuntur. Circa eos vero, qui responsioni illorum non commodant fidem, non praeualet effectus eorum: quia nec ipsi tantum intenti sunt, ut satisfaciant eis, qui illis non credunt: neque patitur Deus facere illos, per quod seducuntur fidentes de Deo, et non credentes diabolo. Omnia enim sic Deus instituit, ut secundum vniuscuiusque fidem eueniat, ut arbitrium liberum maneat voluntatis: ac per hoc, qui Deo credit, ad auxilium eius confugiens, nihil ei praeualere poterit: certus est enim, in potestate eius esse quae fecit: et non audet contra eum, quem videt, Deum communem habere propitium. Ibidem: Qua autem ratione nati dicuntur, qui Mathematicos urbe Roma prohibuerunt, quod inservatum non ignoratur? Et certe



pagani fuerunt. Quomodo fato sunt, quæ contra  
 fatum sunt? Sed si est fatum, non facit contra se.  
 Ibidem: Mathematicorum enim fatis credentes,  
 fidei semen exterminant, quod & creatori & in-  
 stititæ eius testimonium perhibet. Opus enim opifi-  
 cem cognoscit, & aquo iure amoreque & facto  
 testatur. Fugiendum omnibus modis ab hac arte  
 monemus. Curiosi enim eius, inimici Dei sunt, &  
 sine solitudine nunquam sunt. Semper enim su-  
 spensi expectant, quod minime certum sciunt. Nos  
 autem Deum, qui Deo omnia prospera credimus,  
 & si qua aduersa exstiterint eius nutu comprimere  
 suppliciter oramus, securi de eius protectione: nec  
 tamen nescii, quia etsi quid aduersum bene nobis  
 agentibus euenerit, toleratum proficiet ad coronam.  
 Item, de rectitudine Catholice conuersationis:  
 Prorsus ergo recedendum est a cunctis huius-  
 modi obseruantibus: Mathematici spernendi,  
 auguria horrenda, somnia contemnenda: quonia  
 sicut scriptura testatur, vana sunt. Vnde per Mo-  
 sen precipitur: Non augurabimini, non obseruabitis  
 (inquit) somnia, nec ad Magos declinabitis. O-  
 portet ergo ut hac tota mente obseruetis: & si quos  
 cognoscitis, vel occulte aliqua phylactica exer-  
 cere, expedit ut nec cibum cum eis sumatis, nec  
 ullum consortium cum illis habeatis. Cyrillus  
 contra Iulianum lib. 10. Vides illos habentes er-  
 roris officinas, & mendaciorum fora: ii admiran-  
 tur semper astrorum cursus, & pro minimis obolis  
 interdum cœlestia loquuntur: Mulieres autem,  
 comprehendentes & plebeiorum mentem demul-  
 gentes, extenuant marsupia, & suffurantes paruos  
 quæstus,

Cyrillus.



*quaestus, sua frigida vaniloquentia mercedem lu-  
 crantur. Quamuis quod dicit veritatis impugna-  
 tor, sententiam cœli omnia firmantem ex astrorum  
 motu didicerint? sed impostores & mendaces, &  
 nihil verum scientes decipiantur. Quis enim no-  
 uit mentem domini. Factum autem ab ipso didici-  
 mus astrorum chorum, non quod sanctorum Pro-  
 phetarum dignitatem habeat, vel aliud quiddam  
 præterquam quod luceant hominibus, & sint in-  
 temporum signa. Nam ita testatur sacra scri-  
 ptura. Itaque frustra diuinat & mussitat, Abrahâ  
 usum esse astrorum vaticinio. Non enim cursum  
 astrorum, sed multitudinem ei ostensam esse didi-  
 cimus. Sic enim erit, inquit, semen tuum. Theo-  
 doretus, inquit: Quod dicitur, in signa, non intel-  
 ligimus secundum opinionem quorundam stulto-  
 rum. Siquidem vanam illam de cuiusque natiui-  
 tate disceptationem, nec Pythagoras, nec Socrates,  
 nec Plato, nec Stoici receperunt. Quod si qui in  
 fabulis educati sunt, huius fabula impietatem ex-  
 secrantur: quis diuinis sermonibus credens hæc non  
 modo impia, sed valde etiam fatua recipiat.  
 Alcimus lib. 2. his versibus curiolam diuinationem  
 oppugnat.*

Theodore-  
 tus quæst.  
 15. in Ge-  
 nesi.

Alcimus.

*Namq; hinc posteritas vitiato germine duxit,  
 Artibus illicitis cognoscere velle futura,  
 Arcanisque sacris tardos immittere sensus,  
 Edita vel cœlo, vel tetro mersa profundo  
 Rimari & cautas natura irrumperere leges.  
 Querere nunc astris, quo quisquã sydere natus,  
 Prospera quam ducat restantis tempora vitæ:  
 Dissimilem paribus prouentum discere signis.*

OO



Nec non & geminos uno sub tempore natos,  
 Quos indiscretus luci subduxerit ortus,  
 Motibus aduersis varia sub sorte notare,  
 Indigetes quosdam diuos adscribere stellis,  
 Iunior antiquis etas quos prætulit astris,  
 Atque infernali iam dudum nocte sepultis  
 Vana per immensum disponere nomina cœ-  
 lum, &c.

Olympio-  
 dorus.

Olympiodorus in 7. cap. Ecclesiastæ: Præsentem  
 hac auctoritas nostri Ecclesiastæ omnem funditus  
 exertit diuinandi superstitionem, vanaſq; Astro-  
 logorum nugas de hominum genituris. Nullus e-  
 nim mortalium certam futurorum scientiam con-  
 sequi potest. Idem in capit. 10. Eccles. Idcirco quæ  
 soliti sunt futura præscire, vel per auguria, vel per  
 natalis obseruationem diei, vel per mendaces alia  
 huiusmodi diuinationes, & qui cetera demum  
 scire affectant, quorum habere certam cognitionem  
 non possumus, in vanum laborant, inutilemque si-

Cassiodo-  
 rus.

bi sumunt operam. Cassiodorus in Psalmum  
 70. Astrologiam sacrilegam summa intentione  
 fugiamus, quam etiam nobilium Philosophorum  
 iudicia damnauerunt. Idem in 118. Psal. Est &  
 intellectus huius seculi, ut quorundam labor in  
 fructuosus, inanisque disputatio. Scrutantur enim  
 cursus astrorum, vitas hominum in potestate syde-  
 rum collocantes. Ibidem. In ipsis quippe primor-  
 diis opinabilem illam Astronomie posuit discipli-  
 nam, quam seculi Doctores minutissime perquire-  
 tes, ita definiendam esse putauerunt: Astronomia  
 est disciplina, quæ cursus cœlestium syderum &  
 figuras contemplatur omnes, & habitudines stellarum



rum, & circa terram indagabili ratione percurritur  
cuius operatione solemni annum dicunt quadrifa-  
ria temporum diuisione compleri. Hinc imbres  
fieri, hinc perhibent terrena procreari, hinc frigora  
venire, hinc aeris aiunt esse temperiem, & quic-  
quid terris necessarium probatur, iussione domini  
earum ministerio posse suppleri. At ubi se in A-  
STROLOGIAE partem labilis error infuderit, &  
vitas mortalium de cursu stellarum putauerit col-  
ligendas, tunc abominandi, tunc potius caci sunt,  
cum se aestimant preuidere, quae creator nobis uti-  
liter decreuit abscondere, &c. Concilium Braca-  
rense primum cap. 9. Tom. 2. Conciliorum pa-  
gina 216. Si quis animas & corpora humana fa-  
tali signo (fatalibus stellis) credit adstringi, sicut  
Pagani & Priscillianus dixerunt Anathema sit.  
Ibidem cap. 10. Si qui duodecim signa, id est syae-  
ra, quae Mathematici observare solent, & per sin-  
gula animae, & corporis membra dissipata credunt,  
& nominibus Patriarcharum adscripta dicunt,  
sicut Priscillianus dixit, Anathema sit. Dama-  
scenus lib. 4. de Orthodoxa fide cap. 7. inquit:  
Gentiles aiunt per Astrorum horum, & Solis &  
Lunae ortum, occasum & commixtiones omnia  
dispensari, quae apud nos fiunt. Circa hac enim A-  
strologia versatur. Nos vero dicimus signa ex ipsis  
fieri imbris & serenitatis, frigiditatis & calidita-  
tis, humiditatis & siccitatis, & ventorum & si-  
milium. Nostrorum autem actuum nequaquam.  
Nos enim liberae potestatis a conditore facti, domi-  
ni nostrarum actionum sumus. Si enim ex astrorum  
latione cuncta facimus, ex necessitate ea operamur,

Concilium  
Bracarense.

Damasce-  
nus.



Beda.

qua facimus. Beda lib. 1. in Iob. cap. 12. Volatilia intelligunt damones, qui iuxta viam sata frumenta decipiunt, siue leues & elati homines, vel certe Astrologi, vel etiam Genethliaci, siue illi, quos diuina scriptura Augures coeli appellat, qui sub quodam numero ac cursu, ac nescio qua ratione astrorum commentis suis hominum natiuitates euentusque pertractant, vel nuntiāt, & hac vo-

Haymo.

lucris supputatione reperire se arbitrantur. Haymo super Euangelium de Magis. Legimus quia una eademque hora ex isdem visceribus Rebecca mater duos filios habuit, Esau scilicet & Iacob. Et tamen unus electus, alter vero reprobatus, dicente domino: Iacob dilexi, Esau vero odio habui. Si autem fatum esset scilicet astrologicum, aut uterque electus, aut uterque reprobatus esset. Ex quibus omnibus cognoscimus, quia non fatalis accidentia, sed diuina providentia hominum vitam ordinat atque disponit. Sed solent ad hac Mathematici obicere, quia constellatio fatalis in ictu pungentis fiat. Quibus nos e contrario respondemus: quia homo non ictu moritur, sed nascendi moras agit: Et si fatum credendum esset, tot cogerentur credi fata, quot sunt hominis membra, &c.

III. Auctoritate profana Philosophorum & Politicorum exploditur.

Si hec diuinatrix Astrologia vera esset & certa, sine dubitatione vlla pars esset Philosophiæ omnium nobilissima, & hominibus optatissima & honoratissima: tum propter materiæ, quam tractat, coelum dico & sydera, dignitatem atque præstantiam: tum propter futura-

rum



rum rerum, potissime autem vitæ hominum, & mortis casuum, & euentorum prænotationem, quas res noscendi auidissimi sunt & curiosissimi mortales. At cum ea doctrina omni tempore a quibuscunq; Philosophis præstantissimis, quinetiam Astrologis, contempta, derisa & damnata fuerit; maximum profecto argumentum est, eam futilem & inanem, & ab omni ratione, fide ac probabilitate vacuum ab illis esse iudicatam. Xenophon *in lib. de dictis Socratis*, Xenophon. quod refert etiam Eusebius *li. 14. de preparatione Evangelia*, c. 4. tradit, Socratem dicere solitum, cognitionem futurarum rerum, quæ in Dei potestate sunt, non esse hominibus procurandam: neque enim posse homines eas res cognoscere, nec Deo gratum esse, si quæ ille occultauit, ea mortales velint nimis studiose curioseque rimari. Pythagoras, Democritus & Plato longissimis peregrinationibus susceptis, Persarum Magos, sapientes Chaldæorum, sacerdotesq; Ægyptiorum adierunt; a quibus occultiora quædam, vel ad disciplinas Mathematicas, vel ad religionem, cultusque Deorum pertinentia cognouerunt; diuinatricem autem Astrologiam, vel discere ab illis neglexerunt, vel si eam quoque didicerunt, certe nunquam ea usus esse eos, ex eorum summorum Philosophorum scriptis manifeste perspicitur. Aristoteles qui vir & quantus? Quam solers, quam subtilis & copiosus in doctrina rerum cœlestium? quam cum aliquot libris diligenter explicuerit, nusquam tamē de istiusmodi Astrologia verbum vllum fecit. Cum autem

Pythagoras, Democritus, Plato.



in libris *Meteororum*, & de partibus, atque Generatione *Animalium*, præsertim autem in lib. *Problem.* multarum rerum obscurarum, & mirabilium causas perquirat; ad nullius quaestionis enodationem & admirandi cuiusquæ effectus explicationem, istiusmodi Astrologiæ opera & præsidio est usus. Quin multa sunt in eius scriptis, quæ istam Astrologorum doctrinam omnino conuellant; veluti est illud: *Futurorum contingentium non esse determinatam ac certam veritatem. Quæ per accidens, quæque raro vel ad utrumlibet contingunt, non posse scientia comprehendendi: Versari in rebus humanis casum & fortunam, quæ fugiant certam hominis intelligentiam: Particularium & corruptibiliæ effectuum causas proximas esse & proprias, particulares, atque corruptibiles, ob idque ad perfectam eorum cognitionem, non satis esse, cœlestes & vniuersales causas contemplari: Cœlum non aliter agere in ea, quæ sunt infra Lunam, nisi per motum & lumen. Nec usquam fere indicauit Aristot. præter Solem & Lunam, vim & efficientiam aliorum syderum. Illud quoque docuit decretis Astrologorum valde contrarium, cœlestia signa etiam corporum, & sensilium effectuum, per alias causas auerti & impediri posse. Cicero lib. 2. de Diuinatione, laudat Eudoxum ætate Platonis & Aristot. Principem Astrologorum: item Panæticum, Stoicum, Archelaum etiam & Cassandrum, ac Sylacem Halicarnasæum, Astrologorum sui temporis nobilissimos, qui totam hanc rationem Astrologiæ repudiarunt. Auicenna, qui post*

Cicero.



post Hippocratem & Galenū medicinæ principatū obtinuit, *libro ultimo prima Philosophia* negat Astrologis esse credendum diuinationi Astrologicæ, quia ipsi nec puncta cœlestia teneant, neque naturas rerum inferiorum plane necessarias ad faciendum iudicium de rebus futuris, perspectas habeant: neque nitantur demonstrationibus, sed probationibus Poeticis & Oratoriis. Ptolomæus, quem isti huius artis Principem & ducem sequi se mentiuntur, in *lib. 1. de Iudiciis, cap. 2.* Non est, inquit, putandū, omnia a supernis causis directo derivari necessitate quadam inuiolabili, ut nulla alia vis, quin ita operentur, obistere valeat. Idem tractatu suo, quem vulgo appellant Centiloquium, hoc est, *centum sententiarum*, prima eius sententia sic habet: *Soli Numine diuino afflati prædicunt specialia futura.* Quinta vero sententia huiusmodi est: *Potest is, qui sciens est, multos stellarum effectus auertere, quando naturam earum nouerit, ac seipsum ante illorum euentum rite preparauerit, unde manauit illa multorum sermonib. trita sententia. Sapiens dominabitur astris.* Porphyrus in libris de Oraculis exquisitam rerum futurarum scientiam ex inspectione syderū, nō mortalib. modo sed multis etiam Deorum esse incomprehensibilem. Idem in vita Plotini scribit, eum, cum in ista Astrologia satis multum temporis studii & opera posuisset, deprehendisse tandem, Astrologorū iudiciis & diuinationi futurarum rerum non esse credendum; eamque diuinationem, tum sermonibus, tum scriptis confutauisse. Quod manifestum

Ptolomeus.

Porphyrus.



Tiberius:  
Vitellius  
Diocletia-  
nus, Con-  
stantinus,  
Theodosi-  
us, Valenti-  
nianus, Ju-  
stinianus.

est, cuius legenti eius libros de Fato & Proui-  
dentia, maxime vero eum, qui inscriptus est, *An*  
*stella aliquid agant*. Quoties porro Astrologi  
& Chaldei Roma eiectioni sunt Principe Tiberio,  
Vitellio, Diocletiano, Constantino, Theodo-  
sio, Valentiniano, praesertim autem Iustiniano;  
quibus huius artis studium & exercitatio, non  
solū vt inanis & veritatis expers est iudicata,  
sed etiam vt ciuitatibus, & societati hominum  
noxia & pestilens, semper visa est detestabilis?  
Sed quid attinet in re manifesta, quæ turbam  
testium non desiderat, longiorem orationem  
ponere? Audeo dicere, post hominum memo-  
riam, vix fuisse quēquam vllō tempore, vel ma-  
gnitudine ingenii, vel praestantia doctrinae, vel  
prudētia ciuili excellentia, vel eximia morū  
integritate, vel denique insigni aliquo nobi-  
lem ac memorabilem virū, qui natalitia Chal-  
dæorum praedicta, non quasi meras nugas &  
quisquillas floccifecerit, penitusq; cōtemserit.  
Vulgus modo stolidum, ad intelligendum he-  
bes, infirmum ad iudicandum, facile credulum,  
& noua miraue audiendi & noscendi curio-  
sum, istis nugatoribus & aures & fidem liben-  
ter adhibet. Gaudēt etiam hisce commentis le-  
uissima quaedam ingenia lucri magis, quam ve-  
ritatis cupida, in republica literarum turbulen-  
ta ac seditiosa, & sapientiē optimatibus semper  
infecta, rerumque vtilium, & aliis notarum fa-  
stidiosa, nouarum autem & ignotarum, atque  
adeo etiam incomprehensibilium auidissima: de-  
nique quibus non tam cordi, & curæ est vera  
nosse,



nosse, quam videri vulgo ea ipsos scire, quæ summi Philosophiæ antistites nescire se confitentur.

Haftenus Astromanticæ dissertationis pars prior: sequitur posterior, scilicet obiectionum confutatio.

I. Obiiciunt influentias: *Si non modo in astris, Obiectio r. Et cælo sunt qualitates omnes elementorum, sed et ab influen-*  
*iam occulta vires Et facultates a luce, Et inter se tiis.*  
*diuersæ, mirabilium operum causse, quas influen-*  
*tias dicimus: dubium non est, in hac inferiora, oc-*  
*culte tantarum rerum efficientias influere, de qui-*  
*buis Astrologi loquuntur. Atqui astra non tan-*  
*tum habent qualitates omnium elementorum,*  
*verum etiam aliæ in cælo Et syderibus vires, Et*  
*facultates sunt occulta, Et a luce, Et inter se multũ*  
*diuersæ, mirandorumque operum causse, quasque*  
*influencias dicimus. Ergo non est dubium ullum*  
*tam miranda opera fieri cæli stellarumque vario*  
*positu Et influxu.*

Resp. Nouitium hoc inuentum dicitur ef- Resp.  
 se, nulli veterum, vel Philosophorũ vel Astro-  
 logorum vnquam probatum, ac, si licet ex eorũ  
 scriptis coniecturam facere, ne notum quidem  
 illis. Postquam vero a recentioribus Astrologis  
 influentiæ inuentæ, & palam probatæ, ab aliis  
 quoque doceri & defendi cœptæ sunt, quis ex  
 Lycæo paulo grauior & probatior Philosophus  
 nõ eas repudiavit atque damnauit? Festiue qui-  
 dam *asylum ignorantia* eas appellauit: ad influen-  
 tias enim quasi ad vnicum perfugium sese reci-  
 piunt, & hanc se in latebram coniiciunt, qui-  
 cunq; mirabilem effectum, proprias naturales



causas vulgaribus ingeniis, nec in Philosophia exercitatis occultas, solerter inuestigare ac reperire non possunt. Et vero si admittuntur influentiae, vix dici potest, quantopere debilitatur robur Philosophiae, deteratur eius dignitas, auctoritas eleuetur, minuitur existimatio, denique studium eius apud homines cultusque languescat. Quid enim attinet in occultis rerum causis perquirendis & eruendis praeclara ingenia Philosophorum tanto studio & conatu laborare, cum in proclui sit cuiuslibet effectus ex caelestibus influentiis rationem petere & asferre? quis enim effectus est, cuius naturalis vera causa paulo obscurior & abstrusior est, quae non per istiusmodi influentias nullo negotio liceat explicare? Cur magnes ferrum ad se rapit? confestim respondebitur, quia propria eius influenza caelestis eam illi virtutem indidit. Vnde remora tantulus piscis vim habet sistendi incitatissimum nauigium? in promptu est responsio, nimirum a caelesti quadam influentia, quae tanta pisculum illum vi ac potestate roborauit. Quid moror? nullum erit problema, nihil in natura rerum adeo reconditum, & ab intelligentia nostra remotum, denique nihil de his, quorum peruestigatio summorum Philosophorum ingenia fatigauit & torfit, quod non quouis e circulo Astrologorum & indoctorum hominum vno verbo scilicet per istas influentias expedire queat. Verum labor equidem longius: reuertar igitur ad propositum. Si Saturnus, quia lucidus est per lucem calefacit, quo-



quomodo idē per influentiam frigefacit? nonne absurdum est in eodem astro duas esse facultates, vnā calefaciendi, alteram frigefaciendi, non diuersas modo, verum etiam aduersas & contrarias? Cernimus ita esse natura comparatum, vt omnibus in rebus, in quibus duæ sunt differentię vel proprietates (*ut more philosophico loquar*) vna generalis, & quæ vni rei communis est cum aliis multis, altera specialis & propria eius rei (cuiusmodi sunt in homine, *sentiētē tam esse, rationalem*) vt semper differentia, & proprietas specialis nobilior & perfectior sit generali, vt quæ illam contrahit & determinat nouę perfectionis gradum & rationem ipsi adiungens: sicut patet in prædicto exemplo hominis, in quo rationale nobilius est, quam sentiētiens. At contra omnino se habet res in hac mirabili Astrologorum doctrina. Etenim docent ipsi, in Saturno, exempli causa, duas esse proprietates seu facultates agendi, vnā generalem & communem ei cum omnibus astris, quæ est vis illuminandi, & per illuminationē calefaciendi: alteram specialem & propriam Saturni: quæ ratione differt ab illis astris, quæ est facultas frigefaciendi, vel aliqua alia vis alicuius influentia. Certum autem est, lucem cœlestem multo nobiliorem esse quacunque alia qualitate cœlesti, & facultatem calefaciendi præstantiorem esse facultate refrigerandi. Præterea duas esse in re quapiā facultates & proprietates ei rei naturales, quarum altera, *ut diximus*, sit generalis, altera particularis, inter se contrarias, quales sunt in Sa-

In eodē astro duas facultates esse absurdū est.

Lux cœlestis nobilior quacunque alia cœlesti qualitate.



turno secundū istos potestas calefaciendi per  
lucem, & refrigerandi per influentiam; nec fert  
natura rerum, & id fieri non posse ratio ipsa de-  
cernit. Nam vt in corpore multiformi, & quod  
Græci *Heterogeneum*, secundum diuersas par-  
tes inesse queant contrariæ qualitates & facul-  
tates, quemadmodum cōtingit corpori huma-  
no in cerebro & in corde; id tamen conuenire  
non potest in astrum Saturni, quod est secundū  
omnes partes vnius formæ ac naturæ: neque e-  
nim vna pars eius habet lucem, altera vero in-  
fluentiam, sed vt totum est præditum luce, ita  
conuenit in eo toto esse influentiam. Ne multa  
(*non enim consentaneum est alieno loco de influen-  
tiis aduersus Astrologos subtiliter disputare*) satis  
argumenti est ad tollendas influētias omnium,  
quæ in natura rerum efficiuntur, tametsi noua,  
singularia, & mirabilia videantur, veras, natura-  
les & proprias causas, atque rationes ex duob.  
principiis cœlestibus, quæ omnibus sunt con-  
spicua, & experimentis quotidianis explorata,  
motum dico & lucem, plene cumulateque ac  
probabilissime peti & duci posse. Figuras por-  
ro & effigies stellarum, quas designant Astro-  
logi in Zodiaco, similitudinem reddentes quo-  
rundam animalium vel hominum, magnā vim  
habere in orru cuiusque censent Astrologi; cū  
tamen per se ac natura sua non sint tales, sed so-  
la eorū imaginatione consent, ab ipsis eo mo-  
do confictæ, & figuratæ: possent enim fingi et-  
iam ad similitudinem aliorum animalium, do-  
muum, turrium, mensarum, aliarumue rerum:  
quare



quare valde friuolum & ridiculum est, in eiusmodi figuris quicquam momenti ad diuinandum esse positum existimare.

II. Secundum fundamentum Astrologorū est; *natalitia cuiusque astra esse obseruanda: ex his enim omnes vita casus & euentus provideri & prænotari posse.* Resp. Sed quis non videt, fundamentum hoc esse infirmissimum? Cur enim Astrologi non potius obseruent tempus, & cœli atque siderum statum, quo quisque in vtero conceptus, formatus & animatus est? Cum in eo plus momenti esse videatur ad diuinandum: quippe tunc primum existit homo, & tunc primum vis cœlestis in homine recipitur & imprimitur: Etenim ante ortum per nouem menses quisque fuit in vtero, potestati & actioni cœlorum subiectus. Cur item non considerant Astrologi alias constellationes & defluxus cœlestes, qui contingunt homini sæpius post ortum? Cum plerumque vsu veniat, ut illæ virtutes cœlestes insigniores sint effectui, & valentiores ad immutandum hominem, quam quæ tempore ortus eius fuerunt: effectum enim illum & defluxum astrorum nascenti homini impressum, necesse est variari commutata sæpius humani corporis temperatione, vel ob alias potentes constellationes, vel ob educationem, vel ob variam viuendi consuetudinem & rationem, vel ob leges patrias, ad quarum normam cogitur quisque vitam, mores, studia, & actiones conformare. Quid quod fortasse nihil illius materiæ primigeniæ quam quisque in ortu habuit,

II. Obiiciunt  
tempus natalium.  
Confutatio.



reliquitum fit in extrema etate? Hoc enim visum  
 est & multis & magnis Philosophis. Nec S. 2  
 Thomas in 1. part. quest. ult. art. 1. abnuere vi-  
 detur. Quo concessa vis illius primi defluxus &  
 effectus cœlestis in ortu hominis ei indita &  
 impressa, necessario tandem euanesceat tota, ni-  
 si fingat quispiam eiusmodi virtutem cœlestem  
 migrare ex subiecto in subiectum, tanquam ex  
 domo in domum, mutando domicilia: aut cum  
 presentit interitum suum, aliam pro se sui simi-  
 lem, & quasi vicariam virtutem substituere.  
 Plus autem esse ponderis, aut certe non minus,  
 in conceptu hominis, quam in ortu, magister  
 Ptolemæus. istorum Ptolemæus locuples testis est. Is enim  
 in 3. Apotelesm. ita scribit, *Cum principium tem-  
 porale hominis aliquod statuatur, natura quidem  
 & per se illud erit principium, cum semen utero ge-  
 nitali admittitur, potentia vero & secundum as-  
 cidens, cum hora partus infans egreditur. Qui-  
 gitur horam admissi seminis, vel casu vel observa-  
 tione deprehenderit, illam sequi potius debet in-  
 proprietatibus corporis & animi dignoscendis, cō-  
 siderando quæ sint eo tempore stellarum configura-  
 tiones. Cum enim semel a principio semen ex ambi-  
 entis aeris affectione, certa qualitate disponitur, li-  
 cet per consequentis conformationis tempora va-  
 rietur, quoniam tamen propriam cognatamque  
 materiam naturaliter sibi asciscit, magis etiā pri-  
 me sue qualitatibus dispositioni assimilabitur. Hæc  
 inibi Ptolemæus. Quibus verbis non obscure  
 docet, primum & naturale atque efficacissimū  
 hominis principium, esse seminis admissionē  
 homi-*



hominisque conceptum; atque huic principio potissime insistendum & inhærendum esse ad prænoscentas hominum affectiones & eventus, tam qui ad corpus, quam qui ad animam pertinent. Sed quia bene nouerat Ptolemæus, pũ-ctum illud temporis vel admissi feminis, vel conceptus, vix cognosci posse ab Astrologis; ne illorum iudicia & diuinationes, quas ipsi ducunt ex ortu hominis infirmare videretur, mox subiecit, *Qui autem horam ignorant principii semina-  
nalis, eos necesse est sequi principium natiuitatis.* Haly nobilis Astrologus in eo libro, quem scripsit de *Electiõibus*, ingenue fatetur, efficaciam discernendi, *Fatum hominis esse in hora cõceptio-  
nis: sed quia hoc nescitur ab Astrologis, propterea eos ad horam natiuitatis confugisse.* Quin cum Astrologi premuntur argumento Geminorũ, quorum cum idem sit ortus, dispar tamen eue-  
tus & exitus est; respondere solent, *diuersitatem euentuum, qui sunt in geminis, ex diuersitate con-  
ceptus eorum esse profectam.* Sed vide quousque progressa sit istorum audacia & impudentia: etiam vrbiũ, non hominum modo, facta profi-  
tentur hac arte posse prænosci & prænuntiari: obseruata enim astrorum compositione, quæ fuit cum vrbes conderentur, posse earum ca-  
sus euentusque omnes prospici ac prænotari. Fecit hoc in vrbe Roma rogatu Varronis qui-  
dã Tarutius Mathematicus, *ut in Romulo tra-  
dit Plutarchus: quam historiam libro 2. de Diui-  
natione, his verbis Cicero enarrat, Quidam L. Cicero.  
Tarutius Firmianus familiaris noster, in primis*



Chaldaeis rationibus eruditus, urbis etiam nostrae natalem diem repetebat ab iis Parilibus, quib. eā a Romulo conditam accepimus; Romamque, cum esset in ingo Luna natam esse dicebat, nec eius fata canere dubitabat. O vim maximam erroris! etiam ne urbis natalis dies ad vim stellarum & Luna pertinebat? fac in puero referre, ex qua affectio ne coeli primum spiritum duxerit: num hoc in latere, aut in cemento, ex quibus urbs effecta est, potuit valere? Ita Cicero. Verum, quærerem equidem ex istis Astromanticis, num velint eorum diuinationem etiam in animantibus & stirpibus valere ut in homine? Si negent, prodent scilicet suam inscitiam, & suæ artis infirmitatem, inanitatem atque fallaciam. Cur enim non æqualiter valeat in stirpibus, atque in homine? Imo cur nō plus valeat? stirpes namque multo magis, quam homo, a cœlestium corporum potestate, & efficientia naturali necessitate pendent. Et cum minus multa & varia, atque incerta stirpibus, quam homini soleant accidere, facilius profecto esse deberet eorum diuination, quæ stirpibus, quam quæ homini sunt euentura. Sin vero annuet, similiter in stirpibus, ut in hominibus, valere astrologicam diuinationē; amice rogarem ipsos, ut diligentissime observarent statum cœli & astrorum, eo videlicet tempore, quo vel prunus, vel cerasus, vel pyrus fereretur; aut cum sementis tritici fieret, & ex illa cœli observatione promerent etiam prognostica de illis arboribus, scilicet ut diuinarent, quātam illæ arbores prunorum, cerasorum, & pyrorum



pyrorum copiam essent laturæ: quantus item ex illa tritici semente spicarum, & in singulis spicis quantus granorum numerus esset prouenturus. Hæc si negent a se posse prænosci, fateantur se futura prædicere non posse.

III. Obiiciunt antiquitatem & multitudinem observationum & experientiam.

*Quod firmatum est innumerabilium seculorū experimentis & observationibus constantissimis est comprobatum, id certum est. At Genethliacorū Astromanteia talis est. Ergo est certa. Assumtum probant dicentes, hanc disciplinam profectam esse ab Egyptiis & Babyloniis seu Chaldeis, mortalium omnium antiquissimis: tradit enim Aristoteles in libro 2. de Cælo, textu 60. & extremo lib. 1. Meteororum, Egyptios omnium hominum vetustissimos haberi: & in principio operis Metaphysicorum affirmat, Egyptios omnium hominum vetustissimos Mathematica studia tractare & colere cœpisse. Iactabāt etiam olim Astrologi, Chaldeos quadringenta & septuaginta annorum millia in periclitandis experiendisq; pueris quicunq; nascerentur, posuisse. Resp. Verum adeo inap-  
perito, & in promptu sunt omnibus istorum mendacia, ut a nobis ea vel confutari vel etiam indicari non sit opus. Etenim ab exordio mundi ad hanc diem, nec dum sex millia annorum effluerunt. Ab origine vero gentis Chaldææ, hoc est, post euerfionem turris Babel, facta nempe linguarum diuisione, non sunt adhuc quatuor millia annorum cōpleta. Picus Mirandulanus in cap. 2. libro 12. aduersus Astrologos testes ad*

III. Obiectio ab experientia & multitudine observationum.

Confutatio.

PP.



redarguendam Astrologorum mentitam vetustatem adhibet Hipparchum & Ptolomæum, principes sane astronomiæ; q̄ ubi pro dogmate aliquo constituendo veterum obseruationes afferunt, nullas profecto afferunt vetustiores iis, quæ sub Nabuchodonosoro Chaldaeorum rege apud Ægyptios & Babylonios fuere: ab initio autem Imperii regis Nabuchodonosori ad præsentem annum, qui ab ortu domini nostri agitur millesimus quingentesimus octogesimus octauus, non plus bis mille ducentos & triginta duos annos præterisse constat. Porro commentitiam Ægyptiacarum obseruationum antiquitatem perbelle ridet & redarguit Augustinus in cap. 40. lib. 18. de ciuitate Dei: ita enim scribit: *Frustra vanissima presumptione garrunt quidam dicentes: ex quo rationem syderum comprehendit Ægyptus, amplius quam centum annorum millia numerari. In quibus enim libris istum numerum collegerunt, qui non multum ante annorum duo millia literas magistra Iside dicerunt? Non enim paruus auctor est in historia Varro, qui hoc prodidit. Sic Augustinus. Hanc rationem Phauorinus Philosophus apud Gellium lib. 14. I. paulo enucleatius, certe luculentius, & elegantius tractat his verbis: Si Chaldaeorum isto modo coepta fieri obseruatio est, ut animaduertetur quo habitu, qua forma, quaque positura stellarum aliquis nasceretur: tum deinceps ab ineunte vita fortuna eius & mores, & ingenium & circumstantia rerum negotiorumque, & ad postremum finis etiam vita spectaretur; eaque omnia, ut vsu*  
*vene-*

Augusti-  
nus.

Phauori-  
nus.



venerant, literis mandarentur: ac postea longis temporibus, cum ipse illa eodem in loco eodemque habitu forent, eadem ceteris quoque euentura existarentur, qui eodem illo tempore nati fuissent: Si isto, inquit, modo observari ceptum est, ex eaq; observatione composita quadā disciplina est, nullo id pacto potest procedere: dicant enim quot tandē annis, vel potius, quot seculis orbis hic observationis perfici quiverit. Constare quippe inter Astrologos dicebat stellas istas, quas erraticas dicerent, quae esse omnium rerum fatales dicerentur, infinito prope & innumerabili numero annorum ad eundem locum, cum eodem habitu simul omnes, unde profecta sunt, regredi; ut neque ullus observationis tenor, neque memoria ulla, neque effigies literaria tanto anopotuerint edurare: sic Phaulonius. Ad haec licet Astrologi cognoscere possent singulares vires & defluxus cuiuslibet astri separatim, tamen quam vim habeant sydera, cum defluxus diuersorum astrorum vna coeunt & permiscuntur, vel in caelo, vel in aere, vel in terra, vel etiam cum causis sublunaribus, earumque actionibus, ab ipsis nequaquam sciri potest. Audiat lector Origenem, cuius ex commentariis Origēnes. super Genesim, hanc Eusebius extremo lib. 8. Eusebius. de Preparatione Evangelica citat sententiam: Quae autem, inquit, commistione, compositione, ac temperie diuersorum aspectuum fieri asserunt profecto concedent nullo modo sciri posse. Quomodo enim quantum diminuat de lesione magni aspectus propter aspectum benigni syderis percipies? & utrum auferat malignus, quod a benigno con-



ceditur, quoniam locum eius aspexerit; aut mutet, aut imminuat, aut mistura quadam inde fiat, quis percipiet? quæ omnia si quis altius inspiciat, facile credat non posse ista humano ingenio penitus percipi. Vnde si quis harum rerum periculum fecerit, videbit in pluribus errare, quam veritatē consequi Genethliacos. Quamobrem Esaias etiam quasi hac omnibus impossibilia sint, ad filiā Chaldeorum, qui maxime ista profitentur ait: Ad sint, & saluam te faciant Astrologi, cœli augures annuntient tibi quid euenturum sit. His enim verbis docemur, vel diligentissimos in hac re Chaldeos, non posse prædicere, quæ velit unicuique genti Deus attribuere. Hactenus Origenes. His accedit, multas esse stellas, quæ vel nō clare cernuntur, vel etiam nullatenus cernuntur: earum vero, quæ cernuntur, paucas sibi esse cognitās, per multas vero necdū exploratas fatentur Astrologi: quæ ratione igitur ex paucis astris, quorum vires norunt, tam cōfidenter prænuntiant futura, cum per aliorum syderum, quæ nesciunt influxus, notorū sibi syderum effectus, aut impediri, aut variari possint? Nisi forte astrorum, quæ latent ipsos, nullas esse vires, nullosque defluxus, impudenter & absurde mentiātur. Certe constat inter Astrologos numerari in octauo cœlo mille præterque viginti duas stellas, quarum cum quælibet maior sit terra, necesse est ingentem esse earum vim & potentiā. Huiusmodi stellarum, vel nullam, vel per exiguā notitiam habent Astrologi, quippe cum ars eorū indiciaria fere constet ex Planetarum obseruationibus,



tionibus, in quib. tota propemodum versatur  
& consumitur. Vidit hoc, qua erat perspicacia  
ingenii Seneca, & in lib. 2. *Natural. questionum*,  
cap. 32. eleganter exposuit. *Quid est aliud*, in-  
quit, *quod errorem incutiat peritis natalium*,  
*quam quod paucis nos syderibus assignant; cum*  
*omnia quæ supra nos sunt, partem sibi nostri ven-*  
*dicent? Submissiora forsitan in nos propius vim*  
*suam dirigunt, & ea quæ frequentius mota, aliter*  
*nos, aliter cetera animalia prospiciunt: ceterum &*  
*illa quæ aut immota sunt, aut propter velocitatem*  
*uniuerso mundo parem, immotis similia, non extra*  
*ius dominiumque nostri sunt.* Hæc Seneca.

IV. Obiiciunt auctoritatem verbi Dei?

Si astra sunt certa signa futurorum, ut per va-  
rios aspectus, & coniunctiones præsignificarent,  
quæ consequentibus temporibus, tum uniuerse, tum  
sigillatim euentura essent, non tamen ea efficere. Si  
item cælum est quidam liber, in quo Deus descri-  
psit, quacunque in toto mundani cui cursu suo  
quæque tempore futura sunt; certe Astrologica il-  
la diuination non est improbanda. At vera sunt quæ  
antecedunt. Cap. 1. *Genes.* Deus dixit: Et erunt sy-  
dera in signa: *Esaias* cap. 34. Complicabuntur sicut  
liber cæli. *Psal.* 21. Annuntiabunt cæli iustitiam  
eius. *Psal.* 19. Cæli enarrant gloriam Dei, &c. Sic  
refert etiam, referente Eusebio de præp. *Euang.* O-  
rigenes in tomis suis super *Genesin* citans, Narra-  
tionem quandam Iosephi. Sic etiam differit *Iulius*  
*Sirenius* libro 9. de *faro* cap. 35. qui etiam dicit ab  
hac opinione ne quidem *Augustinum* abhorruisse.  
Ergo, &c. Resp. Astra esse signa rerum futura.

IV. Obie-  
ctio ab au-  
toritate  
verbi Dei.

Cōfutatio.



rum, cenſeo equidem non ſolum eſſe alienum a vera Philoſophia, ſed etiam ſacris literis contrarium. Ac licet complures earum rationum, quas ſuperiori capite tractauimus, etiam valeant ad hoc probandum; nouis tamen aliquot argumentis, quæ proprie eiufmodi ſententiam reſellant, hoc loco vtendum eſt. *Principio*, quod eſt naturale ſignum alicuius rei, id vel eius rei cauſſam vel effectum eſſe, vel vtrumque ab eadem ſuperiori, & cōmuni cauſſa proficiſci neceſſe eſt: nam quod, præter hæc, quartum membrum fingi poſſet, videlicet vt illud ſignum neceſſario ſit coniunctum cum cauſſa rei ab illo ſignificatæ, id non eſt diuerſum a tertio mēbro: talis enim cōnexio & coniunctio non aliter eſſe poteſt, quam vt cauſſa illa prius ex ſe pariat id, quod eſt ſignum: deinde id quod eſt ſignatum; aut vt idem, quod cauſſam excitat, vel admouet ad agendum, ſimul etiam adhibeat & applicet id, quod eſt ſignum ad præſignificandum: vtrumque autem horum ad communem cauſſam refertur. Hinc igitur argumentari licet ad hunc modum: *Si cœli & ſydera ſunt ſigna omnium rerum ſublunarium, vel ſunt earum rerum cauſſa, ſed hoc negat iſta opinio: vel ſunt effectus, quod nec illi dicent, nec ullus hominum ſanę mentis audebit dicere: aut, quod tantummodo reliquum eſt, tam cœleſtia quam ſublunaria ab eadem ſuperiori, & cōmuni cauſſa proueniunt: quemadmodum Iris ſignum eſt ſerenitatis, non quia ſit eius cauſſa vel effectus, ſed quia eadem eſt communis vtriuſque cauſſa. At cauſſam cōmunem cœleſtiū corporum*



corporum & sublunarium, necesse est esse, vel corpoream, vel incorpoream: Corpoream quidem nullo modo, opinor, ponent isti, nullum enim corpus superius cœlis est: relinquitur igitur, ut omnia referant ad causam incorpoream, hoc est, vel Deum, vel Angelos, qui movent cœlos: ita ut, dum Angeli cœlos movent, in ipsorum cœlorum statu habituque, & in syderum positu & conformatione, quasi quibusdam suis nutibus, & tanquam notis atque signis inibi descriptis euenta rerum humanarum prænotent atque præmonstrent. At enimvero id multis de causis non est credibile. Etenim qui sic opinantur, fateri eos oportet, induci homines ab Angelis ad maxima scelera & execranda flagitia. Ad hoc, Philosophia docet, nec non & Theologia idem tradit, Angelorum nullam esse actionem, quam vocant transcendentem, & quæ proxime ab ipsis provenit, aliam quam motum localem; nec Angelos posse quicquam proxime agere, præterquam movere motu locali. Angelos vero, qui circumvolvunt orbem cœlestes, non aliter circa res sublunares operari censent Philosophi & Theologi, quam per motum & lumen cœli; nam influentias a lumine omnino diversas paulo superius sustulimus. Per motum autem, & lumen cœli, omnes futuros effectus rerum sublunarium, clare, distincte, certoque præmonstrari, nemo dicet, qui verisimilia & credibilia loqui velit. Deinde, cum eiusdem causæ duo effectus se invicem necessario indicant, ut ab eadem causâ, sic eodem quoque modo ab illa prole provenire debent: alioquin fieri non potest, ut se invicem certo indicent: a Deo autem & Angelis,



qua in corporibus cœlestibus fiunt, ea necessario  
 inuariabiliter se habet: qua autem in his, quæ sunt  
 infra Lunã, valde mutabiliter, & ut ita loquar,  
 defectibiliter contingunt. Hinc alia quoque sub-  
 texuntur argumenta. Etenim, quomodo astra  
 quæ sunt certo numero comprehensa, & semp-  
 vniusmodi & necessario, ac immutabiliter ita  
 se habent: signa esse possunt omnium rerũ fu-  
 turarum, quæ propemodum infinitæ sunt mul-  
 titudine ac varietate, & inter se plurimũ diffe-  
 rentes atque discrepantes? quomodo eadẽ ly-  
 derũ positura & conformatio, sub qua vel Ge-  
 mini, vel alii quam plurimi eodem puncto tẽ-  
 poris nascuntur, potest esse certum signũ pro-  
 prie & distincte præsignificans tot tamque va-  
 rios ac dissimiles casus & euentus, qui in illis  
 cernuntur? quare si astra sunt signa rerum fu-  
 turarum, earundem quoque causas esse faten-  
 dum est: quod si causas esse negamus, etiam si-  
 gna esse negandum est. Testimonium autem il-  
 lud Esaia productum ex 34. capite, *Cœli sicut li-  
 bri complicabuntur*: quod inter cetera scripturæ  
 testimonia paulo superius commemorata, solũ  
 habere aliquid difficultatis, & nõ nihil negotii  
 facessere videtur; varie interpretatum reperio:  
 ita tamen, ut nulla interpretatio, quæ modo vel  
 probati sit auctoris, vel sit ipsa probabilis, quic-  
 quam illi sententiæ suffragetur. Iustinus mar-  
 tyr respondens ad quæstionẽ 94. Orthodoxo-  
 rum, qua quærebatur, *quemadmodum intelligẽ-  
 dum esset, quod dicitur ab Esaia, fore ut cœlum a-  
 liquando velut liber complicaretur*, sic ait, *Quem-  
 admodum*

Explicatio  
 Testimonii  
 Esaia ex  
 cap. 34.



admodum cœli creationem diuina litera per similitudinem conferunt aliquando cum pelis extensione, dicentes: Qui extendit cœlum sicut pellem, aliquando cum firmato fumo, cœlum, inquit, cœlus firmatum est, aliquando cum rotunditate camerae, qui extendit, inquit, cœlum velut cameram: Sic e diuerso, cœli dissolutionem per comparisonem conferunt cum aliis rebus, ut apud Esaiam cum volumine inuoluendo & implicando, sicut apud Davidem Psalmo 101. cum vestimento veterascente & commutando. Sic Iustinus. Hieronymus vero super illis verbis hæc scribit, considerandum, quod non dicat interire cœlos, sed replicari, siue complicari quasi librū; ut postquam omnia peccata aperta fuerint & relecta, complicentur qui prius aperti fuerant, ut nequaquam ultra scribantur in eis delicta multorum. In scriptura enim dicuntur cœli annuntiare iustitiam Dei, reuelare iram eius, & probare ac testificari hominum scelera. Sanctus Thomas & Nicolaus de Lyra aliter exponunt: Complicabuntur, inquiunt, cœli tanquam liber, hoc est, non exercebunt ultra Ethnici astromantiam suam; nec posthac ex astris diuinare audebunt euenta hominum, quasi legerent in syderibus descriptos casus & euentus futuros. Alii sic interpretantur: Non patebit amplius introitus in regnum cœlorum, sed ianua cœlestis clausa erit. Sunt etiam qui explanent hoc modo, Ministerium & vsus cœlorum atque syderum exhibitus homini ante diem iudicii, postea esse desinet: nam licet non prorsus interibunt cœli, alio tamen statu erunt, & quibus nunc funguntur ministeriis &



obsequiis hominū causa, ab illis post diem iudicii quoquo modo vacabunt: qua vacatio pulcre declaratur ab Isaia similitudine libri, quem posteaquam eo usi sumus, nec amplius nobis usui futurus est, complicare & claudere solemus. Nec displicet mihi interpretatio eorum, qui aiunt, illa similitudine declarari; tantam fore diuine iræ & vindictæ demonstrationem aduersus gentes, de quibus illic Esaias loquitur; tantam rerum omnium perturbationem & confusionem; tantam denique hominum tristitiam dolorem & constitationem; ut præ magnitudine mœroris atque doloris, & præ animi perturbatione & oppressione, videantur hominibus cœlestia lumina restingui, stelle de cœlo cadere, motusque earum conturbari, denique cœlū complicari & recedere: Nā quod hic dicitur complicari, in Apocalypsi dicitur, recedere vel abire. Sic enim habes in capite sexto: *Et cœlum recessit sicut liber inuolutus*. Sed quo planior sit & faciliior ad intelligendum etiam non valde doctis similitudo libri, qua usus est Esaias, sciendū est, apud Hebræos antiquitus libros sacros diuersa forma scribi & compingi solitos esse, quam nunc scribuntur apud nos. Habebant enim vnum duntaxat folium siue membranam oblongam, quæ circa cylindrum siue axem ligneum circumplicabatur, instar lineæ telæ radio textorio circumuolutæ. Videbantur autem huiusmodi libri aliquam referre cœlorum similitudinem & imaginem; quia sicut axem illum ligneum, qui in medio voluminis est, complures ipsius membranæ ceu spiræ, altera super alteram ambiunt & cir-



& circumdant: ita hanc terram, quæ mediū totius vniuersi axem tenet, cœlestes orbes alter super alterum, collocati in orbem circumplectuntur. Verum de testimonio Esaia satis dictū sit; cuius cū tam multæ ac variæ sint expositiones, nulla earum tamen mirificos istos astrorū lectores, interpretes, ac vates adiuuat.

V. Obiiciunt certitudinem suarum prædictionum, quibus euentus respōdeat. *Ea est vera scientia, quæ certa habet præcepta, quibus ipsa praxis optime cōuenit, ubi scilicet prædictiones rerum futurarum, cum rebus ipsis euentisque mirabili consensu congruunt. Atqui inductione exemplorum plurimorum, quæ singulari libro recenset magnificus & nobilissimus ille Rantzonius musarum patronus celeberrimus, probatur prædictionibus plurimorum Astrologorum semper respondisse ipsos euentus, adeoque præcepta Astromantica esse certa.* Ergo. Resp. Si quæ prædictiones Astromantarum veræ fuerunt, credibile est, earū veritatem non ex veritate firmitateq; artis astromanticæ, quam nullam esse satis superque ostensum est: sed aliis ex causis proficisci, quæ autem sint huiusmodi causæ breuibus explicabo. *Prima causa.* Veritas istarum prædictionum nonnumquam provenit ex pacto & societate, quā iniuit Astrologus cum Demone; vel ex occulto eius afflatu & instinctu, quo etiā nescientes homines ad diuinandum instigantur. Hoc tradit Augustinus extremo cap. 7. libro 5. de ciuitate Dei: *Non immerito, inquit, creditur cum Astrologi mirabiliter multa vera respōdent, occulto in-*

V. Obiectio  
a certitudi-  
ne prædicti-  
onum qui-  
bus euentus  
respondit.

Cōfutatio.

Prima caus-  
sa.



Secunda  
caussa.

stinctu fieri spirituum non bonorum, quorum cura  
ra est has falsas & noxias opiniones de astralib. fa-  
tis inferere humanis mentibus atque firmare non  
horoscopi notati & inspecti aliqua arte, quae nullatenus  
est. Sic Augustinus. *Secunda causa.* Astrologos qui  
diuinare futura nonnunquam accidit ex occultis  
ta diuinæ prouidentiae dispositione, quæ, ut in  
4. & 7. lib. *Confessionum* inquit Augustinus, cæ-  
cas & improbas mentes cōsultorum aliquoties  
ignoto quodā instinctu sic agitat, ut nescientes  
proferant, quæ consulentes vel ex eorum me-  
ritis, vel ex abyssu iusti iudicii Dei oporteat au-  
dire. Huc referre etiam conuenit sortes antiquis  
vsitatas, quando videlicet versibus alicuius poe-  
tæ sortito acceptis, quid eis futurum portende-  
retur, inquirebant: quomodo nonnunquā cō-  
tingebant illis carmina, vel præsentibus, vel fu-  
turis negotiis mire congruentia. Non est hoc  
loco in præteritis relinquendum, quod valde  
sapienter & salutariter monet Augustinus in  
lib. 2. *De doctrina Christiana* cap. 22. & 23. Ait e-  
nim permissu Dei nonnunquam vsu venire, ut  
dæmones, vel per ipsos etiam homines multa  
vera prædicant, quod nonnulli eiusmodi diui-  
nationū, etiam cum superstitione, at impietate  
nimium studiosi atque curiosi noxia persuasio-  
ne seducti in maiora & magis execranda flagi-  
tia ita se derelinqui a Deo promeriti præceden-  
tibus suis peccatis prolabantur. Sed præstat hic  
Augustini verba subscribere. *Hinc fit*, inquit, *ut*  
*occulto quodam iudicio diuino cupidi malarum*  
*rerum homines tradantur illudendi & decipiendi*  
pro



pro meritis voluptatum suarum illudentibus eos  
 atque decipientibus prænarratoribus Angelis; qui-  
 bus ista pars mundi infima secundum pulcerrimū  
 ordinem rerum diuina prouidentia lege subiecta  
 est. Quibus illusionibus & deceptionibus euenit,  
 ut istis superstitionibus, & pernitiōsis diuinationū  
 generibus multa præterita & futura dicantur, nec  
 aliter accidant quam dicunt: multa que obseruan-  
 tibus, secundum observationes suas eueniant,  
 quibus implicati curiosiores fiāt, & sese magis ma-  
 gisque inserant multiplicibus laqueis pernitiōsis-  
 simi erroris. Hoc genus fornicationis anima salu-  
 briter diuina scriptura non tacuit, neque ab ea sic  
 deterruit animam, ut propterea talia negaret esse  
 sectanda, quia falsa dicuntur a professoribus eorū,  
 sed etiam si dixerint vobis, inquit, & ita euenerit  
 ne credatis eis. Non enim, quia imago Samuelis  
 mortui Sauli regi vera prænuntiavit, propterea  
 talia sacrilegia, quibus imago illa presentata est,  
 minus exsecranda sunt: aut quia in actibus Apo-  
 stolorum ventriloqua fœmina verum testimoniū  
 perhibuit Apostolis Domini: ideo Paulus Aposto-  
 lus pepercit illi Spiritui, ac non potius illius demo-  
 nii correptione atq; exclusionē mundauit. Omnes  
 igitur artes huiusmodi vel nugatorie, vel noxia su-  
 superstitionis ex quadā pestifera societate hominum  
 & demonum quasi pacta infidelis & dolose ami-  
 citia cōstituta penitus sunt repudianda & fugien-  
 da Christiano. Sic Augustinus. His causis adiu-  
 ciūt quidā alias duas minus fortasse probabiles,  
 non minus tamē frequentes vsuq; compertas. Tertia  
 Tertia causa. Non pauci diuinant non tam pe- causa.



ritia artis astromanticæ, quæ nulla est, quâ singulari quadam sagacis ingenii solertia, & multiplici humanarum rerum peritia vsuque & exquisita eorum hominum, quibus diuinationis negotiorum, morum, studiorum, & ingeniorum obseruatione atque notitia. Etenim quidam sunt, qui perspectis quorundam hominum temperamentis & affectionibus corporum, studiis item, exercitationibus institutis, familiaritatibus, denique virtutibus, aut vitiis, multa euentura eis prouident, ipsique magna asseueratione & auctoritate prænuntiant ac plerumq; diuinant. Ad hoc genus diuinationum pertinet, si quis *Principem tyrannice tractantem ciues, & crudeli dominatu prementem, a suis eum occisum iri prædixerit; hominemque frequentissimum in furtis & rapinis suspendio periturum, religionis contemptorem, falsæque doctrinæ profeminatorem contra veritatem fidei, & ecclesiæ Catholicæ auctoritatem ignis supplicio multatum iri.* Hoc genere diuinationis vsus est Annibal, qui perspecta imperitia atque temeritate Terentii Varronis, & C. Flamminei Romanorum Coss. & Imperatorum, Afris victoriam, Romanis insignem cladē valde fidenter, & asseueranter prædixit, eamque prædictionem mox certaminis exitus plurimis Romanorum militibus interfectis comprobauit. *Quarta causa.* Non raro Astrologorum diuinationo vera existit ob stultam consiliorum credulitatē. Multi namque facillime credunt, quæ dicuntur ipsis, de rebus, quas vel maxime optant, vel timēt vehementer atque perhorrescunt.

Quarta  
causa.



horrescunt. Solet enim eiusmodi credulitas instillare animis consulentium magnam spem rei bonæ a diuinis promissæ, vel ingentem metum iniicere tristitiam, vel acerborum casuum calamitatisque ab illis prænuntiata. Hi autem duo affectus animi cum potentissimi sint ad afficiendum, & commouendum hominem crebro efficiunt, certe multum proficiunt, ut humana negotia ad prædictos fines perducantur. Etenim vehemens quædam spes ardensque desiderium excitant: atque incitant homines, ut ad bona ipsis promissa sedulo se comparent, & omnibus suis opibus viribusque contendant: quo fit, ut ob eam rem plerumque, quo intendunt, optatorum suorum, & alienorum promissorum compotes facti perueniant. Ex aduerso autem metus, pavor, horrorque prædictorum malorum atque calamitatum, sæpe faciunt homines cunctanter ac dubitanter aggredi negotia, timide ac negligenter persequi, & quocumque obiecto impedimento turpiter, & infeliciter deferere, eaque ratione in prænuntiata ipsis mala delabi. Luculenta eius rei exempla reperimus in Romano exercitu, cui (ut scribit *Linus*) cum auguria, & auspicia in secreto inspecta infaustum belli exitum minarentur, auspices & duces, ne militem in arma euntem funesto nuntio consternerent, versis in contrariam partem auspiciis, omnia fausta & triumphalia portendi, & a diis promitti mentiti sunt, quo mendacio utiliter decepti milites alacriter prælium inierunt, fortiter pugnarunt, & hostes, quos auguria victo-



res fore præmonstrabant, feliciter vicerunt. Contra vero cum Nicias dux classis Atheniensium incognita sibi lunæ defectione, portenditur ratus classis naufragium, si ea noctu portum egrederetur, cum stulto metu occupatus oppressusque discessum differt, a Siracusanis cum tota classe captus est.

VI. Instantia.

VI. Instant Astromantæ idem repetentes. Aliquando tamen nostris prædictionibus, & divinationibus euentus respondet, quemadmodum exempla testantur Thaletis, de quo Arist. 1. Polit. Et Democriti de quo Plinius lib. 18. cap. 28. Respons. Hæc dicit Dominus Deut. 13. Si surrexit in medio tui Prophetes sine præfagus, & somniator (ὄνειδος πῖπτος) & prædixerit signum atque portentum, & euenerit quod locutus est, & dixerit tibi: eamus & sequamur Deos alienos, quos ignoras, & seruiamus eis, non audies verba eius, quia tentat vos Deus vester, ut palam fiat, utrum diligatis eum, an non, in toto corde, & in anima vestra. Chaldæos seu Babyloniorum Astrologos, Hebræi vocant *Caschedim*, siue *Caschdim*: quasi dicas *Cen Schedim*, id est, similes Diabolorum. Literam *Schin* Hebræorum, mutant Chaldæi in Lamed. Fuit certe hoc perpetuum Diaboli studium, futura prædicere: neq; is vlla re diuinitatis & maiestatis opinionem prius consecutus est inter homines, quam diuinando & præfagiendo ex astris fuisse petita. Postquam enim Diabolus e cælo summo & inaspectabili fuit deturbatus, alias sibi sedes in cælo aspectabili delegit: & ut Simia operum Dei est, ita sua ex astris procreauit



uit animalia, suos amnes, suos pisces, suas volu-  
 cres, suos arietes, suos tauros, suos leones, suos  
 etiam homines. Quinimo serpentes etiam &  
 dracones, iste antiquus serpens & draco in cœ-  
 lo constituit. Merito igitur Astrologos Hebræi  
 dixerunt *Casdim*, quati diabolorum instar. Sic-  
 ut autem Delphicus ille Pytho *λογα* dedit re-  
 sponsa & ambigua oracula, vt quoquomodo e-  
 ueniret, vera prædixisse videretur: ita etiam A-  
 strologicus & Chaldaicus Pytho, per contrarias  
 astrorum virtutes, & domos duodecim cœli,  
 quas diuersissimarum constituit naturarū, præ-  
 dicit tempestates cœli, & fata hominū: vt quo-  
 quo modo res eueniat, semper habeat, quo mē-  
 dacium excuset. Quid? quod euētus prædictio-  
 num Astrologicarum raro euenit? Quando e-  
 nim Christianorum Chaldæi futuras serenita-  
 tes, aut pluuias ex astris prædicunt, plerumque  
 falluntur sua opinione: ita vt vanitas Astrolo-  
 gorum, iam olim prouerbio locum fecerit, &  
 insuper Astronomicum hoc studium, quod ex  
 motu cœli tempora supputare docet, propter  
 illos Astrologos hodie, in summum contemptū  
 abduxerit. Neq; enim frustra est, quod Alphon-  
 sus scientiæ syderalis peritissimus, & in omnes  
 literatos liberalissimus rex, nullum in aula sua  
 tolerauit Astrologum. Valeat ergo, & careat  
 successibus opto, quisquis ab euentu facta no-  
 tanda putat.

VII. Vrgent amplius. *Annon autem ipse* VII. Instan-  
*Deus euentu comprobauit veritatem oraculorum* tia.  
*Propheticorum de Christo, sicut & Astrologi pro-*

QQ



*bant eādem scientia sua veritatem ab euentu præ-*  
*ditionum?* Respon. Deus per se non prædicat  
futura. Deo enim proprium est dicere, nō præ-  
dicere: & eiusdem dicere est facere. Ipse enim  
dixit & facta sunt: ipse mandauit & creata sunt.  
Nam Deo omnia sunt præsentia. Quare cū pri-  
mis parentibus semen ex muliere promitteret  
Deus, cuius morte cōtereretur caput serpentis,  
ibi statim agnus ille Dei immaculatus ab origi-  
ne mundi occisus fuit, & primi parentes omniū  
beneficiorum, quæ Christus morte sua huma-  
no generi peperit, facti sunt participes. Quod  
autem Deus per Prophetas vaticinatus est (per  
se enim vaticinari nescit) & quod certas homi-  
nibus notas apposuit, vnde Christum possent  
cognoscere: expressis loci & temporis circum-  
stātiis: hoc ipso Deus inseruiuit hominum im-  
becillitati, vt qui Deo aliquid affirmanti fidem  
non possunt habere, nisi aliquo externo signo  
confirmentur. Quare Dei respectu promissio  
de Christi morte, & de morfu serpentis, iā inde  
ab initio mundi vera fuit, licet nōdum esset na-  
tus Christus Bethlehemi, neque passus Hiero-  
solyms. Quod autē euentus postea respondit  
vatum prædictionibus: id non tam veritatē Dei  
(qui per se vaticinari nescit) quam verba homi-  
num, per quos locutus est, comprobauit. Nihil  
ergo exemplū Dei facit pro Astrologis, & pro  
Diabolo Chaldaico. Scimus enim, hunc Caca-  
dæmonum fuisse morem, vt ille simius Pro-  
phetarū suis præstigiis illuderet veris Prophe-  
tis, per falsos prophetas, & per ariolos suos. Sic-  
ut



ut exempla testatur ariolorum in aula Pharaonis & Ægyptiorum, temporib. Iosephi & Mo-  
sis: item in aula Achabi, temporib. Heliae: quā-  
do diserte dicit diabolus: *Egrediar & ero spiri-  
tus mendax, in ore omnium Prophetarum Achab.*  
Item in aula Nabuchodonosoris & Baltasaris,  
regum Babyloniorum, tempore Danielis Pro-  
phetæ.

VIII. Premuntita: *Quid vero ad exempla* Instantia  
*Mosis & Danielis dicturus es, quos constat in o-* VIII.  
*mnibus Ægyptiorum & Babyloniorum scientia fuisse*  
*institutos?* Absit, ut Moysen & Danielelem, sanctis-  
simos Dei homines in præstigiis & supersti-  
tiosis Chaldeorū artibus credamus fuisse edo-  
ctos: multoque minus aliquid illis fidei tribui-  
se statuamus. Quod enim Actor. 7. Moyses dici-  
tur *in omni sapientia Ægyptiorum fuisse erudi-*  
*tus*: id de Astrologia & mathematica non est ac-  
cipiendum: sed de literis Hebræorum, & de iis  
disciplinis, quæ liberales sunt, neque cum ple-  
tate & cultu religionis pugnant. Erant quippe  
illis temporibus adhuc Scholæ, & cætus publi-  
ci, instituti a Iosepho, totius quōdam regni Do-  
mino: in quibus docebatur vera de Deo, eiusq;  
cultu sapientia. Cum autē superstitiones Chal-  
dæorū in eo regno inualuissent, præsertim no-  
uo iam rege, cui Iosephus erat incognitus; ibi  
Deus Moysen excitavit educatum liberaliter, &  
literis instructum: per quem editis libris super-  
stitiones Astrologicas & Chaldaicas oppugna-  
uit, ut docet Glyc. prima part. *Annal.* Nā hoc est  
*οἱ κρείττοις πλεονεξοῦντες τὰς μάταιας* Dei hostes, ut Iulianus de

QQ 2



Christianorum artibus & scholis loquebatur. *Deinde* manifeste videmus, quomodo Moses in  
 conspectu Pharaonis sapientes & diuinatores  
 Aegyptiorum confuderit, & praeftigias illorum  
 detexerit. Quocirca non est credendum, quod  
 Moses eiusmodi superstitionibus animum suum  
 polluerit. Idem de Daniele esto iudicium eius-  
 que sociis, qui a Babyloniorum religione astro-  
 logica & magica tā opere abhorruerunt, ut ne  
 quidem de cibo regis comedere animū indu-  
 cerent. Et sapientia illorum decuplo maior fuit,  
 quam sapientia Chaldaeorum. Maior enim erat  
 intellectus rerum naturae & coeli, qui cum ver-  
 bo Dei, & vero cultu coniungebatur, quā qui  
 illo carebat. Sicut hodie etiam inter Christia-  
 nos longe melius philosophantur, qui Ariste-  
 telis axiomata ad amissim verbi Dei examināt,  
 quam qui contra faciunt. Et diserte addit Da-  
 niel, *futurorum praescientiam sibi soli, atque uni  
 fuisse a Deo concessam.* Verum nihil noui accidit  
 Mose, quod ipse a nostris etiam hominibus in-  
 ter Astrologos recenletur. Nam olim quoque  
 Plinius magica factioni Persicae, & Cypriae ad-  
 numerauit Mosaicam, *lib. 30.* & Cornelius Ta-  
 cit. *lib. 5. histor.* de Mose affirmat, quod is p Deo  
 & Duce caelesti se gesserit. Sed & Strabo *lib. 16.*  
 Mosen in ordinem Astrologorum redigit, &  
 diuinatorem fuisse dicit, qualis fuerit Orpheus,  
 Zamolxis, magi Persarum, & Chaldaei Assyrio-  
 rum. IX. Obiiciunt tandem. *Christus tamen  
 ipse approbat tempestatum prognosticen, cum ex  
 matutina & vespertina aurora tempestatem pra-*  
*dici.*

IX. Obie-  
 ctio.



*dicti posse affirmat, Luc. 12. Respon. Sicut aliud est σοφισμός, & artificiosa de futuro euentu cōiectura, quæ sumitur ex signis probabilibus; & aliud est scientia, quæ ex causis necessariis aliquid demonstrat, necessario aut euenisse, aut euenturū esse: ita longissimo interuallo a se inuicem discrepant signa & causæ ipsæ. Nam aurora matutina, aut vespertina non est causa, vel pluuiæ, vel serenitatis: sed tantum signum aliquod coniunctum cum natura rei, ex quo habitus aeris colligitur atque cognoscitur: quem admodum Medicus ex vrina animaduertit, quæ sit valetudo hominis, & ex eadem, tanquam ex signo, futuram aut sanitatem, aut grauiorem morbum potest prædicere. Nemo autem tam insanus est, vt dicat affectus pulsuum, aut vrinæ colorem esse morbi causam. Ita ex Sole & Luna, quatenus iubar vtriusque diuersas habet in aere apparentias: item ex auium volatu, & similibus rebus, possumus futuras tempestates prædicere, tanquam ex signis, quæ nobis aerem aliter atque aliter affectum esse iudicant. Quo sane pleraque omnia Pliniana & Virgiliana tempestatum Prognostica pertinent. At vero Astronomi euentus suarum prædictionum astris tribuunt, tanquam causis: nempe vim humectandi, siccandi, refrigerandi & calefaciendi, a sua forma habentibus: sicut etiam nonnulli ex recentibus Physiologis in hac re ineptiunt.*

*Sed manum tandem de tabula: Concludamus verbis Nic. Frischlini: Qui omnium horū, quæ a nobis huc vsque contra Astrologos, dicta di-*

QQ 3



sputataq; sunt, confirmationem habere cupiet, is le-  
 gat S. Biblia, D. Basilium, D. Chrysostomum,  
 Nazianzenum, Theodoretum, Augustinum,  
 Ambrosium, Lactantium, Eusebium, Hieronymum  
 Saanenrolam: & ex veteribus Philosophis, Plato-  
 nem, Aristotelem, Hippocratem, Galenum, Cel-  
 sum: ex recentioribus, Caelium Rhodiginum, Pi-  
 cum Mirandulanum, Angelum Politianum, L.  
 Vinem, Manardum, Fuchsum, Valleriolam,  
 Langium, Iacobum Schegkium, Th. Erastum sin-  
 gulos suis in locis a me citatos: & in libris ex pro-  
 fesso contra vanitatem Astrologorum scriptis. Eā-  
 dem quoq; artem Astrologicam Lutherus docuit  
 esse Diabolicam: & Calvinus contra eandem librū  
 peculiarem edidit. Neque est, ut vel temporis lon-  
 ginitatē, quo duravit Astrologia, vel hominum  
 consentientium multitudinem mihi obiciat qui-  
 spiam. Nam auctoritatem huic arti maximam &  
 fuisse & nunc quoque esse non miror: quandoqui-  
 dem sola artium, tres alias imperiosissimas huma-  
 nae mentis complexa, in unam se redegit. Natam  
 primū medicina nemo dubitat: ac specie saluta-  
 ri irrepsisse, velut altiore sanctioreque, quam  
 medicinam: ita blandissimis desideratissimisque  
 promissis, addidisse viros religionis: ad quas ma-  
 xime etiamnum caligat humanum genus. Atq; ut  
 hoc quoque suggererit, miscuisse artes mathemati-  
 cas, nullo non audio futura de sese sciendi, atq; ea e  
 caelo verissime peti credente. Itaque possessis hominū  
 sensibus, triplici vinculo in tantum fastigii adole-  
 uit, ut hodieq; etiā in magna parte gentium pre-  
 ualeat: & id Oriēte regib. imperet (Plin. lib. 30. c. 1.)  
 • Atque



Atque hæc de Astrologia, Chronographia,  
& Astromantia Physice disceptata, adhibito  
variorum tum veterum, tum recentiorum iu-  
dicio philosophorum: Memineris vero, Can-  
dide Lector, hominē me humani quid, in tam  
ardua cœlestium corporum contemplatione  
pati potuisse, volui prodesse & delectare, varie-  
tate iudiciorum, candore libertatis, sed verita-  
tis obseruante. Tuum legentis iudicium libe-  
rum esse vis, & meum scribentis scilicet libe-  
rum iudicium esse velis. Fruere veris, lapsibus  
ignosce, conatui faue; dante D E O, plura dabo.  
Qui DEVS Iehoua collustret mentes nostras ra-  
diis piæ veritatis, vt sincere philosophantes  
D E I & veritatis gloriam amplificemns,  
& vasa simus gloriosæ gratiæ  
D E I, Amen.


F I N I S.






ome Trust, London.











TABVLA ADVMBRANS METHODVM NVIVS  
Commentationis Astrologicae.

